



DIRITTO  
ECCLESIAST

161

K

30.

BIB. NAZ. NAPOLI

BIBL. NAZ.  
VITT. EMANUELE III

161

K

30

NAPOLI



















# SECUNDA PARS

EXAMINIS DECRE-  
torum Concilij Triden-  
tini:

AVTORE MARTINO KEM-  
nitio.



1. Ioh. 4.

Nolite omni spiritui credere, sed probate spiri-  
tusnum ex Deo sint: quoniam multi pseudo-  
prophetae exierunt in mundum.



**IN SECVNDA PARTE**  
**huius Examinis explicantur**  
**hi loci:**

- De Sacramentis in genere.**
- De Baptismo.**
- De Confirmatione.**
- De Eucharistiae Sacramento.**
- De Communionem sub utraque specie.**
- De Missa.**
- De Poenitentia.**
- De Contritione.**
- De Confessione.**
- De Satisfactione.**
- De extrema Vnctione.**
- De Sacramento Ordinis.**
- De Matrimonio.**

**ILLV.**

ILLVSTRIS PRIN-

CIPi AC DOMINO, DOMINO

*Iohanni, Marchioni Brandenbur-*  
*gensi, Stetini, Pomerania, Cassubio-*  
*rum, Sclauorum, Silesia & Grosso-*  
*rum, &c. Duci, Burggraui Noriber*  
*gensi, & Rugia Principi, &c.*

*Domino suo clemen-*  
*tissimo:*

Gratiam salutem ac pacem à Deo patre, per  
Dominum nostrum Iesum Christum, uni-  
cum magistrum, autorem & con-  
summatores fidei  
nostræ.



ILLVSTRISsIME Prin-  
ceps ac Domine, Domi-  
ne clemētissime: extat in  
epistola iii. Augustini sen-  
tētia, saluberrimam esse in Ecclesia,  
Conciliōrum autoritatem. Quæ si  
intelligatur de legitimis & ueris con-  
cilijs



# EPISTOLA,

cilijs, ubi ipsa uox doctrinę cęlestis, in Scripturis Propheti-  
cis & Apostolicis patefacta & consignata, iudex est, & de controuersijs pronun-  
ciat, omnino uerissima est. Neq; e-  
nim Ecclesia Dei, motis pręsertim  
de religione controuersijs, talis cę-  
tus est, ubi nulla fiat de controuer-  
sijs ex uerbo Dei inquisitio, nulla  
sententiarum collatio, nulla dogma-  
tum dįudicatio: sed quisq; fingat &  
pręsumat sibi peculiarem, quam am-  
plecti & tueri uelit, sententiam. Si-  
cut de suis Cyclopibus Silenus a-  
pud Euripidę inquit: *Νομὰ δὲ τοῦ ἀνθρώπου  
οὐκ ἔστιν ὁ δὲ τοῦ θεοῦ ὁ δὲ τοῦ θεοῦ* aut sicut Ammia-  
nus de Iuliano apostata scribit, quod  
conuocatis diuersarum sectarũ pro-  
fessoribus, non pręconis, sed sua ip-  
se uoce proclamaret, ut tantũ ciui-  
lib. discordijs sopitis, religioni quis-  
que suę, nullo uetante, tanquã re-  
ginę suę seruiret intrepidus. Sed i-  
deo Deus Ecclesiam uoluit esse *ἑνωμένην*, hoc est, communionem seu  
con-

## D E D I C A T O R I A.

consociationem, in qua multa & uaria ad ædificationem corporis sui distribuit dona: ut instituta de contro- uersis inquisitione, doctiores in uerbo Dei, fontes & fundamenta ueræ sententiæ alijs ita præmonstrent, ut spiritu corda illustrâte, ipsi agnosce- re & intelligere possint, quæ senten- tia ut orthodoxa sit amplectenda: quæ uerò opiniones, ut peregrinæ & falsæ sint fugiendæ & damnan- de: ut ita errantes in uiam reuocen- tur, infirmi confirmantur, & turbato- res puritatis fonticulorum ciuitatis Dei, non humanis præiudicijs, sed ipsa cœlesti uoce, in Scriptura consi- gnata reprimantur, & nisi in uiam re- deant, damnentur.

Hæc uerò Ecclesiastica iudicia, nō habent auctoritatem Prætoriam, ut definitionibus suis, ratione ordinis, loci, dignitatum & personarum, uel possint uel debeant fidelium consci- entias constringere: sed hæc tota est auctoritas definitionum Ecclesiasti-

\* ; carum

## EPISTOLA

earum, si illarum certa, firma & perspicua fundamenta, in Scriptura ita possunt monstrari, ut fideles agnoscere & iudicare possint, esse non adulterinam uel alienam, sed ipsam ueri & boni pastoris nostri uocem. Hoc modo prima Apostolica synodus, Actorum decimo quinto, controuersiam de operibus legis, ex uerbo Dei definiuit. Et postea definitionem suam non obtruserunt Ecclesiis nuda autoritate, quasi Prætoria, sine explicatione fundamētōrū, & sine cōfirmatione ex uerbo Dei: sed ideo Iudas & Silas, cum decretis Apostolicæ synodi, missi sunt ad Antiochenam Ecclesiam, ut dogmatum illorum rationes redderent, & uerbo Dei confirmarent. Acto. 15. Ita enim Ecclesia certa redditur, se non hominū placita, sed ipsius Spiritus sancti iudicium amplecti & sequi. Talium Conciliorum uerè saluberrima est in Ecclesia autoritas: illis Ecclesia, tanquam uoci cœlesti, merito



## D E D I C A T O R I A.

meritò debet summa cum reuerentia obedientiam, iuxta dictum: Qui uos audit, me audit: & qui uos spernit, me spernit. De huiusmodi Concilijs, pius Imperator Martianus lege cauit, idē rectē: Ne quis in Synodo semel iudicata, & rectē disposita, disputando reuoluat: nec post ueritatem repertam, mendacium quærat. Quia uerò Scriptura affirmat, non omnes congregationes esse Concilia iustorum: sed esse quædam Concilia impiorum, Psalmo primo. quædam malignantium, Psalmo uigesimo secundo. quædā uanitatis, Psal. 26. testatur etiam, multa sæpe in Concilijs impia decreta fuisse: ut in Concilijs Pontificum contra Micheam, Ieremiam, Christum, & Apostolos. Christianæ igitur prudentiæ & religionis, est, non statim & temere sine examine, sine inquisitione & diiudicatione, quæuis decreta quæ Concilij titulo circumuestita, Ecclesiæ pponuntur, amplecti & sequi.

## EPISTOLA

Si enim Concilij alicuius de dogmatibus definitiones, de quib. nec querimus, nec intelligimus, nec agnoscimus, an uerbo Dei cōsentaneæ sint, tantum propter nomen & autoritatem Concilij, tanquam ipsius Spiritus sancti uocem amplectimur: iam fides nostra non super fundamentū Prophetarum & Apostolorum, ipso summo angulari lapide Christo, de quo pater ē cælo clamauit, Hunc audite, extructa est, Eph. 2. sed fluxæ & instabili arenæ humanæ autoritatis innititur. Scriptum autem est: Vniuersa uanitas, omnis homo. itē: Omnis homo mendax. Ideo Ecclesia nō tantum libertatem habet dñjudicandi, 1. Cor. 2. Spiritualis dñjudicat omnia. & 1. Cor. 14. Cæteri dñjudicent. sed habet seuerissima mandata Dei, 1. Ioan. 4. Nolite omni spiritui credere, sed probate spiritus, num ex Deo sint. 1. Thes. 5. Omnia probate, & eius quod bonum fuerit, tenaces estote. 1. Ioan. 10. Oues meæ uocem meam audi-

## DEDICATORIA.

audiunt, alienam non sequuntur. Matth. 7. Attendite ab illis pseudo-prophetis, qui in uestimentis ouium ad uos ueniunt.

Hac libertate usus Hieronymus, non ueretur pronunciare: Spiritus sancti doctrina est, Canonicis literis prodita: contra quam si quid statuant, Concilia, nephas duco. Augustinus contra Cresconium lib. 2. cap. 21. Quia Paulus dicit, Ecclesiam subditam esse Christo: non igitur debet se Christo preponere, cum ille semper ueraciter iudicet, Ecclesiastici autē iudices, sicut homines plerumque fallantur.

Nec uerò ad Conciliorum contumeliam pertinere existimandū est, si decreta illorum ad normam uerbi Dei exigantur & examinentur. Ipsa enim Concilia debent hoc Ecclesie, ut decretorum suorum rationē reddant, monstratis certis, firmis & perspicuis in Scriptura causis & fundamentis, quibus conscientia etiam il

\* s      lorum

## EPISTOLA

lorum qui hæc per se inquirere & diiudicare nō possunt, ita erudiantur, ut agnoscant & intelligant, se nō hominum præiudicia, sed ipsius Spiritus sancti iudicium, cuius norma & regula in Scriptura consignata est, amplecti & sequi. Elegans & vera est Tertulliani sententia, quæ rectè huc accommodatur: Lex quæ se probari non uult, meritò suspecta est: & si non discussa & probata dominetur, improba est: cum nulla lex sibi soli conscientiam suæ iusticiæ debeat, sed eis à quibus obsequium expectat.

Ita in capitula Ephesini concilij, priusquam ab omnibus reciperentur & approbarentur, multi doctissimi uiri, inter quos etiam fuit Theodoretus sapiens appellatus, inquisiuerunt, examinantes ea ad normam Scripturæ, ne aliquid reciperent uel approbarent, de quo non possent certas & euidentes ex Scriptura rationes reddere & monstrare, quod esset



## DEDICATORIA.

esset uerbo Dei cōsentaneum. Nec Cyrillus detrectauit decreta illa declarare, & Scripturæ testimonijs cōprobare & confirmare.

Et quidem hanc curam Christiani Imperatores, ad se etiam pertinere iudicarunt. Ita Constantinus ad synodum Tyri collectam, quæ iam decreta sua promulgarat, scribit, apud Sozomenum libro secundo, capite uigesimo octauo: Volo ut properanter ad reuerentiam meam ueniat, ac gestorum uestrorum rationem per uos ipsos reddatis. Socrates libro primo, capite trigesimo quarto, uerba Constantini ita recitat: Oportet uos festinanter ad meam uenire pietatem, ut declaretis & ostendatis, quàm diligenter, syncerè & rectè iudicaueritis, & cuncta gesseritis. Et Cōstantius apud Sozomenum libro 4. capite 16. ea conditione synodum indicit, ut postea ad aulam uenientes, quæ decreta essent exponerent: ut & ipse Imperator confide-

## EPISTOLA

consideraret, an secundum Scripturas inter se conuenissent: & de rebus agendis, quę optima uiderentur determinaret, &c.

Hęc propter Tridentinā synodū, quę hoc ipso mense ante biennium absoluta est, recitare uolui. Sicut enim iniuste Pōtifex ab Ordinibus Germanici imperij postulauit, ut sine conditione, qualiscunque futura esset Decretorū ratio, Cōcilio se submitterent: ita nunc impiē flagitat, ut omnes sine necessaria dīiudicatione, quę consistit in inquisitione & examine, ad regulam ac normā uerbi Dei, quę in Scriptura nobis consignata est, simpliciter amplectantur & sequātur Decreta, quę in Trīdētina synodo promulgata sunt: cū de singulis fermē quę ad dogmata pertinent, ostendi possit, quòd non obscure, sed quasi aduersa fronte repugnent & Scripture, & puriori antiquitati.

Multum autem refert, extare ueras

## D E D I C A T O R I A.

ras & perspicuas declarationes, q̃  
 impia illa decreta Tridentinæ syno-  
 di, non ex petulantia, non odio ueri-  
 tatis, non contentionis studio, nec  
 dissentiendi libidine repudiemus &  
 damnemus: sed quòd eius rei habea-  
 mus ueras, iustas & grauissimas cau-  
 sas & rationes: quia scilicet Examen  
 istorum Decretorū, ad normā Scri-  
 pturæ institutū, clarè & planè osten-  
 dit, Decreta illa nihil aliud esse, quā  
 deprauationem doctrinæ cœlestis,  
 patefactæ nobis in Scriptura, & cō-  
 firmationem omnium errorum, su-  
 perstitionū, & abusuū regni Pon-  
 tificij: quorum emendatio, ad nor-  
 mam uerbi Dei à multis annis flagi-  
 tata, promissa & expectata fuit: sed  
 frustra, & in uanum, sicut iam res ip-  
 sa ostendit. Hac de causā, & in hūc  
 usum, data mihi ab Andradio Lusit-  
 ano, (sicut in prima parte explica-  
 ui) occasione, institui simplici ora-  
 tionis filo, Examen Decretorum &  
 Canonum Tridentini concilij: &  
spero

## EPISTOLA

Spero plures fore, qui hac in re o-  
 peram suam Ecclesiæ splendidius,  
 eruditius & felicius præstent. E-  
 go qui aurum & gemmas non ha-  
 beo, uel pilos saltem caprarum iu-  
 xta Hieronymi dictum, ad constru-  
 ctionem & conseruationem taber-  
 naculi Dei in terris, conferre uo-  
 lui. Simpliciter autem doctrinam  
 nostrarum Ecclesiarum recitauit: &  
 ostendi, quomodo ad eius oppres-  
 sionem, tanquam ad scopulum, Tri-  
 dentina iacula in singulis uerbis di-  
 recta sint: contuli singula ad state-  
 ram Dominicam, quæ in Scriptu-  
 ra sacra à Spiritu sancto nobis præ-  
 formata est. Plusculum autem la-  
 boris infumendum fuit in expli-  
 candis testimonijs ueræ & purioris  
 antiquitatis, cuius falsa specie &  
 uano prætextu, multorum simpli-  
 ciorum animos fascinant & decipi-  
 unt. Et inter examinandum, mira-  
 biles fraudes & insidias in Decre-  
 tis illis deprehendi, quæ ad pri-  
 mam



## DEDICATORIA.

nam inspectionem non statim se offerunt. Sed de toto hoc scripto, quod mediocri labore mihi constitit, ueræ Ecclesiæ Dei, & æquis lectoribus iudicium permitto : studium enim & uoluntatem Deo probari, non dubito.

Vestræ autem Celsitudinis nomini, illustrissime Princeps, alteram hanc partem Examinis Decretorum & Canonum Tridētinī Concilij, dedicare & inscribere uolui. Complectitur enim explicationem illorum decretorum, quæ facta & promulgata sunt non multo post illud tempus, cum anno Domini 1543. Ordines imperij, post propositam Chymeram formulæ interreligionis, cogerentur Decretis futuri Concilij sine conditione se submittere. Extat autem in publicis historijs ad sempiternam memoriam, & à grata posteritate magis celebrabitur, heroicum illud uerè Christianæ constantiæ exem-

## EPISTOLA

exemplum, quòd periculosissimis temporibus, rebus ubiq; propter aduersariorum potentiam nutantibus, cum omnes fermè Augustanæ confessionis doctrinam profitentes, languidius & timidius agerent, Celsitudo uestra magno & excelso animo, publicè contestata est, se bona conscientia Decretum de interreligione laudare non posse, nec illud probare quod postulabatur, ut sine exceptione decretis futuri Cōcilij omnes se submitterent. Arbitratus itaque sum, non ingratam Cels. uestre fore lectionem explicationis illorū decretorū, quæ post triste illud tempus exultantibus, atq; adeò passim triumphantibus aduersarijs, in Tridentino concilio promulgata fuerunt. Ita enim Cels. uestræ in memoriam reducetur imago tristissimi status Ecclesiarum illius temporis: & grato animo Cels. uestra agnoscet & celebrabit singulare illud beneficium Spiritus sancti, cuius ductu & instin-

## DEDICATORIA.

instinctu factum est, quòd Cels. uestra tunc in futura illa decreta noluit consentire. Et non dubito, propter Cels.uestre illustre nomen, quod ex illo memorabili constantiæ exemplo, pñs omnibus celebre & gratū est, plures eo libentius hasce explanationes lecturos. Demissè itaque oro, ut Cels. uestra, animo beneuolò & uultu placido hasce explanationes, quas multi existimant Ecclesiæ non inutiles fore, suscipiat. Memini enim, Cels. uestram ante decenniū, lucubratiunculas quasdā mathematicas à me & flagitasse, & clementer suscepisse. Cumq; tunc subsidio nō cōtemnendo, Celsitudo uestra studia mea iuuerit: iudicaui æquum esse, ut publica aliqua significatione, animi mei gratitudinē, Celsitudinē uestræ declararem. Deum patrem Domini nostri Iesu Christi oro, ut Spiritu suo sancto, Celsitudinē uestram, & omnes qui ad reipub. gubernacula sedent, gubernet: & in

EPISTOLA

Ecclesia, postremis hisce periculo-  
sissimis temporibus, lucē uerbi sui,  
peculiari suo beneficio accensam  
conseruet, nec Tridentinis insidijs  
& fraudibus extingui patiatur.

Brunsuigæ. 18. Decembris,

anno Domini

1 5 6 6.

Celsitudinem uestram

demissè & reuerenter  
colens,

Martinus Kemnicus



EXAMEN SECVN-  
DAE PARTIS DECRETORUM  
Concilij Tridentini, de  
Sacramentis, &c.



**I**N prima Apostolica Synodo Actorum 15. illa pars doctrinae, de qua tunc, propter motas controuersias instituta erat *οὐκ ἔγνω*, ex ipsis fontibus Scripturae Propheticae & praedicationis Apostolicae (quae postea, sicut Ireneus, inquit, per Dei uoluntatem, ut esset fundamentum & columna fidei nostrae, in literas relata est) ita explicabatur, ut monstratis firmis & perspicuis uerae & sanae sententiae fundamentis, ratio redderetur, quare aliae dissentientes & contrariae opiniones, abiiciendae & damnandae essent. Et ipsam quidem sententiam postea paucis & succinctis capitulis (quae *ἀποκρίματα* Acto. 15. appellabant) comprehensam ecclesijs proponebāt, simul tamen etiam fundamenta, rationes & confirmationem suorum decretorum, prolixè & perspicuè explicabant: ut scilicet Ecclesiae ex uerbo Dei constaret certa ratio, quid & quare amplectendum, quid fugiendum esset.

Fecisse hoc Iudam & Silam Antiochia, testis est, Lucas Acto. 15. Et quod Paulus in Epistolis ad

#### 4 EXAMEN DECRETORVM

Romanos & Galatas magno conatu & multis argumentis agit, idem ipsum in alijs Ecclesijs uiua uoce fecisse, non est dubium. Quod enim uerbis docebant (se scilicet non dominari fidei Ecclesie, 2. Cor. 1. sed paratos se esse semper ad apologiam omni postulanti rationem. 1. Pet. 3.) idem facto & exemplis comprobabant.

Hanc Apostolicam rationem ueteres etiam Patrum Synodi secute sunt, sicut historia Nicenae, Constantinopolitanae, Ephesine & Chalcedonensis synodorum utrunq; describunt, & decreta seu Canones, & quomodo controuersie in utramque partem disputate, & ex quibus tandem fundamentis, iuxta regulam Scripturae determinate fuerint. Quanquam de multis alijs Synodis nudi tantum canones seruati sunt, neglecta uel suppressa explanatione causarum & fundamentorum, quae res Ecclesiae magis obsuit, quam profuit. Quia enim intelligentia dictorum, iuxta Hilarij sententiam, ex causis dicendi sumenda est, saepe à posteris, Canones minus dextrè intellecti, saepe uerò etiam à pia & natiua sententia, ad peregrina & adulterina dogmata stabilienda cōtorti sunt, & demum praetextu Tituli Canonum promiscuè par autoritas paulatim arrogata fuit, omnibus decretis & canonicis, sine inquisitione, siue haberent, siue non haberent, certa firma & perspicua uerbi Dei fundamenta. Et inde tandem extructa est Pontificia illa tyrannis,

## CONCILII TRIDENTINI. §

tyrannis, quæuis decreta, & quosuis canones, prohibidine & pro imperio, sine ullis Scripturæ documentis, Ecclesiæ obtrudendi. Quæ ratio tandem in flagitiosam impudentiam, dignam fronte meretricis Babylonicæ desijt. Extant enim in publicis scriptis, & à multis notatæ sunt prodigiosæ Canonistarum uoces:

Quòd Papæ potestas sit absoluta, & eam habeat ut uult.

Quòd habeat uoluntatem pro ratione, in his quæ uult.

Quòd nemo debeat ei dicere, Cur ita facis?

Quòd sit supra ius: & extra ius omnia possit.

Quòd possit dispensare cōtra 4 prima Concilia: item contra uerba Euangelij, licet non contra mentem.

Quòd contra Epistolas Pauli possit statuere, &c.

Ab hac uerò mōstrosa planè impudētia, Tridentina synodus initio aliqua modestiæ significatione simulauit, se uelle discedere. In Quinta enim & Sexta sessionibus, speciem qualemcunque prætenderunt, quasi decreta sua, nō Babylonica ista, de qua dictum est, autoritate, Ecclesiæ obtrudere: sed ex uerbi Dei fundamentis extruere & comprobare uellent. Sed quia experti erant boni patres, quantum laboris & molestiæ esset, etiam sine aduersarij alicuius contradictione, de fundamentis doctrinæ Pontificiæ, tractationē instituere: cum quidem

## 6 EXAMEN DECRETORVM

illa ipsa qualiscunq; de fundamentis uelitatio, in=  
 firmitatem, imò sceleratam & abominationem do=  
 gmatum in regno Pontificio, plenius ostentaret.  
 Vbi igitur ad 7 sessionem, in qua doctrina de Sa=  
 cramentis pertractanda erat, uentum est, existima=  
 runt labore illo, cum quidem Pontificia ista mate=  
 ria, ne speciem quidem iustæ inquisitionis sustine=  
 re posse uideretur, sibi supersedendum esse: solis  
 enim & nudis anathematis pro iure priuilegio=  
 rum sedis Romanensis, 2. Thess. 2. facilius & tu=  
 tius, quàm monstrâdis fundamentis, & reddendis  
 rationibus rem posse peragi. Serò enim forsân re=  
 cordati sunt eius, quod prudentia Magistrorum  
 nostrorum Parisiensium, anno Domini 1521. con=  
 tra Lutherum censuit, legem scilicet definiendi in  
 ecclesia Pontificia hanc esse, ut quid sentiant pau=  
 cis explicent rationibus cur ita definiât, nullis scri=  
 pto mandatis: qualis scilicet in foro ratio est in sen=  
 tentijs prætorijs. Minus igitur facilis & expedita  
 erit ratio examinis in hac secunda parte. Petendæ  
 enim erunt rationes & explicationes ex lacunis  
 disputationum, quæ extant apud scriptores Scho=  
 lasticos & Pontificios. In quibusdam sanè Andra=  
 dij explicationes examen nostrum iuuare pote=  
 runt. Sed is non omnes locos pertractauit. Spe=  
 ro autem fore, ut quo est candore Andrædius, qui  
 dissimulare nescit, hac occasione plenius aliquan=  
 do nobis explicet, quæ rationes in publicis delibe=  
 rationibus,



## CONCILII TRIDENTINI. 7

rationibus, & in priuatis Synodi congressibus, de articulis sequentibus agitatae fuerint: utile enim hoc futurum est, ad omnem posteritatem. Nec poterit hoc uel Andradius, uel reliqui qui Concilio isti interfuerunt, detrectare: extat enim illustre exemplum Cyrilli, in Ephesina Synodo, qui post editos canones non detrectauit, nec erubuit explanationes edere, in quibus ex uerbo Dei rationem redderet τῶν ἀναβιβαστικῶν. Deo igitur bene iuuante & fortunante, ad examen reliquae partis Decretorum concilij Tridentini accingemur.

DE VOCABVLO SACRA-  
 menti: item de numero & descriptione  
 Sacramentorum in nouo  
 Testamento.

DECRETVM DE SACRAMENTIS  
 Ecclesiæ, publicatum in sacrosancta  
 Oecumenica & Generali Tri-  
 dentina Synodo, Ses-  
 sione VII.

**A**D consummationem salutaris  
 de iustificatione doctrina, quæ  
 in præcedenti proxima sessione, uno  
 omnium Patrum consensu promul-  
 gata fuit, consentaneum uisum est, de  
 sanctissimis Ecclesiæ Sacramentis a-  
 gere: per quæ omnis uera iusticia uel  
 incipit, uel incepta augetur, uel amis-  
 sa reparatur.

Propterea sacrosancta œcumeni-  
 ca & generalis Tridentina Synodus,  
 in spiritu sancto legitime congregata  
 præsi-

## CONCILII TRIDENTINI. 9

præfidentibus in ea eisdem Apostolica sedis legatis, ad errores eliminandos, & extirpandas hæreses, quæ circa sanctissima ipsa Sacramenta, hac nostra tempestate, tum de damnatis olim à Patribus nostris hæresibus suscitata, tum etiam de nouo adinuenta sunt, quæ catholica Ecclesiæ puritati & animarum salutis magnopere officiant, sanctarum Scripturarum doctrina, Apostolicis traditionibus, atq; aliorum conciliorum et Patrum consensui adherendo, hos præsentis Canonis statuendos & decernendos censuit: reliquos qui supersunt ad cœpti operis perfectionem, deinceps diuino spiritu adiuvante editura.

### Canon I.

Si quis dixerit, Sacramenta nouæ legis non fuisse omnia à Iesu Christo

# 10 EXAMEN DECRETORVM

*Domino nostro instituta, aut uel plura uel pauciora quàm septem, uidelicet Baptismum, Confirmationem, Eucharistiam, Pœnitentiã, Extremam unctionem, Ordinem, & Matrimonium: aut etiam aliquod horum septem non esse uerè & propriè Sacramentum, anathema sit.*

## EXAMEN.

Nostrum in apologia Augustanæ cōfessionis publice professi sunt, se non magnoperè rixari de uocabulo Sacramenti, aut de numero, cum appellatio sit ἁγῶνος: quæ etiam apud ueteres ab alijs aliter, modò latius, modò angustius accepta & descripta fuit: si modò hoc seruetur, ut res illæ, quæ in Scriptura, siue cum peculiaribus ritibus, siue absq; ritibus, habent mandatum Dei, & promissiones, retineantur: & quidem eo modò tractentur & usurpètur, sicut in uerbo Dei traditæ sunt: siue Sacramenta appellentur, siue non.

Secundò, ut ritus illi qui habent expressum mandatum Dei in Scriptura, & additam claram promissionem gratiæ, quæ noui Testamenti propria est, accuratè discernantur à reliquis rebus, quæ habent quidcū mandatum Dei, sed non habent



## CONCILII TRIDENTINI 11

habent peculiares et certos ritus diuinitus institutos. Habent etiam promissionem, sed non illam, quæ est de applicatione & ob signatione gratuite reconciliationis.

Tertiò, & ritus qui nõ habent expressum mandatum & clarã promissionem gratiæ in Scriptura noui Testamenti, sed uel à patribus accepti, uel ab alijs hominibus instituti sunt discernantur à superioribus, de quibus iam dictum est.

Quartò, ut discrimen conseruetur inter promissionem gratiæ, quæ beneficia redemptionis in Euangelio promissa, solo & nudo uerbo offert, & applicat credentibus, & inter eandem, quando uestita est ritibus seu ceremonijs diuinitus in uerbo Dei institutis.

Si hoc modo prius de rebus ipsis, ex Scripturæ sententia, sana doctrina & necessaria differentia constitueretur, postea de uocabulo & numero Sacramentorum, remotis uocabulorum τὸν ἀπὸ τοῦ pugnis, non difficulter conueniri posset.

Quando uerò per appellationem et numerum Sacramentorum, queritur rerum ipsarum confusio & adulteratio, iam non est λογισμὸς, sed necessarium certamen de rebus ipsis. Et frustrà imò insidiosè & perniciosè de uocabulis tentatur conciliatio, quæ cum periculo & deprauatione ipsarum rerum coniuncta est.

Hæc ideo sub ingressum huius disputationis  
recito,

## 12 EXAMEN DECRETORVM

recito, ne quis sententiam Augustanæ confessionis, quando dicit, non esse magnopere rixandum de uocabulo Sacramenti, aut de numero, ita deprauet, quasi uelit, nos decretum Tridentinæ synodi, de septem Sacramentis, eo modo sicut ab ipsis proponitur & intelligitur, simpliciter sine necessaria rerum ipsarum explicatione & dis-  
 finctione, inimò cum manifesta confusione & adulteratione rerum, recipere & approbare. Necessaria etiam in principio est hæc contestatio. Nos hac disputatione illis rebus, quas Pontificij, præter Baptismum & Eucharistiam titulo Sacramentorum insignire solent (ut sunt Ministerium uerbi & Sacramentorum, Coniugium, Pœnitentia, Augmentum & Confirmatio donorum Spiritus sancti, Consolatio ægrotantium, &c.) nullo modo, eam quam ex Scripturæ sententia habent & habere debent, ueritatem, reuerentiam, dignitatem & utilitatem, uel imminuere, uel detrabere uelle, quando pugnamus, non esse uerè & propriè Sacramenta à Christo instituta, eo modo, sicut Baptismus & cœna Domini uerè & propriè sunt Sacramenta: imò hoc tantum agimus, ut de illis rebus in Ecclesia ita sentiamus & loquamur, sicut Scriptura præscribit & tradit: hoc enim modo habent & retinent ueram suam dignitatem.

Sed propius accedamus ad examen primi Canonis,

bonis, de numero Sacramentorum noui Testamen-  
 ti. Habet autem tria membra. Primò enim su-  
 mit axioma illud quod uerissimum est: quia auto-  
 ritas seu potestas instituendi Sacramenta, ut sint  
 efficacia signa gratiæ, non est ullius creaturæ, sed  
 solius Dei, qui gratiam illam operatur: ideo neces-  
 se esse, ut omnia quæ in nouo Testamento uerè  
 & propriè Sacramenta esse debent, institutionem  
 suam habeant à Iesu Christo Domino nostro: quia  
 ipse est noui Testamenti sponzor, ad Hebræos se-  
 ptimo, & mediator, ad Hebræos 8. & duodecimi-  
 mo. Secundò mox attexit, sed sine omni proba-  
 tione, talia Sacramēta in nouo Testamento nō esse  
 plura, uel pauciora quàm septem: cum expressio  
 septenarij numeri, nec in Scriptura, nec in tota ue-  
 ra & puriori antiquitate demonstrari possit. ue-  
 ra etiam Sacramenti iuxta Scripturam proprie-  
 tas, nullo modo septem illis ex æquo cōuenire po-  
 test. Et certum est, sicut postea ostendemus, ue-  
 teres prout uocabulum Sacramenti uel strictius  
 uel latius acceperunt, quosdam pauciora, quos-  
 dam plura quàm septem, numerasse Sacramenta.  
 Ipsius etiam Pontificijs non ignotæ sunt disputa-  
 tiones eius, qui sub nomine Cypriani Sermonem  
 de Ablutione pedū, & de Chrismate edidit. Item,  
 Hugonis & Lombardi, qui sentiunt, non omnia  
 illa quæ numerant septem Sacramētā, ab ipso  
 Christo immediatè esse instituta. Tertiò dicit  
 præsens

## 24 EXAMEN DECRETORVM

presens canon septem illa singula uerè & propriè esse Sacramèta. Sed quid quæso, fingere possunt: quomodo matrimonium uerè & propriè sit Sacramentum, sicut Baptismus & Eucharistia? Quòdnam enim est à Christo institutum elementum, quod uerbum, quod accedat ad elementum, ut coniugium fiat Sacramentum? Quomodo per matrimonium, quod Syricius pontifex definiit, esse secundum carnem uiuere, quod Deo placere non possit: quomodo, inquam, iusticia fidei per matrimonium uel incipit, uel augetur, uel reparatur, iuxta ipsorum Sacramenti descriptionem in Decreto positam? Durandus apertè dicit, matrimonium non esse Sacramentũ, strictè & propriè dictum, sicut talia Sacramenta nouæ legis. Et hæc cum ita se habeant, tamen perfricta fronte & adducto supercilio, sine probationibus & documentis, tantum pro imperio decernunt: Si quis dixerit, Sacramenta nouæ legis, non fuisse omnia à Iesu Christo Domino nostro instituta, aut esse plura uel pauciora quàm septem: aut etiam aliquod horum septem non esse uerè & propriè Sacramentum, anathema sit.

Sanè si sola anathematum crepitacula, sine cerlis, perspicuis & firmis Scripturæ documentis, ad probationem dogmatum sufficiunt, & possunt articulos fidei facere, poterunt hoc modo Iudæi suas Thalmudicas, & Turcæ Alcorani traditiones,



nes, canonicas facere. Quid enim proclivius, quàm cum probare non possis, Anathema dicere. Sed ne terrore illo terreamur, Scriptura nos prævinit, cum inquit, Maledicent illi, tu uerò benedicas.

Sed tota hæc disputatio aliquanto plenius examinanda erit. Operæ precium autem est, observare, quod apud ueteres Scriptores nullæ extant uel disputationes uel probationes de septenario Sacramentorum numero: sed tempore Hugonis & Lombardi ex Sorbona, in Ecclesiam inuecta est hæc opinio, quòd nec plura, nec pauciora sint in nouo Testamento sacramenta, quàm septem. Et Lombardus quidem cum alijs ex patribus suis probare soleat, de septenario Sacramentorum numero, ne unam quidem ueterum sententiam allegat: Scholastici uerò scriptores, qui argumentis & rationibus tantum non disfluunt, septenarium etiam Sacramentorum numerum argumentis & rationibus probare & confirmare, seriò laborant. Dignum est autem, perpetua memoria, ad omnem posteritatem propaganda, quibus rationibus & argumentis, septenarius Sacramentorum numerus à Scholasticis in Ecclesiã inuectus, & ex quibus fundamentis receptus fuerit. Compendium Theologiæ ex Scholasticorum sententia rationes, quòd nec plura, nec pauciora sint Sacramenta in nouo Testamento, quàm septem has reddit: Septem, inquit, sunt Sacramenta, secundum

cundum septem diuersitates hominum in Ecclesia. i. est Intransium, ut Baptismus. secundū, pugnantium, ut Confirmatio. tertium, uices resumentium, ut Eucharistia. quartū, resurgentium, ut poenitentia. quintū, exeuntium, ut extrema unctio. sextū, ministrantium, ut Ordo. septimū, novos milites introducentium, ut Matrimonium. Item Sacramenta, inquit, sunt septem, quia disponunt ad septem uirtutes habendas. Nam Baptismus est Sacramentum fidei, cōfirmatio spei, Eucharistia charitatis, poenitentia iusticie, extrema unctio, perseverantie seu fortitudinis, ordo prudentie, matrimonium temperantie. Alia etiam, inquit, est ratio numeri Sacramentorum. Ordinantur enim contra septem morbos spirituales, scilicet, triplicem culpam, & contra quadruplicem poenam. Baptismus contra peccatum originale, Poenitentia contra mortale, extrema Unctio cōtra ueniale, Ordo contra ignorantiam, Eucharistia cōtra maliciam, Confirmatio contra impotentiam, Matrimonium contra concupiscentiam.

Assignat etiam hanc rationem numeri septenarij, quod iuxta rationem medicine corporalis, quedam Sacramenta sunt curatiua, quedam conseruatiua, quedam præseruatiua, quedam melioratiua.

Sed quis non uidet, quā infirmæ, immo quā fuitiles sint hæ rationes, ad rem tantam comprobant.

bandam. Si enim hæc sunt documenta & firma-  
menta causæ, ex similibus, imò ex iisdem rationi-  
bus, nullo negotio, uel plura uel pauciora quàm  
septem demonstrari possent Sacramenta: & pro-  
pter illas ipsas rationes, si ad demonstrationem  
huius rei ualent & sufficiunt, necesse erit & sub  
lege Moysis, & ante promulgationem legis, nec  
plura nec pauciora, quàm septem fuisse Sacra-  
mēta. Neq; enim in nouo primùm Testamento cœ-  
perunt esse septem uir ues & septem morbi spi-  
rituales.

Eiusdem futilitatis sunt reliquæ etiam ratio-  
nes: ideo esse septem Sacramenta nouæ legis, quia  
septē sunt sigilla libri Apocal. 5. Item, septem sunt  
tubæ angelorum, Apocal. 8. septem sunt stellæ in  
dextera eius, qui similis est filio hominis, & septē  
sunt candelabra, Apocal. 1. Septē panibus satiauit  
turbam, Matt. 15. Septem oculi super lapidē, Zach.  
3. Septem lucernæ in tabernaculo, Exo. 37. Sed ex  
hoc fundamento, eiusdē consequentiæ uigore D.  
Brenius ex alijs numeris in Scriptura positis, col-  
ligit esse & pauciora & multo plura sacramēta:  
Nec sanè uideo, cur consequentiæ argumentatio-  
nis, in alijs etiam numeris in Scriptura annotatis,  
ualere non debeat, nisi forsan arbitrentur, se hoc  
acumine retundere posse uim illius consequentiæ,  
quod Apoc. 1. ubi mentio fit septem stellarum, In-  
terpres utitur uocabulo Sacramenti. Quid ni igitur

tur firma sit demonstratio, septem esse Sacramenta, quia in illo loco, ubi usurpatur uocabulum Sacramenti, ponitur numerus septenarius. hæc enim sunt uerba Sacramentum septem Stellarum, quæ sunt angeli septem Ecclesiarum. Ego uero locum ipsis ostendam, unde multo magis propriè & luculenter, ex eadem scilicet copia demonstrari possit septenarius numerus Sacramentorum ecclesiæ Pontificiæ. De meretrice enim Babylonica, hoc est, de Antichristo, angelus ita loquitur, Apocal. 17. Ego dicam tibi Sacramentum mulieris & bestię, quæ portat eam, quæ habet capita septem, quæ sunt septem montes, super quos mulier sedet. Audis ibi utrumque & uocabulum Sacramenti, & numerum septenarium. Tota etiam pictura illius capitis non malè conuenit: Intelligenti satis.

Et hæc sunt demonstrationes, hæc fundamenta, quibus septenarius numerus Sacramentorum in Ecclesiam inuectus & receptus fuit à scriptoribus Scholasticis. Neque enim idoneis uel documentis ex Scriptura uel testimonijs ex uera antiquitate Scholastici septenarium Sacramentorum numerum probare, uel conantur saltem. Tam manifesta autem est demonstrationum harum futilitas, ut eius nunc pudeat ipsos etiam conductitios patronos regni Pontificij, qui aliquid formis habent. Quia igitur in tanta Euangelij luce, ueteribus

bus illis commentis uident, se non posse amplius homines dementare, noua nunc consarcinant perizomata, si forsan panniculus detritis & reijculis, nouo assumemo, uel speciem aliquam induere possint.

Duobus autem potissimum argumentis ad stabiliendum septenarium Sacramentorum numerum, hoc tempore utuntur. Primo enim ex ueteribus quibusdam scriptoribus colligunt testimonia, quod appellationem Sacramenti tribuerint non tantum Baptismo et Eucharistia, sed præterea etiam, quibusdam alijs ritibus & rebus: & hanc collectionem ita temperant, ne terminos septenarij numeri egrediamur. Deinde ex definitione Sacramenti idem probant per illam regulam, cui definitio conuenit illi etiam appellatio definiti rectè tribuitur. De singulis igitur ordine quædam annotabimus, ut ratio examinis, non tantum cum ueterum sophistarum nugis pugnet, uerum etiam recentiorum rhetorum fucos detegat.

Est autem uocabulum Sacramenti ex lingua Latina communi & uulgari sumptum. Varro enim Sacramentum pignus est, quod litigantes ad Pontificem deponebant: & qui uicisset, pignus repetebat: qui uerò caussa cecidisset, eius pecunia in ararium referebatur. Alijs Latinis scriptoribus Sacramentum est iusiurandum,



## 20 EXAMEN DECRETORVM

seu obligatio, numinis & religionis interueniu cōfirmata. Vegetio est militare Sacramentum, quo milites duci astringuntur. Quæstio autem est, quo modo & qua ratione uocabulum illud in Ecclesiæ sermonem translatum, & ad signa gratiæ diuinitus instituta accommodatum sit?

Vetus interpres in Hagiographis, ubi Græci habēt mysteriū, aliquādo reddit, Sacramentū: ut Tob. 12. Sap. 2. & 6. Et Danielis 2. & 4. ubi Chaldaicū **ܡܝܨܬܪܐ** Græci reddiderunt **μυστήριον**, transtulit, Sacramentum.

In nouo uerò Testamento sæpe Græcam uocē mysterij reliquit, alicubi uerò reddidit, Sacramentum. Significat autem in genere id, quod arcanū seu secretum est, ut Tob. 12. Sacramentum regis occultandum est.

Syrach: 27. Amici mysteria denudare. Iudith. 2. Habuit cum eis mysterium consilij. Ita. Paulus 2. Thess. 2. de Antichristo loquens dicit. Iam operatur mysterium iniquitatis. Principaliter uerò, significat arcanum & secretum uoluntatis consilij seu propositi Dei, quod rationi naturaliter non est notum, sed toti mundo absconditum, nisi quantum diuinitus reuelatur.

Ita doctrina de redemptione & reconciliatione generis humani uocatur Mysterium, seu Sacramentum Dei, Col. 2. Mysterium Christi, Eph. 3. Mysterium Euangelij, Eph. 6. Mysterium fidei, 1. Tim. 3.

**Incarnatio**

Incarnatio filij Dei uocatur Sacramentum magnum pietatis, 1. Timoth. 3. Vocatio gentium uocatur Sacramentum uoluntatis Dei, Eph. 1. Doctrinam de resurrectione mortuorum, uocat Paulus Mysterium, 1. Cor. 15. Et controuersionem Iudeorum, Rom. 11. Ita Eph. 5. Coniunctionem Christi cum Ecclesia sua, uocat Sacramentum magnum. In hac significatione usitatum est, uocabulum Sacramenti, non tantum in uersionibus Scripturæ, uerum etiam in sermone Patrum, qui sæpe appellant Sacramentum diuinitatis, Incarnationis, Passionis. Tertullianus contra Marc. 4. totum Christianismum uocat religionis Christianæ Sacramentum.

Sed hæc generalis significatio, nec binarium, nec septenarium numerum Sacramentorum probat. Paulus enim talia Sacramenta, multo plura numerat: Et 1. Cor. 13. inquit: Si sciero omnia mysteria. Descendamus igitur ad speciem, ubi significatio uocabuli Mysterij, seu Sacramenti, angustior est. Vocatur autem Græcè mysterium, quod Latinus interpres Sacramentum reddidit: quando res aliqua, uel uisio externa, præter speciem, quam externis sensibus ingerit, aliquid aliud significat. Ita uisio somnij Nabuchodonosor Dan. 2. uocatur Sacramentum. Et Apoc. 1. Visio septem stellarum significans angelos septem Ecclesiarum: et quod septem candelabra sunt septem Ecclesiæ, uocatur

catur Sacramētum. Ita Apocal. 17. ubi angelus explicat, quid significant septem capita bestiae portantis meretricem, inquit: Ego dicam tibi Sacramentum mulieris. Ita etiam coniunctio uiri & uxoris in coniugio, est Sacramentum coniunctionis Christi & Ecclesiae. Eph. 5. Huic etiam affine est, quod de significatione parabolarum Christus inquit: Vobis datum est nosse mysteria regni coelorum, reliquis autem in parabolis. Hæc significatio propius quidem aliquanto ad propositam questionem accedit: sed hoc modo, multo plura numeranda erunt Sacramēta, quàm septē. Omnes enim figuras & allegorias, significantes aliquid, Patres uocāt Sacramēta. Tertullianus li. 5. cōtra Marcionem uocat Sacramenta figurarū, & allegorias Sacramentorum, ubi de duobus Abrahe filiis loquitur. Aduersus Iudæos uocat Sacramentum ligni, disputans de securi Elisei, & de ligno Adæ. Ita Augustinus texens allegorias, uocat Sacramentum panis, Sacramentum piscium, Sacramentum numeri, &c. Nostra uerò quaestio est, quomodo et qua ratione uocabulum Sacramenti ad signa gratie noui Testamenti, qualia extra omnem controuersiam sunt Baptismus & Coena Domini, translatum & accommodatum sit. Et in hac inquisitione aliquid operæ posui. Non autem deprehendi, quod Scriptura appellationem mysterij seu Sacramenti tribuat baptismo uel coenæ Domini: imò

nec ordini, nec pœnitentiæ, nec impositioni manu-  
um, Acto. 8. et 19. nec unctioni Apostolorum, Mar-  
ci. 6. in Scriptura tribuitur appellatio mysterij uel  
Sacramenti. Eph. 3. Non ipsum ministeriũ seu or-  
do, sed quæ per ministeriũ annũciantur, sunt et uo-  
cantur Paulo iuxta generalẽ significationem, my-  
steria seu Sacramenta. Eph. 5. ubi de coniugio tra-  
ctat Paulus, addit: Sacramentum hoc magnũ est.  
Sed ipse se explicat, magnum illud de quo loqui-  
tur Sacramentũ, non esse in cõiunctione coniugũ,  
sed in coniunctione Christi cum Ecclesia. Ita enim  
Ambrosius & Chrysostomus locum illum inter-  
pretantur, & Pauli uerba manifesta sunt: Sacra-  
mentũ hoc magnũ est: ego uerò & co in Christo et  
Ecclesia. Theodoretus ita interpretatur: Sicut  
Eua ex Adamo formata est, ita ecclesiam nasci ex  
Christo. Quòd si quis propter hanc significationẽ,  
quod sicut uir & uxor sunt in carnem unam, ita  
etiam Ecclesia sit caro de carne Christi, &c. con-  
tendat matrimonium in Scriptura uocari mysteri-  
um seu Sacramentum, non rixabimur de uocabu-  
lo. Latè enim illud patere, & multis alijs rebus, ra-  
tione signi tribui, iam exemplis ostendimus. No-  
stra uerò questio est de illa significatione, sicut  
Baptismus & cœna Domini, uerè & propriè sunt  
& uocantur Sacramenta.

Et usurpatio uocabuli Sacramenti in hac signi-  
ficatione, ut s. accommodetur ad signa gratiæ effi-

cacia, qualia in nouo Testamento extra cōtrouer-  
siam sunt Baptismus & cœna Domini, habet qui-  
dem aliquam affinitatem, cum illis Scripturæ ex-  
emplis, de quibus suprâ dictum est: non tamen ex  
Scriptura, sed ex Ecclesiastica loquendi consuetu-  
dine sumpta est. Scriptura enim nusquam uel Ba-  
ptismum uel Eucharistiam uocat mysteria uel Sa-  
cramenta. Haftenus ergo est appellatio ἄρραφοι.

Quia uerò diligentia digna est pie eruditus, lo-  
qui cum Ecclesia: non rixamur de uocabulo, sed  
hoc agimus, ne doctrina rerum, quæ in Scriptura  
tradita est, per uocabulum ἄρραφοι turbetur &  
adulteretur.

Considerandū igitur est quæ ra-  
tione Ecclesiastici quidam scriptores, uocabulum  
Sacramenti ad signa gratiæ noui Testamenti ac-  
commodarint. Et ad hanc considerationem perti-  
net. Quomodo uocabulum illud alij latius, alij  
angustius, usurparint. ita enim manifestum eua-  
det, ex Patribus quosdam pauciora, quosdam plu-  
ra numerasse Sacramenta quàm septem.

Tertullianus, ex uulgari Latina lingua de Sa-  
cramento militari, uocabulum Sacramenti ad Ba-  
ptismum hoc modo transferre uidetur. Ad mar-  
tyres enim, de abrenunciatione quæ fit in Baptis-  
mo, & de reliquis interrogationibus ita inquit:  
uocati ad militiam in Sacramenti uerba respondi-  
mus, &c.

Inde uerò postea tota actio nomen  
accepit, sicut inquit aduersus Praxeam: fides in  
Patrem,



Patrem, filium & Spiritum sanctum, secundum Christianorum Sacramentum, &c. Potissima uerò ratio hæc est, Græci Baptismum & coenam Dominicam uocant *μυστήρια*: quia sub elementis uisibilibus, offertur & exhibetur arcano modo gratia spiritalis, quæ sensibus non apprehenditur, & ratione non intelligitur, sed ex sola uerbi Dei reuelatione fide cognoscitur. Et appellatio mysteriorum in hac significatione, in uulgari Ecclesiæ sermone recepta & usurpata fuit, propter banc etiam causam: quia ethnici peculiare illos ritus, quibus ad idololatricas religiones, suos initia bant, uocabant appellatione uulgò tunc trita, *μυστήρια*. Et inde Latini scriptores utrumq; uocabulum, & mysteriorum & Sacramentorum, in hoc usu transtulerunt in sermonem Ecclesiasticū. Extant enim Ambrosij scripta, De ijs qui initiamur mysterijs, & de Sacramentis.

In hoc uerò usu, antiquitas appellationem mysteriorum seu Sacramentorum, non extendit ad numerum septenarium, sed pauciora numerat. Vetusissimi enim talia mysteria seu Sacramenta, numerant duo tantum: Baptismum, & coenam Domini. Hæc enim numerat & explicat Iustinus in Apologia 2. ubi describit ritus Ecclesiæ, siue in Palestina, ubi natus fuit, siue in Italia. Romæ enim Apologiam scripsit. Horum meminit Irenæus. Itē Tertullianus lib. 1. & 4. contra Marcionem: & de

Corona militis. Quod enim libro de resurrectione carnis addit impositionē manuum, & unctiōnem, intelligit ceremonias tunc coniunctas actioni Baptismi, non peculiaria Sacramenta à Baptismo distincta: sicut postea ostendemus. Ita etiam Cyrillus Hierosolymitanus, ubi ex professō catecheses & μυστήρια describit, tantum de mysterijs Baptismi & cœnæ Dominicæ concionatur. Quod enim de chrismate disputat, intelligit non peculiare Sacramentum, sed ceremoniam adiunctam actioni Baptismi: sicut postea in loco de confirmatione demonstrabimus. Extant Ambrosij libri, de ijs qui initiantur mysterijs: item sub eius nomine, aliquot libri de Sacramentis. Sed illi libri, cū ex professō explicationem doctrinæ de mysterijs seu Sacramentis Ecclesiæ polliceantur, tamen tantum de ritibus Baptismi & cœnæ Dominicæ tractationem cōtinent. Vetusissimi igitur scriptores Ecclesiastici, mysteria seu Sacramenta Ecclesiæ, non septenario numero definierunt: sed talia mysteria seu Sacramenta, agnoscunt tantum Baptismum & Eucharistiam. Qui uerò secuti sunt, paulatim quidem coeperunt numerum Sacramentorum latius extendere: sed tamen & ipsi non septē, sed pauciora numerant. Huius rei testis esse potest Dionysius ille, quem fingunt esse Arcopagitam illum, qui ritus quos describit, ab Apostolis præceptoribus acceperit: quanquam in fine Ecclesiasti-

*æ hierarchie, ubi de Baptismo paruulorum disputa-  
 tat, satis manifestè se prodat. inquit enim: Sancti  
 præceptores nostri, ex pristina traditione edo-  
 cti, ad nos deriuarunt. Quam sententiam ita reddi-  
 dit paraphrastes Vercellensis: Doctores nostri à  
 suis senioribus eruditi, tradiderunt uisum esse san-  
 ctis Apostolis, &c. Is inquam Dionysius, qui-  
 cunq; sanè sit, ubi ex professò Ecclesiasticam hie-  
 rarchiam describit, inter mysteria seu Sacramen-  
 ta Ecclesiæ, non numerat pœnitentiam, non matri-  
 monium, non unctionem infirmorum, sed pro ea  
 habet unctionem mortuorum: quam si nostri Pon-  
 tificij in numerũ Sacramentorum receperint, nõ  
 consistet numerus septenarius, sed excrescet in o-  
 ctonarium. Nec tantum uetustissimi, sed & his  
 recentiores, numerum septenarium Sacramento-  
 rum ignorant. Gregorius enim, c. Multi seculari-  
 um, expressè tria tantum Sacramenta, quibus de-  
 finitionem accommodat, numerat: Baptisma,  
 Chrisma, Corpus & sanguinem Domini.*

*Quam eandem sententiam etiam Rabanus re-  
 petit. Paschasius de coena Domini, inquit: Sunt au-  
 tem Sacramenta Christi in Ecclesia catholica,  
 Baptismus, Corpus quoque Domini & sanguis.  
 Septenarium uerò numerum, in nullo ueterum  
 scriptorum expressè positum, ostendere pos-  
 sunt. Lindanus allegat sermonem Cypriani de  
 Chrismate: sed scit, illũ non esse Cypriani  $\chi\rho\iota\sigma\mu\alpha$ .*

Et tamē nec incertus ille autor septē, sed pauciora numerat Sacramenta. Quæ igitur est Tridentico larū uel uesania, uel impudēs futilitas, quod nō uerentur sine ullis documētis anathema dicere omnibus, qui pauciora quā septem numerem noui Testamenti Sacramenta: cum uniuersus uetustissimæ antiquitatis chorus illud fecerit? Quod si exceperint, uetustissimos illos scriptores nihilominus tamen honorificē sensisse & docuisse de ordine, de matrimonio, de poenitentia, &c. etiamsi appellationem Sacramenti illis non tribuant: suo ipsorū iudicio causam nostram adiuuabunt, posse scilicet illarum rerum dignitatem, secundum Scripturæ sententiam conseruari, etiamsi non dicantur esse uerē & propriē Sacramenta: sicut est Baptismus, & Eucharistia. Quæstio uerō est hoc loco, an uetustissima Ecclesia (non autem uolo intelligi supposititia Romanensium scripta,) Sacramentis seu mysterijs Ecclesiæ quæ uerē & propriē sunt Sacramenta, sicut est Baptismus & cœna Domini ca, septenarium numerum præfinierit: ostendimus autem, pauciora illos numerasse.

Pergemus iam ostendere, quosdam plura quā septem numerasse. Augustinus enim primus fermē cœpit uocabulum Sacramenti, in hac quidem materia extendere, & latius usurpare quam antiquitas fecerat. Epistola enim 5. ad Marcellinum, de signis loquens, inquit: Quæ cum ad res diuinas per-

tinent,

timet, Sacramenta appellatur. Et de Ciuitate Dei lib. 10. cap. 5. inquit: Sacramentum sacrum signum est. Et contra Faustum lib. 19. cap. 11. externum Sacramentorum usum describens ait: In nullum nomen religionis seu uerum seu falsum, coagulari homines possum, nisi aliquo signaculorum uel Sacramentorum uisibilibus consortio colligentur. Vt igitur Augustino aliquid sit Sacramentum, satis est, si rei alicuius diuinæ uel sacræ signum sit: præsertim si in publicis Ecclesiæ conueniibus, certis externis ritibus usurpetur: siue mandatum habeat à Christo, in nouo Testamento, siue ex ueteri Testamento sit sumptum, ut Chrisma: uel à uiris Ecclesiasticis excogitatum, ut signatio crucis. Nec refert Augustino, siue gratia per illud signum detur, siue tantum significetur, ut in matrimonio: item siue sit gratia reconciliationis, siue aliud aliquod donum spiritus, ut in ordinatione. Hoc modo & hac ratione, Augustinus alijs et pluribus etiam rebus tribuit appellationem Sacramenti, quam antiquitas ante ipsum fecerat. Ita de bono coniugali cap. 24. dicit, in ordinatis manere Sacramentum ordinationis. Et rationem appellationis addit lib. 2. contra epistolam Parmeniani, cap. 13. loquens de baptismo & ordinatione: utrunq; inquit, Sacramentum est, & quadam consecratione homini datur illud, cum baptizatur: istud, cum ordinatur. Et contra literas Petilianæ, lib. 2. cap. 104. dicit unctio

nem



nem in genere uisibilium signaculorum sacrosanctum esse. Et mox quasi rationem reddens, addit, uisibile illud sanctum Sacramentum, discernendum esse ab inuisibili unctione caritatis. Ita etiam matrimonium appellat Sacramentum. Et rationē explicat libro de bono coniugali, cap. 18. Sicut Sacramentum pluralium uxorū illius temporis, significauit multitudinem Deo subiectam, in terrenis omnibus gentibus: sic Sacramentum nuptiarum singularum nostri temporis, significat unitatem omnium nostrū, subiectam Deo futuram in una cœlesti ciuitate. Hac uerò ratione, propter significationem rei sacræ, Augustinus plura numerat Sacramenta quàm septem illa, pro quibus Pontificij dimicant. Nā de peccatorū meritis lib. 2. ca. 26. dicit catechumenos ante baptismū, secundū quendam modū suū, per signū Christi sanctificari. Sicut et Dionysius baptizandis signū crucis tribuit. Illud uerò signū crucis, Augustinus cōtra Faustū lib. 19. cap. 14. inter Sacramēta numerat. Et in Ps. 141. Multa Sacramēta aliter atque aliter accipimus. Quædā, sicut nostis, ore accipimus: quædā per totum corpus accipimus: crucē uerò in frōte portamus. Rationē uerò quare appelletur Sacramentū, mox explicat: Quia, inquit, in fronte erubescitur ipsam ignominiam quodammodo, et quam pagani derident, in loco pudoris nostri constituit, ne de cruce erubescamus. Item: Cruce illa signū est humi-  
lutatis,

lūtatē, unde sanatur tumor animæ. Et sermone 19. de sanctis inquit: In hac crucis figura, continetur Sacramentum. Et explicat, quòd in latitudine intelligatur dilectio proximi, &c. Addit etiam: Hoc Sacramentum crucis, sanctus Helisæus Sunamitis filium, os ori, manus suas manibus eius applicans, orando suscitauit. Eiusdem uirtute Sacramenti, Moses in deserto bis petram uirga percussit. Videt lector, quàm latè Augustinus utatur uocabulo Sacramenti. Nam & in Ps. 65. omnes ritus qui præter baptismationem in actione baptismi tunc temporis adhibebamur, uocat Sacramenta. inquit enim: in Sacramentis, & in Catechizando, et in exorcizando, adhibetur prius ignis. Et mox rationē addit: Transiens per ignē & aquā, educeris in refrigeriū. Quarū enim rerū signa sunt in Sacramētis, ipse res sunt in illa perfectione uitæ æternæ. Manifestissimus uerò locus est lib. 2. de peccatorū meritis, ca. 26. Quòd catechumeni accipiūt, quāuis nō sit corpus Christi, sanctū est tamē, & sanctius quàm cibi quibus alimur: quoniā Sacramentum est. Intelligit autē εὐλογία, hoc est, panem benedictum, quem uocant, sanctæ communionis uicariū. Et illum expressè dicit Sacramentum esse, sed addit: Non ita sicut Eucharistia, Sacramentum est. Et hoc bene obseruet lector. Et de symbolo ad catechumenos lib. 4. cap. 1. Omnia quæ in catechumenis ante baptismum aguntur, uocat Sacramēta.

## 32 EXAMEN DECRETORVM

Et enumerat exorcismos, orationes, cantica. insus-  
flationes, cilicium, inclinationem ceruicum, humi-  
litem pedum, &c. Ita epistola 23. disputans de  
Baptismo, hoc est, de Sacramento fidei & corpo-  
ris Christi, exempla addit de die Dominico, et die  
Paschæ, de quibus dicitur: Hodie Dominus resur-  
rexit. Et explicat: Hos ipsos dies secundum illorū  
quibus hæc gesta sunt, similitudinem nūcupamus:  
ut dicatur illo die fieri, propter Sacramenti cele-  
brationem, quod non illo die, sed iam olim fa-  
ctum est.

Bernhardus etiam in sermone de coena Domi-  
ni, multis contendit, abluionem pedum esse Sacra-  
mentum remissionis peccatorum quotidianorū.  
Et in benedictione salis circa Baptismum, Pontifi-  
cia ecclesia ita orat, ut in nomine sanctæ trinitatis,  
efficiatur salutare Sacramentum ad effugandum  
inimicum, &c.

Hæc recitauī, ut ostenderem, quale fundamen-  
tum sit, cui septenarius Sacramentorum nume-  
rus superstruitur: quod scilicet Augustinus, & alij  
quidam, pluribus ritibus seu rebus appellationem  
Sacramenti tribuant, quàm Baptismo & coenæ  
Dominicæ. Ostendimus enim, numerum Sacra-  
mentorum hoc modo longe ultra septenarium  
progressurum, cum pluribus ritibus seu rebus Au-  
gustinus appellationem Sacramenti tribuat. Et di-  
ligenter obseruandum est, quod Augustinus licet  
in usur-

in usurpatione uocabuli Sacramenti aliquanto liberalior sit, quampluribus rebus accommodet, quàm ueteres ante ipsum fecerant: ut tamen ostēdat reliqua alia ratione dici Sacramenta, quàm sicut Baptismus & Eucharistia, plerunq; explicat, qua ratione dicantur Sacramenta: sicut in adductis exemplis ostendimus.

Et quando signum crucis uocat Sacramentū, illustri differentia illud distinguit à sanctificatione, quæ fit in Baptismo. Et emphases uerborum eius considerentur.

De peccat. meritis lib. 2. cap. 26. catechumenos secundum quendam modum suum, per signū Christi, & orationem manus impositionis sanctificari. Et dignum est obseruatione, Augustinum ita numerare plura Sacramenta, ut tamen primo, illustri, præcipuo, peculiari & distincto loco ponat Baptismum & Eucharistiam. ut de doctrina Christiana lib. 3. cap. 9. de Sacramentis noui Testamenti loquens: Pauca, inquit, pro multis, eaq; factu facillima, & intellectu augustissima, & obseruatione castissima, ipse Dominus & Apostolica tradidit disciplina: sicuti est Baptismi Sacramentum, & celebratio corporis & sanguinis Domini. Et epistola ad Ianuarium 118. Dominus noster Iesus Christus in Euangelio, Sacramentis numero paucissimis, obseruatione facillimis, significatione præstantissimis, societatem noui populi colliga-

uit: sicut est Baptismus, Trinitatis nomine conseruatus, communicatio corporis et sanguinis ipsius, & si quid aliud in Scripturis canonicis commendatur.

In Psal. 103. inquit: Munus Sacramentorum in Baptismo in Eucharistia, in cæteris sanctis Sacramentis quale munus est: si hoc modo Baptismus et Eucharistia secundum Scripturæ sententiam, à reliquis ritibus discernerentur. De appellatione Sacramenti, etiamsi alijs etiam rebus per quandam *ἐντασις* accommodaretur, facile posset conueniri. neque enim *λογομαχίας* quærimus. Sed Pontificij simpliciter contendunt, reliquos etiam ritus qualescunque quos numerant, uerè & propriè esse Sacramenta, sicut est Baptismus & Eucharistia: ita enim decernit primus ille Canon, quem nunc tractamus.

Falsum autem esse ostendimus, quòd dicunt, septem, & non plura uel pauciora numeranda esse noui Testamenti Sacramenta. In tota enim uera antiquitate, nullum extat testimoniũ de septenario Sacramentorum numero, quodq; nec pauciora, nec plura numeranda sint. Et ne quidem unum proferre possunt, qui nusquam non, de consensu & suffragijs antiquitatis gloriantur. Nec ullius ueteris concilij auctoritatem pro septenario hoc numero proferre possunt: nisi quòd ante centum plus minus annos, in Florentino concilio, unà cū  
purga-



purgatorio & primatu Romani pontificis, septenarius, Sacramentorū numerus apud Græcos tentatus, Armenis uerò obtrusus est: quod ipsum nouitatem septenarij numeri in Sacramentis ostendit. Armenis enim Bartholomæus Euangelium prædicauit: & sub Diocletiano, Armeni testimonium habent, quod Christiani, & pietatis studiosi fuerint, apud Eusebium libro 9. capite. 7. Post mille uerò demum annos, & amplius, septenarium numerum Sacramentorum à Romano Pontifice primum accipiunt. Commentum igitur de septenario Sacramentorum numero, etiam antiquitatis ueris & firmis testimonijs destituitur. Præter Augustini enim exempla, quæ quomodo ipse intelligi uelit, iam ostendimus, ex uetustioribus nihil quod aliquid habeat roboris, proferre possunt: nisi quod Dionysium, Arcopagitæ exuijs personatum, in scenam hanc producant: qui tamen nec ipse septenarium numerum uel probat, uel confirmat, sicut supra diximus.

Ex sermone etiā de ablutione pedū, Cypriano inscripto, Lindanus gloriose citat suffragiū pro septenario Sacramentorū numero. Sed primò nouit scriptū illud nō esse Cypriani γυνώσκον sed falso ipsi ascriptū. Deinde quisquis iste est autor, cū recensere uelit Sacramenta, quæ & Christus ipse instituit, et quæ postea Apostoli, dictāte Spiritu sancto tradiderint, nō septē, sed quinq; tantum numerat.

Et simul ostendit, crepitum potius quàm uerum anathema esse, quod Canon ille quem nunc examinamus, decernit: Si quis dixerit, non omnia ista septem Sacramenta à Christo ipso instituta esse, anathema sit. Expresse enim hoc dicit Cyprianus ipsorum, in sermone illo quem allegant. Alexander ab Ales. parte 4. quæst 8. artic. 2. disertè disputat, à Christo tantum duo esse instituta Sacramenta, Baptismum & Eucharistiã: idq; probat ex fluxione sanguinis, & aquæ, de latere Christi. Et quod 1. Io. 5. scriptum est, tres perhibere testimonium in terris spiritum, aquam & sanguinem, reliquorum uerò Sacramentorum formam, Christum uoluisse ordinari per ministros Ecclesiæ: nominatim uerò confirmationem dicit nec à Christo, nec ab Apostolis, sed per concilium Meldense institutam esse, quæst. 24. membro 1. Petrus etiam à Soto, qui Tridentini in Concilio mortuus est, his ipsis uerbis utitur: Habemus totum Sacramentum confirmationis, Ordinis, Matrimonij & extremæ unctionis, & elementa, & uerba et effectus ex traditione Apostolica: non quòd negemus, in Scriptura esse nonnulla de ijs Sacramentis: sed omnia quæ ad integritatem eorum certa fide necessaria tenemus, cum in Scriptura non sint, necesse est Apostolicæ esse traditionis. Hac ille. Et si autem nō ignoro, quid titulo traditionis intelligat: hoc loco tamen nobis sufficit, quòd fatetur elementa, uerba, ef-

ba, effectus, & integritatem quatuor Sacramento-  
rum, ex Scriptura non posse probari. Prætextum  
uero Apostolicarum traditionum, huiusmodi cõ-  
mentis perspicue detraximus in priore parte exa-  
minis.

Fruantur igitur ipsi suo illo anathemate: Si  
quis dixerit septem illa Sacramenta non fuisse  
omnia à Christo ipso instituta, anathema sit.

Hoc primum est Pontificiorum argumentum,  
ex uocabulo Sacramenti, & ex ueterum testimo-  
nijs: quod quàm sit firmum, ex ijs quæ hætenus di-  
ximus, manifestum est. Intelligit autè hinc lector  
non stupidus, quo consilio, & qua de causa, Tri-  
dentini patres in hac disputatione maluerint nu-  
dis anathematis pugnare, quàm argumētis, & o-  
stensione fundamentorum agere.

Alterum argumentum, pro stabiliendo septe-  
nario Sacramentorum numero, sumunt ex loco à  
definitione. Et sanè talia argumenta quæ ex defi-  
nitione sumuntur, demonstrætionis loco esse solent.  
Sed paulisper expendamus, quomodo definitio-  
nem Sacramenti tractent: an scilicet (quod dici-  
tur) lapis ad regulam conformetur, an uero plum-  
bea regula ad lapidem inflectatur. Apud Augu-  
stinum aliquot extant descriptiones, quæ non tam  
rei definitiones, quàm uocabuli explicatiões sunt:  
ut quòd Sacramentum sit sacræ rei signum: item,  
inuisibilis gratiæ uisibilis forma. Sed hæ descri-

### 38 EXAMEN DECRETORVM

ptiones ualde latè patent: plura enim quàm septem illa signa complectuntur, sicut ipsi Pomificij fatemur. Varijs igitur artificijs quæsitæ fuerunt tales limitationes definitionis Sacramenti, ut finis eius redderetur nec angustior, nec latior numero septenario: sed ita concinnaretur, ut septem illa quæ uolebant esse Sacramenta, intra complexum suum reciperet.

Ex Gregorio cap. Multi secularium, sumpserunt hanc definitionem: Sacramentum est, per quod sub tegumento rerum uisibilium, diuina uirtus secretius salutem operatur. Sed hæc uidebatur ad numerum septenarium non satis esse accommodata, quomodo enim iuxta hanc definitionem, matrimonium erit Sacramentum? Fabricatæ igitur sunt duæ aliæ. Altera est Hugonis: Sacramentum est corporale uel materiale elementum foris sensibilibus propositum, ex similitudine repræsentans, ex institutione significans, ex sanctificatione continens aliquam inuisibilem & spirituales gratiam. Altera est Lombardi: Sacramentum est inuisibilis gratiæ, uisibilis forma: ita ut ipsius similitudinem gerat, & eius causa existat.

Sed & in his definitionibus non pauca desiderarunt. Quia enim docene, in Eucharistia annihilata substantia, tantum accidentia panis & uini remanere: uiderunt Hugonis definitionem non satis conuenire, quod Sacramentum

tum

tum sit materiale & corporale elementum. Item quia in matrimonio materiam Sacramenti fingunt esse uerba, consensum contrahentium exprimentia: uident nec Hugonis materiale elementum, nec Lombardi uisibilem formam, satis accommodata esse. Item si per gratiam intelligatur gratuita reconciliatio, remissio peccatorum, & acceptatio ad uitam eternam: uident quæri posse de gratia, quæ in matrimonio contrahentibus, & inordinatione ordinatis conferatur. Et si enim Richardus disputat, etiam per istos ritus conferri gratiam gratum facientem: reliqui tamen agnoscunt, hoc subsistere non posse.

Scotus igitur definitionem ita transformauit: Sacramentum est signum sensibile, siue sit uisibile, siue audibile, gratiam uel Dei effectum gratuitum, ex institutione diuina, efficaciter significans, ordinatum ad salutem hominis uia-  
toris. Sed & in hac definitione quosdam offenderunt particule de institutione diuina, & quòd Sacramenta sint ordinata ad salutem. Occam igitur aliã substituit: Sacramentũ est signum, significans efficaciter effectum Dei gratuitum.

Ecquid iam optime lector tibi uidetur? Num firmæ fortes et inuictæ sunt demõstrationes, quando hoc modo definitiones trãsformãtur, refundũtur et inflectuntur, donec proposito nostro, & sine



documentis intelligendum præsumpsimus, congruant?

Idem certè est, ac si architectus æquabilitatem ædificij demonstrare uellet, & non lapides ad regulam accommodaret, sed e contrà regulam ad lapides transformaret & inflecteret. Nō igitur um habet certæ & firmæ demonstrationis, quādo ex huiusmodi definitionibus, septenarius Sacramentorum numerus probatur. Et tamen qualescunque sunt illæ definitiones, multum faciunt negocij Scholasticis, ut terminos & limites Sacramentariæ provincie in regno Pontificio defendant. Si enim signum, significans effectum Dei gratuitum efficaciter, est Sacramentum: quomodo non erunt Sacramenta, benedictio Monachorum, aqua benedicta, rosa benedicta, ensis benedictus, agnus Dei, benedictio herbarum, campanarum, imaginum, inunctio regalis, cōsecratio templi, cœmiterij, altaris, &c. Illa enim sunt certis consecrationibus, & fingimur habere spirituales effectus. Aliquid quidem respondent Scholastici, aliud aliud: sed tamen nec se ipsos expediunt, nec lectoribus satisfaciunt. Nisi quòd Gabrielis ingenuitas probatur, qui dicit aquam benedictam non esse Sacramentum, quia desit diuina institutio. Sed hac ratione etiam ex septenario numero, non pauca corruent. Quales igitur sint Pontificiorū definitiones in hac materia, manifestum est.

Sed

Sed inquirunt, se eadem libertate etiam nostras  
 recentes angustiores definitiones non recipere.  
 Quò igitur nos uertemus? quomodo, & ex quibus  
 fundamentis demonstrabimus, quæ sint uerè &  
 propriè Sacramenta noui Testamenti? Respon-  
 deo. Non dimicabimus de definitionibus, uel hu-  
 ius uel illius, uel ueteribus uel recentioribus: sed  
 sumemus fundamentum, quod extra controuersi-  
 am & inconfessò est apud omnes. Baptismus enim  
 & Eucharistia, omnium confessione uerè & pro-  
 priè sunt Sacramenta. Inde igitur colligemus, quæ  
 tanquàm substantialia requirantur, ut aliquid ue-  
 rè et propriè sit Sacramentum noui Testamenti,  
 hæc enim erit simplicissima & certissima de-  
 monstratio. Vt igitur aliquid sit uerè & pro-  
 priè Sacramentum noui Testamenti, sicut est  
 Baptismus, & Eucharistia, requiritur. 1. ut habeat  
 externum aliquod materiale seu corporale & ui-  
 sibile elementum seu signum, quod certo externo  
 ritu tractetur, exhibeatur & usurpetur. 2. Vt ele-  
 mentum seu signum illud, & certus eius ritus ha-  
 beat expressum mandatum diuinum, seu institu-  
 tionem diuinam. 3. Vt institutum & mandatum  
 sit in nouo Testamento. 4. Vt non ad tempus in-  
 stitutum sit, sed usq; ad consumationem seculi: si-  
 cut de Baptismo scriptum est: Et donec filius Dei  
 redeat ad iudicium: sicut de Eucharistia Paulus in-  
 quit. Et hæc requiruntur ad elementum seu signū

## 42. EXAMEN DECRETORVM

Sacramenti, in nouo Testamento. 5. Requiritur ad Sacramentum, promissio diuina, de gratia, effectu seu fructu Sacramenti. 6. Illam promissionem oportet non simpliciter, nudè & per se tantum habere testimonium in uerbo Dei, sed oportet eam diuina ordinatione, annexā esse signo Sacramenti, & eo quasi uestitam esse. 7. Promissionem illam oportet esse non de quibusuis donis Dei, siue corporalibus siue spiritualibus, sed promissionem gratiæ seu iustificationis: hoc est, gratiæ reconciliationis, remissionis peccatorum, & in summa de toto beneficio redemptionis. 8. Et illa promissio in Sacramentis, non in genere tantum uel significatur, uel annuntiatur: sed uirtute Dei offertur, exhibetur, applicatur, & obsignatur etiam singulis, qui fide Sacramentis utuntur. Hæc uera, manifesta, certa & firma sunt. Hoc enim modo Baptismus & cœna Domini, uerè & propriè sunt Sacramenta noui Testamenti. Instituatur iam examen, an reliqua ex septenario numero, eo modo uerè & propriè sint Sacramenta, sicut Baptismus & Eucharistia: de quibus nulla est controuersia. Et quia per absolutionem, non in genere tantum annuntiatur remissio peccatorum, sed priuatim etiam singulis petentibus & credentibus peccata soluuntur & remittuntur: hætenus & hoc modo conuenit cum promissionibus Sacramentalibus. Utq; salutaris usus priuatæ absolutionis, Eccle-  
sic

*sic ex sententia uerbi Dei magis cōmēdetur: nostri  
 sepe testari sunt, se nō pugnare, sed libēter cōccede  
 re, ut absolutio, quia habeat applicationē genera-  
 lis promissionis, ad singulos ministerio hēc uētes  
 inter Sacramēta numeretur. Sed tamē hoc certū  
 est, Absolutionē nō habere ex diuina institutione  
 certū externū elementū, signū aut ritū diuinitus  
 mādātū. Et etiā si adhibeatur uel impositio manu-  
 um uel aliq̃s aliq̃s externus ritus: destituitur tamē  
 certo, peculiari et expresso mādato Dei. Nec ex-  
 tat promissio, quōd per talē aliquem externum ri-  
 tum Deus uelit efficax esse, ad applicationē pro-  
 missionis Euangelij. Promissionem quādem habe-  
 mus, quōd per uerbum uelit esse efficax in creden-  
 tibus: sed ut aliquid sit Sacramentum, requiritur  
 non nuda tantum promissio in uerbo, sed ut ordi-  
 natione seu institutione diuina sit uestita externo  
 aliquo signo, seu ritu diuinitus mandato. Tale ue-  
 rō signum non est annunciatio, seu recitatio pro-  
 missionis Euangelij: hoc enim modo, ipsa genera-  
 lis prædicatio Euāgely esset Sacramentū. est enim  
 potētia Dei, per quā sit applicatio promissionis,  
 in omnibus & singulis credentibus. Et ita nulla  
 amplius esset differentia inter simplicem promissa-  
 tionem, & inter Sacramentum. In Baptismo cer-  
 tē, & in Eucharistia, annunciatio seu recitatio  
 uerborum non est elementum seu signum Baptis-  
 mi & Eucharistiae. Absolutio igitur uerē et ppriē*

#### 44 EXAMEN DECRETORVM

ea modo, sicut Baptismus & cœna Domini, nō est Sacramentum. Sed si quis addita hac explicatio-  
ne & differentia, eam propter singularem appli-  
cationem promissionis uoluerit Sacramentum ap-  
pellare: Apologia Augustanæ confessionis profite-  
tur, se non uelle pugnare.

Ordinatio, hoc est, legitima ad ministerium E-  
uangelij uocatio, & publica eius uocationis decla-  
ratio & approbatio, habet mandatum in Scriptu-  
ra: habet etiam promissionem, quod Deus legiti-  
mè uocatos. donis ad ministerium necessarijs uelit  
ornare, 2. Tim. 1. 2. Cor. 3. & quod per ministeriū  
ipsorum uelit efficax esse: non in rebus corporali-  
bus, sed sicut ministeriū spiritus est potentia Dei,  
ad salutem omni credenti. Et propter multas caus-  
sas utile est, dignitatem ministerij, quam ex sen-  
tentiâ uerbi Dei habet, in Ecclesia et ornare, quasi  
in illustri loco constituere, ad refutandos & pha-  
naticos & Epicureos ministerij contemptores.  
Hoc modo, & in hanc sententiam Apologia con-  
fessionis nostræ dicit, se non grauati ordinē uo-  
care uelle Sacramentum, modò discernatur à Ba-  
ptismo & Eucharistia, quæ uerè & propriè sunt  
Sacramēta. Et propter hanc causam Augustinus  
contra Donatistas, Ordinem uocat Sacramētum:  
sicut suo loco dicemus. Ordinatio igitur habet qui-  
dem promissionem de efficacia ministerij, ad salu-  
tē in omni credenti: sed non habet promissionem,  
quod



quòd beneficium Euangelij personæ ordinati, per ipsum ordinationem, tanquàm organon diuinis ad hoc institutum, applicetur ad salutem. Multi enim accipiunt ministerium, quod efficax est in alijs credentibus: cum ipsi qui exercent ministerium, non sint filij Dei. Apostoli etiam ritum impositionis manuum, qui illo loco & tempore in orationibus & benedictionibus uisitatus erat, liberè usurparunt. Non tamen docuerunt, ritum illum à filio Dei in nouo Testamento institutum, & expressè mandatum esse: sicut de aqua in Baptismo, de pane & uino in Eucharistia extant mandata Christi. Posteriores uerò ad ordinationem adhibuerunt chrisma, & multos alios ritus qui nec mandatum Christi, nec Apostolorum exemplum habent. Efficacia uerò & applicatio promissionis diuinæ, non est alliganda ad ritum aliquè, qui non habet mandatum seu uerbum Dei. Ordinatio igitur non est uerè & propriè Sacramentum eo modo, sicut Sacramenta sunt, Baptismus & coena Domini. Nam & ritus ordinationis, & promissio ordinationis, deficiunt in proprietatibus illis, quæ requiruntur ut aliquid uerè & propriè sit Sacramentum, sicut Baptismus & Eucharistia.

Coniugium Augustinus tunc potissimum Sacramenti appellatione ornauit, cum cōtra Hieronymi immodestas criminationes, dissimulato Hieronymi nomine, ex uerbo Dei defendere uellet, esse sta-  
tum

## 46 EXAMEN DECRETORVM

tum seu genus uitæ bonum, purum & sanctum. Et quia similitudo quedam est coniunctionis Christi & Ecclesiæ, Augustinus appellationē Sacramenti, quam latè accipere & usurpare solet, facile ipsi attribuit. ut uerò statueret, cōiugium uerè et propriè esse Sacramentū noui Testamenti, eo modo, sicut Baptismus & Eucharistia sunt Sacramenta, Augustino nūquam in mentem uenit. Primò enim non est in nouo primum Testamento institutum sed statim initio, creato genere humano.

Et mysterium illud quod est in coniugio, non primum cœpit tempore noui Testamenti. Veteres enim dicunt, illud mysterium seu Sacramentum esse, quòd ex latere Adæ dormientis formata est Eua, ut esset caro de carne Adæ. quanquam Augustinus aliud addat, de singularitate scilicet uxorum in nouo Testamento: sed & illud ipsum, teste filio Dei Matth. 19. ita fuit ab initio. 2. Habet quidem piorum coniugium, Dei benedictionem & promissionem, quòd in concordia, caritate, castitate cōhabitare possint: sed hæc nō est promissio illa gratiæ iustificationis quæ noui Testamenti propria est. Nec coniugium, organon seu medium est, per quod Deus offerre, exhibere, & applicare uelit beneficia redemptionis: quod Sacramentorum proprium est. Et Eccius concedit, etiam infidelium coniugium esse Sacramentum. 3. Nullum planè externum elementum habet matrimonium

matrimonium, sicut in Sacramentis requiritur. Ineptiæ enim sunt, quòd fingunt materiam esse, quando uir dicit, Accipio te in meam: formam uerò, quando respondetur, Et ego accipio te in meum. 4. Nec inde sequitur uerè & propriè Sacramentum, quia habet mandatum Dei, & benedictionem, & aliquid sacri significat. Hac enim ratione, plures aliæ res essent Sacramenta.

Quod ad confirmationem attinet: prima Apostolica ecclesia habuit promissionem, de effusione uisibilium donorum Spiritus, iuper credentes. Quando igitur Apostoli super ipsos orabant, adhibebant usitatum tunc temporis in orationibus symbolum, impositionem manuum. Sed temporale donum illud fuit: desijt enim, postquàm doctrina Euangelij satis confirmata erat. Ut uerò aliquid Sacramentum sit, requiritur ut habeat mandatum & promissionem Dei, non ad tempus, sed usque ad consummationem seculi. Ludibrium uerò est, ritum illum sine mandato Dei imitari: cum manifestissimum sit, donum illud iamdudum desuisse. Sed inquis: Certè habemus uniuersales & perpetuas promissiones, de dono confirmationis & perseuerantie, item de augmēto donorū spiritaliū. Nos uerò hoc, quod plenissimum est consolationis, non tantū cōcedimus, sed addimus præterea, diuinitus ordinata

ordinata esse media, per quæ spiritus dona illa cõ-  
fert, cõfirmat, auget & conseruat: uerbũ scilicet,  
fidẽ, orationẽ, et exercitiis donorũ: sicut in loco de  
confirmatione explicabimus. Sed cuius audaciæ  
est, ideo sine mandato & institutione Dei, pecu-  
liare Sacramentum comminisci? Multæ enim sunt  
promissiones, & uariæ dona spiritus, ad quæ, non  
sunt diuinitus peculiaria Sacramenta, instituta. Il-  
lud uerò arbitror diuinitus factum esse, quòd im-  
positio manuum, in confirmatione non fuit reten-  
ta. Ita enim posset Apostolorum exemplum, ali-  
qua saltem specie prætendi. Quia uerò commu-  
tata est in unctionem chrismatis, & signationem  
crucis, manifestius apparet esse Sacramentum sine  
institutione & mandato Christi: cuius etiam nullũ  
Apostolorum exemplum prætexi potest. Quòd  
enim unctio chrismatis, in ueteri Testamento ha-  
buit institutionem diuinam, non satis est ad consti-  
tuendum Sacramentum noui Testamenti. aliàs e-  
nim Turcarum etiam circumcisio posset pro Sa-  
cramento defendi. Requiritur itaq; ut institutũ, et  
mandatum sit in nouo Testamẽto. Vbi uerò extat  
mandatũ in noui Testamenti Scriptura? Vbi exem-  
plum, quòd abrogatis cæteris ueterum umbris, u-  
sus olei retinendus sit: & inde tot Sacramenta fa-  
bricanda? Vbi promissio, ad illinitionem chrysmatis  
dari Spiritum sanctum? Non igitur potest uerè  
& propriè esse Sacramentum noui Testamenti  
ubi

ubi deest institutio, & expressum mandatum Christi.

Similis uerò ratio est de unctione infirmorum. Quod enim Marcus Apostolos, cum donum sanationis accepissent, factitasse scribit: idem Iacobus Ecclesiae, tunc cum adhuc donum sanationis haberet, praescribit. Adhibebatur enim unctio olei, ut externum symbolum doni sanationis. Illud cum defierit, manifestum est, usum etiam unctionis olei temporarium fuisse. Non enim extat uel mandatum, uel exemplum in Scriptura, ut in nouo Testamento ad aliud quàm ad donum sanationis adhibeatur. Marci. 6. Iacobi 5. Nunquid igitur Ecclesia planè nullam nunc habet consolationem pro egrotis? Imò habet illa quae Iacobus recitat: uerbum, fidem, orationem, &c. Illa enim habent mandatum & promissionem Dei, de perpetuo usu. De unctione uerò olei, separata à dono sanationis, & ad alium effectum sine uerbo translata, non habemus mandatum uel promissionem Dei in Scriptura noui Testamenti.

Sed de singulis illis, suo loco plenius dicendum erit. Hoc uerò loco, breuiter tantum ex certis & firmis fundamentis, rationes manifestas uolui ostendere, quare quinq; illa (Poenitentia, Ordo, Coniugium, Confirmatio, & Unctio,) nec debeant, nec possint, eo modo sicut Baptismus & Eucharistia, uerè & propriè dici noui Testamenti Sacramenta.



menta. Quare uerò Pontificij tantoperè dimicēt,  
ut simpliciter, uerè & propriè Sacramentis annu-  
merentur, suo loco de singulis annotabimus. Re-  
bus ipsis uerò, quæ his uocabulis significantur, ni-  
hil detrahimus. Sentimus autem, eas non posse di-  
gnius aut rectius ornari & illustrari, quàm si se-  
cundum Scripturæ sententiam tradantur & ex-  
plicantur. id quod fieri potest, etiam si non tribua-  
mus illis appellationem Sacramenti, eo modo, si-  
cut Baptismo tribuitur. Imò peregrinæ opiniones  
& corruptelæ, quas sub titulo Sacramentorum  
Pontificij rebus illis affinxerunt, non possunt so-  
lidè & perspicuè refutari, nisi operculum illud  
tollatur, & doctrina de rebus illis, simpliciter ita  
explicetur, sicut in Scriptura tradita est. Sed hæc  
suis locis plenius & commodius explicabuntur.

Nequaquàm autē noui aliquid hac disputatio-  
ne in Ecclesiam inuehimus. Antiquitas enim, licet  
uocabulo Sacramenti, uariè (sicut ostendimus) lu-  
serit: omnes tamen, quando incidunt in historiã,  
quomodo ex latere mortui Christi profluxerit  
sanguis & aqua, dicunt Ecclesiæ Sacramenta il-  
la esse: aquam scilicet in Baptismo, & sanguinem  
in Eucharistia. Augustinus de symbolo ad ca-  
techumenos libro 2. cap. 6. dicit hæc esse Eccle-  
siæ gemina Sacramenta. Et de Ciuitate Dei  
libro decimoquinto, capite uigesimo sexto. Inde Sa-  
cramenta promanarunt, quibus credentes initian-  
tur.

tur. Tractatu in Ioh. 9. ! Mortuo Christo, lancea percuitur latus, ut profluant Sacramenta, quibus formetur Ecclesia. Idem in 40. Ps. De latere Christi, Ecclesiae Sacramenta profluxerunt.

Beda ex Augustino in 19. caput Iohannis: Aperuit latus, ut illic quodammodo ostium uitae panderetur, unde Sacramenta Ecclesiae manauerunt: sine quibus ad uitam, quae uerè est uita, non intratur.

Chrysostomus super illum locum dicit, ex ambobus illis Ecclesiam constitutam esse: & addit, hinc mysteria, hoc est, Sacramenta, ortum habere: quòd scilicet aqua et sanguis ex Christi latere profluxit. Idem dicunt reliqui Patres, explicantes illum locum Iohannis. Et ipsi Pontificij, in Ecclesiis suis canunt: Hinc salutis Sacramenta emanant, in aqua & sanguine.

Nec ociosam *λογισμὴν*, sed necessarium certamen esse hanc disputationem, uel unicum hoc documentum satis ostendit, quòd in res ipsas (ut est doctrina De poenitentia, De ministerio uerbi, De coniugio, De confirmatione & incremento donorum spiritus, De consolatione aegrotorum) loco simplicis sinceritatis, quam secùdum uerbum Dei habere & retinere debebant, inuecta sunt multa accessoria, peregrina, falsa & impia: hac potissimum occasione, quòd titulum Sacramenti, uerè & propriè tueri posse non uidebantur,

uidebatur, si in illa plana simplicitate, qua in Scriptura res illæ traduntur, relinqueremur. Et aduersarij propterea tam pertinaciter de numero Sacramentorum dimicant. Vident enim ritus & opinionones, quæ præter & contra uerbum Dei, ex hominum traditionibus, in res illas inuecta sunt, non posse plausibiliori specie excusari, retineri & defendi, quàm sub pallio, titulo & prætextu appellationis Sacramenti. Vt igitur rebus illis, genuina puritas & simplicitas ex uerbo Dei restitui, & restituta conseruari possit: neue posteritati occasio detur, à simplicitate illa rursus discedendi, & eius loco, peregrina & adulterina affingendi: utilis et necessaria est illa disputatio, an reliqua quinque, quæ Pontificij numerant, uerè & propriè sint Sacramenta, eo modo, sicut Baptismus & cœna Domini.

DE DIFFERENTIA SA-  
cramentorum ueteris & no-  
ui Testamenti.

Canon 2.

*Si quis dixerit, ea ipsa nouæ legis  
Sacramenta, à Sacramentis antiquæ  
legis non differre, nisi quia ceremoniæ  
sunt alia, & alij ritus externi, anathe-  
ma sit.*

Examen.

Deus uoluntatem suam de mysterio redemptio-  
nis generis humani, de gratuita reconciliatione,  
& acceptione credentium ad uitam æternam  
per fidem, propter uictimam filij Mediatoris, om-  
nibus temporib. ab initio mundi, dato certo uerbo  
patefecit. Addidit eti in uerbo, diuina sua institu-  
tione, certa quædam externa signa, quibus promif-  
sionem iusticiæ fidei luculentius obsignaret & cõ-  
firmaret. Non igitur noui Testamenti tempore  
primum cœpit institutio et usus Sacramentorum:  
sed Patres tempore ueteris Testamenti, imò etiam  
ante promulgationem legis, sua quædam diuinitus  
in hunc usum instituta habuerunt signa seu Sacra-  
d 3 menta,

## 54 EXAMEN DECRETORVM

menta, quæ fuerunt sigilla iusticiæ fidei, Rom. 4. Iam uerò cum idem sit Deus, idem mediator, eadem gratia, iusticia, promissio, fides, salus, &c. tamen externa illa signa seu sigilla aliquando mutata sunt, alijs diuina institutione in locum ipsorum substitutis: prout subinde illustrior redditus fuit modus patefactionis: qui primum fuit quasi lucerna in loco obscuro ardens, postea successit lucifer, donec tandem nocte præterita, exortus est sol iusticiæ. Ita Patriarcharum signis successit institutio circumcisionis: & abrogata demum circumcisione, successerunt per institutionem filij Dei, Sacramenta noui Testamenti. Quia uerò illa signorum mutatio, hereticorum, & præcipuè Manichæorum cauillationibus exagitabatur: ceptum est non inutiliter quæri & disputari de conuenientia seu similitudine, & de differentia Sacramentorum ueteris & noui Testamenti. Et res ipsa per se, sicut fundamenta in Scriptura traduntur, plana est. Sed appellatio Sacramenti, nunc latius, nunc angustius usurpata, reddidit illam doctrinam aliquo modo perplexam. Postea disputationes Scholasticorum de opere operato, omnino eam turbauit & subuerterunt. Quæ etiam disputationes Luthero occasionem præbuerunt, ut in libro de captiuitate Babylo-nica, inciperet diligentius ex Scripturæ fundamentis inquirere, de similitudine & differentiis Sacra-



*Sacramentorum ueteris & noui Testamenti.*

Ne uerò Andabatarum more in tenebris pugnemus, monstrandus est status huius disputationis.

Plana autem, atque ( uti arbitror ) extra controuersiam, inter aduersarios Pontificios & nos sunt hæc capita: iustis, qui fuerunt tempore ueteris Testamenti, à Deo propositam, exhibitam, datam & collatam fuisse gratiam, iusticiam, salutem, & uitam æternam, propter futuram uictimam filij Mediatoris. Saluatos enim fuisse iustos tempore ueteris Testamenti, ex Scriptura certissimum est. Nemo autem saluatur sine gratia Dei. Illa uerò propter solum benedictum semen promittitur & datur. Est & hoc extra controuersiam, non aliam fuisse gratiam, neque etiam aliam fidem qua saluati sunt iusti, tempore ueteris Testamenti, quàm nunc tempore noui Testamenti. Habemus enim eundem spiritum fidei. 2. Corinth 5.

Gratia etiam qua iustificatus est Abraham, & qua saluatus est Dauid, exemplum est iustificationis & saluationis omnium temporum. Rom. 4. Restabit igitur quæstio, quomodo, hoc est, per quod medium instrumentum seu organon, Deus tempore ueteris Testamenti proposuerit, exhibuerit, dederit & contulerit credentibus gratiam ad salutem. Certum autem est, patres illos

habuisse uerbum promissionis, de benedictione propter futurum semen.

Habuerunt etiam externos quosdam ritus, diuina institutione huic promissioni gratiae additos & annexos.

Et uerbum quidem promissionis, an Pontificij permittere uelint, fuisse tale medium seu organon tempore ueteris Testamenti, non planè scio. De Sacramentis certè, quibus promissio illa gratiae diuina institutione annexa fuit, hoc loco disputatur. Et apud ueteres quidem Ecclesiasticos scriptores, de circumcisione, quae fuit Sacramentum ueteris Testamenti, axioma hoc uulgatum & certum est: Infantes, tempore ueteris Testamenti, per circumcisionem liberatos fuisse à peccato originali. Be-da etiam ex Patribus, sententiam hanc quae Scholasticis scriptoribus nō ignota est, citat: Sacramenta ueteris Testamenti, suo tempore custodita, uitā conferebant aeternam. Longobardi uerò tempore, in questionem uocari coepit haec sententia. Et Hugo quidē, qui circa illa tempora fuit, ualde obscure & ambiguè disputauit (sicut Gabriel recitat) ut eadem sit salus iustorum in ueteri & nouo Testamento. Ideo Sacramenta ueteris Testamenti iustificasse indirectè & ex cōsequenti, quasi mediantibus noui Testamenti Sacramentis, per ea significatur. Longobardo uerò Scholastici tribuunt hanc opinionem, quòd per Sacramenta ueteris

ris Testamenti, Deus nulla planè ratione contulerit gratiam credentibus, etiam quando in fide & caritate usurpata fuerunt. Quia censuit, ea imposita fuisse tantum in onus & seruitutem, non in iustificationem.

Hiscè Hugonis & Longobardi disputationibus, proicctum fuit in mediũ, *μὴ λὸν ἐπιδόσ*: quod certatim & audè arripuit populus Scholasticorum. Et fabricata opinione operis operati, hoc discrimen commenti sunt inter Sacramenta utriusq; Testamenti, quòd per illa tantummodò significata, non autem exhibita seu collata fuerit gratia, etiam ritè suscipientibus: per hæc uerò, gratia & significetur & conferatur, etiamsi in suscipiente nullus existat bonus interior motus.

Sed quia alijs ex ipsis uiderunt absurdum esse, si dicatur, iustis in ueteri Testamento non fuisse collatam gratiam: finxerunt igitur, Sacramenta ueteris Testamenti contulisse gratiam non ex opere operato, sed ex opere operante: hoc est, per modũ meriti, ex suscipientis deuotione, quod ita declarant: Omnem actum uirtutis, caritate formatum, dicunt meritorium esse: usum uerò Sacramentorum ueteris Testamenti, dicunt fuisse actum obedientiæ. Data enim fuerunt præcepta de huiusmodi Sacramentis, & ideo usum eorum dicunt fuisse impletionem præcepti: & propterea ratione uirtutis obedientiæ, per modum meriti, fideles tunc

in usu Sacramentorum accepisse gratiam. Hæc uerò sententia directè, & quasi aduersa fronte pugnat cum Paulo, qui Rom. 4. exprofeßo docet & confirmat, circumcisionem non iustificasse Abrahamum ex opere operante, seu per modum meriti: sed fuisse sigillum seu obfignationem iusticiæ fidei, cuius proprium est, ut beatitudo sit eius hominis, cui Deus secundum gratiam, credenti non operanti, imputat iusticiam sine operibus. Rom. 4. Et quid quæso sani ab istis hominibus, de salutari Sacramentorum usu expectes, qui gratuitam promissionem qua gratia offertur & exhibetur, & fidem qua promissio accipitur, ex Sacramentis proscribunt: hoc est, qui ipsa Sacramenta ex Sacramentis tollunt, & ex Dei actione faciunt nostrum opus, ex gratia meritum, ex promissione præceptum? Et tamen istas Scholasticorum opiniones, concilium Florentinum confirmare non ueretur, inquit enim: ueteris Testamenti Sacramenta non caussabant gratiam, sed eam solum per passionem Christi dandam esse figurabant: nostra uerò & gratiam continent, & ipsam dignè suscipientibus conferunt. Quid uerò audio? Num iustis, tempore ueteris Testamenti, uirtute futuræ passionis Christi, non data fuit gratia? An uerò tantum habuerunt præfigurationem, fore ut post natum Christum

primum

primū daretur gratia, illis qui post consummatam passionem Christi credituri essent? Passio certē Christi, meritum illud est, propter quod gratia data fuit & olim, & adhuc datur. Neque enim uerum est, ueteres olim per uirtutem futuræ passionis Christi, sine certo aliquo medio seu organo, quo illa offerretur & applicaretur, iustificatos esse: nos uerò per Sacramenta, siue uirtute passionis Christi iustificari.

Hæc ideo hoc loco annotaui, ut lector admonitus, intelligat quæ sit Helena illa, pro cuius restitutione secundum hic Canon dimicat. Ut autem ad explicationem eò commodius transeamus, consideret lector hoc artificium, quod illi qui nunc sunt conducticij Pamiſiciæ cauſſæ aduocati, ut amoliantur suspicionem nouitatis, non utuntur in hac quæſtione Scholaſticorum argumentis: quia animaduertunt, qualia illa ſint: ſed Auguſtini autoritate, opinionem illam tueri conātur ex quadā eius ſententia, quæ extat in enarratione Ps. 73. Sacramenta noui Testamenti, dant salutem: Sacramenta ueteris Testamenti, promiſerunt ſaluatorem. Sed ſi recte & diligenter expēdatur, quomodo Auguſtinus in loco allegato quæſtionem illam diſputet, non tantum liquidò conſtabit quæ fuerit ipſius ſententia, uerum etiam monſtrabuntur uera fundamenta ex quibus quæſtio hæc recte



rectè explicari & dijudicari poterit. Non autem promiscuè de omnibus figuris & signis ueteris Testamenti disputamus, sed de illis, quibus uerbum promissionis gratiæ annexum fuit. Multæ enim fuerunt in ueteri Testamēto figuræ & umbræ, quæ aliquid sanè de mysterio incarnationis, redemptionis et iustificationis significarunt: nō aut omnes adiunctā habuerunt expressam promissionē diuinam, quod per illa signa Deus offerre, applicare & obsignare uellet promissionem iusticiæ fidei singulis, fide illis ritibus utentibus. Quædam uerò non tantum significarunt, uerumetiam adiunctam habuerunt promissionem, quod per illa signa in uerbo, Deus iusticiam fidei offerre, applicare, obsignare & confirmare uellet, in singulis fide promissionis, signis illis utentibus: quale signum, extra omnem controuersiam fuit Circumcisio. Duplicia igitur fuerunt signa ueteris Testamenti: quædam tantum fuerunt significatiua, quædam uerò simul etiam fuerunt uirtute promissionis, exhibituiua seu obsignatiua gratiæ. Augustinus uerò omnia illa signa, aliquando una & eadem appellatione Sacramenti comprehendit. Quando igitur figuras & umbras, quæ sunt signa tantū significatiua, uocat Sacramenta, tunc dicit in Ps. 73. De discrimine ueteris & noui Testamenti, Sacramenta non eadem, promissa non eadem. Et illud declarat, Promissa non eadem: quia promissa terra Ca-

naan,

naam, regnum temporale, felicitas terrena. Sacramenta non eadem: quia alia sunt Sacramenta salutem damia, alia Saluatorem promittentia. Sacramenta noui Testamenti, dam salutem: Sacramenta ueteris Testamenti, promiserunt Saluatorem. Nunquid autem dicemus Augustinum sensisse, Patres in ueteri Testamento tantum terrena promissa habuisse, & prorsus destitutos fuisse promissione spirituali, de iusticia coram Deo, salute & uita eterna? Aut Patribus in ueteri Testamento non fuisse datam salutem? Certè nemo sanus, Augustino manifestè falsam hanc sententiã tribuere audebit, quam multis in locis ipse refutat. In promptu igitur est colligere, quid Augustinus in illo loco uelit. Collationem enim, seu potius mutuam relationem, indiuiduam connexionem instituit inter promissa & Sacramenta: ut qualia sint promissa, talia etiam sint Sacramenta: & quidem ex promissis sumendum esse iudicium de Sacramentis. Et hoc fundamentum diligenter obseruetur. Iam uerò inquit: In ueteri Testamento, fuerunt quædam promissa terrena seu temporalia politicæ Mosaicæ, et illis promissis etiam Sacramenta quædam fuerunt adiuncta: Cõcludit igitur Augustinus, sicut ipsa promissa terrena, figuræ fuerunt spiritualium promissionum, ita etiam Sacramenta illarum promissionum, significasse futuram oīnouiciã Saluatoris. Manifestum igitur est,

est, Augustinum primò ibi loqui de signis, quæ tantum sunt significatiua, quæ non annexam habuerunt spirituales promissionem. Deinde etiam inter ipsas spirituales promissiones, in ueteri & in nouo Testamento, Augustinus tale facit discrimen, quòd in ueteri Testamento sint promissiones Christi uenturi, in nouo uerò sit annunciatio Christi exhibiti.

Non minus autem promissio de futuro semine benedicto, in ueteri Testamento fuit potentia Dei ad salutem omni credenti, quàm annunciatio de Christo exhibito in nouo Testamento. Et ex hoc fundamento, de discrimine scilicet promissionis gratiæ in utroque Testamento, Augustinus differentiam sumit & constituit, inter Sacramenta quæ promissioni gratiæ, in utroque Testamento uoce diuinæ annexa fuerunt. inquit enim: Cum ergo iam teneas promissa, quid queris promittentia Saluatorem, iam habens? Hoc uerò, est quod dico te tenere promissa: non quòd iam acceperimus uitam æternam, sed quia iam uenit Christus, qui per prophetas prænunciabatur. Et hanc differentiam in multis alijs locis repetit & explicat. Iste igitur locus Augustini, quo fermè solo nituntur Pontificij, nihil ipsis patrocinator, quasi tempore ueteris Testamenti planè nulla fuerint Sacramenta, per quæ Deus in uerbo obtulerit, exhibuerit & obsignarit gratiam: cum certum sit,

pro-

promissionem gratiae tunc annexam fuisse certis quibusdam ritibus seu Sacramentis. Augustinum enim diuersum sensisse, postea ostendemus. Nunc tantum obiectionem, quam ex Augustini loco Pontificij formant, remouere & explicare uolui.

Quae uerò ex Scriptura obijciuntur, facile explicari possunt, si seruetur Hilarij regula, ut intelligentia dictorum sumatur ex causis dicendi. Scriptura enim de Sacramentis ueteris Testamenti, saepe non loquitur quid sint per se, hoc est, ex institutione diuina: ut scilicet sunt sigilla promissionis gratiae & iusticiae fidei: sed reprehendit & refutat falsas opiniones, quas homines externis illis ritibus, neglecta promissione & fide, affingebant. Non enim docebant, fidem in Sacramentis, tanquam in uerbo uisibili, debere apprehendere promissionem de redemptione per filium mediatorem futura, propter quæ Deus credentes iustificat: sed sepulta promissione, & absoluta uera fide, fingebant se ex merito & dignitate operum, quæ in externis illis ritibus exercebant, iustificari. Contra hanc opinionem Paulus pugnat, de circumcisione disputans, Rom. 2. Gal. 5. Et in epistola ad Hebræos ostendit, solius Christi sanguinem habere uirtutem emundandi conscientiam à peccatis. Quod igitur Patres sub ueteri Testamento iustificati sunt, hoc affirmat factum esse.

esse, non uirtute sanguinis pecudum, aut reliquarum lustrationum: sed quòd sub illis figuris & umbris, fides aliud obiectum intuita sit & apprehenderit, promissionem scilicet de futura uictima filij Dei mediatoris. Hoc enim est, quod agit per totā epistolam ad Hebræos: ubi simul ostendit illorum rituum antiquationem seu abrogationem, cū ipsorum complementum, Christus scilicet exhibitus sit, & alia Sacramenta instituerit.

Hiscæ igitur quæ et ex Scriptura et ex Augustino obijci solent, explicatis, tota res plana crit. Idem enim Deus est, & in ueteri & in nouo Testamento, iustificans & circumcisionem & præputium. Idem est Christus heri, hodie, & in secula: propter quem & iustificati sunt, & iustificantur credentes, & in ueteri & in nouo Testamento. Eadem est substantia (ut sic dicam) promissionis, eadē fides, eadem gratia, eadem iusticia, eadem salus et uita æterna in Christo, & propter Christum: qui in ueteri Testamento promittebatur uenurus, & in nouo annunciatu exhibitus. De his capitibus nulla est, nec esse potest controuersia. Quæstio uerò in eo uersatur, quo medio, instrumento & organo Deus utrobique; uti uoluerit ad offerenda, exhibenda, & obsignanda illa beneficia: & quòd in nouo Testamento uerbum Euangelij sit potentia Dei, ad salutem omni credenti, non est dubium. Certum est & hoc, Christum ad hunc usum instituisse



fuisse Sacramenta noui Testamenti, ut per illa tan-  
 quam per uisibile uerbum, offerret, exhiberet &  
 obfignaret credentibus beneficia Euangelij. Iam  
 de ueteri etiam Testamento extra controuersiam  
 est, planè illam ipsam ibi fuisse rationem uerbi seu  
 promissionis. Quæro autem, an in ueteri Testa-  
 mento, promissio gratiæ tantum nuda sine Sacra-  
 mentis, fuerit proposita populo Dei? Inuenio autè  
 Gen. 17. promissionem fœderis, Ero Deus tuus, &  
 seminis tui post te: diuina institutione uestitum  
 esse (ut sic dicam) ritu seu Sacramento circumci-  
 sionis. Video etiam Paulum, Rom. 4. signum cir-  
 cumcisionis uocare sigillum seu obfignationem iu-  
 stitiæ fidei. Vnde Patres rectè sentiunt, infantes  
 sub lege per circumcisionem liberatos fuisse à pec-  
 cato originis. Et Beda eruditè colligit à contra-  
 rio, eos qui in populo Israelitico accipiebant cir-  
 cumcisionem, ut sigillum iustitiæ fidei, coniunctos  
 fuisse per hoc Sacramentum Ecclesiæ populi Dei,  
 & consignatos fuisse in fœdus & communionem  
 beneficiorum Christi Mediatoris. Deus enim dicit:  
 Masculus cuius præputij caro circumcisa non fue-  
 rit, exterminabitur anima illa de populo suo: quia  
 pactum meum irritum fecit. Cohærent igitur  
 hæc, & manifesta sunt: 1. quòd iusti in ueteri Te-  
 stamento eundem habuerint Christum, eandem  
 acceperint gratiam & iusticiam ad salutem &  
 uitam æternam, quam credentes in nouo Testa-

mento accipiunt & habent. 2. Iustos in ueteri Testamento habuisse non tantum nudam promissionē gratiæ, sed illi promissioni, etiam diuina institutione annexos fuisse certos quosdam externos ritus, quæ Sacramenta uocantur. Et inde consequitur, 3. quod scilicet iusti in ueteri Testamento, non tantum per nudam promissionem gratiæ, propter uenturum Messiam: uerum etiam per Sacramenta, quæ diuina institutione promissioni illi annexa erant, quale extra controuersiam est circumcisio, non minus acceperint beneficia illa Euangelij, ad salutem necessaria, quam nos in nouo Testamento. Atq; ideo Paulus, Col. 2. permutatis uocabulis circumcisionis & Baptismi, significat: Nos qui in nouo Testamento per Baptismum habemus expoliationem corporis peccatorum carnis, accepisse et habere idem, quod circumcisi sub ueteri Testamento, per circumcisionem acceperunt. Sicut enim circumcisio fuit sigillum iusticiæ fidei, Rom. 4. ita Baptismus est stipulatio bonæ cōscientiæ erga Deum, per resurrectionem Christi. 1. Pet. 3. Et medium seu organon, quo exhibebatur & obsignabatur iustitia fidei, fuisse sub ueteri Testamento non nudam tantum promissionē, sed & signum eius circumcisionem: institutio circumcisionis, Gen. 17. & locus Pauli, Rom. 4. clarissime ostendunt. Et 1. Cor. 10. ubi tractat historiam de Manna, & de aqua ex petra profluente, di-

cit.

rit, Patres eandem escam spiritualem manducas-  
se, & eundem spiritualem potum bibisse. Et diser-  
tè nominat Christum, qui est heri, hodie, & in se-  
cula. Hebr. 13. Et hunc Pauli locum Augustinus  
confert cum Baptismo & cœna Domini, tractatu  
26. in Iohan. explicans concionem Christi de  
Manna, & inquit: Sacramenta illa fuerunt in  
signis diuersa: in re quæ significatur, paria  
sunt. Et tractatu Iquadagesimoquinto. In si-  
gnis diuersis, fides eadem, sicuti in diuersis  
uerbis: quorum alterum prænunciat Chri-  
stum uenturum, alterum annunciat Christum  
uenisse.

Et contra Faustum Manichæum, multis argu-  
mentis agit, in diuersis signis, Sacramentis seu  
ritibus utriusque Testamenti, res non esse diuer-  
sas, sed easdem. Nā libro decimonono, capite de-  
cimoquinto mouet questionem: utrum tantum  
profuerit antiquis iustis, fides passuri & resurre-  
cturi Christi, quantum nunc prodest fides passi et  
resuscitati? An ipsa effusio sanguinis agni Dei, quæ  
facta est pro multis in remissionē peccatorū, ali-  
quid utilitatis & purgationis dederit etiam his,  
qui hoc futurum credentes, antequam fieret, ex  
uita migrauerant? Et istam sanè questio-  
nem eo loco non definit. Alibi uerò, ma-  
nifestè ex uerbo Dei affirmat, iustos ueteris  
Testamenti, quantalibet fuerint sanctitatis,

non tamen eos saluos fecisse nisi fidem Mediatoris, qui in remissionem peccatorum, sanguinem suum fudit. Hæc enim sunt eius uerba.

Iam obseruet lector, quæ inde argumenta Augustinus texat. Dicit enim cap. 14. In hac uita nemo potest esse iustus, nisi qui ex fide uiuit. Gratia enim, iusticia, salus, uita æterna, fide accipienda sunt. Addit autem: Antiqui iusti, qui Sacramentis illis intelligebant, ueniam prænunciari reuelationem fidei: ex illa, licet adhuc operta & abscondita, munere tamen pietatis intellecta, etiam ipsi uiuebant. Agnoscit lector connexionem argumentorum. Antiqui iusti acceperunt remissionem peccatorum propter Christum Mediatorem: remissio uerò peccatorum non nisi fide accipitur: fides, uerò antiquorum, obiectum habuit, non nudum tantum uerbum, uerum etiam Sacramenta illius temporis: & ex illa fide, in Sacramentis munere pietatis intellecta, iusti uiuebant. Hæc omnia sunt Augustini.

Quis igitur iam dicet, fidem antiquorum in Sacramentis illius temporis nihil accepisse: cum Augustinus affirmet, ipsos fide illa, in Sacramentis intellecta uixisse? Cap. 16. confert uerbum & Sacramenta: Si inquit, eadem res aliter enunciatum facienda, ut de Christo passuro, resurrecturo, &c. aliter enunciatum facta, ut de Christo passo, resuscitato, &c. quid mirum, si alijs mysteriorum signa-

signaculis, passio & resurrectio Christi futura promissa est, alijs iam facta annunciat? Quid enim sunt aliud quæq; corporalia Sacramenta, nisi quædam quasi uerba uisibilia sacrosancta? Hæc Augustinus.

Si igitur concedimus, per uerbum promissionis in ueteri Testamento oblata & exhibita fuisse à Deo credentibus, gratiam & salutem: quomodo Sacramentis illud adimemus, quæ nihil aliud sunt quàm uisibilia uerba: ut eadem sit ratio, & idem usus uerbi & Sacramentorum.

Et cap. 14. Correlatiua facit, sicut fidem & uerbum seu promissionem, ita etiam fidem & Sacramenta. quod ergo fides accipit, hoc Deus per uerbum & Sacramenta offert & exhibet. Verba Augustini hæc sunt: Tunc ergo occulta erat fides. nam eadem credebant, eadem sperabant omnes iusti & sancti etiam temporum illorum: & promissua erant illa omnia Sacramenta, omnisq; ritus ille sacrorum: nunc autem reuelata est fides.

Et cap. 16. inquit: Aduersus calumniosam imperitiam Fausti demonstrare suffecerit, quanta errore delirent, qui putant signis Sacramentisq; mutatis, etiam res ipsas esse diuersas, quas ritus propheticus prænuñciauit promissas, et quas ritus Euangelicus annunciauit impletas: aut qui censent, cum res eadem sint, non eas alijs Sacramentis annuciari debuisse completas, quàm his quibus ad-



*buc complende prænunciabantur.*

Tota igitur res, de collatione Sacramentorum ueteris & noui Testamenti, planissima est, si tantū adhibeatur illa distinctio, quam Lutherus tradit De captiuitate Babylonica: quòd scilicet quædam figure ueteris Testamenti tantum fuerunt signa significatiua, non autem annexum habuerūt uerbum promissionis gratiæ. De illis signis hoc loco non disputamus. Fuerunt autem etiam in ueteri Testamento signa quædam, quæ ex institutione diuina, annexum habuerunt uerbum promissionis gratiæ: quod uerbum fidem exigit, quæ gratiam accipiat. Et de illis ueterum Sacramentis manifestissimum est, quòd ex institutione diuina, eundem habuerint usum & finem, quem Sacramenta noui Testamenti. Vnum enim & eundem Christum, in uerbo promissionis, Sacramentis illis annexo, credentibus proposuerūt: eadē fuit fides, quæ & in uerbo promissionis, & in Sacramentis quæ promissioni gratiæ annexa erant, eandem gratiam, iusticiam, remissionem peccatorum, salutem & uitam eternam quæsiuit & accepit, sicut nunc in nouo Testamento. Et hæcenus similitudo seu conuenientia est inter Sacramenta ueteris & noui Testamenti.

Nullāne autē differentia est? nullūne discrimen inter Sacramenta ueteris & noui Testamenti? Est omnino illustre discrimen, sicut Augusti-

rijs in locis demonstravit. 1. in ipsis signis, seu ritibus externis. Cum enim Christus sua incarnatione impleuisset ea quæ ueterum Sacramentis significata & promissa fuerant, mutata & abrogata sunt uetera illa Sacramenta, & per institutionem Christi Mediatoris, alia in ipsorum locum substituta. Alijs enim ritibus, inquit Augustinus contra Faustum libro decimonono, capite decimosexto, res annunciari debuerunt comp'ete, quam his quibus adhuc complende prænunciabantur.

2. Sacramenta ueteris Testamenti, fuerunt prænunciatiua uenuri Christi noui uerò Testamenti, annunciatiua sunt exhibiti Christi: sicut inquit Augustinus in Psalm. 73. Et tractatu in Iohannem 45. item contra Faustum lib. 19. cap. 13. Et cap. 14. inquit: Illa in ueteri Testamento, fuerunt promissiones rerum complendarum: hæc in nouo Testamento, sunt indicia completarum. Et idē omnino discrimen Augustinus constituit, inter uerbum gratiæ sub ueteri de uenuro, & in nouo Testamento, de exhibito Christo. Tractatu in Iohannem 45. Et contra Faustum lib. 19. cap. 16. Sicut igitur in diuersis uerbis, ita etiam in signis diuersis, non est diuersa, sed eadem fides, inquit Augustinus. Idem ergo etiam Christus, eadem gratia, ad eandem iusticiam, eandem salutem, &c.

Obseraandum autē est hoc discriminē, quod idē

Christus, licet aliter uerbo & Sacramentis in ueteri Testamento uenturus prænunciatus fuerit, et mysterium redemptionis complendum: aliter uerò uerbo & Sacramentis in nouo Testamento, Christus annuncietur exhibitus, & mysteriū redemptionis impletum: uirtus tamen incarnationis & redemptionis Christi eadem est, eadem etiam gratia ad salutem necessaria: quam Deus non minus tempore ueteris Testamenti proposuit, quam in nouo: quam etiam ueterum fides non minus certò accepit in uerbo & Sacramentis, quam nunc in nouo accipitur. Hæc distinctio inter ipsam incarnationem ac redemptionem, & inter uirtutē eius seu gratiam nō rectè obseruata, decepit Scholasticos. quādo enim in Augustino legunt, res quæ in ueteri Testamento significatæ et promissæ fuerunt, in nouo redditas & exhibitas esse: hoc intelligunt non de ipsa incarnatione, & de opere redemptionis, sed de gratia & salute, quæ propter Christum donatur & exhibetur: cum certissimum sit, exhibitionem & collationem gratiæ & salutis propter Christum, non minus fuisse tempore ueteris Testamenti, quam in nouo.

Quando igitur Augustinus dicit, in uerbo & Sacramentis ueteris Testamenti, fuisse ueritatem promittentem, in nouo exhibentem: in ueteri significationē promittentem, in nouo res redditas: hoc intelligit de incarnatione Christi, & de opere redemptionis,

demptionis, non autem de uirtute eius, & de gratia: quam certè iustis in ueteri Testamento exhibitam esse, nemo negare potest, qui ipsos saluatos esse concederit.

Tertium discrimen Augustinus ita describit, De doctrina li. 3. cap. 9. Sacramentis numero paucissimis, obseruatione facillimis, significatione præstantissimis, societate noui populi colligauit.

Et contra Faustum lib. 19. cap. 13. Prima Sacramenta cum suo aduentu Christus impleuisset, ablatæ sunt, & alia sunt instituta: uirtute maiora, utilitate meliora, actu faciliora, numero pauciora. Et in Psal. 73. Mutata sunt Sacramenta: facta sunt faciliora, salubriora, feliciora. Num uerò ideo ueteris Testamenti Sacramenta, omnino nec salubria, nec felicia erunt, quia noui Testamenti Sacramenta prædicantur salubriora & feliciora? Aut quia Sacramentorum noui Testamenti prædicatur uirtus maior, & utilitas melior: nū ideo planè nulla erit uirtus, aut nulla omnino utilitas Sacramentorum ueteris Testamenti? Certè quæ secundum magis & minus comparantur, licet gradu differant, in uno tamen & eodem genere conueniunt. Felicitatem igitur, utilitatem, uirtutem et salutem, Augustinus Sacramentis ueteris Testamenti eo ipso tribuit, quòd prædicat noui Testamenti Sacramenta feliciora, salubriora, uirtute maiora, & utilitate meliora. Et hoc libenter da-

mus: sicut modus reuelationis in nouo Testamento illustrior est, lux fidei maior, & mensura gratie uberior: ita etiam per Sacramenta noui Testamenti, gratiam Christi luculentius, plenius, perfectius & uberius dispensari credentibus. Nunc enim consummato redemptionis mysterio, figuris successit ipsa ueritas, Heb. 9. umbris corpus, Col. 2. Filius Dei enim etiam ante suam incarnationem fuit iusticia & salus credentium, Isaia. 45. & in ipsis inhabitauit, 2. Cor. 6. Nunc uero postquam incarnatus est, Deus & homo Ecclesie suae adest, & in credentibus habitat. In humana enim carne, quam filius Dei assumpsit, habitat iam tota plenitudo diuinitatis: ut ex eius plenitudine, omnes accipiamus gratiam pro gratia, Col. 2. Iohan. 1. Illud tempore ueteris Testamenti nondum erat factum, sed futurum promittebatur & credebatur. Quod si igitur promissio, de futura incarnatione & redemptione, potentia Dei fuit ad salutem credentibus, sub ueteri Testamento: maior certè, uerbior & plenior erit gratia, postquam in nouo ipsum complementum rerum illarum factum est in Christo, qui ut Deus & homo credentibus se communicat.

Hoc igitur modo, noui Testamenti Sacramenta differunt à ueteribus, non tantum quia ceremoniae sunt aliae, & alij ritus externi: sed discrimen est aliud longè illustrius, sicut iam diximus. Pontificij



tificij uerò hisce differentijs non sunt contenti, sed simpliciter uolum, Deum per ueteris Testamenti Sacramenta, etiam quæ uerbum promissionis annexum habuerunt, nullam gratiam exhibuisse & contulisse credentibus, quod manifestè falsum esse, sola circumcisio ostendit. Causa uerò principalis, quare dogma illud Scholasticorum, de differentia Sacramentorum utriusque Testamenti, tantopere urgeant, hæc est, quod opinionem operis operati, quomodocunque defendere & stabilire conamur. Sed de opere operato dicendum erit in examine 8. Canonis.

DE DIFFERENTIA SACRAMENTORUM inter se,

Canon, 3.

*Si quis dixerit, hæc septem Sacramenta ita esse inter se paria, ut nulla ratione aliud sit alio dignius, anathema sit,*

Examen.

Huius Canonis examen paucis absoluemus. Cū enim aliàs, omnia et singula fulmina suorū anathematū, peculiariter in nostrarū Ecclesiarū capita  
uibrare

subtrahere soleant: ab huius certè tertij Canonis trifulco fulmine, laus Deo capita nostra omnino libera sunt. Ita enim fulminant: Si quis dixerit, hæc septem Sacramenta ita esse inter se paria, ut nulla ratione aliud sit alio dignius, anathema sit.

Nos uerò nequaquam ij sumus, qui sentiamus, uel doceamus, septem illa quæ ipsi numerant Sacramenta, ita esse inter se paria, ut sicut Baptismus & Eucharistia, eodem etiam modo, seu pari ratione, reliqua quinq; quæ numerant, uerè & propriè sint Sacramenta. Hoc ipsum enim est, quod in examine primi Canonis egimus: etiamsi de appellatione Sacramenti non pugnemus, sicut & ueteres uariè ea usi sunt: omnino tamen discernèdæ esse res illas, quæ ex institutione diuina adiunctos habent certos externos ritus, ab illis rebus, quæ habent quidem mandatum Dei, sed non certos externos ritus uoce diuina mandatos: & ab illis etiã ritibus qui habent expressum mandatum Dei, & annexam uoce diuina promissionem gratiæ seu beneficii redemptionis, sicut est Baptismus & Eucharistia, discernendos esse reliquos ritus qui undecunq; accepti sunt, certè non habent expressum mandatum Dei, nec promissionē uoce diuina annexam, de applicatione & ob signatione gratiæ reconciliationis. Atq; ideo contendimus, ritus illos ab hominibus acceptos, nullo modo eodem loco habendos, aut in parem dignitatis gradum subleuandos

leuandos esse, sicut priores illos, qui uoce & mandato filij Dei instituti sunt. Immenso enim intervallo distant, & in Ecclesia discernenda sunt filij Dei instituta, ab hominum inuentis. Ab omni igitur crimine & accusatione Canon iste nos absoluit. Dicit enim anathema illis, qui fingunt septem illa quæ ipsi numerant Sacramenta, ita esse inter se paria, ut nulla ratione aliud sit alio dignius.

Sed hæc forsân ioco quis dici arbitretur. Neq; enim uerisimile est, Tridentinos patres in tertio hoc Canone, tam terribiliter detonare de dispari 7. Sacramentorum dignitate, ideo quasi nostram sententiam probare, & quidem sub uinculo anathematis cōfirmare uoluerint: nec ideo sanè, quasi nec obliquè, nec leuiter, sed anathematis seueritate notare & damnare uoluerint Scholasticorum disputationes, qui fingunt, sicut Baptismum & cenā Dominicam, eodem etiam modo, et pari ratione, reliqua quinq; uerè & propriè esse Sacramenta. Quo igitur consilio, & quo sensu fabricatus est tertius iste Canon? Dicam tibi. Veteres illas contumelias repetere & stabilire uoluerunt, dignitatem scilicet chrismatis in confirmatione, quamuis nec mandatum Dei, nec promissionem filij Dei habeat, multò tamen præstantiorem & ampliorè esse, quàm ipsius Baptismi, licet expressum habeat mandatum Dei, & certissimam promissionem, uoce filij Dei annexam. Ratio uerò (si  
Dis

Dis in Romanorū pantheo placet) hæc est, quòd Baptismus administrari potest, etiam ab ijs qui sunt in simplicibus sacerdotum ordinibus, imò in necessitate etiam à laicis: sicut Hieronymus inquit contra Luciferianos. Confirmationis uerò administrationem, solis Episcopis reservari ipsis placuit. Addunt & hanc rationem, quòd Baptismus tantum sit Sacramentum initiationis: per confirmationem uerò, conferatur perfectio gratiæ & gloriæ. Ritus etiam ordinationis dicunt Sacramentum esse, præeminentia nobilitatis & perfectionis (utor ipsorum uerbis) dignius & præstantius quàm Sacramentum Baptismi. Quia, inquit, ordo constituit hominem in gratia, gradu & statu dignitatis (hoc est, pinguium præbendarum, & regalium prælaturarū) quòd Baptismus non facit. Atq; ita cum in primo Canone, ea quæ non habent Dei mandata, sed sunt ab hominibus inuenta, diuinis institutis æquassent: iam in tertio Canone, postulante ea in sublimiorem dignitatis gradum extolli & collocari, quàm quæ ipse filius Dei in nouo Testamento sua uoce instituit, & Ecclesiæ commendauit. Vsq; adeò uerum est, quòd eum qui semel uerecundiæ fines transiit, oporteat gnauiter impudentem esse.

Est & hoc unum ex mysterijs huius tertij Canonis, quòd dignitas Sacramenti Ordinis, non potest ferre honorabile, sanctum & castum coniugi

um: licet et ipsum nominent Sacramentum. Tanto enim dignius est Ordinis Sacramentum, Cōiugio, quòd facilius pati secum potest centum prostibula, successiue tamen (sicut inquit Coloniensis quidam) quàm unam legitimam coniugem. Si qua uerò præterea alia tertius hic canon mysteria continet, ea uel Andradius, uel alius quispiã nobis pandet. Quòd uerò ad rem ipsam attinet, quæ sit Sacramentorum quæ Scripturæ testimonium habent, seu conuenientia seu differentia, non potest simplicius & rectius constitui & explicari, quàm si unumquodq; ex sua institutione, & ex promissione quã ex uoce diuina annexã habet, iudicetur. Nō malè enim huc quadraret, quod in decreto suo dicunt, per Sacramēta iusticia fidei uel incipit uel incepta augetur, uel amissa reparatur. Sed hæc plenius explicare, non est huius loci: tantum enim examen decretorum & canonum Tridentini concilij institimus.

DE



## DE NECESSITATE Sacramentorum.

### Canon 4.

*Si quis dixerit, Sacramenta nouæ legis non esse ad salutem necessaria, sed superflua: & sine eis aut eorum uoto, per solam fidem, homines à Deo gratiam iustificationis adipisci, licet omnia singulis necessaria non sint, anathema sit.*

### Examen.

Principiò artificium compositionis in hoc Canone considerandum est: in singulis enim sermè dictionibus, peculiare latent insidiæ. Indifferenter de omnibus suis, quæ numerant, Sacramentis prædicant, quòd sint ad salutem necessaria. Quòd enim addunt (licet omnia singulis necessaria non sint) intelligunt de ordine & coniugio. Reliquos uerò ritus, ut confirmationis, extremæ unctionis, auricularis confessionis, satisfactionis, &c. uolunt simpliciter esse Sacramèta ad salutem necessaria. Et quod præcipuè obseruandum est, necessitatem Sacramentorum opponunt iustificationi per solam fidem.

fidem. Atqui ea quæ ad salutem necessaria sunt, distinguenda sunt: ut Christus promerens, Pater donans, organa seu Sacramenta uerbi & Sacramentorum, per quæ Spiritus sanctus beneficia illa noui Testamenti offert, applicat, obsignat, auget & confirmat in credentibus: et demum fides, quæ beneficia illa apprehendit & accipit. Singula hæc suo modo, & in suo gradu, ad salutem nostram ordinata sunt. Et sicut non sequitur: Sacramenta ad salutem sunt necessaria: ergo non solus Christus, suo merito nobis eam acquisiuit: ita etiam non sequitur: Sacramenta ad salutem sunt necessaria: ergo non per solam fidem, gratiam iustificationis accipimus. Neq; enim quisq; sanus, iustificationem per solam fidem, ita unquam intellexit, quasi à iustificatione excludatur gratia Dei, meritum Christi, & ministerium uerbi & Sacramentorum. Imò fides in iustificatione querit, apprehendit, & accipit gratiam Dei, propter meritum filij mediatoris: & quidem hæc querit & accipit in ministerio uerbi & Sacramentorum. per quod medium, scit Spiritum sanctum uelle efficacem esse. Querere uerò apprehendere & accipere illa beneficia, Scriptura affirmat, solius fidei proprium esse. Manifestum igitur est, qualis sit sophistica, necessitatem Sacramentorum opponere iustificationi per solam fidem. Ego uerò arbitror, architectos. IIII. huius Canonis, aliud spectasse

f      hac

hac antithesi, inter necessitatem Sacramentorum ad salutem, & inter iustificationem per solam fidem. Neque enim necessitatem Sacramentorum cotantum referunt, quod sint causæ instrumentales, per quas à Deo nobis offeratur & exhibeatur gratia iustificationis: sed loquuntur de adipiscenda, seu accipienda gratia iustificationis: & hoc nolunt soli fidei tribui, sed adiungunt necessitatem Sacramentorum: hoc est, intelligunt nostrum opus, quod in susceptione Sacramentorum facimus, ita ut fides non sola, sed unà cum dignitate seu merito illius nostri operis, accipiat gratiā iustificationis. Et propterea nominant Sacramenta nouæ legis, ut sit mutua relationis legis & nostrorum operum, in ipso etiam Sacramentorum usu: ideo etiam uorum nominant, hoc est, pollicitationem certi operis, ad accipiendā iustificationis gratiam. Quis igitur iam neget, patribus Tridentinis defuisse ingenium, cum in tam paucis uerbis, tam multas & uarias insidias occultare potuerint? Nō potest autem eius questionis quæ in IIII. hoc Canone proponitur, uera explicatio tradi, nisi prius ex insidijs illis nos euoluamus. Quando igitur de necessitate Sacramentorum disputatur, non est questio de ritibus humana autoritate institutis, sed de ijs quæ uerè & propriè sunt Sacramenta: scilicet de Baptismo, & cœna Domini. Et in illis Sacramentis non est questio de magica aliqua efficacia,

ficacia, absolute hærente in ipsis externis elementis: nec de dignitate, aut merito nostri alicuius operis: sed quòd sint media seu organa, per quæ Deus offert, & fides accipit gratiam & salutem.

Quæstione hoc modo formata, explicatio nõ erit difficilis: quæ multa utiliter monebit, & uerã reuerentiam erga Sacramenta in animis nostris excitabit. Pendet autem ex consideratione doctrine, quare Deus promissioni Euangelij adiecerit Sacramenta? Deus enim, qui satisfactionem filij sui mediatoris ordinauit, ut esset meritum & acquisitio salutis nostræ: qui etiam ordinauit, ut fides esset quasi manus nostra, qua quæramus, apprehendamus & accipiamus gratiam Dei in Christo: idem Deus etiam certum medium seu organon ordinauit, per quod beneficia filij mediatoris, ad salutem nostram uelit offerre & exhibere, ut fides habeat & sciat certum medium, in quo querere & accipere possit gratiam & salutem.

Tale ergo medium seu instrumentum Dei, est uerbum Euangelij prædicatum, auditum, cogitatum, & fide apprehensum. Ro. 10. Fides iustificans ex auditu, auditus per uerbum Dei. Rom. 1. Euangelium est potentia Dei, in salutem omni credenti. Iohan. 5. Amen dico uobis, qui uerbum meum audit, & credit ei qui misit me, habet uitam æternam, &c. Iam uerò cum Deus per uerbũ offerat

## 84 EXAMEN DECRETORVM

et exhibeat, fides etiam in uerbo apprehendat et accipiat non dimidiatum et insufficiens aliquid, sed gratiam quæ ad salutem necessaria est, ita ut Euāgelium sit potentia Dei, ad salutem omni credenti: oritur quæstio, quis sit Sacramentorum usus, aut propter quas causas Deus externos Sacramentorum ritus, sua institutione adiecerit promissioni Euangelij. Et sunt quidem non pauci homines, partim phanatici, partim prophani, qui et sentiunt et clamitant, superfluum et non necessariū esse Sacramentorum usum. Piorum etiam animi saepe huiusmodi cogitationibus tētantur: Cū uerbo Deus omnia quæ ad salutem necessaria sunt, offerat et exhibeat: cumq; fides, illa in uerbo inuenire et apprehendere possit: quid opus sit Sacramentis? posse igitur sine salutis dispendio, usum Sacramentorum negligi.

Et talibus sanè, siue tentationibus, siue phanaticorum clamoribus, rectè ex uerbo Dei opponitur: Sacramenta quæ Deus ipse, ut essent salutis nostræ adminicula, instituit, nullo modo iudicanda esse uel inutilia, uel superflua, quæ securè negligi et contemni possint. Rectè enim Augustinus dicit contra Faustum lib. 19. cap. 11. Sacramentorum uis inenarrabiliter ualet plurimum: et ideo contempta, sacrilegos facit. Impiè quippe contemnitur, sine qua non potest perfici pietas. Sed hæc ex uerbo Dei diligenter explicanda sunt, ut et do

Arina



*Firma rectè intelligatur, & uerus Sacramentorū  
usus ornatur, & seriò ametur. Quod igitur ad  
Deum attinet, uerbo promissionis offert & exhi-  
bet illam suam gratiam, quæ ad salutem necessa-  
ria est: ita ut fides in illo obiecto seu medio, inueni-  
re possit, quicquid ad salutem est necessarium.*

*Et quidem (sicut Chrysostomus inquit) si ange-  
li essemus, nullo præterea signo nobis opus esset.  
Sed carnalis infirmitas fidem impedit, turbat, di-  
strahit, & debilitat. Arduum enim & difficile est,  
ijs quæ in uerbo proponuntur, licet non appare-  
ant, tamè firma animi persuasionem inherere. Heb.  
11. Imò contra spem in spem credere. Rom. 4. cum  
quidem in hac uita, mens semper sensuum admi-  
nacula quærat. Præterea fides etiam, quando sta-  
tuit promissionem Dei in genere ueram esse, ang-  
tur tamen de hac præcipuè quæstione: An priua-  
tim etiam ad me pertineat? Deus igitur qui diues  
est in misericordia, ut diuitias bonitatis suæ nobis  
ostenderet, & commendaret, non uno tantum mo-  
do, per nudum scilicet uerbum, gratiam suam no-  
bis exhibere uoluit: sed infirmitatem nostram uo-  
luit: certis adminiculis subleuare, institutis scilicet,  
& promissioni Euangelij annexis Sacramen-  
tis, hoc est certis signis, ritibus seu ceremonijs, in  
sensus incurrentibus: ut illis commoneret, erudi-  
ret, & certos nos redderet, quòd foris in specie  
uisibili geri cernimus, illud intus uirtute & poten-*

tia Dei in nobis effici. Sicut enim uerbum incurrit in aures, & ferit corda: ita ritus Sacramentorum incurrit in oculos, ut moueat corda, ut non dubitemus, Deū nobiscū agere, & uelle iuxta uerbū in nobis efficacē esse ad salutē. Verbo enim, & externis à se institutis signis, solet cū hominib. agere. Præterea mens humana nō tantū per se non nouit promissionem de gratuita reconciliatione, uerum etiam quando illa uerbo nobis reuelatur, licet pia mens eam non ausit in genere mendacij arguere, fides tamen, in tentationibus præsertim, difficulter illam, ut priuatim ad me etiam pertinentem, apprehendere & retinere potest. Deus igitur Sacramenta instituit, ut essent externa & uisibilia signa, & pignora gratiæ et uoluntatis Dei erga nos: quibus illustri uisibili testimonio testificetur, quod promissio ad singulos illos pertineat, qui fide eam in usu Sacramentorum amplectuntur. Et hoc modo Sacramenta sunt externa uisibilia testimonia applicationis, gratiæ promissionis Euangelij. Eius enim uox generalis est: fides uero & usus Sacramēti, applicāt eā ad singulos credētes. Hoc modo Sacramēta, quoad nos, sunt signa confirmantia fidem erga promissionem Euangelij: quo ad Deum, sunt organa seu instrumēta, per quæ Deus in uerbo, sua potētia & operatione, gratiā promissionis Euangelicæ credentibus, exhibet, applicat, obsignat, confirmat, auget & cōseruat.

seruat. Non autē alia est gratia quæ in uerbo promissionis, & alia quæ in Sacramentis exhibetur: nec alia est promissio in uerbo Euangelij, alia in Sacramētis. Sed eadē est gratia, unū & idē uerbū nisi quod in Sacramētis, per signa diuinitus instituta, uerbū quasi uisibile redditur (sicut Augustinus loquitur) propter nostrā infirmitatē. Fides igitur in Sacramētis, nō aliā quærit gratiā q̄ in uerbo: nec sine promissione, præter aut extra promissionē, in Sacramētis quærit gratiā. Verbum enim promissionis, est obiectū illud quod fides in Sacramētis intuetur: & in illo apprehēdit ea, quæ uerbo in Sacramētis promittuntur, offerūtur, & exhibentur. Ita Eph. 5. Paulus inquit: Mundans Ecclesiā lauacro aquæ in uerbo. Hæc doctrina ornatur dignitatē Sacramentorū, & exuscitat uerā reuerentiā erga usum Sacramentorū: & ex his fundamentis sumitur explicatio questionis propositæ. Quæ enim piæ aures, prophanas illas uoces uel ferre, uel admittere possent, Sacramēta esse superflua, quæ securè contemni, & sine dispendio salutis negligi possint? cū ex uerbo Dei cōstet, Deū illa ad subleuandā infirmitatē nostrā instituisse: utq; diuitias bonitatis suæ, ad procurandā salutē nostrā ostēderet, instituisse ipsum talia organa seu instrumenta, in quibus uirtute & operatione Spiritus sancti, fides nostra quamuis lauguida & infirma, gratiā apprehēdere, & obsignatā retinere posset, ad

f 4      salutem

salutem & uitam eternam. Neccessaria igitur sunt Sacramenta & ratione infirmitatis fidei nostræ, cui huiusmodi adminiculis opus est: et ratione institutionis diuinæ. quæ enim Deus hoc cōsilio, & in hunc finem instituit, ut per ea credemibus exhibeat, applicet & obsignet beneficia mediatoris ad salutem: ea certè nec inutilia, nec superuacanea, sed neccessaria sunt.

Et hoc sensu non inuiti concedimus, Sacramenta ad salutem esse neccessaria, tanquàm causam instrumentalem: sed tamen addenda est hæc declaratio, non tam præcisam esse neccesitatem Sacramentorum ad salutem, sicut est fidei & uerbi. Sine fide enim, nemo potest saluari: & sine uerbo, nulla potest esse uera fides. Rom. 10. Qui igitur uerbum Dei non habet, is quia non potest fidem concipere, non potest saluari. Qui uerò ex auditu uerbi, ueram & iustificantem fidem iam habet: is licet fide acceperit reconciliationem, Sacramentorum tamen usum nullo modo contemnit, propter causas iam expositas: aut si contemnit, fides non est uera, non enim retinet essentialem suam proprietatē, quæ consistit in mutua relatione uerbi & fidei: ut scilicet fides uerbum promissionis, ubicūq; Deus sua institutione illud proponit, querat et apprehendat. Sed si quis ex auditu uerbi, habeat ueram fidem in Christum: & non concedatur ipsi facultas, ut possit Sacramentis iuxta institutionem



tutionem diuinam uti: in tali certè casu, nō est statuenda præcisa necessitas Sacramentorum ad salutem: ut propterea salus illis denegetur, quibus non datur facultas utendi Sacramentis, licet fide in uerbo apprehendant Christū mediatorem. Latroni enim in cruce, Christum in uerbo promissionis fide apprehendenti, certò promittitur paradysus: licet nō daretur ipsi facultas, ut posset baptismum accipere. Ita qui in deserto nati fuerant, per annos 40 non sunt circumcisi, propter continuas peregrinationis iactationes, quæ facultatem circumcisionis accipiendæ non concedebant. Iosue 5. Et tamen non est dubium, quosdam ex illis per 40 illos annos in deserto mortuos fuisse: quos nemo damnauerit, si Deo fide in promissionem de uenuro Messia reconciliati fuerunt. Rectè igitur Augustinus inquit, contra Donat. lib. 4. ca. 22. Latronis exemplum etiam atq; etiam considerās, inuenio non tantum passionem pro nomine Christi, id quod ex Baptismo deerat, posse supplere: sed etiam fidem, cōuersionemq; cordis, si fortè ad celebrandum mysterium Baptismi, in angustijs temporum succurri non potest. Neq; enim latro ille pro nomine Christi crucifixus est, sed pro meritis facinorū suorum: nec quia credidit passus est: sed dum patitur, credidit. Quantum itaque ualeat, etiam sine uisibili Sacramento Baptismi (id quod ait Apostolus: Corde creditur ad iusticiam, ore autē



confessio fit ad salutem) in illo latrone declaratiū est: sed tunc impletur inuisibiliter, cū mysterium Baptismi, nō contemptus religionis, sed articulus necessitatis excludit. Cap. 23. Latro ille non tamen omnino, sine sanctificatione Baptismi quæ corporaliter adhibetur, fuit: quia nō eius accipiendæ uoluntas defuit, sed nō accipiendæ necessitas affuit. Cap. 24. In illo latrone quod ex Baptismi Sacramento defuerat, compleuit omnipotentis benignitas: quia non superbia uel contemptu, sed necessitate defuerat.

Cap. 25. Cum uerò ex uoluntate defuerit, reatu hominem inuoluit: neq; enim ullo modo dicenda est conuersio cordis ad Deum, cū Dei Sacramentum contemnitur. Et hoc est quod Longobardus dixit, gratiam Dei non esse alligatam Sacramentis.

Obseruet autem lector, in autoribus non tantū uidendum esse quid dicatur, sed principaliter, ex quibus fundamentis id quod dicitur extruatur. De articulo necessitatis in latrone non baptizato, idem dicit Cyprianus quod Augustinus: sed fundamenta longè sunt diuersa. Cyprianus sentit, latronis passionem, uicem Baptismi suppluisse: Augustinus uerò rectius sentit, fidem cordis apprehendentem Christum, iustificasse & saluasse latronem, cum articulus necessitatis Baptismum excluderet. Ita uetustas de articulo necessitatis,  
cum

cum credentes priusquam baptizari possent, uel ad martyrium raperentur, uel morte præoccuparentur, uenuste distinxit Baptismū fluminis, fluminis & sanguinis. Illud uerò postea ita deprauarunt, quasi dignitas operis & meriti in martyrio tanta sit, quæ uirtuti sanguinis Christi in Baptismo æquetur, & eius uicem supplere possit. Item Baptismum fluminis interpretati sunt, quòd tanta possit in aliquo conuicto satisfactio & caritas esse, ut dignitas eius, uicem uirtutis baptismi supplere possit. Hæc non tantum peregrina, sed omnino falsa & impia fundamenta sunt: nostrorum scilicet operum merita, æquare uirtuti Baptismi. In hac igitur exceptione articuli necessitatis, monstrandi sunt consciencijs ueri fomes consolationum: qui certè non sunt, ut nostra opera uice Baptismi Deo opponamus, sed ut fides apprehendens uerbum promissionis, etiamsi articulo necessitatis à Baptismo excludatur, nihilominus certò statuatur, se accipere & possidere Christum, gratiam Dei, & uitam æternam. Euangelium enim, Dei est potentia, ad salutem omni credenti.

Porro adscribam locum Augustini, ex eodem libro, cap. 22. qui illustrabit hanc questionē: An scilicet Sacramenta sint superflua? Verba hæc sunt: In Cornelio & amicis eius, posset uideri superfluum, ut aqua etiam tingerentur, in quibus iam donum

donū erat Spiritus sancti: quod nō nisi baptizatos  
 alios accepisse, sancta Scriptura testatur. Bapti-  
 zati sunt tamen: & in hoc facto Apostolica extat  
 auctoritas usq; adeo nemo debet in quolibet proue-  
 ctu interioris hominis, si fortē ante baptismum,  
 usq; ad spiritalē intellectum pio corde profece-  
 rit, contemnere Sacramentum: quod ministrorū  
 opera corporaliter adhibetur, sed per hoc Deus  
 hominis consecrationem spiritaliter operatur.  
 Nec ob aliud existimo munus baptizandi, Iohan-  
 ni fuisse attributum: nisi ut Dominus ipse qui de-  
 derat, cum serui Baptismum non spreuisset accipe-  
 re, dedicaret humilitatis uiam: & quanti penden-  
 dum esset suum Baptisma, quo ipse Baptizaturus  
 erat, tali facto apertissimē declararet. Videbat e-  
 nim tāquam peritissimus medicus salutis eternæ  
 quorundam non defuturum tumorem: qui cū in-  
 tellectu ueritatis, & probabilibus moribus ita  
 profecissent, ut multis Baptizatis, uita atq; doctri-  
 na se præponere minimē dubitarent, superuaca-  
 penam sibi esse crederent baptizari: quando ad il-  
 lum mentis se habitum peruenisse crede-  
 rent, ad quem multi baptizati ad-  
 huc ascendere conarentur.

Hæc Augustinus.

DE EFFICACIA ET VSV  
Sacramentorum.

Canon 5.

*Si quis dixerit, hæc Sacramenta propter solam fidem nutriendam instituta fuisse, anathema sit.*

Canon. 6.

*Si quis dixerit, Sacramenta nouæ legis, non continere gratiam quam significant: aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ uel iustitiæ: et notæ quædam Christianæ professionis, quibus apud homines discernuntur fideles ab infidelibus, anathema sit.*

Canon. 7.

*Si quis dixerit, non dari gratiam per huiusmodi Sacramenta, semper et omnibus, quantum est ex parte Dei, etiamsi*

inefficacem & irritum, quia tales suis benedictionibus & consecrationibus non possint aquetalem uirtutem conferre, quæ in animam influat & agat. Ex hac etiam imaginatione, orta fuit praua illorum opinio, qui apud Augustinum de Ciui. lib. 21. ca. 25. liberationem ab igne æterno promiserunt omnibus, sine uera fide habemibus Sacramentum Baptismalis et corporis Christi, quomodolibet uixerint, & in quacunque heresi uel impietate fuerint. Illa uero opinio, quod in ipsis Sacramentorum elementis, gratia essentialiter contineatur, sicut medicina in pixide, ita ut uirtus Sacramentorum sit uel essentia, uel qualitas, siue completa siue incompleta, hærens incorporalibus Sacramentorum elementis, etiam inter Scholasticos scriptores, non fuit omnibus probata: ut Bonauentura, Richardo, &c. Fuerunt præterea, qui uirtutem Sacramentorum in ipso opere, quo Sacramenta uel celebrantur uel suscipiuntur, constituerunt: ita ut Sacramenta dicerentur conferre gratiam ex dignitate, & merito operis, quod exercet uel ille qui celebrat, uel qui suscipit. Sed hæc opinio ex diametro pugnat cum ueritate Sacramentorum: quæ sunt actiones, in quibus non nos nostrum aliquid offerimus, sed in quibus Deus sua beneficia nobis offert & exhibet, & uult illa ut à se donata, à nobis accipi.

Nostro



etiam si ritè ea suscipiant, sed aliquando & aliquibus, anathema sit.

De efficacia Sacramentorum, quomodo seu qua ratione offerant, exhibeant, applicent & ob signent gratiam inter Scholasticos scriptores uarie fuerint disputationes. Quidam enim, ut Alensis, Thomas, Durandus, &c. senserunt, ipsis externis, Sacramentorum elementis, per uerbum conferri uirtutem quandam supernaturalem, quæ nõ sit relatio seu ordinatio Dei, quòd per Sacramenta, tanquã per caussas instrumentales. Deus efficacia spiritus, uelit conferre gratiam: sed quæ sit uirtus supernaturalis & spiritualis, absolutè herens in corporalibus Sacramentorũ elemētis, per quã influat et agant in animã, siue effectiue siue dispositiue. Addūt tamē, ut ostēdant, nec se nec alios quod dicunt intelligere, esse ens in completũ, quod per se non sit in aliquo ex decem prædicamentis.

Hugo etiam dicit, Sacramenta noui Testamenti ideo prius sanctificari, consecrari, seu benedici, ut ex sanctificatione (quæ scilicet ex consecratione, in ipsis Sacramentorum elementis cõtenta & inclusa insit) cum applicamur, sanctificent: scilicet, sicut quando emplastrum applicatur uulneri. In hac imaginatione etiam Cyprianus hæsit: qui Baptismum ab hæreticis & malis ministris datum, ideo pronunciauit inuilem, inefficacem

Nostro uerò tempore quidam, dum hasce Pontificias opiniones uehementius refutare uoluerunt, nimium deflexerunt in sinistram partem. Deputarunt enim, Sacramenta nihil aliud esse quam signa & notas Christianæ professionis, quibus à Iudeis & paganis discernamur. In quo usu, quondam apud gentes fuerunt mysteria Cereris, & similes initiationes.

Quidam censuerunt, Sacramenta tantum esse Christianæ societatis symbola, quibus ad mutuam communicationem officiorum excitemur & obstringamur: sicut quondam in fœderibus faciendis mos erat, unà uesci ex rebus sacrificatis. Alij in usu Sacramentorum nihil aliud spectari uoluerunt, quam solas allegorias seu significationes Christianæ mortificationis, regenerationis, uiuificationis, spiritualis alimonie, &c. Sunt qui uideri uolunt de Sacramentis honorificè sentire: & tamen docent Sacramenta tantum esse signa gratiæ, iam antea, ante & extra usum Sacramentorum collatæ & exhibitæ, ita ut per Sacramenta Deus nihil conferat & exhibeat illis qui fide Sacramentis utuntur: sed quòd tantum sint signa gratiæ, aliàs & alio modo antè collatæ.

Huic affinis est & illorum opinio, qui existimant, usum Sacramentorum tantum per modum commonefactionis, excitare fidem: quæ alibi & alio modo, non in uero Sacramentorum usu, quæ-

rat & accipiat gratiam: sicut talis cōmonefactio, à picturis etiam sumi potest. Has opiniones ideo recensui, ut ex antithesi uera sententia rectius intelligatur: præcipuè uerò ideo, quia uideo Pontificios, in suis de hac quæstione disputationibus, phanaticorum opiniones insidiosè commiscere cum nostrarum Ecclesiarum confessione: cum tamen Apologia Augustanæ cōfessionis sententiam suā, ex uerbo Dei extractam, disertè se iungat à phanaticorum prophanis opinionibus.

Manifesta enim sunt Scripturæ testimonia: quæ ut negari non possunt, ita eludi non debent. Tit. 3. Baptismus uocatur lauacrum regenerationis, & renouationis spiritus sancti. Eph. 5. Tradidit semetipsum pro Ecclesia, ut illā sanctificaret, mundans eam lauacro aquæ in uerbo, &c. Ioh. 3. Nisi quis renatus fuerit ex aqua & spiritu, non potest introire in regnum Dei. Acto. 2. Baptizetur, unusquisq; in remissionem peccatorum. Acto. 22. Baptizare, & ablue peccata tua, inuocato nomine Iesu. 1. Pet. 3. loquēs de aqua, per quā Noe cū suis in arca seruatus fuit, inquit: q̄, id est, qua aqua, arcæ antitypon, nunc nos saluos facit, baptisma scilicet: non quòd sit depositio sordium carnis, sed quia est stipulatio bonæ conscientie erga Deum, per resurrectionem Christi. Rom. 6. Quotquot Baptizati sumus in Christum Iesum, in mortem eius Baptizati sumus: ut sicut complantati sumus

similitudini mortis eius, ita etiam resurrectionis  
simus. Gal. 3. Quotquot Bapt. zati estis, Chri-  
stum induistis. Marci 16. Qui crediderit, & bapti-  
zatus fuerit, saluus erit.

Hec manifestissima testimonia, quæ disertè Sa-  
cramētis efficaciam tribuunt, & qualis ea sit, ex-  
plicant, non sunt per tropos peruertenda à simpli-  
ci & genuina significatione, quam propria uoca-  
buloꝝ significatio præbet. Et ita ueteres hæc  
testimonia, simpliciter sicut sonant, intellexerūt.  
Augustinus enim contra Faustum lib. 19. cap. 11. de  
Sacramētis inquit: Quorum uis inenarrabiliter  
ualet plurimum: & ideo contempta, sacrilegos fa-  
cit. impiè quippe contemnitur, sine qua non potest  
perfici pietas. Cap. 13. Sacramenta noui Testa-  
mentī esse uirtute maiora, utilitate meliora. Cap.  
decimosexto. De corporali Baptismi actione, &  
de sono uerborum promissionis, inquit: Hæc om-  
nia fiunt & transeunt, sonant & transeunt: uir-  
tus tamen quæ per ista operatur, iugiter manet: et  
donum spiritale quod per ista insinuat, eternū  
est. In Leuit. quæst. 84. Dominus dicit: E-  
go sanctifico Aaronem. & Moysi dicit: Sanctifi-  
cabis eum. Quomodo ergo et Moyses sanctificat,  
& Dominus? Non enim Moyses pro Domino,  
sed Moyses uisibilibus Sacramētis per ministe-  
rium suum, Dominus autem inuisibili gratia per  
Spiritus sanctum: ubi est totus fructus, & omnis  
utilitas



titilitas etiam uisibilium Sacramentorum.

Tractatu in Iohan. 80. Quare non ait Christus, Mundi estis propter Baptismū quo loti estis: sed ait, Propter uerbum quod locutus sum uobis? Nisi quia et in aqua uerbum mundat. Detrahe uerbum: & quid est aqua, nisi aqua? Accedit uerbum ad elementum, & fit Sacramentum, etiam ipsum tanquā uisibile uerbum. Et mox: Vnde ista tanta uirtus aquæ, ut corpus tangat, & cor abluat? nisi faciente uerbo: non quia dicitur, sed quia creditur.

Has sententias adscripsi: quia non tantum tribuunt Sacramentis uirtutem seu efficaciam, sed simul etiam explicant, quomodo seu qua ratione, Sacramenta dicantur conferre gratiam, sicut iam ostēdemus. Non autem agimus de ritibus, sine expresso uerbo Dei institutis: quibus humana temeritas efficiā spirituale, equalē, imō maiore & præstantiore quā ipsis Dei institutis tribuit: sed quæ uerē & propriē sunt Sacramenta, quæq; promissionē gratiæ diuinæ uoce annexā habent. Et appellatione Sacramēti, intelligimus nō externa tantum elemēta, & uisibiles ritus: sed omnia illa quæ ad rationem Sacramenti pertinere, suprà in explicatione primi Canonis, diximus, præcipuē uerò promissionem de exhibitione & applicatione gratiæ. Nō obscura autē, nec difficilis est explicatio, si adhibeatur necessaria illa distinctio, quō



tum est aliud nomen, &c. Acto. 4. Et gloriā meam alteri non dabo. Isai. 48. Deus saluans non est præter me: ego sum, & non est alius. Isai. 45.

Quo igitur modo Baptisma nos saluos facit, 1. Pet. 3? Quomodo est lauacrum regenerationis, Tit. 3? Hoc uerò Paulus simpliciter declarat, cum Ephesiis cap. 5. inquit: Mundans Ecclesiam lauacro aquæ in uerbo. Et Augustinus idem colligit ex illa Christi sententia: Mundi estis propter uerbū meum, quod locutus sum uobis. Rectè ergo Apologia Augustinæ confessionis dicit, eundem esse effectum, eandem uirtutem, seu efficaciam, & uerbi & Sacramentorum, quæ sunt sigilla promissionum: quæ ideo etiam Augustinus uocat uerba uisibilia. Sicut igitur Euangelium, est potentia Dei ad salutem omni credenti: non quòd magica quædam uis characteribus, syllabis, aut sono uerborum inherereat, sed quia est medium, organon seu instrumentum, per quod Spiritus sanctus efficax est, proponens, offerens, exhibens, distribuens & applicans meritum Christi, & gratiam Dei, ad salutem omni credenti: ita etiam Sacramentis tribuitur uirtus seu efficacia: non quòd in Sacramentis extra seu præter meritum Christi, misericordiam patris, & efficaciam Spiritus sancti, quærenda sit gratia ad salutem: sed Sacramenta sunt causæ instrumentales, ita quòd per illa media seu organa, pater uult gratiam suam exhibere, donare, appli-

care: filius meritum suum communicare credenti-  
bus: Spiritus sanctus efficaciam suam exercere,  
ad salutem omni credenti.

Hoc modo manet Deo gloria sua, ut gratia nō  
alibi queratur quā apud Deum patrem: precū  
seu causa remissionis peccatorum, et uita eterna  
non alibi queratur, quā in morte et resurrectione  
Christi: efficacia regenerationis ad salutem,  
non alibi queratur quā in operatione Spiritus  
sancti. Sacramenta uerō, illa beneficia in uer-  
bo nobis proponunt, offerunt, et exhibent, et ob-  
signant: atq; ita ducūt nos ad Christum, ad grati-  
am Dei, ad efficaciam Spiritus. Quia enim Deus,  
in ijs quæ ad salutem nostram pertinent, per cer-  
ta media uult nobiscum agere: et hunc usum ipse  
ordinauit, et instituit uerbum promissionis Euan-  
gelij: quod aliquando simpliciter per se, siue nudū  
proponitur, aliquando uerō uestitum, seu uisibile  
factum, certis à Deo institutis ritibus seu Sacra-  
mentis. Verbum igitur et Sacramenta monstrāt  
nobis, ubi fides debeat querere, et ubi possit inue-  
nire Christum mediatorem, Patrem et Spiritum  
sanctum: ita ut nobiscum agant, exhibeant, appli-  
cent et obsignent beneficia quæ Christus prome-  
ruit, et de quibus Euangelium concionatur. Et in  
usu Sacramentorum, fides non querit aut respicit  
essentialem aliquam uirtutem seu efficaciam inhæ-  
rentem ipsis externis Sacramētōrū elemētis: sed in  
promis-

promissione quæ annexa est Sacramento, quærit, apprehendit, & accipit gratiam patris, merium filij, & efficaciam spiritus.

Hæc est simplex, plana, & uera sententia, de efficacia Sacramentorum. Et obseruet lector, quòd Scriptura utrunq; affirmat, & Baptismum saluos facere. 1. Pet. 3. & Deum saluare per lauacrum regenerationis, Tit. 3. Item, Baptismus abluat peccata, Acto. 22. & Christus mundat Ecclesiam lauacro aquæ in uerbo, Eph. 5. Deinde obseruetur & hoc, quàm accuratè Scripturæ uerba posita sint, ut, Petrus dicit, Baptisma nos saluos facere, et esse stipulationem bonæ conscientie erga Deum: sed addit, per resurrectionem Christi. Paulus uocat la uacrū regenerationis sed illud ita declarat: Deus secundum misericordiā suā saluos nos fecit, per lauacrum regenerationis. Vnde uerò Baptismus habet, quòd est lauacrum regenerationis? Respondet: Est lauacrum regenerationis Spiritus sancti. sicut & Christus dicit Iohan. 3. Nisi quis renatus fuerit ex aqua & Spiritu, &c. Quomodo uerò? Per Iesum Christum saluatorem nostrū, ut ipsius gratia iustificati, heredes simus uite eterne. Baptizamur enim in mortem Christi, ut resurrectionis eius simus particeps. Rom. 6. Christum induimus quando Baptizamur, Gal. 3. Ille ipse enim qui tradidit semetipsum pro Ecclesia sua, uirtutem seu efficaciam sanctificandi & mundandi eam,

dat & imprimat gratiam, ad salutem, etiam non credentibus seu accipientibus: sicut quidam opinati fuerunt, etiam uetustis temporibus: sicut Augustinus recitat de Ciuitate lib. 21. cap. 25. Sed sicut de uerbo Paulus dicit: Euangelium est potentia Dei, ad salutem omni credenti. Et Heb. 4. Non profuit illis sermo non admixtus fidei. Ita de Sacramētis, quia sunt uerba uisibilia, & sigilla promissionis, Christus dicit: Qui crediderit, & baptizatus fuerit, saluus erit: qui uerò non crediderit, condemnabitur. Imò Paulus addit: Qui indigne manducat, iudicium sibi manducat. Et inde intelligi potest disputatio de sententia illa, quæ olim etiã in Scholis usitata fuit: Non Sacramentum, sed fidem Sacramenti iustificare. Neq; enim sensus est, fidem ita iustificare, ut non accipiat gratiam, quam in uerbo & Sacramentis Deus offert & exhibet: uel quòd gratiam accipiat, sine medio aut organo uerbi & Sacramentorum. Obiectum enim fidei est uerbum & Sacramenta: imò in uerbo & Sacramentis, uerum fidei obiectum est Christi meritum, gratia Dei, & efficacia spiritus. Et fides ideo iustificat, quia illa in uerbo & Sacramentis apprehendit & accipit. Et hoc sensu sicut fides uerbi, ita etiam fides Sacramenti dicitur iustificare.

Quando igitur fidei tribuitur iustificatio, nō excluditur auditus uerbi, & usus Sacramentorū

sed ut fides iustificet, oportet eam in uerbo & Sacramentis Christum apprehendere. Opposita autem fuit hæc sententia, illorum opinionibus, qui fingeant in usu Sacramentorum, ex opere operato, etiam illos accipere gratiam ad iustificationem & salutem, qui sine poenitentia & fide Sacramentis uterentur.

Tota igitur hæc doctrina, de efficacia & usu Sacramentorum, plana est. Quod enim contra hanc sententiam obijcitur, quod Baptismus contulerit Cornelio, qui gratiam accepit & habuit ante Baptismum, Acto. 10. Item quæ fuerit efficacia & uirtus circumcisionis in Abrahamo, qui iusticiam fidei habuit ante circumcisionem, Rom. 4. est quidem talis quæstio, quæ contentiosius ingenijs prebet materiam exagitandi simplicem & ueram sententiam: sed si in timore Dei, simplex ueritas queratur & ametur, explicatio huius quæstionis non erit difficilis, sed illustrabit totam hanc doctrinam.

Ab exemplis enim illis extraordinarijs, non sumenda est regula generalis de efficacia Sacramentorum: illa enim sumi debet ex institutione Sacramentorum, & ex promissione quæ illis annexa est. Non ergo sequitur nullam aliam rationem circumcisionis, quàm quæ in Abrahamo iam iustificato fuit, esse in illis qui octauo die circumcidi iubentur, ideo ut ita in fœdus recipiantur: neque enim natura sunt filij fœderis



deris, qui ex circumcisis parentibus nascuntur, Paulus enim Ephes. 2. pronunciat, non tantum gentes, sed & nos qui ex circumcisis parentibus nati sumus, eramus natura filij iræ. Ita quia in Cornelio, peculiari exemplo sanctificatio spiritualis præcessit Baptismum: non sequitur, reliquos iuxta promissionem non Baptizari in remissionem peccatorum, aut Deum non saluos nos facere per lauacrum regenerationis & renouationis. Et hæc distinctio, non est recens commentum. Nam & Augustinus contra Donatistas libro quarto, capite uigesimo quarto, tale fermè discrimen constituit, inter circumcisionem Abræ, & quam Isaac octauo die accepit: item inter Baptismum Cornelij, & infantium. Nec tamen ociosa fuit circumcisio in Abrabamo, & baptizatio in Cornelio, quasi nuda tantum signa fuerint. Gratiam enim Deus in hac uita, non semel ita confert & exhibet, ut statim sit absoluta & consummata: ita ut dum in hac uita sumus, Deus nihil amplius uelit exhibere & conferre, & homini nihil amplius opus sit à Deo accipere, sed Deus semper donat, & homo semper accipit, ut magis magisq; plenius & perfectius Christo coniungamur, remissionem peccatorum, seu reconciliationem firmitus teneamus: utq; inchoata in nobis beneficia redemptionis, conseruemur, confirmentur, crescant & augeantur. Illa uerò

Deus

scat, augeatur & conseruetur. Ita promissio Sacramentis annexa, manet semper & uniuersaliter uera & efficax, in ijs qui fide iuxta institutionem Sacramentis utuntur. Et hoc primitiua Ecclesia significare uoluit, quando adultos recens baptizatos statim à Baptismo deduxit ad communionem corporis & sanguinis Domini. Reconciliatio quidem Dei, & remissio peccatorum, quomodo-  
cunq; confertur, eadem est et plena, quod ad Deū attinet. Quia uerò magna est nostra infirmitas, et Deus diues est in misericordia: non igitur uno tantum modo, sed per media quæ ad hūc usum instituit, uult gratiam suam exhibere, conferre, applicare et obsignare: & ad obedientiam fidei pertinet, ijs medijs uti, sicut à Deo instituta & ordinata sunt. Ita firma manet sententia, quòd Sacramenta non sint ociosa uel nuda signa: sed quòd Deus per Sacramenta, credentibus gratiam suam, seu beneficia Euangelij offerat, exhibeat, conferat applicet & obsignet. Vniuersalis enim & exhibitiva est promissio, quæ Sacramentis uoce diuina annexa est, si fide accipiatur.

His ita explicatis, examinabimus iā tres propositos canones. Quintus Canon sic habet: Si quis dixerit, Sacramenta propter solam fidem nutriendam instituta esse, anathema sit. Lutheri propositio est, in libro de captiuitate Babylonica: Omnia Sacramenta ad fidem alendam, instituta esse.

Hanc

## 60 EXAMEN DECRETORVM

Hanc cum damnare uelint, obseruet quæso lector, quàm insidiosè agant. Lutherus hoc reprehendit in doctrina Pontificia, quòd cum multa de Sacramentorum uirtute, & de opere operato disputent, nullam mentionem fidei faciant in usu Sacramentorum: imò quòd doceant, Sacramenta sine bono motu cordis, hoc est, sine fide conferre gratiam, & quidem quòd ipsam etiam fidem iubeant dubitare de gratia Sacramentorum, hoc est, de reconciliatione seu remissione peccatorum. Lutherus uerò contrà ex uerbo Dei docet, ut Sacramenta ad salutem prosint utentibus, omnino requiri fidem, quæ gratiam illam accipiat, quæ in promissione Sacramenti offertur. Sacramentum enim est uisibile uerbum: & præcipuum in Sacramento, est promissio gratiæ, quæ institutioni externi ritus, uoce diuina annexa est. Inter uerbum uerò promissionis, & inter fidem, mutua & tam arcta est siue cōnexio, siue relatio, ut nec promissio sine fide, nec fides sine promissione homini prosit. imò cum fides sit necessarium organon, ad accipiendam gratiam quam Deus offert & exhibet: & cum in hac infirmitate languida fides nec facit, nec certò, nec firmiter apprehendere & tenere possit promissionem in nudo uerbo propositam, Deus instituto certo ritu, illam quasi uisibili fecit: idq; in actione cum singulis utentibus, ut fides in applicatione facilius, certius & firmitus ap-

us apprehendat & teneat promissionem. Hoc sensu Lutherus dicit, Sacramēta instituta esse ad excitandam, alendam, confirmandam, augēdam & conseruandam fidem, ut in promissione siue nuda, siue Sacramentali ritu uestita, apprehendat et accipiat gratiam & salutem.

Hanc uerissimam doctrinam, quæ est ipsissima Scripturæ sententia, Pontificium conciliabulum, non simpliciter uult damnare, sed anathematizare. Verentur autem ipsarum aurium impijs iudicium, si apertè anathema dicunt huic doctrinæ. Ideo truncatam Lutheri propositionem insidiosè ita ponunt, quasi sentiat, Sacramēta non esse instituta, ut sint organa seu causse instrumentales, per quas Deus gratiam offerat, exhibeat, applicet & obsignet credentibus: sed hunc solū tantum esse usum Sacramentorum, ut tanquam picture & spectacula externa, commonefactione fidem excitent, & nutriant: ipsa autem fides in usu Sacramentorum, nihil accipiat, sed speculatione sua alibi circumuagetur. Quam prophanam sententiam, Lutherus in Sacramentarijs, seriò & semper improbauit. Sed Tridentini, dissimulata uera Lutheri sententia, quantum hunc Canonem insidiosè ita posuerunt, ut sycophantico artificio, Lutheri disputationem de mutua inter Sacramentum

& sic

nem attinet, si qui sunt qui sentiunt, Deū per promissionem Sacramentis annexam, tantum illudere hominibus, ita ut etiamsi ritè quis ea suscipiat, non tamen semper & omnibus qui fide Sacramentis ritè utuntur, exhibeat gratiam: neminem in pietate sanum esse arbitror, qui à prophana illa sententia non abhorreat.

Sed insidiæ latent in his uocibus: Si ritè ea suscipiant. Studiosè enim cauent, ne fidem nominet: sed ut humanas deuotiones & dispositiones, quibus homo se dignum reddat, cui Deus Sacramenti gratiam conferat, stabiliant, dicunt: Si quis legitimè ea suscipiat. Et sanè seriò concionamur ex Paulo: Probet seipsum homo: qui enim indignè manducat, iudicium sibi manducat. Requiritur igitur in adultis legitimā dispositionem, ut dignè accipiantur Sacramenta, non est dubium. Illam uerò uerbum Dei ita describit Acto. 2. Pœnitentiam agite, & baptizetur unusquisq; in remissionem peccatorum. Acto. 8. Si credis, potes baptizari. Mar. 16. Qui crediderit, & baptizatus fuerit, saluus erit. Pœnitentiæ uerò, ueram interiorem pœnitentiam non admodum uel curant, uel urgent in usu Sacramentorum: sed alias dispositiones, ex hominum traditionibus proponunt, & illis promittunt collationem gratiæ. Hæ falsæ & impiæ persuasiones dum taxantur, clamitant Pœnitentiæ, nos negare gratiam Dei dari per Sacramenta, etiamsi ritè



## 114 EXAMEN DECRETORVM

quisea suscipiat. Sed insidiosam sophisticen lector iam intelligit.

### DE OPERE OPERATO.

#### Canon. 7.

*Si quis dixerit, Sacramenta nouæ legis, gratiam ipsam, non ponentibus obicem non conferre, &c. anathema sit.*

#### Canon 8.

*Si quis dixerit, per ipsa nouæ legis Sacramenta, ex opere operato non conferri gratiam, sed solam fidem diuinæ promissionis ad gratiam consequendā sufficere, anathema sit.*

### EXAMEN.

Hæc tandē est illa Helena, cuius introducēde, ornandæ & stabiliendæ gratia, præcedētes canones omnes cōstituti sunt: ut scilicet cōmuni Scholasticorum, & quidem ipsorum uerbis, stabiliatur & retineatur: Sacramenta noui Testamenti, utentibus conferre gratiam, ex opere operato, etiam si in suscipiente non adsit bonus interior motus, modo non

dò non ponat obicem. Dogma uerò illud, nouum esse & peregrinum, ipsa uerborum forma satis indicat. neq; enim seruat Apostolicam *ἡ ποίησις* sanorum uerborum, de qua Paulus concionatur 2. Tim. 1. ut: Qui crediderit, & baptizatus fuerit, saluus erit: qui uerò non crediderit, condemnabitur. item: Baptizare, & ablue peccata tua, inuocato nomine Iesu. &: qui indignè manducat, iudicium sibi manducat.

Commentum igitur illud de opere operante, in Sacramentis quæ sunt actiones Dei, per quas gratiam suam quam fide uult accipi, offert & exhibet, intrudit opinionem nostri operis: & quidem operari, sine bono aliquo interiori motu suscipientis: idq; facit peregrinis uerborum monstris, & Scripturæ, & antiquitati ignotis. Et res ipsa de qua disputatur, adeò est plana & manifesta, ut inter ipsos Pontificios, qui precipui uideri uolunt, ut Gropperus & alij, à dogmatis illius foeditate nimium crassa abhorreant. Pingunt enim iniuriam fieri doctoribus Scholasticis, quasi opinione operis operati, docuerint, Sacramenta alicui conferre gratiam, sine fide gratiam accipientes: sed dicunt, nihil aliud ipsos disputatione de opere operato, & de opere operante uoluisse, quàm Sacramentorum ueritatem non esse ex ministri operantis dignitate seu merito estimandam, sed ex Dei auctoris

b. 2. instituta

institutione, potentia et operatione. Ipse enim est, qui per externū ministeriū Baptizat: ut Sacramenta dicantur ualere nō ex opere operantis ministri, sed ex opere operato: ita quod ministri malitia nō impediāt ueritatem, integritatem & effectum Sacramentorum, si modò administrentur iuxta institutionem, uerbum & mandatum Domini: ut idem sit quod de Consecr. dist. 2. c. utrum, ex Augustino citatur: Nihil à bono maius, nihil à malo minus perficitur sacerdote: quia non in merito consecrantis, sed in uerbo efficitur creatoris, & uirtute Spiritus sancti. Alfonso dicit, opinione operis operati, omne meritum suscipientis, ab efficiētia Sacramentorum excludi: ita ut Sacramentorū ueritas non pendeat ex fide suscipientis, nec Sacramentum efficaciam suam mutuetur à fide suscipientis.

Σοφὸν ὑπὸ δὲ δὶα φάρακον νοοῦντος ἐν αὐτῷ λόγῳ, iuxta Euripidis dictū. Si enim hoc uellent Pontificij, quando de opere operato disputant, quia sententia unra est: nulla esset controuersia. neque enim de modo illo loquendi, odiosè uellemus dimicare: aut certè diceremus illud Augustini: Mentē teneat, linguam corrigat. Sed nec olim Scholastici omnes hoc senserunt, licet quidam fermè ita disputent: & ne nunc quidem Pontificij hoc uolunt, quando pro opinione operis operati dimicant: sed longè aliud monstrum, sub exoticis illis uerbis

uerbis alitur, & Ecclesie obtruditur. Prius igitur explicandum est, quid sibi uelit opinio operis operati: deinde facilis erit refutatio. Scholastici igitur communiter omnes, inter Sacramenta ueteris & noui Testamenti, hanc ponunt differentiam: q̄ hæc cōferant gratiā ex opere operato, illa uerò ex opere operante. Iam si quæras, quid intelligant p̄ opus operās, cui opus operatū opponunt: ex circumcisione simplicissimè hoc intelligi poterit. Illam enim affirmant gratiam contulisse non ex opere operato, sed ex opere operante. Extra omnē uerò controuersiam, circumcisio in ueteri Testamento, etiam iuxta Scholasticorum sententiam deleuit peccatum originale: non ex dignitate & merito ministri circumcidētis: nam & mulieres hoc fecerunt, Exo. 4. 2. Machab. 6. sed ex institutione, potentia & operatione Dei. Nec dici poterit, maliciam ministri impediuisse ueritatem & effectum circumcisionis: quando iuxta institutionem Dei, administrabatur & suscipiebatur. Sed (ex opere operante) intelligunt, quòd in adultis requirebatur bonus motus, seu deuotio interior in suscipiente: & huic opponunt opus operatū. Manifestum igitur, & certum est, Scholasticos per opinionem operis operantis & operati, non intellexisse hoc, quod (sicut suprā dictum est) Groppe-  
rus & alij interpretantur. Verba enim quibus se  
explicant, manifesta sunt. Gabriel (qui omnium



## 118 EXAMEN DECRETORVM

sententiariorum disputationes & opiniones in  
 unum collegit dist. 1. quæst. 3. lib. 4. his uerbis Scho-  
 lasticorum sententiam explicat: Sacramentum di-  
 citur cōferre gratiam ex opere operato, ita quod  
 ex eo ipso quod opus illud, puta Sacramentum,  
 exhibetur, nisi impediatur obex peccati mortalis,  
 gratia confertur utentibus, sic quod præter exhi-  
 bitionem signi, foris exhibiti, non requiritur bo-  
 nus motus interior in suscipiente. Ex opere o-  
 perante uerò Sacramenta dicuntur conferre gra-  
 tiam, per modum meriti: quod scilicet Sacramen-  
 tum foris exhibitum, non sufficit ad gratiæ colla-  
 tionem: sed ultra hoc requiritur bonus motus seu  
 deuotio interior in suscipiente, secundū cuius in-  
 tentionē, confertur gratia tāquam meriti cōdigni  
 uel congrui, præcisè, & nō maior propter exhi-  
 bitionē Sacramenti. Petrus de Palude, dist. 1. quæst. 1.  
 in 4. Sententiarū, Scholasticorū sententiā ibi ex-  
 plicat: In Sacramentis nouæ legis nō per se requi-  
 ritur, quod homo se disponat: ergo per ipsum sa-  
 cramentum disponitur. & sic probabile est, in om-  
 ni Sacramento nouæ legis, quod iustificat ex ope-  
 re operato. Item: Et, si dicatur opus operatum nō  
 esse à Sacramento, sed à Deo in Sacramento, uel  
 cū Sacramento, istud nō ualet: quia ita Sacramen-  
 tum nouæ legis, non distaret à Sacramento ueteris  
 legis: quia oportebat etiam in ueteri lege, disposi-  
 tionē in paruulis fieri à Deo. Relinquitur ergo,  
 quod



quòd Sacramenta nouæ legis, causent gratiam, & iustificent ex ipso opere operato. (Lector obseruet antitheses, quibus explicat opinionem operis operati.) Et postea instituit probationem, quòd Sacramenta nouæ legis, habeant uim inherentiẽ & insitam, ad conferendam & causandam gratiã ex opere operato. Illam uerò uim, seu uirtutẽ causatiuam gratiæ, dicit in Baptismo esse in aqua & in uerbis: in Confirmatione & Ordine, esse in uerbis & ministro, uel charactere Episcopali: in Pœnitentia, esse in ministris, & uerbis absolutionis, & in Satisfactione iniuncta à sacerdote: in extrema Vnctione, esse in ministro, uerbis, unctione, & oleo, &c. Marsilius in 4. Senten. quæst. 2. art. 2. Baptismum Iohannis considerare possumus dupliciter: uno modo, quo ad opus operatum, quod erat exterior corporis ablutio: alio modo, quo ad deuotionem suscipientis. Tunc est conclusio responsalis, quòd Baptismus Iohannis, quo ad opus operatum, non contulit gratiam. Et ideo non fuit Sacramentum: quia id solum propriè dicitur Sacramentum, quod ex opere operato, confert gratiã.

Mensingerus citat ex Alberto, super 6. caput Iohannis: Opus operans, est opus elicitum à uirtute: Opus operatum, est perfectio externi operis, sine motu interno. Et Mensingerus addit. Quia sancti in ueteri Testamento, fidẽ accipiebant gratiam in usu Sacramentorum: oportet

## 120 EXAMEN DECRETORVM

ergo noui Testamenti Sacramenta, maioris esse efficaciam, ut conferant gratiam ex opere operato, etiamsi non accedat opus operans suscipientis: hoc est, fides seu deuotio interior.

Non ignoro autem, quosdam de opinione operis operati, paulò aliter disputare: sed nunc tantum ostendere uolui, nostros non falsò Scholasticis tribuere sententiam illam. Quomodo enim ipsi inter se sententiam suam, de opere operato intelligant et explicent, non meis, sed ipsorum uerbis exposui. Et uulgi opiniones testantur, quomodo doctrina illa de opere operato in Papatu tradita, accepta et intellecta fuerit. Existimant enim abundè sibi de salute prospectum, externa exhibitione et susceptione Sacramentorum, quicquid fiat de poenitentia et fide. Præcipuè uerò hæc persuasio regnat in dicendis et audiendis missis, ex quibus effectum gratiæ sibi pollicentur: ex administratione et spectaculo externi operis, etiamsi non accedat bonus motus interior. Nec uerò de uulgi tantum erroribus loquimur, sed ita in Scholis tradiderunt de Missa. Thomas in 4. Senten. dist. 12. quest. 2. Eucharistia in quantum est Sacramentum, habet effectum in homine uiuente: sed in quantum est sacrificium habet effectum in alijs pro quibus offertur, in quibus non præexigit uitam spiritualem in actu, sed in potentia. Petrus de Palude dist. 12. Quando Missa pro alio celebra-

tur,

tur, etiam mortale, quod est in alterius conscientia, delet: non per modum Sacramenti, quod solū prodest suscipienti: sed per modum Sacrificij, ex merito Christi, quo sibi uenia impetretur, id est, gratia contritionis. Vnde nec maius donum potest homo homini facere, quā sibi Missam dare, aut pro eo celebrare. hoc enim est singulare in hoc Sacramento, quod pro alio potest offerri & suscipi, non sic autem de alijs, &c. Gabriel 12. dist. Sacramentum Eucharistiæ, in ratione Sacramenti non tantum prodest his à quibus sumitur, sed etiam alijs pro quibus offertur. Et addit: Nec solum fructificat in bonis & iustis, sed etiam in peccatoribus pro quibus offertur, ut à peccatis conuertantur, &c.

Et nostri seculi scriptores, qui in regno Pontificio fulciēdo, columnæ uideri uolunt, opinionem operis operati hoc argumento declarare & confirmare solent, quod Baptismus paruulis conferat gratiam, qui tamen per ætatem credere non possunt. Et de pædobaptismo quidem, suo loco dicendum erit. Nunc satis est ostendisse, quod opinio nem operis operati, disertè opponunt fidei, in illis qui sacramentum suscipiunt: quasi eadem sit ratio paruulorum & adultorum. quod Augustinus disertè negat, lib. 4. cap. 24. De Baptis.

Quid igitur in regno Pontificio significet, & quomodo intelligenda sit opinio operis operati,

manifestum est. Gropperus lectorem in re manifesta turbare conatur hoc sophismate. Scholastici enim duplex statuunt opus operans: primò scilicet in ministro celebrante, seu administrante Sacramentū. Ita Gabriel in canonem Missæ, lect. 26. dicit: Missa ualet uno modo ex opere operante, hoc est, ex merito personali persone celebrantis: propter quod cōfert Deus petita à sacerdote, eis quibus orationē et Missæ sacrificiū applicat. Alio modo ex opere operato, hoc est, ex ipsa cōsecratione, oblatione & sumptione: nō habendo respectū ad personale sanctitatē, aut meritū sacerdotis, etc. Deinde uerò cōstituunt etiā opus operans, in illo qui Sacramento utitur: bonū scilicet motū interio-rem, ut deuotionē seu fidē suscipientis. Vtriq; uerò operi operanti opponunt opus operatum, alio atq; alio respectu. Sed Gropperus hoc fortiter dissimulat, & quasi alteri tantum, in ministro celebrante opponatur, clamat fieri Scholasticis iniuriā, quasi opinione operis operati docuerint, ad efficacem & salutarem usum Sacramenti non requiri in suscipiente bonum motum interiorem, hoc est fidem: cum dogma hoc in ipsorum scriptis, sicut ostendimus, extet: & in persuasione de Missæ efficacia, opinio illa non in uulgi tantum animis hæreat, sed in doctorum etiam scriptis tradatur.

Sed excipit Alphonsus, non statim toti Pontifici



tificiæ ecclesiæ debere tribui, si quid unus aut itē alter disputauit: cum contrā proferri possint, qui aliter senserint. Vt igitur extra omnem controuersiam certò constet, quid Pontificia ecclesia per opus operatū intelligi uelit: nec opus sit, illud inter blattas & tineas anxie exquirere: inspiciamus, quid coetus Pontifici iuratus, Tridēti de opere operato decreuerit. Et primò cū nō ignorent, inter ipsos Pontificios multos quæsiuisse mitigationes Scholastici istius dogmatis, atq; alios aliter opus operatū interpretari: ipsi simpliciter tantū approbant & cōfirmant opinionem operis operati, nulla addita declaratione, qua explicationem operis operati siue probent, siue improbent. Omnes igitur Scholasticorum disputationes & opiniones de opere operato, qualescunq; sunt, in genere probant & confirmant.

2. Silector quærat: An Tridentina congregatio probet Gropperi, & quorundam aliorum interpretationem seu mitigationem opinionis de opere operato, quam supra recensuimus: res non est obscura. Quod enim mentione operis operati, non uelint intelligi hanc sententiam, Sacramentorum ueritatem & efficaciam, non pendere ex ministri siue dignitate siue indignitate: manifestè ostendunt. de illa enim sententia, postea peculiarem Canonem, duodecimum scilicet, condiderunt. Aliud igitur absq;



absq; omni dubitatione, in VIII. Canone intelligunt per opus operatum, 3. Quid uerò intelligant per antithesin, planè & perspicuè ostēdunt, Duo enim hæc inter se opponunt, opus operatū, & fidem, quæ in promissione Sacramentis annexa, accipit gratiam. Sentiant igitur, per nouæ legis Sacramenta, ex opere operato ita conferri gratiam, ut non opus sit, fide oblatam illam gratiam recipere. Scholastici enim dicunt, præter exhibitionem signi foris exhibiti, non requiri bonū motum interiorem in suscipiente, hæc enim sunt uerba Gabrielis. Sed iterum cōsideret lector, quòd uerba in posteriori parte, VIII. Canonis, insidiosè ita posuerunt, quasi nostra sententia, quæ opinio nem operis operati impugnamus, hæc sit, solam fidem diuinæ promissionis, ad gratiam cōsequendam ita sufficere, ut non opus sit usu uerbi & Sacramentorum: uel solam fidem ita sufficere, ut nō opus sit, Deum gratiam suam per uerbum & Sacramenta credentibus offerre & exhibere.

Huiusmodi sophismatis ruinosam, & uerbo Dei demolitam opinionem operis operati, fulcire, aut potius incrustare coram imperitis conantur: cum manifestæ extent nostræ explicationes, diuersum testificantes, sicut in explicatione VI. Canonis annotauimus. Sed id quod res est, uerentur: si opinio operis operati, sicut à Scholasticis tradita est, nuda proponatur, ipsam propositionē  
 offerre

offerre secum refutationem. Est enim demonstratio inuicta, promissionem gratiæ, quæ ita annexa est Sacramentis, quòd ideo Augustinus uocat Sacramentum uisibile uerbum, adeò requirere fidem, ut sermo auditus non prosit, nisi sit commixtus fidei eorum qui audiunt. Heb. 4.

Et de Sacramentis, expressa sunt Scripturæ testimonia: qui crediderit, & baptizatus fuerit, saluus erit: qui uerò non crediderit, condemnabitur: imò manducat sibi iudicium, qui indignè manducat. Contra hæc manifesta testimonia, Pontificij defendunt opinionem operis operati: quòd scilicet per Sacramenta ita conferatur utentibus gratia, ut non requiratur bonus motus interior in suscipiente. Imò cum docent, fidem debere dubitare de gratia, planè inuertunt omnia. Incredulos sine fide fingunt per externum Sacramentorum usum, accipere & habere gratiam: in credentibus uerò, ipsam fidem in usu Sacramentorum iubent dubitare, an accipiat & habeat gratiam. Sed hæc sunt euidentissima, ut non sit opus pluribus uerbis. res enim ipsa, Ecclesiæ filijs se declarat. Et ipsi Pontificij scriptores iam tergiuersantur, nec manifestè audent suscipere defensionem huius axiomatis, quòd usus Sacramentorum, sine fide saluet suscipientes. Præterea est hæresis iamdudum ab Augustino damnata. De Ciui. lib. 21. ca. 25. eos damnari non posse, qui Sacramenta Christi perceperint, in  
quacunq;

quacunq; heresi uel impietate fuerint. Videtur autem Scholastici (ut & hoc obiter addam) occasionem disputationum de opere operato inde sumpsisse, quod Augustinus tradit contra Donatistas lib. 3. cap. 14. Non interest, cum de Sacramenti integritate & sanctitate tractatur, quid credat & quali fide imbutus sit ille qui accipit Sacramentum. Interest quidem plurimum, ad salutis uiam: sed ad Sacramenti questionem, nihil interest. Fieri enim potest, ut homo integrum habeat Sacramentum, & peruersam fidem. Et postea: Manifestum est, fieri posse, ut fide non integra integrum in quoquā maneat Baptismi Sacramentum. Idem etiam disputat errorem in fide, eius qui Baptizatur, utilitatem quidem Baptismi, quod ad salutis uiam attinet, excludere: Sacramentum tamen illi non deesse, ne si conuertatur repeti oportere. tūc enim demum, cum fides uera facta fuerit, Sacramentum prius susceptum uires suas exerere. libro quarto capite decimoquinto. Et lib. 3. cap. 8. dicit: Indignè quis sumens Dominicum Sacramentum, non efficit, ut quia ipse malus est, malum sit, aut quia non ad salutem accipit, nihil acceperit. Corpus enim Domini, & sanguis Domini nihilominus erat, etiam illis quibus dicebat Apostolus: qui manducat indignè, iudicium sibi manducat. Hac non satis cōsiderantes Scholastici, finxerunt, non tantum ipsum Sacramentum, uerum etiam gratiā & uirtutem

uirtutem Sacramentorum accipi & haberi sine fide, ab impœnitentibus & incredulis, cum Augustinus ubiq; inculcet, aliud esse Sacramētum, aliud uirtutem Sacramenti. Imò in locis iam allegatis dicit, illos qui sine uera fide, ipsum quidē Baptisma accipiant & habeant, non tamen accipere & habere remissionē peccatorū: quæ certè est gratia & uirtus Baptismi. Et lib. 5. cap. 8. inquit: Remissio peccatorū nō consequitur Baptisma, nisi nō solū legitimū, sed etiam legitimè habeatur. Et contra Cresconium lib. 1. cap. 25. cū tractasset dictū Pauli, Qui indignè māducat: Ecce quemadmodū obsunt diuina & sancta malè utentibus. Et cōtra epistolā Parmeniani, lib. 2. ca. 6. Vnum & idem sacrificium, propter nomen Domini quod inuocatur, & semper sanctum est, & tale cuiq; fit, quali corde ad accipiendum acceſſerit. qui enim manducat et bibit indignè iudicium sibi manducat & bibit. Nō ait, alijs: sed, sibi. Qui ergo manducat dignè, & bibit, gratiā sibi māducat & bibit. Hæc Augustinus. Nullo modo igitur Augustinus sēsīt, sine bono motu cordis, aut sine fide conferri, accipi & haberi gratiam Sacramentorum.

Ita quod Augustinus inquit, epist. 23. Paruulus etiam si fidem nondum habeat in cogitatione, non eī tamē obicē contrariæ cogitationis opponit: unde Sacramētū eius salubriter percipit. Ex hac Augustini sentētia de paruulis, Scholastici fecerunt regulam



## 118: EXAMEN DECRETORVM

regulam generalem: ad accipiendam gratiam Sacramentorum ad salutem, non necessariam esse fidem, uel bonum motum cordis interiorem: sed sufficere, ut non ponas obicem. Obicem autem uocant peccatum mortale, uel propositam eius: quale est homicidium, libido. Incredulitatem uero, seu infidelitatem, non uolunt esse tale obstaculum; quod impediatur, quo minus gratia Sacramentorum ad salutem accipiatur. Sed huic dogmati et Scriptura, et Augustinus ipse contradicit: sicut quedam eius loca notauimus. De paruulorum uero Baptismo, postea suo loco dicemus. Nunc tantum obiter monstrare uolui, ex quibus Augustini locis non recte acceptis, nec satis diligenter consideratis, Scholastici occasionem sumpsisse uideantur disputationis de opere operato. quod tamen uocabulum, nec apud Augustinum, nec apud quenquam ex ueteribus extat.

## DE CHARACTERE.

### Canon. 9.

*Si quis dixerit in tribus Sacramentis, Baptismo scilicet, Confirmatione et Ordine, non imprimi characterem in anima, hoc est, signum quoddam spiritua-*



*Spirituale & indelebile, unde ea iterari non possunt, anathema sit.*

## EXAMEN.

Magna & ardua res est, anathema alicui dici re: hoc est, denuntiare quòd præcisus & exclusus sit ab omni gratia seu misericordia Dei in Christo Iesu, & quòd diris sit deuotus ad sempiternum exitium. Causam igitur propter quam alicui anathema dicatur, oportet esse non leuem, nec dubiã, sed grauissimam & certissimam. Iam uerò Tridentini, simpliciter anathema dicunt omnibus, qui nõ ut articulum fidei, probant & amplectuntur Scholasticorum recens & incertum commune, de Characterẽ indelebili. Paucis igitur annotabimus, qualis, quàm grauis scilicet, quàm uetus, quàm certa & firma sit illa opinio. Illa enim consideratio ostendet, quanta leuitate, imò quanta futilitate, Tridentina synodus ludat anathematis. Olim iactatum fuit apophthegma, Reges ludere pactis & iuramentis, sicut pueri astragalus ludere solent. Nunc rectius dicitur, Pontificia conciliabula anathematis ludere, non secus atq; pueri astragalus ludunt.

Quia uerò Gabriel de Disputationibus Scholasticorum de characterẽ, in unam summã, dist. 6. quæst. 2. in 4. Sententiarum, collegit: breuiter quædam inde annotabo. inde enim manifestum erit, quid sit propter

propter hanc opinionem alicui anathema dicere. Dicunt igitur, sicut hominibus certi status, datur quandoque certus ornatus, uel signum in corpore uel ueste quibus cognoscimur esse illius status siue sectæ: ita etiam per Sacramenta, quibus homo ponitur in certo statu, dicunt imprimi immediate à Deo quoddam spirituale signum in anima suscipientis Sacramentum, quo cognoscatur suscipiens esse in tali statu. Et huic characteri, multa & uaria tribuunt. Primò enim dicunt esse signum gratiæ inexistentis, uel quæ inexistet, nisi ponereur obex.

2. signum configuratiuum, seu assimilatiuum Christo. per characterem enim fingunt suscipientem ascribi familie Christi. 3. signum distinctiuum ab alijs, characterem non habentibus. 4. signum dispositiuum, ad gratiam Sacramenti gratum facientem. 5. signum rememoratiuum, per quod suscipiens reducit in memoriam Sacramenti suscepti. 6. signum obligatiuum ad obseruantiam diuinæ legis, sicut habitus religionis obligat portantem ad obseruandam legem illius ordinis. Ponunt etiam, characterē esse indelebile aliquid in anima, reddens Sacramentum per quod imprimitur, initerabile. Per tria igitur Sacramenta, Baptismum scilicet, Confirmationem & Ordinem, dicunt imprimi talem characterē: sed ita, ut character Ordinis sit sextuplex specie. Atq; ita nu-

merus characterū, superabit ipsum numerū Sacramentorū septenariū. Arduæ autē apud ipsos sunt disputationes, unde sit indelebitas characteris: deinde etiā de quidditate characteris, an sit relatio, an uerò qualitas absoluta, & in qua specie qualitatis. Dicūt autē posse esse & in prima, & in secūda, & in tertia specie qualitatis: ut, posse etiā poni in predicamēta relationis & passionis. De subiecto etiā in quo poni debeat character, uariæ sunt opinionēs: an ponendus sit in essentia animæ, an uerò in potētia: utē an in potētia cognoscēte, an uerò in potētia uolēte. Disputatur præterea, an circumcisio impresserit characterē. utē an Baptismus sanguinis & flaminis, imprimāt characterē: an etiā anima Christi, in Baptismo impressus sit talis character. Et demum descriptiones characteris tales tradūtur: Character, est signū spirituale, à Deo solo animæ impressum, in susceptione Sacramēti initerabilis, manēs indelebiliter de lege cōmunis: uel, est signū impressū animæ, quod est præuiū gratiæ, in susceptione Sacramēti initerabilis. utē character est quedā potestas spiritualis, ad agendū uel recipiendum aliquid in Ecclesia. Hec fermē est sylua præcipuarū questionū & opinionū de characterē. Gabriel igitur & dicit et probat, uocabulū characteris, in hac quidē significatiōe et sentētia, nec in Scriptura, nec in uetustis Ecclesiasticis scriptorib. extare: ita ut nec ipse Lōgobardus characteris

ment. onept

mentionem faciat, in tali quidem significatione  
 & sententia. Quod enim Longobardus dicit, eos  
 qui ab hæreticis, seruatō charactere Christi, bapti-  
 zati sunt, non esse rebaptizādos: intelligit formā  
 uerborum Baptismi, à Christo traditam. Deinde  
 quod ad rem ipsam attinet, addit Grabiell: Nec ra-  
 tionem necessariam demonstrare, nec euidentem  
 auctoritatem Patrum probare, ponendum esse ta-  
 lem characterem, sicut dictum est. Semētias enim  
 quæ ex Dionysio, Augustino, Damasceno & Lon-  
 gobardo, de charactere adducuntur, ferè, & ma-  
 gis pertinenter ad mentem autorum, exponi de  
 ipso Baptismi Sacramento, aut de forma Sacra-  
 mentali quā de aliquo realiter animæ impres-  
 so, sicut de charactere dicūt. Et declaratis illis Pa-  
 trum sententijs, concludit: Patet ergo, quòd neque  
 auctoritates sacræ Scripturæ, neq; sanctorum Pa-  
 trum cogunt ponere characterem, ad hunc intel-  
 lectum, in quo accipitur à recentioribus doctori-  
 bus. Rationem etiam dicit nullam esse necessariā,  
 quæ demonstret, esse seu imprimi talem caracte-  
 rem. Omnia enim quæ attribuuntur characteri,  
 æquè possunt solui sine charactere, sicut cum cha-  
 ractere. Omnia enim operatur Sacramentum ip-  
 sum, sine charactere. Item illa quæ characteri  
 tribuuntur, inueniuntur in Eucharistia, & in cæte-  
 ris quæ non imprimunt characterem. Et tandem  
 concludit, omnes rationes quæ adducuntur, esse  
 persua-



persuasiones, non procedentes ex necessarijs. Et sub finem inquit: Omnia quæ de charactere dicuntur, pro magna parte uoluntaria sunt, & modica ratione fulcita. Illā etiā rationem, quæ præcipuè mouit Scholasticos ad ponendum charactorem, quòd scilicet Baptismus non est iterandus, ostendit Gabriel, non esse necessariā. inquit enim: Initerabilitatis Sacramentorum principalis ratio, non est characteris impressio, sed sola diuina institutio. Et minus manifestum est, charactorem esse, quàm Baptismum non posse iterari. hoc enim, & tempore institutionis Baptismi fuit certum: illud uerò, ne hodie quidem euidēter certum est. Vnam uerò solam dicit auctoritatem esse, quæ aliquid faciat pro charactere: quòd scilicet extra de Baptismo & eius effectu, cap. Maiores, Innocentius tertius uideatur de impressione characteris in Baptismo loqui. Sed & illum ipsum locum dicit Grabiell posse aliter intelligi, cum quidem etiam glossa ibi tale nihil dicat de charactere. Sed sit sanè hæc una prima & sola auctoritas, qua opinio characteris, & Scripturæ & ueteribus ignota, Ecclesiæ obtrusa est. Ex autore certè colligi potest, quale sit dogma. Ille enim innocētius est, qui Decretales edidit: ut correctio principum in secularibus, referatur ad Papam: ut ille Imperator sit, quem Papa coronari iusserit. Hic est, qui contra Philippum Imperatorem, alium curauit creari Othonem: cui



#### 134. EXAMEN DECRETORYM

adeo fauit, ut nulli Archiepiscoporum pallium dare uoluerit, nisi cum Papa contra imperatorem seneiret. Et ita exitialia bella in imperio concitauit. Postea uero ipsum Othonem, etiam fulmine excommunicationis ab imperio proturbare molitus est. Hic est qui dixit: Aut Pontifex Philippi diadema regium, aut Philippus Pontifici insigne Apostolicum adimat. Vt Iusto dolore Vrsspergensis exclamet: Habes Roma quod sitisti, decanta Canticum: quia per maliciam, non religionem orbem uicisti. Ille igitur talis, sit sane post natum Christum annis 1200. autor noui commeti de caractere: quod & Scripturae, & ueteri Ecclesiae ignotum fuit. Operae precium uero est, & hoc addere, quomodo Gabriel respondeat ad hanc sententiam, quam uidet posse obijci: Theologus nihil debet ponere, cuius necessitas non apparet ex fide. Ita autem inquit: Credita quaecumque probantur, aut ex Scriptura, aut per determinationem Ecclesiae, etiamsi illud determinate non habeatur ex Scriptura: quia non potest errare Ecclesia: in his quae fidei sunt. Quia uero opinio de caractere ne quidem Ecclesiae determinationem certam & expressam habet: respondet igitur Gabriel: Theologus potest aliquid ponere tanquam probabile, quod est consonum Scripturae, & determinationi Ecclesiae, & in nullo contrarium, licet non possit euidenter & necessario deduci ex his quae sunt fidei. Un-

de in proposito magis uidetur consonare determinationi Ecclesie, ponere characterem, quàm eius oppositum, & ita communiter schola Theologorum tenet. Et tandem inquit: Cui non placet hæc solutio, querat aliam.

Et hæc cum ita se habeant, lector ex uno hoc canone colligat & æstimet, quantum fidei & auctoritatis tribuendum sit Tridentinæ congregationi Romano Pontifici iurati: quòd de recenti cõmento, & Scripturæ & Antiquitati ignoto, quod nec auctoritate, nec ulla ratione nititur, non aliter ac de certissimo & firmissimo fidei articulo decernunt. Si quis dixerit, in tribus Sacramentis, Baptismo scilicet, confirmatione & Ordine, non imprimi characterem in anima, hoc est, signũ quoddam spirituale & indelebile, unde ea iterari non possunt, anathema sit. Nihil addam. Cum enim unicus hic canon satis ostēdat, quid, quale & quantum, conciliabulũ hoc sibi sumat lector admonitus, rē tantã diligentius secũ cõsiderabit & perpēdet.

A recenti uerò illa, dubia & incerta opinione, de impressione characteris, ideo decet ueram Christi Ecclesiam alieniorem esse, quia labi faciat fundamentũ dogmatũ: cuius certitudo, propter cõscientiarũ consolationē, omnino necessaria est. In doctrinam enim. ¶ Baptismus legitimè iuxta Christi institutionē collatus, nō sit iterandus, et propter quas causas nō sit iterandus, de re magna agitur:

## 16 EXAMEN DECRETORVM

quo scilicet fundamento, qua certitudine, & quo firmamento consolatio illa nitatur, quod pactum gratiae, quod in Baptismo Deus nobiscum inijt, perpetuum sit, quod seruare uelit, etiamsi ab eo discedamus, si modò in uera poenitentia per fidem ad illud redeamus.

Hanc tantam rem, atq; adeò necessariam, à uera & solida petra institutionis dimouent, & fluxae arenae superaedificant: ut scilicet non sit certior consolatio, quàm certum est talem, sicut ipsi communiscuntur, character animae imprimi per Baptismum. Atqui q̄ recens, incerta & infirma sit opinio de characterē, ipsis Scholasticorū uerbis iā ostēdimus. Sed forsā ideo à fundatissimo cōsolationis huius firmamento, qđ in Scriptura extat, discesserunt, & aliud lubricū & cōmentitiū substituerūt: quia fingunt, lapsis post Baptismum, nō esse amplius utile & ratum illud foedus gratiae, in quod per Baptismum recepti fuerant, quia dissolutum & fractum sit: sed ad secundā tabulā, nostrā sc. licet contritionem & satisfactionem esse confugiendum: ut per illam ex pelago perditionis, ad portum salutis enatemus: sicut Decretum de poenitentia ostendet. Sed uera fundamenta doctrinae, de nō iterādo Baptismo, in XI. canone de Baptismo explicanda erunt. Illud uerò quod Baptismi proprium est, ut scilicet non iteretur, postea ad Confirmationē: & ad suos Ordines transtulerūt: & de

Et de illorum præcipuè caractere, magis quàm de ipso Baptismo, digladiantur Et præsumunt. In reliquis uerò Sacramentis, disputant de impressio-  
ne ornatus cuiusdam, qui similis fermè sit charac-  
teri: de quo tamen ornatu inter ipsos nondum cõ-  
uenit. Forsan autem tam pertinaciter Deus ipsos  
sinit dimicare, pro uenda opinione characteris.  
in Cõfirmatione Et Ordinibus, ut manifestum sit,  
apud quos sit Et reperiatur character ille, cuius  
multa sit mentio, Apoc. 13. 14. 15. 16. 19 Et 20.

DE MINISTRIS SA-  
cramentorum.

Canon 10.

*Si quis dixerit, Christianos omnes  
in uerbo Et omnibus Sacramentis ad-  
ministrandis habere potestatem, ana-  
thema sit.*

EXAMEN.

Verba quæ in hoc Canone damnant, excerpse-  
runt ex Lutheri libello, de Captiuitate Babyloni-  
ca. Sed Et uerba mutilarunt, Et sententiam depræ-  
uarunt, ut Lutheri doctrinam inuisam redderent  
imperitis, quasi perturbatrix esset omnis diuini,

et humani ordinis in Ecclesia. Sed Lutherus nunquam sensit, quemuis Christianum promiscuè, sine legitima uocatione uel posse, uel debere sibi arrogare uel usurpare ministerium uerbi, et administrationem Sacramentorum in Ecclesia: imò Pontificijs uel stertentibus, uel ferro tantum et flamma disputantibus, Lutherus contra uarias Anabaptistarum sectas, ex uerbo Dei monstrauit, neminem debere, etiamsi sit doctissimus, ministerium uerbi et Sacramentorum in Ecclesia usurpare, sine peculiari et legitima uocatione. Et Ecclesiam serio admonuit, ne permittat illos ministeriū uerbi et Sacramentorum exercere, qui non habent legitime uocationis testimonia: quia scriptū est, Quomodo predicabūt, nisi mittamur? Rom. 10. Non mittebam prophetas, et ipsi currebant, Ierem. 23.

Et cum per totum mundum Lutheri scripta, sonora uoce clamitem, illustratam ab ipso esse doctrinam Scripturæ de legitima uocatione ministrorum uerbi et Sacramentorum, mirari aliquis posset, quare in hoc canone, mutilata et deprauata Lutheri uerba, dissimulata ipsius sententia, damnare uoluerint. Sed urit ipsos, quòd Lutherus in illa disputatione attingit supercilium, imò uerius tyrannidem, quæ in regno Pontificio arrogatur, et mitris Episcoporum, et rasuris sacrificulorum. Persuasiōne enim corporalis unctionis, rasuræ, uestium,



stium, &c. laicos tanquam porcos & canes præ se concernebant: inò hoc prætextu, quiduis in uerbo & Sacramentis, quasi pro imperio & potestate mandabant, mutabant, addebant, &c. Et quidē etiam opus operatum, hoc est, integritatem, ueritatem & efficaciam Sacramentorum, ex parte constituebant in charactere, quem fingeant in ordinatione imprimi: sicut suprà ex Petro de Palude notauimus. Contra has tyrannicas persuasio- nes, Lutherus ex uerbo Dei docuit, Christum clau- ues, hoc est, ministerium uerbi & Sacramentorum, tradidisse & commendasse toti Ecclesiæ: nō autem ita, ut quisq; suo arbitratu, & priuata temeritate, sine legitima uocatione, ministerium illud arriperet & usurparet: sed quòd postquam desit immediata uocatio, mittat Deus ministros uerbi & Sacramentorum, per uocationem & electionē Ecclesiæ, si fiat iuxta uerbi sui præscriptum: ita ut summa potestas uerbi & Sacramentorū sit penes Deum: deinde ministerium sit penes Ecclesiam, ut per quā Deus mediatē uocat, eligit, & mittit ministros: tertio deinde penes illos, qui à Deo per Ecclesiam legitimē electi & uocati sunt, ut penes ministros, quibus mandata est usurpatio seu administratio ministerij uerbi & Sacramentorum.

Hac distinctione, quæ uera & plana est, Lutherus reprimere uoluit supercilium sacrificulorum: qui illa persuasionē inflati erant, quæ

quasi soli potestatem meram & mixtam haberēt in uerbo & Sacramentis, ita ut Sacramenta ualere propter impressam ipsis, nescio quem chara cterem ordinis. Et ne reliqua Ecclesia uel tacito gemitu dicere auderet, Quid facitis? prætendebāt Ecclesiam reliquam nullam planè habere potestatem in uerbo & Sacramentis. Hoc ulcus quia Lutherus attigit, & ex uerbo Dei sectionem adhibuit, illud uerò est, quòd Pontificios cum dolore post tot annos hodie adhuc urit, & malè habet. Et hæc est caussa, quare ex illa Lutheri disputatione, uerba quedam mutilata & deprauata, in hoc canone citare & damnare uoluerunt.

Obliquè uerò, & quasi aliud agentes, hoc axioma petunt: Neminem, etiamsi legitimè iuxta præscriptum uerbi Dei, ab Ecclesia electus & uocatus sit, nisi ab Episcopo aliquo unctus & rasus sit, habere ullam potestatem in uerbi & Sacramentorum administratione: & Sacramenta ab illis administrata, non esse uera & efficacia. Has insidias lector intelligat, occultatas in hoc canone.

Quod uerò ad ipsam sententiam decimi huius canonis, sicut uerba posita sunt, attinet, planè & clarè respondeo. Si qui existimant, cuius Christiano promiscuè, sine peculiari & legitima uocatione, permissam esse potestatem usurpandi & exercendi ministerium uerbi & Sacramentorum in Ecclesia: eos iure & meritò damnari. Pugnāt enim

contra

contra regulam diuinam: Quomodo prædicabūt, nisi missi fuerint? itē: Currebant, & ego nō muta-  
bā eos. item contra regulā Pauli: Vt omnia ordino  
& decenter fiant in Ecclesia. Casum uerò neces-  
sitatis, Ecclesia semper excepit: ut testatur Hie-  
ronymus aduersus Luciferianos, & Augustinus  
ad Fortunatum. Sed quæ sit legitima & diuina uo-  
catio ad ministerium Ecclesiæ, postea in loco de  
Ordine explicandum erit.

## DE INTENTIONE.

### Canon. II.

*Si quis dixerit, in ministris, dum  
Sacramenta conficiunt & conse-  
runt, non requiri intentionem sal-  
tem faciendi quod facit Ecclesia, ana-  
thema sit.*

### EXAMEN.

Huius canonis examen liquido monstrabit,  
Pontificios in conciliabulo Tridentino congrega-  
tos, hoc sibi propositum habuisse, non ut in re-  
centioribus Scholasticorum commentis, quæ post  
meliora tempora Patrum, sine Scripturæ autori-  
tate, & sine antiquitatis testimonio, in Ecclesiam  
irrepsse.

irrepserunt, aliquid ad normam uerbi Dei corrigant: sed ut omnes opiniones, quæ hætenus in regno Pontificio agitatae fuerunt, qualescunq; etiã sint, quoscunq; habeant auctores, etiamsi nec Scripturæ, nec antiquitatis idonea habeant testimonia, simpliciter retineantur & stabiliantur: idq; ut facilius fiat, non argumentis & rationibus, sed nudis anathematis pugnatur. Multum siquidem ipsorum interest, ne uel species aliqua mutationis, in præsentis forma regni Pontificij admittatur: id quod fieri iudicaretur, si usitatis Scholasticorum opinionibus, correctionem aliquã ex regula Scripturæ adhiberent. Illud igitur tam sollicitè cauèt, ut in hoc canone, sicut & in plerisq; alijs, ipsos Scholasticorum terminos repetere & retinere uoluerint. Et nisi quis nudæ asseuerationi, sine Scripturæ documentis, & antiquitatis testimonijs assentiatur, statim fatua suorum anathematum crepitacula expediunt.

Et illud quod dixi, in undecimo hoc canone manifestissimum est. Dogma enim illud, quod ad ueritatem Sacramenti, necessaria sit talis intentio ministrari, quæ non tantum respiciat ipsum actum conferendi Sacramenta, iuxta formam institutionis, sed quæ respiciat etiam finem Sacramenti, ut scilicet intentione sua minister uelit illud fieri, propter quod Sacramentum institutum est: illud inquam dogma, in Scriptura nullum ha-

bet

be fundamentum: imò pugnat cum ueritate Sacramentorum, quam Scriptura tradit niti non moribus, fide uel intentione ministri, sed institutione Dei, si eius forma seruetur. Tota etiam uera & purior antiquitas ignorat periculosam, imò perniciosam illam opinionem Alensis, quòd Sacramentum non sit uerum & efficax, si minister maliciosè subtrahat interiorem suam intentionem, etiamsi in actione seu administratione seruet formam institutionis. Iucundū autē & utile fore arbitror, si proponatur consideratio, quomodo quæstio illa apud ueteres disputata fuerit, & quomodo sensim inclinatio fieri coeperit, donec progressu temporis, dogma Pontificium de necessitate intentionis ministri, inde exculptum sit. Augustinus igitur de Baptismo lib. 7. ca. 53. mouet has quæstiones: 1. Si quis fallaciter, hoc est, animo simulato in Ecclesia accipiat Baptismum. 2. Si quis in mimo cum fide accipiat. 3. Si quis ab eo qui non est Baptizatus, accipiat Baptisma. 4. Si tradens Baptismum in Ecclesia fallaciter agat. Et de his quæstionibus Augustinus primum in utranque partem disputat. ita enim inquit: An quantum ad ipsos quidem attinet homines, plurimum distat inter eum qui fide Baptismum accipit à mimo, & qui animo simulato in Ecclesia Baptismum accipit: ad ipsius autem Sacramenti integritatem, nihil interest.



Si enim nihil interest ad integritatem Sacramenti, in ipsa Catholica, utrum id aliqui fallaciter an ueraciter agant, cum hoc idem utriq; agam: quomodo extra Ecclesiam intersit, non uideo, quando ille qui accipit, non simulatione palliatus, sed religione mutatus est. An plus ualent ad confirmandū Sacramentū illi ueraces inter quos agitur, quā ad frustrandū illi fallaces à quibus agitur, et in quibus agitur: Et tamen si postea prodatur, nemo repetit. Sed nobis tutum est in ea non progredi, aliqua temeritate sententiæ, quæ nullo in Catholico regionali concilio coepta, nullo plenario concilio terminata sunt, &c. Et mox subiungit: Veruntamen si quis fortè in eo me concilio constitutum, ubi talium rerum quæstio uersaretur, non precedentibus talibus quorum sententiæ sequi mallet, urgeret ut dicerem quid ipse sentirem: si eo modo affectus essem quo eram cum ista dictarem, nequaquam dubitarem, habere eos Baptismum, qui ubicunq; & à quibuscunq; illud, uerbis Euangelicis consecratum, sine sua simulatione, & aliqua cum fide accepissent, &c. Item præteritis maiorum statutis non dubito, etiam illos habere Baptismum, qui quamuis fallaciter id accipiant, in Ecclesia tamen accipiunt, uel ubi putatur esse Ecclesia, ab eis in quorum societate id accipitur, de quibus dictū est: Ex nobis exierunt. Vbi autem neq; societas ulla esset ita credentium, neq; ille qui acciperet ita crederet,

crederet, sed totum ludicrè & mimicè & ioculariter ageretur: utrum approbendus esset Baptismus qui sic daretur, diuinum iudicium, per alicuius reuelationis. Oraculum, oratione implorandum esse censerè: ita sanè, ut post me dicturos sententias, si quid iam exploratum et cognitum afferrent, humiliter expectarem. Hæc Augustinus, pro solita sua uerè Christiana modestia, usq; adeo autem ex institutionis ueritate & certitudine, non ex hominum, siue dantium siue accipientium, quacumq; uel qualitate uel intentione, uult metiendâ esse ueritatem & integritatem Sacramentorum, ut ne quidem de inimica seu ioculari actione pronunciare ausit.

Longobardus postea suo tempore indicat illâ quæstionē, de ludicra uel ioculari Baptizatione, ut cum aliqui in balneum uel in flumen merguntur, in nomine Trinitatis, ita disputatum fuisse à sapientibus, ut uisum fuerit non esse Baptismum, quia non intentione Baptizandi illud geratur. Et addit: Nam & in hoc, & in alijs Sacramentis, sicut forma est seruanda, ita & intentio illud celebrandi, est habenda. Intelligit autem Longobardus intentionem, de ipso actu Baptizandi, non de fine & effectû Baptismi. Mox enim subiungit illâ Augustini sententiam: Illud te non moueat, quod quidam non ea fide paruulos ad Baptismum ferunt, ut per spiritum ad uitam regenerentur eter-

nam: sed eos putant hoc remedio, temporalem accipere sanitatem non enim propterea illi non regenerantur, quia nec ab illis hac intemione offeruntur. Et hæc quidem Longobardi sententia, de intemione celebrandi actione Baptismi, nihil aliud uult, quàm institutionem seruandam esse, ut sit uerum Sacramentum. Non enim hoc uult institutio Baptismi, ut fiat uulgaris aliqua lotio, uel quæ exprofeßo nihil aliud sit, quàm uel ridiculus lusus, uel mimica subsannatio, uel prophanatio institutionis cum recitatione uerborum: sed requirit, ut peculiaris instituatur actio, et quidem illa actio quam Christus instituit. Et hoc sufficit ad seruandam institutionem. Quid uerò in corde de illa actione sentiat is qui administrat Baptismū, hoc ad ueritatē siue integritatē Baptismi nō pertinet: neque hoc uoluit Longobardus. Notum etiam est iud ciū episcoporū de facto Athanasij. Qui puer ludens in littore maris, Episcopū se esse iunxit, et more Episcopi pueros ludemes tinxerat in nomine Trinitatis. Quam historiam describit Sozom: lib. 2. cap. 17. et Ruffinus in 10. l. Eusebij, cap. 14.

Et illa sententia etiam post Longobardi tempora mansit. Innocentius enim (sicut allegat Angelus in Summa) sensit, ad ueritatem seu integritatē Baptismi, nō necessario requiri quid minister sciatur, sentiat uel credat, de Baptismi uel substantia uel effectu: imò si contrariū credat, et existimet esse deceptionem

deceptionē Baptismū, tamen uerū esse, modò iuxta institutionē Baptizet. Ita etiam nō requiri, tanquā necessariū ad ueritatē Baptismi. ut baptizans uel sciat qđ sit Ecclesia, uel ut gerat in mēte facere quod facit Ecclesia: imò si contrariū gereret in mente, hoc est, nō faceret quod facit Ecclesia: si tamē illud faciat, hoc est, si formā institutionis seruet. Disputat igitur, hoc tantū requiri, ut minister baptizans intendat, uel saltē ut appareat, quod uelit seu instituat nō lauare tātū, sed Baptizare. Hac uerò sentētia, Scholastici nō cōtemi, lōgē ulterius in hac disputatione progressi sunt. Docuerūt enim ad ueritatē Baptismi requiri nō tantū formā institutionis, uerum etiam intensionē ministri: eamq; nō tantū respectu actus Baptizādi, ut obiecti, sed etiā respectu effectus Baptismi, qui est eius finis & terminus. Ideo tria ponūt: Baptizationē, uerba & intensionē: & illa tria sentiūt simul requiri ad ueritatē seu integritatē Baptismi, ita ut neutrū sine altero sufficiat. Quia uerò animaduenterunt, hac ratione omnino dubiū & incertū reddi Baptismū, uarias excozitarunt distinctiones, quibus illis incōmoditatibus mederētur: aliam scilicet esse intensionem specialem, quæ uult & intendit illud fieri, propter quod institutus est Baptismus: aliam esse generalem, quæ uult & intendit illud fieri, quod Ecclesia in Baptismo intendit, licet Baptizans illud uel ignoret uel non credat. Et hanc



rursus distinguunt in actualem, habituale, & uirtualem. Dicunt igitur, ad ueritatem Baptismi requiri intensionem ministri, respectu effectus Baptismi generalem & uirtualem, faciendi quod facit & credit Ecclesia. Si uero minister, apud se non intenderet quod Ecclesia intendit, sed quod hæresis intendit, non esset uerum Baptisma. Sed hisce uarijs distinctionibus conscientiam cum dubitatione luctantem, nihil releuari, ipsi fatentur. Cum enim alterius interior intentio, mihi non possit esse nota: si illa tamen necessaria sit ad ueritatem Baptismi, necesse erit baptizatum semper manere dubium de sui Baptizatione: & ita nunquam poterit certus esse de salute sua. Respondet autem Aletius, Baptizandum committendum esse ministro, qui non sit suspectus, sed probatus in fide: & ita posse haberi uehementem præsumptionem, quæ saluti adulti cum propria intensione sufficiat. Nā si forte minister subtraheret interiorem suam intensionem, non esset quidem uerum Sacramentum: saluaretur tamen adultus Baptismo flammis, hoc est, sua poenitentia & charitate, sine Baptismo. Sed si in Baptismo paruuli, minister subtraheret intensionem, & ita paruulus non esset uerè Baptizatus: quarum igitur, si ante usum rationis decederet, an damnandus esset? Et respondent Alexander & Thomas, in illo casu pie posse supponi, sine præiudicio tamen, quod summus sacerdos suppleat,



at quod deficit Sacramēto. Et Gabriel addit: Hoc est bene notandum, quia est ualde consolatorium. Sed quare non retinet uera fundamenta consolationis: ut scilicet ueritas Sacramentorum æstimetur, non ex ministri incerta intentione, sed ex ueritate & certitudine diuinæ institutionis? Addūt tamen, si summus sacerdos non suppleat illud, non accusari posse insticiam diuinam, etiam si paruulo Baptizato quidem iuxta institutionem Christi, sed sine ministri intentione, non remittat peccata. Hæc fermè sunt, quæ de intentione, in administratione Sacramentorum apud Scholasticos disputantur: quæ quo minus à nobis fingi uiderentur, ipsorum uerbis ex Gabriele describere uolui: ut lectores commonefacti sciant & cogitent, quibus de rebus in hisce Tridentinis decretis & canonibus agatur: ne quis existimet, nullam subesse ueram et grauem causam, quare illis assentiri nec uelimus nec possimus, nec etiam salua fide & bona conscientia debeamus. Cum enim ex hac recitatione constet, quæ de hac questione sit Scripturæ, quæ ueteris Ecclesiæ sententia, quæ Augustini modesta & πρὸς ἡμᾶς, quæ mediæ ætatis disputationes: quæ uerò recentiorum sint opiniones, fidei certè, & salutis certitudini periculosissimæ: coit iam Tridentina congregatio, datura specimen eius emendationis, quæ titulo Concilij per multos annos promissa, & à Christiano orbe expectata fuit. Quid au-

tem quæso decernit de illis recentibus Scholasticorum opinionibus: an intencio ministri talis, sicut ipsi tradunt, ad ueritatem Sacramenti necessaria sit? Ita inquit Canon undecimus: Si quis dixerit, in ministris dum Sacramenta conficiunt, et conferrunt, non requiri intencionem, saltē faciendi quod facit Ecclesia, anathema sit. Audis ipsas uoces Scholasticorū repeti, et opiniones ipsorū non argumentis, sed anathemate confirmari. Non igitur uel Scripturam, uel antiquitatem curant: neq; hoc sibi propositū habent, ut opiniones, quæ sine Scripturæ autoritate, et sine ueris antiquitatis testimonijs per recentiores Scholasticorū disputationes, in Ecclesiam inuectæ sunt, ad normā Scripturæ, et antiquitatis conformitatem, corrigantur: sed ut simpliciter omnia, quæcunq; et qualiacunq; sunt, quæ quoquo modo in regno Pontificio, usitata et recepta fuerunt, unde etiam cunq; habuerint originem, sine minima uel suspitione emendationis et correctionis, retineantur et stabiliantur. Neq; hoc prætereundum est, quare opinionem illam de intentione, tam diligenter et seriō defendant: ut quod antiquitas ignorauit, de quo Augustinus asseuerationem suspendit, illud iam sine documentis, sola anathematis interminatione, tanquam certissimus fidei articulus, credendum obtrudatur. Dogma uerò de dubitatione, est Helena illa. In VI, et nim sessione, ca. 9. sanxerunt, nemini peccata

peccata dimitti, qui in fiducia & certitudine remissionis peccatorū, iuxta promissionē acquiescit. Nullum enim scire posse certitudinem fidei, cui non possit subesse falsum, se gratiam Dei esse consecutum. Et huius dogmatis Iesuitæ reddunt hanc rationem: quia promissio nō loquatur de me aut de te, sed sit generalis: & fides sit generalium pronuntiatorū. Iam uerò in actione Sacramentorū, promissio gratiæ nō in genere proponitur, sed applicatur ad singulos, fide Sacramentis utentes: & quidem ideo instituta sunt, ut illā applicationē ad singulos obsignēt, cōfirmēt & certificēt. Quia igitur uidet uerū et salutarē Sacramentorū usum, di rectē & aduersa fronte pugnare cōtra dogma de dubitatione uarios cuniculos agūt, ut solidā, certā et firmā cōsolationē, quæ creditibus in usu Sacramentorū proponitur, quantū in ipsis est, labefaciēt, subruant & euertāt. Et ad hūc finē tēdit etiā hic Canō. Si enim ueritas et efficacia Sacramentorū ex diuina institutione pēdere doceatur, animaduertūt, fidē in usu Sacramentorū habere cōsolationis & certitudinis portū tutū, ancorā firmā, et petrā incōcussā. Vt igitur hæc eneruāt, infringāt & subuertāt, fingūt ad ueritatē Sacramentorū, præter diuinā institutionē, requiri etiā ministri intētionē: ita ut etiamsi Sacramēta iuxta institutionē Christi ritu legitimo administrētur, si minister interiorē suā intētionē uel nō adferat, uel subtrahat Sacramēta

non sunt uera, nec efficacia. Cum uerò alterius cogitatio, & interior intentio, mihi nunquam nota, & certò perspecta esse possit: consequitur hinc, suspensum, dubium & incertum esse & manere, quicquid fidei in Sacramentis ad consolationem proponitur.

Hanc Pontificiorum machinationem, lector in undecimo hoc Canone diligenter expendat. non enim de lana caprina rixæ sunt, quando de intentione disputatur: sed de re magna, & de consolatione quæ conscientijs necessaria est, agitur: an scilicet fides, ueritatem & efficaciam Sacramentorum querere & constituere debeat in ueritate Dei instituentis, & in uirtute Dei promittentis, et iuxta promissionem in actione Sacramentorum operantis: an uerò diuina illa ueritas & uirtus suspendenda sit ab hominis ministri cogitatione, fide & intentione? Scriptura certè tradit, administrationē quidem Sacramentorum ut iuxta institutionem administrentur, commendatam esse ministris, tanquam causse instrumentali: uirtutem uerò & operationem ueritatis & efficacie Sacramentorum, esse actionem & munus ipsius, & quidem solius Dei. Pater enim saluat per lauacrum regenerationis, Tit. 3. Christus mundat & sanctificat Ecclesiam, per lauacrum aquæ in uerbo, Eph. 5. Baptismus est lauacrum regenerationis & renouationis, non ministri, sed Spiritus sancti, Tit. 3.



Et sicut Paulus Phil. 1. tradit & affirmat, uerbum Euangelij quando ita prædicatur sicut diuinitus patefactum est, uerum esse, & uirtutem Dei esse, ad salutem omni credenti: etiamsi ille qui annunciat, uel non adferat, uel subtrahat intentionem: hoc est (sicut Paulus loquitur) si non bona uoluntate, non animo puro & sincero, nec ex dilectione, sed per inuidiam, ex cōtemptione, & per prætextū prædicet. Eadem certè ratio esse debet etiam in Sacramento, quod est uerbum uisibile: ut fides statuat, Sacramentum uerum esse, & habere ueram efficaciam, quando iuxta institutionem administratur qui quid minister uel cogitet, uel credat, uel intendat, modò institutionē, Christi in administratione seruet. Sicut enim quando ipsa Euangelicæ prædicationis puritas uititur & deprauatur, iā non est uerum Euangelium, nec uirtus Dei ad salutem credent: ita quando in actione seu administratione Sacramētorum, ipsa institutio mutatur, mutilatur, aut deprauatur, tunc certum est nō esse uerum Sacramentum. Verbum enim institutionis accedens ad elementum, facit Sacramentum. Hæc sententia simplex, uera & certa est, præbens conscientijs utilem, firmam & necessariam consolationem, quam eripi nobis non patiamur: & pertinet ad gloriam Dei, ne ipsius ueritas, ex hominis ministri intentione, quæ nobis nec nota nec certa esse potest, æstimetur: & ne fides hæreat in homi-



ne ministro, sed nitatur ueritate & uirtute Dei, instituentis & promittentis.

Distinctæ autē, & multū diuersæ sunt due hæc quæstiones. 1. quid ad ueritatem & integritatem Sacramenti requiratur, et necessarium sit. 2. Quid à ministro requiratur, ut quantū ad suam personam, fidelis & bonus sit: quo animo, qua fide, intentione & deuotione Sacramēta tractare debeat, ne (sicut Paulus inquit) alijs prædicans & ministrās, ipse reprobus efficiatur. Ministrū enim, qui animo prophano, irrisorio, negligenti & irreuerenti, Sacramenta tractat, peccare nō est dubium. Sed hæc ministri uita, si tamen Sacramenta iuxta Christi institutionem administret, non possunt Dei ueritatem irritam facere. Non enim ad substantiam & ueritatem Sacramēti pertinet uel qualitas, uel fides, uel deuotio ministri. Hanc distinctionem Longobardus lib. 4. dist. 5. elegantissimis Augustini sententijs illustrat. Ego dico inquit Augustinus, & nos dicimus omnes, quia iustos oportet esse per quos baptizatur, iustos oportet esse tāti iudicis ministros. Sine ministri iusti, si uolum: si autem noluerint esse iusti qui sedent in cathedra Moysis, securum me facit magister meus Christus, de quo Spiritus sanctus dicit: Hic est qui baptizat. item: Quos baptizauit Iudas, Christus baptizauit. Si quis ergo baptizauit, ebriosus, homicida, adulter, si Christi erat Baptismus, Christus baptizauit. Nō

time adulterum, nec ebriosum, nec homicidam, quis columbā attendo, per quā mihi dicitur: Hic est qui baptizat. Itē, Baptismus talis est, qualis est ille in cuius potestate datur: non qualis ille est, per cuius ministerium datur. Et alio loco: Habent ergo non modò boni, sed etiam mali, ministerium baptizandi: sed neutri potestatem Baptismi. Ministerium enim dedit Christus seruis: sed potestatem sibi retinuit. Et rationem addit, quare hanc potestatem non dederit seruis: Ne scilicet seruus in seruo spem poneret.

Ex Isidoro etiam Longobardus citat: Non hominem qui baptizat, sed Spiritum Dei subministrare gratiā Baptismi, licet Paganus sit qui baptizat.

### Canon. 12.

*Si quis dixerit, ministrum in peccato mortali existentem, modo omnia essentialia quæ ad Sacramentum conficiendum aut conferendum pertinent, seruauerit, non conficere aut conferre Sacramentum, anathema sit.*

De huius Canonis semētia, nulla est inter nos cōtrouersia. illā. n. nostri ex Scripturæ fundamētis cōtra Anabaptistas, errorē Donatistarū reno-

# 156 EXAMEN DECRETORVM

uantes, strenuè defenderunt. & delicia Donatistarum solide refutarunt. Nihil igitur hoc loco addã. Ea enim potissimum, quæ in Concilij huius Decretis controuersa sunt, examinare instituimus.

## DE RITIBVS IN ADMINISTRATIONE Sacramentorum.

### Canon 13.

*Si quis dixerit, receptos & approbatos Ecclesiæ catholice ritus, in solenni administratione Sacramentorum adhiberi consuetos, aut contemni, aut sine peccato à ministris pro libito omitti, aut in nouos alios per quemcunque Ecclesiarum pastorem mutari posse, anathema sit,*

### EXAMEN.

Principiò lector obseruet. quàm callidè posita sint uerba in hoc Canone. Omnes enim ritus, qui sub Papatu in administratione Sacramentorum adhiberi consueuerunt, appellant receptos & approbatos Ecclesiæ catholice ritus: eum non ignorent, plerosq; ex illis, nec semper à tempore Apostolorum

stolorum, nec ubiq; in omnibus Ecclesiis recepto  
 & usitatos fuisse. Sciunt etiam, multos ex ueius-  
 simis ritibus, per posteros abolitos, et in nouos cō-  
 mutatos esse. Cumq; non ignorem, quam libertatē  
 uerbum Dei, Ecclesiæ in huiusmodi ritibus conce-  
 dat: insidiosè addunt, non debere hoc fieri pro lu-  
 bito, per quemcunq; Ecclesiarum pastorem. Et sa-  
 nè ordinis & decori gratia, etiā in externis adia-  
 phoris, non est cuius, sine Ecclesiæ iudicio & cō-  
 sensu permittendum, ut ex petulantia, pro libidine  
 quiduis uel omittat, uel permutet. Sed longè aliud  
 est quod Canon iste parturit: Pontificem scilicet  
 solum, cum mitrata infulata & cornuta sua cater-  
 ua, posse pro libito ueteres, & quidem Apostoli-  
 cos ritus omittere, & in nouos commutare: & illis  
 deinde Ecclesiam ita obligari, ut minister etiam si  
 formam institutionis diuinæ, legitimè seruet, atro-  
 citer tamen & mortaliter peccet, si quid ex Pon-  
 tificijs ritibus omittat. Econtra uerò, quando mini-  
 ster tantum Pontificijs ritibus seruit, etiam si cœnā  
 Dominicam una sui parte mutilet, & totā actio-  
 nem Sacramenti in diuersum genus sacrificij trās-  
 formet, nihil quicquā peccare, sed cultum Deo  
 gratissimum præstare fingitur. Et tandem summa  
 eō redit, ut in administratione Sacramentorū, ma-  
 ior habeatur ratio rituum qui ab hominibus in-  
 ueni & recepti sunt, quā ceremoniarum quæ  
 ipsa filij Dei uoce institutæ & mandatæ sunt: id  
 quod



quod mutilatio coenae Dominicae tantū nō clamat. Hoc igitur est, quod XIII. hic Canō machinatur, ut Ecclesiae semel in uniuersum, pars illa Christianae libertatis tollatur: ut nisi praelatis Pontificis ita uideatur, in huiusmodi ritibus ne minimum quidem liceat uel omittere, uel mutare: etiamsi ex uerbo Dei deprehendantur, uel aedificationi non seruire, uel citra impietatem seruari non posse. Quia uerò nō tam malè audiunt, quin ad aures ipsorū totius ferme orbis iustissimae querele peruenierint, de superstitione & abusu quorundā rituum, de moderanda & corrigenda onerosa multitudine, et praecipuè de impijs opinionibus, quae ex humanis cōstitutionibus & inueterata cōsuetudine, postremis potissimū tēporibus, in administrationem Sacramentorū irrepserunt: iudicarūt in Concilio, eius rei mentionē aliquā esse faciendā. Nū uerò spem aliquā ostendunt moderationis, leuationis & emendationis in ritibus istis Pontificijs, & annexis superstitiosis opinionibus. Nihil profectō minus. Quā execrandum anathema dicum, nisi quis omnes illos ritus, cum opinionem illarū appendicibus, credat esse illius catholicae Ecclesiae ritus, quam Nicaenum symbolū definuit esse Apostolicam: & pronuntiāt peccatū esse, si uel minimū in istis ritibus omitatur uel mutetur. Sibi tamē solis, in hoc genere plenā potestatem, quia illa antehac sepe usi sum, constituendi, omitendi, addendi &



di & mutandi reseruant.

Vt autem ad rē ipsam accedamus, utq; ea quæ in genere ad hanc disputationē, de ritibus in administratione Sacramentorū pertinent, simpliciter & ordine explicari possint, breuiter quædam de præcipuis capitibus annotabo: qui scilicet ritus mandatum & testimonium habeāt in uerbo Dei: qui postea à patribus, & quo consilio additi sint: quomodo à prima origine cœperint degenerare: & quæ sit regula Christianæ libertatis, in usu talium rituum in Ecclesia.

Quando ergo quæritur, an administratio Sacramentorum, sine certis & peculiaribus quibusdam externis ritibus fieri debeat? Responsio plana & manifesta est. Ipsa enim appellatio & definitio Sacramēti, hoc cōplectitur, ut adsit ibi uisibile & externū aliquod elemētū, ad quod uerbū accedere oportet: utq; tota actio certo modo, & peculiari ceremonia diuinitus instituta tractetur & administretur. Illud uerò, quomodo fieri debeat, certo & manifesto uerbo Dei, in Scriptura expressū, & Ecclesiæ præformatū est: ut s. illa signa et illa uerba usurpētur, quæ in institutione cuiusq; Sacramēti, Deus ipse instituit & præscripsit: & quidē eo modo tractētur & usurpētur, sicut institutio ordinat et præcipit. Hi ritus substantiales & necessarij sunt, in administratione Sacramentorū: sunt enim ipsius institutionis executio. Deinde

ex Scriptura non obscure colligitur, ecclesiam Apostolicam in administratione Sacramentorum sollicitè hoc seruasse, ne essent muta spectacula: sed ut doctrina de substantia, usu & efficacia Sacramentorum, præsentiibus, & Sacramenta suscepturis, fideliter ex uerbo Dei, & lingua ipsis usitata & nota proponeretur & explicaretur: utq; illi qui usuri erant Sacramentis, rectè instituti, diligenter admonerentur de legitima & salutari Sacramentorum susceptione. Ita historia Actorum, & Paulus 1. Cor. 11. administrationem Baptismi et cœnæ Dominicæ describit, ex illis fundamentis institutionis. Prædicate Euangelium: item, Qui crediderit. & Hoc facite in mei commemoratorem: Annunciate mortem Domini: Probet se homo, &c. Adhibitas etiam fuisse preces & gratiarum actiones, ex ipsa Sacramenti institutione sumptas, Scriptura manifestè testatur. Institutio enim testatur, Christum gratias egisse: & illud Ecclesiæ faciendum mandauit: Hoc facite. Et Paulus inquit: Mortem Domini annunciate. Item Acto. 22. Baptizare, & ablue peccata tua, inuocato nomine Iesu.

Et fundamenta quidem Scriptura ostendit, unde sumi debeant explicationes, exhortationes, preces & gratiarum actiones: ex institutione scilicet; et ex doctrina de Sacramentis, sicut in uerbo Dei traditur. Non autem præscribit, conceptis uerbis certam formam: sed hoc pro ratione circumstantiarum,

tiarum, ad ædificationem liberum permittit, modò  
fundamentum seruetur. Hæc sunt, quæ in admini-  
stratione Sacramentorū principaliter obseruanda  
& exigēda sunt: quæ scilicet in institutione præ-  
scripta sunt, quæq; habent testimonium & exem-  
plum Scripturæ: ut omnia fiant decenter, ordine,  
et ad ædificationem.

Expendatur autem hoc loco, quàm iniqui exa-  
ctores sint Pontificij. Pro humanis enim suis riti-  
bus, in administratione Sacramentorum, ita pu-  
gnant, ut ne unius quidem illarum ceremoniarū  
omissionem, sine peccato & sine periculo anathe-  
matis liberam permittant. Eorū uerò quæ in ad-  
ministratione Sacramentorū, diuinitus mandata  
sunt, quæq; Scripturæ testimonium & exemplum  
habent, nullo modo tam diligentem habent ratio-  
nem: imò rigidi isti humanorum rituum exacto-  
res, liberum sibi permittunt in ijs quæ Scripturæ  
mandatum & testimonium habent, quandolibet  
aliquid omittere, addere, mutare, &c.

Institutio enim loquitur de usu calicis. & Pau-  
lus addit: Hoc facite donec ueniat. Pontificij uerò  
calicem ex administratione cœnæ Dominicæ, pro  
sua libidine tollunt: & quando ipsis uidetur, qui-  
bus etiam uidetur se illum reddere posse, & uer-  
bis gloriantur, & nunc re ipsa ostendunt. In suo  
Canone ex uerbis institutionis expungunt hæc  
uerba: Pro uobis traditur. Ecōtrā uerò, alia quæ-  
dam

dam super addunt & infarciunt in ipsam institutionem: ut eleuatis in cœlum oculis, item mysterium fidei, &c. Et Bonauentura libro quarto distinctione octaua questione secunda querit utrum sequendum sit, cum canon aliter habeat, quæ uel Euangelistæ, uel Paulus: scilicet, Hic est calix sanguinis mei. Respondet autem, Euangelistas & Paulum tantum historiam narrare: formam uerò consecrationis à Romana Ecclesia sumendam esse. Atq; ideo potius uerba Canonum quàm uel Euangelistarū uel Pauli sequēda et usurpanda esse. Et hi sunt, qui non tantum quiritantur, sed mox anathemata sua ubrant, si in ipsorum ritibus uel minutulum aliquid siue omittatur, siue mutetur.

Notorium & manifestum est, in regno Pontificio, in administratione Sacramentorum, uel planè negligi commonesactiones & exhortationes de uero & salutari Sacramentorum usu: uel lingua peregrina, & populo ignota, ita tractari, ut populus inde edificari non possit. Multæ usurpantur preces quæ institutioni & doctrinæ Sacramentorum non sunt conformes: & si quid in illis boni est, sollicitè tamen cauetur, ne illud à populo uel exaudiat: uel intelligatur. Ideo enim præter peregrinam linguam, secretam murmurationem Canonis instituerunt, ne fortè populus ad preces & gratiarum actiones possit



possit Amen dicere. 1. Corinth. 14. Hæc opponenda sunt illis, qui de observatione & conformitate humanorum rituum, in administratione Sacramentorum, non tantum plausibiliter concionantur, sed anathematis suis terribiliter fulgurant. Verè enim colant culicem, & camelum deglutiunt, Matthæi uigesimotertio, Relinquentes enim mandatum Dei, tenent traditiones hominum. Mar. 7. Imò propter traditiones suas, mandatum Dei transgredi non uerentur. Matt. 15.

Si iuxta normam Scripturæ, ad edificationem Ecclesiæ, legitima reformatio rituum in administratione Sacramentorum quæreretur, principaliter ratio habenda esset eorum quæ in institutione Sacramentorum, ab ipso Deo præscripta sunt, quæq; habent Scripturæ testimonium & exemplum: ut si quid peregrini illis intermixtum inueniretur, resecaretur: si quid uel omissum, uel mutatum esset, restitueretur. Hæc esset uera, pia, solida & salutaris reformatio. Sed purulentum hoc Pontificij corporis ulcus, ne attingunt quidem in hoc Canone: imò si quid horum inueterato abusu receptum sit, illud iubent pro approbato Ecclesiæ catholice ritu haberi, & sub anathemate prohibent, ne quid mutetur.



Et hæc sunt, quæ in administratione Sacramentorum, Scripturæ testimonium & exemplum habent. Et post Apostolorum quidem tempora, in primitiua Ecclesia, aliquandiu mansit Euangelica & Apostolica illa simplicitas, quod in administratione Sacramentorum, illi tantum ritus adhibiti fuerunt, qui habent Scripturæ mandatum & exemplum. Postea uerò paulatim alia quedam superaddi cœperunt, consilio primum nec malo, nec impio: ut scilicet externis ritibus, in sensus incurrentibus, fidelibus, & præsertim rudioribus in Ecclesia, dignitas Sacramentorum magis commendaretur, & à contemptu uindicaretur: utq; uirtus, operatio & usus Sacramentorum, in ipsa actione luculentius explicaretur, & ob oculos proponeretur. In illis etiã additijs ritibus, habita fuit ratio eorum, quæ usæ fuerunt seruire ad conseruationem ordinis & decori, in illis cõuenientibus, ubi celebranda erat administratio Sacramentorum. Illa uerò duplicia fuerunt: constabant enim uel uerbis, uel ritibus & gestibus. Verbis dico constare: ut sunt exhortationes, preces, gratiarum actiones, lectiones ex Scriptura de Sacramentis, confessio fidei, interrogations, et concepta quedam uerba, quibus doctrina de usu & efficacia siue Baptismi, siue cœnæ Dominicæ explicatur, & quasi ob oculos ponitur: ut exorcismus, abrenunciatio, &c. Non autem comenti fuerunt, commonefactionem

nem doctrinae de Sacramenti cuiusq; dignitate, de usu & efficacia, in ipsa Sacramentorum administratione, uerbis saltem proposuisse: sed ut commonefactio illa tenacius sensibus & memoriae imprimeretur, & fortius animum moueret, uerbis illis coeperunt addere certos quosdam ritus & gestus. Et quidem quae olim uerbis & doctrina proponebamus, postea in multas figuras demutari coeperunt: ut quod olim uerbis monebant & docebāt, Baptismū esse *ἁγίασμα*, et postea successit grandis moles Panchalis cerei. Et tamen illorum rituum principio magna fuit parcitas, postea uero paulatim cumulari coeperunt: ita ut tandem in theatricum ferme apparatus, ceremoniae illae abierint. Et ut non prorsus sanè damnetur ueterum illud consilium: nimis tamen hoc rigide & magnifice exaggerant ceremoniarum magistri & exactores, quasi sine illis nec ueritas, nec dignitas, nec efficacia Sacramentorum consistat.

Quia uero hoc tempore, omnes etiam non uetustissimi ritus, tanquam necessarij, sub anathematis denunciatione, conscientijs imponuntur: cum quidem manifestè constet, in quē tristem abusum pleraq; talia degenerarint: ualde multa diligenter consideranda sunt in hac disputatione de ritibus, qui à ueteribus, in administratione Sacramentorum instituti & usurpati feruntur. Primum enim ritus illi non habent institutionem & manda-

tum Dei: ideo longè alio, & inferiori loco collocandi sum, quàm ceremoniæ in ipsa diuina institutione præscriptæ. II. Cum ipse filius Dei, Sacramenta ita instituerit, ut ea certis à se institutis ritibus præceperit administrari: ualde ardua est quæstio, an hominibus permissum sit, alios præterea, & quidem multos & uarios ritus, quocunq; consilio superaddere: quasi ceremoniæ illæ quæ in administratione Sacramentorum diuinitus institutæ sunt, non satis sint uel idoneæ, uel sufficientes.

Certè quibus ritibus Sacramenti cuiusq; substantiam & administrationem Deus constare uoluit, illos ipse uerbo suo instituit & præscripsit. Et institutioni diuinæ sicut nihil detrahendum, ita etiam nihil addendum est. Quod uerò prætenditur, per illos ritus ab hominibus additos, multa piè & utiliter significari, moneri & doceri: ad illud responderi potest, figuras proprias esse ueteris Testamenti: quæ uerò in nouo Testamento Christus moneri & doceri uoluit, non umbris, sed luce uerbi tradi & proponi uoluit. Et de uerbi, nõ autem de figurarum ab hominibus inuentarum efficacia, habemus promissionem: quos uerò ritus uerbo adhiberi uoluit, eos ipse instituit. III. Ritibus illi ab hominibus instituti, iudicantur plus decori asferre administrationi Sacramentorum, & dignitatem illorum magis commendare, quàm ceremoniæ quæ in institutione Sacramentorum, ab ipso

ipso Deo præscepta sunt: ita ut simplicitas institutionis diuine, existimetur non satis habere decori, nec respondere dignitati Sacramentorum. Quæ imago ex superadditis illis ritibus orta, impropria est, & necessario taxanda. Decorum enim & dignitatem Sacramentorum, ex uerbo Dei estimare debemus. Et quidem utile est, ut in ipsa administratione Sacramentorum, discrimen extet inter diuinas actiones, quarum decorum & dignitas in uerbo consistit: & inter theatricas mundi pompas, quæ suo se splendore commendant sensibus. Ideo enim tam paucos, & tam simplices ritus, filius Dei in nouo Testamento instituit. IIII. Multitudo, splendor et pompa humanorum illorum rituum, obruit & obscurat ceremonias, diuinius in administratione Sacramentorum præsceptas & mandatas. Occupat enim sensus & animos, ut uel nulla, uel exigua habeatur ratio eorum, quæ habent institutionem & mandatum Dei. V. Ritus illos superadditos paulatim, non permiserunt esse signa cõmonescientia de doctrina, sed singulis attribuerunt peculiarẽ quandã efficaciam & operationem, sine uerbo & promissione Dei: imò ipsam Baptismi efficaciam et operationem, cõperunt parti et distribuere inter ritus illos ab hominibus superadditos, ita ut ualde parũ relictũ fuerit ipsi actioni Baptismi, quæ habet institutionem et promissionem diuinã. Apud uerissimos quidẽ, & puriores scriptores legimus,



quòd ritus illi aliquid significarint & monuerint, de doctrina Sacramentorum in uerbo Dei comprehensa. Monanistæ uerò primum cœperunt illis tribuere spirituales efficacias & operationem: sicut uidere licet apud Tertullianum & Cyprianum. Et licet illæ opiniones in uera Ecclesia tunc reprobarentur, seminaria tamen hæserunt etiam in posterorum disputationibus. Quoties enim apud ueteres occurrit, per exorcismum & exufflationem expelli spiritum immundum à baptizandis, ita ut à Sathana captiuitate liberi sint, priusquam Baptismum accipiant: item per impositionem manus Episcopi, & per unctionem post Baptismum, primum dari Spiritum sanctum: quòd si colligatur, quæ posterius singulis suis ritibus non significatiue, sed effectiue cœperunt tribuere: uel nihil, uel certè ualde parum remanebit ipsi Baptismi actioni, quæ habet institutionem & promissionem diuinam. Et quale hoc sit, ex consecrationibus, seu potius execrationibus unguenti, salis, cerei, &c. æstimare licet. Et hæc profectò necessario sunt taxanda, quando de uetustis ritibus disputatur. VI. Vulgi persuasio ad integritatem, ueritatem & efficaciam Sacramentorum, fermè æquè necessarios facit ritus ab hominibus inuenios, & qui ab ipso Deo instituti & mandati sunt. In hac opinione hæsit olim Cyprianus. Et quidem Cornelius Romanus episcopus censuit, Baptismum licet iuxta



iuxta Christi institutionem administratum, in No-  
uato tamen non habuisse ueram efficaciam, pro-  
pterea quod propter morbum reliqui ritus, ante  
& post ipsam actionem Baptismi adhiberi con-  
sueti, ipsi defuerint. Et hæc quidem opinio postea  
fuit correctæ, sicut notat Longobardus: hæsit ta-  
men, & adhuc hæret in multorum animis. Triden-  
tini uerò, ubi sub anathematis denūciatione obser-  
uationem illorum rituum, conscientijs imponunt,  
ne uerbulo quidem huius meminerunt. VII. Li-  
beræ fuerunt horum rituum obseruationes in Ec-  
clesia: neq; enim in omnibus Ecclesijs, similes &  
ijdem fuerunt tales ritus: sepe etiam ex antiquissi-  
mis ritibus, quidā abrogati & omisi sunt: ut præ-  
gustatio lactis, mellis & uini, cuius meminit &  
Tertullianus & Hieronymus. Quidā mutati sunt,  
& alij de nouo instituti, prout iudicatum fuit face-  
re ad ædificationem Ecclesiæ. Illam enim non tur-  
bulentam licentiam, sed piā & salutarem liber-  
tatem, in Ecclesiasticis huiusmodi ab hominibus  
institutis ritibus, Ecclesia usurpauit & seruauit:  
quod libera desuetudine abrogauit, omisit & mu-  
tauit, etiam uetustissimos tales ritus: quando pro  
ratione circumstantiarum, non multum ad pietatē  
momenti amplius habere iudicabantur: aut quan-  
do causa propter quam institui & obseruari cœ-  
perant, uel sublata, uel mutata erat, & ita com-  
mutatione temporum, ad ædificationē utiles esse  
desierant:

desiderant: aut quando ab ipso fine & usu, ad quē  
 in utro instituti fuerant, deflexerant, & in abusio-  
 nem uel superstitionem degenerarant. Nostri ue-  
 rō aduersarij, suauēs sunt reformatores: qui ubi  
 exprofeßo disputationem de huiusmodi ritibus  
 instituerūt, ne uerbo quidem meminerunt de ne-  
 cessarijs illis commonesactionibus: sed tantum a-  
 na thematis suis consciētiās grauare conantur, ut  
 uel umbra saltem quorumcunq; talium rituum,  
 quae in Romana ecclesia consuetudinis aliquā prae-  
 scriptionem habere uidentur, religiosē seruentur,  
 etiamsi nullam nunc ueram habeant obseruatio-  
 nis causam, nullum salutare finem & usum, ad  
 edificationē: sicut talia multa sunt in Canone Mis-  
 sae, et in Ceremonijs Baptismi, tempore Paschae et  
 Pentecostes. VII. Est & hoc cōsiderandū, quōd  
 in unum chaos cōmiserunt recentiora instituta ( ut  
 de cereo Paschali ) cum uetustis ritibus, & illos  
 rursum confundunt cum diuinis institutis. Nam su-  
 per additos illos ritus non relinquunt in ordine il-  
 larum ceremoniarum, quae à uiris Ecclesiasticis,  
 ordinis, decori & edificationis gratia institutae  
 sunt: sed ex supposititijs quibusdam scriptis, con-  
 quirunt commētica testimonia, ritus illos ab Apo-  
 stolis esse traditos & per consequens esse uel à fi-  
 lio Dei, uel à Spiritu sancto institutos & praece-  
 ptos: ut ita in administratione Sacramentorum,  
 par sit autoritas, & aequa, efficacia eorum quae à

Deo instituta, testimonium & mandatum habent  
uerbi Dei, et quæ sine Scripturæ testimonio ab ho-  
minibus quomodocumq; tradita sunt.

Hæc breuiter recitauimus, ut lector admonitus cõ-  
sideret, quàm multiplices & perniciosas insidias,  
generalitas huius XII I. Canonis, sub uenerando  
antiquitatis, & Ecclesiæ catholicæ titulo inuol-  
uat & occultet. Quia uerò augusta & uene-  
randa apparet antiquitatis canicies, in ipsis eti-  
am huiusmodi ritibus, ita ut uel petulantia, uel  
superbia esse uideatur, uel contemnere, uel abro-  
gare, uel mutare illa quæ ueteribus probata fe-  
runtur: inuidiosis igitur uerbis uoluerunt Eccle-  
sias nostras perstringere, cum aiunt: Si quis di-  
xerit, approbatos Ecclesiæ catholicæ ritus aut  
contemni, aut pro libito omitti, aut in nouos alios  
per quemcumq; Ecclesiarum pastore mutari pos-  
se. Sed quæ sit Ecclesiarum nostrarum senten-  
tia, facilis est declaratio ex his quæ annotauimus.  
In administratione enim Sacramentorum, distin-  
guimus, & discernendos esse docemus ritus. Sunt  
enim primò ritus quidam, qui in institutione man-  
dati, atq; ita in administratione Sacramentorũ ne-  
cessarij & substantiales sunt. In illis affirmamus  
nihil esse omittendũ, mutandũ uel abrogandũ. Se-  
cundò, sunt in administratione Sacrametorũ quæ-  
dam, quæ habet testimonia & exempla Scriptu-  
ræ: quæ scilicet primam Apostolicam ecclesiam  
in ad-

in administratione Sacramentorum seruasse, in Scriptura legimus: ut explicationes doctrinae Sacramentorum, exhortationes, preces, gratiarum actiones, &c. Illa etiam & seruamus, & docemus diligenter esse seruanda: ita tamen ut doctrinae Sacramentorum sicut in Scriptura traditur, sint cōformia. non enim muta & ociosa spectacula sunt Sacramenta, sed instituta sum, ut & fidem confirment, & promissionem uerbi clarius proponant. Tertiò, sum alij quidam ritus, qui non habent Scripturae uel mandatum, uel testimonium, sed à uiris Ecclesiasticis superadditi sum. Et ne illos quidem in uniuersum omnes uel abijciendos, uel damnandos esse censeo: sed qui in uerbis & interrogationibus consistunt, quæ cum Scriptura consensunt, & de doctrina Sacramentorum utiliter aliquid monent & explicant, liberè possunt retineri: sicut apud nos in administratione Baptismi, retinetur exorcismus, abrenunciatio, confessio fidei, &c. In ijs uerò quæ consistunt in ritibus seu gestibus, seruetur ea libertas quam Scriptura concedit, & uera Ecclesia semper usurpauit in huiusmodi humanis traditionibus: ut scilicet illa retineamur & usurpenur, quæ nihil admixtum habent impietatis & superstitionis, item quæ non ociosos lusus habent: sed uel ordini, uel decoro Ecclesiastico seruire, uel utili & pia commonefactione, edificacionem populi promouere possunt. Postremò, quæ



ipsa substantialia Sacramentorū illustrant, nō autē obruunt, uel obscurant, nec transformāt in actionem planē diuersam: sicut fit in sacrificio Missæ. In ijs uerò, quæ ex Ecclesiasticis ritibus retineri posse docemus, seruemur illa quæ suprà diximus: ut scilicet ea illustri discrimine discernantur ab illis, quæ habent Scripturæ uel mandatum, uel testimonium, ne illis ullo modo exæquantur, multo minus præferamur. Nō tribuatur illis, spiritua-  
lis aliqua efficacia, sine promissione diuina: nec quæ propria sunt Sacramentorum, ad tales ritus uel ex toto, uel ex parte transferantur. Nec sentiendum est, tales ritus ad integritatem & ueritatē Sacramentorum pertinere, multo minus ad hoc necessarios esse, sed habeantur pro ritibus adiaphoris: qui si ad ædificationem utiles esse desināt, & à salutarī fine & usu in superstitionem & abusum degenerent, uel corrigendi, uel mutandi, uel exemplo aenei serpentis, abrogandi & prorsus tollendi sunt. Illi etiam qui retinentur, debent tamen sicut sunt, manere ritus adiaphori: ut scilicet non fiant laquei conscientiarum, sed sine opinione necessitatis, liberè seruētur, ita ut extra casum scandali possint omitti, uel Ecclesiæ ordinatione & consensu mutari uel abrogari. Neque enim priuatum cuiusvis petulantiae hoc permittendum est. Si uerò legitimè hoc fiat, utile est in huiusmodi adiaphoris, exemplo libertatem ostendere: ita tamen,



in administratione Sacramentorum seruasse, in Scriptura legimus: ut explicationes doctrinae Sacramentorum, exhortationes, preces, gratiarum actiones, &c. Illa etiam & seruamus, & docemus diligenter esse seruanda: ita tamen ut doctrinae Sacramentorum sicut in Scriptura traditur, sine cōformia, non enim muta & ociosa spectacula sunt Sacramenta, sed instituta sunt, ut & fidem confirment, & promissionem uerbi clarius proponant. Tertiò, sum alij quidam ritus, qui non habent Scripturæ uel mandatum, uel testimonium, sed à uiris Ecclesiasticis superadditi sunt. Et ne illos quidem in uniuersum omnes uel abijciendos, uel damnandos esse censeo: sed qui in uerbis & interrogationibus consistunt, quæ cum Scriptura consentiunt, & de doctrina Sacramentorum utiliter aliquid monent & explicant, liberè possunt retineri: sicut apud nos in administratione Baptismi, retinetur exorcismus, abrenunciatio, confessio fidei, &c. In ijs uerò quæ consistunt in ritibus seu gestibus, seruetur ea libertas quam Scriptura concedit, & uera Ecclesia semper usurpauit in huiusmodi humanis traditionibus: ut scilicet illa retineamur & usurpemur, quæ nihil admixtum habent impietatis & superstitionis, item quæ non ociosos lusus habent: sed uel ordini, uel decoro Ecclesiastico seruire, uel utili & pia commonefactione, ædificationem populi promouere possunt. Postremò, quæ ipsa

ipsa substantialia Sacramentorū illustrant, nō autē obruunt, uel obcurant, nec transformāt in actionem planē diuersam: sicut fit in sacrificio Missæ. In ijs uerò, quæ ex Ecclesiasticis ritibus retineri posse docemus, seruemur illa quæ suprà diximus: ut scilicet ea illustri discrimine discernantur ab illis, quæ habent Scripturæ uel mandatum, uel testimonium, ne illis ullo modo exequantur, multo minus præferantur. Nō tribuatur illis, spiritus alius aliqua efficacia, sine promissione diuina: nec quæ propria sunt Sacramentorum, ad tales ritus uel ex toto, uel ex parte transferantur. Nec sentendum est, tales ritus ad integritatem & ueritatē Sacramentorum pertinere, multo minus ad hoc necessarios esse, sed babeantur pro ritibus adiaphoris: qui si ad ædificationem utiles esse desināt, & à saluari fine & usu in superstitionem & abusum degenerent, uel corrigendi, uel mutandi, uel exemplo aenei serpentis, abrogandi & prorsus tollendi sunt. Illi etiam qui retinemur, debent tamen sicut sunt, manere ritus adiaphori: ut scilicet non fiant laquei conscientiarum, sed sine opinione necessitatis, liberè seruētur, ita ut extra casum scandali possint omitti, uel Ecclesiæ ordinatione & consensu mutari uel abrogari. Neq; enim priuatum cuiusuis petulantia hoc permittendum est. Si uerò legitime hoc fiat, utile est in huiusmodi adiaphoris, exemplo libertatem ostendere: ita tamen,

## 174 EXAMEN DECRETORVM

ut omnia fiant ordine, decenter, et ad ædificationem, iuxta Pauli regulam. Nec damnandæ sunt Ecclesiæ, propter dissimilitudinem in huiusmodi ritibus: aut si in illorum omiſſione uel mutatione, libertate sua iuxta dictam Pauli regulam utantur.

Hæc sunt ut uerissima, ita etiam æquissima, de ritibus in administratione Sacramentorum: sumpta enim sunt ex doctrina Scripturæ de rebus adiaphoris. Sed hisce quantumuis æquis conditionibus, non patiuntur sibi satisfieri Pontificij: alias facile de summa rei, quod ad ritus attinet, transigi et conueniri posset. Poterit igitur hinc lector conijcere, quid in XIII. Canone hoc agant, querant, et moliantur Pontificij.

## DE BAPTISMO.

### Canon. 1.

De Baptismo Iohannis.

*Si quis dixerit, Baptismum Iohannis habuisse eandem uim cum Baptismo Christi, anathema sit.*

## EXAMEN.

*In omnibus controuersis, ea que necessarium  
usum*

usum habent, in exercitijs poenitentiae, fidei & pietatis, discernenda sunt ab alijs disputationibus: in quibus opinionum diuersitas, uel etiam leuis quaedam hallucinatio, non infert iacturam fidei & salutis. Ita de Baptismo Christi, quo nunc Ecclesia noui Testamenti baptizat, multa quorum necessarius usus est utiliter possunt dici, quid sit, quae sit eius efficacia, quomodo rite dispensetur & suscipiatur, quis sit eius per totam baptizati hominis uitam usus, &c. Disputatio uero de Iohannis Baptismo, non aequè est necessaria. nemo enim nunc uel baptizatur, uel baptizatus est Iohannis baptismo: sed tantum quaestio est de caeremonia temporis, iamdudum praeteriti, & quidem exigui. Iohanne enim in uincula coniecto, Baptismus eius desuit. Detennum autem fuisse in carcere ultra integrum annum, series historiae Euangelicae non obscure indicat. Ergo non per totum sesquiannum durauit Baptismus Iohannis. Non igitur anathemate statim iugulandi erant, qui de hac quaestione, collatis Scripturae sententijs, paulò aliter quàm ueteres quidam disputant: si id fiat salua ueritate doctrinae, de poenitentia, fide & pietate.

Nec sanè ignotae nobis sunt ueterum de Baptismo Iohannis disputationes: sed nec inter se omnino consentiunt, nec diuersum sentientes damnant.

Cyprianus



Cyprianus Iohannis baptismo tantum exterius la-  
 uacrum tribuit. Et Longobardus inquit: Ibi Iohan-  
 nis tantum operatio uisibilis erat, exterius lau-  
 ntis, nō inuisibilis gratia Dei uirtutis operantis in-  
 terius. Item dictus est Baptismus Iohānis, hoc est,  
 hominis: quia nihil ibi gerebatur, quod nō ageret  
 homo. Illud Gabriel ex Scholasticorum sententia  
 ita explicat: in Baptismo Iohannis nihil aliud fuis-  
 se factum, quā illud quod totum Iohannes ope-  
 rabatur, exteriore scilicet corporis lotionem, ita  
 ut nec pœnitentiam, nec remissionem peccatorum  
 contulerit. Et glossa de consecra. dist. 4. cap. aliud  
 est: Et non regenerabantur, dicit, Deum per Bap-  
 tismum Iohannis, non operatum esse uel pœniten-  
 tiam, uel remissionem peccatorum: sed appellari  
 Baptismum pœnitentiæ, quia prædicarit pœniten-  
 tiam. Non autem dicendum esse Baptismum remis-  
 sionis peccatorum, quia illam Iohannes nec de-  
 der. t, nec docuerit. Hec sunt Gabrielis uerba, qui  
 textum Marci ita discerpit: Iohannes erat bapti-  
 zans, & prædicans Baptismum, scilicet non suum,  
 sed futurum Christi, qui esset Baptismus pœniten-  
 tiæ & remissionis peccatorum. Chrysostomus  
 uerò expendens illa uerba Iohannis, Matth. 3. Ego  
 baptizo uos aqua in pœnitentiam: dicit, Baptis-  
 ma Iohannis nō habuisse quicquam amplius, quā  
 ut populum ad pœnitentiam duceret. non enim di-  
 xit, in aqua remissionis: sed pœnitentiæ. Et postea  
 dicit:



dicit: Baptisma Iohannis nō habebat remissionem  
 peccatorū: hoc enim munus illius Baptismatis e-  
 rat, quod Christus instituit. Ita Chrysostomus. Et  
 quidem Augustinus etiam sæpius ita loquitur. qui  
 tamen diligentius expendens hoc quod Iohannes  
 Marci 1. & Luc. 3. de Baptismo suo prædicauit,  
 quòd esset Baptismus pœnitentiæ in remissionem  
 peccatorum. Non audet simpliciter Baptismo Io-  
 hannis derogare remissionem peccatorum. Et ta-  
 men eam non simpliciter illi tribuit. Sed cum ex  
 argumento Donatistarum, Anabaptisimum suum  
 factō Pauli, Actor. 19. defendere conantium, ali-  
 ter sibi elabi posse non uideretur, mediam hanc  
 sententiam tandem amplexus est. ita enim inquit  
 contra Donatistas, lib. 5. ca. 10. Credo Iohannē ita  
 baptizare in aqua pœnitentiæ in remissionē pec-  
 catorum, ut ab eo baptizatis in spe remitterentur  
 peccata, re ipsa uerò in Domini baptismo id fie-  
 ret: sicut resurrectio quæ in fine expectatur, spe  
 in nobis facta est: quia simul nos excitauit, & si-  
 mul sedere fecit in coelestibus. Item, spe salui fa-  
 cti sumus Nam & ipse Iohannes cum dicat: Ego  
 quidem baptizo uos in aqua pœnitentiæ, in remis-  
 sionem peccatorum: Dominum uidens, ait: Ecce  
 agnus Dei, qui tollit peccata mundi. Et tamen hanc  
 suam sententiam Augustinus non proponit ut ne-  
 cessarium dogma, nec damnat si quis diuersum  
 sentiat. ita enim inquit cap. 11. Ne quisquam con-  
 tendat

tendat, etiā in Baptismo Iohannis dimissa esse peccata: sed secundum aliquam ampliorem sanctificationem, eis quos Paulus denuò iussit, Actor. 19. baptizari, p̄r Baptismum Christi remissionem esse collatam, non ago pugnaciter. Ita etiam contra litteras Petiliani lib. 2. cap. 37. liberum permittit, si quis sententiam meliorem & certiore[m] afferat: ita enim inquit: Causa & ratio Baptismi Iohannis, siue ista sit quam exposui, siue alia melior certiorque reddatur: illud tamen manifestum est, alium fuisse Baptismum Iohannis, alium Christi.

Et Ambrosius de Spir sancto. lib. 1. cap. 3. disputans quomodo duodecim illi qui negabant se scire Spiritum sanctum, Actor. 19. baptizati fuerint Iohannis Baptismo, i. a. inquit: Iohannes in remissionem peccatorum, in aduenientis Iesu, non in suo baptizauit nomine. Et ideo Spiritum nesciebant, quia nec Baptismum in Christi nomine, sicut Iohannes baptizare solebat, acceperant. Iohannes enim licet non baptizaret in spiritu, tamē & Christum prædicabat, & spiritū. Ergo isti quia nec in Christi nomine, nec cum fide spiritus baptizati fuerāt, nō potuerunt Baptismatis accipere Sacramentū. Baptizati sum igitur in nomine Iesu nec iteratū in his est Baptisma, sed nouatum. unum enim Baptisma. Vbi autem non est plenum Baptismatis Sacramentū, ibi nec principium, nec species aliqua Baptis-

matis

matis estimatur: plenū autē est, si Patrē, Filiū &  
 Spiritū sanctū fatearis. Veterū igitur disputatio-  
 nes de Baptismo Iohannis, non idē omnes sentiūt:  
 & teste ipso Augustino, nō sunt tanquā articuli  
 fidei: à quib. diuersum sentire, piaculū sit anathe-  
 mate dignū. Nō potest autem obscurum esse,  
 quid piē sentiendū sit, si sepositis paulisper uete-  
 rū opinionibus, ex ipsa Iohānis Baptiste historia  
 res acuratius consideretur & expendatur. Regu-  
 la enim certissima & firmissima est, de Sacramen-  
 tis iudicandum esse ex uerbo, cui ceremoniæ Sa-  
 cramentorū, mandato & institutione Dei, adiun-  
 ctæ & annexæ sunt. Extra cōtrouersiam autem  
 est, Iohannem missum fuisse & ad prædicandum,  
 & ad baptizandū. utrunq; enim describitur Ioh. 1.  
 Hic uenit, ut testimonium perhiberet de lumine.  
 Ego uox clamantis. Item: Misit me baptizare. Ba-  
 ptismus igitur Iohannis, non fuit muta lotio: sed  
 Deus illam ceremoniā uoluit adiunctā & annexā  
 esse uerbo seu prædicationi, quā sonabat & profi-  
 tebatur Baptista. Quale igitur fuit uerbum, seu  
 doctrina, talis etiam fuit Baptismus in ministerio  
 Iohannis. Nū uerò doctrina & professio eius fuit,  
 de deponendis per externam ablutionem corpo-  
 ris sordibus? Nequaquā: sed prædicauit poenitentiā  
 arguēdo peccata, & proponēdo cōnationes de  
 ira Dei, et igni inextinguibili. Nū uerò hæc sola et  
 tota fuit doctrina Baptiste? Nullo mō: Matthæus

enim cap. 3. inquit: Venit Iohannes prædicans, & dicens: Pœnitentiam agite, appropinquavit enim regnum cœlorum. Et Marcus cap. 1. dicit, uocem illam clamantis, esse initium Euangelij Iesu Christi, filij Dei. Ioh. 1 & 3. extant dulcissimæ conciones Baptiste, de persona & officio Christi mediatoris. Acto. 19. docuit de fide in Christum. Marci 1. prædicat de remissione peccatorum. sicut & Lucæ 1. Zacharias ministerium Iohannis describit: Ad dandam scientiam salutis plebi eius, in remissionem peccatorum eorum. Ioh. 3. uox Baptiste est: Qui credit in filium, habet uitam æternam. Docuit etiam de Patre, de Filio, & de Spiritu sancto, Ioh. 1 & 3. Postea uerò etiã de fructibus pœnitentiæ docuit, Lu. 3 & Matthæi 3.

Pergamus iam in inquisitione: an scilicet Baptismus Iohannis fuerit obsignatio partis tantum doctrinæ ipsius, an uerò ad totam ipsius doctrinã pertinuerit? Et hoc quidem ab omnibus conceditur, quod Iohannes ipse dicit: Ego baptizo uos aqua, in pœnitentiam. Matth. 3. item: Baptizauit populum Baptismo pœnitentiæ. Acto. 19. &: Qui baptizabantur ab eo, cõfitebãtur peccata sua. Mar. 1. Num uerò tantummodo in pœnitentiam, sine fide Christi, & remissione peccatorum baptizauit? Certe talis pœnitentia simpliciter est res ethnica: umò est ministerium mortis, ira Dei, & blasphemiarum. Et Paulus Acto. 19. disertè affirmat,



mat, Iohannem ita baptizasse baptismo pœnitentie, ut simul doceret eos quos baptizabat, credere in Christũ Iesum. Marcus etiã & Lucas asserunt, Iohannẽ de suo Baptismo prædicasse, quod esset Baptismus non solius & nude tantum pœnitentie, sed pœnitentie in remissionẽ peccatorum. Nec phrasis (in remissionem peccatorum) remissionem detrahit Baptismo Iohãnis. Nã et in pœnitentiã scribitur baptizasse, & tamen fuit baptismus pœnitentie. Marci 1. Acto. 19. Et eadẽ phrasis usurpatur etiam de Christi Baptismo, Actor. 2. Pœnitentiam agite, & baptizetur unusquisq; in remissionem peccatorũ. Accedit huc, quod Matth. 3. Iohannes ipse affirmat, eos qui petebant Baptismum suum, hoc quesuisse, ut effugerent uenturã iram Dei. Ita enim excipit Phariseos & Sadduceos, uenientes ad Baptismum suum: Quis submōstrabit uobis fugere à uentura ira? Et Lu. 7. illi qui baptizati erant baptismo Iohannis, dicuntur iustificasse Deum: qui uerò ab eo non erant baptizati, dicuntur spreuisse consilium Dei contra semetipsos. Quem locum Ambrosius ita interpretatur: iustificatur Deus per Baptismum, qui enim peccat, & confitetur Deo peccatum, iustificat Deum, credens ei, ab eoq; sperans gratiã. Et li. 2. de Sacramẽtis pulchrẽ illud explicat, q. Baptismus uocatur cõsiliũ Dei. Et Beda intelligit illud consiliũ Dei, qd per passionẽ & mortem Christi saluare decreuit.



Et hæc cum manifestè ita se habeant, profectò non satis circumspiciè olim dictum est à quibusdā ueteribus: & nunc illustrata hac disputatione, nec rectè nec uerè à Pontificijs asseueratur, Baptismū Iohannis fuisse sine agnitione Trinitatis, sine fide in Christum, & sine remissione peccatorum. Nec uerum est, Deum tunc per Baptismum Iohannis nihil operatum fuisse in credentibus: cum ipsa etiam pœnitentia, sit donum Dei. Act. 5. & 10. 2. Tim. 2. Falsum etiam est, credentes in ministerio uerbi & Baptismi Iohannis, nihil spiritualium donorum accepisse. fides enim in Christum non tantum post passionem Christi, uerum etiam ante, iustificauit credentes: hoc est, accepit gratiam, reconciliationem, remissionem peccatorum, & salutē. Et de uerbo quidem prædicationis sue, Baptista affirmat Ioh. 3. Qui credit in filiū, habet uitam eternā. Et Ioh. 1. tribuitur Baptiste hoc testimonium. De plenitudine eius, omnes nos accepimus, gratiam pro gratis. Eandem uerò etiam fidem in Christum Iesum, Iohannem in Baptismo suo proposuisse illis quos baptizabat, Paulus disertè affirmat Act. 19. Si quis igitur baptizati Baptismo Iohannis, in illa fide uel mortui sunt; uel si mortui fuissent priuquam Iesus, per discipulos suos inciperet baptizare: nemo sanè illos rectè damnauerit, quasi sine gratia Dei, & sine remissione peccatorum decessissent.

Et hactenus quæstio illa de Baptismo Iohannis, si sepositis uel ueterum uel recentiorum præiudicijs, ex uerbo Dei expendatur & dijudicetur, plana & manifesta est. Difficilior uerò, & obscurior est altera pars quæstionis: an scilicet Baptismus Iohannis, planè idem sit cum Baptismo Christi, qui per ministros Christi exhibiti administratur: an uerò ab eo alius planè, & diuersus sit?

Et quidem ualde urgencia sunt argumèta, non statuendam esse diuersitatem inter Baptismum Iohannis & Christi. Vtrobique enim, sicut probauimus, eadem est doctrina, idem uerbum, eadè promissio, eadem fides, eadem remissio peccatorum, & idem ritus baptizandi. Et Paulus Eph. 4. per gradationè ostendit, in nouo Testamento, ubi unū est corpus, unus spiritus, una spes uocationis, unus Dominus, unus pater, una fides: ibi etiam unū esse Baptisma. Maxime uerò mouet hoc argumentum, quòd suauissima est consolatio, nos qui membra sumus, Baptismum habere, unum, eundem, & cōmunem cum Christo capite nostro: qui nostrum Baptismum contactu sanctissimæ suæ carnis sanctificauit, sicut Patres loquuntur: & illustri paterfactione certos nos reddidit, etiam nostro Baptismo, gratia & efficacia sua adesse patrem, filium, & Spiritum sanctum: ibi effundi spiritum, ibi sonare uocem gratiæ & beneplaciti patris. Hec omnia, quæ dulcissimas præbent consolationes

tolluntur & pereunt, quando Baptismus Iohannis, quo certè Christus ipse baptizatus est, toto genere diuersus & alius statuitur à Baptismo Christi. Paulus dicit primo Corinth. duodecimo, nos omnes in unum corpus baptizatos esse. Sequetur autem, nos non esse unum corpus, cum Christo & cum Apostolis, si toto genere diuersus est Baptismus Iohannis et Christi. Christus enim baptizatus est Baptismo Iohannis. Et Apostolos, si non omnes, aliquos saltè, & primos illos quorum Ioh. 1. memio fit, baptizatos fuisse baptismo Iohannis, nullum est dubium. Iesus enim neminem manibus suis, siue externo ministerio baptizauit, sed ad hoc usus est ministerio discipulorū Ioh. 4. quos ipsos certè Baptismo caruisse, nemo affirmabit. Apocrypha uerò & incerta commenta Euodij & Euthymij, in quibus Iesus ipse suis manibus dicitur Petrum & Mariam baptizasse, quia pugnant cum expresso testimonio Iohannis Euangelistæ, meritò non curamus. Non igitur uel potest uel debet Baptismus Iohannis, à Christi baptismo, ut toto genere diuersus, uel prorsus alius, separari. Rursus uerò etiam Augustinum, qui sentit alium fuisse Baptismum Iohannis, alium Christi, uideo habere aliquas non contemnendas rationes. Vt enim de loco Acto. 19. quo Augustinus præcipuè nititur, iam non dicam: certè non leue est hoc argumentum, cum Christus per discipulos

cœpisset

cœpisset baptizare, imò cum post ascensionē Chri-  
 sti, per totum orbem baptismo Christi baptizare  
 tur, semper tamen ipsa appellatione, distinctus fu-  
 it Iohannis Baptismus à Christi Baptismo. Neq;  
 enim nomine ministrorum, appellatus fuit Baptis-  
 mus Petri, Iohannis, Iudæ, Pauli, &c. sicut Baptis-  
 mus Iohannis constanter ubiq; ita appellatur. Et  
 series historię Euangelicę ostendit, Baptismum  
 Christi per suos discipulos, successisse post Iohan-  
 nis Baptismum. Nec dici potest, uel Petrum, uel al-  
 lium Christi discipulum baptizasse Baptismo Io-  
 hannis. Scriptura enim aliter loquitur. Ipse etiam  
 Iesus Ioh. 4. legitur fecisse discipulos, non recipi-  
 endo tantum eos qui à Iohanne baptizati erant,  
 sed ipse per discipulos baptizando eos quos in nu-  
 merum suorū recipiebat. Nec uerisimile est, illos  
 tantum Christo se adiunxisse, qui non fuerant pri-  
 us à Iohanne baptizati: imò Iohannes suo Baptis-  
 mo populum preparauit Domino, ut Christo se  
 adiungerent: illos uerò Christus per discipulos ba-  
 ptizasse legitur, Ioh. 3. & 4. Et Iohannes Ba-  
 ptismum tunc desuisse, non est dubium, cum nemo  
 amplius baptizaretur Baptismo Iohannis, sicut  
 Augustinus tractat. 4. in Iohannem ostendit. Ali-  
 quid igitur discriminis esse inter Baptismum Io-  
 hannis & Christi, tota antiquitas consensit, & ip-  
 sa Scriptura insinuat. Sed de ratione discriminis:  
 disputatio est. Augustinus cōtra Donatistas lib. 5.



cap. 10. dicit, quosdam ita distinxisse, quòd Iohannis Baptismus prorsus non habuerit remissionem. Sed hæc opinio, Augustino nō omnino probatur. Dicit igitur, se credere baptizatis à Iohanne, in spe, remissa fuisse peccata: in Christi uerò baptismo, re ipsa dimitti. Sed mox subiungit, se non agere pugnaciter, si quis discriminē ita constituat, q. in Iohannis Baptismo dimissa quidē fuerūt peccata, sed in Christi Baptismo, secundū aliquā ampliorem sanctificationem, collatam esse remissionē. Et lib. 2. contra literas Petiliani, ca. 37. rationem discriminis eruditē ex discrimine patefactionis, uerbi de Christo colligit. Habuit enim uetus Testamentum, baptismum in Moysen, 1. Cor. 10. habuit etiam circumcisionem: quæ erant Sacramenta, prænunciantia rem futurā, hoc est, uenturum Messiam. Nostri temporis Sacramenta, sunt annunciationes exhibiti Christi, qui iam uenit. Inter hæc medium fuit Iohannis ministerium, qui docendo & baptizando, Messie non à longē uenturo, sed iam ueniēti præibat. Ideo enim dicitur angelus missus ante faciē Christi. Et Iohannes de Christo inquit: ἐγὼ πρὸς ὑμᾶς ἐρχόμενος: qui post me, tanquā apparitorem suum, uiam paratam iam ingreditur, & uenit. Apostoli uerò annunciabane Christum iam uenisse. Hoc modo iuxta discrimen patefactionis, Augustinus nō incōmodē distinguit inter Baptismum Moysis, imò inter ipsam etiam circumcisionē: inter



inter Baptismum Iohannis, & inter Baptismum Christi. Sed sicut iuxta Augustinum, Iohannes omnium præcedentium proximus Christi annuntiator fuit, cui soli concessum fuit & prænunciare absentem, & uidere præsentem: ita propius etiam conuenit, nec tam longè differt Baptismus Iohannis, à baptismo Christi, sicut uel Moysis Baptismus, uel Circumcisio, à Baptismo Christi. Hac collatio ne Baptismi Moysis seu Iudaici in ueteri Testamēto, Baptismi Iohannis et Baptismi Christi, utuntur etiā Basilus de Baptismo, cap. 2. Nazianzenus oratione in sancta luminaria. Cyrillus in Iohannem lib. 2. ca. 58. confert purificationes legales, Baptismū Iohannis & Baptismū Christi: & discrimen uult sumi ex postrema concione Baptiste ante captiuitatē, quæ extat Iohā. 3. Et cap. 57. inquit, Iohannis Baptismū fuisse introductorium ad perfectionē, & uim præparationis obtinuisse. Sicut autē nō sequitur, circumcisos nō habuisse remissionem peccatorū, propterea quia differētia est inter circumcisionē et Baptismū Christi: ita multò minus Baptismo Iohānis, q̄ propius ad nouū Testamētū accessit imò q̄ inītiū sui noui Testamēti: ideo deo gāda est remissio peccatorū, ut discriminē aliqd' sit inter Iohannis Baptismū et Christi Baptismū. Sed quale discriminē est inter uerbū de Christo uēture, de ueniente & de exhibito: talis etiam differētia est inter circumcisionem, Baptismū Iohannis

Et Christi Baptismum. Doctrina autem de Christi, licet quo ad modum patefactionis, discrimen aliquod sit: tamen quo ad substantiam fuit eadem, et effectus eisdem habuit in credentibus, omnibus temporibus, siue tempore ueteris Testamenti, siue tempore Iohannis Baptiste, siue post Christum exhibitum, licet in gradibus differentia aliqua constitui possit. Qualis igitur uerbi. talis etiam ratio est circumcisionis, Baptismi Iohannis, et Apostolorum. Nec nimium subtiliter hec sunt discernenda. Si enim subtilitates consuetari libeat, hac ratione etiam discrimen constitui posset inter Baptismum Apostolorum quem dederunt ante passionem et resurrectionem Christi, et inter eum quem postea dederunt. Hanc sententiam iudico esse simplicissimam. Conuenit enim dictis Scripturae, et nihil derogat Baptismo, uel Iohannis, uel Christi retinet etiam consensus ueteris Ecclesiae. Tertia uero quaestio difficillima est: an scilicet illis qui Iohannis baptismo baptizati erant, necessarium fuerit, postea etiam Christi Baptismum qui a discipulis ipsius administrabatur, suscipere: an uero postquam Christus iam reuelatus et exhibitus praedicabatur, suffecerit ipsis, quod a Iohanne baptizati fuerat? Augustinus semit, post Baptismum, Iohannis, necessariam fuisse susceptionem Baptismi Christi. Et huius sententiae ratio non leuis est. Illis enim qui circumcisi erant in uenerunt Christum, licet

iam

iā habebant signū circumcisionis, quod erat sigillū  
 iusticie fidei, hoc est, remissionis peccatorū: ne-  
 cessarium tamen fuit, Iohannis Baptismum suscipi-  
 re. Luc. 7. Si enim in uenturum Christum ita cre-  
 derent, ut Deo per Iohannis ministerium patefa-  
 cienti, Messiam iam esse in uia nolent credere, &  
 consilium eius in Baptismo Iohannis spernerent:  
 certē fidem suam, inanem & falsam redderent.  
 Eadem etiam ratione, qui à Iohanne baptizati, cre-  
 debant Messiam iam esse in uia, & uenire, si po-  
 stea nolent credere prædicationi de Christo iam  
 exhibito: eorum certē fides non esset uera. Ex no-  
 stris enim Iudeis quidam credunt Messiam adhuc  
 uenturum: quidam credunt ipsum natum esse, sed  
 nondum regnum inchoasse: & tamen uana & fal-  
 sa est ipsorum fides, quia in Christum exhibitum  
 nolunt credere. Erat autem Baptismus discipulo-  
 rum Christi, obsignatio doctrinæ de Christo, qui  
 iam non amplius expectandus esset uenturus in  
 carnem: nec tantum credendus, quod in uia esset,  
 & ueniret, sed quod iam uenisset, & exhibitus es-  
 t. Hac ratione post Baptismum Iohānis suscipiē-  
 dus uidetur fuisse Christi Baptismus qui per disci-  
 pulos ipsius administrabatur, in obsignationē do-  
 ctrinæ & fidei de Christo iam exhibito. Longo-  
 bardus uerò, ex aliorum ueterum sententia diuer-  
 sum sentit: eos scilicet qui à Iohanne baptizati fue-  
 rant, si crederent Patrem, filium & Spiritum san-  
 ctum,

Num, & spem salutis ponerent non in Iohanne,  
 sed in Christo, non fuisse iterum aqua baptizatos.  
 Qui uerò Iohannis Baptisma falsa impia doctri-  
 na deprauarum (id quod uelle uidetur historia  
 Acto. 19.) illos censet postea baptizatos fuisse Ba-  
 ptismo Christi. Et hanc sententiã manifestè tuetur  
 Ambrosius, de Spiritu sancto lib. 1. cap. 3. sicut sen-  
 tentiam eius suprà adscripsimus. Et ego quidẽ, li-  
 cet ab Augustini sententiã, in eo quidẽ quem expli-  
 caui sensu, & ea qua dixi ratione, non admodum  
 abhorreã: uideo tamẽ Scripturã nõ nimium uel cu-  
 riosẽ, uel scrupulosẽ illud obseruasse. Nã Acto. 18.  
 Apollo sciebat tantũ Baptisma Iohãnis: & ã qui-  
 dẽ assumitur, & diligentius instituitur in uia Do-  
 mini: nõ tamẽ legitur denuò aqua baptizatus. Nec  
 primi Apostoli, qui à Iohanne baptizati fuerũt, le-  
 gumur secundo aqua baptizati fuisse. Imò seque-  
 retur, ipsi Baptista necessariũ fuisse, cũ Christus  
 iam ministeriũ suũ inchoasset, ut à discipulis Chri-  
 sti aqua baptizaretur. si præcisẽ & uniuersaliter  
 necessariũ fuisset, quod Augustinus disputat. Rur-  
 sus uerò quãdo Apostoli faciũt discipulos Christi,  
 Ioh. 3. & 4. & postea, cũ semel baptizant tria mi-  
 lia, Actorum secundo, nec diu pòst, quinque mi-  
 lia, Acto. 4. nõ legumur curiosẽ & scrupulosẽ in-  
 quisuisse, ne quis fortè in turba illa Iohannis Ba-  
 ptismo baptizatus esset, quẽ nefas esset denuò a-  
 qua baptizari. Relinquatur igitur hæc questio in  
 medio



medio, ut quæ in utramq; partem rationes habet:  
 cū quidē nostris tēporibus, eius usus nō sit admo-  
 dū necessarius. Vtrā enim quis sententiā amplecti  
 tur vera & necessaria fundamenta retineri pos-  
 sum. His ita expositis, manifestum erit, quomodo  
 sententiæ quæ ex Scriptura opponi solēt, recte &  
 dextrè explicari possint. Ipse. n. Iohannes inquit:  
 Ego baptizo uos in aqua ad pœnitentiā: quærò post  
 me uēturus est, baptizabit uos spiritu sancto, &  
 igni. Et quia uicitur futuro tpe, *beatissimus* uidetur in-  
 sinuare, Christiū baptizare spiritu: nō in presenti,  
 per ipsius s. Iohānis Baptismū: sed post Iohannem  
 demū baptizaturū spiritu, per suorū s. discipulo-  
 rū ministeriū. Sed nō potest certior esse interpre-  
 tatio huius dicti, quā quæ ab ipso Christo et Apo-  
 stolis tradita est. Nā Acto. 1. post resurrectionem,  
 paulò ante ascēsiōē, Christus repetit illā Iohānis  
 sententiā. & cū iā ultra trienniū, per ministeriū A-  
 postolorū baptizasset: affirmat tamē, nondū im-  
 pletū esse illud quod Iohānes dixerat: Ipse bap-  
 tizabit uos spiritu sancto. Et quidē ad Apostolos,  
 qui certē spiritū regenerationis et renouationis iā  
 acceperant, inquit: Vos baptizabimini spiritu san-  
 cto, nō post multos hosce dies. Id quod in die Pen-  
 tecostes impletum est, effusis admirandis & uisi-  
 bilibus donis Spiritus sancti. Et Petrus Acto. 11. re-  
 citās quomodo in Cornelīū talia dona effusa essēt  
 priusquā aqua in nomine Iesu baptizaretur, inq̃:

Recordat. 4

Recordatus sum uerbi Domini, sicut dicebat: Iohannes quidem baptizauit aqua, uos autem baptizabimini Spiritu sancto. Manifestum igitur est ex interpretatione Christi & Apostolorum, de quo Baptismo spiritus, uerba illa intelligenda sint. Et quidem ipse Baptista ideo addit uocabulum ignis ut ostēdat se loqui de manifesta illa donatione spiritus, quæ in specie ignis die Pentecostes cœpit. Et si ita intelligatur, uerum est, talem Baptismum spiritus non fuisse in Iohannis baptismo. Baptista enim nullum signum fecit, Ioh. 10. imò Baptismus spiritus, non fuit ante ascensionem Christi, etiam cum Christus per ministerium Apostolorum baptizaret, Ioh. 7. Non ergo sequitur ex illa sententia Matth. 3. Baptismus Iohannis prorsus uacuum & destitutum fuisse gratia patris, efficacia Christi, & operatione Spiritus: imò quando Christus à Iohāne baptizabatur, tunc certè in Iohannis Baptismo admirabili, & manifesta patefactione ostensa fuit gratia patris, & manifesta donatio spiritus.

Et hæc quidem quæ negari non possunt, contra aduersarios contemiosos sufficere possunt. Non inuitus tamen concedo, in illa sententia, Christum baptizare spiritu, amplius aliquid contineri, quàm solam manifestationem admirabilium illorum & conspicuorum donorum spiritus. Illa enim symbola fuerunt, testificantiæ de interiori efficacia Christi.

Christi, de inuisibili donatione et operatione spiri-  
tus. Et Christus nō dicendus est desisse baptiza-  
re spiritu, postquam uisibilia illa dona desierunt.

Affirmo autem, illam etiam interpretationem  
non spoliare Baptismum Iohannis, omni spiri-  
tuali efficacia. Series enim & contextus histo-  
rie, in Luca & Iohanne, ostendit & occasionem,  
& ueram sententiam illius d. cti. Lucas scribit, po-  
pulum ex admiratione autoritatis personæ Bapti-  
stæ, deuenisse in illam opinionem, Iohannem for-  
san esse Messiam: ita ut Baptismum ipsius, de quo  
ipse prædicabat, esse baptismum pœnitentiæ in  
remissionem peccatorum, existimarent efficaciam  
illam habere ex uirtute personæ Baptistæ, & pro-  
pter externam actionem quam baptizando exer-  
cebat. Id quod Iohannes euangelista clarius expli-  
cat, ubi scribit legatos Hierosolymitanos exposu-  
lasse cum Baptista: Quare ergo baptizas, si nō es  
Christus? Hoc enim obieciebant, ipsum nec debe-  
re nec posse baptizare in remissionem peccato-  
rum, si non esset Christus. Ad refutandam igitur  
illam uulgi persuasionem, & hanc pharisæo-  
rum obiectionem, Iohannes discrimen facit, pri-  
mò inter suam personam, et Christi personam: de-  
inde inter suum externum ministerium, & inter  
spiritualem efficaciam Christi. Ille, inquit, poten-  
tior me est, quia ante me fuit, & ex cælo est, super  
omnes, quia filius unigenitus. Ego minister sum

terrenus, de terra, non dignus ut calciamenta ipsi  
soluam. Ego sum uox clamantis, & baptizo a-  
qua: hoc est, externum ministerium uerbi & Ba-  
ptismi habeo, exerceo, & adhibeo. Ille uero for-  
tior est: hoc est, ipsius est uirtus, potentia & effi-  
cacia. Ille enim per ministeriū est efficax: nā per  
eum, & propter eum datur remissio peccatorū,  
reconciliatio, Spiritus, & uita aeterna. Ita enim Ba-  
ptista disertē explicat, quomodo Christus sit  
uēros, cum inquit: Ex plenitudine eius omnes  
nos accepimus, gratiam pro gratia. per Christum  
enim gratia & ueritas facta est. Hec non effici-  
unt ministri. siue sit Petrus, siue Iudas, siue Iohan-  
nes Baptista aut euangelista. Ideo necesse est di-  
scerni personam & efficaciam Christi, à ministris  
& externo ipsorum ministerio: ita tamen, ut ex-  
ternum etiam ministerium sit Christi, & per illud  
doceatur esse efficax. Non autem talem facit an-  
tithesin Iohannes. Ego baptizo aqua, sine remis-  
sione peccatorum, et sine spiritu: ille uero baptiza-  
bit aqua & spiritu. Christus enim suis manibus ne-  
minem aqua tinxit, loh. 4. Nec dici potest, Aposto-  
los ipsos per se dedisse Spiritum sanctum, quando  
baptizabant: hoc enim solius Christi proprium  
est: sed qui efficax fuit per ministerium Petri &  
Pauli, eius etiam fuit illa efficacia, quae in Iohan-  
nis ministerio fuit. neq; enim inefficax fuit mini-  
sterium Iohannis, quem Angelus praedicat multos  
conuersurum



conuersurum ad Deum. Atque ideo Iohannis 1.  
 uox patris ad Iohannem Baptistam de Christo lo-  
 quitur, non in futuro, sed in presenti: Ipse est qui  
 baptizat spiritu. Et ne illa Christi efficacia pror-  
 sus tollatur ex ministerio Baptiste, in ipso Iohan-  
 nis Baptismo Spiritus sanctus corporali specie  
 columbæ descendit super Christum: ut ex plenitu-  
 dine eius omnes acciperent, non tantum qui po-  
 stea à discipulis Christi baptizandi erant: Sed Iô-  
 hannes loquitur in præterito, etiam priusquam  
 Christus inciperet per ministerium suorum disci-  
 pulorum baptizare: Nos inquit, omnes ex pleni-  
 tudine eius accepimus. Baptiste enim esse illa uer-  
 ba, Origenes rectè cõtendit. Et hoc est quòd Mat-  
 thei tertio, Baptista inquit: Ego opus habeo ut à  
 te baptizer. Non autem loquitur de Baptismo a-  
 quæ: ita enim Christus non baptizauit, Ioh. 4. intel-  
 ligit ergo Baptismum spiritus. Atque ita Baptista fa-  
 tetur, se à Christo Baptizatum esse spiritu: qui ta-  
 men aqua, nec à Christo, nec ab apostolis bap-  
 tizatus est. Licet non negem, efficaciam postea am-  
 pliorem et illustriorem fuisse in externo ministe-  
 rio ipsius Christi et Apostolorum. Minimū enim  
 in regno cœlorū, Christo scilicet iā reuelato, ipse  
 pronunciat maiore esse Baptista. Mat. 11. Nihil igitur  
 aliud sibi uult, illa de qua disputamus Baptiste  
 sententia, quàm quod Paulus pluribus explicat de  
 suo etiam ministerio, 1. Cor. 3. et 4. Ego plantau

Apollo rigauit: sed Deus incrementũ dedit. Itaq; neq; qui plantat, est aliquid, neq; qui rigat: sed qui incrementum dat, Deus. Et tamen inquit: In Christo Iesu per Euangelium ego uos genui. item: Miniſtri ſumus, per quos credidistis. Et planè eodẽ modo de Baptista inquit Iohannes apostolus: ut omnes crederent per ipsum. Non igitur sine efficacia spiritus fuit ministerium Baptiste: credere enim est donum Spiritus.

Alter locus, quĩ in hac disputatione plurimum iactatus fuit à Donatistis, quo etiam Augustino multũ negocij fecerunt, est historia Acto. 19. *Que* narrare uidetur, discipulos quosdam credentes, qui confitebantur se in Iohannis Baptisma baptizatos, iussos esse à Paulo baptizari in nomine Domini Iesu. Sed nec ille locus certò, manifestè & necessario probat, omnibus qui uero Iohannis Baptismo legitime baptizati erant, necessarium fuisse iteratò aqua baptizari à discipulis Christi: multo minus hoc probat, Iohannis Baptismum fuisse in credentibus, sine remissione peccatorum. Ex locis enim obscuris, ambiguis & conuouersis, nihil potest probari. Varijs autem modis locus ille ab interpretibus explicatur. Quidã ut Anabaptistas commodius refutent, contendunt, duodecim illos non fuisse bis aqua tinctos, primum à Iohanne, & postea à Paulo: sed semel tantum fuisse in aqua baptizatos. Et ex illis quidam Baptismi uocabulum in priori

in priori parte sententie, nō pro tinctione aque,  
sed pro institutione & doctrina accipiunt: sicut  
totum ministerium Iohannis, appellatur Baptismus  
Act. 18. Apollo tantum sciebat & docebat baptis-  
ma Iohannis. ut sensus sit, In quid baptizati estis:  
hoc est, Quia doctrina imbuti & initiati estis. Et  
illi sentiant, duodecim istos fuisse quidem institu-  
tos doctrina Iohannis, non autem baptismo eius  
baptizatos, sed postea semel tantum in nomine Ie-  
su baptizatos. Alij uocabulū Baptismi in prio-  
ri parte historie, propriē accipiunt: in altera uerō  
parte accipiunt uocabulum Baptismi metaphori-  
cē, pro admirandis & conspicuis illis donis spiri-  
tus, quæ Christus uocabulo Baptismi appellat, cū  
inquit Acto. 1. Baptizabimini spiritu. Et illorū  
sententia est, fuisse illos Baptismo Iohannis bapti-  
zatos, non autem postea aqua à Paulo tinctos: sed  
particulam *et*, sicut alibi sæpe, ita etiam hic esse  
*ἐν ὀνόματι*. Baptizati sunt in nomine Iesu: hoc est,  
cum Paulus imposuisset ipsis manus, uenit spiritus  
super eos. Sed utraq; explicatio habet aliquid co-  
æti, non ubiq; seruans & simplicitatem & perspi-  
cuitatem textus. Quidam igitur cōsiderantes par-  
ticulam *et*, cuius redditio est particula *et* illud  
*ἐν ὀνόματι*, His auditis baptizati sunt in nomine Iesu,  
non accipiūt, ut sint uerba Lucæ historici, de duo-  
decim illis, sed ut sit continuus cōtextus orationis  
Paulinæ, hoc sensu, Iohannes quidem baptizauit

Baptismo pœnitentiæ, fide in uenturum Christum: *ἀνθρακτες* dicitur, hoc est, qui uerò audiuerunt (illam scilicet Baptiste doctrinam de fide in Christum) baptizati sunt in nomen Domini Iesu: hoc est, idem sunt, ac si ab Apostolis baptizati essent. Et Græcus contextus illam explicationem facile patitur et admittit. Sententia etiam huic ualde cognata, extat in Glossa quæ uocatur Interlinearis, licet uerba illa accipiat esse Luce historici: cum scilicet duodecim illi audirent, nihil distare inter ministerium Iohannis et Apostolorum, nisi quod Iohannes in uenturum eum quem Apostoli uenisse testabantur, baptizasset: statim id receperunt, non rebaptizati: sed audita hac declaratione, Baptismus Iohannis ipsis fuit baptismus in nomen Domini Iesu. Iohannes enim ita baptizauit, ut iuberet credere in Christum Iesum. In ipsius igitur nomen baptizati sunt, quos Iohannes baptizauit. Sumpta autem est illa glossa ex Ambrosio de Spiritu sancto, libro primo, capite tertio, cuius integram sententiam supra adscripsimus. Disputat enim de uero et legitimo Baptismo Iohannis, non de duodecim illis, quos sentit adulterum Baptisma, sub Iohannis nomine accepisse. Et hæc explicatio pulchrè conuenit cum eo, quod sub finem 18 capitis de Apollo scribitur: quem quia tantum Iohannis Baptisma sciebat, acuratiùs quidem in uia Domini instituerunt: aqua autem ipsum rur-



sus baptizasse non leguntur, sed plenius institutū, discipulis commendarunt, ut pro Christiano susciperetur. Hec sententia Glosse, ualde simplex & commoda est: & Longobardus etiam disputat, eos qui spem non ponebant in ceremonia illa Iohannis, sed credebant in patrem, filium & Spiritum sanctum, non fuisse postea iteratō aqua baptizatos à discipulis Christi. Quod autem obijci potest, sine Spiritu sancto non esse uel gratiam Dei, uel remissionem peccatorū, & illos duodecim quamuis Iohannis Baptismo baptizati dicuntur, tamen primū per impositionem manuum, Spiritum sanctum accepisse: non difficilis est responsio. Ipse enim Lucas explicat, se appellatione spiritus intelligere cōspicua illa dona eius, sicut accipitur Ioh. 7. Aut si simpliciter accipiat, sequetur, ne in Christi quidem Baptismo datum esse Spiritum sanctum. Nam post baptismum Christi cum Paulus manus ipsis imponeret, scribimur accepisse spiritum.

Sunt tamen, quibus uidetur contextus historie omnino hanc reddere sententiam, quod duodecim illi primū fuerint Iohannis Baptismo baptizati, & postea à Paulo in nomē Iesu baptizati. Et Ambrosius quidē illā sententiam ita explicat in 3. ca. ad Galat. Semit enim, duodecim illos in adultero Baptismate, sub nomine Baptismi Iohannis, fuisse nō timētos, sed sordidatos: quos ideo Paulus in

Trinitatis nomine baptizari preceperit. Idem etiam disputat lib. 1. cap. 3. de Spiritu sancto. Et ad hanc interpretationem posset illud accommodari, quod non simpliciter confitemur se baptizatos esse Iohannis baptismo, sed eis *ἰωάννης βάπτισμα*. Quid enim phrasis illa ualeat, mox explicatur, ubi dicimur baptizari eis *τὸ ὄνομα* Iesu. idem enim est, quod Rom. 6. Paulus dicit: Quotquot in Christum baptizati sumus, in mortem ipsius baptizati sumus, Et 1. Cor. 1. Non estis baptizati in nomen Pauli. Ex confessione etiam ipsorum, & ex Pauli responsione colligi uidetur, ita ipsos fuisse baptizatos, ut nec Spiritum sanctum sciuerint, nec in Christum crediderint, sed in illa ceremonia Iohannis spem posuisse uideamur: ut fuerit quedam *παροψυδία*, imò manifesta deprauatio et adulteratio Baptismi Iohannis. Atq; ita ambæ historiae, nā malè cohererebunt. Apollo baptizatus, uero & genuino Iohannis Baptismo, non rursus tingitur aqua, sed plenius instituitur: duodecim uerò illi, quia non magis baptizati erant, quàm qui phariseorum Baptismo tincti erant. Mar. 7. non rebaptizati, sed uerè primum à Paulo baptizati sunt. Hanc sententiam etiam Longobardus amplectitur & sequitur. Augustinus uerò sentit, duodecim illos uero Iohannis Baptismo baptizatos, & tamen postea etiam à Paulo baptizatos. Censet enim alium esse Iohannis Baptismum, alium Christi:

fit: ita ut qui Iohannis Baptismum habebat, illi po-  
 stea etiam necessarium esset, Baptismum Christi  
 suscipere. Et hanc tamen suam sententiam defen-  
 dit à rebaptizatione. Anabaptismus enim, est uni-  
 us et eiusdem Baptismi iteratio. Ad hanc senti-  
 entiam uidetur facere, quod Lucas ipsis tribuit testi-  
 monium, quod fuerint discipuli, hoc est Christia-  
 ni, sicut tunc appellabantur: et Paulus ipsis tribuit  
 fidē, cū inquit, *πιστεύετε*. Inde ex recentiori-  
 bus etiam quidam sentiunt, nihil esse incommodi,  
 si duodecim illi accipiantur primum Iohannis Ba-  
 ptismo baptizati, et postea à Paulo, in nomē Chri-  
 sti Domini baptizati. Iohannes enim sicut prædi-  
 cabat, ita etiam baptizabat in Christum uenturū,  
 Acto. 19. Apostoli uerò docebant Christum exhi-  
 bitum: et huic doctrinæ adiunctum habebant sym-  
 bolum, baptismum scilicet Christi. Sicut igitur Io-  
 hannis discipulis necessarium erat, prædicatio-  
 nem Apostolorum de Christo exhibito suscipe-  
 re: ita si symbolum Apostolicæ isti doctrinæ con-  
 iunctum suscepisse dicamur, nihil est incommodi  
 et nulla est rebaptizatio: nec damnatur prior Ba-  
 ptismus, Iohannis scilicet, sicut Anabaptistæ faci-  
 unt. Et quod textus dicit, Baptizatos in nomē Chri-  
 sti Domini: idem est ac si diceret, in nomē Christi  
 exhibiti. Deus enim Iesum crucifixum, fecit Chri-  
 stum, et Dominum, Acto. 2.

Hæc varias interpretationes historiæ Acto. 19.

ideo recensui, ut ostenderem, non esse sufficientē  
 causam, cur qui unam sententiam amplectitur, di-  
 uersum sentiētes statim anathemate damnet: utq;  
 Pontificijs telum hoc cui non parum fidunt, excu-  
 terem, quomodoq; enim historia illa accipia-  
 tur, non potest inde certa, euidenti & necessaria  
 consequentia concludi, in Baptismo Iohannis nul-  
 lam fuisse efficaciam, & credentes ibi nec grati-  
 am, nec remissionem peccatorum accepisse. Eadē  
 enim ratione sequeretur, uel circumcisos non fuis-  
 se baptizandos, uel nullam fuisse circumcisionis  
 efficaciam in credentibus,

## Canon. 2.

*Si quis dixerit, aquam ueram &  
 naturalem non esse de necessitate Ba-  
 ptismi: atque ideo uerba illa, Domini  
 nostri Iesu Christi, Nisi quis renatus  
 fuerit ex aqua & spiritu sancto, ad  
 metaphoram aliquam detorserit, ana-  
 thema sit.*

## Canon. 3.

*Si quis dixerit, Baptismum, qui eti-  
 am datur ab hæreticis in nomine Pa-  
 tris*



triset Filiy & Spiritus sancti, cum intentione faciendi quod facit Ecclesia, non esse uerum Baptismum, anathema sit.

Canon. 4.

Si quis dixerit, Baptismum liberū esse, hoc est, non necessarium ad salutem, anathema sit.

Quæ in tribus hisce canonibus traduntur, partim sunt extra controuersiam, partim antea sunt explicata. Ad celebrandum enim Baptismum, necessario requiri aquam, nemo nunc (quod ego quidem sciam) in dubium uocat. Et quia Baptismus est lauacrum aque in uerbo, Eph. 5. ideo & Iohannes & Apostoli, non alios liquores, sed aquam elementarem ad Baptismum acceperunt: eamque non prius peculiaribus exorcismis consecratam, sed sine discrimine simplicem, uulgarem, & ubique obuiam. Verbo enim institutionis, in ipsa actione accedente ad elementum aque, iudicarunt uerè consecrari & sanctificari Baptismum, ut sit lauacrum regenerationis Spiritus sancti. Non igitur improbat nobis, quod secundus Canon dicit, aquam ueram & naturalem esse de necessitate Baptismi. Hoc enim modo ipsi conceaunt

& con-

Et confirmant, benedictionem fontis (sicut uocant) siue aquam consecratā non esse de necessitate Baptismi. Et multe ociosæ quæstiones de aquis distillatis, de humoribus mixtis, de niue, de glacie &c. ita præciduntur. Quod ad locū 104. 3. attinet, si quis in eo uocabulum aquæ, ita ad metaphoram detorquet, ut uel doctrinam de Baptismo conuel-lat, uel sentiat, Sacramentum Baptismi posse siue aqua celebrari: is meritò improbatur. Aliàs non ignoramus, Basilium ita locum illum interpreta-ri, ut aqua intelligat significari in Baptismo morti-ficationem, spiritu uerò uiuificationem. Quod IIII. Canon de Baptismo, qui etiam ab hæreticis, seruata forma institutionis datur, decernit: nos eti-am docemus, sicut antiquitas doctrinæ huius fun-damenta contra Donatistas, in Scriptura eruditè monstrauit. De intensione uerò dictū est in expli-catione Canonis XI. sicut et de necessitate Sacra-mentorum dictum est in IIII. Canone, de Sacra-mentis in genere. Nihil igitur addam, sed ad alia in quib. explicatione aliqua opus erit, transeamus.

Canon, 3.

*Si quis dixerit, in ecclesia Romana,  
qua omnium Ecclesiarum mater est,  
& magistra, non esse ueram de Ba-  
ptismi*

*ptismi Sacramento doctrinam, anathema sit.*

## EXAMEN.

In aliquot Canonibus sequentibus, boni patres  
sumpserunt sibi propositiones aliquot, truncatum  
excerptas ex Lutheri libello, De captiuitate Baby-  
lonica: non refutandas, sed (quod facilius est) sine  
argumentis damnandas. Lutherus igitur qui con-  
cedit, Sacramentum Baptismi, inter multas & ua-  
rias humanorum rituum pompas, tamen quo ad  
materiam & formam, etiam in Pontificia eccle-  
sia illibatum mansisse, ualde grauitur cōqueritur,  
doctrinam de usu & uirtute Baptismi, pertinente  
ad totam Chrystiani hominis uitam, in regno Pon-  
tificio partim silentio sepultam, partim depraua-  
tā esse. Cum enim Scriptura, in doctrina de salu-  
tari usu Baptismi, præcipue duo hæc urgeat &  
inseculcet, promissionem scilicet salutis, quæ cere-  
monie Baptismi, uoce diuina annexa est: & fidē,  
quæ promissionem illam apprehendit, amplecti-  
tur, relinet & conseruat: conqueritur Lutherus,  
in tot immensis librorum, quæstionum, & summa-  
rum plaustris de Baptismo, uix tamen alicubi bu-  
ius promissionis & fidei mentionem fieri: sed in  
ipsorum locum inuictā esse in Ecclesiam, opinio-  
nem operis operati. Cumq; usus & uirtus Baptis-  
mi.

mi, per totam Christiani hominis uitam durare debeat: Pontificij docent, per peccatum post Baptismum commissum, uirtutem Baptismi amitti, et quasi irritam fieri ita ut in illis qui postea poenitentiam agunt, nullus sit usus Baptismi: sed alia accipienda sit tabula, qua ad portum salutis uehamur: nostra scilicet contritione, confessione et satisfactione. Hanc Babyloniam Ecclesie captiuitatem Lutherus deplorat, quod doctrina de salutari usu et uirtute Baptismi, in regno Pontificio obruta et sepulta iaceat, traditionibus et opinionibus uotorum religionum, operum, satisfactionum, peregrinationum, indulgentiarum, sectarum, &c. Monstrata uero ex uerbo Dei uia et ratione, optat et consulit, ut necessaria huic doctrinae, uera et genuina sua puritas restituatur. Hec est Lutheri querela. Et nunc quid post tot annos, Tridentina synodus purulento huic corporis sui ulceri, gladio spiritus sancto, uideri uult medicas uelle adhibere manus. Arrigat uero diligens lector aures, quam nobis proponant formam emendationis. Conquerumur pij, multas non sanas opiniones de usu et uirtute Baptismi, in Romanam ecclesiam irrepsisse: et summis uotis hactenus optarunt, ut aliquando instituatur instauratio uera et sana doctrinae, ex limpidis Christi et Apostolorum fontibus, in uerbo Dei patefactis. Et Tridentina quidem congregatio prolixè promittit, se cois-  
climan-



elimandos errores, & extirpandas hereses, quæ circa Sacramenta pullularunt. Sed postquam ad rem ipsam uentum est, dum omnium animi expectatione suspensi tenentur, ipsi præteritis uiuis fontibus, partim recētes fodiunt cisternas, partim exoletas nobis monstrant lacunas: ut scilicet seposita norma & yegula Scripturæ, ea sola & simpliciter censeatur uera esse de Baptismi Sacramento doctrina, quam Romana, hoc est Pontificia ecclesia tenet & seruat. hæc scilicet tota est reformatio. Redeat nunc Luthère, & ex uerbo Dei accuses Pontificiā ecclesiā, deprauatæ doctrine de usu & uirtute Baptismi. Didicerunt enim per cōpendiū respondere, ex fallacia illa, quā Aristoteles petitionem principij, Scholæ, nugationem uocant.

Respondet igitur totalis Tridentina synodus, unico ualde cōpendiario axiomate: in ecclesia Romana ueram esse de Baptismi Sacramento doctrinā. Atqui hoc ipsum est de quo queritur, & cōtro uertitur. Quod si ex uerbo Dei ipsis ostendas uirtutem & corruptelam doctrine de usu & uirtute Baptismi, ipsi gladio spiritus obuertiūt umbonē suorum anathematum. Si uerò queras, quare potius ex consuetudine Pontificiæ ecclesiæ, quàm ex norma Scripturæ dijudicari uelint doctrinam de Baptismo: imò quare ea quæ à Scriptura disident, & cum ea pugnant, obiecta sola suæ ecclesiæ auctoritate, tanquam Gorgonæ capite diffendero  
& tua.

Et tueri uelint: rationem hanc reddunt, quòd Ro-  
 mana ecclesia sit mater & magistra omnium ec-  
 clesiarum. Quorum prius falsum, alterum uerò  
 blasphemum est. Neq; enim Romana ecclesia ge-  
 nuuit Hierosolymitanam, Syriacas, Græcas, & ori-  
 entales ecclesias: sed potius ab illis genita est. Ma-  
 gisterium uerò fidei, nemini debetur, nisi uni Chri-  
 sto. Ad ipsos enim Apostolos dictum est Matt. 23.  
 Vos nolite uocari Rabbi: unus enim magister ue-  
 ster est Christus. Modestius aliquã. o esset, etiam si  
 si falso affirmarent, ideo in Romana ecclesia esse  
 ueram de Baptismi Sacramento doctrinam, quòd  
 teneat & seruet ea, quæ de Baptismo à Christo et  
 Apostolis in uerbo Dei tradita sunt. Sed patribus  
 uisa fuit magis compendiarua uia, ut nudè & sim-  
 pliciter, sub anathematis interminatione promul-  
 garent, quæcunq; in Pontificia ecclesia, de Baptis-  
 mo traduntur, ideo esse uera, quia ipsa sit omnium  
 ecclesiarum mater & magistra, cui uni compe-  
 tat præcipiendi autoritas, reliquis uerò omnibus  
 tantum incumbat obediendi necessitas. Quare igitur  
 compendiarium & uerè Pontificium hunc Ca-  
 nonem, non statim in principio loci de Baptismo,  
 quasi in acie collocarunt: ita enim compendio de-  
 bellatum fuisset. Intelligat igitur lector, tantum  
 pro forma (quod dicitur) factum esse, quòd à die  
 Ianuarij 13. usq; ad 3. Martij, quotidianos suos con-  
 gressus instituerunt: quasi ad normam Scripturæ  
 exami-

examinarent doctrinam de Sacramentis in genere, & de Baptismo: cum quidem hoc cōtra potius quàm dogma, sibi ab initio propositum haberent: Si quis dixerit, in ecclesia Romana, quæ omnium Ecclesiarum mater est & magistra, non esse ueram de Baptismi Sacramento doctrinam, anathema sit.

Sed quid, inquis, facies, si nolis huic Canoni simpliciter assentiri: Num Baptismum qui in Pontificia ecclesia datur, damnabis? uel pronūciabis, eos non rectè & uerè baptizatos esse, qui Baptismum à Pontificijs datum acceperunt? Aut certè, si hoc facere non potes, concedas necesse est, ueram esse doctrinam de Baptismo, quæ in Pontificia ecclesia traditur. Mihi sanè nō est dubium, architectos huius Canonis, eo consilio uerba ita posuisse, ut si quis non simpliciter omnia, quæcūq; de Baptismo in Pōtificia ecclesia tradūtur, approbet, proclametur Anabaptista esse, qui censeat neminem sub Papatu rectè & uerè baptizatum esse: aut si hoc nolit, cogatur simpliciter totum Papatū probare. Sed ex cornutis illis laqueis facile nos euoluemus. Opponimus enim huic dilemami, X I. l. i. p. forum Canonem, de Sacramētis in genere & 4. Canonem de Baptismo. Verum quidem est, quia principalis pars ministerij est doctrina: quod ideo quando uera doctrina deprauatur, & prauæ opinionēs stabiliuntur, ipsum ministerium mutatur

Et quòd illorum ministerium, qui doctrinam cor-  
rumpunt, ideo relinquendum sit, quia scriptũ est:  
Cauete à pseudoprophetis. item: Vocem alienorũ  
non audium, sed fugiunt ab ea. Simul tamen &  
hoc uerum est, partem ministerij, ut Sacramenti  
alicuius administrationẽ, aliquando possideri etiã  
ab his, qui in alijs materijs graues errores ample-  
ctuntur: imò sepe habent, administrant, & dant  
uera Sacramenta illi: etiam, qui ipsis Sacramentis  
assuunt falsas aliquas opiniones, modò substantia  
lia, quæ ad materiam & formam iuxta institutio-  
nem pertinent, seruent: sicut exemplum de circum-  
cisione Caiphæ, scribarum & phariseorum, ma-  
nifestè testatur. Nullo modo autem sequitur, quia  
uero fuit circũcisio quæ à phariseis dabatur, ideo  
etiam ueras fuisse omnes opiniones, quas præter  
& contra uerbum Dei, non tantum alijs articulis  
doctrinæ, uerũ ipsi etiam, circuncisioni, tradi-  
tionibus suis assuebant. Hoc igitur exemplum o-  
stendit ueram explicationẽ argumẽti illius, quod  
specie aliqua obijci potest.

## Canon. 6.

*Si quis dixerit, baptizatũ, non pos-  
se, etiam si uelit, gratiã amittere, quan-  
tumcunque peccet, nisi nolit credere,  
anathema sit.*



## EXAMEN.

Augustinus de Ciuit. Dei lib. 21. recitat & refutat phanaticas quorundam disputationes, promittentium liberationem ab igne eterno, uel omnibus hominibus, uel eis tantum qui Christi baptismo abluti, et corporis eius sanguinisque participes facti fuerint, quomodolibet uixerint, in quacunque heresi uel impietate fuerint: uel iterum illis solis, qui post accepta Sacramenta, externam professionem catholicam retineant, licet pessime uiuant. Hasce opiniones Augustinus recte & merito damnat & refutat. pugnant enim cum illa Pauli sententia, sapientius repetita, 1. Cor. 6. Gal. 5. Eph. 5. & Col. 3. Qui talia agunt, regnum Dei non hereditabunt.

Et in nostris Ecclesiis ex uerbo Dei duriter arguantur, et serio damnentur, si quod uel uoce, uel uita et factis profitentur, Baptizatis ita conferri & dari gratiam, hoc est reconciliationem & salutem, ut simul accipiant priuilegium turpitudinis: hoc est, ut libere & impune possint & ausint se in quantiscunque sceleribus uolutare, & nihilominus in medio ipsorum scelerum proposito, habeant & retineant gratiam. Sicut enim fide accipitur & retinetur gratia: ita incredulitate, ex qua sequuntur mali fructus, hoc est, peccata uastantia conscientiam, amittitur & excutitur. Qui, n. non crediderit, condemnabitur. Et baptizatis Paulus conuincitur, cum inquit: Qui talia agunt, regnum Dei non possidebunt.

Si secundum carnem uixeritis moriemini. Et propter hæc uenit ira Dei, super filios incredulitatis. Fidem uerò nequaquam docemus esse propositū abijciendi gratiam, & excutiendi Spiritum sanctum. Nec sentimus, fidem iustificamē cōsistere in sola historica noticia, aut externa professione articulorum fidei. Multo minus docemus, ueram & iustificantem fidem, esse Epicuream in impoenitentia & proposito scelerum persuasionem, de gratia & salute: sicut in priori parte Examinis, plenius hæc sunt explicata. Nequaquam igitur agnoscimus, nostrarum Ecclesiarum esse doctrinam seu sententiam, quæ eo sicut iam dixi sensu, in VI hoc Canone rectè damnatur.

Sed inquis: Lutheri hæc propositio est, quæ totidem fermè uerbis extat in libello eius De captiuitate Babylonica. Ego uerò animaduerti, insidiosè Canonem hunc ita esse fabricatū, ut uel imprudentes Lutherum damnaremus: uel si defendendā susciperemus illam propositionem, coram toto orbe plausibili specie nos traducere possent, quàm profligatè flagitiosa & blasphema sit nostra doctrina.

Sed bene res habet. Præclarum enim est Iureconsulti dictum, inciuile esse, lege non tota perspecta, ex aliqua eius particula pronunciaré. Et Lutherus rectè dixit, sceleratum esse, cū noueris pium & sanum esse alicuius sensum, ex uerbis incommode dictis statuere errorem. In sensu enim,

su enim, non in uerbis est hæresis: ut rectè dixit Hieronymus, à suis calumniatoribus exagitatus. Norunt autem ipsi Pontificij, Lutherum in eo loco non disputare uel defendere Epicuream illam opinionem: quæ (sicut in principio dixi) quia cum uerbo Dei pugnat, rectè & merito damnatur. Lutherus uerò in illo ipso loco disertè affirmat, baptizatos per peccata conscientiam uastantia, deserere promissionem gratiæ Baptismi, à fide & ueritate eius deficere, item excidere ex uirtute & fide Baptismi. Longè aliud igitur Lutherum eo in loco agere non ignorant. Et tamen ex media disputatione, mutilatam & truncatam propositionem excerpunt: ut quibus integra disputatio non est nota, uel qui præcedentia & sequentia non cōsiderant, existiment Lutheri doctrinam tam crasse & palpabiliter impiā et flagitiosam esse. Quale uerò hoc artificium sit, siue quis sophisticum, siue sycophanicum potius appellare uelit, manifestum est. Consideret autem lector Tridentinam doctrinam. Lutherus enim in illo loco acriter infestatur Pontificiorum corruptelam: qui docēt, per peccata quæ post Baptismum committuntur, ipsum Baptismi nauim illidi, & in tabulas dissolui: hoc est, uim uirtutis seu gratiam Baptismi, prorsus amitti: & irritam fieri, ita ut in uera pœnitentia, fides ad eam reuertere & redire nullo modo & nullo unquā tempore possit: sed iam circumspicienda

sit alia tabula, nostræ scilicet cōtritionis & satisf-  
 factionis, cuius uirtute ad portum salutis ueha-  
 mur. Hanc doctrinam, quæ gratiam & uirtutem  
 Baptismi, tantum ad unicum illud momentū, quan-  
 do baptizamur, restringit. ita ut per totam uitam  
 postea nullus eius usus sit, Lutherus ostendit fal-  
 sam & impiam esse. Et ex uerbo Dei, ueram sen-  
 tentiam in his uerbis explicat: Sicut semel super  
 nos, lata diuina promissione Baptismi (Qui cre-  
 diderit, & baptizatus fuerit, saluus erit) usq; ad  
 mortem ueritas eius perseuerat: ita fides in eandē  
 nunquam debet intermitteri, sed usque ad mortem  
 ali & roborari, perpetua memoria promissionis  
 eiusdem in Baptismo nobis factæ. Quare dum à  
 peccatis resurgimus, siue poenitemus, non facimus  
 aliud, quàm quòd ad Baptismi uirtutem & fidem  
 unde cecideramus reuertimur, & ad promissio-  
 nem tunc factam redimus, quam per peccatum  
 deserueramus. Semper enim manet ueritas pro-  
 missionis semel factæ, nos externa manu succe-  
 ptura reuersos. Et plenè confortabitur cor poe-  
 nitentis, & ad spem misericordiæ animabitur,  
 si consideret diuinam promissionem sibi factam:  
 quam impossibile est mentiri, adhuc integram  
 & non mutatam, nec mutabilem ullis peccatis es-  
 se, sicut Paulus dicit 2. Tim. 2. Si non credimus, il-  
 le fidelis manet, seipsum negare non potest. Et  
 mox subiicit, gratiam & salutem Baptismi, per  
 peccata



peccata sequentia non ita amittit, ut in uera pœnitentia, per fidem nullus ad eam pateat reditus. Si enim redeat fides in promissionem diuinam, baptizato factâ, in momento absorbemur peccata per eandem fidem: imò per ueritatem Dei, quia seipsum negare non potest. Et tandem de secunda tabula, contritionis & satisfactionis nostre concludit: Vanitas uanitatum, & afflatus spiritus, quicquid extra fidem, ueritatis Dei laboratur. Hec Lutherus.

Hanc uerò sententiam proposue uni sibi Tridentini Patres condemnandam. Cogitarum autem, si explicatè proponerent quid uellent damnare, fore ut pie aures, ne in ipsa quidem Pontificia ecclesia, in tanta uerbi luce, damnationem sententiae, quae uera & plenissima est, necessariae consolationis, ferre non possent. Hoc igitur artificum inuenerunt, ut scilicet ex illa Lutheri dissertatione excerptam propositionem, quae truncatim proposita, longè aliud sonat, damnarent: & hoc modo quasi aliud agentes, totam illam dissertationem quae ipsos ad modum urit, anathemati subijcerent.

Et hoc lector diligenter notet. Fallacia enim est in uocabulo amissionis gratiae Baptismi: quam amissionem per peccata contra conscientiam fieri, & nisi agatur pœnitentia, manere

non est dubium. Sed ipsi amissionem ita intelligūt; quòd licet quis post lapsum poenitentiam agat, tamen etiam per fidem, nullo unquàm tempore, ad gratiam in Baptismo promissam redire possit. Ego sanè principio, cum Canonem illum semel atque iterū, perlegissem, sophisma illud non animaduvertebatur: cuius tamen consideratio, multa in hoc Canone monet.

## Canon. 7.

*Si quis dixerit, baptizatos per Baptismum ipsum solius tantum debitorum fidei fieri, non autem uniuersae legis Christi seruandae, anathema sit.*

## EXAMEN.

Vt eò facilius quid sibi Canō hic uelit, aperiat, primum simpliciter dico, si qui uel sentiunt uel docent, baptizatos per Baptismum tantum debitorum fieri solius fidei, hoc est, historiae noticiæ articulorum fidei, & externae professionis: ita ut peculiari privilegio, prorsus exemptos se esse arbitrentur subiectione & obedientia mandatorum Dei: utq; liberum & arbitrariū sibi esse existimant, siue obsequi mandatis Dei, siue ea uiolare, & securè peccatus indulgere possent: illos affir-

mo iure damnari. Sunt enim in ipsum Baptismum blasphemii, quasi sit privilegium turpitudinis: & pugnant cum doctrina Pauli, Rom. 6. Absit, ut in peccato maneamus. Consepulii enim sumus cum Christo, per Baptismum in mortem: hoc sentientes, quia uetus homo noster simul crucifixus est, ut destruat corpus peccati, ut ultra non seruiamus peccato: sed sicut Christus resurrexit à mortuis, per gloriam patris, ita & nos in nouitate uitae ambulemus, &c. Rom. 8. Debatores sumus, non ut secundum carnem uiuamus. Rom. 13. Nemini quicquam debeatis, nisi ut inuicem diligatis. 1. Ioh. 4. Et nos debemus mutuò nos diligere. Num uerò hac sententia quæ uera est, patientur sibi Promissij satisfieri à nobis in hoc Canone? Sanè non arbitror. Aliud enim est quod in hoc Canone cudent, quàm prima fronte se offerat.

Promissio Baptismi offert & confert gratiam Dei, Tit. 3. remissionem peccatorum, Acto. 2. stipulatione bonæ conscientie erga Deum, 1. Pet. 3. regenerationem spiritus, Tit. 3. ingressum regni coelorum, Iohan. 3. salutem, Marci 16. hereditatē uitæ æternæ, Tit. 2. 3. per & propter mortem & resurrectionem Christi, Rom. 6. 1. Pet. 3. Et hæc beneficia Deus uult fide à nobis accipi, iuxta dictum Christi: Qui crediderit, & baptizatus fuerit, saluus erit: qui uerò non crediderit, condemnabitur. Nostri igitur ex hoc fundamento docent, ut

promissio & gratia illa Baptismi nobis sit rata et firma, non pendere eam ex conditione legis à nobis impletæ, sed requiri tantum fidem, qua gratuita illa, beneficia, quæ nobis propter Christum donantur, ad nos recipiamus. Fides enim accipit promissionem Baptismi, Marci decimosexto. Lex uerò non est ex fide, Galat. 3. Et fides perpetuò maneret incerta, promissio etiam nec rata nec utilis esse posset, si penderet ex conditione legis à nobis impletæ. Qui enim ex operibus legis sunt, sub maledicto sunt: Gal. 3. Ideo ex fide, ut secundam gratiam firma sit promissio: Rom. 4.

Hanc doctrinam in septimo hoc Canone uelliant Pontificij: & expressè quidem non audent dicere, efficaciam Baptismi pendere ex conditione impletæ à nobis legis: nec tamen dissimulant quid uelint. Mutuantur enim ex 5. capite ad Galatas illam phrasim: Qui circumciditur, debitor est uniuersæ legis faciendæ. Atqui hæc Paulus non de uero & principali usu circumcisionis dicit, quam Rom. 4. tradit fuisse sigillum iusticiæ fidei, cui opponit iusticiam legis, & opera: sed ex pseudoapostolorum opinione de circumcisione, tanquam nostro opere dicit hoc consequi. Addit autem: qui ea opinione circumciditur, ut fiat debitor uniuersæ legis seruandæ, ad promerendam gratiam & salutem, ei Christum nihil prodesse, euacuatum esse à Christo, et gratia excidisse. Hæc conferantur



cōferatur ad uerba VII. huius Canonis, quibus affirmatur, Baptismū debitores facere uniuersæ legi Christi seruandæ. Obliquè igitur huc eunt, gratiā Baptismi nō sola fide accipi, sed ad hoc requiri etiam obseruationem mandatorum Dei. Et ad stabiliendum hoc dogma, duplici sophismate utitur: quorum prius est. In Baptismo abrenunciamus sathanæ, & operibus eius: & si ibi obligatio ad mortificationem peccati, & ad nouitatem uitæ ut liberati à peccato, seruiamus Deo. Rom. 6. Ergo non solius tantum fidei conditio requiritur, sed & impletionis mandatorum Dei. Nos uerò illa non negamus, quæ Paulus Rom. 6. de Baptismo scribit, quæq; in formula abrenunciationis in actione Baptismi proponi solent: sed respondemus per distinctionem quam Paulus tradit Tit. 3. ubi Baptismum uocat lauacrum regenerationis & renouationis. Principalia autem beneficia Baptismi sunt: gratia, remissio peccatorum, adoptio, acceptatio ad salutem, & ad hereditatem uitæ æternæ: ad quæ conditio nostrorum operum non requiritur: damur enim propter meritum filij mediatoris. Sed illa beneficia Christus affirmat fide accipi, Marci 6. Post accepta uerò illa beneficia, sequitur donum renouationis, Tit. 3. & illa obligatio, de qua Paulus Rom. 6. concionatur. Ita enim expressè inquit: Liberati à peccato, serui facti estis Deo ad iusticiam. Et Titum tertio, dicitur  
 regene-

regenerationem precedere, & renouationem sequi. Nouitatis uerò obiectum, esse mandata Dei, nemo dubitat. Quæ igitur re ipsa differunt, necessario etiam indocendo discernenda sunt.

Alterum sophisma est. Quia manifestissimum est, nos baptizari non in Moſen, sed in Christum: hoc est. Non in legem, sed in Euangelium. Pro Euangelio igitur, nominant. Legem Christi: ut eò facilius confundere possint pro missionem gratuite reconciliationis propter Christum, quæ fide accipitur, cum doctrina de mandatis Dei, quæ nostrum obedienciam requirunt.

Ita in singulis Canonibus, singula uerba referuntur Pontificijs technis & artificijs: quæ recte euoluisse, præcipua pars est explicationis & refutationis.

Canon. 8.

*Si quis dixerit, baptizatos liberos esse ab omnibus sanctæ ecclesiæ præceptis, quæ uel scripta uel tradita sunt, ita ut ea obseruare non teneantur, nisi se sua sponte illis submittere uoluerint, anathema sit.*

Canon. 9.

*Si quis dixerit, ita reuocandos esse homines*

homines ad Baptismi suscepti memoriam, ut uota omnia quæ post Baptismum fiunt, uel promissionis in Baptismo iam factæ, irrita esse intelligant quasi per ea et fidei quàm professi sunt detrahatur, & ipsi Baptismo, anathema sit.

EXAMEN.

Hos duos Canones coniunxi. Vterq; enim sententiam quam damnat, sumpsit ex Luthero, de ca-  
ptiuitate Babylonica: & explicationis fundamen-  
ta in utroq; Canone eadem sunt. Et obseruet le-  
ctor, qui sint progressus Concilij. In VII. Canone,  
gratuitæ promissioni misceri uolebant mandata  
Dei, de nostris operibus: & fidei misceri uolebāt  
nostram obseruationem mandatorum Dei. Iam  
in hisce duobus Canonibus, ipsis Dei mandatis,  
contendunt admiscenda esse hominum præce-  
pta: & obligationi ad diuina mandata, adiungi uo-  
lunt uota humanarum traditionum: ut ita in Ba-  
ptismo, nihil relinquatur sine fermento sincerum  
& incontaminatum.

Quod autem ad VIII. Canonem attinet, Lu-  
therus ita disputat: Quando per Baptismum à

Deo in filios adoptati, & in familiam ipsius recepti & ascripti sumus, tunc nos ad obedientiam Deo præstandam obligari: sed iuxta ipsius mandata, non secundum traditiones & mandata hominum. Post institutionem enim Baptismi, Christus Matth. 28. addit: Docentes eos seruire omnia quaecunq; ego præcepi vobis. Et Paulus Rom. 8. tractans obligationem Baptismi ad nouam obedientiam, inquit: Liberati à peccato, serui facti estis Deo. Et normam obedientiæ ibidem explicat, cum inquit: Obedistis ex corde, in eam in quam traditi estis formam doctrinæ. Illas uerò sententias, Scriptura ostendit exclusiue esse intelligendas, quod attinet ad conscientiam, & ad cultum Deo præstandum (neq; enim de politicis & æconomicis constitutionibus iam loquimur) Iacobi 4. Vnus est legislator, potens & saluare & perdere. Col. 2. Si mortui estis cum Christo ab elementis huius mundi, quid adhuc decretis mundi tene-mini; iuxta mandata & doctrinas hominum? Sed per Baptisimum complantati facti sumus similitudini mortis Christi. Romanorum sexto, Ergo Baptismus ita obligat ad mandata Dei, ut nolit nos traditionibus iuxta mandata & doctrinas hominum subijci. 1. Cor. 7. Siue seruus sis, siue liber, es libertus & seruus Christi: precio empti estis. nolite fieri serui hominum. Et familiæ suæ Deus insonat. Ezech. 20. In præceptis patrum uestrorum nolite



nolite ambulare, sed in meis præceptis ambulate: ego enim sum Iehoua Deus uester. Matth. 15. Frustra colunt me mandatis hominum. Ex his fundamentis Lutherus liberè & rectè cõcludit: Quia Deus in domo sua magna, quæ est Ecclesia, sibi soli uendicat ius & auctoritatem gubernandi uerbo suo conscientias familie suæ, imò liberorum suorum: & quia in Baptismo, ad huius patrisfamilias obedientiam nos obligauimus, qui etiam conscientias nostras ab omnibus humanis traditionibus, mandatis & doctrinis liberauit & absoluit, sicut Scripturæ sententiæ manifestè testantur: ideo nec papam, neque ullum hominum habere ius unius syllabæ constituendæ super conscientiam Christiani hominis. Quicquid uerò aliter fit, tyrannico spiritu fieri, contra libertatem Ecclesiæ. Christianorum enim conscientijs, nihil ullo iure posse imponi legum, siue ab hominibus, siue ab angelis. Num uerò hæc sententiæ Christianos absoluit à debita obedientia politici magistratus? Nequaquam. Expressè enim loquitur de illis, quæ conscientia imponuntur. Et ipsa obedientia politico Magistratus debita, uerbo Dei mandata & sancita est. Num uerò nulla debet esse, uel reuerentia, uel auctoritas ministerij Ecclesiastici? Omnibus modis. Sed non ita, ut habeant imperium siue merum, siue mixtum in Ecclesia: sed ut habeant ministerium.

ministerium. Quando igitur afferunt doctrinam, uocem & uerbum Dei: tunc non hominibus, sed ipsi Deo præstamus obedientiam. Quando uerò conscientijs aliquid proponunt, extra præter aut contra uerbum Dei: tunc Baptismus commune facit nos & nostræ obligationis, ad obedientiam uerbi diuini: commune facit nos etiam libertatis nostræ, à mandatis, doctrinis & traditionibus hominum. Quid uerò, si ecclesia de rebus indifferentibus aliquid statuatur, quod ad ordinem, decorum & ædificationem faciat? Respondeo. Si constitutiones pugnant cum uerbo Dei, aut quando assuntur impiæ opiniones: tunc simpliciter interdicitur obedientia. Quando uerò res sunt adiaphoræ, & sine impijs opinionibus proponuntur: tunc ualet regula Pauli, 1. Cor. 14. Omnia fiant decenter, ordine & ad ædificationem. Caritas etiā exemplo Pauli, in obsequium fratrum infirmorum, multa talia quæ sine læsione cōscientiæ fieri possunt, facit. Et tamen salua conscientiæ libertate, sine opinione necessitatis, talia seruanda sunt. Hæc ideo breuiter repetiui, quia uideo insidias strui quando queritur, An baptizati prorsus liberi sint ab omnibus humanis constitutionibus.

Lutherus igitur ex obligatione Baptismi fortissime argumentatur cōtra humanas traditiones, contra doctrinas & mandata hominum in ecclesia, quibus conscientias baptizatorum uolunt gubernare,

bernare, obstringere & illaqueare. Et admodum dolet Pontificijs uulnus illud, quod Lutherus hoc telo, omnibus ipsorum traditionibus & decretis influxit. illum enim suum dolorem non potuerunt in VIII. hoc Canone dissimulare. Nihil uerò afferunt, quo firmissima & manifestissima illa fundamenta refutare uel conentur saltem: sed tantum anathema dicunt. Nos uerò flagitamus, ut prius ostendant, fundamenta illa uana et falsa esse: intem usurpabimus illud Hieronymi dictum: *Quicquid ex Scriptura canonica auctoritatem non habet, eadem facilitate contemnitur qua probatur.*

Eadem ratio est I X. Canonis. Nam & illa sententia quæ ibi damnatur, sumpta est ex Babylo-nica captiuitate Lutheri: & continet fundamentum ualde euidens & forte, contra Pontificia uota. In ueteri enim Testamento, uerbum Dei disponebat rationem uotorum, de quibus rebus & quomodo fieri possent: in nouo uerò Testamēto, Christus & Apostoli nihil nobis præscripserunt de peculiaribus uotis. Sed in Baptismo, ex præscripto uerbi Dei, fit generalis professio, uotum seu promissio, qua nos Deo subijcimus, & obligamus ad obedientiam. Ad professionē igitur Baptismi, recte & merito exigenda sunt omnia Christianorū uota, quæ legitima censi debent. Regula autem et norma uoti, quod in professione Baptismi emitimus, est sententia illa Christi, Matth. 28. Docen

res eos seruare, quæcunque ego præcepi uobis. & Rom. 6. Liberati à peccato, serui facti estis Deo, traditi in formam doctrinæ Apostolicæ. Col. 2. Si mortui estis cum Christo ab elementis mûdi, quid adhuc decretis mundi tenemini, iuxta mandata et doctrinas hominum? Et hæc cum ita se habeant, cōqueritur Lutherus, baptizatorū cōsciencias onerari, implicari infinitis alijs uotorum legibus, ab hominibus constitutis. quædam enim sunt uota religionum, quædam peregrinationum, quædam aliorum operum, & illis legibus & opinionibus uotorum, queritur & fidei & Baptismo detrahi. Quasi enim ipsum Baptismi uotum non satis sit uel præstans, uel sufficiens, conquirumur & cumulamur alijs: quibus cōsciencie ita occupantur, ut et memoria Baptismi obruatur, et dignitas eius extenuetur. Disputatur enim, et statuitur, opus intra tale uotū factū, esse præstantius, & infinitis præmijs præferendū, quàm si extra tale uotū simpliciter ex diuino mandato fieret. Addunt alij, ingressum religionis esse uelut nouum Baptismum: quod demceps liceat toties renouari, quoties ab integro propositū religionis renouatur. Et inter hos strepitus opinionū de uotis, uix quisquā Baptismū suum recordatione dignatur. Leges etiam, uincula & laquei uotorū, pugnat cū libertate à mādatis & doctrinis hominū, in quā per Baptismū collocamur, Col. 2. Et quia in Baptismo abunde, &



de, & plusquam possumus implere uouimus, sat eti-  
 am negotij habituri, si per totam uitam huic uni  
 intenderemus: censeat igitur Lutherus, saluus esse,  
 ut sublati & omiſſi alijs uotis, quæ nec Dei man-  
 datum, nec Scripturæ exemplum habent, omnes  
 Christiani reuocentur ad Baptismi uota. Hæc est  
 Lutheri disputatio. Quid uerò simplicius, quid cla-  
 rius, quid uerius, quid utilius dici posset? Sed scrio  
 malè habet Pontificios, ex simplici fundamento  
 Baptismi, tam euidenter, tam solidè, & tam po-  
 tenter enervari & euerti omnia uota Pontificia.  
 Et quis in examine uotorum, tam opere sibi timet  
 à regula & norma professionis Baptismi, ut qua  
 animaduertunt omnia sua uota iugulari: prolixū  
 igitur I X. hunc Canonem opposuerunt. in quo ta-  
 mē sollicitè cauēt, ne ex Scriptura uel suā sententi-  
 am confirmet, uel cōtraria argumēta refutent:  
 sed quod ipsos urit, simpliciter tantū unico ana-  
 thematis uocabulo repellunt. Agnoscit autem le-  
 ctor, fundamenta ex professione Baptismi, firmio-  
 ra et euidentiora esse, quàm quæ pijs animis, quo-  
 rum pedibus lucerna est uerbum Dei, tam leuiter  
 excuti possunt. Satis igitur est monuisse, quid  
 sit, quod clememes istos Dei miseratione  
 ne patres, tam opere in duobus  
 hisce canonibus com-  
 mouerit.

*Si quis dixerit, peccata omnia quæ post Baptismum fiunt, sola recordatione et fide suscepti Baptismi uel dimitti, uel uenialia fieri, anathema sit.*

## EXAMEN.

Principiò considerandum est, quæ & qualis sit sententia illa, quam in X. hoc Canone damnant Pontificij: deinde non obscurum erit uidere, quo artificio illud faciam. Lutherus igitur de captiuitate Babylonica, inter cetera, in doctrina Põtificia reprehendit & hæc periculosam, falsam & perniciosam opinionem, q. finxerunt, gratiam Baptismi, ualere tantum ad remissionem peccatorum præteritorum, uel quæ Baptismi tempus in homine inuenit: ita ut si post Baptismum aliquis in peccatum labatur, etiam si pœnitentiam agat, & uera fide ad promissionem gratiæ & reconciliationis, propter meritum Christi in Baptismo sibi oblatã, datam, communicatam, applicatam & obsignatã redeat: nihil tamen amplius ad reconciliationem sibi profit, gratia promissionis Baptismi. Sed quia per lapsum gratia Baptismi ita sit amissa, ut fracta & illisa prorsus exciderit, & irrita facta sit, etiam si in seria pœnitentia per ueram fidem peccator

cator ad scedus illud reuertatur, quod in Baptismo Deus nobiscum pepigit: ideo in pœnitencia, de peccatis post Baptismum cõmissis, fidem querere debere expiationem & reconciliationem, non in gratia illius promissionis, quæ in Baptismo nobis oblata, communicata & obsignata est: sed alia circumspicienda, querenda & tenenda esse media, per quæ consequamur gratiam, reconciliationem, & remissionem peccatorum.

Huic opinioni (inquit Lutherus) præbuit occasionem, periculosum illud Hieronymi dictum: siue malè positum, siue malè intellectum, quo pœnitentiam appellat, secundam post naufragium tabulam. Hinc enim in peccatis post Baptismum, de prima tabula seu naue desperantes, uelut amissa, secunde tantum incipiunt niti & fidere tabule, hoc est, propriæ contritioni & satisfactioni. Hinc nata fuerunt uotorum, religionum, operum, satisfactionum, peregrinationum, indulgentiarum & sectarum infinita illa onera, & de ijs maria illa librorum, questionum, opinionum, traditionum humanarum, &c.

Hæc uerò opinio falsa, periculosa & perniciofa est: id quod ex doctrina Baptismi, certò & liquido ostendi potest. Christus enim ipse actionem Baptismi affirmat non tantum respicere uel præteritum tempus, uel tantum illud momenu, quando administratur Baptismus: sed utitur certè futuri

ro tempore, cum inquit: Qui crediderit, & bapti-  
 zatus fuerit, saluus erit. Et dignum est obseruatio-  
 ne, quomodo Scriptura efficaciam Baptismi, ad  
 omnia tempora, præsens, præteritum & futurum  
 extēdat in credentibus. Paulus enim Tit. 3. inquit:  
 Saluos nos fecit per lauacrum regenerationis. Pe-  
 trus uerò scribēs illis, q̄ diu antè baptizati fuerāt,  
 de suo & illorū Baptismo inquit 1. Pet. 3. Baptis-  
 ma nos saluos facit. Et rationem addit: Quia est  
 bonæ conscientia stipulatio erga Deum, per re-  
 surrectionem Christi: Quæ certè est ratio salutis  
 omnium temporum, siue dum baptizamur, siue  
 post Baptismū, uel breui uel diu. Et Paulus Tit. 3.  
 cum de præterito dixisset, Saluos nos fecit: ne ad  
 præteritum tempus tantum restringatur, addit:  
 Per Iesum Christum, saluatorem nostrū: ut ipsius  
 gratia iustificati, heredes efficiamur, secundū sp̄e,  
 uitæ æternæ. Et Eph. 5. dicit, Christū Ecclesiā la-  
 uacro aquæ in uerbo mundare & sanctificare, ut  
 sistat eam sibi gloriosam, sine macula & ruga.  
 Id quod in altera de n̄ra uita perfectè implendū,  
 Augustinus multis in locis tradit. Virtutem igitur,  
 efficaciam & operationem purgationis & sancti-  
 ficationis Baptismi, Scriptura affirmat per totam  
 Christiani hominis uitā durare & ualere: id quod  
 Paulus manifestius, & quidem multis uerbis tra-  
 dit Rom. 6. Et uasculū gratiæ, seu fœdus pacis, quod  
 in Baptismo Deus nobiscum iniit, non præteritum



tantum tempus, uel momentum illud, quo baptizamus, respicit: sed æternum est fœdus, sicut inquit Isa. 54. In misericordia sempiterna misertus sum tui. Montes enim commouebuntur, & colles contremiscunt: misericordia autem mea non recedet à te, & fœdus pacis meæ non mouebitur: dixit miserator tuus Dominus. Neque uerò hac conditione initum est fœdus illud pacis, inter Deum & inter nos, in Baptismo: ut si inde per peccata exciderimus, ita dissoluatur et frāgatur, ut etiam si in uera pœnitentia p fide ad illud redeamus: Deus tamen illud amplius seruare, ratū & firmū esse pœnitentibus non uelit. Hominum enim incredulitas, fidem Dei euacuare non potest. Rom. 3. Si nō credimus, ille fidelis permanet: negare seipsum nō potest. 2. Tim. 2. Et dulcissima extat descriptio lerem. 3. Vulgò dicitur: Si dimiserit uir uxorem suā, & recedens ab eo duxerit uirā a' terum: nūquid reuertetur ad eam ultra? Tu autem fornicata es cum amatoribus multis, tamē reuertere ad me, dicit Dominus. Ergo saltem amodò uoca me, pater meus, dux uirginitatis meæ tu es, Ecce locutus es, & fecisti mala. Et dixi cum fecisset hæc omnia. Ad me reuertere: & non est reuersa. Et dixit Dominus ad me: Vade, & clama, & dices: Reuertere auersatrix Israel, & assumam uos, &c. Hanc consolationem ad fœdus Baptismi recte accommodari, ostendit exemplū à conugio sumptū, Eph. 5.

Et ne qua sit dubitatio Paulus Galatas post Baptismum lapsos, reuocat & reducit ad gratiam promissionis Baptismi, cap. 3. sicut etiam Corinthios, 1. Cor. 12.

Natura etiā promissionis gratiæ in Baptismo, idem cōprobat. Gratia enim Baptismi, promittit salutem per Iesum Christum, saluatorem nostrū: ut ipsius gratia iustificati, heredes simus uitæ æternæ. Tit. 3. Atqui hæc generalis est ratio iustificationis, post quemcunq; lapsum. Ita 1. Pet. 3. Baptisma est stipulatio bonæ conscientie erga Deū, per resurrectionem Christi. Et certè in pœnitentiā post quemcunq; lapsum, fides hoc querit, ut conscientia Deo reconcilietur: idq; propter mortē & resurrectionē Christi. Hæc uerò substantialia sunt, in promissione Baptismi: quæ semel in Baptismo ita nobis offertur & obsignatur, ut sit perpetuū sigillum, & testimonium, nos admissos & receptos esse in communionem & participationem beneficiorum Christi, & gratiæ Dei, ad remissionē peccatorum, salutem & uitam æternam, si promissionem fide apprehendamus & teneamus, iuxta dictum: Qui crediderit, & baptizatus fuerit, saluus erit: qui uerò non crediderit, condemnabitur. Vt non incommode ueteres Baptismum uocarent primam ianuam in Ecclesiam, & ad regnum Dei. Inde enim certi sumus, nos habere & aditum & reditum ad beneficia Euangelij: quia in eius commu-

communione, per Baptismum collocati sumus.

Hoc igitur extra controuersiam est, quòd agentibus poenitentiam, patet per fidem aditus, imò reditus ad gratiam Dei, in Christo Iesu. Illud uerò nihil aliud est, quàm poenitentes & posse & debere redire ad promissionē gratiæ Baptismi. Baptismus enim est solennis obsignatio, & perpetuum testimonium, propositam & donatam nobis esse communionem & participationem beneficiorum Christi, si credamus: nam qui crediderit, & baptizatus fuerit, saluus erit. Est autem uera fides, non tantum quando in ipsa actione Baptismi apprehendit promissionem gratiæ, uerumetiam quando post Baptismum eam retinet: imò quando post lapsum, in poenitentia rursus promissionem illam apprehendit, uera est fides. Et manet quod Christus inquit: Qui crediderit, & baptizatus fuerit, saluus erit.

Neq; uerò sensus est, neminem per quæcunque peccata posse amittere gratiam Baptismi. Docemus enim, si illi qui conuersi fuerant, admittant actiones contra conscientiam, ipsos unà cum fide à se excidere gratiam & Spiritum sanctum. Sed nò ideo ipsa uirtus & efficacia Baptismi eueritur. Sicut enim aliquis potest naui excidere, ipsa manente incolumi: ita ex arca Baptismi, multi temerè in mare perditionis profiliunt, & pereunt: & hi sunt, qui deserta promissionis fide, in peccatum

se se precipitat: nauis uerò ipsa permanet integra. Et si per gratiam Dei, is qui exciderat, ad nauim reuerti potest, non aliqua alia noua tabula, sed solida ipsa naue unde exciderat, feretur ad portum salutis. Num uerò iterum baptizandus est qui lapsus fuerat, ut ita ad arcam Baptismi reuertatur? Non hoc dicimus: sed lapsus, doctrina legis inuitatur, & ducitur ad poenitentiam: proponitur ipsi doctrina Euangelij, de gratia Dei in Christo: & credenti, ministerio clauium peccata soluumur seu remittuntur per nomen Christi: inuitatur ad cœnam Dominicam, ubi accipit nouum Testamentum in sanguine Christi. Hæc uerò non est diuersa, alia & noua tabula, post fractam & dissolutam arcam Baptismi: sed eadem est promissio, idem meritum Christi, eadem gratia Dei, eadem fides. Vna enim est fides, ad Ephesios quarto. Et Baptismus est perpetuum testimonium & sigillum, nos ad illa beneficia habere aditum & reditum, per fidem, post quemcunq; lapsum, non septies, sed septuagies septies.

Prædicatio igitur poenitentiae, annuntiatio Euangelij, ministerium clauium, & usus cœnæ Dominicæ, non proponunt nobis, post lapsum etiam, aliam & nouam tabulam, ad reconciliationem cū Deo & ad salutem, diuersam ab ea quæ in Baptismo nobis per promissionem Dei oblata, donata et obsignata fuit: sed tantum sunt media, per quæ uel in gra-



in gratia Baptismi confirmamur, uel ad eam post lapsum reuertimur. Hæc simplicia, uera, utilia, & manifesta sunt. Et ita Augustinus etiam docet, De nuptijs & concupiscentia lib. 1. cap. 33. Quod Paulus ait Eph. 5. Mundans eam lauacro aque, in uerbo, &c. sic accipiendum est. ut eodem lauacro regenerationis, & uerbo sanctificationis, omnia prorsus mala hominum re-generatorum mundemur atque sanemur: non solum præterita peccata, quæ omnia nunc remittuntur in Baptismo, sed etiam quæ posterius humana ignorantia, uel infirmitate contrahuntur. Non ut Baptismus quoties peccatur, toties repetatur: sed quia ipso quod semel datum sit, ut non solum antea, uerum etiam postea, quorumlibet peccatorum, uenia fidelibus impetretur.

Et hæc est illa doctrina, quæ Tridentini patres obliquis, seu potius malignis oculis, & toruo suspensio affecerunt. quando decimum hunc Canonem condiderunt. Obseruet autem lector, cum ex Pontificijs scriptoribus multum expressè totam hanc doctrinam damnari, & contrariam sententiam defendant: quod tamen Tridentina congregatio non ausit diseri et expressè hoc facere: uerita forsitan, si non propria conscientia, at saltem pietatis aurium in hac Euangelij luce iudicium. Tanta est uis ueritatis. Nec tamen uisum est ut doctrinam illam uel approbare, uel sine atro calculo dimittere. Inueniuntur igitur fuit hoc artificium, ut per calumniam aliter quam

quàm à nostris traditur, sententiam illam, recitarem: ut ita sub illo operculo, doctrinam quam impugnant, damnare possent, & uetera sua commenta stabilire. Dicunt igitur anathema illis, qui docent peccata quæ post Baptismum committuntur, sola recordatione suscepti Baptismi dimitti: hoc est, qui sine pœnitentia in sceleribus perseuerant & pergunt, illis si tantum perfunctoriè & historicè recordetur, se aliquando baptizatos esse, tali recordatione, peccata dimitti: & quidem sola recordatione, ut non opus sit pœnitentia, & ministerio clauium. Itē, omnia peccata quantumcunq; atrocia, sola epicurea recordatione suscepti Baptismi, fieri uenialia: hoc est, ut in illis securè et impuniè perseuerare possint baptizati. Ita Tridentini. Sed nostri has sententias non agnoscunt. Et ne cauilemur, nos aliquid occultare: Epicureas & flagitiosas illas opiniones, si quis ita uel sentit, uel docet, sonora uoce damnamus. Non igitur hoc, sed longè aliud est quod ipsos urit: quod quia aperitè non audent, sophistica hac peruersione status damnare uoluerunt. Et hoc lector diligenter secum expendat.

Canon. II.

Si quis dixerit, uerè & ritè collatū  
Baptismum iterandum esse illi, qui a-  
pud

*pud infideles fidem Christi negauerit, cum ad pœnitentiam conuertitur, an athena sit.*

## EXAMEN.

In illa sententia consensimus: Neminem uerè, ritè, & legitime baptizatum, post quemcunq; lapsum, aut etiam post abnegatam in persecutione ueritatem, iteratò esse baptizandum, quando ad pœnitentiam conuertitur, & Deo cupit reconciliari. Sed quando queritur, quæ sint causæ & rationes, quare legitimum Baptisma non sit iterandum, ibi diuersæ reperiuntur sententiæ. Quidam enim qui sentiunt, Baptismi nauem seu arcam peccatis illisam, ita frangi, ut baptizato nullus postea eius sit usus, etiam si rursus conuertatur: iudicant aliquoties posse repeti & iterari Baptismū. Marcion enim ex contortis quibusdam Euangelij locis, finxit tertio posse uni & eidem Baptismū iterari. Secuti sunt postea alij, qui censuerunt, quia quotidie peccamus, quotidie etiam iterandū esse Baptismum: qui inde disciuerunt ἡμῶν ποσὸν ἔτι. Iudicant enim, pœnitentiam agentes non esse prohibendos à remedio salutis, quod Christus instituit. Et quia prior Baptismus, per peccatum factus sit irritus: ideo iterandū esse, ne peccator pœnitens careat illa promissione: Qui crediderit, & baptizatus

baptizatus fuerit, saluus erit. Et Pontificij quidem ab illa opinione, quod arca Baptismi per peccatum frangatur, & prorsus dissoluatur, non sunt alieni: sed tamen non censent iterandum esse Baptismum. Si queras rationem? proferunt recens & incertum commentum, de impressione characteris: & pœnitensi, quia irritus factus sit Baptismus, proponunt non hanc viam ad reconciliationem cum Deo, ut in pœnitentia per fidem redeat ad fœdus pacis, & pactum gratiæ, quod propter Christi meritum, in Baptismo Deus nobiscum iungit: sed alia ipsi proponunt remedia, ad recuperandam gratiam Dei. Viraque igitur explicatio, in examine huius Canonis necessaria est.

1. Baptismum non esse iterandum, siue post lapsum, siue post abnegationem, quando peccator ad pœnitentiam conuertitur.

2. Ostendatur etiam ex uerbo Dei, ueræ & graues causæ, quare in peccatore baptizato, agere post lapsum pœnitentiâ, Baptismum iterare nec liceat, nec necesse sit. Causæ autem seu rationes præcipuæ hæc sunt. 1. Pactum gratiæ, & fœdus pacis quod in Baptismo initur & obsignatur, non est momentaneum, nec fundatum est super arenâ uulgaris regulæ:

Frangenti fidem, fides frangatur eidem: sed est perpetuum, ita ut per pœnitentiam ad illud redire possimus: sicut in præcedentis Canonis examine



mine ostendimus. Non igitur opus est, Baptismum iterare. Deus en. in perpetuū fidelis manet in suo illo pacto. Et si iteraretur Baptismus, fieret iniuriæ fidei ipsius Dei: quasi nostra infidelitas, Dei si de euacuare posset. 2. In institutione Eucharistiæ, Christus addit: Quotiescunq; hoc feceritis. De poenitentia etiam inquit: Non dico septies, sed septuagies septies. De Baptismo uerò Scriptura nō tradit, ut quoties lapsi fuerimus, toties iteratō baptizemur. Et de Sacramentis iudicandum est ex uerbo Dei. 3. Nullū habemus in Scriptura exemplum, semel uerē baptizatos: quando post lapsum ad poenitentiam conuersi fuerunt, iteratō fuisse baptizatos. Sed Corinthijs & Galatis lapsis, Paulus proponit promissionē & consolatiōē Baptismi prius suscepti, 1. Cor. 6. & 12. Gal. 3. Sicut igitur in ueteri Testamento, post circumcisionē, lapsos quando poenitentia egerunt, nō legimus iterū circumcisos fuisse, sed quōd per poenitentiā redierint ad fœdus circumcisionis, quod perpetuum erat. Eadem ratio est Baptismi in nouo Testamento, qui in locum circumcisionis successit. 4. Augustinus in Iohannem tractatu 11. & 12. hanc urget rationem. Sicut generatio carnalis una est, ita etiam regeneratio spiritalis una est. Sicut uterus non potest repeti, sic nec Baptismus: semel nascimur, semel renascimur. qui uerò peccatis uel infirmantur, uel moriuntur, illi uel

uel sanantur, uel resuscitamus. Hæ rationes certæ firmæ & perspicuæ sunt. Præter hæc, quedam etiam alia in disputationibus ueterum recitantur ut quod Augustinus alibi inquit: Sicut semel Christus crucifixus est, sic Baptismus iterandus non est. Vna enim morte sua omnes redemit, ut amplius mori non oporteat. Quod uidens Ecclesia, intellexit non iterandum Baptismum. Solet etiam huc accommodari, quod Christus inquit Ioh. 13. Qui lotus est, non indiget lauari nisi pedes, sed est mundus totus. Quidam etiam locum Heb. 6. interpretantur de non iterando Baptismo, cum inquit: Impossibile est, eos qui semel sunt illuminati, rursus renouari, &c. Baptisma enim uocat Paulus renouationem: & ueteres uocant *πύρισμα* illuminationem. Accommodatur etiam huc locus Eph. 4. Vnum Baptisma. Sed una est, etiam fides: quæ tamen post lapsum repetitur. Eucharistia uocatur unus panis: & tamē scriptū est, Quotiescūq; &c. Priora igitur fundamenta, certiora & firmitiora sunt. Doctrina enim hæc, de non iterando Baptismo, ita tradenda est, ut non tantum disputetur, non esse iterandum, sed monstremur fontes consolationum: quod etiam post lapsum, quando rursus conuertimur, licet non iterum baptizemur, tamē reditum & receptum habeamus ad fœdus pacis, & pactum gratiæ, quod in Baptismo nobiscum initum & obsignatum est. Et propterea uolui hæc de  
expli-

explicatione XI. Canonis, hoc loco addere.

Canon. 12.

*Si quis dixerit, neminem esse baptizandum, nisi ea etate qua Christus baptizatus est, uel in ipso mortis articulo, anathema sit.*

De hac sententia, olim antiquis temporibus uaria fuerunt disputata: sed nulla nunc hac de re est controuersia. Breuiter itaq; respondēdo, nos huic Canonī non inuitos subscribere. atq; utinam omnes tales essent.

Canon. 13.

*Si quis dixerit, paruulos eo quod actum credendi non habēt, suscepto Baptismo, inter fideles computandos non esse: ac propterea cum ad annos discretionis peruenerint, esse baptizandos: aut prestare omitti eorum Baptisma, quā eos non actu proprio credentes, baptizari in sola fide Ecclesie, anathema sit.*

## EXAMEN.

Multis & magnis comemionibus & turbis, agitata est ab Anabaptistis questio de Baptismo infan-  
 tium: & utile est monstrari, explicari, sepius repeti & inculcari uera, certa, firma & illustra  
 fundamenta ex uerbo Dei, quod & quare infan-  
 tes sine baptizandi. Et in nostris Ecclesiis Padoba-  
 ptismus, diligenter & eruditè, refutatus Anabap-  
 tarum opinionibus, defensus & confirmatus est.  
 Faciunt autem & Tridentini patres, huius certa-  
 minis mentionem: sed cum explicare deberent fun-  
 damenta, quare in paruulis non differendum sit  
 Baptisma, donec ad annos discretionis peruene-  
 rint, & quare postea non sint rebaptizandi, qui in  
 infamia baptizati sunt: ipsi præterita necessaria  
 hac declaratione, litem mouent, quam tamen non  
 explicant, de fide infan-  
 tium baptizatorum, cum  
 fundamentum, quod & quare Baptismus etiam ad  
 paruulos pertineat, non sit difficilis & obscura il-  
 la disputatio, an & quomodo infantes credant. Ali-  
 lia sunt magis illustra & firma fundamenta, ex  
 quib. ueteres Baptismum paruulorum probarunt. Al-  
 legarum sanè traditione, hoc est, testimonium pri-  
 me & purioris Ecclesie, quod inde ab Apostolo-  
 rum temporibus, uniuersalis & perpetua fuit cō-  
 suetudo in Ecclesia, etiā paruulis dare Baptismum.  
 Sed nō sola uel traditione, uel uniuersali con-  
 suetudine ita nituntur ueteres, quasi propter titulum  
 traditionis,



traditionis, recipiendus: si Baptismus paruulorū, licet nullo Scripturę testimonio probari & confirmari possit: sed traditionem & consuetudinem illam ostendunt niti certis, firmis, apud & consentaneis Scripturę testimonijs. Christus enim disertis uerbis de infantibus (Lucas enim uocat τὰ βρέφη, quę in uulnibus adhuc ferebantur) pronūciat: Sinite paruulos uenire ad me, & nolite prohibere illos: talium enim est regnum cōclorum.

Non autem ita infantium est regnum cōclorū, sicut angelorum, qui sine peccato sumus in peccatis enim concipimur & nascimur, Ps. 51. Quod natiū est ex carne, caro est: Iob. 3. Caro uerō regnū Dei nō potest possidere, 1. Cor. 15. Eramus natura filij irę, ad Ephesios 2. Roman. 5. Per unius delictum in omnes homines in cōdemnationē. Ego necesse est, ut infantes à peccato, ira Dei, & damnatione liberemur, si debem heredes fieri regni cōclorū. Nemo autē à malis illis liberari potest, & ad regnū cōclorum peruenire, nisi per gratiā Dei, propter meritum Christi mediatoris. Iam Christus paruulos diserte uocat, & uult admitti ad communionem suorum meritorum. inquit enim: Sinite eos uenire ad me. Et de patris etiam uoluntate affirmat: Non est uoluntas coram patre uestro in cœlis, ut percat unus de paruulis istis: illam autem suam gratiam, Deus non sine medijs offert, exhibet, donat et applicat: sed in hunc usum, certis

instituit & ordinauit media, seu organa. Et ministerium in Ecclesia ideo instituit, ut media illa seu organa offerant & applicent omnibus illis ad quos pertinet promissio Euangelij, de gratia Dei, & salute æterna. His axiomatis, quæ certa, firma & manifesta sunt, ita constitutis, facile erit de questione proposita cōstituere. Quia enim Deus uult, infantes non perire, sed affirmat, ad illos etiam pertinere regnum cælorum: & illorū beneficiorum donationem & applicationem, uult per certa à se instituta media seu organa, uerbi scilicet & Sacramentorum fieri. Necessè igitur est, ut ex medijs illis diuinitus institutis, aliquod sit quod ad infantes etiam pertineat. Neq; enim in nouo Testamento angustior, parcior & malignior est gratia Dei, quàm in ueteri fuit, ubi circumcisio etiam ad infantes pertinebat. Ordine igitur consideremur media applicationis in nouo Testamento.

Et nuda quidem, aut sola prædicatione poenitentiae & remissionis peccatorum, cum infantibus agi non posse, manifestum est. Illi enim requirit auditum, Rom. 10. cogitationem, mediationem, Ps. 119. intellectum, Matth. 13. quæ in infantibus non inueniuntur. De cœna Domini, Paulus inquit: Probet se ipsum homo. item: Dijudicet corpus Domini id quod infanibus tribui non potest. Et cœnam suam Christus instituit pro illis, qui iam facti sunt ipsius discipuli. In ueteri etiam Testamento

memo infantes 8. die circumcidebantur, ad esum uerò agni tūc admutebātur, quando interrogare poteram: *Quæ est ista religio?* Exod. 12. Superest igitur ex medijs applicationis in nouo Testamento, Sacramentum Baptismi.

Et quæstio est, an per Baptismum infantibus regnum cœlorum applicari & obsignari possit & debeat, cum per prædicationem uerbi & Eucharistiam illud fieri non possit. Recitabo autem ex Scriptura argumenta, quæ non obscurè hoc confirmant.

1. Christus de infantibus inquit Matth. 19. Tâ-  
lium est regnum cœlorū. Sed nemo potest intra-  
re in regnum cœlorum, nisi renatus fuerit. Iohā.

3. Baptismus uerò est lauacrum regeneratio-  
nis. Tit. 3. Oportet igitur infantes baptizari, ut re-  
nascantur, & ita in regnum cœlorum, iuxta Chr-  
sti promissionem introire possint. imò Christus  
inquit: Nisi quis acceperit regnum Dei, uelut par-  
uulus, non intrabit in illud. Marci. 10. Adultus uerò  
nemo negat, quo minus renascantur ex aqua &  
spiritu, ut introeant in regnum cœlorum. Iohā. 3.  
Ergo nec infantibus negandum est. Adulti enim  
accipiunt regnum Dei, sicut infantes, iuxta Chri-  
sti sententiam.

2. Non est uoluntas patris coelestis, ut infan-  
tes pereant. Matt. 18. Ergo uult eos saluare. Deus  
uerò saluat non sine medijs, sed per lauacrum re-

q 3 generationis

generationis. Tit. 3. Sunt igitur baptizandi infantes.

3. Qui habet peccata, ei ne pereat, necessaria est remissio peccatorum. Illa autem cōfertur, per media diuinitis ad hoc ordinata. Iam Acto. 2. Petrus inquit: Baptizetur unusquisque in remissionē peccatorum. Ergo infancibus ne pereant, dandus est Baptismus in remissionem peccatorum.

4. Christus uult & iubet infantes sibi offerri, & ad se adduci, Matt. 18. Non autem possumus corporaliter & uisibiliter Christo, in ulnas infantes ponere. De Baptismo uerò Paulus inqt: Quotquot baptizantur, Christum induunt. Gal. 3. Et Rom. 6. Qui in Christum baptizantur, in mortem eius baptizantur: consepeliuntur cū ipso, & in uititij fiunt ipsi. Rom. 6. Quia igitur non est dubium infantes esse ad Christum adducendos (hoc enim ipse fieri & uult & iubet) & tantum questio est, quomodo hoc fieri possit. Scriptura uerò mōstrat certam rationem, quomodo possimus infantes eō adducere, ut Christum induant, per Baptismū scilicet. Sequitur ergo, uoluntatem & mandatū Christi esse, ut baptizemur infantes, hoc est, sibi adducamur: & pronunciat, talium qui ad se adducuntur, esse regnum cœlorum.

5. Christus uult infancibus benedicere, Mar. 10. hoc est, ipsis communicare sua merita, ad salutem. hac enim uera est benedictio. Gen. 22. Gal. 3.

Eph. 1.



Eph. 1. Baptismus uerò est medium, seu organon per quod fit communicatio beneficiorum Christi. Nam per Baptismum Christus mundat & sanctificat. Eph. 5. Baptizamus in mortem eius. Rom. 6. Baptisma saluat per resurrectione Christi. 1. Pet. 3. Infantes igitur sum baptizandi, ut ipsis communicetur benedictio, hoc est, participatio meritum Christi.

6. Christus cū inquit, Sinite eos uenire ad me: uult infantes fieri sua membra, hoc est, Ecclesie membra, cuius ipse caput est. Illi enim qui ad Christum uen. unt, sunt uera membra Ecclesie. Ioh. 6. Sed baptizamus in unum corpus. 1. Cor. 12. Et Christus Ecclesiam suam sanctificat, & mundat lauacro aque in uerbo. Eph. 5. Sum ergo infantes baptizandi, ut fiant membra Ecclesie, ubi caput est Christus.

7. Pro quibus Christus se tradidit, ut eos glorificet, illos sanctificat, & mundat lauacro aque in uerbo. Eph. 5. Sed pro infamibus etiā mortuus est: quia pro omnibus mortuus est. 2. Cor. 5. Heb. 7. Et talium est regnū celorum, Matt. 19. Ergo & infantes sanctificat, & mūdat lauacro aque, in uerbo.

8. Bonum est Augustini argumentum, qui ex circumcisione colligit, infantes in nouo Testamento baptizandos esse. Baptismus enim successit in locum circumcisionis. Col. 2. Et idem est fœdus pacis et pactū gratiæ, utrobique. Et quia illius fœderis

ratio, quod ad infames attinet, Apostolis ex ratione circumcisionis iam nota erat: ideo Christus contentus fuit generali mandato, de Baptismo: nec opus iudicauit, de infantibus peculiariter aliquid præcipere. Nam nec fœmellarum peculiaris fit mentio, sed sententiæ Matt. 28. Marci 16. utuntur genere masculino: & tamen ex caussa, ratione & sine institutionis, rectè iudicatur etiam fœminas baptizandas.

9. Vniuersale mandatum est, de baptizandis omnibus qui non sunt condemnandi, sed saluandi: Matt. 28. Marci 16. Sed inter eos quos Deus non uult perire, sed saluari, sunt etiam infantes. Matt. 18. Ergo mandatum baptizandi, pertinet etiam ad infantes.

10. De tempore noui Testamenti, uaticinatur Isaias cap. 49. non adultos tantum fore membra Ecclesiæ, sed inquit: Ad populos exaltabo signum meum, & afferent filios tuos in ulnis, & filias tuas super humeros portabunt. Et Acto. 2. Cum Petrus dixisset: Baptizetur unusquisq; in remissionem peccatorum, & accipietis donum Spiritus sancti: addit, Vobis est promissio illa, & liberis uestris. Ita Acto. 16. & 1. Cor. 1. leguntur baptizatae totæ domus, hoc est, integræ familiæ: ad quas certè infantes etiam pertinent.

Hæ demonstrationes ex Scriptura, sunt certæ & firmæ, infantes non esse prohibendos à Baptis-

mo. Deinde accedit uniuersalis consuetudo Ecclesie catholice, quæ iam inde ab Apostolorum temporibus, semper etiam infamibus Baptismum communicauit. Fundamentum igitur pædobaptismi, non est difficilis, et obscura illa disputatio de fide infantium. Sed inter argumenta, quæ post constitutam ueram sententiam opponi et obijci solent, illa sunt præcipua, quod scilicet in institutione Baptismi, bina illa coniunguntur, 1. docere et baptizare. 2. credere et baptizari. Neutrum autem, uel doceri uel credere, uidetur infantibus conuenire. Et ad prius quidem respondetur: uerum et certum est, Christum coniungere doctrinam seu uerbum, et Baptismum. Nō enim uel uulgaris uel muta est lotio, Baptismus: sed est lauacrum aquæ in uerbo, Eph. 5. Et est obsignatio promissionis Euangelij. Baptismus igitur esse nec potest, nec debet sine uerbo, sicut Augustinus inquit: Tolle uerbum ex Baptismo, et quid erit aqua, nisi aqua? Vbi igitur uerbum Euangelij nec prædicatum nec susceptum est, ibi non debet Baptismus administrari suis adultis, siue infantibus. Baptismus enim est obsignatio doctrinæ Euangelij. Non autem sequitur inde, infantibus denegandum esse Baptismum. Est enim pars doctrinæ Euangelij, quod etiam infantes pertineant ad promissionē noui Testamenti. Acto. 2. ad Ecclesiam, Isa. 49. et ad regnum cælorum, Matth. 19. igitur et illa pars doctrinæ, per

Baptismum obfignanda est in infamibus.

Et pædobaptismus non est balneum, sine uerbo sed est lauacrum aque in uerbo: scilicet promissionis de gratia patris, de mundatione filij, & sanctificatione spiritus, per & propter meritum Christi mediatoris. Connexio igitur uerbi & Baptismi est, seruator & manet etiam in pædobaptismo: & ita satis fit institutioni. Si uerò quis instet, Baptismū nō tamū debere esse lauacrū aque in uerbo, sed etiā docendos esse eos qui baptizantur: respōdeo. Idē etiam in institutione circumcisionis fuit, unde simplicissimē potest hæc obiectio explicari. Deus enim Gen. 17 prius docet, Abrahamū, priusquā circumcidatur. Et nō est dubiū, ipsum Abrahamū præmisisse doctrinā, priusquam Ismaelē & reliquos domesticos circumcideret: sicut inquit Deus Gen. 18. Scio quod præcepturus sit filiis suis & domui suæ, ut custodiant uia Domini. Et utrunq; præceptū erat in ueteri Testamēto, ut filios suos & docerēt, Deut. 4. 6. et 11. et circumciderent, Gen. 17. Et in adultis quidē doctrina præcedebat, & circumcisio sequebatur: Gen. 17. Paruuli uerò iubentur circumcidi octauo die, Gen. 17. doceri uerò iubentur, quando possunt interrogare: Quid sibi uolūt testimonia hæc? Deut. 6. Et tamen fuit circumcisio in uerbo, etiam quando paruuli octauo die circumcidebantur, licet postea primū pueri facti docerentur. Et Deus ipse iudica-

uit,



nit, institutioi suæ satisfieri, etiamsi in paruulis nō  
posset præcedere institutio: modò circumcisio fie-  
ret in uerbo, & institutio suo tēpore sequeretur.

Hæc explicatio ualde euidens est, non tantum  
propter similitudinem circumcisionis & Baptis-  
mi, sed præcipuè quia in nouo Testamento, eo lo-  
co est Baptismus, quo in ueteri fuit circumcisio.  
Col. 2. Et quia illud ex ratione, circumcisionis, A-  
postolis tunc notissimū erat: ideo Christus de Ba-  
ptismo paruulorū nihil peculiariter tradidit, sed  
cōtemus fuit generali mādato, de baptizandis om-  
nibus, qui saluādi essent. Ex Apostolorū etiā scri-  
ptis illud colligi uidetur. Paulus Ephes. 6. scribens  
Christianis parentibus, quomodo educare debeāt  
liberos suos, qui eo ætatis iā peruenerunt, ut pos-  
sint parentibus obedire, præcipit de institutione  
Domini: non autem addit, postea primū esse ba-  
ptizandos. Ita etiam Iohannes cap. 2. p. oris epi-  
stole, Christianam institutionem distribuit, 1. pro  
patribus 2. pro iuuenibus 3. pro pueris 4. pro par-  
uulis. quos uocat *ωκυθία*, quando scilicet primū  
posunt doceri. non autem addit, tunc primū  
& postea esse baptizandos. Paruulos igitur suos  
primū in uulnis adduxerunt Christo, ut fierent filij  
Ecclesiæ, iuxta uaticiniū Isai. 49. Luc. 18. & po-  
stea suo tempore secuta est institutio Christiana.  
Atq; ita iudicarunt satisfieri institutioni Christi,  
de docendo & baptizando.

Alterum uerò argumentum propriè pertinet ad explicationē huius XIII. Canonis. quē nūc tractamus: Quia scilicet Christus coniungit, credere & baptizari: an & quomodo infantes qui baptizantur, credam. Et ego sanè, qui simplicitatem amo, etiamsi nec intelligam, nec explicare possim, quomodo infantes qui baptizantur, credant: iudico tamen, sufficere firmissima illa testimonia suprà explicata, infantes esse baptizandos. Neq; enim ab illis propterea discedendum est, si nō possim uel intelligere, uel explicare, quomodo credāt infantes: exigit tamen explicatio huius Canonis, ut de disputatione illa quædam dicamur. Sum igitur Scripturæ sententiæ: Qui non crediderit, condemnabitur. Qui non credit, iam iudicatus est. Qui incredulus est filio, ira Dei manet super illum: omnis autem qui credit in eum, non perit, sed habet uitam æternam. Qui crediderit, & baptizatus fuerit, saluus erit. Sine fide impossibile est placere Deo, &c. iam quia infantes qui baptizantur, non pereunt: sed illorum est regnum cælorum: quæstio est, an infantes qui baptizantur, dicendi sine credere uel non credere, habere fidem uel nō habere, an inter fideles uel infideles numerandi sint. Et quidam simpliciter disputant, omnes illas & similes Scripturæ sententias, tantum ad adultos pertinere, non autem ad infantes, quos sentiūt gratia quidem Dei saluari, sed sine fide: nec ta-

men uolunt, infantes baptizatos inter incredulos numerari. Cogimur itaq; sine Scriptura auctoritate, fingere medium aliquod inter fidem & incredulitatem, inter fideles & incredulos. Huic uerò opinioni assentiri non possum. Scriptura enim sementia de fide, uniuersales sunt. Et immediate contraria sunt, fides & incredulitas. fideles & infideles. Nec ad illum locum, ubi Baptismus gentibus communis instituitur, conuenit talis interpretatio: Qui crediderit, & baptizatus fuerit, saluus erit: qui uerò non crediderit, condemnabitur. hoc est, qui adulti fuerint: infantes uerò, quæ maxima pars est eorum qui nunc baptizantur, non credunt: & tamē cum sine fide baptizantur, non condemnantur sed saluantur.

Simplicior igitur, uerior & sanior est Augustini sementia, qui de uerbis Apostoli, Sermonem 14. post allegatam Christi sementiam. Qui non crediderit, condemnabitur: interrogat Pelagianum: ubi ponis paruulos baptizatos? Profectò in numero credentium. Nam ideo & consuetudine Ecclesie antiquæ, canonica, fundatissima, paruuli baptizati fideles uocantur. Inter credentes igitur paruulos baptizatos numerabis: nec iudicare ullo modo aliter audebis. si non uis esse aperte hereticus. Et hanc sementiã Augustinus alibi sæpe repetit.

Sed iam oritur quæstio multò difficilior & obscurior, quomodo infantes credant: siue, quæ

#### 34. EXAMEN DECRETORVM

lis sit fides paruulorum. De adultorum enim fide, res est non obscura. Est enim & oritur ex auditu, cogitatione, meditatione & apprehensione uerbi predicati: est assensio in mente, fiducia in uoluntate, qua cor erigitur et quietatur. Credēs scit se credere: uult, et conatur fidē retinere, et subinde crescere: luctatur cū dubitatione, diffidētia & trepidatione: exerit efficaciam suam signis, & testimonijs externis, &c. Si ergo quæritur, an infantes qui baptizantur, hoc omnino modò credant: an hæc prorsus sit ratio fidei in paruulis baptizatis? Augustinus respondet negatiuē. inquit enim epistola 23. paruulum, etsi nondum fides illa quæ in credendum uoluntate consistit, iam tamen ipsius fidei Sacramentū fidelem facit. Ibidem fidelis uocatur, nō ad rem ipsam mente annuendo, sed ipsius rei Sacramentum percipiendo.

Tractatu in Ioh. 80. Et contra Donatistas lib. 4. cap. 24. dicit, paruulos baptizatos nondum posse corde credere ad iusticiam, & ore cōfiteri ad salutē. Epist. 57. ad Dardanū inquit: Scire diuina paruulos, qui nec humana adhuc nouerunt, si uerbis uelimus ostēdere, uereor ne ipsis sensibus nostris facere uideamur iniuriā, quando id loquēdo suademus, ubi omnes uires officiumq; sermonis, superat euidentia ueritatis, &c.

De peccati meritis lib. 1. cap. 19. dicit, paruulos baptizatos nondum habere sensum fidei. Et hoc



est, quod in usitata questione dicitur: An parvuli actu credant. Quæ questio si hoc modo ut Augustinus explicat, intelligatur, manifestum est, quid sit respondendum. Nec tamen ideo d. cendum est, parvulos baptizatos, quia non possunt eo modo actu credere, sicut adulti: propterea ipsos nullo modo credere, aut nulla ratione illis posse fidem dari à Deo. Sic enim nesciunt Spiritum sanctum, quavis sit in eis (inquit Augustinus) sicut nesciunt et mentem suam, imò vitam suam: nec tamen ideo dendum est, ipsos nec mentem nec vitam habere. Laborat igitur Augustinus, ut aliquo modo ostendat, quomodo parvuli dum baptizantur, credant: ne lusus sit, quando qui infancem ad Baptismum offerunt, rogati respondent: Credit. Et in multis sanè locis disputat, parvulos baptizari aliena fide, vel parentum, vel gestantium et offerentium, vel totius Ecclesiæ. Sermone 14. de verbis Apostoli: epist. 23. 57. 105. Contra Donatistas libro quarto, capite 24. etc.

Et hoc quidam ita interpretantur, quasi nulla planè sit Dei actio, nulla fiat operatio Spiritus sancti in parvulo dum baptizatur: sed alius baptizetur, alios uerò credat: et aliena illa fides parvulo, in quo Spiritus sanctus nihil planè operetur, impetatur ad iusticiam et salutem. Sed hæc sententia, Scripturæ non est consentanea. Hoc quidem verum est, aliena fide impetrari sæpe alijs corporalia beneficia:

beneficia: ut in historia Cananæ. Potest & hoc aliena fides oratione aliquando impetrare, ut impius per gratiam Dei conuertatur, illuminetur & propria fide donetur. Nemo autem ipse carens et destitutus fide, potest iustificari & saluari alterius fide. Iustus enim sua fide uiuet, Rom. 1. Credenti fides imputatur ad iusticiam, Rom. 4. Nusquam autem Scriptura tradit, alterius fidem, si ego sim sine fide, mihi imputari ad iusticiam.

Et existimo Augustinum non hoc sensisse, quod Spiritus sanctus in paruulis, dum baptizantur, planè nihil operetur. His enim uerbis sententiam suam explicat Epist. 57. Dicimus ergo, in Baptizatis paruulis, quamuis id nesciant, habitare Spiritum sanctum. Sic enim eum nesciunt, quauis sit in eis, quemadmodum nesciunt & mentem suam, cuius in eis ratio, qua uti nondum possunt, ueluti quedam scintilla sopita est, excitanda etatis accessu. Et cum ostendisset, in quibusdam etiam adultis, hoc nescientibus habitare Spiritum sanctum: addit: Habitare autem ideo & in talibus dicitur, quia in eis occultè agit, ut sint templum eius: id quod postea perficit in proficientibus, & proficiendo perscuerantibus.

Et de Peccat: meritis lib. 1. ca. 33. Vbi ergo paruulos ponimus baptizatos, nisi inter fideles? sicut uniuersæ ubiq; Ecclesiæ clamat autoritas. Ergo inter eos qui crediderunt: hoc en. in eis acquiritur

per

per uirtutem Sacramenti, & offerentium re-  
sponſionem.

Ibidem cap. 25. Paruuli per Sacramētum, quod  
ad hoc diuinitus institutum eſt, in credentium nu-  
merum tranſeunt.

Et ca. 19. inquit: Totum hoc in ſpe ſit, ui Sacra-  
menti & diuinę gratiæ, quam Dominus donauit  
Eccleſiæ.

Et epiſtola 23. quomodo paruulus, qui baptizā-  
dus offertur per officium alienę uoluntatis, rege-  
nerari poſſit, ita explicat: Non eſt ſcriptum: Niſi  
quis renatus fuerit ex parentum uoluntate, aut ex  
offerentium, uel miniſtrantium fide: ſed niſi quis  
renatus fuerit ex aqua & ſpiritu. Aliena igitur fi-  
des offert paruulum ad Baptiſmum, & ibi aqua  
forinſecus exhibet Sacramentum gratiæ: ſpiritus  
uerò intrinſecus operatur beneficium gratiæ. Re-  
generans ergo ſpiritus in maioribus offerentibus,  
& paruulo oblato renatoq; communis eſt. Et per  
hanc ſocietatem unius eiſdemq; ſpiritus, prodeſt  
offerentium uoluntas paruulo oblato. Hec ſenien-  
tia manifeſtè oſtendit, Auguſtinum non ſenſiſſe,  
paruulos baptizatos regenerari aliena fide, uel  
parentum, uel offerentium, uel Eccleſiæ: ſed quòd  
aliena fides, quę ſtatuit, promiſſionem Euangelij  
etiā ad paruulos pertinere, offerat paruulū ad  
Baptiſmum: in quo donetur paruulo Spiritus ſan-  
ctus, operans intrinſecus, & occultè, in paruulo.

Sicut in alia quadam sententia, quam A lensis citat, Augustinus inquit: Fides datur & nutritur in Baptismo. Hanc simplicissime iudico esse Augustini sententiam: & ita Lutherus etiam eam explicat. Nam de captiuitate Babylonica disputans, an paruuli possint habere fidem? responderi: Hic dico quod omnes dicunt, fide aliena eorum qui offerunt eos, paruulis succurri. Et hoc mox declarat: Sicut uerbum Dei potens est, dum sonat, etiam impij cor immutare, quod non minus est surdum & incapax, quam ullus paruulus: ita per orationem Ecclesie offerentis & credentis, paruulum existimat in Baptismo, fide infusa mutari, mundari, & renouari, &c.

Et quomodo hoc simplicissime intelligi possit, explicatur in formula concordie, inter Theologos Saxonie & superioris Germanie, anno Domini 1536. constituta: quod scilicet, quando dicimus infantes credere, aut fidem habere, non sit imaginandum, infantes intelligere aut sentire motus fidei: sed reijcitur error illorum qui imaginantur, infantes baptizatos placere Deo, & saluos fieri, sine actione aliqua Spiritus sancti in eis: cum Christus clare dicat, Nisi quis renatus fuerit ex aqua & spiritu. Et semper cum remissione peccatorum datur Spiritus sanctus. Nec quis potest Deo placere, sine Spiritu sancto: Rom. 8. Cum ergo certum sit, infantes baptizatos esse membra Ecclesie,

& pla-



Et placere Deo: certū et hoc est, Spiritū sanctum  
 in eis efficacem esse: Et quidem ita efficacē, ut re-  
 gnū celorū, hoc est gratiam Dei, et remissionem  
 peccatorū accipere possint. Christus enim expres-  
 se hoc affirmat, Marci 10. Amen dico uobis, nisi  
 quis acceperit regnū Dei sicut paruulus, nō intra-  
 bit in illud. Paruulis igitur qui Christo offerūtur,  
 nō tamū offerri et donari regnū Dei, uerū etiam  
 eos accipere illud, ex hac Christi semētia certum  
 est. Animalis autē homo nō accipit illa quæ sunt spi-  
 ritus. 1. Cor. 2. Ergo oportet Spiritū sanctū in in-  
 fantibus qui baptizantur, efficacem esse, et opera-  
 ri, ut regnū Dei quod in Baptismo offertur et do-  
 natur, accipere possint, suo quodāmodo, nobis nec  
 satis cognito, nec explicabili. Effunditur autē spiri-  
 tus regenerationis, et renouationis, in eos qui ba-  
 ptizantur: Tit. 3. Ergo et in infantes effunditur.  
 Et licet nec satis intelligamus, nec uerbis explica-  
 re possimus, qualis sit illa Spiritus sancti actio et  
 operatio in infantibus qui baptizantur: esse tamē,  
 et fieri ex uerbo Dei, certum est. Illam autem  
 actionem seu operationem Spiritus sancti in infan-  
 tibus uocamus fidem, et dicimus paruulos crede-  
 re. Illud enim mediū seu organon, quo regnū Dei  
 quod in uerbo et Sacramētis offertur, accipitur,  
 Scriptura uocat fidē: et credētes dicit accipere re-  
 gnū Dei. Et qdē Mar. 10. Christus affirmat, adultos  
 ita accipere regnū dei, sicut paruuli illud accipiūt.

Et Matth. 18. inquit: Qui scandalizauerit unū ex pusillis istis qui in me credunt. Et inter pusillos istos, etiam *et ad id* puerulum numerat. Præterea circumcisio in genere uocatur signaculum iusticiæ fidei, Rom. 4. Quod si infantibus circumcisis tribuitur iusticia fidei: ergo etiam ipsa fides illis tribuitur. Hanc iudico esse simplicissimam sententiam, de difficilima et obscurissima illa questione: quod scilicet infantes in Baptismo, non fiat sancti et salui, sine actione et operatione aliqua Spiritus sancti in ipsis. Accipere enim ipsos regnū Dei, ipse filius Dei affirmat: id quod sine operatione Spiritus sancti, fieri non potest. Et Spiritum sanctum in infantibus, nondum ratione utentibus, hoc efficere posse, licet modus et ratio à nobis nec comprehendi, nec explicari possit, non est dubiū: sicut manifesto exemplo in Iohanne baptista, ostendit. De eius enim exultatione angelus inquit: Replebitur Spiritu sancto, adhuc in utero matris. Singulare sanè illud exemplum, non facit regulam communem: ostendit tamen, Spiritum sanctum etiam in infantibus operari posse.

Scholastici uerò et Pontificij scriptores, questionem hanc per se obscuram et difficilem, uarijs suis disputationibus magis adhuc intricatam reddiderunt. Quidam enim disputant, in Baptismo, in pueris nondum ratione utentibus, nullas infundi uirtutes, nec secundum actum, nec secundum

dum habitum, nec secundum radicem: sed in adulta demum etate, quam infra 30 annum constituunt, eas conferri: uel si in infanzia moriantur, & baptizati: sine, in separatione animæ à corpore, uirtutes illis conferri. Alij disputant, in Baptismo conferri nec habitus, nec actus uirtutum, sed radicem earum, quæ sit gratia. Alij radicem illam faciunt characterem Baptismi: & eius radicis ramos progressu etatis fieri habitus uirtutum, ex quibus sequamur suo tempore actus. Tertij opinamur, in paruulis baptizatis infundi habitus uirtutum, non autem actus, seu quo ad usum. Relinquuntur autem illæ opiniones in medio, in constitutione Innocentij de Baptismo, cap. Maiores. Clemens uerò postea, in concilio Viennensi, postremam opinionem probabiliorē iudicauit. Quid uerò Tridentini nostri? Primum anathemate damnant, si quis dixerit paruulos qui baptizantur, habere actum credendi. Quod si intelligant actum credendi, sicut supra in Augustini sententia explicauimus, non pugno.

Si uerò hac particula simpliciter negare uolumus, in paruulis qui baptizantur, omnem actionē & operationem Spiritus sancti: certè contradicendum est. De habitu fidei, nullam faciunt mentionem. Opinio igitur illa, quæ in Viennensi concilio probabilior iudicata fuit, Tridentinis patribus ita sordet, ut nullam eius mentionem facere dignemur:

dignentur: cū quidē exprofeſſō, de infanib. tracta-  
tio instituta ſit in hoc. XII I. Canone. Et tamē nō  
ſemini, paruulos ſine fide baptizari: ſed dicunt,  
ipſos in ſola fide Eccleſie, baptizari. Quod ſi ita  
intelligunt, ſicut uerba ſonant, quōd in Baptiſmo,  
in paruulis, nulla prorsus fiat diuina actio ſeu ope-  
ratio Spiritus ſancti: falſum eſſe oſtendimus. Sed  
uideo, totum hunc Canonē ſtudio quodam ambi-  
guē & prolixē eſſe poſitum. Volui igitur totam  
diſputationē ſimpliciter explicare. Videntur enim  
doctrinam noſtrarum Eccleſiarū, de fide infantiū  
obliquē uoluiſſe perſtringere, ut ſcilicet axioma  
illud obtineant: Sacramenta conferre gratiā, ſine  
fide utemur. Si uerō Canonē illū, tantum Anabapti-  
ſtarū opinionibus oppoſuerunt: ſciunt, nos ab A-  
nabaptiſtarum ſecta aliēniſſimos eſſe.

Canon. 14.

*Si quis dixerit, huiusmodi paruu-  
los baptizatos, cū adoleuerint, interro-  
gādos eſſe, an ratū haberi uelint, quod  
Patrimi eorū nomine, dū baptizaren-  
tur, polliciti ſunt: & ubi ſe nolle reſpon-  
derint, ſuo eſſe arbitrio relinquendos:  
nec alia interim pœna ad Chriſtianā  
uitam cogēdos, niſi ut ab Euchariſtia,  
aliorumq;*



aliorumq<sup>ue</sup> Sacramentorū perceptione  
arceantur, donec resipiscant, anathe-  
ma sit.

Sententia quę in hoc Canone taxatur, Erasmo  
tribuitur: & quidē, si tantū exigeret ab adultis pu-  
blicā & liberā confessionē eius fidei, in quā paruu-  
li baptizati sunt, nihil haberet incōmodi: formula  
etiā interrogationis excusari posset. extat enim,  
& quidē ferē durioribus uerbis, Iosue 24. Optio  
nobis datur: eligite hodie quod placet, &c. Sed ta-  
mē sicut in hoc Canone semētia illa recitatur, no-  
lim eam defendere. Illis enim qui in infantia bapti-  
zati sunt, cū adoleuerint, nō libera proponēda est  
optio, utrū ratū habere uelint quod in Baptismo  
ipsorū actū fuit: quasi pactū gratię, & fœdus pa-  
cis, quod paruulis Baptismo offertur, & ob signa-  
tur, tunc primū incipiat ratū fieri, quādo cōsen-  
sus uoluntatis adultę accesserit. Ex hoc enim pra-  
uo fundamento, Anabaptistę simpliciter sustule-  
rūt & damnauerūt pædobaptismū. Sed cōmonefi-  
ciēdi sunt tales paruuli baptizati, cū adoleuerint,  
quale pactum gratię, & fœdus pacis; Deus in Ba-  
ptismo cū ipsis inierit, & qua promissione grati-  
tudinis, ad obedientiam se uicissim Deo, cū abre-  
nunciatione Sathane obligauerint: et seriō exhor-  
tandi sunt, ut pro illo ingenti beneficio, Deo grati-  
as agāt: in fœdere illo pacis maneāt, et obligationi  
illi,

illi, mortificatione peccati & inchoatione nouæ uitæ satisficere studeant: idq; uoluntariè & ex animo faciant. aut si ex ingratitudine, à fœdere illo, & ab obligatione illa discesserunt, ut pœnitentiam agant, & ad fœdus redeant, stipulatæq; obediencia se rursus subijciant. Secus uerò facientibus proponendæ & exaggerandæ sunt seuerissimæ cõminationes iræ et indignationis diuinæ: quibus clauis ligans, retinendo & alligando peccata, excõmunicationem addere debet. Hæc enim sunt arma militiæ nostræ. 2. Cor. 10.

Coactionem uerò ad fidem, quæ per externam uim, & corporales pœnas fiat, Ecclesia Christi ignorat: quæ tantum habet gladium spiritus. Politico uerò magistratui alter, corporalis scilicet gladius, à Deo commendatus est: quo, si pius est, uti potest & debet, sicut ad reliqua scelera, ita etiam ad publicas, externas & notorias blaspheurias, præcipuè si seditio accesserit, puniendas: sicut Deus, lata peculiari lege, Magistratui populi Israel hoc præscripsit & mandauit, Deut. 13. Sed Tridentini missimi patres, ideo forsan non sunt comenigladio spiritus, sed alia præterea pœna cogere uolunt discedemes à pacto Baptismi, ut semper in promptu habeant paratas faces, quibus accendere possunt & rogos & funesta bella, si quis non in omnia ipsorum placita irare uelit.

## DE CONFIRMATIONE.

## Canon. 1.

*Si quis dixerit, Confirmationem baptizatorum ociosam ceremoniam esse, & non potius uerum & proprium Sacramentum: aut olim nihil aliud fuisse, quàm catechesim quandam, qua adolescentia proximi, fidei suarationē coram Ecclesia exponebant, anathema sit.*

## Canon. 2.

*Si quis dixerit, iniurios esse Spiritui sancto, eos qui sacro Confirmationis chrismati uirutem aliquam tribuūt, anathema sit.*

## Canon. 3.

*Si quis dixerit, sanctæ Confirmationis ordinarium ministrum, non esse solum Episcopum, sed quemuis simplicem sacerdotem, anathema sit.*

## EXAMEN.

Ut tota disputatio de Confirmatione, breui & commodiori ordine explicari possit, primò recitabimus, quæ sit Pontificiorū doctrina, & sententia de Confirmatione. 2. ostendemus, quomodo illa Pontificiorū doctrina & sententia, Scripturæ uel cōsentiāt, uel repugnet. 3. dicemus quædam de sententijs, quæ ex ueterum scriptis pro Confirmatione allegantur. Postremò Canones examinabimus: et repetemus, quomodo Ecclesiæ nostræ iudicent ritum Confirmationis piè, & cum fructu ad edificationē posse in Ecclesia obseruari & usurpari. Primum igitur quæ sit Pontificiæ ecclesiæ de sua Confirmatione doctrina & sententia, ex ipsorū ueteribus & recentioribus scriptoribus, in unam summam, quā fieri poterit breuissimè colligam: & quidē ipsorum uerbis, ut maiorem fidem habeat narratio, recitabo. Sicut ergo uera Sacramenta, qualia sunt Baptismus & cœna Domini, habent certam materiā & peculiārē formam (ita enim uerbum cuiusq; Sacramenti proprium appellant:) ita etiā Confirmationi suæ, certam deputant materiam, scilicet oleū: & illud nō simplex, nec uulgare, neq; quale est oleum sanctificatum, quod uocant catechumenorum & infirmorum: sed chrisma, hoc est, oleum oliuæ cum balsamo, certa proportionē seu λόγον mixtum. Nec uerò simpliciter tantum requirunt mixturam olei



balsami, sed oportet chrisma illud recens esse: hoc est, singulis annis, certo anni die ab Episcopo, pro certis et præscriptis exorcisandi et benedicendi formulis consecratum esse: aliàs enim non putatur esse Sacramentum. Formam uerò Confirmationis, tradunt esse hæc uerba: Signo te signo crucis, et cōfirmo te chrismate salutis, in nomine Patris et Filij et Spiritus sancti. Et ipsam Confirmationem definiunt esse inunctionem siue illinitionē chrismatis consecrati, quæ fiat ab Episcopi pollice, in fronte hominis baptizati: non in ipsa actione Baptismi, sed postea in peculiari Sacramento, per modum seu figuram crucis, cum pronuntiatio ne illorum uerborum: Signo te signo crucis, et c. In ipsa uerò actione, addumur conceptis uerbis alie etiam orationes: et dicitur, Pax tecū. Et post illam delibationem, Episcopus pollice primum chrismatum, tota deinde manu, alapā in faciē cedit. Frons uerò unguēto delibuta, panno albo qui septimo post die deponitur, circumcingitur, ne recens unctio uel defluat, uel deleatur. Et tandem commendatur susceptoribus. Hæc est actio Confirmationis.

Præcipuum uerò caput huius controuersie illud est, quomodo de efficacia huius sue Cōfirmationis loquatur. Et nō potest breuiori cōpendio, tota illa disputatio proponi, nec rectius intelligi, quàm si hoc consideretur, quod in hac illorum doctrina

doctrina, perpetua est antithesis Baptismi & Cōfirmationis: ita ut quicūq; effectus tribuuntur Cōfirmationi, eo ipso denegentur & detrahātur Baptismo. Quomodo enim & quare Sacramentum Confirmationis fingant excellentius, dignius & maius esse, quod maiori reuerentia uenerandum & tenendum sit (hæc enim sunt ipsorum uerba) quàm ipse Baptismus: partim sumunt ex ratione ministri, per quem perficitur & administratur, quem oportet Episcopum esse: præcipuè uerò sumunt illud ex effectibus, qui sunt præstantiores quàm ipsius Baptismi. Recitant igitur ex Apocryphis, & commemoratijs uetustissimorum Romanorum pontificum scriptis, tales sententias. Urbanus dicit: Omnes fideles per manus impositionem Episcoporum, Spiritum sanctum post Baptismum accipere debent, ut pleni Christiani inueniantur. Et pergit Confirmationi tribuere has operationes spiritus: ut scilicet efficiamur spirituales. Animalis enim homo non percipit ea quæ sunt spiritus Dei: ut cor dilatetur ad prudentiam & constantiam: ut sapiamus bonum malumq; discernere, malicie repugnare, prauis cupiditatibus resistere: ut amore uitæ æternæ succēsi, mentem à terrenis ad superna & diuina erigere ualeamus. Hæc Urbanus. Et meminerit lector, statum disputationis hūc esse, quid Confirmatio conferat, quod Baptismus non habeat. Clemens ipsorum dicit, baptizatum per

per Confirmationem demum percipere septiformem gratiam Spiritus sancti: et aliter perfectum Christianum esse nequaquam posse, nec sedem habere inter perfectos, etiamsi baptizatus fuerit, nisi sit chrismate ab Episcopo consignatus. hæc Clemens. Septiformem autem gratiam Spiritus intelligunt, sicut solent numerare septem dona Spiritus. In Confirmatione enim, sic inter alia orat Episcopus super confirmandum: inmitte in eum Spiritum sanctum tuum, septiformis gratiæ tuæ paracletum, de cælis: spiritum sapientiæ et intellectus, spiritum consilij et fortitudinis, spiritum scientiæ et pietatis: et imple eum spiritu timoris tui: et signa eum signaculo crucis sanctæ, propiciatus: et spiritum sanctum non amittat, in vitam æternam.

Et ex Cypriani quodam suppositicio sermone de chrismate hæc uerba transsumunt: Ex hoc humore constat descendere omnes gratiarum diuisiones, quas Spiritus sanctus, prout uult, singulis distribuit et largitur. Ex huius unctionis beneficio, et sapientia nobis, et intellectus diuinitus datur: consilium et fortitudo cælitus illabitur: scientia, et pietas, et timor inspirationibus supernis infunditur. Hoc oleo uncti, cum spiritualibus nequitijs colluctamur: ne foetoribus spurjijs imbui possimus, qui balsami spiritualis odore fragramus.

Accommodant etiam ad suam confirmationem, quod Cyprianus habet epist. 12. lib. 1. Vngi quoque  
necesse

necesse est eū qui baptizatus sit, ut accepto chris-  
 mate, esse unctus Dei, & habere in se Christi gra-  
 tiam possit. Et lib. 2. epist. 1. Tunc denum planē  
 sanctificari, & esse filij Dei possim, si utroque Sa-  
 cramento, Baptismi scilicet & impositionis ma-  
 nuum nascantur. Semper autem meminerit lector,  
 fieri antithesin inter efficaciam Baptismi, & in-  
 ter uirtutem Confirmationis: ut ea quæ Confirma-  
 tioni tribuuntur, in Baptismo dari & accipi negē-  
 tur. Ita conciliū Laodiceū canone 48. inquit: O-  
 portet baptizatos post Baptismū, sacratissimum  
 chrisma percipere, et cœlestis regni participes fie-  
 ri. Cornelius apud Eusebiū li. 6. ca. 46. dicit, Noua-  
 tū licet baptizatus fuerit, tamē q̃a signaculo chris-  
 matis postmodū consumatus nō fuerit, ideo non  
 potuisse unquā Spiritū sanctū consequi. Melchias  
 de Consecra. dist. 5. Spiritus sanctus in Baptis-  
 mo pulchritudinē tribuit ad innocentia, in cōfir-  
 matione augmentū præstat ad gratia: in Baptismo  
 regeneramur ad uitā, post Baptismū cōfirmamur  
 ad pugna: in Baptismo abluimur, in cōfirmatione  
 roboramur. Hoc Gropperus in prouinciali cō-  
 cilio Colonienſi ita explicat: In Baptismo filij Dei  
 renasimur, & cœlestis hœreditatis promissionē  
 accipimus: sed ut hanc retineamus, pupillis tutore  
 opus est. Quare nō satis est, in Baptismo accipere  
 spiritum innouamem, nisi & per confirmationis  
 Sacramentum, accipiamus spiritum tuentem, ac  
 defens-



defendemem. Nam quatenus Spiritus sanctus in confirmatione datur, paracletus est: qui regenerati, in Christo, et custos et consolator et tutor est. Rabanus de Consecra. dist. 5. In Baptismo Spiritus sanctus descendit ad habitationem Deo consecrandam: in unctione uero confirmationis, Spiritus sanctus cum septiformi sua gratia, et omni plenitudine sanctitatis et scientie et uirtutis, uenit in hominem: hoc est in domum ipsam, quae per Baptismum consecrata est, inquit Durandus. Qui etiam addit, per Baptismum animam Christo desponsari, per confirmationem uero ditiari et dotari. ite, per Baptismum uulnera sanari, per confirmationem uero plenitudinem gratiarum conferri. Addit etiam: Post confirmationem ad confirmatum dici, pax tecum. Et hoc ita explicat: Nouus homo, qui secundum Deum creatus est, dignus est saluari: interim uero cum erat uetus, non erat salutandus, sed tantum erat pro eo orandum. Semper autem meminerit lector, antithesin esse inter Baptismum et Confirmationem. Concilium Aurelianense, De Consecr. dist. 5. Nunquam erit Christianus, nisi in confirmatione episcopali fuerit chrismatus. Et glossa dicit, paruulum baptizatum, et non chrismatum, habiturum minorem gloriam, quam qui etiam confirmatus fuerit. et addit, hoc tunc saltem concedendum esse, si ponatur, paruulo in Baptismo conferri gratiam. Et hoc lector bene

bene obseruet: posse scilicet gratiam in uniuersum detrahi Baptismo, & referri ad chrisma. Concilium Turonense precipit, sacram chrisma circumspici esse custodiendum. Et addit rationem: Ne, inquit, illud unde Christo incorporamur, & unde omnes fideles sanctificamur, aliquis infidelis tangat. Compendium Theologie inquit: Confirmatio animam & corpus armat. Animam quidē, per impressionem characteris, contra pusillanimitatis uitium: corpus uerò per clypeum crucis, contra insultus demonum: contrarietatem in confessione nominis Christi audaciam præstat, pugnantem coronat: quod notatur uita, quæ circa caput confirmati ligatur.

Gerson citat ex Hugone: Quid prodest, si per Baptismum à lapsu erigeris, nisi etiam per confirmationem ad standum confirmeris? Et iam colligat se lector, expendatq; secum. Si hæc omnia, quæ hætenus ipsis Pontificiorum uerbis recitauimus, Baptismo detrahuntur, quàm egenum, nudū & miserum relinquatur Baptismi Sacramentum. Sed paulisper sustine bone lector: audies enim iuxta Danielis uaticinium, os loquens adhuc grandiora & magis horrenda. Ita enim in Pontificali inter cætera Episcopus erat, super balsamum: Clementiam tuam deprecimur ut huic unguento spirituales gratias largiendo, plenitudinem sanctificationis infundas: ut quicumq; baptisate renati,

nati, isto fuerint liquore peruncti, corporum atq;  
animarum benedictionem plenissimam conse-  
quamur.

Et quando balsamo oleum miscetur, Pontifex  
inter cetera ita orat: Sanctæ trinitatis perfectio-  
ne benedicat, & benedicendo sanctificet: conce-  
datq; ut qui exterius inde perunctus fuerit, ita in-  
terius liniatur, quòd omnibus sordibus corporalis  
materie carens, se participem regni cœlorum ef-  
fici gratuletur. Itē: ut fias omnibus qui ex te un-  
gendi sunt, in adoptionem filiorum per Spiritum  
sanctum. Et in præfatione Pontifex ita inter re-  
liqua canit: Creaturæ huius pinguedinem sanctifi-  
care tua benedictione digneris, & sancti Spiritus  
ei admiscere uirtutem, cooperante Christi filij tui  
potentia: ut sit his qui renati fuerint ex aqua &  
spiritu, Chrisma salutis, eosq; uitæ æternæ partici-  
pes, & cœlestis regni faciat esse consortes. Itē:  
Hæc commixtio liquorum, fiat omnibus ex ea per-  
unctis, propiciatio, & custodia salutaris in secula  
seculorum Item: ut fias in adoptionem carnis &  
spiritus, his qui ex te ungendi sunt, in remissionem  
peccatorum: ut efficiantur eorū corpora, ad om-  
nem gratiam spir. tualem accipiendā sanctificata.

Post consecrationem chrismatis, canores ca-  
nunt inter cetera hūc uersum: Corde natus ex pa-  
rensis, alium implens uirginis, pande uitam, clau-  
de mortem, consecrato chrismate. Semper autem

repetenda est illa commune factio, esse antithesis inter Baptismum & Confirmationem: ut quod Confirmationi tribuitur, illud eo ipso Baptismus uel habere, uel conferre negetur.

Hec fermè sunt mysteria traditionum de Confirmatione, apud Pontificios: quæ ipsorum uerbis recitantur, ne quis uel fingi arbitretur, uel inuidiosius ad prægrauandam aduersariam partem, exaggerari clamitet. Animaduertit autem hinc lector, non de re uel leui uel nihili, certamen esse, quando de Confirmatione cum Pontificijs disputatur.

Pleniùs etiam ex hac narratione intelligitur, quid duo primi Canones de Confirmatione, complexu suo inuoluant & occultent. Et cognito uero disputationis statu, diligentius considerabuntur fundamenta, de quibus uel in confirmatione, uel in refutatione disputatur.

Secundò uidendum iam est, quæ & qualia huius sententiæ habeant & offerant fundamenta. Multa enim, & reuera magna sunt, quæ confirmationi suæ tribuunt. Et Andrædus meus prolixè rethoricatur. Cum tanta sit humane naturæ infirmitas, ut præsentis mortis metus, nos faciliè de fide deiicere atq; deturbare possit: quid si igitur Christus hoc Sacramentum instituit, illi sanguinis sui uim & potentiam impregi, ut fidem nobis in sacro laacro collatam firmaret, perficeret, atq; ueluti altissimis radicibus defigere: quo mentis, tam a hac Spiritus



Spiritus sancti uirtute, confirmatas & roboratas, neque periculi tempestas, neque honoris aura possit à fidei cursu, uel spe uel metu dimouere? Nos igitur qui sumus, qui diuine sapientie leges imponere, infinitam eius bonitatem, abditissimâq; ipsius consilia, nostro iudicio, tanquam norma quadam metiri uolumus: ut ea solum Christo beneficia accepta referamus, quæ nobis necessaria arbitramur: quæ uerò comprehendere non possumus, illa nefarie abiciamus, aspernemur, cōculcemus. Ita Andræus.

Gropperus etiam declamitat, post Baptismū, tanquā post transitū mare rubrum, ingrediendū esse uastum huius mundi. desertum: in quo cum hostibus, & internis & externis, carne scilicet, mundo & diabolo, priusquā in terrā repromissionis perueniamus, sine intermissione dimicare oporteat: quorū hostiū imperiū tanus est, ut meritò quis hanc iniuriā luctā, terreatur, & abiectus Baptismi thesauris defferet: nisi interim agnoscat, Christū redemptorē aduersus hosce impulsus, alia parasse remedia, quibus luctantibus nobis subueniret cumq; inter hæc principem locū obtineat Sacramentum Confirmationis, magnæ esse & temeritatis & arrogantiæ, remedium illud tam utile & tam necessarium, repudiare uelle. Ita ille.

Nos uerò ô boni, nequaquā ijs sumus, qui pericula ab hostibus illis, carne s. mundo & diabolo nobis

imminentia, uel ignoremus, uel cōtemnamus. Nec sanè nostris uiribus, ipsorum insultus nos excipere & declinare, atq; ita in fide persistere & perseuerare posse cōfidimus. Sed scimus & facemur, necessariam nobis esse gratiam & confirmationem Spiritus sancti, qui indefinenter & indeclinabiliter (sicut Augustinus loquitur) nos ducat, regat, confirmet, roboret, confortet & cōseruet. Scimus etiam, & fatemur, Spiritum sanctum efficacem esse in credentibus, non *à uicinis* sed per certa media uel organa diuinitus ad hoc instituta. Et huius modi medijs, reuerenter atq; peculiari cum animi gratitudine utendum esse, sed uicò docemus & monemus. Scimus uerò & hoc, non priuato arbitrio nobis fingenda, uel humana autoritate instituenda esse talia media, quibus Spiritus sancti efficaciam tribuamus et alligemus. In hac igitur questione, quæ sit illa media per quæ credendum sit, Spiritum sanctum uelle efficacem esse, ante omnia petimus ex uerbo Dei nobis monstrari, expressū mandatum & promissionem diuinam. Quando enim illa habemus, tunc scimus medijs illis, utpote diuinitus institutis, reuerenter esse utendum: scimus etiam, quid illis tribuendum sit.

Ad rhetoricas igitur declamationes Andradij & Gropperi, simpliciter respondeo. Pateor baptizatos, in hac uita in magnis uersari periculis spiritualibus: in quibus omnino ipsis necessaria sit gratia,

gratia, gubernatio & confirmatio Spiritus sancti. Fateor etiam, Spiritum sanctum hæc efficere & operari per certa media, tanquam per organa diuinis ad hoc instituta. Quare omnino huiusmodi medijs reuerenter utendum esse affirmo. Sed addo: non humano, uel nostro uel aliorum iudicio metiendum, sed ex uerbo Dei petendum, discendum, & monstrandum esse, quæ sine illa media. Quod si qua nobis proponuntur talia media, quæ ex certis, firmis & perspicuis Scripturæ testimonijs non habent nec diuinum mandatum institutionis, nec promissionem efficacie: opponimus dictum Christi: Oues meæ uocem meam audiunt, alienam uero fugiunt. & scriptum est: Non assumes nomen Domini Dei tui in uanum. Non autem nulla Christus instituit media, ad conseruationem & confirmationem gratiæ in Baptismo collatæ. Inuenimus enim in Scriptura, Spiritum sanctum in Baptismo in nos opulenter effundi: ut non in illo tantum memento quando tingimur, in nobis operetur, sed ut in gratia Baptismi perpetuo nos conseruet, gubernet, confirmet, roboret, donec aliquando Deo, in altera uita, sistamur sine macula. Eph. 5. Discimus etiam ex Scriptura, uerbo confirmationis animos discipulorum: Acto. 14. 15. 18. Et in hunc usum institutum esse scimus Sacramentum Eucharistiæ, ut spiritualis uita, in quam per Baptismum renati sumus, in nobis conseruetur, confir-

metur & roboretur, iuxta dictum: Qui manducat me, uiuet ipse propter me. Hisce medijs, quæ habent Scripturæ testimoniū, docemus, in lucta aduersus spirituales hostes, ad confirmationem utendum esse, auditu, meditatione, fide, luctu & oratione. Sed quid, inquirunt, si præterea Christus etiā Sacramentum Chrismatis ad confirmationem instituisse? Respondeo. Si necessarium iudicasset, sine dubio instituisse. Et si de institutione, hoc est, de mandato Christi et promissione, ex uerbo Dei certi redderemur, grato animo illud amplecti uellemus. Sed hæc ipsa est questio, quæ in conuersione posita est: quam nisi liquidò ex certis, firmis & perspicuis Scripturæ testimonijs nobis probauerint, non patiemur nos à promissione Baptismi, à uerbo & Eucharistia, à fide et oratione, quæ media testimoniū habent uerbi Dei, abduci ad humanas adinventiones, quamcūq; speciem habeant, siue antiquitatis, siue autoritatis. Ille enim solus potest Sacramentum instituere, qui potest Sacramento spirituales efficaciam tribuere: sicut Scholastici rectè dicunt. Auscultemus igitur, quæ & qualia pro suo Chrismate ex uerbo Dei fundamenta & argumenta nobis proferant Pontificij. Ante trecentos nem annos, Alexander Alensis parte 4. quæst. 24. membro 1. publicè disputauit, Sacramentum confirmationis Pontificiæ nec institutū, nec dispensatum fuisse uel à Christo, uel ab Apostolis;



stolis, quæ in Scriptura hoc non legatur: et quia nec Christus, nec Apostoli usi sint illa materia et illa forma: dicitur igitur, post mortem Apostolorum, Sacramentum illud ab Ecclesia in concilio Meldensi institutum. Et hanc sententiam sequitur etiam Bonaventura, qui addit lib. 4. dist. 7. quæst. 2. ideo materiam Confirmationis necessario prius debere esse consecratam, quia Christus illam non instituit, atque propterea nullam ei vim dedit, sicut aquis Baptismi. Alij disputarunt, Sacramentum illud Chrismatis non quidem à Christo, sed ab Apostolis esse institutum. Thomas uero cum suis, quis uidet quantum sit incommodi, obtrudere aliud Ecclesie titulo Sacramenti, quod nec institutionem, nec mandatum, nec promissionem Christi habeat: fingit igitur Christum instituisse et materiam illam, et formam confirmationis: addidisse etiam mandatum et promissionem de efficacia, plane ita sicut supra illa descripta est. Quia uero fateri cogitur, nec Christum nec Apostolos illam siue materiam siue formam usurpasse, ulterius fingit, Christum ita instituisse, ut nec ipse nec Apostoli illa materia et forma uteremur: sed ut cessantibus sensibilibus. Spiritus sancti signis, tunc demum in Ecclesia usurparetur limitio Chrismatis, et forma illa uerborum: et indubitato tunc ad futurum effectum illam, sicut tradunt, et credi uolunt Pontificij. Sed cum eò Thomas uenit, ut illa quæ tanta cum

asseueratione dicit, probet, fatetur nullam in Scriptura literam extare, quod, quando, ubi, et quomodo Chrismationem illam Christus instituerit. Sed quia Iohannes cap. 20. inquit, Christum multa signa fecisse, quæ non sine omnia scripta: ideo etiam credendum esse, Chrismationem planè eo modo sicut Pontificij fabulatur, à Christo institutà esse, licet probari hoc non possit. Egregia uerò fundamenta. Agnosce Thomas, necessariam esse diuinam institutionem, ad hoc ut aliquid sit uerè et propriè Sacramentum: atq; ideo necessarium esse, si confirmatio debet Sacramentum esse, ut habeat institutionem Christi. Sed quia illà nec ostendere, nec probare potest, fingit, et tanquam à scriptura postulat, quod imprimis probandum erat: cum potius inuenerit debuisset argumentum: quia institutio Chrismatis non potest ex uerbo Dei ostendi et probari, ideo non esse uerè et propriè Sacramentum. Sicut Gabriel querit, quare unctio quæ fit in ipsa actione Baptismi, et ante et post unctionem, non sit peculiare Sacramentum. Et reddit hanc rationem, quia non habeat institutionem diuinam.

Hanc igitur infirmitatem et frigiditatē Thomistica probationis, animaduertentes Pontificij, quòd ita iudicari possem habere Sacramentum Confirmationis, sine uerbi Dei cōfirmatione: sparserunt, et Ecclesie obtulerunt apocrypha, incerta, ue-

ta, uetustati ignota, suppositicia, fictitia, & commenticia aliquot scripta, quæ uetustissimis quibusdam Romane ecclesiæ Episcopis, qui pietatis constantia, partim etiam martyrio celebres fuerunt, tribuerent. In illis clemens fabulatur, se doctrinā illam de chrismate, à beato Petro accepisse: & ceteros etiam Apostolos, præcipiente Domino ita docuisse. Sed Eusebius scribit, Clemenis scripta, excepta unica ad Corinthios epistola, suo iam tempore adulterata fuisse: atq; ideo Gelasius, distinctione 15, illa inter apocrypha reijcit. Inde ne igitur diuina institutio Chrismationis probabitur? Sed inquit: Fabianus martyr ille Christi, in epistola, quæ ipsi nunc tribuitur, affirmat prædecessores suos à sanctis Apostolis accepisse: qui idem etiam tradiderim in Romana, Antiochena, Hierosolymitana et Ephesina ecclesia, quod Christus in ultima coena cum discipulis pedes lauisset, Chrismatis consecrationem tradiderit & docuerit, sicut in Pontificali ea describitur. Sed non tantum incertum est testimonium illud, utpote ex apocrypho & adulterino scripto: sed mendacium est (neque enim possum aliter appellare) & quidem toti uetustati etiam, quæ admiratrix fuit unctionis, ignotū.

Tertullianus enim de Baptismo dicit, unctionē non ex Christi institutione, sed ex pristina disciplina ueteris Testamenti sumptam esse. Sermo de ablu-tione pedum qui Cypriano tribuitur, Chrisma



numerat inter ea quæ non Christus ipse, sed Apostoli per Spiritum sanctum instituisse existimantur. Et in sermone de Chrismate, affirmat, unctionem Chrsimatis ex ceremonijs ueteris Testamenti reliquam mansisse.

Basilii etiam dicit, nullum extare λόγος γεγραμμένος de inunctione Chrsimatis. Ignorauit igitur illam Fabiani epistolam.

Audit igitur lector, quod etiam diligenter expendet, quæ qualia, quam certa et firma argumenta et fundamenta diuinæ institutionis, habeat Pontificiorum confirmatio. Considerabit et hoc lector, quomodo præsumptæ suæ opinionis, undecunque conquirant qualiacunque suffragia. Primò enim ostendimus quomodo Scholastici disputarint. Secundò recensuimus, quomodo ex apocryphis et suppositicijs scriptis conati sint confirmationem suam confirmare, et quàm feliciter. Quia uerò adulterinis hisce et suppositicijs præsidijs, luce uerbi Dei, hoc est gladio spiritus, deiectos se intelligunt: Tertiò igitur tandem ex Scripturâ emendicare incipiunt suffragia quædam, quæ uel in speciem præsumptæ opinionis, aliquo modo obducere possunt. Audiamus uerò et illa, qualia sint, et quid efficiant. Christus (inquiunt) Apostolis post Baptismum promissit uirtutem spiritus: Lucæ uigesimo quarto, Actorum primo, et illam promissionem die Pentecostes,



stes, misso in specie linguarum ignearum Spiritu  
 sancto impleuit. Apostoli etiam Baptizatis ma-  
 nus imposuerunt, qui ita acceperunt Spiritum san-  
 ctum: Acto. 8. & 19. Ergo nunc in Ecclesia Chris-  
 tianitate, sicut in Pontificali describitur consecrato,  
 linenda est frons baptizatorum, cum forma illa  
 uerborum quæ supra descripta est: & sequens  
 effectus supra recitati. Immane uerò, quanto plus  
 est in hac forti conclusione, quàm in præmissis.  
 Audio, & lego quod scriptum est Actorum. 1. 8.  
 & 19 Inuenio autem uisibilia dona spiritus: ut mi-  
 raculum linguarum & alia, in prima ecclesia ba-  
 ptizatis collata fuisse per impositionem manuum.  
 Habuerunt igitur de his donis promissionem. Et  
 cum Ananias Actorum nono, Paulo manus im-  
 poneret, ut repleretur Spiritu sancto, dicit se ad hoc  
 à Deo missum esse. Habuerunt igitur Apostoli  
 eius quod faciebant & mandatum, & promissio-  
 nem. Et si effusio illorum sensibilibus donorum  
 adhuc in Ecclesia duraret, rectè adhiberetur eti-  
 am impositio manuum, quæ & ad orationes adhi-  
 beri solebat: & præcipue quando per manus Apo-  
 stolorum fiebant miracula, Acto. 5. Sed miracula  
 illa iam dudum desinisse in Ecclesia, extra contro-  
 uersa est. Temporariū igitur, non uniuersale et per-  
 petuū fuit illud quod de Apostolis scribitur Act. 1.  
 8. et 19. De illis. n. S. cramentis, quæ perpetuò in Ec-  
 clesia durare debet, et quorum usus uniuersalis est,

S.riptu-

Scriptura addit has notationes, usq; ad consummationem seculi, Matth. 28. Item, Donec ueniat, 1. Cor. 11. Baptisate omnes, Matth. 28. In unum spiritum omnes potati sumus, 1. Cor. 12. Legimus autem ipsis Apostolorum temporibus, non omnibus baptizatis manus ab Apostolis impositas fuisse, nec omnes accepisse uisibilia illa dona spiritus: quibus tamen necessaria dona confirmationis, incrementi, et perseverantiae non defuerunt. Nam Acto. 11. ad Antiochenos mittitur Barnabas, qui sine impositione manuum, uerbo Dei ipsos adhortatur ad constantiam et perseverantiam in accepta gratia. Et huic exhortationi Deus sua benedictione adfuit. Ita uerbo Dei confirmant animas discipulorum, ut in accepta gratia perseverent et crescant: Acto. 14. 15. et 18.

Incumbit igitur Pontificijs haec probatio, ut ostendant mandatum Dei, quod illud Apostolorum factum, Acto. 8. et 19. usq; ad consummationem seculi, donec Christus ad iudicium ueniat, in Ecclesia imitandum, usurpandum et frequentandum sit. Nulla enim sanctorum exempla imitanda sunt, de quibus non extat uerbum et mandatum Dei, ad nos etiam pertinens. Monstranda etiam est promissio de efficacia, si illud quod Apostoli tunc fecerunt, imitati fuerimus. Neutrums uero ostendi et probari potest. Qualis igitur sit consequentia, a facto illorum Apostolorum, ad Pontificiam confirmationem,

tionem, manifestum est, uel ex hoc exemplo. Balthasar prius ferme inter Anabaptistas, ita argumentabatur: Christus infancibus qui sibi adducebantur, benedictionem conferabat, non Baptismo, sed impositione manuum, *Mark. 10.* Ergo et nos non debemus infantes baptizare, sed tantum manus ipsis imponere: et ita conferetur ipsis benedictio. Sed nos de Baptismo habemus mandatū et promissionem. Non igitur sine mandato et promissione, illud quod Christus quidem fecit, nobis uero faciendum non mandauit, imitari debemus, et relinquere illud de quo habemus manifestum uerbum Dei, complectens uniuersam Ecclesiam omnium temporum. Ita Christus Apostolis baptizatis insufflando dedit Spiritum sanctum, *Ioh. 20.* Quare igitur ex nostro statu non facimus peculiare Sacramentum? Si dixeris, quia non habemus mandatum et promissionem Dei: idem et nos ad Apostolorum exemplum respondemus. Quod enim Pontifex inbalando in Chrismatis pinguedinem, fingit se imitari illud, cum Christus insufflando dixit, Accipite Spiritum sanctum: non tantum ridiculum, sed magicum, superstitiosum et blasphemum est. Operis precium tamen est considerare, quàm liquido, quàm certo, et quàm acutè, Pontificij Chrismationem suam ex historijs illis, *Acto. 1. 8. et 19.* probare satagam. Si enim in confirmatione sua uel lignem adhiberent, uel impositionem

positionem manus retinerent, aliquis esset externa species convenientiae, licet coniuncta cum uero iudicio, quia destitueretur mandato De. Nunc uerò Chrismationem suam ex historijs illis confirmare uolunt. Arbitror autem diuinitus factū esse, quod non est reuera impositio manuum, in Pontificia confirmatione, sed substituta ei est Chrismatio: ut Ecclesia, animaduersa palpabili differētia, inter impositionem manuum & Chrismationem in fronte, non tam facile seduci posset allegatione illarum historiarum, Actor 1. 8. & 19. Sed iam arripe aures optime lector: magnum enim & insigne audies acumen. Acto. 1. externum elementum est ignis, in specie dissectarum linguarum. Acto. 8. & 19. est impositio manuum usque adeo uerò idē est elementum, seu eadem materia, etiam in Pontificiorum confirmatione, ut in illis historijs, dicatur fundamentum institutionis habere. Quomodo uerò illud? Miraberis scio, ubi audieris. Igni in Pentecoste, respondet in Pontificia confirmatione, oleum. Quarta tunc? Quia oleum nutrit ignem. Sed idem facit etiam baculus quercinus, fumo bene induratus. Speciei linguarum respondet balsamum, quia est odoriferum. Sed quid linguae seu gustui commune est cum odoribus? Num lingua odoratur? Sed haec forsitan dictitata sunt inter homines, qui quatuor tantum sensus agnoscunt: quibus scilicet gustus



stus & odoratus in idem recidunt. Sed mane bonelector, nondum habes omnia. Desideras enim forsan impositionem manuum, cuius fit mentio Actorum octauo, & decimonono. En tibi illam. Quia enim in Pontificia ecclesia sequi idem est quod præcedere, ideo Episcopus percutiens confirmatum in maxillam post confirmationem, representat impositionem manuum in Actis, quæ tunc præcessit donationem spiritus. Quid uerò audio? Est ne igitur manus imponere, alapis aliquem in faciem cadere? Quando igitur Christus dicit, super ægrotos manus imponent: sensus erit, Decumbentes alapis bene cadent, & tunc peius habebunt. Quid uerò sum, si hæc non sunt professa uerbi Dei ludibria? Non autem finxi hæc, sed ex Durando descripsi: quæ nostra etiam tempestate, Fridericum Nauseam publicè repetere & confirmare non puduit. Et talis quidem est materie confirmationis probatio, ex Scriptura. Consecrationem uerò, seu potius ex cantationem Chrismatis, qualis in Pontificali describitur, ne ulla quidem syllaba, ex Scriptura probare conamur: quæ a ne in speciem quidem illud facere possum. Quid uerò de forma Confirmationis, Signo te, &c. Nunquid ex Scriptura probari potest, uel Christum instituisse, uel Apostolos usurpasse illam formam uerborum? Certè ne fingi quidem

hoc

hoc potest: imò nec in uetustis scriptoribus, nec in canonibus forma illa uerborum expressa est, nisi quod posteri uideantur eam fabricasse, imò adulerasse ex Ambrosij sententia. De his qui initiantur, cap. 7. Quod enim sacerdos post Baptismum ibi dicit: Signauit te Deus pater, confirmauit te Christus Dominus, & dedit pignus spiritus in corde tuo. illud postea Pontifici a delibator, ad suum Christum transtulit: Signo te, confirmo te Chrismate salutis, &c. Et inde fit, quòd in ipsis Pontificalibus, non eadem est illa forma. Gabriel enim recitat, quosdam pro Chrismate salutis, dicere Christum sanctificationis. Gerson habet hanc formam: Firmo te signo crucis, & chrismate, &c. Tam scilicet certa sunt omnia.

Materia igitur & forma Confirmationis, nulla in Scriptura habet, uel apparentia saltem fundamenta seu testimonia. Liberatus igitur & prudentius illi fecerunt, qui simpliciter quod res est facti sunt, Pontificiam ecclesiam non ex Scriptura, sed extra & præter Scripturam habere confirmationis sue & materiam & formam. Magis enim ludibrio exponitur, quàm probatur Papistica confirmatio, quando eius probatio hoc modo uel tentatur saltem ex Scriptura.

Superest igitur questio de promissione efficacie. Hic uerò facum facere conantur imperitis. Dicunt enim, licet sensibilia & miraculosa illa dona spir-

na spiritus, Acto. 1.8. & 19. iam desierunt. Vniuersales tamen & perpetue sunt promissiones, de gratia confirmationis, de dono perseverantie, de conseruatione & augmento donorum spiritualium, de corroboracione per spiritum aduersus carnem, mundum & diabolum, &c. Et his recensitis statim attexunt: Quicumq; cum Pontificali non exclamauerit, Ave sanctum Chrisma illud omnes illas promissiones conuellere, & proculcare. Nos uero dulcissimas illas promissiones, de necessarijs donis & subsidijs spiritus, post Baptismum, toto pectore amplectimur, et earum fiducia cum hostibus spiritualibus luctamur, & Deum inuocamus. Hoc uero loco questio est, non de ipsis promissionibus, quas in uerbo Dei extare certum est: sed questio est, an illas promissiones Deus uelit, ad delibutionem Pontificij chrismatis alligatas esse, ita ut tunc & per illud medium, efficacia illa spiritus detur, quando Episcopus chrismate Pontificaliter excantato, frontem, additis certis uerbis, & una bona alapa inungit. Hoc est quod queritur, quodq; ex Scriptura, ne una quidem litera probari potest. Non enim sequitur: In Scriptura extat promissio. Ergo fabricandum est humano arbitrio Sacramentum, per quod promissio illa applicetur. Que enim talia Sacramenta, per que promissionum applicatio fieri deberet, Christus in nouo Testamento haberi uoluit: ea ipse sua uoce instituit,

tuit, & in Scriptura Ecclesiæ promulgauit. Sed inquit: Apostoli tamen habuerūt peculiare externū signū, impositionem scilicet manū, per quā conferebatur Spiritus sanctus, Acto. 8. & 19. Et nemo dicere audebit, Apostolos hoc fecisse sine mandato & promissione diuina. Est ergo in nouo Testamento peculiare Sacramentum institutum, & ordinatum ad conferenda dona cōfirmationis. Efficax enim signū gratiæ, est definitio Sacramēti. Respōdeo: ut aliquid sit Sacramētū Ecclesiæ, requiritur uniuersalitas (ut sic loquar) mādātī et promissionis diuinæ, cōplectēs oēs ministros, & omnes fideles omniū temporū in nouo Testamēto. Christus. n. insufflādo dedit Spiritū sanctū, Ioh. 20. Sudaria et umbra Apostolorū sanarūt infirmos. Quare uerò inde nō facimus Sacramēta uniuersalia, nisi quia nos nō habemus mandatū de imitatione: nec si imitari uoluerimus, promissionē de efficacia habemus? Idē ergo & hoc loco requirimus, ut ostēdatur nobis mandatū generale, omnibus temporibus, ab omnibus ministris in Ecclesia illud faciendū esse, quod Apostoli Acto. 8. & 19. fecerunt. Apostoli enim multa habuerūt peculiaris priuilegia, reliquis Ecclesiæ ministris nō imitanda. Nec ipsi Apostoli, impositionē manū uoluerūt esse ordinariū & generale mediū, sine quo gratia cōfirmationis nō cōferretur à Deo. multi enim gratiam cōfirmationis acceperunt, sine impositione



ione manuum: ut Antiocheni, Acto. 11. Sed Apostoli illo ritu uisibilia dona spiritus, ut donum linguarum, contulerunt: quæ miracula iam in Ecclesia defuisse, manifestum est. Et si maxime ritus ille Apostolorum esset (quod tamen non est) Sacramentum uniuersale: qua auctoritate Pontificij, abolita Apostolica impositione manuum, delibutione incanati Chrismatis substituere potuerunt, et ad illam alligare promissiones? Chrismatis enim institutio in nouo Testamento, ex Scriptura ostendi et probari non potest. Num uero nulla plane sunt media, per quæ Deus conferre uelit dona confirmationis et per seuerantiam? Sunt omnino diuinitus ordinata, certa siue organa, siue media, per quæ spiritus sanctus dona illa uult conferre, confirmare, augere et conseruare uerbum: scilicet Eucharistia, fides, oratio, luctus, exercitium acceptorum donorum mentis. Inter hæc uero, crucifactione Pontificij chrismatis non legimus.

Planissimum igitur iam factum est, nec materiam, nec consecrationem materie, nec formam, nec effectus Pontificiæ confirmationis, ullum certum, firmum, perspicuum et idoneum habere Scripturæ testimonium. Verissime itaque dicitur, Pontificios totum Sacramentum sue confirmationis, habere sine Scripturæ testimonijs et fundamentis. Relegat autem iam lector, ea quæ Pontificij sue confirmationi tribuunt: sicut illa supra ipsorum

uerbis recitauimus, & cogitet quanta sit audacia, & quanta temeritas, ne durius nunc appellem, talia, tot & tanta tribuere materiali pinguedini sine mandato, sine testimonio & promissione uerbi Dei.

Accedit uerò præterea, quòd non tantum est sine uerbo Dei: uerum etiam contra uerbum Dei pugnat illa Chrismatica Pontificiorum confirmatio. Quando enim alicui uel materiae uel actioni tribuitur efficacia aliqua, siue corporalis siue spiritualis, quam non habet uel ratione Physica, uel ex mandato, institutione & promissione diuina: hoc reuera est uel superstitiosum, uel magicum: & si absq; mandato Dei adhibeatur nomen diuinum, peccatum est contra secundum præceptum: & eo grauius peccatum est, quo excellentiores effectus illi rei, sine mādato & promissione Dei tribuuntur. Ad hoc axioma conferatur consecratio chrismatis, quæ in Pontificali extat, & exhorrescet lector. Neq; enim quicquam releuatur illa Pauli sententia, 1. Tim. 4. Sanctificatur creatura per uerbum Dei, & orationem. Nō enim loquitur ibi de quauis creaturarum transmutatione, per uerbum & orationem temanda. Si enim totum Euangelium Iohannis legeretur, & totum Psalterium recitaretur super urticam ne ureret, aut super ouum ut fieret globus bombardacius, nihil efficeretur: sed excepto dono miraculorum, quæ per

per uerbū & orationē sunt, duplex est sanctifica-  
tio creaturarum, per uerbum prior, de qua Paulus  
in illo loco loquitur, quod usus earū redditur san-  
ctus, ut nihil sit reiiciendum, sed cum gratiarū a-  
ctione, bona conscientia, in eo usu ad quem crea-  
te sunt, usurpari possint à credentibus & agno-  
scentibus ueritatem. hæc enim sunt Pauli uerba.  
Alter est, quando uirtute uerborum institutionis  
diuina, aqua sanctificatur ut sit Baptismus: panis  
& uinum sanctificantur, ut sint Eucharistia cor-  
poris & sanguinis Domini. Neutro uerò modo  
fit consecratio Chrismatis, destituitur enim diuina  
institutione: nec natura ad hos effectus creatum  
est, uel oleum, uel balsamum.

Illud uerò præcipue in hac disputatione consi-  
deretur, quod in priori membro ostendi, quòd ple-  
raq; omnia quæ Pontificij suæ confirmationi tri-  
buunt, manifestè derogant dignitati & uirtuti ip-  
sius Baptismi. Quæ enim Chrismati tribuuntur,  
ea ex antithesi Baptismo detrahuntur. Si enim Ba-  
ptismus illa conferre crederetur, quorsum opus  
esset illimitatione Chrismatis: ut sine iniuria & con-  
tumelia Sacrosancti Baptismi, Pontificia doctrina  
de Chrismate, recipi & approbari non possit.  
Colligamur itaq; hæc in breuem tabellam, quæ su-  
prà fusius sunt explicata. Baptismus nō efficit nec  
Christianos, nec plenè Christianos: sed hoc per-  
ficit confirmatio. In Baptismo non datur Spiri-

tus sapientiæ intellectus, consilij, fortitudinis, scientiæ, pietatis, timoris, &c. sed hoc fit in Confirmatione. Spiritus sanctus, quo resistamus cupiditatibus, mundo & diabolo, non datur in Baptismo: sed in Confirmatione. Baptizati non possunt in se gratiâ Christi habere, nisi ungantur: nõ sunt plenè filij Dei, qui baptizati sunt, si nõ ungantur. Baptismus non facit regni Dei participes: sed hoc facit Confirmatio. In Baptismo non accipimus spiritum tuentem, defendentem, gubernantem, roborantem. In Baptismo tantum præparatur habitatio Deo, non autem uenit uel pater, uel filius, uel Spiritus sanctus in domum suam: sed hoc primum fit per confirmationem. Baptismus non confert plenitudinem gratiarum: sed hoc facit Confirmatio, per Chrisma Christo incorporamur, & inde sanctificamur, &c. Hæc sunt Pontificiorum uerba. Integræ enim semetipse in primo membro sunt recitata. Ex altera uerò parte scribamur Scripturæ sententiæ de Baptismo. Marci 16. Qui crediderit, & baptizatus fuerit, saluus erit. Ro: 6. In mortem eius baptizati sumus, consepulti cum illo, per Baptismũ in mortem. Si enim cõplamati facti sumus similitudini mortis eius, simul & resurrectionis erimus, scientes quòd uetus noster homo simul crucifixus est, ut destruatur corpus peccati. 1. Cor. 12. In unum corpus baptizati sumus. Gal. 3. Quotquot baptizati estis, Christũ induistis. Ioh.



3. Qui renatus fuerit ex aqua & spiritu, intrabit in regnū coelorum. Eph. 5. Christus dilexit Ecclesiam, & seipsum tradidit pro ea, ut illam sanctificaret, mundans eā lauacro aquæ in uerbo, ut exhibeat sibi gloriosam Ecclesiam sine macula &c. Tit. 3. Saluos nos fecit per lauacrū regenerationis, & renouationis Spiritus sancti, quem effudit in nos opulenti per Iesum Christū: ut ipsius gratia iustificati, heredes simus uitæ æternæ. 1. Pet. 3. Baptisma nos saluos facit, quo fit, ut cōscientia bene respondeat apud Deum, per resurrectionem Christi.

Hæc inter se conferantur: & manifestū erit, Pontificiam doctrinam de Confirmatione, cū insigni iniuria & contumelia Baptismi coniunctam esse. Et quis non sperasset fore, ut in Concilio, si nō omnia talia, aliqua saltem, si non corrigeremur, saltem mitigaremur. Sed quæ sit mēs Tridentina, tres illi Canones de Confirmatione, inuoluentes & approbantes omnes & Scholasticorum & monachorum opiniones de Confirmatione, abundē testamur. Consideretur uerō & hoc, quod ipsa actio Baptismi pugnat cum Pontificiorum opinionibus de Confirmatione. Dicunt enim, in Baptismo non dari Spiritum sanctum, ad pugnam contra diabolum. Sed in actione Baptismi, multis uerbis & exigitur & fit abrenunciatio Sathane. Dicunt in Baptismo non dari spiritum tuentem & defendentem. Atqui Baptista in ipsa actione orat:

Qui te regenerauit, custodiat te in uitam eternam, &c.

Sicut igitur in primo membro explicauimus, qualem Confirmationem Pontificij in sua Ecclesia habeant, agnoscant & intelligant: ita iam liquido ostendimus, quale illud Sacramentum sit, si ad Scripturæ normam exigatur: quod omnino fieri necesse est. Nam sicut inquit sententia Bedæ, quæ citatur 8. quæst. 1. ca. Nec sufficere: Nobis sacris literis unica est credendi pariter & uiuendi regula præscripta.

Tertiò, quædam etiam de illis sententijs dicenda sunt, quæ ex ueterum scriptis ad stabiliendam Pontificiam Chrismationē cumulari solent. Hæc uerò disputatio nihil præiudicare uel debet uel potest illis fundamentis, quæ ex perspicuis & solidis Scripturæ testimonijs, in secundo membro ostendimus. Rectè enim & uerè dicit Augustinus, contra literas Petiliani lib. 3. cap. 6. Si quis de quacunque re quæ pertinet ad fidem, uobis annunciauerit, præterquam quod in Scripturis legalibus & Euangelicis accepistis, anathema sit: siue sit Episcopus, siue Apostolus, siue etiam angelus de cælo. Sacra enim Scriptura doctrinæ nostræ regulam figit, inquit De bono uiduitatis, ca. 1. Ideo concludit ca. 3. de unitate Ecclesiæ: Quicquid attulerint, & undecumque attulerint, audiamus potius, si oues eius sumus uocem Pastoris nostri. Non ergo audia

mus: Hæc ego dico, hæc tu dicis: sed, Hæc dicit Dominus.

Ne tamen in uniuersum contemnere & concutere uideamur ueteris Ecclesiæ iudicia: reuerenter enim ueneramur antiquitatis caniciem: sed ea moderatione, quæ ipsi hoc fieri uoluerunt, sicut in priori parte huius examinis, ipsorum Patrum uerbis hoc ostendimus. Quædam igitur dicimus de illis sententijs, in quibus ueteres mentionem faciunt Chrismatis: quas omnes Pontificij ad suam illam confirmationem, sicut eam in primo membro descripsimus, detorqueant.

Quia uerò dissimiles sunt illæ ueterum sententiæ, ut explicatio eo sit planior & expeditior, ad cumulum illum sententiarum adhibebimus distinctionem, quæ ex ipsa rei natura sumpta, manifesta erit.

Primo enim præcipuæ sententiæ, quæ de Chrismatione alięantur, sumptæ sunt ex scriptis, quæ partim ab ipsa ecclesia Romana, inter apocrypha relata sunt: partim ueræ antiquitati prorsus sunt ignota. suppositicia igitur & commenciata esse, non est dubium: ut sunt Decretales ueterum quorundam Romanorum pontificum. de quibus quid etiam Cusanus Cardinalis iudicet, in priori Examini parte notauimus. Ita etiam magnificè solent in hac disputatione citare sermonem Cypriani de Chrismate, quem tamen constat esse Iude-

τις παρρησια. De illis igitur sententijs multum disputare, nihil attinet. Commonefaciendus tamen obiter est lector, qualis sit illa causa, ad cuius probationem tot apocrypha, suppositicia & commenticia suffragia emendicari necesse sit, &c.

2. Quaedam sententia de unctione Chrismatis, ex schola Montanici paracleti prodierunt. Ex professò enim Montanicum est, quod Tertullianus de Baptismo inquit, eos qui baptizantur in aquis, non consequi Spiritum sanctum, sed in aqua mundatos, sub angelis tantum preparari Spiritui sancto: qui demum postquam egressi sint de lauacro, per benedictam unctionem, et impositionem manus aduocetur & inuitetur. Hanc sententiam Hieronymus multis uerbis ex Scriptura refutat, in dialogo aduersus Luciferianos. Scriptura enim manifestè affirmat, Spiritum sanctum effundi, & quidem opulenter effundi, per lauacrum regenerationis & renouationis, Tit. 3. Renascimur enim ex aqua & spiritu, Ioh. 3. Christus lauacro aque in uerbo sanctificat & mundat Ecclesiam, Ephes. 5. Ex Tertulliano uerò magistro suo Cyprianus hausit, quod lib. 2. Epist. 1. ita discerpit sententiam Christi, Ioh. 3. Nisi quis renatus fuerit ex aqua & spiritu, quòd Baptismo tantum aquam tribuit: Spiritum sanctum uerò tribuit unctioni & impositioni manuum. Et addit, non posse esse filios Dei, si non utroq; Sacramèto nascantur, lauacro scilicet aque



in uerbo, & unctione Chrismatis. Non igitur multum nos mouebit altera Cypriani sententia, lib. 1. Epist. 12. ubi asseuerat, necesse esse ungi eū qui baptizatus sit, ut accepto Chrismate habere in se Christi gratiam possit, &c. Constat enim, ex qua schola, Montani scilicet, sententia illa prodierint. Et profectò falsum est, baptizatum non habere in se gratiam Christi, sed eā demū accepto externo chrismate donari. Illa enim & Tertulliani & Cypriani sententia, ne illā quidē distinctionem agnoscunt: qui Baptismo tribuunt Spiritum regenerationis, & gratiā remissionis, Chrismati uerò spiritū & gratiā cōfirmationis: sed simplici ter, & in genere, gratiā Christi & Spiritū sanctū Baptismo detrahūt, & ad unctionē Chrismatis referūt. Ideo etiā posteritas coacta fuit, sententias illas mitigare. Quae igitur praeterea aliae, inter sententias de Chrismate, in primo membro recitatas, Montani scholam respiciant, ex hac commune factione iudicari potest. Non ergo sine iudicio patiamur nos à Scripturæ sententia dimoueri, quando inueteratis abusibus & erroribus, antiquitatis titulus obducitur & prætenditur. Quale enim illud sit, ex hoc loco aestimari potest.

3. Sed tamē quidā etiam probati scriptores ex Patribus, in suis libris, unctionis mentionē faciūt: nempe sicut alias multas ceremonias, quae suo tempore in actione Baptismi, sine mandato diuino,

ex Ecclesiastica traditione, usitatae fuerunt, recensere & describunt. Non autem efficaciam illam quā Scriptura Baptismo tribuit, ei uel detrahūt, uel partiumtur inter tales ceremonias et ipsum Baptismum, sicut Pontificia confirmatio facit: sed dicunt, istis superadditis signis significari & declarari, ipsam Baptismi efficaciam. Vnctionem uerò adhibuerunt, quia in Orientalibus praesertim locis, multus et uarius erat usus olei, unguenti, & unctionis: sicut etiam usus ibi fuit osculi, quod ad declarationem fraternae charitatis translatus fuit in Ecclesiam, pro circumstantiis illorū locorum. Ineptè autem faceret, qui ideo ex osculo facere uellet uniuersale & necessarium Sacramentum. Ita de unctione Augustinus lib. 15. de Trin. ca. 26. dicit: Inuisibile donum gratiae, significatur uisibili unguento, quo baptizatos ungit Ecclesia.

Ita contra literas Petiliani, lib. 2. cap. 104. disputans de Psalmo 132. dicit: Vetus sacerdotium in figura corporis Christi, quod unitatis compage fit, saluam habebat unctionem. Et illam explicat significare sanctificationem spiritualem, & fragrantiam amoris spiritualis. Postea de Chrismate addit: Et in hoc unguento Sacramentum Chriftatis uult interpretari, et interpretationem illam non reiecit. Et de singulis huiusmodi ceremoniis, ex ueteribus ostendi posset, quid de usu, operatione & efficacia ipsius Baptismi, per ceremo-

nias illas significare uoluerint. Nec obstat, quod Augustinus illam unctionem olei seu chris-matis, aliquando Sacramentū uocat. Nam & catechisationem, & exorcisationem, & ignem in actione Baptismi uocat Sacramenta in Psal. 65. Et de symbolo ad Catechumenos libro quarto, capite primo. Omnia Sacramenta quæ aguntur in uobis exorcismis, orationibus, canticis, insufflationibus, cilicio, inclinatione ceruicum, humilitate pedum, &c.

Quicquid enim sacræ alicuius rei signum est, Augustinus solet Sacramētum appellare: sicut in examine primi Canonis, de Sacramentis ostendimus.

Hæc uerò de Vnctionis & reliquarum ceremoniarum significationibus, longissime absunt ab illa sententiâ, de qua Pō officij in sua cōfirmatione dimittant. Obseruet igitur lector, non statim probari Pontificiam confirmationem, quādo in aliqua ueterum sententiâ, mentio fit Chris-matis. Non enim de uocabulo, nec de significatione seu commune actione potissimum, sed de re ipsa, seu de efficacia, quam Pontificia confirmatio Chris-mati, eo modo sicut in primo membro explicatum est, tribuit, assignatio est. Et hæc observatio ostēdet, pleraque ueterum testimonia, licet mentionē faciunt Chris-matis, nihil tamen patrocinari pontificiæ confirmationi. Aliud enim est loqui de significatione ceremoniarum aliud de efficacia & operatione.

4. Sed obijciunt, ueteres tamen Chris-mati sæpe pius

pe plus aliquid tribuere, quàm solam significatio-  
nem. Respondeo: Apocrypha, suppositicia & cō-  
menticia scripta, quæ falsò ueteribus quibusdam  
tribuuntur, iure, & meritò non recipimus. Nec  
Tertulliani & Cypriani, qui hac in parte nō ob-  
scurè Montanizant, auctoritate premi uolumus.  
Nec recentiorum opinionibus, ut Rabani, Duran-  
di, Gersonis, & c. Scripturæ præscribi æquum est.  
De uera igitur & puriori antiquitate restat inqui-  
sitio. Et licet nō ignorē, alios aliter loqui: hoc ta-  
mē affirmare nū dubito, in uera & puriori anti-  
quitate nō posse ostēdi, Pontificiā illā antithesin,  
inter Baptismū & Chrismationē, quæ præcipuos  
effectus Baptismo adimit & derogat, & Chrisma-  
tiōi tribuit: sicut suprā ipsis Pōtificiorū uerbis, an-  
titheſis illa explicata est. Hic uerò est status huius  
disputationis, ut ex ueris probatæ antiquitatē  
scriptoribus ostendant, non quòd mentionē faci-  
ant olei, Chrismatis, unctiōis, & c. hoc. n. nō igno-  
ramus: sed quòd Baptismo detrahēda, Oleo uerò,  
Chrismati & unctiōi, talia tot & tāta tribuēda  
esse docuerint, & ex uerbo Dei probarint: sicut  
Pōtificij suæ Chrismationi tribuūt, & tribui uo-  
lūt: quorū uerba, ppter ea suprā adscripsi. Et hoc  
est quod dico, & scio, ex ueris probatorū Patrum  
scriptis ostēdi & probari nō posse. Extra, De  
sacra Vnctiōe, cap. Vngitur. ostēdit Innocētius,  
fuisse aneiquitus quosdā, qui unctiōes illas repre-  
henderent.



henderent. ita enim inquit: Nec Iudaizat Ecclesia,  
 cū unctionis celebrat Sacramentū: sicut antiqui  
 mentiuntur, qui neq; Scripturas, neq; Dei nouere  
 uirtutē. De Cyrillo uerò Hierosolymitano, cu-  
 ius catecheses nuper editæ sunt, quædā breuiter di-  
 cēda sunt. ille enim præcipuus iā cogitur esse Pon-  
 tificij chrismatis patronus. Et nō iniquè sanè uolu-  
 mus de Cyrillo Hierosolymitano, cuius historia  
 nobis nō est ignota iudicare: si tamen κατηχόαις  
 illæ, quæ recens editæ sunt ipsius γράμματα & incor-  
 ruptæ sunt. illam tamen libertatē nobis Pontificij  
 non eripient, quā in examinandis & dijudican-  
 dis omnium Patrum scriptis, Augustinus sæpius  
 inculcat, Ecclesiæ datam esse: ut scilicet ad normā  
 Scripturæ exigantur. Et Hieronymus dicit, Cy-  
 rillum hunc in adolescentia conscripsisse κατη-  
 χόαις. Ruffinus addit, ipsum aliquando in fi-  
 de, sæpius in confessione uariasse. Non igitur cano-  
 nica est scriptoris huius autoritas. Sed uideamus  
 quid de Vnctione dicat. In secunda igitur cate-  
 chesi dicit. Exorcisatum hoc oleum tantam uirtu-  
 tem consequitur, ut non modò ardencia peccatorū  
 uestigia expurget, uerum etiam omnes uisibiles de-  
 mones repellat. A qui hoc oleo Cyrillus ungit ba-  
 ptizandos ante Baptismum. Si igitur ante Baptis-  
 mum & peccata, & ipsa peccatorum uestigia per  
 oleum iam expurgata sunt: quomodo mox dicit,  
 Baptismum esse peccatorum abluitionem, conci-  
 liare

liare adoptionem, & donum Spiritus sancti? Sed explicat se, cum inquit: Illud oleum, symbolum est pinguedinis Christi nobis communicatae, & quod diabolica operatio in nobis deleta sit, scilicet in Baptismo & per Baptismum: cuius efficacie Baptismi, symbolum & significatio est, oleū. Quod si quis hanc explicationem, ex ipsius autoris uerbis sumptam, recipere nolit: is faciet Cyrillum pugnantem, & secum, & cum ipsa Scriptura, quod expurgationem peccatorum detrahat Baptismo, & tribuat oleo ante Baptismum. In tertio catechesi, in principio dicit, eos qui in Christum baptizati Christum induerunt, participes & consortes factos esse Christi. Et Chrisma gerere imaginem Spiritus, quo Christus corporaliter unctus fuit: hæc tanquam symbola, admonentia de efficacia Baptismi, tollerari possunt. Sed mox attextit Cyrillus iste, siue sit *υπόκρίτης*, siue suppositicius: Sicut panis Eucharistiæ, post spiritus sancti inuocationem, non amplius est panis communis, sed est corpus Christi: sic & hoc unguentum, postquam iam consecratum est, non amplius est nudum unguentum sed est charisma Christi, quod aduentu Spiritus sancti, per ipsius diuinitatem energiam habet, ut corpus quidem eo perungatur, anima uero uiuifico spiritu sanctificetur. Et mox: Huius sancti chrismatismis dono accepto, merito appellamini Christiani. Antequam enim hæc gratia uobis donata esset.

ta esset, non eratis proprie digni eo nomine, &c. Sed ipse Cyrillus ex Scriptura confirmat: Baptismum non tantum esse ablutionem peccatorum, uerumetiam adoptionem filiorum, & donum spiritus sancti conciliare. Et quia baptizati Christum induerunt, affirmat ipsos per Baptismum participes & consortes factos esse Christi. Quomodo igitur ea quae ipse, etiam teste Scriptura affirmat, Baptismi propria esse, purgationem scilicet peccatorum sanctificationem spiritus, & participationem Christi, Cyrillus ille mox Chrismati tribuit? Ego simpliciter ita interpretor, quod intelligat chrisma esse symbolum, significans & admonens; quae sit Baptismi uirtus & efficacia: non quod illam uirtutem uelut uel Baptismo detrabere, uel eam partiri inter Baptisma & inter Chrisma. Quod si hanc explicationem nolint recipere Pontificij, facient Cyrillum aduersa fronte pugnantem cum ipsa Scriptura. Christiani enim efficitur & sumus, non ab externa aliqua pinguedinis delibutione, sed à Christo Domino nostro: quem in Baptismo induimus, quem in uerbo apprehendimus; ut fide in cordibus nostris habitet. Neque enim Antiochia primum appellati fuerunt Christiani, inde quod externa aliqua oleae pinguedine deliniti & delibuti fuerint. Si igitur extra & contra Scripturam, Cyrilli huius autoritas urgeatur: respondemus uerbis Augustini, Epist. 19. Non ideo putamus

dū esse, aliquid uerū esse, q̄a Patres ita senserint: sed si p̄ autores Canonicos, q̄ a ueritate nō abhorreat, persuadere possint. Ex literis igitur Canonicis, omnium aliorum scripta considerare debemus: et quod in illis cum diuinarum Scripturarū autoritate nō congruit, cū pace eorū et salua honorificentia, quæ illis debetur hominibus, respicere et improbare possumus: licet incomparabiliter inferiores sumus ipsis Patribus. Epist. 111. et cōtra Cresconiū lib. 2. ca. 32. idq̄; fit sine ulla comumelia Patrū, iusto iudicio, et nulla temeritate, inquit Augustinus cōtra Donatistas lib. 7. cap. 20. Et ad Victorem lib. 2. Expendamus igitur paucis, an Cyrillus illam suam sententiam ex Scriptura canonica nobis persuadere possit: conatur enim illud. ita aut̄ inquit: Moses summiū sacerdotē primū lauit aqua, postea unxit unguento: et ita dictus fuit Christus Domini. Ergo qui in nouo Testamento uolum Christiani fieri, eos oportet habere ueritatē eius, quod antiquis in figura cōtigit. Veritatē aut̄ dicit hanc esse, de qua Iohannes cōcionatur, i. 10. 2. Vos unctionē habetis à sancto, et nostis omnia: unctio quā accepistis ab eo, maneat in uobis. Itē: Unctio eius docet uos de omnib. Et hætenus quidē non malē colligit Cyrillus: sed quod inde suū externū exorcisatū Chr̄isma stabilire conatur, nulla planē consequentia cohæret. Certissimū enim est, Iohannē loqui nō de externā aliqua pinguedi-



nis delibutione, sed de spirituali, interiori et inuisibili unctione spiritus. Et quia in nouo Testamento, ipsam ueritatē habemus, non est redeundū ad figuras ueteris Testamēti, sine mandato Christi. Ex illis igitur Scripturæ locis, Chrisma Cyrillū nequaquā probatur. Altera uerō probatio quam affert, hæc est. Isaie 25. Græci textum ita reddiderunt: Et faciet Dominus Sebaoth omnibus gentibus in hoc mōte: uinū bibent, læticia bibent, unguento ungentur. Et addit: Trade hæc omnia gentibus. uoluntas enim Domini super omnes gentes. Et inde Cyrillus uult confirmare, mandatū et uoluntatē Dei esse, ut in Ecclesia noui Testamēti, omnes gentes chrismate ungantur. Sed o po lector, ut tantum expendat, qualis sit hæc probatio. Primum enim Isaías in sua lingua, sententiā illam ita non habet, sed inquit: Dominus Zebaoth faciet omnibus populis in monte isto conuiuium pinguium, conuiuium fœcium, de pinguedinibus medullatis, et fœcibus defecatis. Et tollet Dominus in monte isto faciem uolucris, quod expansum est super omnes gentes. Isaías igitur planē nihil dicit de unctione tradenda gentibus. Deinde textus ipse explicat, quod hæc sint allegorica: et quomodo intelligenda sit illa allegoria, ostendit: inquit enim: Præcipitabit mortem in sempiternum, et auferet lachrymam ab omni facie, et opprobriū populi sui auferet de uniuersa terra. Quomodo

igitur ex allegorica sententia, probari potest externa delibutio materialis chrismatis? Postremo, si corporaliter sententia illa accipienda esset, eadem ratione sequeretur etiam, scabibus (forsan ut in lupercalibus) & pinguedine medullarum liniendos esse baptizatos. Videt igitur lector, quales, quàm frigide, quàm coactæ, comortæ & peregrinæ sint illæ probationes. Et Augustini regula est: Non maiorem debere esse auctoritatem in sententijs Patrum, quàm quales earum probationes ex Scripturis canonicis proferunt.

5. Magna est dissimilitudo & diuersitas, inter chrisma de quo ueteres loquuntur, & inter cōfirmationem, sicut illa apud Pontificios seruatur. Et tres differentiās quæ maxime illustres sunt, breuiter annotabo: ut & hoc manifestum fiat, ne ex Patrum quidem probatorum ueris scriptis, probari aut stabiliri Pontificiā, sicut illa nunc seruatur, confirmationem. Primò enim quod ad materiam (sicut loquuntur) uel ad externum signum attinget, ueteribus usurpata fuit impositio manuum, quæ adhuc Hieronymi & Augustini etate in usu fuit. Iam uerò apud Pōtificios, impositio manuum in Confirmatione prorsus abolita est. Quomodo igitur idem potest Sacramentum esse: nisi forsitan rusticis persuasuri sunt, in unctionem alapæ idem esse quod impositionem manuum. Tertullianus meminit tantum olei. Clemens etiam Alexandri-

nus, & Basilius tantum olei meminerunt. Sed Pontificij commendunt, si oleum non sit balsamo mixtū, non esse uerum Sacramentum. Et licet ex Scholasticis quidā disputent, solum oleum esse de necessitate: concilium tamen Florentinum d. cernit, materiam confirmationis debere esse chrisma, ex oleo & balsamo confectum. Ideo ne hanc quidem materiam à ueteribus haberi. Et nescio, an ex probatis ueterum scriptis, de mixtione balsami aliquid possint proferre. Natuum certè balsamum unā cum ipsis arboribus tam defecisse constat. Perijt igitur ex rerum natura, ipsa materia confirmationis, quam Pontificij requirunt. Neq; enim facticiū balsamum, locum eius implere potest: sicut nec aqua facticia, materia esse potest Baptismi: nec uinum facticiū, materia Eucharistie. Cyrillus baptizatos post Baptismum Chrismate inungit, primum in fronte, secundò in auribus, tertio in naribus, quartò in pectore. Ambrosius de his qui initiantur, cap. 6. baptizato post Baptismū inungit caput, ut inde defluat unguentum. Pontificij uerò tradunt, chrismationem in sola fronte debere fieri: & si fiat in uertice, in pectore, in auribus, in naribus, &c. etiamsi eadem adhibeatur materia & forma, non esse Sacramentum confirmationis. Videt igitur lector, quanta sit dissimilitudo & diuersitas inter ueterum sententias, & inter Pontificij confirmationem, quod ipsam ma-

teriã attinet. Et quando multas cumulante sententi-  
as ex ueteribus, opponenda ipsis est hac diuersi-  
tas. Quicquid enim de chrismate ex ueteribus de-  
clamitarint, tamen non habent illud Sacramentũ,  
de quo antiquitas loquitur. Non enim eadem est  
materia, sed uarijs mutationibus alia & diuersa.  
Secundò, apud ueteres inunctio Chrismatis non  
fuit peculiare Sacramentum, aliud diuersum &  
distinctum à Sacramento Baptismi. Sed sicut ua-  
rias habuerunt ceremonias, antecedentes intin-  
ctionem Baptismi: ita etiam uarias habuerunt ce-  
remonias post inunctionem, connexas tamen &  
coniunctas ipsi actioni Baptismi. Et administra-  
tionem Baptismi definierũt, non tantũ mersione  
siue inunctione, sed & ceremonijs antecedentibus,  
& quæ mox cõtinuo actu inunctionẽ sequi sole-  
bãt: ita ut actio Baptismi, illis subsequentibus riti-  
bus absolueretur, & perficeretur. Et hoc manife-  
stũ est in omnibus ueterũ locis, ubi ritus illi descri-  
buntur. Ipse etiam Dionysius & Damascenus, in-  
unctionẽ nõ separant à Baptismo, sed habet inunctio-  
nem & ante Baptismum & mox post Baptismũ.

Tertullianus dicit: Ex ea die qua baptizati su-  
mus lauacro quotidiano, per totam hebdomadam  
abstinemus. Illud hodie Pontificij docent seruand-  
um esse, non post Baptismum, sed post confirma-  
tionem. Fuisse igitur olim unam, eandem & coni-  
unã actionem, quæ nunc in duo Sacramenta di-  
scripta



est, uel hinc manifestum est.

Antididagma Colonienſiū querit, quare presbyter baptizatum ungat chrismate, cum postea in Confirmatione eo linendus sit: Et ex gestis Pontificum recitat, Siluestrum constituisse, ut propter periculum mortis inexpectate, presbyter baptizatum chrismaret: ne propter absentiam Episcopi, sine confirmatione de hac uita migraret. Si autem presens esset Episcopus, ungeretur ab ipso.

Ostendit & hæc narratio, Chrismationē olim fuisse coniunctam & connexam ipsi actioni Baptismi. Postea ut numerus Sacramentorum augeretur, auulserunt eam ab actione Baptismi: atque ut fieret inde peculiare Sacramentū, uoluerunt inter Baptismū & delubationē, intercedere spacium aliquod temporis, annos scilicet 12 uel 25. sicut tradit glossa de Consecrat. dist. 3. ca. ut Ieiuni. Durandus ex Rabano censet, baptizatum confirmari non posse, nisi ad minimum post septem dies, post Baptismū, propter septem scilicet dona spiritus. Longē igitur aliud & diuersum fuit unctio ueterum post Baptismū, & chrismatio Pontificia in Confirmatione. Alterū igitur ex altero nec confirmatur, nec stabilitur. Et iam iudicet lector, quantum ponderis habeant suffragia illa, quæ ex ueteribus pro sua confirmatione Pontificij conquirunt. De diuersis enim non est idem iudicium. Si igitur probatio ualere deberet,

oportere planè idem esse et ueterum unctionem,  
 & Pontificiam confirmationem. Tertiò, effe-  
 ctus quos Pontificij hodie sue confirmationi tri-  
 buunt, illos ueteres ipsi Baptismo adscribunt, Cle-  
 mens enim lib. 1. pedag. ca. 6. dicit Baptismum uo-  
 cari, 1. gratiam qua remittantur peccata, 2. illu-  
 minationem per quam id quod diuinum est perspi-  
 cimus, 3. perfectionem cui nihil desit. Et addit:  
 Absurdum est, Dei uocari gratiam quæ non sit  
 perfecta, et undiquaq; plena. Tincti igitur, inquit,  
 illuminamur, illuminati in filios adoptamur, ad-  
 optati perficimur, perfecti immortales reddimur.  
 Et hæc omnia Clemens tribuit efficacie Baptismi  
 Cyprianus li. 4. epist. 7. Diabolus in Baptismo fi-  
 de credentis excluditur & opprimitur. Hilarius  
 contra Arrianos: Sacramento Baptismi, uerè fili-  
 us Dei unusquisq; perficitur. Basilus: In Baptis-  
 mo homo hæres constituitur cœlestium bonorum,  
 Idem: In Baptismo professi sumus, quod mortui si-  
 mus peccato & mundo. Gregorius Nissenus: Ba-  
 ptismus docet, ne uitiorum reliquias sequenti post  
 fidem uitæ immisceamus. Chrysostomus in 6,  
 ad Rom. Non ad hoc tantum ualeat Baptismus,  
 quod priora delicta delet, sed quod & ad futura  
 cauenda munit. August. lib. 1. de moribus Ma-  
 nuchæorum, ca. 35. In illo sacrosancto lauacro in-  
 choatur renouatio hominis, ut proficiendo perfici-  
 atur. Hesichius dicit, Baptismum comerere  
 diabo-

diabolum: & huc accommodat illud Psalmi: Tu  
 conturbasti capita draconum. Hæc testimonialia  
 glor conferat ad ea quæ Pontificij Baptismo de-  
 trahunt & suæ confirmationi tribuunt. Inde enim  
 manifestum erit, quàm bene consensiat Ponifi-  
 cia confirmatio, cum ueteri Ecclesia. Frustra igi-  
 tur uetustatis suffragijs illam ornare conamur, cū  
 tanta sit dissimilitudo & diuersitas. Hæc de ue-  
 terum sententijs, prolixius aliquanto annotaui, ut  
 fucum illum quem confirmationi suæ ex ueterum  
 testimonijs faciunt, detraberem: utq; clarè osten-  
 derem, Pontificiam illam chrismationem non tan-  
 tum Scripturæ fundamentis, uerumetiam ueræ  
 antiquitatis idoneis testimonijs destitui. Neq; e-  
 nim statim Pontificia confirmatio probatur &  
 stabilitur, ubi in ueterum scriptis mentio sit olei,  
 chrismatis & unctionis. Atq; ideo ostendēda fuit  
 diuersitas. Video enim Pontificios sibi mirè place-  
 re, cumlandis huiusmodi sententijs, 6. Adijciam  
 & hanc observationem. Cum olim una, conuinua  
 & coniuncta actio fuerit Baptismi, unctionis &  
 impositionis manuum: qua occasione & ratione  
 primum coeperit diuelli et disiungi, donec tandem  
 peculiare, distinctum & separatum Sacramentū,  
 quod sua antithesi Baptismus longè superaret,  
 ex chrismatione factum est? Deprehendī autem  
 triplicem potissimum fuisse occasionē. 1. Quan-  
 do ab hæreticis, uel in schismate uero Baptismo

baptizati ad Ecclesiam redibant, tunc non rebaptizabantur: sed uel impositione manuum, uel unctione Chrismatis recipiebantur. Huius rei frequens est mentio in disputationibus ueterum de controversia Cypriani. Ita etiam sancit conciliū Laodicense, Can. 7. Qui à Nouatianis redeunt, doceantur symbolum fidei: et uncti sacro chrismate, sic mysterijs communicent. Arelatense Can. 8. Si ad Ecclesiam aliqui de heresi Arriana uenerint, interrogent eos nostræ fidei sacerdotes symbolum. Et si præuiderint, in Patrem, Filium, et Spiritum sanctum eos baptizatos, manus eis tantum imponent, ut accipiant Spiritum sanctum. Ita Leo epist. 77. Qui apud hæreticos baptizatus est, non rebaptizetur: sed Spiritus sancti inuocatione, per manuum impositionem confirmetur, quia Baptismi tantum formam, sine sanctificatione accepit. Hæc Leo. Non autem idem ritus fuit ubiq; id quod etiam Gregorius testatur de Consecra. 4. cap. Ab antiqua. Narrat enim, Occidentem per manus impositionem, Orientem per chrismatis unctionem recipere eos qui apud hæresin rectè baptizati ad Ecclesiā redibant. Num uerò ideo hoc factū fuit, quasi Baptismus per se sit sine sanctificatione, et sine Spiritu sancto? Certè Eph. 5. sanctificatio expressè tribuitur Baptismo. Et opulenta effusio Spiritus, Tit. 3. Sed qui baptizatus fuit, non habēs ueram fidē, non potuit accipere Spiritū sanctū, et sanctificationem



cationem Baptismi: illa enim fide accipimus. Sed quā lo postea ad uerā fidē conuertebatur, tūc demū rectē et salutariter apprehēdebat promissio-  
nē Baptismi: atq; ita sanctificationē Baptismi, ante oblatā quidē, sed non acceptā, tūc primū fide uera accipiebat: idq; ut fieret, inuocabatur super eū Spiritus sanctus: cui inuocationi adhibebatur symbolū impositionis manūū, sicut Augustinus inquit, nihil aliud esse manūū impositionē, quā orationem super hominē. li. 3. cōtra Donatistas ca. 16. Et ca. 1. quæst. 1. c. Paulianiste, extat hæc semen-  
tia: Dum ab eis baptizātur, qui in hæresi uel schis-  
mate eis cōmunicant, Sacramentum quidem Ba-  
ptismi ab eis accipiūt, uirtutem uerò nō consequun-  
tur: quam sine fide nullus cōsequi potest, sicut Do-  
minus in patria sua, nō poterat facere ullū signū,  
propter incredulitatem ipsorum. Augustinus con-  
tra Donatistas 9. ca. 20. Manus impositio si nō ad-  
hiberetur, ab hæresi uenienti, tanquā extra omnē  
culpam esse iudicaretur: propter caritatis aut co-  
pulationē, manus hæreticis correctis imponitur.

2. occasio fuit, quando in necessitate aliquis, uel  
à catechumeno, uel à laico baptizatus erat: tunc  
ut Baptismus ille tanquam uerus et legitimus ap-  
probaretur et cōfirmaretur, ductus fuit baptiza-  
tus ad Episcopū. Ita cōcilium Elibertanū, inqt Can.  
18. fidelē, et in necessitate catechumenū, posse ba-  
ptizare, ita ut si ille q sic baptizatus fuit supuixerit

ad

ad Episcopum eum perducatur, ut per manus impositionem perfici possit. Ita historia de Nouato apud Eusebium lib. 6. ca. 33. ostendit, illis qui decumbentes in lecto baptizabantur, non adhiberi potuisse reliquos tunc usitatos ritus: quos tamen ne quid omitteretur, postea recuperata ualeitudine subsequi uolebant, sicut & Athanasii historia recitatur 1. quæst. 1. c. Spiritus sanctus. 3. ratio & occasio illa fuit, quam Hieronymus describit in dialogo aduersus Luciferianos. Narrat enim, suo tempore Ecclesiarum consuetudinem fuisse, ut ad eos qui in minoribus urbibus, per presbyteros & diaconos baptizati erant, Episcopus ad inuocationem Spiritus sancti, manum impositurus excurreret. Et fuit absq; dubio bona & utilis consuetudo, ad retinendam & conseruandam doctrinæ et fidei puritatem, quod Episcopus eos qui ab alijs baptizati erant, ipse de doctrina & fide interrogabat & examinabat: & quando intelligebat eos rectè credere, & legitime baptizatos esse, uerbo eos confirmabat: & impositis super ipsos manibus, Spiritum sanctum i. sis inuocabat, ut in fide illa perseuerarent. Sed & ex hac consuetudine, & ex more recipiendi eos qui ab heresi ad Ecclesiã reuertebantur, iam tum Hieronymi tempore, imò longè antè, non uulgus tantum, sed & Episcopi quidam sinxerant hanc opinionem, quasi Baptisma ipsum esset sine Spiritu sancto: qui tunc primò daretur.

daretur & acciperetur, quando Episcopus ad inuocationem Spiritus sancti, manus baptizatis imponeret. Hęc uerò opinionem, quę tamen est Tertulliani presbyteri, Cornelij pape, & Cypriani episcopi, Hieron. seriò & grauius refutat. Et probat, Baptisma non esse, sine Spiritu sancto: quia nulli hominum, sine Spiritu sancto peccata dimittantur: anima etiã in Baptismo non purgetur sordibus, sine Spiritu sancto.

Querit autem Hieron. cum Spiritus sanctus in uero Baptismate tribuatur, quare in Ecclesia baptizatus, per manus Episcopi dicatur, accipere Spiritum sanctum. Et ibi quidem locus fuisset dicendi, sicut Pontificij iam dicunt, in Baptismo tantum dari Spiritum sanctum ad regenerationē, ad reliqua uerò necessaria dona, Spiritum sanctū non dari uel accipi in Baptismo, sed illud demum fieri in Episcopali cōfirmatione. Sed Hieron. hoc non dicit: simpliciter autem respondet, hanc observationem descendere ex ea autoritate, quòd post ascensum Domini Spiritus sanctus ad Apostolos descendit. Mox uerò quomodo hoc intelligi uelit, subiungit, cum inquit: Et multis in locis idem factitatum reperimus, ad honorem potius sacerdotij, quàm ad legis necessitatem: alioqui si ad Episcopi tantum imprecationem Spiritus sanctus defluit, lugendi sunt qui in uinculis aut in castellis, aut in remotioribus locis per presbyteros & diaconos

conos baptizati, antè dormierunt, quàm ab Episcopis inuiserentur. Hæc Hieronymi explicatio diligenter obseruanda est: præbet enim lucem ad intelligendas multas historias, et sententias ueterum, de accipiendo Spiritu sancto, per impositionem manuum Episcopi. Et hinc etiam intelligi potest, quomodo Ecclesiastica illa cōsuetudo postea magis magisq; degenerarit, assutis subinde nouis ritibus et opinionibus. Tandem enim extincta luce doctrinæ, ex illo quod ad hōnorem Episcopatus, non ad legis necessitatem factum, quodq; in illis qui ab hæresi reuertebamur seruatum fuerat, fabricatum est peculiare et uniuersale Sacramentum, pro omnibus baptizatis: et additæ sunt opinionones, manifestè derogantes dignitati et uirtuti Baptismi, quæ suprà recitatæ sunt. Et hæc sunt, quæ dixi ex ueteribus probari non posse. Nam et Augustinus contra Donatistas lib. tertio, cap. 16. quærit, quare Spiritus sanctus in sola catholica, per manus impositionem dari dicatur. Et respondet, non de illis quæ Pontificij suæ confirmationi tribuunt, sed inquit: Hoc intelligi maiores nostri uoluerunt, quod Apostolus ait: Caritas diffusa est in cordibus nostris per Spiritum sanctum. Ipsa enim est caritas, quam non habent qui ab Ecclesiæ catholicæ communionē præcisi sunt. Itē. Quis nunc hoc expectet, ut hi quibus manus ad accipiendum Spiritum sanctum imponitur, repente incipiant



cipiam linguis loqui? Sed inuisibiliter & latenter per uinculum pacis, eorum cordibus diuina caritas inspirari intelligitur, &c.

Expresse autem loquitur de hereticis et schismaticis reuertentibus. Quomodo uero per manus impositionem caritas inspiratur? Respondet Augustinus: Manus impositio quid aliud est, quam oratio super hominem: ergo non sicut Baptismus, repeti non potest. Et Gratianus de illa Augustini sententia. q. i. c. Arrianos, inquit: Ex eo quod manus impositio iterari precipitur, Sacramentum non esse ostenditur. Quaecumque igitur ex ueteribus citamur, longe alia & diuersa sunt, quam Pontificia confirmatio, sicut illa supra descripta est.

His ita explicatis, facile & planum erit examen Canonum de Confirmatione. Quod enim primus Canon damnat talem confirmationem, quae consistat in catechesi, & professione fidei puerorum, hanc habet sententiam & rationem. Nostri saepe ostenderunt, ritum Confirmationis, remotis inutilibus, superstitiosis, & cum Scriptura pugnantibus traditionibus, pie & ad Ecclesiae edificationem, iuxta Scripturam consensum, hoc modo posse usurpari, ut illi qui in infanzia baptizati sunt (talis enim nunc est Ecclesiae status) cum ad annos discretionis peruenissent, diligenter in certa & simplici catechesi doctrina Ecclesiae instituerentur. Et cum initia mediocriter percepisse uiderentur, postea

Episcopo

Episcopo & Ecclesie offerrentur: atq; ibi puer in infanzia baptizatus, Primò breui & simplici commonefactione admoneretur de suo Baptismo: quòd scilicet sit baptizatus, quomodo, quare, & in quid sit baptizatus, quid in illo Baptismo tota Trinitas ipsi contulerit & obfignarit, fœdus scilicet pacis, & pactum gratiæ: quomodo ibi facta sit abrenunciatio sathane, professio fidei, & promissio obedienciæ. Secundò, puer ipse coram Ecclesia ederet propriam & publicam professionem huius doctrinæ & fidei. Tertiò, interrogaretur de præcipuis Christianæ religionis capitibus, ad singula responderet: aut, si quid minus intelligeret, rectius erudiretur. Quartò, admoneretur, & hoc professione ostenderet, se dissentire ab omnibus ethnicis, hæreticis, phanaticis & prophanis opinionibus. Quintò, adderetur grauis & seria exhortatio ex uerbo Dei, ut in pacto Baptismi, & in illa doctrina & fide perseueraret, et proficiendo subinde confirmaretur. Sextò, fieret publica precatio pro illis pueris, ut Deus Spiritu suo sancto illos in hac professione gubernare, cõseruare & confirmare dignaretur. Ad quam precationem, sine superstitione adhiberi posset impositio manuum. Nec inanis esset ea precatio: nititur enim promissionibus de dono perseuerantiæ, & gratia confirmationis.

Talis ritus confirmationis, ualde multum utilitatis

litatis ad ædificationem iuuentutis & totius Ecclesie conferret: esset etiam consentaneus & scripturæ, & puriori antiquitati. In Apostolica enim impositione manuum, factam fuisse explorationem doctrinæ, & professionem fidei, manifestè testatur historia Acto. 19. De exhortatione etiam ad perseverantiam, & de confirmatione per uerbū, in semel suscepta doctrina & fide, extant Apostolicæ ecclesiæ exempla, Acto. 14. 15. & 18. Et adhibitam fuisse publicam precationem, testatur historia Acto. 8. Ita de exploratione & professione doctrinæ & fidei in confirmatione, loquuntur canon Laodicens 7. Arelatensis 8. sicut suprà notauimus. Atq; ideo canon Aurelianensis perfectam ætatem requirit in confirmando. Nec malè huc conuenit, quod Dionysius in fine Ecclesiasticæ hierarchie scribit de magistro catechescon, cui pueri in infamia baptizati tradebantur instituenti: ut ad professionem fidei, abrenunciationem sathane, & pollicitationem obediencie Dei, in Baptismo factam, præstandam & seruandam, doctrina & exhortationibus inducerentur.

Hæc in colloquio Ratissponēsi, Anno 1541. proposita fuerunt. Sed Eccius nomine Pontificiorū, simpliciter & superbè omnia illa reiecit, affirmans in confirmatione non expectandum esse usum rationis. Sensit igitur, tunc esse adhibendam, quando nec commonefactio de suscepto Baptis-

mo, nec exploratio doctrinae, nec professio fidei, nec exhortatio ad perseverantiam, in pueris locum potest habere. Et ita dictum est à nostris, si hæc ex ritu confirmationis tollantur, etiamsi nihil contineret superstitionis, esse tamen tantum ociosam ceremoniam. Et ex hac narratione lector intelligit, quid primus hic Canon de Confirmatione sibi uelit, unde sit sumptus, et quò respiciat, quando meminit ociosæ ceremoniæ, catecheseos, et professionis fidei. Multi cogitarunt, etiamsi reliqua uisitata in sua confirmatione Pontificij retinere uellent, fore tamen ut catechesin, explorationem doctrinae, professionem fidei, comunionem de suscepto Baptismo, et exhortationem de perseverantia adiungerem, ut ita speciem aliquam pietatis haberet. Sed hæc omnia manifestissimæ utilitatis, anathemate primi Canonis oblique iugulantur. Volunt enim esse tale Sacramentum, quod ex opere operato, propter chrismatis uirtutem, conferat gratiam maiorem quàm quæ sit Baptismi.

Miretur autem aliquis, quare Pontificij in sua Confirmatione, illa tolerare nolint. Sed ratio est, quia hoc modo confirmatio nihil aliud esset, quàm comunionem de suscepto Baptismo: et esset corroboratio in gratia, quæ in Baptismo collata est. Illud uerò Pontificij nolunt, sicut supra ostensum est: atque propterea hæc quæ diximus, ex sua confirmatione



firmatione exterminant, licet ualde insidiosè posita sine uerba Canonis (Non tantum esse catechesin & professionem fidei) cum tamen plerumque talem etatem in confirmatione deligant, ubi plane nullus potest locus esse catechesi, explorationi, professioni & exhortationi. Vsq; adeò nullam, uel manifestissimè utilem emendationem, homines isti uel tollerare possunt, uel admittere cogitant. Quia igitur nihil quod æquum est, ab illis obtineri potest, dicimus quod res est: Confirmationem sicut illa in regno Pontificio usurpatur, & supra descripta est, non tantum ociosam esse ceremoniam, sed multis uanis, superstitionis & impijs opinionibus & traditionibus contaminatam: id quod hactenus satis demonstratum est. Quod secundum Canonè attinet: Qualem & quantà uirtutem suo Chrismati, sine ullo mandato & promissione diuina tribuant, & quantà sit iniuria & cõtumelia Baptismi, illam uirtutē Baptismo detrahere, & ad Christina quod nullū omnino habet uerbū Dei, transferre, hactenus multis ostensum est. Sed ad hæc omnia, solo anathematis strepitu respondens. Notet autem lector, quòd Chrismati non tantū significationē & commonefactionem aliquam de efficacia Baptismi, sed uirtutem spirituale & diuinā peculiare et distinctā à Baptismo tribui uelint: ita ut sicut in Eucharistia aliquis iudiciū sibi pōt mādūcare & bibere, ita sentiūt, attestationē Chrismatis

minus reuerenti, supremam indignationē Dei, & plus quā gehennam incurri. Sicut Viennae quondam faber Episcopus clamitauit, fundamenta orbis tantum non collapsura, cum minister deferens ampullam chris-matis, calceos aestu in itinere torrefactos, pinguedine ex ampullae orificio exundante & superfluente, ex simplicitate quadam perunxisset.

Tertius Canon illinitionem chris-matis in Confirmatione, solis Episcopis sub anathematis interminatione uendicat. Respondeo autem id quod Lutherus dicit, de captiuitate Babylonica: Quales sunt Episcopi, tale etiam uolunt habere ministerium. Quia enim praedicationem uerbi, & administrationem uerorum Sacramentorum, à se ad alios inferiores reiecerunt: ne tamē ipsi nihil quod agerēt haberēt, delibutionē chris-matis, ut minime laboriosam & molestam inuenerunt: cum ad legitimum Episcopi munus obeundum, plerique sint, sicut illustris quondam adolescens, in collegio ipsorum, cum recitanda essent Pauli uerba (Sicut estis azy-mi) cecinit, Sicut estis asini. Consideret autem lector, quanta sit hominum istorum leuitas & prodigalitas in profusione anathematum. Scriptura ignorat discrimen episcopi & presbyteri. Hieronymus dicit: Quicquid huius sit, magis ad honorē sacerdotij, quā ad legis necessitatem fieri. Notum etiam est, quod concilium Toletanum primū,

Can. 20. statuit, absente Episcopo, presbyterum posse Chrismare. Et addit, ad illud usq; tempus, quibusdam in locis presbyteros chrisma consecuisse. Notum est etiam, quod Gregorius dist. 95. c. peruenit, presbyteris concedit, ut in frontib. chrismate tangere debeant baptizatos. Nec ignorant, quomodo Canonista, quomodo Alexander, Thomas, Richardus, hanc questionem ex illo Canone disputent. Et tamen anathema dicunt, si quis simplicem sacerdotem dixerit posse ministrum esse confirmationis. Anathema igitur erit etiam omnis Episcopus, qui oues suas non ipse Chrismate confirmarit. Canones enim uolunt, neminem aliū, sed Episcopum ipsum debere chrismare. Extra de sacra unctione. Atqui quæ ætas proximorum annorum, in Episcopatibus pinguiusculis meminit, Episcopum ipsum singulas suas oues chrismas-  
se? Excogitatum enim est ludibrium suffraganeorum. Cœnit siquidem aliquis Episcopatum, in Turcia puta Sidonium, Tripolitanum, Bethleemiticum: et iuramento se obstringit, se gentes illas ad fidem conuersurum. Cumq; uix iter ingressus est, mox reuersus conqueritur de difficultate & impossibilitate: ubi Pontifex absoluit illum à iuramento. Quia uerò tamen habet titulum Episcopi, sed sine Ecclesia: per talem laruam, nostri Episcopi postea in suis diocesisbus confirmationem, ordinationes, consecrationes, & huius farinæ alia  
x 3 perficiunt

## 316 EXAMEN DECRETORVM

perficiunt. Atq; sic egregiè scilicet satisfit Canonibus, quando ficticius & laruatus suffraganeus, alienas oues signat, ipso Episcopo interim iuxta morem suum, sua agente. Et tamen non ueremur in tali etiam casu, anathemata crepare. Quid igitur est, si hoc non est uniuersam religionem ludibrio haberet

### SESSIONES CONCILII TRIDENTINI sub Iulio tertio.

Non opus esse iudico, repetere historiam, quomodo concilium Tridentinum sub Paulo III. conflato funesto in Germania bello primum Bononiam translatum, postea morte Pauli III. interceptum: & quomodo mox sub Iulio III. cum uiderentur sibi de tota Germania triumphasse, cominuandum & prosequendum rursus indictum fuerit. Illa enim Sleidanus in sua historia copiosè & fideliter annotauit: ubi etiam lector inueniet, quæ interea in armatis Imperij comitijs, de Concilio acta & decreta fuerūt, quæq; postea insecuta sunt.

His igitur ad suos autores, unde peti & possunt & debent, reiectis: nos eorum quæ sub Iulio III. decreta sunt, examen ea ratione quam in præcedentibus seruauimus, prosequemur.

DECRE.



DECRETVM DE SANCTIS-  
simo Eucharistiæ Sacramento, publica-  
tum in tertia Sessione Tridentina,  
sub Iulio papa III. die 11.  
Ostobris, 1551.

*Sacro sancta æcumenica & gene-  
ralis Tridentina Synodus, in Spiritu  
sancto legitime congregata, præsidenti-  
bus in ea, eisdem sanctæ sedis Apostoli-  
cæ legato & nuncijs, etsi in eū finē, nō  
absque peculiari scilicet ductu & gu-  
bernatione cōuenerit, ut uerā & anti-  
quā de fide & Sacramentis doctrinā  
exponeret, & ut hæresibus omnibus, et  
alijs grauissimis incommodis, quib. Dei  
Ecclesia misere nunc exagitur, &  
in multas & uarias partes scinditur,  
remediū afferret: hoc præsertim iā in-  
de à principio in uotis habuit, ut stirpi-  
tūs cōuelleret & anīā execrabilīū er-  
rorū & schismatū, quam inimicus ho-  
mo his nostris calamitosis tēporibus, in*

318 EXAMEN DECRETORVM  
doctrina fidei, usu & cultu sacrosan-  
ctæ Eucharistia superseminauit: quã  
alioqui Saluator noster in Ecclesia sua  
tanquam symbolũ reliquit, eius unita-  
tis & caritatis qua Christianos omnes  
inter se coniunctos & copulatos esse uo-  
luit. Itaq; eadẽ sacrosancta Synodus, sa-  
nam & syncerã illã de uenerabili hoc  
& diuino Eucharistia Sacramẽto do-  
ctrinam tradens, quam semper catho-  
lica Ecclesia ab ipso Iesu Christo, Do-  
mino nostro, et eius Apostolis erudita  
atq; à Spiritu sancto, illi omnem ueri-  
tatem indies suggerente, edocta retinu-  
it, & ad finem usq; seculi conseruabit:  
omnibus Christi fidelibus interdicit, ne  
posthac de sanctissima Eucharistia, ali-  
ter credere, docere aut prædicare aude-  
ant, quàm ut est hoc præsentì  
decreto explicatum atq;  
definitum.

## DE REALI PRAESENTIA

Domini nostri Iesu Christi in

Eucharistiae Sacramento,

&amp; de Consecratio-

ne, Cap. I.

Principio docet sancta Synodus, & aperte ac simpliciter profitetur, in almo sanctae Eucharistiae Sacramento, post panis & uini consecratione, D. N. Iesum Christum, uerum Deum atq; hominem, uerè, realiter ac substantialiter, sub specie illarum rerum sensibilium contineri. Nec enim haec inter se pugnant, ut ipse Saluator noster semper ad dexteram Patris in caelis assideat, iuxta modum existendi naturalem: & ut multis nihilominus alijs in locis, Sacramentaliter praesens sua substantia nobis adsit: ea existendi ratione, quam etsi uerbis exprimere uix possumus, possibilem tamen esse Deo, cogitatione per fidem illustra

ta, assequi possumus, & cōstantissimè credere debemus. Ita enim maiores nostri oēs, quotquot in uera Christi Ecclesia fuerūt, qui de sanctissimo hoc Sacramento differuerūt, apertissimè professi sunt: hoc tā admirabile Sacramētū, in ultima cœna redemptorē nostrū instituisse, cum post panis uiniq̃ benedictionem, se suū ipsius corpus illis præbere, ac suū sanguinē disertis ac perspicuis uerbis testatus est. Quæ uerba à sanctis Euangelistis cōmemorata, & à diuo Paulo postea repetita, cū propriam illā & apertissimā significationē præ se ferant, secundū quā à Patribus intellecta sunt: indignissimum sanè flagitium est, ea à quibusdam contentiosis & prauis hominibus, ad ficticios & imaginarios tropos, quib. ueritas carnis & sanguinis Christi negatur, cōtra  
*uniuersum*



*uniuersum Ecclesiae sensum detorque-  
ri: quae tanquam columna & firma-  
mentum ueritatis, hac ab impijs ho-  
minibus excogitata commēta, uelut sa-  
tanica detestata est, grato semper &  
memore animo, praestantissimum hoc  
Christi beneficium agnoscens.*

Canon. 1.

*Si quis negauerit, in sanctissimo Eu-  
charistiae Sacramento contineri, uerē,  
realiter & substantialiter corpus &  
sanguinem, unā cum anima & diui-  
nitate Domini nostri Iesu Christi, ac  
proinde totum Christum: sed dixerit,  
tantummodo esse in eo, ut in signo, uel  
figura, aut uirtute anathema sit.*

*De praesentia corporis & sanguinis Domini  
nostri Iesu Christi, in sacrosancta sua coena: si-  
ue de uero & genuino sensu uerborum coenae,  
Hoc est corpus meum, Hic est sanguis meus:  
uehemens & uerē tristis est hoc tempore con-  
trouersia in Ecclesia: quibusdam commendētibz,  
uerba*

uerba illa non esse accipienda in eo sensu, quem simplex, propria, genuina, & in Scriptura usitata ipsorum significatio præbet: sed per troposeò esse detorquenda, ut uera & realis præsentia substantie corporis & sanguinis Christi, ex coena ipsius tollatur & submoueat longius, quàm coelum distat à terra. Et in coena Dominica, apud nos in terris, relinquatur tantùm uel signum & figura procul absentis, & longè à nobis remoti corporis & sanguinis Christi: uel Christus dicatur in coena sua præsens esse, tantum secundum diuinam suam naturam, præbens & exhibens communicantibus, non ipsam substantiam, sed uirtutem tantum & uigorem corporis & sanguinis sui, non præsentis, sed procul absentis, & à coena longius remoti, quàm aspectabile hoc coelum distat à terra. Ego uerò ab illorum opinionibus fateor me dissentire: simpliciter uerò & aperte profiteor, me amplecti & probare illarum Ecclesiarum sententiam, quæ agnoscunt & docent ueram & substantialem præsentiam corporis & sanguinis Christi in coena, in eo sensu quem uerba coenæ, simplici, propria, usitata & genuina sua significatione præbent. Et in hac sententia, utriusque partis argumentis diligenter consideratis, acquiesco. Neque enim sine periculo animæ fieri potest, si quis ludat fingendis opinionibus in expositione uerborum coenæ. Scriptum

enim est, eos qui non dijudicant illud corpus Domini, quod uerba coenae ibi affirmant exhiberi & accipi, manducare sibi iudicium. Dijudicatio autem rite fieri non potest, si à uero & genuino sensu uerborum ( Hoc est corpus meum ) aberratur. Non igitur quæuis opiniones, de expositione horum uocabulorum temerè sunt amplectendæ, sed diligenter inquirenda & consideranda sunt fundamenta: ut non præsumptas nostras opiniones in uerba illa ingeramus, sed ut ipsa uerba & repetitiones coenae, quæ in Scriptura extant, ostendant & præbeant nobis ueram & genuinam interpretationem & sententiam: idq; non obscuris & ambiguis coniecturis, sed perspicuis, certis & firmis indicijs & testimonijs, ut gloriari possimus, nos mentem Christi tenere, 1. Cor. 2. Quia uerò Scriptura non est priuata interpretationis, 2. Pet. 1. simplex illa regit: <sup>¶</sup> est certissima, tutissima & firmissima: quod scilicet eadem doctrina & sententia in diuersis Scripturae locis, ideo repetita est, ut ipsius Spiritus sancti interpretatio, ex illa collatione locorum inquiri & deprehendi possit. Et quando Spiritus sanctus in Scriptura sententiam aliquam, aliter quàm sicut uerba simpliciter & propriè sonant, intelligi uoluit, illud uel in eodem, uel in alio loco non obscure explicauit & ostendit. Iam uerò descriptio coenae, à diuersis scriptoribus, & quidem diuersis temporibus

poribus repetita, extat in Scriptura. Nulla autem reperiuntur indicia, simplicem, propriam, usitatam & genuinam significationem illorum uerborum (Hoc est corpus meum) esse deserendam. Offerunt se autem multe manifeste ostensiones, eam sententiam esse retinendam, quam simplex, propria, & Scripturæ usitata uerborum significatio præbet: sicut in peculiari libello, plenius hoc à nobis demonstratum est. Et hæc sententia in nullum fidei articulum impingit. Certum enim est, quia in humana natura Christi, tota plenitudo diuinitatis habitat corporaliter: & per ascensionem humana natura in Christo exaltata est, super omne nomen quod nominatur, siue in hoc siue in futuro seculo: ideo Christum corpore suo posse adesse ubicunq; uoluerit, & facere quodeunq; uoluerit. Præsentia igitur corporis Christi in cœna, non pugnat cum articulis fidei, uel de ueritate humane nature, uel de ascensione Christi. Habet etiam hæc sententia perpetuum consensum ueteris, ueræ & purioris Ecclesiæ: & plena est dulcissimarum consolationum: quæ omnes, stabilitas absentia corporis & sanguinis Christi, conscientijs eripiuntur. Sed hæc in repetitione sanæ doctrine de præsentia corporis & sanguinis Christi in cœna, iusta tractatione explicauimus. Non igitur opus esse iudico, ut integra controuersia huius tractatio hoc loco repetatur. Hæc pauca uerò ideo



ideo hoc loco annotare uolui, ut ostenderem, meam confessionem coniunctam esse cum illis Ecclesiis, quæ a Sacramentariorum opinionibus alienæ sunt, et sententiam de uera et substantiali præsentia corporis et sanguinis Christi in cœna, iuxta simplicem et genuinam uerborum institutionis proprietatem amplectimur et profitentur. De primo igitur capitulo, et primo Canone quod attinet ad præsentiam substantiæ corporis et sanguinis Christi in cœna, nihil amplius iam disputabo, ne rationem examinis prætergrediar. Duo tamen adhuc in explicatione huius capituli expendenda sunt. Primum quod uerbo, continendi, uidetur definire uelle modum præsentie corporis et sanguinis Christi in cœna. Nos uero præsentiam ipsam, quia testimonium habet uerbi Dei, simpliciter credimus: de modo uero præsentie quia uerbo Dei reuelatus non est, iudicamus non esse disputandum. Non igitur definimus certum modum illius præsentie, sed eum humiliter commendamus sapientiæ et omnipotentie Dei. Non statuimus Physicam seu Geometricam, crassam et carnalem rationem præsentie. Non disputamus de locali inclusione: nec de descensione, uel ascensione corporis Christi. Et breuiter, non sensimus corpus Christi in cœna adesse modo aliquo, seu ratione naturali huius seculi.

Fundamen-

Fundamentum etiam præsentiæ corporis Christi in cœna, Lutherus monuit, non esse collocandum in disputatione de ubiuitate, sed in ueritate uerborum institutionis. Nec Transubstantiationem pro articulo fidei recipimus, de qua postea dicendum erit. Sed sicut uerba cœnæ docent, simpliciter credimus illam præsentiā: modum uerò & rationem non definimus, sed sapientiæ Christi ueracis & omnipotentis commendamus.

Alterum quod obseruandū dixi, est illud quod mentionem faciunt consecrationis panis & uini, & tamen, quæ & qualis illa sit, non explicant: cum tamen constet, à multis petiitum fuisse à patribus Concilij, ut inter tam uarias disputationes & opiniones, certam formam consecrationis Eucharistiæ definirent & determinarent.

Quidam enim disputant, in tacita murmuratione quatuor horum uerborum super panem (Hoc est corpus meum) consistere consecrationem: ita ut nec ea quæ in institutione præcedunt, nec quæ sequuntur, ad consecrationem uel pertineant, uel requirantur: sed in syllabis & literis quatuor illorum uerborum, ea sit uis & uirginitas, ut si à sacerdote super panem pronuncientur, possint substantiam panis conuertere in corpus Christi.

Quidam, ut Thomas, alia etiam quædam ex  
uerbis

uerbis institutionis, ad consecrationem requiri & pertinere contendunt. Extat libellus Bessarionis, in quo prolixè disputat hanc quæstionē: An consecratio fiat per uerba institutionis, an uerò per uerba Canonis: uel an utraq; simul ad consecrationem necessaria sint. Et Colonienses in suo antididagmate, seriò & multis contendunt, eos uehementer insanire, qui existimant panem & uinum consecrari in corpus & sanguinē Christi per uerba institutionis, si non adhibeantur etiam uerba & preces Canonis. Et inter Pontificios multi publicè scribunt, illas Ecclesias, quæ non adhibito Papistico canone, uerbis institutionis Christi in cœna utuntur, non habere uerum corpus & sanguinem Christi, sed tantum panarium Sacramentum, sicut Lindanus inquit.

Disputatur etiam, an ad consecrationem Eucharistiæ, necessaria sit, altaris, sacerdotis, uasorū, uestium, & reliquæ missalis panopliæ Pontificalis consecratio.

Inter has tam diuersas opiniones, Tridentini patres à multis requisiti, noluerunt se interponere: sed simpliciter sine declaratione, nomināt consecrationem panis & uini. Et quo consilio illud fiat, lector expendat. Res autem per se plana est: Quidam enim Papisticam consecrationem ita reiecerunt, ut fingerent, etiam sine uerbis institutionis, posse celebrari cœnam Dominicam. Quod

manifestè falsum est. Certissimum enim est, Sacramentum non esse sine uerbo, sicut Baptismus Paulus uocat lauacrum aquæ in uerbo, Eph. 5. Et Augustini sententia rectè habet: Accedat uerbum ad elementum, & fit Sacramentum, item: Tolle uerbum ex Baptismo: & quid erit aqua nisi aqua? Nullo modo igitur Eucharistia esse potest, sine adhibitione uerbi. Si enim ex Eucharistia tollatur uerbum, nihil aliud erit panis quàm panis. Et inde Augustinus contra Faustum, lib. 20. cap. 13. inquit: Noster panis & calix, certa consecratione mysticus fit nobis, non nascitur. Proinde quod non ita fit, quamuis sit panis & calix, alimentum est refectionis, non Sacramentum religionis. Hoc fundamentum firmissimum est, ex definitione Sacramenti. Illa uerò adhibitio uerbi ad elementum, in Sacramentis, uocatur ueteribus sanctificatio: uulgus uocat consecrationem. Paulus ex descriptione Marci, nominat benedictionem, cum inquit: Poculum benedictionis cui benedicimus, 1. Cor. 10. Quod si iam quæritur, quòdnam sit uerbum illud benedictionis, quo accedete ad panem & uinum, fiat Sacramentum corporis & sanguinis Domini. Certè hoc extra controuersiam est, sicut unumquodq; Sacramentum habet certum aliquod uerbum Dei, sibi proprium et peculiare: ita etiam Eucharistiam habere certum, proprium & peculiare uerbum, ipsam scilicet diuinam institutionem.

Existimo



Existimo uerò, apud illos qui non censent humana diuinis esse uel æquanda, uel præferenda: & hoc extra dubitationem esse, impiè eum facere, quicumque benedictionem, sanctificationem, siue consecrationem Eucharistiæ, uerbis diuinæ institutionis derogat, & ad preces Canonis, qui ab hominibus ex corrupto & integro, imò ex quàm plurimis corruptis, consarcinatus est, transfert. Nec sanè partienda est illa siue benedictio, siue consecratio inter Dei uerbum, & inter uerba ab hominibus tradita. Non enim quoduis uerbum, sed Dei uerbum requiritur ad Sacramentum. Et uerbo Dei, ut sit igne probatum, nihil est addendum: Prouerb. 30. Præcipue uerò testamento filij Dei, nihil est superaddendum: Gal. 3. Et breuiter, Christus iussit nos in actione Eucharistiæ, facere quod ipse fecit. Non autem mutam ipse actionem exercuit, sed dixit. Et quid dixerit, in Scriptura, quantum Spiritus sanctus nobis necessarium esse iudicauit, traditum est. Vetus igitur Ecclesia, licet alijs etiam exhortationibus & precationibus in administratione Eucharistiæ usa est: simpliciter tamen, & rectè sensit, sermone Christi, hoc est, uerbis institutionis diuinæ, fieri benedictionem, seu consecrationem Eucharistiæ.

Locus uerò omnium clarissimus extat apud Ambrosium de Sacramento lib. 4. cap. 4. Cū enim dixisset, panem esse corpus Christi consecratione: mox

querit, quibus uerbis et cuius sermone benedictio illa fiat. Respondet autem, uerbis & sermone Domini Iesu: & addit, differentiam esse, inter reliqua quæ in illa actione dicuntur, quæ uel sunt preces, uel Eucharistiæ: illa uerò dicit, non pertinere ad consecrationem seu benedictionem Eucharistiæ. Sed quando iam consecrandum & conficiendum est Sacramentum, tunc dicit, sacerdotem iam non suis amplius, sed Christi uerbis uti. Quæ uerò illa Christi uerba sint, cap. 5. disertè explicat, recitans uerba institutionis. Et nota est Gregorij sententia, qua affirmat morem Apostolorum fuisse, ut ad Dominicam solummodo orationem hostiam consecrarent. Falsum igitur est, quod Lindanus Basilio tribuit, consecrationem Eucharistiæ fieri uerbis non scriptis. Nam cap. 27. de Spiritu sancto, Basilius loquitur non de uerbis consecrationis, sed de uerbis, quando panis Eucharistiæ & poculum benedictionis, hoc est, facta iam benedictione ostenditur.

Iustinus etiam dicit, sacerdotem diu multumq; precari & gratias agere: sed non in hunc finem, ut ita fiat cōsecratio Eucharistiæ. Addit enim, præpositum gratias agere ὑπὲρ τῆς νατησιῶν δαΐτῆς τῶν παρ' αὐτῶν: hoc est, quod mysteria illa nobis à Christo instituta & tradita sint. De ipsa uerò consecratione inquit, cibum Eucharistiæ, gratiarum actione sacrari, αἰ' εὐχὰς λόγῳ τῶν παρ' αὐτῶν: hoc est,

est, per precationem uerbi, quod ab ipso Christo traditum est. Quale autem illud uerbum sit, Paulus à Christo se accepisse affirmat, 1. Cor. 11. Et Iustinus ipse se explicat, dicit enim, illud esse uerbum, quod Euangelistæ in Commentarijs suis de institutione cœnæ, literis consignarunt.

Irenæus dicit: Quando mixtus calix, et fractus panis percipit uerbum Dei, fit in Eucharistia corporis et sanguinis Domini. Et quod uerbum institutionis intelligat, explicat cum inquit, panem terrenum accipere uocationem Dei, scilicet quando de pane Christus pronunciat: Hoc est corpus meum. Ita Ambrosius de his qui initiantur mysterijs, cap. 9. dicit, Sacramentum illud non hominis benedictione, sed sermone Christi confici.

Et Chrysostomus in homilia de proditiōe Iudæ, quæstionem illam pulcherrimè explicat: non hominem scilicet esse, qui nobis res in mensa Dominica propositas sanctificet, ut sint corpus et sanguis Domini: sed eundem Christum, qui primam suam cœnam sanctificauit, etiã nunc nostram cœnam Dominicam sanctificare. Licet enim uerba per os sacerdotis proferantur, Sacramenta tamè, gratia et uirtute Dei sanctificari. Christi enim, non sacerdotis uerbum est: Hoc est, corpus meum. Et per illud proposita sanctificantur.

Deinde instituit collationem inter hoc uerbum Christi, et inter uerbum illud, Crescite et multiplicamini:

plicamini: quod semel dictum, perpetuam in articulo creationis habent efficaciam. De Consecrat. distinct. 2. cap. Vtrum in figura, Augustinus dicit: Reliqua omnia quæ sacerdos dicit, aut clerus chori canit, nihil aliud esse quàm laudes & gratiarum actiones, aut certè obsecrationes, & fidelium petitiones. Sacerdotem uerò consecraturum assumere uerba Euangelistarum. Et Thomas 2. quæst. 83. artic. 4. multis disputat, consecrationem solum in uerbis Christi cōfici: reliqua uerò in Canone, pertinere ad præparationem sumentium. Vera igitur benedictio seu consecratio Eucharistiæ, consistit in uerbis institutionis ipsius filij Dei, per quæ ipse nobis hodie, & usq; ad finem seculi consecrat, & sanctificat panem & uinum: ut illam nominationem, quam natura non habent, ex gratia et uirtute diuina percipiant, ut scilicet sint corpus & sanguis ipsius.

Obseruet autem lector, quòd inter Pontificios pleriq; cum non possent in uniuersum uerba institutionis, ex consecratione Eucharistiæ proscribere, magnam tamen eius partem refecarunt: ita ut exceptis 4. illis uerbis, Hoc est, corpus meum: reliqua in institutione nihil ad consecrationem uel pertineant, uel faciant. Et hoc ideo ita disputant, ut ex consecratione, exterminatis uerbis illis: Dedit illis dicens: Accipite, comedite, &c. possent extrusum habere Sacramentum. Sed Paulus traditurus



diturus Corinthijs, quomodo possent nō uulgarē,  
 sed Dominicā coenā celebrare, totam & integrā  
 institutionē recitat & præscribit. Iustinus faciens  
 mentionē uerbi à Christo traditi, quo Eucharistia  
 cōsecratur, refert se ad descriptionē institutionis,  
 quæ apud Euangelistas extat. Emissenus De conse-  
 cra. dist. 2. cap. Quia corpus. dicit sacerdotem in  
 sanctificatione ita dicere: Accipite, hoc est, corpus  
 meum: & bibite, hic est sanguis meus. Ita etiā Am-  
 brosius de Sacramētis lib. 4. cap. 5. Et breuiter in  
 omnibus uetustis liturgijs, non 4. tantū uerba, sed  
 tota & integra institutio in sanctificandis mysterijs  
 recitatur. Duō igitur iā mōstrata sunt. 1. nō prece  
 hominis, sed uerbo institutionis sanctificari siue  
 cōsecrari Eucharistiā. 2. non mutilandā esse insti-  
 tutionē, sed totam esse adhibendā ad benedictionē  
 Eucharistie, et eius administrationē. 3. Est & hoc  
 explicandū, recitationē illorum uerborum nō ita  
 adhiberi, sicut magi sua carmina conceptis uerbis  
 recitant: puta de loue Elicio, aut de luna cælo de-  
 ducenda: ui scilicet, & uirtute literarum & sylla-  
 barum, si certo modo recitentur & pronuncien-  
 tur: sed sicut in prædicatione Euangelij, Paulus  
 affirmat Christum ipsum per os ministrorū loqui:  
 Rom. 15. 2. Cor. 13. & Cum exhortari per nos,  
 2. Cor. 5. Ita in actione Eucharistie, minister loco  
 Christi legatione fungitur, qui ipse ibi adest: &  
 per ministri os, uerba hæc sonat: Hoc est, corpus  
 meum,

meum, hoc facite, &c. & per illud suum uerbum  
 efficax est. Non igitur minister homo, sua cōse-  
 cratione & benedictione, panem & uinum facit cor-  
 pus & sanguinem Christi: sed ipse Christus, uerbo  
 suo in hac actione adest: & institutionis suae uer-  
 bo, quod per os ministri pronūciatur, efficit ut pa-  
 nis sit corpus suum, & poculum sanguis suus: pla-  
 ne eo modo, sicut ipse est qui baptizat, licet per mi-  
 nistrum, & uerbo suo efficit, ut baptismus sit lau-  
 crum regenerationis & renouationis. Adhibemus  
 igitur recitationē uerborum institutionis, tanquā  
 ordinationē, mandatum, promissionem, & priui-  
 legiū mediatoris nostri Christi Domini: ut admo-  
 neamur, & certi reddamur, quid in cœna Domi-  
 nica sit & faciendum & credendū. Conuenimus  
 enim ut accipiamus, edamus & bibamus: non pa-  
 nem cibariū, aut uulgare poculum: sed illum panē  
 qui est corpus Domini, & illud poculum quod est  
 sanguis noui Testamenti. Sed natura panis, nō est  
 corpus Christi, nec uinū sanguis eius: nec ulla crea-  
 tura, sed solus filius Dei, uirtute & omnipotentia  
 sua efficere potest, ut panis sit ipsius corpus, & ui-  
 num sanguis ipsius. Illud autem in prima cœna  
 effecit per uerbum, dicens: Hoc est, corpus meum.  
 Recitantur igitur in nostra Dominica cœna, uer-  
 ba institutionis, non tantum historicè: sed ut Ec-  
 clesie ostendatur, Christum ipsum per uerbum, iux-  
 ta suum mandatum & promissionem, in actione  
 cœnae

cœnæ adesse, et potentia illius uerbi, exhibere uescentibus suum corpus, & suum sanguinem. Ipse enim est qui distribuit, licet per ministrū: ipse est qui dicit, Hoc est, corpus meū: ipse est qui per hoc suum uerbum efficax est, ut panis sit corpus, & uinum sanguis ipsius. Hoc modo et inde certi sumus & credimus, nos in cœna Domini uesci nō uulgari pane et poculo, sed corpore et sanguine Christi.

Ita Dionysij sacerdos, inchoaturus administrationem Eucharistiæ, præmittit tanquam priuilegium, hæc uerba: Tu dixisti, Hoc facite in mei commemorationem.

Ambrosius de Sacramētis lib. 4. cap. 5 pulchrè distinguit uerba institutionis. Quædam enim sunt Euangelistarū uerba, quæ tamen non ut historica tantū recitātur, sed sunt tanquam priuilegiū, quid nos in actione cœnæ Dominicæ facere debeamus, ut Accepit panem, benedixit, fregit, dedit discipulis, &c. alia uerò sunt Christi uerba, quorum uirtute panis est corpus Christi, & uini sanguis eius. ut: Accipite, comedite, bibite: Hoc est, corpus meū, hic est sanguis meus. Hoc autem interest inter consecrationem, & historicam recitationem uerborum. Quando enim institutio recitatur, & non facimus quod Christus in cœna & fecit, & faciendum iussit: tunc non est consecratio, sed tantum historica recitatio. Quando uerò uerba recitamus, & facimus quod iussit: tunc uerbis illis benedici-

mus pani & poculo. Non ignoro, questionem hanc à multis uariè disputari: quibusdā ad ipsum opus consecrātis, hoc est, ad externam tantum recitationem uerborum, sicut illa fit à ministro respicientibus, ut ex cōsecratione fermè magicū quidam faciant: quibusdam uerò ipsum uerbum plane tollentibus ex Eucharistia, alijs tantum historicam narrationem institutionis, sine accommodatione ad præsentem in nostra Dominica cœna actionem retinentibus. Sed hanc quam exposui, iudico esse simplicissimam & ueram sententiam de benedictione, seu consecratione Eucharistiæ: quæ rectè tradita, utilis est & ad erudiendā & ad confirmandam fidem. Pontificiorum uerò sententiam, de consecratione Eucharistiæ, non possumus simpliciter recipere. Disputantes enim de uerbo, per quod fiat benedictio seu consecratio Eucharistiæ, uel ipsam institutionem maxima sui parte mutilant, sicut suprà dictum est, quasi exceptis 4. uerbis, reliqua in institutione nihil uel pertineant uel faciant ad sanctificationem: uel traditiones humanas assuunt uerbo Dei, quasi per uerba institutionis, non possit fieri consecratio, nisi adhibeantur etiam ea quæ in Canone Missæ consarcinata sunt. Atque ita totum Sacramentum Eucharistiæ, quantum in ipsis est, reddunt incertum. Petrus enim Comestor dicit, uerba institutionis non esse uerba benedictionis: quia ignotum sit, quibus uerbis



*bis* Christus in benedictione Eucharistie usus sit. Sed contrarium affirmant Ambrosius & Chrysostomus. Proclus quidā fingit, Apostolos intra diem Ascensionis & Pentecostes, composuisse Canonē, ut esset forma consecrationis. Sed Gregorius asserit, Apostolos non usos Canonica illa prece, sed ad Dominicam solummodo orationem hostiam consecrassē. Ita omnino dubia & incerta est Canonica illa benedictio. Incertum igitur etiā erit Sacramentum, quod Canonica illa prece consecrari dicunt. Nos uerò quando uerbis Christi in institutione tribuimus benedictionem, habemus certum & firmum fundamentum. Præterea ipsam consecrationē seu sanctificationem, Pontificij tribuunt partim etiam operi sacerdotis: & quidē non tantum externæ recitationi uerborū, sed & alijs sacrificuli gestibus, ut expansioni, complicationi, elevationi, & gesticationi manuum, inclinationi ceruicis, conuersioni corporis, transpositioni libri, cruciformationibus, et alijs similibus: præcipuē uerò cōsecrationi sacerdotis, altaris, uasorū, uestiū, etc.

Hæc meritò & necessariò taxantur, ut ostendipossint uera fundamenta, quibus maximum hoc mysterium nititur: quòd scilicet credimus, in cœna

Dominica non uulgarem panem, & commune uinum, sed corpus & sanguinem Domini adesse, exhiberi & accipi.

348 EXAMEN DECRETORVM  
DE RATIONE INSTITVTIO-  
nis huius sanctissimi Sacra-  
menti. Ca-  
put 2.

*Ergo Saluator noster, discessurus  
ex hoc mundo ad patrē, Sacramentū  
hoc instituit. In quo diuitias diuini sui  
erga homines amoris uelut effudit, me-  
moriā faciēs mirabiliū suorū: & in il-  
lius sumptione, colere nos sui memoriā  
præcepit, suamq<sup>3</sup> annūciare mortē, do-  
nec ipse ad iudicandū mundū ueniat.  
Sumi autē uoluit Sacramentum hoc,  
tanquā spiritalem animarū cibum,  
quo alantur & confortentur uiuētes  
uita illius qui dixit: Qui manducat  
me, & ipse uiuet propter me. & tan-  
quā antidotum, quo liberemur à cula-  
pis quotidianis, & à peccatis mortali-  
bus præseruemur. Pignus præterea  
id esse uoluit futura nostra gloria, &  
perpe-*

*perpetua felicitatis: adeoq<sup>ue</sup> symbolum  
unius illius corporis, cuius ipse caput  
existit, cuiq<sup>ue</sup> nos tanquā membra, ar-  
etissima fidei, spei & caritatis conne-  
xione astrictos esse uoluit; ut id ipsum  
omnes diceremus, neque essent in no-  
bis schismata.*

Canon. 5.

*Si quis dixerit, uel precipuum fru-  
ctum sanctissima Eucharistiae, esse re-  
missionē peccatorū, uel ex ea non alios  
effectus prouenire, anathema sit.*

EXAMEN.

*Vtilissima est, simplex et uera ex uerbo Dei ex-  
plicatio doctrinae, de fine, usu et fructu, siue de uir-  
tute & efficacia Eucharistiae. Hac enim doctrina,  
animi excitantur ad crebriorem usum huius Sa-  
cramenti: accenditur in ipso usu fides inuocatio,  
& gratiarum actio: conscientia deniq<sup>ue</sup> credentis,  
ex hac doctrina dulcissima consolatione confir-  
matur, ad se etiam, in hac tanta carnis infirmitate  
pertinere, sibi certō communicari, firmiter dona-  
ri & obsignari totum thesaurum omnium benefi-  
ciorum,*

ciorum, quæ Christus mediator traditione sui corporis, & effusione sui sanguinis nobis acquisiuit. Ostendit etiam hæc doctrina, quia uarijs huius uitæ calamitatibus subiecti sumus, quale pignus habeamus futuræ aliquando nostræ liberationis, immortalitatis & gloriæ. De re magna igitur disputatio est: & omnino necessarium est, doctrinæ huius sinceritatem, sicut ea in uerbo Dei tradita est, ita conseruare, ne uel additionibus uel detractio- nibus adulteretur.

Iterum uerò cōmonefaciendus est lector, quod sit ueritas ueræ, seu quis sit uerus status controuer- siæ inter Pontificios & inter nos de hac doctrina. Tridentini enim dogmatistæ, non satis explicitè declarant id quod in controuersia positum est: cum tamē non ignotum sit, quid hoc loco damna- re uelint. Quintum siquidem Canonem ita consti- tuerunt, quasi hic sit status controuersiæ, quod nos remissionem peccatorum ita tribuamus fidei sum- ptioni Eucharistiæ, ut negemus alios etiam effe- ctus ex illa sumptione prouenire ad credentes: cū longè aliud sit, quod damnare uolunt. Vt igitur explicatis illis quibus Pontificij sperant se iudiciū lectoris uel turbare, uel saltem remorari posse: pla- nè & perspicuè ostendatur, quid illud sit quod in doctrina nostra, de fine & fructu Eucharistiæ su- gillare & damnare uolunt. Breuiter Patrum uer- bis & sententijs recitabo reliquos illos Eucharis- tie



fia effectus, de quibus Canon iste loqui uidetur: quos Eucharistie nos nullo modo detrahimus, sed docemus, fidem in sumptione debere reuerenter considerare, & cum gratiarum actione amplecti omnes diuitias, & totum thesaurum beneficiorum, quæ Christus mediator traditione sui corporis, & effusione sui sanguinis, Ecclesie suæ acquisiuit. Quia enim in Eucharistia accipimus illud Christi corpus, quod pro nobis traditum est, & sanguinem noui Testamenti, qui in remissionem peccatorum effusus est: quis neget, credentes ibi percipere thesaurum omnium beneficiorum Christi? Accipiunt enim illud, in quo peccata remittuntur, in quo mors aboletur, in quo uita nobis communicatur, quo nos sibi Christus, tanquam membra adiungit, ut ipse in nobis, & nos in ipso simus. Pulchre enim dixit Hilarius: Hæc accepta & hausta, faciunt ut & Christus in nobis, & nos in Christo simus. Cyrillus inquit: Quando carnem Christi in mystica benedictione, fide manducamus, hinc uitam habemus in nobis, illi carni coniuncti, quæ uita effecta est: ut non solum anima per Spiritum sanctum in beatam uitam ascendat, uerum etiam terrestre hoc corpus, cibo illo ad immortalitatem reducatur, resuscitandum in nouissimo die. In Eucharistia igitur accipimus pignus certissimum & prestantissimum reconciliationis nostræ cum Deo, remissionis peccatorum, immortalitatis, & futuræ glorificationis,

nis. Et reuera diuitias diuini sui erga homines amoris, in hoc Sacramento Christus opulenter effundit. illud enim corpus quod pro nobis in mortem tradidit, dat nobis in cœna sua in cibum: ut ex eo tanquam solido, diuino & uiuifico cibo uiuamus, aliamur, grandescamus, confortemur, atq; ad eò in ipsum conuertamur, ab eo nunquam separandi: sicut Augustinus piè dicit, in persona Christi: Non tu me mutabis in te, sed tu mutaberis in me. Est sacrum conuiuium, in quo Christus sumitur, memoria passionis eius recolitur, mens impletur gratia, & futuræ gloriæ nobis pignus datur. Et elegans est Ignatiij sententia, quæ extat in epistola ad Ephesios: ubi Eucharistia uocat φάρμακον ἀθανάσιας, ἀντίδοτον τῆ μὴ ἀποθανῆναι, ἀλλὰ ζῆν ἐν θεῷ διὰ Ἰησοῦ Χριστοῦ, καθαρτῆριον ἁλῆς ψυχῶν. Hoc est: Pharmacum immortalitatis, antidotum ne moriamur, sed uiuamus in Deo, per Iesum Christum, remedium per auermutationem, & depulsionem malorum purgans.

Nec incommoda est Bernhardi sententia, in qua dicit: Corpus Christi est aegris medicina, peregrinantibus uia: debiles confortat, ualentes delectat, languorem sanat, sanitatem conseruat: per hoc fit homo mansuetior ad correptionem, patientior ad laborem, ardentior ad amorem, sagacior ad cautelam, ad obedientiam promptior, ad gratiarum actionem deuotior.

Cyprianus

# CONCILII TRIDENTINI. 35.

Cyprianus dicit: eos quos exhortamur ad prælium, non inermes & nudos esse relinquendos, sed protectione sanguinis & corporis Christi muniendos. Ad hoc enim fit Eucharistia, ut possit accipientibus esse tutela. Idoneus ergo esse non potest ad martyriū, qui ab Ecclesia non armatur ad prælium: & mens deficiit, quam non accepta Eucharistia erigit & accendit.

Chrysostomus inquit: Si qui simbriam uestimentī eius tetigerunt, rectē conualuerunt: quanto magis corroborabimur, si totum illum in nobis habeamus: Sedabit ille in nobis saeuientem membrorum nostrorum legem, perturbationes animi extinguet, morbos omnes depellet, ab omni casu nos eriget, & inimici potestate deuicta, ad ueram pietatem concitabit, atq; adeo in se ipsum conformabit. Idem inquit, in priorem ad Corinthios: Ipsa mensa, anime nostræ uis est, nerui mentis, fiducia uinculum, fundamentum, spes, salus, lux, uita nostra. Si hinc hoc sacrificio muniti migrabimus, maxima cū fiducia sanctū ascendemus uestibulū.

Ambrosius de his qui initiamur mysterijs, ca. 8. Ista esca quam accipis, uite eterne substantiā subministrat.

Et in Lucam inquit: Corpus Christi edimus, ut uite eterne possimus esse participes.

Basilus in Asceticis dicit, proprium esse eorū qui sumunt Eucharistiam, ut memoriam continu-

mus nos diligendo, unam fidem, unam spem, et in-  
 diuiduam caritatem tenendo. Et sicut Cyprianus  
 inquit: Quibus unus est panis, unum est corpus, et  
 omnium unum cor, et anima una, uni Christo ad-  
 herens.

Hæc ex Patrum sententijs breuiter repetere  
 uolui: ut lectori ostenderem, non hunc esse statum  
 controuersie, de quo hoc loco Pontificij nobiscum  
 dimicant, quasi ipsi magnificemus sentiamus et lo-  
 quamur de fine, fructu, uirtute et efficacia sum-  
 ptionis Eucharistie: aut quasi nos de remissione  
 peccatorum, in sumptione Eucharistie ita loqua-  
 mur, ut alios effectus Eucharistie denegemus et  
 detrahamus. Ideo enim nostram confessionem ad-  
 iunxi sententijs ueterum, ex uerbo Dei sumptis  
 et extractis: ut coram tota Ecclesia palam fiat,  
 nos dignitati, uirtuti et efficacie Eucharistie ni-  
 hil quicquam detrachere. Et mirum est, Pontificios  
 hoc modo insidiosè uoluisse transponere statum:  
 cum aliàs irasci et indignari soleant, nos dignita-  
 tem et efficaciam Eucharistie, ex uerbo Dei magis  
 extollere et ornare, quam ipsorum Missæ, satisfac-  
 tionibus, indulgentijs, et similib. ueniarum nundina-  
 tionibus commodum et uile sit. Cum igitur hæc enu-  
 merata diligentius in nostris Ecclesijs, quam apud  
 Pontificios doceatur: nū in hac parte doctrine con-  
 sensus est, ita ut nihil habeant quod in nostra doctri-  
 na damnem? Certè non sine causa, anathemata



sua in V. Canone expediunt. Quid uerò illud sit, obliquè notant cum damnant: Si quis dixerit, uel præcipuum fructum sanctissimæ Eucharistiæ, esse remissionem peccatorum. Sed inquis: Forſan eos notant, qui de remissione peccatorum, in sumptione Eucharistiæ ita disputant, ut reliquos eius effectus omnes prorsus negent & tollant. Illos igitur nominent. nobis cum tali opinione, nihil est commune, qui sensimus in usu Eucharistiæ, fieri in credentibus applicationem & obſignationem omnium beneficiorum Christi mediatoris. Sed aliud est, de quo boni illi patres dimicant, quod in secundo capitulo ita explicant, Eucharistiam esse antidotum, quo liberemur à culpis quotidianis, hoc est à peccatis uenialibus: à mortalibus uerò non liberemur per antidotum Eucharistiæ, sed tantum præſeruemur. Et est illud quod Colonienſes Ieſuitæ ex Scholaſticis clariùs explicant, cum dicunt: Leuia quidem & minora peccata Eucharistiam delere, aliquando etiam grauius quedam: illa ſcilicet, quorum memoria confitentibus nobis exciderit. tunc enim Sacramenti uirtutem ſupplere, quod ignorantia deſiderabat. Mortalia autem peccata, uero usu Eucharistiæ non deleri. Hoc igitur est caput illud, quod in doctrina noſtra reprehendunt & damnant: quòd ſcilicet docemus, filiũ Dei in Eucharistia, dato ſuo corpore & ſanguine, tanquam pignore ſeu ſigillo certiffimo & præſantiſſimo,

stantissimo testari, se singulis fide hoc Sacramento utentibus, communicare applicare, & obsignare beneficia sua, quæ traditione sui corporis, & effusione sui sanguinis Ecclesiæ acquisiuit. Et inter illa beneficia, dicimus præcipuum & primarium locum obtinere remissionem peccatorum, reconciliationem cum Deo, receptionem in gratiâ, & acceptationem ad salutem & uitam æternam: non quod reliqua Christi beneficia, ab Eucharistiæ fructu excludamus: sed quia hæc sunt quasi fundamenta omnium reliquorum Christi beneficiorum, quæ nobis conferenda sunt. Neq; hoc facimus priuata aliqua speculatione aut temeritate, sed ipse filius Dei, Eucharistiam nominat nouum Testamentum. Et Ieremias affirmat, in nouo Testamento comprehendî hoc pactum: Propitius ero iniquitati eorum, & peccati eorum non memorabor amplius. Et quidē in ipsa institutione, Christus expressis uerbis nominat remissionem peccatorum. Cogitet autem lector, quid sit, remissionem illam in nouo Testamento, de quo uerba cœna loquuntur, cum Iesuitis restringere tantum ad leuia et minora peccata: quasi sanguis Christi, in Eucharistia acceptus, non habeat uim delendi peccata mortalia & grauiora: sed illa dignitas & uirtus tribuenda sit nostris satisfactionibus, indulgētis, missæ sacrificio, & reliquis ueniarum negotiationibus. Operæ precium enim est, expendere, quare

Pontificij contra hoc caput doctrine nostræ tam pertinaciter dimicent. hæc enim cōsideratio, multa monebit: et ostendet caussas grauissimas, quare contradicendum sit.

Primum igitur, remissionem peccatorū grauiorū et mortaliū, quæ post Baptismū cōmissa sunt, docent querendā et impetrandā esse nostrā contritione, cōfessione, satisfactiōe, sacrificio Missæ, et alijs modis. Vident autem, totam illam ueniarū structurā collapsuram, si remissio illa et reconciliatio quærat in corpore et sanguine Christi. Ne tamē nihil tribuant Eucharistiæ, loquuntur de uenialibus: hoc est (sicut Iesuitæ interpretantur) de leuioribus et minuioribus peccatis. Vt igitur satisfactiones suas, et reliquas ueniarum nundinationes retineant, acerbè dimicant, in uero usu Eucharistiæ, non fieri applicationem remissionis peccatorum. Secundò: ut dogma de dubitatione remissionis peccatorum retineant, damnant ipsam etiam ob signationem remissionis peccatorum in Eucharistiæ: Iesuitæ enim Colonienses manifestè ostendunt, se dogma illud improbare, quòd credentes, qui fide hoc Sacramento utuntur, eius sumptione confirmantur, et certi reddamur de reconciliatione cum Deo, de remissione peccatorum, &c. Et rationem assignant, quia illud pugnet cum doctrina Pontificia, de dubitatione. Quis igitur uideat, uerum et salutarē Eucharistiæ usum, quasi aduersa

aduersa fronte expugnare Pontificium dogma de dubitatione: ne consciencijs ullam certam & firmam consolationem, de fiducia & certitudine remissionis peccatorum relinquunt, contendunt, in usu Eucharistiae nec applicationem nec obsequia reconciliationis, seu remissionis peccatorum, in singulis fide hoc Sacramento utentibus fieri.

Tertiò docent, multos quidem praestantes & insignes esse effectus Eucharistiae: eos uerò in usu Eucharistiae illis tantum contingere, qui ab omnibus grauioribus peccatis antè liberi, immunes, puri & sancti sum: secus uerò dispositos, iudicium sibi manducare, & grauisimam offensionem Dei incurrere. eo quòd non pro dignitate, haec sacrosancta mysteria contingant. Ita fermè Andradius etiam loquitur. Econtrà uerò docent, Missam esse sacrificium propitiatorium, ad delenda quauis peccata mortalia & grauisima: idq; ex opere operato, sine aliquo peccatoris uel negotio, uel periculo. Hoc modo & hac uia, experti sunt, homines à crebriori usu Eucharistiae absterreri, & ad quotidianas Missarum nundinationes cupidius inuitari. Hoc aucupium nollem amittere: ideo talem fecerunt partitionē, quòd sacrificio Missae tribuant remissionē omniū peccatorum: in uero autē Eucharistiae usu, leuiora tantū & minutiora delicta tradunt deleri: idq; tamē nō fieri sine magno periculo, nisi quis ab omnibus grauioribus peccatis



ante immunis, purus & sanctus sit. Hec consideratio uerum est examen secundi capituli, & V. Canonis.

Nū uerò nostra sententia est, in uero usu Eucharistiae, remissionem peccatorum accipere etiam eos, qui grauissimorum scelerum sibi conscij sunt, si non deponant, sed retineant propositum malefaciendi, si non afferant timorem Dei, siue poenitentiam & fidem, sed scientes perseuerent in delictis contra conscientiam? Nullo sanè modo ita docemus. Serio enim monentur apud nos homines, eos qui non agunt poenitentiam, sed perseuerant in delictis contra conscientiam, manducare & bibere sibi iudicium, ita ut rei fiant corporis & sanguinis Domini. Cumulatur enim offensio Dei inde, quòd in impoenitentia Eucharistiā sumunt, contumelia afficiunt corpus & sanguinem Domini. In his igitur quibus manducatio illa prodesse debet, necessaria est poenitentia seu timor Dei, expauescens cogitatione peccati & ira Dei aduersus peccata, & deponens propositum malefaciendi: necessaria etiam est fides, petens & accipiens remissionem peccatorum in promissione. Inde uerò Andradius texit tale argumentum, quod existimat esse insolubile. Qui agit poenitentiam, & credit Euangelio, accipit & habet remissionem peccatorum. Sed utiliter accessurum ad communionem, oportet asserre poenitentiam & fidem. Ha-

bet

bet igitur remissionem peccatorum, ante communem. Nemo uero illud uel querit, uel accipit, quod iam ante habet. Ergo in usu Eucharistiae nec queritur, nec accipitur remissio peccatorum. Sed tota haec imaginatio, oritur ex ignorantia doctrinae, de uero & salutari usu Sacramentorum. Vnicum enim est fundamentum reconciliationis cum Deo, & remissionis peccatorum: Christus scilicet mediator, cum sua obedientia & merito. Illum uero pater proponit fidei apprehendendum & accipiendum ad remissionem peccatorum, & in uerbo & in Sacramento. Est autem reconciliatio cum Deo, & remissio peccatorum, non sicut color seu qualitas, haerens immobiliter, indiuulsa & inseparabiliter in subiecto; ut semel accepta, non opus sit amplius, de ea cogitare. Sed fidei perpetua actio, & quotidianum exercitium in hac uita est. Christum magis magisque & firmitus apprehendere, in eo manere & perseuerare, ne remissio peccatorum amittatur, sed ut firmitus & certius retineatur: imò in hac carnis nostrae deprauatione, inter tam uarias diaboli insidias, & mundi scandala, nullum momentum est, in quo non opus sit nobis querere, apprehendere & complecti gratiam Dei, reconciliationem & remissionem peccatorum.

Præterea in temptationibus, mens de hac questione præcipue angitur. Cum promissio loquatur in genere, an etiam ego qui credo, habeam remissionem

## 362 EXAMEN DECRETORVM

missionem peccatorum? an uerè, certò & firmiter eam habeam? Sollicita etiã est pia mens, ne sibi eripiatur uel excutiat. In hũc igitur usum Deus, qui diues est in misericordia, quam opulentiẽ super credentes effundit, præter uerbum instituit etiam usum Sacramentorum. Relinquimus autem & tribuimus & uerbo, & cuiq; Sacramento, quod cuiusq; proprium est. Per Baptismũ in Christo renascimur: renati, uerbo & Eucharistia alimur: lapsi, per pœnitentiam & fidem ad promissionem gratiæ reuertimur, & eius fide propter mediatorem Deo rursus reconciliamur. Et tamen ab hoc etiam usu, Eucharistia, quæ continet fundamentũ remissionis peccatorũ, corpus scilicet & sanguinẽ Christi. nõ excluditur. Filius Dei enim in Eucharistia, præstantissimo & certissimo pignore, exhibitione scilicet corporis & sanguinis sui, testatur se singulis, fide hoc Sacramentum utentibus, certò communicare, applicare & obsignare remissionem peccatorum, reconciliationem cum Deo, & reliqua sua beneficia, quæ traditione sui corporis, & effusione sanguinis sui, Ecclesiæ ita acquisiuit, ut uerbò & Sacramentis offerrentur, & fide acciperentur. Atq; ita fides, in usu Eucharistiæ, habet de remissione peccatorum, firmam consolationis, fiduciæ & certitudinis suæ ancoram: habet etiam efficax antidotum, ad erigendã & sustentandã languidã fidem in luctu & tentationibus,

tationibus, contra diffidentiam, dubitationem, pus-  
 sillanimitatem & desperationem. In uero etiā usū  
 Eucharistiæ, filius Dei testatur, se credentes sibi  
 ut membra inferere, ut gestet, sustinet, gubernet  
 & uiuificet eos: ut magis magisq; ipsi coniungan-  
 tur, & firmitus in ipso perseverare possint, & ac-  
 cepta beneficia retinere. Hanc dulcem, utilem &  
 necessariam consolationem & confirmationem  
 fidei, conatur Pontificij Ecclesiæ eripere, quan-  
 do ex fructibus & effectibus Eucharistiæ, expun-  
 gunt applicationem, & ob signationem remissio-  
 nis peccatorū. Nec uerò noui aliquid nostra hæc  
 sententia adfert. In omnibus enim ueterum litur-  
 gijs, extant preces, ut sumptio corporis, &  
 sanguinis Domini fiat nobis in remissionem omni-  
 um peccatorum. Res igitur de qua in secundo ca-  
 pitulo, & V. Canone controuersia est, ualde magni  
 momenti est, propter conscientiarum consolatio-  
 nem. Nam & reliquos Eucharistiæ effectus quos  
 recitant, tradunt illis tamum contingere, qui suis  
 preparationibus à peccatis grauioribus immunes,  
 liberos, puros & sanctos se reddiderunt.

Sed hæc septimo capitulo de præ-  
 paratione, plenius expli-  
 canda erunt.



364 EXAMEN DECRETORVM  
DE EXCELLENTIA SAN-  
ctissimæ Eucharistiæ super reliqua  
Sacramenta. hoc est: An uera sit re-  
gula illa, Sacramenta extra usum  
diuinitûs institutum, non ha-  
bere rationē Sacramen-  
ti. Cap. 3.

*Commune hoc quidem est sanctis-  
simæ Eucharistiæ cum cæteris Sacra-  
mentis, symbolum esse rei sacræ, & in-  
uisibilis gratiæ formam uisibilem. Ve-  
rùm illud in ea excellens & singulare  
reperitur, quòd reliqua Sacramenta  
tunc primùm sanctificandi uim ha-  
bent, cū quis illis utitur. At in Eucha-  
ristia ipsa, sanctitatis auctor ante u-  
sum est. nondum enim Eucharistiam  
de manu Domini Apostoli suscep-  
rant, cū uerè tamen ipse affirmaret,  
corpus suum esse quod præbeat. Et  
semper hæc fides in Ecclesia Dei fuit,  
statim*

statim post consecrationem, uerū Do-  
mini nostri corpus, uerumq<sup>3</sup> eius san-  
guinem, sub panis & uini specie, unā  
cum ipsius anima & diuinitate exi-  
stere: sed corpus quidem sub specie pa-  
nis, & sanguinem sub uini specie, ex ui-  
uerborum: ipsum autem corpus sub spe-  
cie uini & sanguinem sub specie panis,  
animamq<sup>3</sup> sub utraq<sup>3</sup> ui naturalis illi-  
us connexionis & concomitantia, qua  
partes Christi Domini, qui iā ex mor-  
tuis resurrexit, non amplius mortu-  
rus, inter se copulantur: diuinitatem  
porro, propter admirabilem illam, eius  
cum corpore & anima hypostaticam  
unionem. Quapropter uerissimū est,  
tantundem sub altera specie, atq<sup>3</sup> sub  
utraq<sup>3</sup> contineri: totus enim & integer  
Christus sub panis spe cie, & sub qua-  
uis ipsius speciei parte: totus item sub  
ni-

uini specie, & sub eius partibus existit.

Canon. 3.

Si quis negauerit, in uenerabili Sacramento Eucharistia, sub unaquaque specie, & sub singulis cuiusque speciei partibus separatione facta, totum Christum contineri, anathema sit.

Canon. 4.

Si quis dixerit, peracta consecratione, in admirabili Eucharistia Sacramento non esse corpus & sanguinem Domini nostri Iesu Christi, sed tantum in usu dum sumitur: non autem antequam uel post & in hostiis seu particulis consecratis, quae post communicationem reseruantur uel supersunt, non remanere uerum corpus Domini, anathema sit.

EXAMEN.

Titulus pollicetur explicationem, quae sit excellentia Eucharistiae super reliqua Sacramenta. Et quidem quod Eucharistia dignior & excellentior sit matrimonio, & reliquis quae Pontificis Sacramentis

cramentis annumerant, non opus est disputare. In crilla enim que nō sunt eiusdē generis, ne collatio quidem instituenda est. Hoc uerō utiliter explicaretur, cum ad distributionem, applicationem et oblationem beneficiorum Christi mediatoris, diuinitus instituta et ordinata sine hac organa seu media, uox Euangelij, et usus Sacramentorum, ut sunt Baptismus et coena Domini: cumq; thesaurus, qui in praedicatione Euangelij, in Baptismo, in Eucharistia fide accipiendus offertur et proponitur, sit Christus mediator, cum omnibus suis beneficijs: quae sit uel differentia, uel qui gradus, inter haec organa seu media? Sed de his utilibus explicationibus non sunt solliciti Tridentini patres. Pro Scholasticorum uerō traditionibus stabiliendis et retinendis, acriter dimicant. Tradunt autem isti, Eucharistiam excellere reliqua Sacramenta, 1. in significando: 2. in significato: 3. In continendo. Et haec ita explicant, quod in reliquis Sacramentis, tantum sit gratia accidentaliter et creata: in Eucharistia uerō sit Christus ipse auctor, sanctificatio, et fons omnis gratiae. 4. in modo continendi: quod scilicet reliqua non sint Sacramenta, nisi in usu: et sanctificandi uim habeant, nō nisi in ipso usu. Eucharistia uerō sit Sacramētū, et cōtineat corpus et sanguinē Christi, durabiliter et pmanēter, etiā extra usum. Et de priorib. quidē tribus gradib. Tridentini nihil disputans:



disputant: ideo forsan, quia animaduertūt quā  
absurdum sit, Christum ipsum, omnis gratiæ &  
sanctificationis fontem & autorem, ex Baptismo  
proscribere, & eius loco accidentalem & crea-  
tam gratiam in aqua hærentem substituere: cum  
Scriptura manifestè testetur, Christum ipsum la-  
uacro aquæ in uerbo mundare Ecclesiam, Eph. 5.  
Et Paulus affirmat, Gal. 3. Quotquot Baptizati  
estis, Iesum induistis. Pro illa uerò opinione, quod  
Eucharistia sit Sacramentum, & contineat Chri-  
stum, etiam extra usum illum ad quem diuinitus  
instituta est, tanquam pro aris & focis dimicant.  
Et monendus est lector, quas huius sui certaminis  
causas habeant. Cœnam Dominicam, ab aliquot  
iam annis, in regno Pontificio transformari in  
actiones planè diuersas ab eo usu, ad quem Chri-  
stus illam instituit. In Missa enim, recitatis super  
panem & uinum uerbis consecrationis (quæ ita  
uocant) Sacramentum circumstantibus non distri-  
buitur, à populo non accipitur, non manducatur,  
non bibitur: sed Deo patri, pro delendis & uiuo-  
rum & mortuorum peccatis, certis sacrificuli ge-  
stibus & precatiunculis offerri fingitur. Panis su-  
per quem uerba illa pronunciata sunt, nō ad man-  
dicationem distribuitur: sed asseruatur, reponi-  
tur, includitur, circumgestatur: & homines per-  
suadentur, se ibi accensis luminaribus, genu flexio-  
ne, & alijs uenerationis & adorationis ritibus et  
gestibus

gestibus, peculiarem & eximium cultum Christo præstare: & quidem excellentiorem, quàm si panis ille benedictus, iuxta institutionem acciperetur & manducaretur. Ostensio Eucharistiæ usurpatur contra tempestates, incendia, morbos, & quævis pericula: item pro omnis generis benedictione impetranda. Hos posteriores usus, à Christo in uerbis institutionis nõ esse præscriptos & mandatos, ipsi Pontificij negare non possunt. Priorem etiam non habere fundamentum in uerbis institutionis, postea de Missa demonstrabimus. Hæc omnia, & his similia refutantur & euertuntur unica illa, & uerissima & firmissima regula: Sacramenta extra usum diuinitus institutum, non habere rationem Sacramenti. Et propterea huic regule adeo sunt infesti: propter illam enim damnandam, III. caput, & IIII. Canonem posuerunt. Vident enim, omnia illa quæ extra usum diuinitus, institutum Eucharistiæ affingunt, non posse retineri, defendi & stabiliri, nisi damnata uerissima illa regula, dogma Scholasticorum pro articulo fidei Ecclesiæ obtrudatur: quòd scilicet ueritatis uerbis consecrationis super panem, etiamsi usus ille quæ Christus instituit nec adsit, nec accedat, existimetur tamen Christus Deus & homo, in illo pane, quacumq; ratione tractetur, adesse, contineri, & durabili coniunctione permanere, non minus & non aliter, quàm in ipsa exhibitione & manduca-

tione diuinitus instituta. Hac enim opinione posita, humana cogitatio mox affingit alios usus, & instituit alias Eucharistiæ actiones, quā sicut Christus in uerbis institutionis præscripsit. Et iudicantur tunc, illa non tantum bona conscientia fieri posse, sed omnino fieri debere. Siquidem etiam extra usum in uerbo institutum, Christus cum corpore & sanguine suo ibi adesse docetur, nec minus nec aliter quā in ipso usu. Habent igitur Pontificij causas ad stabiliendum regnum suum, satis magnas & graues, quare pro dogmate isto, tantū pro aris & focis strenuē dimicandum sibi proposuerint: sublato enim hoc fulcro, non minima pars regni ipsorum, sponte collapsura esset. Animaduertunt autem, se in hac causa, similitudine reliquorum Sacramentorum, uehementer premi & angī. Si enim uerba institutionis Baptismi, super aquam pronuntiatur, & non sit uel fiat actio baptismationis, nec adsit qui tingatur: non esse Sacramentum Baptismi ipsi fateri coguntur. Nec si aqua illa includatur, circumgestetur, uel ostentatur, dicendum est, ibi Christum, Patrem & Spiritum sanctum ita adesse, sicut in actione Baptismi tota Trinitas adest. Hoc ipsi etiam Pontificij fassentur. Ne uerò idem in Sacramento Eucharistiæ, cum irreparabili regni sui detrimento concedere cogantur, comminiscuntur hanc esse excellentiam Eucharistiæ, super reliqua Sacramenta, quod etiam extra

extra usum ibi adfit, & cōtineatur Christus Deus  
 & homo, eo planè modo, sicut in ipso usu adest.  
 Et hæc quidem est communis & pertinax ipsorū  
 asseueratio. Cumq; hætenus tantum repetitiones  
 Scholasticæ theologiæ, sola anathematum adie=  
 ctione amplificatas et firmatas, in his decretis au=  
 dierimus: nunc, quod Dij ipsorum bene uortant,  
 axioma illud, non uerbis tantum repetere, sed &  
 probare, & quidem ex uerbis institutionis conan=  
 tur. Arrigat igitur lector aures, ne perpetuò dicāt  
 homines, Tridentinū conciliū sine fundamētis &  
 probationibus, solis asseuerationibus & anathe=  
 matis agere. Ita autem aiunt: Nondum Eucharistiā  
 de manu Domini Apostoli susceperant, cū uerè ta=  
 men ipse affirmaret, corpus suū esse quod præbe=  
 bat. Nos uerò conditionē illam accipimus, ex uer=  
 bis institutionis totam hanc controuersiam diju=  
 dicandā esse. & quomodo dijudicatio illa fieri de=  
 beat, ipsi Pontificij nobis uiam monstrant: quādo  
 ex uerbis Baptismi probant, aquā Baptismi extra  
 usum diuinitus institutum, non habere rationē Sa=  
 cramenti. Vocatur enim Baptismus, lauacrum re=  
 generationis & renouationis Spiritus sancti, Tit.  
 3. Ipse Christus cum uirtute mortis & resurre=  
 ctionis suæ ibi adesse scribitur, Gal. 3. Ephes. 5. Ro.  
 6. 1. Pet. 3. Sed quia institutio utitur uerbo signi=  
 ficante actionē, Baptizate eos: itē, Quotquot Bap=  
 tizati estis, Gal. 3. Baptizemini, Act. 2. id. o extra-



usum illum, & extra illam actionem, etiamsi uerba institutionis millies super aquam, quauis intentione pronuncientur, tamen non est Sacramentum Baptismi: nec dicendus est Christus in aqua illa adesse, sicut in Baptismo adest. Et posset forsitan quis obijcere: sicut aquæ thermarum habent & retinent peculiarem suam uirtutem, etiamsi nemo ibi lauet: neque enim ab usu lotionis, thermæ uirtutem accipiunt, sed illam antè habent: ita etiam lauacrum aquæ in uerbo, esse lauacrum regenerationis & renouationis Spiritus sancti, etiamsi nemo sit qui baptizetur: cum uirtutem illam accipiat & habeat à uirtute uerbi, non ab illis qui baptizantur. Sed rectè respondetur ex institutione, Baptismum sanè uirtutē suam non mutuari ab usu eorum qui baptizantur, sed ab efficacia uerbi diuini: esse tamē ordinationem Dei, in institutione ita patefactam, ut Baptismus sit actio: & quòd in illa actione, seu in illo usu, sit tale Sacramentum, sicut mandatū & promissio diuina, in institutione illud describit. Extra uerò illum usum, aut si Baptismus transformetur in actionem aliam, & diuersam ab ea quæ institutione præscripta est, nō erit Baptismus. Institutio enim inquit: Baptizate eos. Quòd si extra illum usum, uerba institutionis super aquā pronuncientur, non faciunt, Sacramentum: sed magis est prophanatio nominis diuini, si aqua uerbis institutionis sanctificata, non accommodetur ad

eum usum, quem institutio præscribit, aut si transferatur ad aliam actionem, quam quæ in institutione mandata est. Hæc de Baptismo ut certa sunt, ita à Pontificijs ut arbitror non negantur. Hoc uerò *ὑπερτέλειον*, ex uerbis institutionis Sacramentorū sumptum, ad hanc etiam controuersiam de Eucharistia accommodabimus: ut manifestum euadat, an uerum sit quod Pontificij contendunt, Eucharistiā hoc proprium & peculiare habere, quòd extra usum, & extra illam actionem quæ institutione præscripta & mandata est, habeat rationem Sacramenti, non minus atq; in ipso uero usu. Si itaq; in institutione Eucharistie, tātum hæc uerba extarent: *Accipit panem, gratias egit, & dixit: Hoc est corpus meum: tunc aliquid dicerent Pontificij. Sed institutio inquit: fregit, hoc est, distribuit: dedit discipulis, & iussit ut acciperent, ut comederēt & biberent.* Hæc uerba certè extra omnem controuersiam, actionem significant, & quidem expressè utitur uerbo faciendi, inquit enim, *Hoc facite: quod scilicet in prima hac mea cœna factum est.* Si igitur iuxta est institutionem iudicandum est, erit Sacramentum Eucharistie, certa quædam actio: & consistet in usu, non minus quàm Baptismus. Imò consideret hoc lector: In institutione Baptismi, unicū tantum est uerbum, significans actionem (*Baptizate eos*) & tamen quàm fortiter demonstrat & conuincat, Baptismum extra illum

usum diuinitus institutum, non esse Sacramentum, iam ostensum est. In Eucharistiæ uerò institutione, non unum aliquod tale uerbum est, sed aliquot ordine ponuntur, quæ manifestissimè actionem significant: Accipit, gratias egit, fregit, dedit discipulis, dixit: Accipite, comedite, bibite, hoc facite. Iam querimus, si super panem & uinum pronuncientur hæc uerba: Hoc est corpus meum, Hic est sanguis meus: & non fiat distributio: nemini detur, non sit qui accipiat, comedat & bibat: querimus inquam, an ibi seruetur institutio Christi? Et manifestum est, quod non. Secundo querimus, An ibi sit uerum Sacramentum Eucharistiæ, ubi non seruatur institutio Christi? Certè quia institutione sanctificantur Sacramenta noui Testamenti, manifestum & certum est, ubi non seruatur institutio, ibi non esse Sacramentum. Iam autem intelligit lector, id quod supra annotauimus, quare Pontificij tam sollicitè disputent: Non totam institutionem, sed tantum particulam illam: Hoc est corpus meum, Hic est sanguis meus: pertinere ad sanctificationem Eucharistiæ. Ita enim sperant se posse obtinere, quòd extra usum diuinitus institutum, panis sit & maneat corpus Christi. Sed Christus cum inquit, Hoc facite: totam institutionem, non tantum particulam aliquam intelligit. Paulus etiam cum mentionē fecisset benedictionis Eucharistiæ prima, ad Corinthios

rinthios 10. mox capite 11. monstraturus, quo-  
modo liceat non uulgare, nec priuatam, sed Do-  
minicam cœnam celebrare, totam institutionem  
cœnæ recitat & describit. Veteres etiã in sanctifi-  
catione Eucharistiæ, non particulam aliquam, sed  
totam institutionem adhibuerunt. Et illud est uer-  
bum, quo accedente ad elementum, iudicarunt fie-  
ri Sacramentum. Quando igitur uerba institutio-  
nis pronunciantur super panem & uinum, & nō  
adest uel accedit usus ille, siue actio illa quæ in in-  
stitutione non tantum præscripta, sed mandata  
est: omnino ueritas cogit, ut sentiamus et dicamus,  
ibi non adesse Christum cum suo corpore & san-  
guine, eo modo sicut in uero usu cœnæ iuxta uer-  
bum suum adest. Illa enim differentia inter Bap-  
tismum & Eucharistiam, de qua Pontificij labo-  
rât, quòd scilicet Baptismus in usu, Eucharistia ue-  
rò etiam extra usum sit Sacramentũ, ex uerbo Dei  
nec ostendi, nec probari potest. Sicut enim in insti-  
tutione Baptismi, sunt uerba, significantia usum et  
actionẽ: ita etiam in institutione Eucharistiæ, talia  
sunt uerba: imò quia plura talia uerba sunt in insti-  
tutione Eucharistiæ, argumenta multo fortius &  
firmius cõcludunt de Eucharistia, quàm de Bap-  
tismo, quòd extra usum diuinitus institutum nō sint  
uera Sacramenta. Est igitur cœna Dominica, actio  
quædam, habēs certum usum, in institutionẽ præ-  
scriptũ & huic actioni, quã filius Dei per ministe-



rium exercet, annexa est promissio illa, de qua uerba institutionis loquuntur. Quando uerò extra illum usum, transformatur in aliam, & diuersam actionem ab ea quæ in institutione præscripta & mandata est, licet uerba super panem & uinum pronuncientur, non magis erit Sacramentum, quàm sicut de Baptismo supra dictum est: imò est prophæatio uerbi & nominis diuini, uerba institutionis super panem & uinum pronunciare, & interim usum de quo institutio loquitur, ut scilicet distribuatur, edatur & bibatur, hoc est, ipsum sensum institutionis expungere, aut in aliud genus peruertere.

Hæc certè sunt manifestissima. Obseruabit autem lector, quòd Tridentini non audent dicere, quod tamè & sentiunt & intelligunt, Eucharistiã extra usum diuinitus institutũ, esse Sacramentũ, in quo sit corpus et sanguis Domini: sed dicunt, ante usum et post usum. quæ quia aliquid ambiguitatis habere uidentur, iudicarunt se sub illis inuolucris, omnia ea quæ extra usum diuinitus institutum, in tractationem sanctissimæ Eucharistiæ irrepperunt stabilire, defendere & retinere posse. Quid enim (inquiunt) num Christus non prius pronunciauit hæc uerba (Hoc est corpus meum) quàm sollicitè obseruasset, Apostolos omnes, & singulos benedictum, exhibitum & acceptum panem, dentibus iam premere & manducare? Aut si de pane illo  
super

super quo gratias egerat, tūc cum illū exhibebat, priusquam Apostoli eum manducarēt, dixit: Hoc est corpus meum: num tam diu falsa fuit propositio illa donec Apostoli inciperent manducare: ut tunc primum manducatio Apostolorum, propositioni illi tribueret ueritatem? Et notato in margine cap. Luc. 22. affirmant Apostolos nondum suscepisse de manu Domini Eucharistiam, cum uerē ipse affirmaret, corpus suum esse quod prebebat. Lucas enim non addit hæc uerba: Accipite, manducate, & bibite: sed dedit panem, & dixit: Hoc est corpus meum. Ad posterius autem argumentum primò respondebo, institutionem scilicet cœnæ Dominicæ, dijudicandam esse ex collatione descriptionum, quæ in 4. locis Scripturæ extant. Perperam igitur faciunt, qui ex descriptione Lucæ colligere uolunt, Christum ita dedisse discipulis panē, ut eo siue planè non uterentur, siue quomodolibet uterentur, tamen additam esse & manere ueritatem illam: Hoc est corpus meum. Mattheus enim, Marcus & Paulus describunt, Christum disertis uerbis prius mandasse, ut pane illo quem dabat, uterentur: & quidem præscripsisse modum, quo pane illo uti deberent: Accipite scilicet, et manducate. & tūc addidisse illa uerba: Hoc est corpus meum. Et Marcus in descriptione alterius partis, dicit: Et biberunt ex eo calice omnes, & dixit in eis: Hic est sanguis meus. Nec tamen sen-

tentia est, panem benedictum qui distribuitur, qui exhibetur, & quem Apostoli de manu Christi susceperunt, non esse corpus Christi: sed tunc primum fieri corpus Christi, quando incipit manducari. Tota enim actio institutionis connexa est, & ad totam illam actionem pertinent hæc uerba: Hoc est corpus meum. De illo igitur pane qui benedicitur, qui frangitur seu distribuitur, qui exhibetur, qui accipitur & manducatur: de illo inquam pane Christus dicit, Hoc est corpus meum. Et Paulus fracto pani hoc tribuit, quod sit communicatio corporis Christi, prima Corinth. 10. In uerbis etiam institutionis inquit: Hoc est corpus meum, quod pro uobis frangitur. hoc est: quod distribuitur in cœna, est corpus Christi. Christus igitur Deus & homo, in tota illa actione cœnæ à se instituta, præsens adest, & exhibet uescientibus corpus & sanguinem suum. Ipse enim est qui per ministrum benedicit, qui distribuit, qui exhibet, qui dicit: Accipite, manducate: Hoc est corpus meum. Sicut Chrysostomus inquit in 26. Matthæi. Non sunt humana uirtutis hæc opera, quæ tunc in illa cœna confecit. ipse nunc quoque operatur, ipse perficit: ministrorum ordinem nos tenemus: qui uerò hæc sanctificat, & transmutat, ipse est. Hæc sunt simplicia, uera, & ex uerbis institutionis manifesta. Vfus enim in hac disputatione rectissime definitur tota seu integra illa actione,

quæ

quæ in uerbis institutionis præscribitur & mandatur. Quando igitur panis iuxta institutionem accipitur, benedicitur, distribuitur, exhibetur & accipitur: illa actio non rectè dicitur esse uel ante, uel extra usum cœnæ, quæ integra actione institutionis definitur. Sed Tridentini de sola manducatione loquuntur. & quia ante illam manducationem, Christus Deus & homo, in actione cœnæ, quando panis benedicitur, distribuitur, exhibetur & accipitur, adest, præbens uescentibus cum pane & uino corpus & sanguinem suum: inde Tridentini conantur hoc extruere, Christum Deum & hominem, in Eucharistia etiam ante usum cum suo corpore & sanguine ita adesse, ut recitatis uerbis institutionis super panem & uinum, etiamsi reliqua actio quæ in institutione præscripta & mandata est, ut scilicet distribuatur, exhibeatur, accipiat & manducetur, per aliquot dies, imò per aliquot uel menses uel annos non sequatur, cogatur tamen Christus interea cum suo corpore & sanguine, in pane & uino illo, durabili cōiunctione permanere: et quidem ita, ut interea sacrificio Missæ, repositione, circumgestatione, ostensione, adoratione & quæ his coniuncta sunt tractetur.

Hæc uerò sunt, quæ institutioni non sunt consentanea, imò quæ cum illa pugnant. Actionem enim, cœnæ institutio ita præscribit: Accipere panem



panem & uinum, benedicere, distribuere, exhibere, accipere, manducare: & addere illud uerbum Christi, Hoc est corpus meū, Hic est sanguis meus. & hæc facere in ipsius commemorationem. Non autem uel iussit, uel permisit, ut actionē illam discerpamus aut diuellamus in aliquot uel dies, uel menses, uel annos: sed illud nos facere iussit, quod & uerbo & exemplo suo nobis præscripsit. Non autem panem ita benedixit, ut promiserit, si post aliquot menses uel annos primum distribuatur & manducetur, interea tamen corpus suum perpetuò pani affixum fore: sed accepit panem, benedixit, fregit, dedit discipulis, & dixit: Accipite, manducate, Hoc est corpus meum, & c. Et suo exemplo monstrauit distributionem, exhibitionē, sumptionem & manducationem nō differendam esse in aliquot dies, menses uel annos. Descriptio enim institutionis narrat, statim factam fuisse exhibitionem, sumptionem & manducationem.

Hæc tam sunt manifesta ac certa, quæ nullo artificio eludi possunt, modò firmiter teneamus illud fundamentum, institutionem esse normam & regulam, ex qua & secundum quam, omnes tales quæstiones & disputationes dijudicandæ sunt. Vtrumque igitur ex hoc fundamento, clarissimè demonstratur: I. Benedictionem Eucharistiæ, & promissionem præsentie corporis & sanguinis Christi, non debere diuelli & distrahi ab usu illo, qui in institutione

tione præscriptus & mandatus est. De benedicto  
 enim pane qui distribuitur, accipitur & mandu-  
 eatur, Christus affirmat: Hoc est corpus meum. 2.  
 Non esse quocumq; prætextu instituendum, adden-  
 dum, amplectendū alium usum Eucharistiæ, quā  
 qui in uerbis institutionis præscriptus & manda-  
 tus est. Quomodo enim Christus Ecclesiam suam,  
 usq; ad finem seculi Eucharistia uti uoluit: illud &  
 in ultima cœna Apostolis tradidit, & post ascen-  
 sionem ad Paulum repetiuit. Illa uerò & traditio  
 & repetitio, descripta extat. Et ne hominis quidē  
 testamento aliquid superordinatur, Gal. 3. Multo  
 minus igitur hoc faciendum est, in testamento filij  
 Dei. Hæc simplicissima & manifestissima funda-  
 menta conuellunt, diruunt & subuertunt duas nō  
 postremas regni Pontificij columnas: quòd scili-  
 cet recitatis uerbis institutionis super panem, etiā  
 extra usum diuinitus in institutione ordinatum et  
 mandatum, Christus Deus & homo, durabili con-  
 iunctione sit & permaneat in pane, nō aliter atq;  
 ibi adest in uero usu: & quòd præter seu extra il-  
 lum usum, qui habet testimonium & mandatum  
 institutionis, liceat alio modo & alio usu tractare  
 Eucharistiam, utpote per modum sacrificij, repo-  
 sitionis, circumgestionis ostensionis, & quæ his  
 coniuncta sunt. Ambrosius uerò 1. Corinth. 11. indi-  
 gnos dicit illos intelligi à Paulo, qui Sacramentum  
 hoc uel aliter celebrant, quā à Christo institutū  
 est,

est, uel aliter illud accipiunt quàm ab ipso traditum est. Ideo uetustas, licet hoc non iudicabat necessarium, ut semper in omni synaxi, tota communitas, uel omnes praesentes simul communicarent: hoc tamen iudicabat, Missam non esse legitimam & perfectam, nisi essent aliqui, qui simul cum sacerdote communicarent. Hoc est: ut Sacramentum Eucharistiae, non tractaretur extra usum distributionis & sumptionis. De Consecratione distinctione 2. cap. peracta. Canon Apostolorum 10. Antiochenus 2. Chrysostomus in primo capite ad Ephes. serm. 3. Durandus in rationali libro quarto, cap. primo inquit: illa est legitima Missa, in qua sunt sacerdos, respondens, atque communicans: sicut ipsa precum compositio euidenti ratione demonstrat.

Gabriel Biel in Canonem lectu. uigesimum sextum, Christus postquàm corpus suum consecrauit, non sistingebat in consecratione: neq; dedit discipulis, ut ipsum honorificè conseruarent: sed dedit in sui usum, dicens: Accipite, & manducate. Et Lect. 38. dicit, ideo patres formæ cōsecrationis addere hæc uerba, Accipite & edite. Cassander citat ex Humberto episcopo, non esse perfectam uel Missam, uel commemorationem Christi, quam esse discipulis suis tradiderit, nisi panis benedictus mox frangatur, & statim distribuatur.

Quod uerò apud Iustinum, peracta in cœtu  
Eccle.

Ecclesie communione, Diaconus partes aliquas  
desert ad absentes, & ad egrotos: item quod apud  
Eusebium ad Episcopos hospites Eucharistia  
mittitur: nihil patrocinatur Pontificijs. Ibi  
enim Sacramentum manet in usu: desertur enim  
& mittitur, ut distribuatur, exhibeatur, accipia-  
tur & manducetur. Quod uero quidam distri-  
butam, exhibitam, & acceptam Eucharistiam  
leguntur non statim manducasse, sed in cistulis,  
orarijs, &c. asseruisse, & nescio quid asserua-  
to huic pani tribuisse: nihil nos mouere debet.  
Non enim quaestio est, quid aliquis ante nos (ut  
ex Cypriano uerba mutuemur) fecerit, sed quid  
ille qui ante omnes est, & prior fecerit, & faci-  
endum nobis mandarit. Nam & illa consuetu-  
do, priuatim asseruandi Eucharistiam extra u-  
sum, publicis conciliorum constitutionibus postea  
abrogata & prohibita est.

Addit autem IIII. Canon, etiam post usum in  
Eucharistia, hoc est, in pane & uino, esse corpus  
& sanguinem Domini. Quid autem hoc sit, ex-  
pendendum est. Christus instituit, ut panis &  
uinum in coena Dominica sint media, seu or-  
gana per quae uult uescentibus praeberet & com-  
municare corpus & sanguinem suum: ut non  
tantum per fidem & spiritum, sed & naturali  
seu substantiali participatione, sicut ueteres lo-  
quuntur, sit & maneat in credentibus illisq;  
subinde



subinde magis magisque uniatur. Post usum igitur benedicti panis & uini in cœna Dominica, nõ disputandum est de unione panis & corporis Christi: sed tradenda est ex uerbo Dei dulcissima consolatio, de coniunctione Christi, Dei & hominis, nõ cum pane iam manducato, sed cum anima & corpore credentium, ut nos sibi insertos tanquam surculos gestet, seruet, uiuificet & gubernet. Sed oppressa & sepulta utilissima hac doctrina, glossa de Consecrat. dist. 2. olim tradidit: Quàm citò species dentibus teritur, tam citò in cœlum rapitur corpus Christi: ne scilicet qua consolatio, credentibus inde relinquatur. Tridentini uerò patres nunc suauem illam glossæ cantilenam non repetunt: & tamen de coniunctione Christi, Dei & hominis, cum credentibus post usum cœnæ nihil dicunt, sed disputant, corpus Christi esse in pane, etiam post usum. Et forsân respexerunt, ad pudendas illas Pontificias cautelas, quæ in ipsa etiam excrementa instituunt inquisitionem. si enim species aliquo modo dignosci possunt, insaniūt ibi adhuc affixum herere corpus Christi. Et ego sanè arbitrarer, ipsos (post usum) intelligere illud, quod in IIII. Canone sequitur, in particulis consecratis, quæ post communionem supersunt & reseruantur, remanere corpus Christi. Sed quomodo (post usum) dici potest de illis particulis, ad quas usus nondum accessit, hoc est, quæ non sunt distributæ,

acceptæ

accepta & manducata? Ipsa etiam coniunctio, qua utimur in IIII. Canone, significat duo distincta & diuersa ab ipsis intelligi, quando dicunt, in pane Eucharistiæ etiam post usum esse corpus Christi: 2. in particulis post communionem residuis, remanere corpus Christi. Sed hæc posterior controuersia. Pertinet ad VI. capitulum, & ad VII. Canonem. Porro tractatur etiam in tertio, hoc capitulo & in III. Canone, questio de concomitantia, qua totus & integer Christus sit sub quauis specie, ita ut tamundem contineatur & accipiat sub altera specie, atq; sub utraq; Sed hæc pertinet ad disputationem, quæ peculiari loco postea explicanda erit, de communionem sub una specie. Ideo hæc partem ad illi locum reijciemus.

DE TRANSUBSTANTIA-  
tione. Cap. 4.

Quoniam autem Christus redemptor noster corpus suum, id quod sub specie panis offerebat, uerè esse dixit: ideo persuasum semper in Ecclesia Dei fuit, idq; nunc denuò sancta hæc synodus declarat, per consecrationem panis & uini, conuersionem fieri toti-

B us

us substantia panis in substantiam corporis Christi Domini nostri, & totius substantie uini in substantiam sanguinis eius: quæ conuersio, conuenienter & proprie à sancta catholica Ecclesia, Transubstantiatio est appellata.

Canon 2.

Si quis dixerit, in sacrosancta Eucharistia Sacramento, remanere substantiam panis & uini, unà cum corpore & sanguine Domini nostri Iesu Christi: negaueritq; mirabilem illam & singularem cōuersionem totius substantiæ panis & corpus, & totius substantiæ uini in sanguinem, manentibus duntaxat speciebus panis & uini: quam quidem conuersionem, catholica Ecclesia apertissime Transubstantiationem appellat, anathema sit.

## EXAMEN.

Est & trāsubstantiatio, una ex columnis regni Pontificij: pro qua fulcienda & stabilienda, cur tam opere laborent, lectori in primis considerandum est. Non autem hæc est causa, quasi uera & substantialis præsentia, exhibitio & sumptio corporis & sanguinis Christi, in Dominica cœna nō possit aliter doceri, retineri, credi, & confessione exprimi: hoc enim fieri posse, ipsi in II. Canone concedunt: sed ut sacrificium Missæ, asseruatio, circumgestatio, adoratio panis, & quæ his extra usum diuinitus institutum coniuncta sunt, retineantur & stabiliantur, ideo tam pertinaciter de Transubstantiatione dimicant. Inter ceteras enim causas Transubstantiationis, expressæ has recitant: ne alia substantia quàm Christi, in Eucharistia uel adoretur, uel Deo patri offeratur: utq; durabilis sit præsentia corporis Christi in Eucharistia, etiam extra usum.

Sicut autem ipsum uocabulum Transubstantiationis, & nouitatem & peregrinitatem dogmatis satis ostendit: ita utile est obseruare, quādo potissimum disputari cœperit opinio transubstantiationis: quæ nunc pro articulo fidei, sub anathematis denunciatione, Ecclesiæ obtruditur. Veteres igitur simpliciter mentionē faciunt mutationis & cōuersionis elementorū, in cœna Dominica: quā ita intelligūt et explicant, ut post sanctificationē,



iam non sit communis panis, et uulgare poculum, sed sit Eucharistia: quæ duabus rebus constet, terrena & coelesti, uisibili et inuisibili: sicut Irenæus & Augustinus loquuntur. Damascenus postea, Theophilactus, & alij, coeperunt magis hyperbolice de transformatione elementorum in coena Domini concionari. Longobardi uerò primum tempore, unà cum Scholastica theologia, in Gallia coeptum fuit disputari de modo illius conuersionis, an sit formalis, an substantialis, an uerò alterius generis. Et fuisse uarias & diuersas de hac questione illo tempore opiniones, Longobardus recitat lib. 4. dist. 11. & 12. Et quidem nihil certi tunc de hac questione in Ecclesia definitum & determinatum fuisse, Longobardus manifestè indicat, cum inquit: Definire non sufficio. Et sui quidem seculi uarias opiniones ita describit: Quibusdam uidetur, quidam concedunt, alij dicunt, alij tradunt. Ante sua uerò tempora quæ fuerit multorum sententia, ita describit: Alij putauerunt, ibi substantiam panis & uini remanere, & ibidem corpus Christi esse & sanguinem.

Hoc igitur modo sparsis seminarijs, cum omnes scholæ disputatone illa feruerent, Innocentius III. circa annum Domini 1200. in Lateranensi concilio, modum conuersionis, antea in Ecclesia non definitum, primus determinauit, & dogmati nouo, nouam etiam indidit & accommodauit appellationem:

pellationem: corpus scilicet & sanguinem Christi, in Sacramento altaris, sub speciebus panis & uini ueraciter contineri, transubstantiatis pane in corpus, & uino in sanguinem, potestate d. uina. Hec enim sunt uerba concilij Lateranensis lib. i. Decretalium, cap. firmiter. Illam uerò sententiam Innocentius repetit De celebrat. Missarum, cap. cum Martha. Et in libro de officio Altaris, fusius eam explicat: panem scilicet ita fieri carnem, ut desinat esse panis, quia materia panis & uini mutetur in substantiam carnis & sanguinis, nō quòd ex pane uel uino materialiter formetur caro & sanguis, nec quòd aliquòd adijciatur corpori Christi, sed quia panis transubstantietur in corpus. Ibi dem uerò Innocentius dicit: Fuerunt qui docerent, quòd sicut post consecrationem uera panis remanent accidentia, sic & uera panis substantia: quia sicut subiectum non potest subsistere sine accidentibus, sic accidentia non possunt existere sine subiecto: quia accidentis esse, non est aliud quàm inesse. Sic panis & uini substantijs permanentibus, ad probationem illorum uerborum corpus & sanguis Christi ueraciter incipiant esse sub illis, ita quòd sub eisdem accidentibus, utrumq; uerè suspicatur, panis & caro, uinum & sanguis: quorum alterum probat sensus, reliquum credit fides. His uerbis Innocentius recitat sententiam quæ multo rum fuit, ante Lateranense suum Concilium. Di-

cit enim: Fuerunt, &c. Et licet ipse diuersum & semiat & statuatur, transeunte scilicet substantia, remanere accidentia, & esse sine subiecto: non tamen sicut Tridenini faciunt, anathemate alteram illam sententiam damnat. quod lector diligenter obseruabit. Idem etiam inquit: An totum in totum, an totale transeat in totale, nouit ille qui facit. Tridenini uerò patres, simpliciter diuersum semientibus anathemata denūciant. Hæc igitur Tridenina anathemata, adeò sunt recentia, ut ne Innocentij quidem ætate, in rerum natura fuerint.

Post Lateranensi uerò concilio, Scholastici cupide arripuerunt idoneam hanc materiam, ad acuenda & exercenda spinosa ingenua. Disputant enim: An accidentia quæ post annihilatam panis & uini substantiam, eadem numero remanent: innituntur uel corpori Christi, uel aeri, circumstanti: an uerò per se stent, nulli subiecto inheremia, ita ut sine subiecto cohererent? Quidam disputarunt, transeunte forma panis, remanere materiam, sicut materia alimenti fit sub forma nutriti. Alij, transeunte materia remanere formam panis. Communiter uerò senserunt, totam substantiam panis, transire in corpus Christi. Quæsitum etiam fuit, an materia panis conuertatur in materiam corporis Christi, & forma in formam: an uerò iuxta Anaxagoræ chaos, quodlibet cōuertatur in quodlibet. Item, an substantia panis, resoluat in præ-

iacentem

iacentem materiā: an uerò in nihilum redigatur. Innocentius querit: An aqua quæ uino miscetur, simul cum uino transubstantietur: an uerò maneat circumfusa corpori Christi. Prolixa sunt disputationes, quomodo accidentia illa quibus nulla subest substantia, possint agere et pati, ut nutrire, corrumpi: et quomodo ex eis possit aliquid generari. Item, An annihilata substantia panis, iterum possit eadem numero redire. Quid mus rodēs panē, comedat. Has et similes portentosas disputationes, qui nerui et fructus sunt dogmatis de Transubstantiatione, ueteri Ecclesiæ prorsus ignotas fuisse certissimum est. Et tamen nunc pro articulis fidei, sub anathematis interminatione proponuntur.

Scotus Cameracensis, et alij, disertè fatentur, nec uerbis Scripturæ, nec symbolis fidei, nec ueterum sententijs cognos ad dogma Transubstantiationis: et sine transubstantiatione posse doceri, retineri et credi, et ueram præsentiam, et efficaciam corporis et sanguinis Christi in Eucharistia: minus etiā absurdarū questionū habetur a doctrinā de Eucharistia, si absq; transubstantiatione remanere ponatur substantia panis et uini, unā cū corpore et sanguine Christi, nisi conciliū Lateranense diuersum statuisse. Fundamentū igitur primū et principale dogmatis de Transubstantiatione, collocat in solo Lateranēsis cōcilij decreto.



Postea uerò ad ornandum illud Concilij decretū  
 fucos quosdam ex Scriptura & Patribus conqui-  
 runt. Durandus non uult improbari aut damna-  
 ri illam sententiam, quòd remanente substantia  
 panis, uerè & substantialiter adsit in Eucharis-  
 tia corpus Christi. Tridentini uerò fabricantes  
 nunc novos fidei articulos, decernere non ueren-  
 tur. Si quis dixerit, in Eucharistia remanere sub-  
 stantiam panis & uini, unà cum corpore & san-  
 guine Christi, anathema sit. Hec de initijs &  
 progressu disputationis de trāssubstantiatione ob-  
 seruare, utile est, sed ad rem ipsam accedamus. No-  
 stri igitur nunc Pontificij in tanta luce Euan-  
 gelij non audent illud dicere, quod Scotus, Came-  
 racensis, & alij quidam Scholastici non obscure  
 significarunt, Transsubstantiationem Lateranen-  
 sis concilij autoritate potissimum niti. Sed duo po-  
 num ualde speciosa fundamēta: i. aium uerba in-  
 stitutionis, Transsubstantiationem panis & uini et  
 stabilire, & omnino sūagitare: deinde affirmant,  
 semper in Ecclesia Dei persuasum fuisse, fieri ta-  
 lem transsubstantiationem. Et quidem si hæc duo  
 quæ magna asseueratione affirmant, rectè perspi-  
 cūē & firmiter probarent: æquum, iustum, & om-  
 nino necessarium esset, ut ipsis adsentiremus, &  
 nostra sententia cederemus. Videbimus igitur,  
 quomodo Transsubstantiationem suam primum  
 ex Scriptura probent: deinde de ueteris etiam  
 Ecclesiæ

Ecclesiæ cōsensu dicemus. Tria autē præcipua sunt argumenta, quæ ad probandam Transubstantiationem, ex Scripturæ uerbis neçunt. Andræ radius meus textit tale argumentum. Scriptura affirmat, apud Deum non esse impossibile omne uerbum. Ergo credenda est Transubstantiatio, etsi naturæ uires ac modum, humanumq; captum lōgo intervallo superet. elegans enim & uera est Augustini sententia: Cum Deus aliquid facit quod nos inuestigare non possumus, ratio facti, est potentia facientis. Sed plana est ad hoc argumentum responsio. Non enim quia Deus omnipotens est, ideo quicquid nobis uisum fuerit, sine uerbi ipsius testimonio, ipsi tribuere debemus. Tertullianus inquit: Potuisset Deus hominem uolatilem facere: sed non quia potuit, ideo & fecit. Scriptura igitur tradit hanc regulam: Omnia quæcunq; uoluit, fecit. Voluntas autem Dei, in rebus fidei ex uerbo ipsius discenda & iudicanda est. Et quando de uoluntate Dei, ex uerbo certo constat, tunc ualet argumentum ab omnipotentia. Ideo significanter angelus loquitur, cum affirmat omne uerbum, hoc est, quicquid in uerbo patefecit, apud Deum non esse impossibile. Transubstantiatio igitur prius ex uerbis Christi clarè probanda & ostendenda est: & tunc intellectum nostrum libenter Spiritu sancto adiuuante, captiuabimus in obsequium Christi. Sed illam probationem, ut iam ostendemus,

stare non possunt. Frustra igitur de omnipotentia Dei concionantur. Secundò, alij propius ad rem ipsam accedunt, & ita argumentantur: uulgaris panis, & commune genimee uitis fuit, quod Christus accepit, quādo cenā suā uoluit instituere. Sed post benedictionē, de pane & uino illo pronūciat: Hoc est corpus meū, Hic est sanguis meus. Illa de uulgari pane & de cōmuni uino, nec possunt dici, nec debēt credi. Ergo necesse est, per benedictionē factam esse mutationē aliquā: & quidem talē, ut corpus uerē prædicari possit de pane, & sanguis de uino. Necesse igitur est, ponere transubstantiationem. Respondeo. Concedimus cum Ireneō, panem post benedictionem in Eucharistia, non amplius esse communem panem, sed Eucharistiā corporis Christi: quæ duabus iam rebus constat, terrena hoc est pane & uino, & cœlesti, hoc est corpore et sanguine Christi. Hæc certè magna, miraculosa, & uerè diuina est mutatio, cū antea simpliciter tantū esset uulgaris panis, & cōmune poculum: quòd iam post benedictionē, cū pane & uino illo, uerè & substantialiter adest, exhibetur & accipitur corpus & sanguis Christi. Concedimus igitur fieri mutationē aliquā: & quidē talē, ut de pane uerē prædicari possit corpus Christi. Sed consequentiā negamus, quòd ideo ponenda sit talis transubstantiatio, qualē Pontificij docent. Nam sicut in scholis loquimur, à non distributo

ad distributum, non ualet consequentia. Aliqua  
 fit mutatio in pane Eucharistico: ergo fit Tran-  
 substantiatio. Talis enim tantum mutatio necessa-  
 ria est, ut Eucharistia, iuxta Irenaei dictum, dua-  
 bus rebus constet, terrena scilicet, & coelestis: id  
 quod sine transubstantiatione fieri potest. Illud e-  
 nim quod Christus in institutione coenae suae spe-  
 ciat, praesentia scilicet, exhibitio et sumptio cor-  
 poris & sanguinis sui, potest doceri, credi & re-  
 tineri, etiam si portentum Transubstantiationis,  
 sine Scripturae testimonio, & sine antiquitatis cō-  
 sensu, Ecclesis non obtrudatur. quod etiam IIII.  
 hic Canon quem tractamus, non obscure cōcedit.  
 Nec nostrum est, Christo praescribere certum mo-  
 dum praesentiae corporis sui in coena, quem ipse  
 uerbo suo expressit, certò & manifestè non pate-  
 fecerit: sed sufficit credere, adesse ibi, exhiberi &  
 accipi corpus & sanguinem Christi: modum uerò  
 praesentiae, ipsius sapientiae & omnipotentiae com-  
 mendemus. Tertium argumentum est, qua  
 nisi certò & clarè probetur Transubstantiatio,  
 probari eam ex Scriptura non posse, ipsi fatetur.  
 Est autem tale. Si in Eucharistia remaneret sub-  
 stantia panis & uini, unà cum corpore & sangui-  
 ne Christi, dixisset: Hic est panis, hoc est uinum:  
 & cum istis, in istis, uel sub istis est corpus &  
 sanguis meus. Iam uerò dicit: Hoc est corpus  
 meum, Hic est sanguis meus. Et si particula  
 demonstrat



*demonstratiua denotet substantiam panis & uini, cum duo disparata sint, panis & corpus Christi, uinum & sanguis: alterum de altero prædicari non potest. Ut igitur uera sit prædicatio, Hoc est corpus meum, Hic est sanguis meus: constituenda est in uerbis illis propositio idemica, quam ita uocat, quando subiectum & prædicatum de una & eadem re loquuntur ut particula demonstratiua denotet non substantiam panis, sed solam substantiã corporis Christi. Sed hoc cõst tuere, cõsistere nõ potest, nisi substantia panis, quã Christus in manus suas accepit, per benedictionem annihilata desierit, & transubstantiata sit: ut nihil aliud ibi, per particulam Hoc, notetur et designetur, quàm sola substantia corporis Christi. Propositio igitur illa: Hoc est corpus meum: omnino stabilit & flagitat transubstantiationem. Hæc est tota & satis longa tela illius argumenti, quod aliquam pro stabilienda transubstantiatione speciem habere uidetur. Sed talem illam, gladio spiritus feliciter dissoluemus, aut potius præcidemus. Principiõ autem hoc notandum est, quòd de propositione illa, Hoc est corpus meum, iuxta regulas prædicabili-um non aliter disputant, ac si Eucharistia esset physicum aliquid cuius ratio iuxta communẽ cursum ac modum nature se haberet. Sed quia Sacramentum est super naturale, coeleste & diuinum: ideo non rectè fit, quòd fides eiu à Pontificijs in hac*

hac disputatione, exigitur ad regulam Aristote-  
 li. 6. Metaphysicorum, de compositione extrema-  
 rum in propositione affirmatiua, quod ipsi de pro-  
 positione idemita interpretantur. Ideo enim cō-  
 miniscuntur annihilationem, seu trāsubstantiatio-  
 nem panis, ut propositio illa. Hoc est corpus meū,  
 quadrare possit ad regulam illā Aristotelis. Qua-  
 le uerò in tanta hac cōtrouersia fundamentū hoc  
 sit, per se manifestum est. In Scriptura enim, quan-  
 do duæ res seu substantiæ, diuina ordinatione pe-  
 culiari modo ununtur, & præsertim quando res  
 cœlestis & inuisibilis cum re terrena & uisibili  
 adest & exhibetur: usitatum est inquam in Scri-  
 ptura, quòd tunc altera prædicatur de altera. Et  
 ad ueritatem talis prædicationis, non requiritur  
 uel annihilatio uel transubstantiatio alterius rei:  
 sed tantum significatur duarū illarum rerū, quæ  
 subiecto & prædicato notantur, unio & præsen-  
 tia. Ita Scriptura, explicatura unionem diuinæ  
 & humanæ naturæ in persona Christi, non dicit,  
 In hoc homine est Deus: sed Deus est homo: & Fi-  
 lius hominis est Filius Dei uiui. Nec necesse est al-  
 teram naturam, uel humanam uel diuinam, quia di-  
 sparate sunt, uel annihilari uel substantiari, ut  
 propositioni, quæ aliàs ad regulas prædicabilium  
 non congruit, sua constet ueritas: sed tantum signi-  
 ficatur unio duarum naturarum, prædicatio autē  
 est non uulgaris, sed inusitata: quia ipsa unio non  
 fit

fit ratione aliqua naturali huius seculi, sed est supernaturalis, cœlestis & diuina Nec sanè personalem statuimus unionem panis & corporis, uel talem, qualis est diuinæ & humanæ naturæ in persona Christi: sed similitud. ne illa quæ tota antiquitas de Eucharistia usa est, declaramus hanc propositionem, de qua hoc loco controuersia est. Et hoc exemplum manifestè ostēdit. tertium illud Pontificiorum argumentum ex uerbis institutionis, nequaquam satis certò, perspicuè & firmiter probare aut stabilire transubstantiationem. Aliàs enim eadem consequentia, etiam in persona Christi ponenda esset transubstantiatio alicuius naturæ. Ita Ioh. 20. Christus insufflans in discipulos, inquit: Accipite Spiritum sanctum. Num uerò, quia non dicit, cum uel sub hoc statu accipite Spiritum sanctum, ideo ponenda erit transubstantiatio corporalis status? Imò cum illo statu simul adfuit, datum fuit à Christo, & acceptus ab Apostolis Spiritus sanctus: nec opus fuit transubstantiare columbam, ut uera esset propositio, quòd Baptista asseruat se uidisse Spiritum sanctum descendere super Christum. Sicut de uisibilibus illis speciebus, quibus uel ipsa diuina maiestas, uel angeli, præsentiam suam manifestarunt, disputatū quidem fuit apud ueteres nemo tamen ausus fuit, inde facere articulum fidei, quòd species illæ sine tantum accidentia, quæ sine substantia aut subiecto aliquo, subsi-

subsistane & cohereant. Progrediente arca  
 dicebat Moses, Exurgat Iehoua: nec tamen opus  
 fuit transubstantiatione ligni uel auri in arca. Sed  
 Scriptura ita loquitur, quia ibi de peculiari modo  
 presentie diuine maiestatis, ex uerbo & promissio-  
 ne ipsius constabat. Imò in uulgari lingua usi-  
 tate sunt tales predicationes. Quando enim lo-  
 quimur de dolio & uino, de marsupio & pecu-  
 nia, de fas. ijs & infante, dicimus, illud est uinum  
 quod amicus tibi mittit. Accipe pecuniam quam ti-  
 bi debet: Affer infanti uteri mei. Et nemo ita de-  
 sipit, ut fingat uel annihilationem uel transubstan-  
 tiationem dolij, marsupij, fascium, & simili-  
 um. Sed quando significare uolumus, duas res coniu-  
 ctas simul adesse, simul exhiberi & accipi, tunc  
 ita etiam in uulgari sermone loquimur. Manife-  
 stum igitur est, longam illam tertij huius argu-  
 menti telam, nequaquam probare, stabilire aut  
 flagitare transubstantiationem illam, de qua Pon-  
 tificij dimicant: imò argumentum illud, iuxta ip-  
 sorum etiam placita, satis consistere nō potest. Si  
 enim uolunt, particulam demonstratiuam Hoc,  
 ita denotare solum corpus, ut nequaquam sensus  
 sit, Cum hoc aut sub hoc est corpus meum: nec du-  
 cere poterunt, sub speciebus panis esse corpus  
 Christi. Aut si propositio illa, Hoc est corpus me-  
 um. potest hanc ipsorum interpretationē ferre, sub  
 speciebus panis continetur corpus Christi: ergo  
 nihil



nihil concludit argumentum illud, ideo ponenda esse Transubstantiationem, quia Christus non dixit: Sub hoc est corpus meum. eadem enim ratione, ponenda esset etiā Transaccidentia: 10. sicut Lutherus inquit: ne diceretur, sub specie panis. Et adhuc fortius urgebō aduersarios. Tradunt enim per uerba illa, Hoc est corpus meum, fieri transubstantiationem, ita ut ad primum nō esse illius propositionis (utor enim ipsorum uerbis) substantia panis annihilaretur, & desinat & incipiat ibi esse corpus Christi. Ergo quando sacerdos dicit, Hoc: nondum est transubstantiatus panis, nondum etiā adest corpus Christi, falsum igitur erit, iuxta ipsam Pontificiorum doctrinam, particulam Hoc, denotare solam substantiam corporis Christi: ita ut cum dicitur, Hoc, iam annihilata substantia panis esse desierit. Bonauentura in 4. Sententiarum, dist. 8. quæst. 1. querit quid demonstret pronomen hoc? Et recitat quosdam dixisse, uerba illa teneri materialiter: atq; ideo non esse querendū, quid significant. Alij dixerunt, Hoc, id est, significatum per hoc, quod est conuertendum in corpus meum, est corpus meum. Ipse uerō Bonauentura inquit: Quia uerbum accedit ad elementum, ideo per particulam Hoc, nō demonstrari corpus Christi, sed substantiam panis, sub accidentibus: atque esse orationem singularem, quæ nō significet identitatem, sed conuersionem operatiuam: Hoc est corpus:

corpus: id est, hoc totum ad prolationem uerbi, transit in corpus. Richardus de sancto Victore, dicit esse demonstrationem mixtam: Hoc, id est, illud in quod transubstantiabitur, hoc est corpus meum. ut si ego de cibo quem sumpturus essem, dicerem: Hoc, id est, illud in quod iste cibus est transmutandus, est corpus meum. Talia portenta interpretationum, gignit dogma transubstantiationis. Vsq; adeo perspicue & certo scilicet, ex uerbis institutionis illud probatur, ut ad ea ne accommodari quidem possit, nisi mirabilibus modis illa torqueantur & crucifigantur. Sed ne ipsi quidem Pontificij, hisce argumentis ex Scripturæ uerbis sumptis, transubstantiationem satis confirmatam, munitam & tutam esse animaduertunt. Andræus enim post mediocrem uelitationem, Transubstantiationem collocat inter illas res, quæ nullis Scripturæ sacre testimonijs aperte definitæ & explicatæ sunt. Nos igitur ad totam hanc disputationem, recte accommodamus uerissimum illud axiom. : Nihil pro articulo fidei Ecclesiæ proponendum esse, quod non ex manifestis, certis & firmis Scripturæ testimonijs, aperte ostendi & probari potest.

Præter hoc uerò, quod ex uerbo Dei, transubstantiatio manifestè & certo probari & ostendi non potest, habemus etiam simplicem & manifestam Scripturæ, de hac questione sententiam. Accipit enim Iesus panem, benedixit, fregit, dedit discipulis.

seipulis. Et de illo quod accepit, quod benedixit, quod fregit, quod discipulis dedit, de illo inquā dixit: Accipite, comedite, hoc est corpus meum. Et ne dubium sit, an particula demonstratiua denotet illud quod Iesus acceperat, panem scilicet & poculum: Lucas & Paulus, in descriptione alterius partis, manifesta adiectione diserte hoc expresserunt: Accēpit poculum, benedixit, dedit illis. & addit: τὸ τὸ ποτήριον, Hoc poculum. Et Paulus. 1. Corinth. 10. sicut de altera parte inquit, Poculum cui benedicimus, est cōmunicatio sanguinis Christi: ita etiam de priori parte inquit, Panis quem frangimus, est cōmunicatio corporis Christi. Diserte igitur declarat & exprimit, quid particula Hoc in utraq; parte denotet: panem scilicet, & poculum. Et cum hasce Scripturæ explicationes habeamus: quare non inharemus simplicitati ueritatis: ut quid libet nobis, eam labyrinthis disputationum de Transubstantiatione exagitare?

Præterea, post benedictionem seu consecrationem, in ipso usu Paulus appellat panem: idq; non semel, ne incogitanter excidisse existimes: sed quater uel quinquies, 1. Cor. 10. Panis quē frangimus: De uno pane participamus. 1. Corin. 11. Quoties manducabitis hunc panē: Qui manducauerit hūc panem indigne: Probet seipsum, et sic de pane illo edat. Hæc argumenta sunt perspicua, firma, et ualde urgētia. Ideo Pontificij uarijs modis conantur ostendera

ostendere specimē artificij illius sophistæ, de qua antiquitas olim prouerbiū: *μηττα, δ' ηττα*. hoc est: cū in terrā prostratus iam iacēret, tamen circūstantib. persuadere conabatur, se nō iacēre, sed erectū fortiter stare. Ita cum Paulus in ipso usu, & post consecrationem, quinque nominet panē: ipsi tamē Ecclesiæ præstīgias transubstantiationis obijcere conantur, quōd nō remaneat, nec adsit ibi substantia panis. Sed aiunt, in Scriptura extare exempla, ubi substantijs mutatis, & in aliud conuersis, prior tamē appellatio retinetur, designās nō quid iā sint, sed qd ante cōuersionē fuerint. Ita Exod. 7. uirga Aaronis cōuersa in colubrū, etiā post cōuersionē uocatur uirga. Homo uocatur terra, quia ex terra formatus est. Mulier uocatur os ex osib. uiri. De aqua quæ in uinū cōuersa erat, dicit Euāgelista: Cum gustassēt aquam uinū factam. Ergo hoc modo etiā panis Eucharistico, etiamsi transubstantiatus esset, tribui posset appellatio panis: nō quōd panis esset, sed quōd fuisset. Responsio autem simplex & plana est. In allegatis exemplis uirga, terra, osis, aqua Scriptura disertis uerbis aperte testatur, res illas in aliud mutatas & conuersas esse, ita ut nec substantia nec forma prior remanserit, sed speciem illarum rerum in quas mutatae scribuntur, retulerint. Ita Ioannis 2. non simpliciter nominatur aqua, sed quæ iam facta erat uinum. Si idem de Transubstantiatione pa-



nis in Eucharistia, tam aperte ex Scriptura ostendi  
 & probari posset, tropum illum quem res ipsa fla-  
 gitaret, non inuiti concederemus. Cum uerò nulla  
 extet perspicua, certa & firma probatio transub-  
 stantiationis, in Scriptura: quæ dementis esset, &  
 proprietate uerborum discedere: & quādo Paulus  
 quinquies panem nominat, spectrum seu præsti-  
 giis panis, accidentia scilicet sine subiecto cohe-  
 rentia credere? cum Baptismo sine transubstantia-  
 tione aquæ, ea tribuamus quæ Scriptura de illo  
 tradit. Eccius intelligit appellatione panis apud  
 Paulum, non substantiam panis, sed accidentia si-  
 ne substantia: hoc est, non panem, sed inane spectrū  
 panis. Sed ne ipsis quidem Pontificijs *παύλος*  
 illud satisfacit: ideo aliam rimam quærent, quæ ex  
 claritate uerborum Pauli elabantur. Quia enim  
 ὅλον omne genus alimenti significat, dicunt Pau-  
 lum Eucharistiam appellare panem: non quòd ibi  
 substantia panis remaneat una cum corpore Chri-  
 sti, sed quia corpus Christi sit spirituale alimentum  
 interioris hominis. Sed hæc omnia locum habe-  
 rēt, si perspicuè, certò & firmiter iam demonstra-  
 ta esset transubstantiatio panis: tunc enim rectè ad  
 metaphoram confugeremus, sicut Io. 6. ubi Chri-  
 stus expressè dicit, se non loqui de pane externo  
 seu materiali, & tamen appellat se panem. Econ-  
 trà uerò, institutio expressè describit panem mate-  
 rialem, ante benedictionem. Cumq; sine aperta te-  
 stificatione

ificatione transubstantiationis, Paulus etiam post  
 sanctificationem, retineat appellationem panis:  
 meritiò in una & eadem significatione, propria  
 scilicet & genuina uocabulum illud retinemus. Si  
 enim tropis in descriptione cœnæ Dominicæ ita  
 lubeat ludere, ut in eadem oratione panem mox  
 propriè, mox cum lubuerit metaphoricè interpre-  
 temur: quid ni eandem etiam licentiam conceda-  
 mus Sacramentarijs, in uocabulo corporis & san-  
 guinis? Aut eadem ratione, cum Christus scribitur  
 accepisse panem, quia facta iam uulgari cœna il-  
 lud fecit, dicemus ipsum non panem materiale  
 accepisse, sed spirituale alimentum, hoc est, seip-  
 sum: atq; ita panem prorsus à tota actione cœnæ  
 exterminabimus. Tutissimum igitur est, propriam  
 significationem uocabuli panis retinere, & ante  
 & post consecrationem: cum nulla euident Scrip-  
 pturæ ratio, metaphoram in illo loco uel flagitet,  
 uel confirmet.

Reliqua enim omnia quæ adferunt, infirma &  
 incerta sunt: id quod etiam Lanfrancus fatetur. Di-  
 sputans enim, quare etiam post benedictionem ap-  
 pelletur panis? adfert quidem usitata illa, uel quia  
 ex pane conficitur, & accidentia panis retinet:  
 uel quia animam satiat. Agnoscens autem, illa in-  
 firma & incerta esse, addit: uel alio aliquo modo,  
 qui à doctoribus comprehendi potest, à nobis non  
 potest. Quanto uerò simplicius est: Scriptura etiā

post benedictionem appellat panem. Quare uerò panis appelletur, Patres ex analogia similitudinis Sacramenti declarant: scilicet quia satiat, alit, sustentat, confirmat: quæ sunt proprietates non accidentiæ, sed ipsius substantiæ panis. Item, quia est massa ex multis granis confecta: ita unum efficimur corpus, quia ex uno pane participamus, 1. Cor. 10. & una massa efficimur cum Christo, inquit Chrysostomus. Hæc certè non accidentibus, sed substantiæ panis conueniunt. Sed dicat quis: Quare ita cõtendimus, an substantia panis in Eucharistia uel remaneat, uel non remaneat: cum thesaurus Eucharistiæ, sit non panis materialis, & uinum uulgare, sed uera & substantialis præsentia, exhibitio et sumptio corporis & sanguinis Christi? Neque enim ideo testamenti nomine celebratur Eucharistia, ut frustulum panis, & haustum uini ibi accipiamus: illa enim in nostris edibilibus cõmodius & abundantius accipere possemus, 1. Cor. 11. sed quia ibi est cõmunicatio corporis & sanguinis Christi. Quid igitur de substantia panis solliciti sumus, an maneat, an uerò desinat? Respondeo: nullo modo pari momento censemus panem & corpus Christi. Et Lutherus semper dixit, se in tota hac disputatione magis spectare præsentiam corporis & sanguinis Christi in cœna, quam præsentiam panis & uini. Sed quia trãsubstantiatio pro articulo fidei, sub pœna anathematis proponitur, necessariò contradicendum est. De singulis

singulis enim quæ ad Sacramentorum rationem pertinent, non aliter docendum et credendum est, quàm uerbum Dei nobis præscribit. Nec recipiendum aliquid est pro articulo fidei, quod ex certis, perspicuis & firmis Scripturæ testimonijs ostendi & probari nõ potest. Præterea, quia filius Dei certa quadam externa media instituit & ordinauit, per quæ & se & sua beneficia credentibus uult communicare: illa media agnoscere, retinere, & ita usurpare debemus, sicut à filio Dei instituta sunt. ita enim, & non aliter Deus ordinario modo uult nobiscum agere. Cumq; in Eucharistia instituerit, ut panis & uinum essent talia media, per quæ nobis corpus suum & sanguinem, & cum illis omnia beneficia noui Testamenti, in cœna sua uult communicare: illa igitur media non sunt abijcienda ex usu cœnæ Dominicæ. neque enim quis uoluit corpus & sanguinem suum in cœna nobis communicare. Opinio etiam transubstantiationis, simplicitatem fidei, portentosis & non necessarijs labyrinthis questionum turbat: & ab eo quod in cœna Dominica præcipuum est, homines abducuntur, ut hæreant in cogitatione & admiratione transubstantiationis.

Ecclesia igitur per nullũ Scripturæ locũ perspicuè, certò & firmiter uel persuadetur, uel cogitur ad ponendam & credendã transubstantiationem: sed magis cõsentaneũ est simplicitati uerbi Dei, in



Eucharistia remanere substantiam panis & uini,  
unà cum corpore & sanguine Christi.

Et hac simplicitate, multæ ociose & portentoso  
se-questiones præciduntur. Seruatur etiam ita in  
Eucharistia, id quod ad substantiam omnium Sa-  
cramentorū pertinet: ut scilicet duabus rebus con-  
sistat, materia & forma, re terrena & cœlesti. Ver-  
bum enim accedens ad elementum, non annihilat  
elementum, sed facit Sacramentum. Et si in Eucha-  
ristia, in ea re quæ externa & uisibilis est, ludifi-  
camur, ita ut uidentes, tangentes & gustantes pa-  
nem, inò quod Scriptura affirmat esse panem, ta-  
men non panem, sed sola accidentia sine subiecto,  
hoc est spectrum & præstigias panis accipiamus:  
qualis erit fidei confirmatio, tam certò nos, inuisi-  
bili & cœlesti modo, iuxta uerbum accipere cor-  
pus & sanguinem Christi, quàm certò panem &  
uinum accipimus? Perit etiam per transubstantia-  
tionem, analogia signi et rei, quæ est in Sacramen-  
tis, sicut Augustinus inquit: Si Sacramenta earum  
rerum quarum Sacramenta sunt, similitudinē non  
haberent, Sacramenta non essent. Vt in Baptismo,  
sicut aqua exterius mundat: ita Christus lauacro  
aquæ in uerbo mundat Ecclesiam. In Eucharistia,  
sicut panis materialis alit, sustentat, confirmat: ita  
corpus Christi, est alimentum spirituale noui seu  
interni hominis. Sicut panis est substantia, ex mul-  
tis granis coacta: ita unum corpus efficiuntur, qui  
de uno

de uno illo pane Eucharistiæ participant. Hæ significationes omnes intercidunt, si substantia panis in Eucharistia annihiletur, & in eius locum præstigiæ accidentium, sine subiecto coherentium substituuntur. Et hæc de Scripturæ sententijs.

Porro ualde superbe gloriantur Pontificij, se pro opinione suæ transubstantiationis habere consensum totius antiquitatis, & testimonia Ecclesiæ omnium temporum. Tridentina enim congregatio capite quarto affirmat, semper hoc in Ecclesia Dei persuasum fuisse, Andræ uero tragice declamitat, hunc esse consensum totius Ecclesiæ, omnium ætatum, omnium gentium & populorū, qui unquam Christianum nomen professi sunt, ita ut nullum aliud fuerit unquam Ecclesiæ iudicium, Satis pol gloriofa & audax est asseueratio: quæ profecto non uerentur, nisi uel frontem perfricassent, uel nos omnes haberent pro truncis & stipitibus, seu (ut ipsi loqui solent) pro bestijs, quibus prorsus ignota sit totius antiquitatis historia. Sunt igitur quedam dicenda de sententia ueteris Ecclesiæ, quod ad hæc de transubstantiatione questionem attinet, ut impudentia perfrictæ frontis retegatur. Cumulant autem multas ueterum sententias, in quibus illi dicunt, panem appellari, credi et esse corpus Christi: de pane fieri corpus Christi: panem mutari, commutari seu transmutari in corpus Christi, seu ut fiat & sit corpus Christi.

filicreaturas conuerti in substantiam corporis & sanguinis Christi: panem & uinum transire in diuinam substantiam. Et singulis illis sententijs sua addunt epiphonemata, Ecclesiam omnibus temporibus, sine ambiguitate semper docuisse & credidisse transubstantiationem panis & uini, sicut illa a Pontificijs traditur.

Sed respondebimus, id quod exquisitum est: ut scilicet ipsi ueteres sint uerborum suorum optimi et certissimi interpretes. Veteres dicunt, in Eucharistia fieri mutationem seu conuersionem panis & uini. Hoc Pontificij interpretantur de annihilatione & transubstantiatione elementorum: nos mutationem Sacramentalem intelligimus: cum scilicet antea tantum esset communis panis, & uulgare uinum, quod accedente uerbo Christi, non solum panis & uinum, sed simul etiam ibi in Eucharistia corpus & sanguis Christi adsit, exhibeatur, & sumatur. Sed nec nostra sane, nec Pontificiorum interpretatio sit authentica. Audiamus potius ipsos ueteres, quomodo illa & sua & ueteris Ecclesie uerba interpretentur, & intelligi uelint. Monstrabimus autem aliquot argumentis, ueteres licet non nuncient mutationem & conuersionem, tamen non intellexisse transubstantiationem illam, de qua Pontificij dimicant.

Primo enim Longobardus expresse affirmat, libro 4. distinct. 11. ne suo quidem tempore definitum extitisse

extitisse in Ecclesia, qualis sit illa mutatio seu conuerfio, de qua ueteres loquuntur, an fit formalis, an substantialis, an uero alterius generis. Falsum igitur est, uel ipso Longobardo teste, quod Pontificij affirmant, esse dogma Catholicum, panem Eucharistiae per annihilationem & transubstantiationem mutari & conuerti.

Secundo, habemus testimonium, quod ipsos etiam Pontificios, omni exceptione maius esse debet. Gelasius enim, Romanus pontifex, annis post Christum natum plus minus quingentis, in libro de duabus Naturis in Christo, aduersus Eutychen & Nestorium dicit, panem & uinum Eucharistiae, in diuinam transire, sancto Spiritu perficiente substantiam, corporis scilicet & sanguinis Christi. Et certe haec uerba uidentur fortiter sonare pro stabilienda transubstantiatione. quod enim transit in aliam substantiam, & quidem Spiritu sancto operante, certe uidetur non manere in priori sua substantia. Sed Gelasius ipse, suam & ueteris Ecclesiae sententiam disertè & apertè explicat, quomodo mutationem seu conuersionem panis et uini in Eucharistia intelligi uelint: idq; tribus modis. 1. Ita transeunt in substantiam corporis & sanguinis Christi, ut tamen esse non desinat substantia uel natura panis & uini. Secundo, transeunt in diuinam substantiam, permanente tamen pane & uino in sua proprietate naturae,



3. Sicut in Christo, duæ naturæ ex quibus constat, propriè permanent. 4. Ideo uerò dicuntur transire in diuinam substantiam, quòd per ea diuinæ efficiamur consortes naturæ, communicato nobis corpore & sanguine Christi. Hæc est interpretatio Gelasij, quomodo uetus Ecclesia intellexerit, panem & uinum in Eucharistia mutari seu conuerii in corpus & sanguinẽ Christi. Et Contarenus in colloquio Ratissponensi, 1541. obstupuit, cum uideret tam aperto & perspicuo testimonio, quod luce meridiana clarius est, Pontificiam transubstantiationem, ex Romani pontificis sententia refutari. Et tamen non uerentur nunc gloriari de perpetuo consensu Ecclesiæ omnium temporum, quod ad dogma transubstantiationis attinet.

Ambrosius lib. 4. de Sacramentis, dicit per cõsecrationẽ de pane & ex pane fieri corpus Christi. Sed mox explicat se, quòd nõ intelligat annihilationem & transubstantiationem panis: inquit enim: Si tanta uis est in sermone Domini Iesu, ut inciperent esse quæ non erant: quanto magis operatorius est, ut sint quæ erant, & in aliud conuertantur? Lanfrancus hoc testimonium nõ potuit aliter eludere, quàm quòd dixit, uerba illa non reperiri in libris Ambrosij. Sed quia hoc non consistit, Petrus Sotus dicit Ambrosij sensum esse, quòd manent, in aliud scilicet mutata, ut si aqua mutata in uinũ, dicatur manere. Sed Ambrosius duo distin-

Etè di-

ſic dicit. Vt ſint quæ erant, & in aliud conuertantur. Ipſe igitur ſui interpres eſt, quòd intelligat naturalem conuerſionem panis & uini, ut ſint quæ ante conuerſionem erant, & adijciatur illa gratia, ut ſimul etiam ibi adſit corpus & ſanguis Chriſti: ſicut Theodoretus & Heſichius loquuntur.

Theodoretus, qui & Ephesine ſynodo interfuit, & in Chalcedonenſi laudatus fuit, in primo dialogo, cuius titulus eſt *ἐπεὶ τὸς*, ſumit illa principia, quæ inconfiſſo tunc erant in Eccleſia, & apud Catholicos & apud Eutychianos. Dicit igitur, Chriſtum ideo pani tribuere appellationem corporis, ut qui communicant myſterijs, non attendant ad naturam eorum quæ in Euchariftia uiſibilia ſunt, ſed credant illi tranſmutationi quæ ex gratia facta eſt. Audis Theodoretum dicere, non eſſe attendendam ad naturam uiſibilium, ſed credendam tranſmutationem: nominat enim *μεταβολὴν*. Ne uerò tranſmutationem illam interpretaretur quis de Tranſubſtantiatione, mox diſerte explicat ſe, qualem tranſmutationem intelligat. dicit enim: Chriſtus uiſibilia ſymbole, appellatione corporis & ſanguinis honorauit, *ἐν τῇν φύσιν μεταβαλὼν, ἀλλὰ τὴν χάριν τῇ φύσιν προσηβηνώς*: Hoc eſt, non tranſmutans ſymbolorum naturam, ſed naturæ ſymbolorum adijciens gratiam: ut ſcilicet ſimul ſint etiam corpus & ſanguis Chriſti. Habes interpretationem,  
quid

quid uetustas in Græca ecclesia intellexerit per transmutationem panis & uini in Eucharistia: quod scilicet non ipsa natura panis & uini mutetur, sed quia illi adijciatur gratia. Et in secundo dialogo qui dicitur *ἀποχρῶτες*, clarius adhuc explicat ueteris Ecclesie sententiam. Eutychianus enim ita argumentatur: Sicut panis & uinum aliud sunt ante consecrationem, post consecrationem uerò transmutantur, & aliud fiunt: ita etiam corpus Christi post assumptionem, transmutatum esse in diuinam essentiam. Respondet autem Orthodoxus: illis ipsis retribus quæ tetenderas, captus es. Mystica enim symbola post sanctificationem, *ἐν τῇς εἰσέτας ἐξίσταται φύσιν*: hoc est, non immutantur ut propriam suam naturam amittant. Vocabulo enim ualde significanti *ἐξίσταται* uocantur, quæ naturam suam non seruant, sed immutantur, corrumpuntur, intereunt, & in aliud degenerant. Ita uocatur *οἶνος ἐξέστηως*, uinum corruptum. Addit præterea Theodoretus: *μένει γὰρ ἐπὶ τῇς ὑποτέρας ὁσίας, καὶ τὸ χυμῶτος, καὶ τὸ ἁλῶς*, hoc est: symbola illa post sanctificationem, manent in priori sua substantia, forma & specie. Adeoq; & uidentur & palpantur, sicut & antea: intelliguntur autem quæ facta sunt, & creduntur, & adorantur.

Habemus igitur certam & perspicuam interpretationem, quomodo ueteres suam & totius

tius antiquitatis sententiam explicent, quid intelligi uelint, quando loquuntur de transmutatione & conuersione panis & uini in Eucharistia: quòd scilicet ipsa substantia & natura panis & uini, nec mutetur, nec desinat: sed quòd permaneat in Eucharistia, non tantum forma & species panis & uini, sed ipsa prior substantia & proprietas naturæ. hæc enim sunt ueterum uerba. Mutationem autem intelligunt, cum antea esset tantum communis panis, & uulgare uinum, quòd nunc simul ibi etiam adest, exhibetur & accipitur corpus & sanguis Christi. Quando igitur Pontificij cumulant ueterum sententias de transmutatione & conuersione: opponatur ipsis hæc ueterum interpretatio, quæ fuerit sententia & Orientalis & Occidentalis ecclesiæ.

Et quia illi non ignorant, cogitet lector, quàm ingenuè agant, quòd contra mentem ueterum, ipsorum phrasas ad commentum suæ transubstantiationis detorquent. Tridentinum concilium affirmat, dogma Pontificiæ transubstantiationis semper in Ecclesia Dei persuasum fuisse. Sed hoc falsissimum esse, & Latine & Græcæ ecclesiæ testimonijs manifestissimis iam ostendimus.

Tertiò, uetustas duas res diuersorum generum agnoscit et cõfiteatur in Eucharistia. Ita Irenæus dicit, panem fractum & calicem mixtum, postquam percepit



uocationem Dei, non amplius esse communem panem, sed Eucharistiam corporis et sanguinis Christi. Num uero ita, ut annihilata panis substantia prorsus defierit? Non utemur coniecturis, sed audiamus ipsum Irenæum explicantem se. mox enim subiicit, Eucharistiam constare duabus rebus: terrena, pane scilicet & uino: & cœlesti, corpore scilicet & sanguine Christi. Panem igitur Eucharistie non esse communem panem, Irenæus ita interpretatur: Cum antea tantum esset una res, terrena scilicet, iam sit Eucharistia, constans duabus rebus, pane & corpore Christi, uino & sanguine Christi. Et hæc Irenæi interpretatio ostendit, quomodo Ecclesia intellexerit id quod postea Augustinus dixit, De uerbis Domini serm. 28. Ante Christi uerba, quod offertur panis dicitur: ubi Christi uerba deprompta fuerint, iam non panis dicitur, sed corpus Christi appellatur. Sed ut minus relinquatur dubitationis, audiamus ipsum Augustinum uerba sua interpretantem. in libro enim Sententiarum Prosperi, de Consecrat. 2. dicit: Hoc est quod dicimus, quod modis omnibus probare contendimus, sacrificium Ecclesie duobus consi- ci, duobus constare, uisibili elementorū specie, & inuisibili Christi carne & sanguine. Et obseruet lector, Pōtificij appellationē speciei opponūt natu- re, substantiæ et ueritati elemētōrū panis et uini. Et ubicūq; in ueterib; legūt specie panis et uini; mox transub-

transubstantiationem suā affingunt. Sed quid Ecclesia intellexerit, quando nominat species panis & uini, Augustinus nobis explicabit. Subiungit enim in illa sententia, cum nominasset speciem elementorum, & corpus Christi: Sicut Christi persona constat ex Deo & homine, cum ipse uerus sit Deus, & uerus homo: Quia omnis res illarum rerum naturam & ueritatem in se continet, ex quibus conficitur. Conficitur autem sacrificium Ecclesie, duobus, Sacramento & re Sacramenti: id est corpore Christi. Manifesta est explicatio, quod Augustinus duas res in Eucharistia agnoscat. Et per speciem intelligit non accidentia sine substantia, sed naturam & ueritatem rerum, hoc est elementorum, ex quibus conficitur Eucharistia. Hæc enim sunt eius uerba. Delectata autem fuit antiquitas, appellatione speciei, propterea quod Baptista Lu. 3. narratur uidisse Spiritum, corporali specie columbæ, descendere super Christum. Et hanc interpretationem speciei, ex Augustino in hac materia, lector diligenter obseruet.

Hesichius etiam duas substantias simul agnoscit in Eucharistia, quam definit simul esse panem & carnem, uinum & sanguinem. Ita enim inquit lib. 20. in Leuit. ca. 8. Propterea carnes cum panibus comedi præcipiēs, ut nos intelligeremus, illud ab eo mysterium dici, quod simul panis & caro est.

## 418 EXAMEN DECRETORVM

Quartò, usitatissima est uetustis scriptoribus similitudo, qua inter se conferunt Eucharistiam, quæ duabus rebus constat, & unionem duarum naturarum in persona Christi. Et quidem in certa mune cõtra Apollinarẽ & Eutychen, Chrysostomus, Theodoretus & Gelasius, ex Sacramẽto Eucharistie probant humanã naturã in Christo, per unionẽ, nõ esse absorptã uel trãsmutatã in diuinã: sed duas ueras, distinctas & integras esse naturas in Christo, sicut Eucharistia duabus rebus cõstat, & duabus conficitur. Illa uerò argumentatio Eutychen magis confirmasset quàm refutasset, si tũc dogma transubstantiationis in Ecclesia notũ & receptũ fuisset. Et hoc argumentum uel solũ, firmissimẽ probare posset, transubstantiationẽ ignotã esse uera et puriori antiquitati: nec uideo, quid Pontificij uel fingere possunt ad eludendã argumenti huius claritatẽ. Ita ergo & Iustinus, in descriptione cœnæ Dominicæ, nominat *μετὰ βέλους*: sed mox subiicit similitudinem duarum naturarũ, in persona Christi. Gloriosẽ solem Pontificij illustrare Cypriani sententiam, ex sermone de cœnâ Domini: qui tamen an Cypriani sit, nõ satis certò constat. Ita autem habet sententia: Panis iste quẽ Dominus discipulis suis porrigebat nõ effigie, sed natura mutatus, omnipotentia uerbi factus est caro. Et Pontificij statim uolunt, ne dubitandũ quidẽ esse, Cyprianũ fuisse transubstantiatorẽ. Sed ipse

se uerborū suorū optimus est interpret. Mox enim subiungit, quomodo mutationē illam intelligi uelit, inquiens: Sicut in persona Christi, humanitas uidebatur, & latebat diuinitas: ita Sacramento uisibili ineffabiliter diuina se infundit substantia, ut esset religioni circa Sacramēta deuotio. Sicut ergo in Christo due integre sunt & manēt nature, ita mutatio panis de qua Cyprianus loquitur, non abolet substantiam panis.

Quinō: Irenæus Emissenus, et Ambrosius, mutationem panis Eucharistici, conferunt cum renouatione renatorum, & cum mutatione credentiū in Christū, ut cum ipso fiant una massa. Atqui renouatio non facit annihilationem & transubstantiationem nature humane: nec absorbetur nostra substantia, quando Christus apud Augustinū inquit: Sed in mutaberis in me.

Ita Ambrosius lib. 4. de Sacramētis, ca. 4. cum multa de mutatione panis differuisset, subiicit: Tu ipse eras, sed eras uetus creatura: postquam consecratus es, noua creatura esse cœpisti. Emissenus uerō De Consecrat. dist. 2. ca. Quia corpus. apertius similitudinē hāc explicat. Cum enim dixisset, Christum uisibiles creaturas, uerbo in substantiā corporis & sanguinis sui cōuertere: Pontificij statim exclamāt, esse ipsissimā transubstantiationē. Emissenus uerō interpretatur seipsum: Ostensurus enim non esse nouum aut impossibile, qd' in Christi



## 4<sup>o</sup> EXAMEN DECRETORVM

substantiam, terrena & mortalia conuertuntur, inquit: Te ipsum qui in Christo es regeneratus interrogat. Dudum alienus à uita, peregrinus à misericordia, intrinsecus mortuus exulabas: subito salutaribus mysterijs initiatus, in corpus Ecclesie non uidendo, sed credendo transiijisti, & de filio perditionis adoptiuus Dei filius factus es. Num uero per transubstantiationem illi sumus? Audi quid subiiciat Enuffenus: Cum idem atq; ipse esses, multo alter fidei processionibus extitisti? in exteriori nihil additum est, & totum in interiori mutatum est. Sicut igitur credentes transeunt in corpus Christi, & efficiuntur una massa cum ipso, sine transubstantiatione: ita etiam ueteres intelligunt conuersionem panis & uini in cœna Domini, ut non opus sit transubstantiatione.

Irenæus inquit: Sicut Eucharistia constat duabus rebus, ita corpora nostra, percipientia Eucharistiam, non sunt corruptibilia, spem immortalitatis habentia. Et tamen nondum facta est transfiguratio corporis nostri, Philipp. tertio, sed spem habemus. Non igitur probatur hinc transformatio panis.

Sexto. Ne Florentini quidem concilij temporibus, ante annos centum & amplius, uniuersalis Ecclesie, omnium gentium & populorum consensu approbatum & receptum fuit dogma de transubstantiatione. In ultima enim sessione, inter articulos

los in quibus Græca ecclesia à Romana diffemie-  
bat. 4. loco ponitur de Diuina transmutatione pa-  
nis in Eucharistia. Et cū conficiendæ essent literæ  
unionis, disertè & expressè exceptus fuit, etiã cō-  
cedente Romano pontifice, articulus ille de Diui-  
na transmutatione panis in Eucharistia, quam La-  
tini tunc docebant. Falsa igitur est gloriatio de u-  
niuersali cōsensu Ecclesiæ omnium ætatum, omni-  
um gentium & populorum, quod ad dogma de  
Transubstantiatione attinet. Nam & ante centū  
annos, sicut hæc historia indicat, nondum subiecti  
fuerunt anathemati, qui Transubstantiationis opi-  
nionem non receperunt uel approbarunt. Planè  
nouum igitur & recens est anathema II. Cano-  
nis, in 3. hæc sessione. Atq; ita satis perspicuè, ut ar-  
bitror, monstratū est, ueterem & puriorem Ec-  
clesiam, nihil quicquam suffragari Pontificio dog-  
mati de Transubstantiatione.

De recentioribus enim, quorū ætate, magna  
iam doctrinæ inclinatio fieri cœperat, ut de Da-  
mascono, Theophylacto, Richardo, Hugone, Lon-  
gobardo, & similibus, nihil disputamus, quando  
de antiquitatis sententia quæstio est. Hoc igitur  
exemplum ostendit, quā uana sit Pontificiorū  
gloriatio, quando in omnibus suis disputationibus,  
plenis buccis subinde iactitant, uniuersalem con-  
sensum totius Ecclesiæ omnī ætatum, omnium  
gentium & populorum à suis partibus stare.

## 422 EXAMEN DECRETORVM

Nec uerò opus est, singulas ueterum sententias excutere, quomodo enim uerba sua, de hac materia intelligi uelint, ex ipsorū interpretatione iam didicimus.

Ambrosius de Sacram. lib. 4. cap. 5. dicit, post consecrationē nihil aliud quā carnem & sanguinem Christi, credendum esse. Nec malè hoc dicit. Quia enim fides est eorum quæ non apparent & uidentur: non igitur opus est fide, ut intelligamus, quod panis quem oculi uident, adsit ibi. Sed corpus Christi, ibi adesse, fides sola ex uerbo discit. Hanc distributionem, cum scilicet duæ res sine in Eucharistia, alteram sensibus, alteram fide apprehendi, Augustini sententia clarè docet: Quod uidetis, inquit, in altari, panis est & calix, quod etiā oculi uestri uobis renunciam: quod autem fides postulat instruenda, panis est corpus, calix est sanguis.

Sæpe etiam ueteres ed respiciunt, quod coena Dominica sit actio, non terrestris, sed cœlestis, pertinens ad regnum cœlorum, de quo Euangelium concionatur: in qua querimus non cibum periturū, sed alimētū spirituale noui hominis. Sæpe igitur de altera tantum parte, de corpore scilicet & sanguine Christi, magnificè concionamur: & uolunt corda sursum esse eleuanda, nec attendendū ad terrena elementa panis & uini, sed ad Christū Deum & hominem, qui in cœna illa adest, & præbet

bet uescemibus corpus & sanguinē suum: sicut e-  
contra sepe de elemenis Eucharistiae disputan-  
tes, de signis, figuris & symbolis loquuntur. Sicut  
autem Sacramentarii non rectē faciunt, qui pro-  
pter posteriores has ueterum sententias, substan-  
tiā corporis & sanguinis Christi ex coena Domi-  
nica proturbant: ita neq; Pontificij, priores sen-  
tias rectē detorqueunt ad annihilationē & transub-  
stantiationem elemementorum. Alibi enim ueteres di-  
stinctē loquuntur, de duabus illis rebus ex quibus  
Eucharistia constat, ut Origenes in 15. Matth. di-  
sputans panem Domini non ex natura sui hoc ha-  
bere ut sanctificet, inquit: Quod materiale est in  
pane Domini, in uenerem trāsmittitur: & in seces-  
sum eijcitur: quod uerō est per obsecrationem &  
uerbum Domini, animae prodest, iuxta fidei por-  
tionem. Non itaque materia utilis est, sed uer-  
bum quod adijcitur, animo prodest. Hec O-  
rigenes.

Chrysostomus uerō ad illud respiciens, quod  
coena Domini est mysterium supernaturale, coe-  
leste et diuinū, inquit: Nū uidēs panē nū in secessum  
uadit? Absit. Item: Nō de manu hominis, sed Sera-  
phin accipis corpus Christi. His uerbis Chrysosto-  
mus, sicut nec externū ministeriū, ita nec elemēta  
ex actione coenae Domini a uult abijcere: sed uult  
nos nō herere, uel in manu ministri, uel in elemē-  
tis panis & uini, sed mentē eleuare ad ea de quib.



#### 424 EXAMEN DECRETORVM

uerbum loquitur. Sicut igitur ex hac Chrysostomi sententia non sequitur, externū ministeriū sacerdotis exhibentis Eucharistiam, tollendum esse, & expectandum aduentum Seraphim: ita nec Transubstantiatio inde concludi potest, Videri enim in Eucharistia panem & uinum, & sensus ipsi, & tota antiquitas testantur.

#### DE CVLTV ET VENERATIONE, huic sanctissimo Sacramento adhibenda, Cap. 5.

Nullus itaq; dubitandi locus relinquitur, cum omnes Christi fideles, pro more in catholica Ecclesia semper recepto, latria cultum, qui uero Deo debetur, huic sanctissimo Sacramento in ueneratione adhibeant. Neq; enim minus est adorandum, quod fuerit à Domino, ut sumatur, institutum. Nam illum eundem Deum, præsentem in eo adesse credimus, quem pater æternus introducens in orbem terrarum dicit:

*Ec*

Et adorēt eum omnes angeli Dei. quē  
Magi procidentes adorauerūt. quem  
deniq; in Galilea ab Apostolis adora-  
tum fuisse, Scriptura testatur.

Declarat præterea sancta Synodus,  
piè & religiosè admodum in Dei Ec-  
clesia inductum fuisse hūc morem, ut  
singulis annis peculiari quodam & fe-  
sto die, præcelsum hoc & uenerabile  
Sacramentum, singulari ueneratione  
ac sollemnitate celebraretur: utq; in pro-  
cessionibus, reuerenter & honorificè il-  
lud per uias & loca publica circum-  
ferretur. Acquissimum est enim, sa-  
cros aliquos statutos esse dies, cum Chri-  
stiani omnes singulari ac rara quadā  
significatione gratos & memores te-  
stentur animos, erga communem Do-  
minum & redemptorem, pro tam in-  
effabili, & planè diuino beneficio, quo

mortis eius uictoria & triumphus res  
presentatur. Ac sic quidem oportuit  
uictricem ueritatem de mendacio &  
heresi triumphū agere: ut eius aduer-  
sarij, in conspectu tanti splendoris, &  
in tanta uniuersæ Ecclesiæ laticia po-  
siti, uel debilitati & fracti tabescant,  
uel pudore affecti & confusi aliquan-  
do resipiscant.

## Canon 6.

Si quis dixerit, in sancto Euchari-  
stia Sacramento Christum unigenitū  
Dei filium, non esse cultu, latria etiam  
externo adorandum, uenerandum:  
neque in processionibus, secundum lau-  
dabilem & uniuersalem Ecclesiæ san-  
ctā ritū et consuetudinē, & solenniter  
circumgestandū: uel nō publicè ut ado-  
retur, populo proponendū, & eius ado-  
ratores esse idololatrias, anathema sit.

EXAMEN.

## EXAMEN.

Principiò ostendendum est, quid sit quod in V. hoc capitulo. & VI C. none in cōtroue. sian pos-  
 situm est. Quædam enim extra conuersionem  
 sunt, quæ non inuitus cōcedo. Nam Christum Deū  
 & hominem esse adorandum, nemo nisi Arrianus  
 negat. Et quidem humanam etiam eius naturam,  
 propter unionem cum diuinitate, esse adorādā,  
 nemo nisi Nestorianus in dubium uocat. Cum enim  
 pater æternus primogenitum introduceret in or-  
 bem terrarum, dicit: Et adoreni eum omnes ange-  
 li. Sicut & Matthæus manifestè testatur. cap. 28.  
 Apostolos in Galilea Christum adorasse. Constat  
 etiam, adorationem Dei non esse alligatam uel lo-  
 co uel tempori, Iob. 4. & 1. Tim. 2. Semper igitur  
 & ubiq; adorādus est Christus. Si ergo credimus,  
 Christum Deum et hominē, in actione cœnæ suæ,  
 peculiari modo præsentie & gratiæ adesse, ita  
 quòd ibi uirè & substantialiter exhibeat uescendi  
 bus corpus & sanguinem suum: quibus uult se ita  
 nobiscum coniungere, ut singulis fide sumenibus,  
 hoc preciosissimo pignore applicet & obsignet  
 dona noui Testamēti, quæ traditione sui corporis,  
 & effusione sui sanguinis Ecclesiæ acquisiuit: si  
 hæc, inquā, uerè & ex animo credimus, fieri nec  
 potest nec debet, quin fides Christū in illa actione  
 præsentē, ueneretur & adoret. Ita Iacob. Gen. 28.  
 Moses Exo. 34. Elias 3 Reg. 19. non habebāt san-  
 peculiare



## 428 EXAMEN DECRETORVM

peculiare mandatū, ut in illis locis Deū adorarēt: sed quia habebant generale mandatum, ut Deum ubiq; adorarent: & certi erant, Deum sub externis & visibilibus illis symbolis, uerē adesse, & peculiari modo gratiæ se ibipatefacere: certē Deū ipsum, qui in ibi præsentiē esse credebant, adorabant: nec uera fuisse fides, si non secuta fuisset inuocatio seu adoratio, hoc est, honor Deo debitus. Seruus Abrabæ, Gen. 24. cum ex Rebecca responso intelligeret, Deum in illa legatione, graui & benedictione sibi adesse, inclinat se, & adorat Dominum. Exo. 4. cum filij Israel audirent, Deum respexisse afflictionē populi, & iam instituisse uisitationem gratiæ, inclinata ceruice adorauerunt. Exo. 12. cum audirent de transitu angeli percussoris, & de institutione Phase, incuruatus populus adorauit. 1. Cor. 14. Si omnes prophetent, intret autem quis idiota, conuincitur ab omnibus, diiudicatur ab omnibus: & ita cadens in faciem adorabit Deum, pronuncians quod uerē Deus in uobis sit. Nec uerò Deum illi, procul in cœlo emptyreo à se remotum & absentem: sed uerē præsentem, & quidem peculiari modo gratiæ præsentiē adorauerunt. Rectē igitur Augustinus in Psal. 98. disputans, cum terra sit scabellum pedum Domini, quomodo Psalmus dicat: Adorate scabellum pedum eius, quoniam sanctum est, inquit: Conuerto me ad Christum, quia ipsum quero hic, & inuenio,

nio, quomodo sine impietate adoretur terra, scabellum pedum Domini. Suscepit enim de terra terram, quia caro de terra est: & de carne Mariae, carnem accepit. Et quia in ipsa carne hic ambulauit, & ipsam carnem nobis manducandam ad salutem dedit: nemo autem illam carnem manducat, nisi prius adorauerit. Inueniunt est, quomodo adoretur tale scabellum pedum Domini: & non solum non peccemus adorando, sed peccemus non adorando. Ita Ambrosius in eundem Psalmi uersum inquit: Scabellum, terra intelligatur: per terram autem, caro Christi: quam hodie quoque in mysterijs adoramus, quam & Apostoli in Domino Iesu adorauerunt.

Nazianzenus in Epitaphio sororis suae τὸ πῶς ἐν ἱερῷ τιμώμενον ἀνακαταβύειν, hoc est, Inuocabat Christum, qui in altari, quando scilicet mysterijs coena celebrantur, honoratur. Et sententia Eusebii Emiffeni dicit: Cum reuerendum altare, tibijs spiritualibus satiandus ascendis, sacrum Dei tui corpus & sanguinem fide respice, honora, mirare, mente coninge, cordis manu suscipe, et maxime toto haustu interioris hominis assume. Lutherus etiam contra Louanienses artic. 16. uocat Eucharistiam Sacramentum uenerabile & adorabile. Et in 47. caput Genesis: Nos non tantum orantes, sed & baptizantes, absoluentes & absoluti, & accedentes ad sacram synaxin, quin etiam  
ad

ad recitationē promissionis aut textus Euangelij, genus flectere, uel salte stare debemus, in signum adorationis, siue reuerentiæ & gratitudinis. Et si in cœna Dominica nihil aliud porrigeretur præter panem & uinum, sicut Sacramentarij blasphemant: tamen est ibi promissio, & uox diuina, & Spiritus sanctus per uerbum, in cœna. Ideoq; decebat nos cum reuerentiâ accedere. Quam uerò magis id fieri par est, quando credimus adesse uerum corpus & uerum sanguinē cum uerbo. Hæc Lutherus.

Christum igitur Deum & hominem, in diuina & humana natura, in actione cœnæ Dominicæ uerè & substantialiter præsentem, in spiritu & ueritate adorandum, nemo negat, nisi qui cum Sacramentarijs uel negat, uel dubitat de præsentia Christi in cœna. Neq; enim ἀπαγγελλοις & annunciatio mortis Christi in cœna ritè fieri potest, sine adoratione illa, quæ fit in spiritu & ueritate. Hæc dicenda fuerunt, ne quis suspicetur, nos in dubium uocare, an Christus Deus & homo, qui in actione cœnæ præsens adest, sit adorandus.

Quod si hæc concedimur: quid igitur, inquires, in hac questione, de cultu & ueneratione Eucharistiæ, in controuersia positum est, inter nos & inter Pontificios? Respondeo: Tria potissimū sunt huius controuersie capita.

Primo, dicunt ipsum Sacramentum Eucharistie,

ita, seu totum illud, quod à Domino ut sumatur  
 institutum est, esse cultu latriæ adorandum. Atqui  
 Eucharistia, iuxta dictum Irenæi, constat duabus  
 rebus, terrena & cœlesti. Essent igitur etiam ter-  
 rena elementa panis & vini in Eucharistia, cultu  
 latriæ adoranda: quod à manifesto idololatriæ,  
 seu ἀγροῦ ἀρπείας crimine excusari et defendi nul-  
 lo modo posset. Ipsi quidem ideo transubstantia-  
 tionem suam comminiscuntur, ne panis substantia  
 simul adoretur. Sed quia incerta est opinio tran-  
 substantiationis, imò Paulus affirmat esse panem  
 etiam post benedictionem. Theodoretus dicit, na-  
 turam elementorum in Eucharistia non mutari:  
 Gelasius tradit, illa permanere in proprietate sue  
 naturæ. Quando ergo docetur, totum illud quod  
 in Eucharistia adest, exhibetur & sumitur, cultu  
 latriæ adorandum: simul comprehenduntur etiā  
 elementa panis & vini, quæ sine idololatria ado-  
 rari nec possunt, nec debent. Neque enim si Christus  
 adorandus est, sequitur creaturas etiam illas, ubi  
 adest, simul esse adorandas. Ad cauendam igitur  
 idololatriā, disertè distinguendum est. Christus  
 Deus & homo, in diuina & humana natura, in a-  
 ctione cœnæ præsens adoretur: substantia uerò  
 uel species elementorum panis & uini nō adoren-  
 tur, ne præter creatorem, etiam creaturam cola-  
 mus. Rom. 1. Nō igitur ita adorandū est Sacramen-  
 tū Eucharistiæ, sicut in persona Christi, propter  
 hypo-



hypostaticam unionem, una adoratione humanita-  
tem & diuinitatem colimus & ueneramur. non e-  
nim personalis est unio panis & corporis Chri-  
sti in cœna: sed quia Eucharistia constat duabus  
rebus, terrena & cœlesti, adoratio & ueneratio  
non est dirigenda ad terrena elementa, panem et  
uinum, sed ad Christum Deum & hominem, qui in  
illa actione præsentia suâ peculiari modo gratiæ  
instituit & promisit: sicut Israelitæ, non lignum,  
non aurum, non cherubin, arce fœderis, sed Deum  
ipsum tantum, qui præsentiam suam ibi promise-  
rat, adorabant. Nec alliganda aut affigenda est  
adoratio Christi, ad elementa panis & uini: ne-  
quidem in illis localiter inclusus continetur: sed pa-  
nem cœnæ reuerenter sumamus: ipsum uerò Chri-  
stum, in cœlesti maiestate sua, supernaturaliter  
in cœna præsentem, in adorando intueamur.

Secundò. Quando Pontificij de cultu, adoratio-  
ne & ueneratione disputant, non principaliter  
huc respiciunt, ut in actione cœnæ dominicæ, siue  
in usu eius diuinitus instituto, Christus Deus & ho-  
mo, in spiritu & ueritate adoretur: sed sicut Ca-  
nō VI. d. fertè ostendit, laborant instituere & sta-  
bilire adorationem panis extra usum, seu extra il-  
lam actionem quam Christus in institutione ordi-  
nauit, & mandauit: quando scilicet panis in pro-  
cessionibus circumgessatur & in repositione in-  
cluditur, ut tunc populo adorandus proponatur. Su-  
prà

præ uerò ostendimus, illa uerba: Hoc est corpus meum, Hic est sanguis meus: esse diuina institutione, præceptione & promissione, alligata ad illam actionem, quæ in uerbis institutionis præscripta est: quando scilicet panis accipitur, benedicitur, distribuitur, accipitur & manducatur. Quando uerò uerba quidem super panem recitantur, actio uerò illa in institutione præscripta & mandata uel non seruatur, uel in alium usum transformatur: non habemus promissionem de presentia ibi corporis & sanguinis Christi, sicut in cœna sua adest. Quid igitur & quale sit, panem illum extra usum, de quo non habemus uerbum Dei, quod sit corpus Christi, tamen ut adoretur proponere, diligenter in timore Dei expendatur. Certè enim sollicitè cauenda sunt pericula idololatriæ, ne honorem soli Deo debitum, ad ullam aliam rem transferamus. Non autem sequitur, si in ipso uero usu cœnæ Dominicæ, Christus rectè adoratur, ideo extra usum, institutundū esse peculiarem cultum aut adorationem ad panem uel circumgestatū, uel repositum. Sine fide enim, nemo potest rectè adorare: fides autem non est sine uerbo. Et nullum extat uerbum Dei, de pane Eucharistiæ reposito, uel circumgestato: inò pugnat cum uerbis institutionis, quando panis benedictus non distribuitur, nō accipitur, non manducatur. Quid igitur aliud possumus, iuxta normam uerbi Dei iudicare, quàm ta-

idem cultum non esse *ἡσυχαστείαν*, sed *ἀρετὰν*  
*τρεῖς*

Tertiò, de ipsa etiam adoratione, cultu & ueneratione Christi in Eucharistia, quid sit, aut in quo consistat, cōtrouersia est inter Pontificios & nos. Tridentini enim in VI. Canone non obscure ostendunt, se de externo potissimum Eucharistiae cultu laborare & sollicitos esse: ut scilicet splendida repositione, & sumptuosa circumgestaltunge, auro, argento, serico, inclinatione, genuflexione, prostratione corporis, eleuatione manuum, consione pectoris, luminaribus, instrumentis musicis, bombardarū strepitu, & similibus externis pompis honoretur. Et huic externo cultui, etiam sine uera pœnitentia & fide, tribuunt nescio quæ merita. Vt autem de ijs quæ extra usum diuinitus institutum in Eucharistia fiunt, nil amplius dicamus, Scriptura tradit duas regulas: quæ monstrabunt fundamenta dijudicationis, de definitione adorationis seu cultus. Primò, externam simulationem cultus, sine interioribus spiritualibus motibus, Deo non placere, sicut inquit: Hic populus labijs appropinquat mihi, cor autem eorum longè est à me. Sed ueri adoratores adorabunt in spiritu & ueritate. Secundò, Cultus ab hominibus uel institutos, uel electos, Deo nō probari. inquit enim: Frustra colunt me doctrinis & mandatis hominum. Et Coloss. 2. Paulus expressè damnat

damnat ἐβελωθρονείας. Eo uerò modo Deus uult coli, quem ipse uerbo suo præscripsit. aliàs dicit: Quis requisiiuit hæc de manibus uestris: Isa. 1. Docendi igitur primum sunt homines ex uerbo Dei, quomodo in uero usu Eucharistiæ, Christum Deum & hominem, uero, interiori & spiritali cultu uenerari & adorare debeant. Deinde ueræ externæ significationes interioris reuerentiæ, ultrò & ritè sequuntur. Externos uerò qualescunque reuerentiæ gestus, sine uera interiori cordis adoratione, Deus non moratur, imò ut hypocrisin odit & abominatur. Ideo doctrina de ueneratione & adoratione Christi in cœna Dominica, non est inchoanda ab externis gestibus. Ita enim multi Christum adorant, qui ipsum ritè nec colunt, nec uenerantur. Sicut Augustinus de talibus adorationibus inquit epist. 120. super uersum Psalmi 21. Manducauerunt omnes pingues terræ: Et diuites quidē adducti sunt ad mensam Christi, & accipiunt de corpore & sanguine eius: sed adorant tantū, non etiam saturantur, quia nō imitantur. Item: Et ipsi ueniūt ad mēsam, & māducāt & adorāt: nō tamē satiantur, quia nō esuriūt & sitiunt iusticiā. Ab interiori igitur et spiritali adoratione, primū inchoandū est. Cōprehēditur aut uera, interior et spiritalis ueneratio et adoratio Christi, in illis uerbis institutiōis: Hoc facite in mei ἀνάμνησιν. itē: Mortē Domini annūciate. Quādo igitur? Primò cor iuxta uerbū



recte, piè & reuerenter credit & sentit de substantia, & de usu huius Sacramenti. Secundo, quando grata mente, deuotè cogitamus & consideramus, corde & ore celebramus immensa illa beneficia filij Dei mediatoris: quòd propter nos homines, & propter nostrā salutē, descendens de cœlis, massam nostræ substantiæ assumpsit, & illam pro nostri redemptione patri in cruce obtulit, acerbissima morte sanguinē suum effudit: & quòd præterea illud suum corpus manducandum, & illum sanguinem bibendum, in hac sua cœna nobis communicat: ut ita certissimo & preciosissimo pignore, beneficia noui Testamēti credentibus applicet & obsignet: utq; cum hac misera et polluta nostra massa, arētissimo fœdere se copulet, animā ad sanitatem, corpus nostrum ad immortalitatem reformet & præparet, &c. Tertiò, quando consideratis nostris & sordibus & miserijs, ardētibus uotis Christum Deū & hominē, quē uerè & substantialiter in illa actione præsentē esse credimus, inuocamus, ut sit noster mediator, propiciator, aduocatus, intercessor, iustificator et saluator: ut propter ipsius mortem, recipiamur & cōseruemur in illo fœdere noui Testamēti, quo pater propter filium credētibus uult placatus esse: quando item fides in oratione, hanc uictimā Christi mediatoris interponit, inter peccata nostra et inter iram patris, sicut Anselmus loquitur: quando considerata mysterij magni-

magnitudine, et nostra indignitate, petimus ne indignè manducando rei efficiamur corporis et sanguinis Christi: sed ut illa manducatione, corpori et sanguini Christi inserti, uitā inde trahamus, sicut palmites ex uite: ut manducatio illa nobis prosit ad confirmationē fidei, incrementū caritatis, mortificationē carnis, &c. Atq; ideo petimus donari, conseruari, cōfirmari & augeri in nobis dona poenitentiae, fidei & caritatis. Hæc est uera interior & spiritualis ueneratio et adoratio Christi, in usu coenæ Dominicæ. Adoratio enim tria hæc complectitur: 1. ut Deum quem inuocamus, rectè agnoscamus, rectè de eo sentiamus, & ita eum compellamus, sicut essentiā & uoluntatem suam in uerbo patefecit. 2. ut ab eo petamus, quæ daturum se promisit. 3. ut pro præstitis beneficijs gratias agamus. Quomodo autem illa in usu coenæ Dominicæ fieri debeāt, hoc est, quem & quomodo cōpellare, quid petere, & pro quo gratias agere debeamus: uerba institutionis, reliquæ item Scripturæ sententiæ de Eucharistia, & præcipuè hæc dicta docent & ostendunt: Hoc facite in mei cōmemorationem. item: Mortem Domini annunciabitis. Et hæc est tuta & certa regula ueræ adorationis Christi, in usu Eucharistiæ. Talis certè adoratio animaduertitur in ueterum liturgijs, & precando, & gratias agendo. Iustinus uocat panem & uinum *ἐὺν ἄρτιον*: quod Irenæi interpret reddidit, panis

in quo gratiæ actæ sunt. Dionysij communio incipit à prece, & desinit in sacram gratiarum actionem. Chrysostomi & Basilij liturgia celebrat totam æconomiam redemptionis nostræ, & orat pro digna participatione. Quando uerò interior & spiritalis hæc deuotio, ueneratio & adoratio in corde excitata adest, tunc externæ significationes, in reuerentia & ueneratione huius Sacramenti, spontè & rectè sequuntur. Nam ad ueram confessionem pertinet, ut fidem, deuotionem & celebrationē, de quibus iam diximus, publicè etiā testemur, & uoce, & alijs externis significationibus: quibus ostendamus, quid de huius cœnæ & substantia & fructu sentiamus, qua animi reuerentia & deuotione accedamus, qualem cibū credamus nos ibi accipere. Tali externa confessio, seiungimus nos à Sacramentarijs, & Epicureis contemptoribus horum mysteriorum: excitamus alios ad uerā reuerentiā, ne occasio detur uel simplicioribus ad prophanas cogitationes, uel porcis ad cōcūcanda hæc mysteria. Externa enim irreuerentia, signum est prophane mentis: sicut Paulus dicit, Corinthios non diiudicare corpus Domini, quia illud in cœna Dominica, nō maiori reuerentia tractabant, quā uulgares cōcœnationes. In illis uerò externis reuerentiæ significationibus, simplicissima et tutissima regula est, ut sint testimonia fidei interioris de Eucharistia, iuxta uerbū, & illi fidei

fidei respōdeāt. Nec instituamus humano arbitrio, alios electitios externos cultus: sed cogitemus, illū honorē honorato gratissimū esse, quē ex uerbo agnoscimus ipsum uelle. Hęc igitur est uera adoratio et ueneratio Christi, in usu cœnæ Dominicæ, de qua Pōtificij non admodū pugnāt: taniū de externis cultibus, ab hominibus institutis, extra uerū Eucharistiæ usum solliciti sunt: quos tamē cōmunes faciūt toti Eucharistiæ, hoc est, & Christo & elementis, seu speciebus elementorum. Quid igitur in hac Pontificiorum doctrina desideremus, et reprehendamus, & quibus ex causis: breuiter quidem, sed non obscure, ut arbitror, ostensum est.

#### De festo corporis Christi.

Vel aliquādo tandē rectē faciūt, q̄ fatentur, hoc festū nō habere testimoniū uel Scripturæ, uel traditionis Apostolicæ, uel ueræ antiquitatis in ueteri & puriori Ecclesia. Sed dicunt, hunc morem inductū esse in Ecclesiā Dei. Intelligūt aut, quòd Urbanus IIII. circa annū Domini 1260. festū illud prius excogitauit: idq̄; (ut ipse in bulla fatetur) induc, q̄ quibusdā personis reuelatū fuerat, festū illud et instituendū, et generaliter celebrandū. Fuit aut mulier quædā, Eua reclusa, à qua Urbanus, in minoribus adhuc cōstitutus, reuelationē illā accepisse scribitur. Et Urbanus qdē pōtifex factus, nouū illud festū, ex reuelatione mulierculæ, statim instituit, & ubiq̄; celebrandū districtē mādando præcepit. Sed



sicut glossa dicit, De reliquijs & ueneratione sanctorum, illa constitutio Urbani de nouo festo, non fuit recepta ab omnibus: sed post annos 50. Clemens V. Anno 1311. in Viennensi concilio, constitutionem illam præcepit ab omnibus seruari. Et tamen Græcæ ecclesiæ, ne hodie quidem pompâ & morem illius festi seruant. Vnde igitur nouo huic et tali festo tanta autoritas, ut anathematis iam fulminet, in Tridentina congregatione? ubi aliâ tantum Apostolicas traditiones, & catholicû consensum Ecclesiæ omnium ætatum, gentiû & populorum, quæ omnia huic festo desunt, crepare solent.

Et ne semper antiquitatis uelamento se occultent, utile est, in ordine historiariû, & in serie temporum obseruare, quomodo post meliora antiquitatis tempora, sensim & paulatim, facta subinde longiori inclinatione, ad spectacula illa regni Pontificij deuentum sit.

Apud Eusebium lib. 5. cap. 24. Romani episcopi hospitibus simpliciter mittunt Eucharistiam. Irenæus enim tantum habet uerbum *ἐπιτροπή*.

Lib. 6. Eusebij, cap. 34. presbyter puero tradit Eucharistiam, ad Scrapionem perferendam.

Exuperius in canistro uimineo et in uitro portat corpus & sanguinem Domini. Mulierculis data fuit Eucharistia domum deferenda, apud Tertulianum & Cyprianum. Nec de præferendis luminaribus, campanis, et de reliqua pompa quæ apud Pontia-

Pontificios usitata est, ulla uel testimonia uel exempla extant in ueræ antiquitatis historia. Et quidē notabile est, in Gratiani decreto, nihil tale extat.

Sed tempore Lateranensis concilij, circa annū Domini 1200. Innocentius cœpit constituere, ut Eucharistia sub fideli custodia, clauibus & seris adhibitis, conseruetur, capitulo, statuimus. De custodia Eucharistiæ.

Mox circa annū Domini 1220. Honorius III. districtè præcipiendo mandauit, ut à sacerdotibus Eucharistia in loco singulari, mundo & signato, semper honorificè collocata, deuotè ac fideliter cōseruetur. Sacerdos uerò frequēter doceat plebem suam, ut cum in celebratione missarū eleuatur hostia, se reuerēter inclinet: idē facient, cū eam presbyter defert ad infirmum, quam in decenti habitu, superposito mundo uelamine, ferat & referat manifestè ac honorificè, ante pectus, cum omni reuerentia ac timore, semper lumine præcedente, cum sit candor lucis æternæ: ut ex hoc, apud omnes fides & deuotio augeatur.

Et hæc quidem recētia sunt, in ueris enim ueræ antiquitatis historijs, tale nihil legitur. Adhuc tamen aliquo respectu ad usum, illa constituta sunt: quando scilicet panis consecratur, & quando ad infirmum defertur, ut exhibeatur & sumatur.

Postea uerò paulatim ab usu Eucharistiæ, qui à Christo institutus est, longius discessum est, institu-

to festo corporis Christi ab Urbano, & à Clemente cōfirmato. Et uelim lectorē diligētē cōsiderare Bullam istius institutionis, quæ extat in Clemētinis libro 3. titulo 16. Nulla enim prorsus in illa Bulla mentio fit circūgestationis & ostentationis: nec uel la syllaba ibi extat, de pane cōsecrato per octidū in monstrantiā includendo, circumgestando & ostentando. Neq; etiā mentio ibi fit de tali spectaculo, pompa & externa adoratione circumgestati et ostentati panis: sed finis institutionis illius festi ita ibi explicatur, ut studeant se taliter preparare, & huius preciosissimi Sacramēti mercātur fieri particeps illa die, possintq; ipsum suscipere reuerenter, ac eius uirtute augmentū consequi gratiarum. Hec sunt uerba Bullæ: in quibus manifestè dicitur, propter usum, participationē seu cōmunionē solenniorē, institutū primò fuisse illud festū: & in illo usu, in quo debita reuerētia et deuotio requiritur, gratias agēdas esse Christo, pro immenso hoc beneficio, quòd corpus suum in cibum, & sanguinē in potū nobis tribuit. Et hoc diligenter notandū est, quòd ea quæ hodie in festo corporis Christi in regno Pontificio faciūtū, ne Urbani quidē & Clementis seculo nota fuisse: sicut est inclusio, circumgestatio, ostentatio, spectatio et adoratio panis, extra usum distributionis & sumptionis. Longè igitur post annos Domini 1311. illa excogitata & introducta sunt. Adeò recens est spectaculū istius festi, si

sti, sicut in Papatu usurpatur: de quo tamen reit-  
nendo, tanta cōiētuone Tridentini laborāt, ut ad  
profusionem anathematis progredi non uereātur.  
Non igitur, uel Scripturam, uel Apostolorū tradi-  
tiones, uel antiquitatis suffragia curant: sed unum  
hoc sibi propositum habent, ut nerui regni Pon-  
tificij, quoquo modo salui maneant & stabiliātur.  
Ipsa etiam appellatio mutilata est. Urbanus etiam  
& Clemens, uocant festiuitatem corporis & san-  
guinis Christi. Et in respōsorio illius festi canitur:  
omnes qui de uno pane, et de uno calice participa-  
mus. Hodie uerò appellatur festū corporis Christi.

Pomerius dicit, indulgentias huius festi auctas  
per Martinum V. & sequentem Eugenium. Circa  
Constantiensis igitur concilij tempus, lata noua  
lege de mutilatione Eucharistiæ, uidentur re-  
centia illa cumulata fuisse. Admissa uerò semel cir-  
cumgestatione, ostentatione & adoratione panis,  
in festo illo extra usum, nullus postea finis fuit. In  
maioribus enim Basilicis, non tantum per octauas  
huius festi, sed quotidie cum lampadibus inclusum  
proponūt adorandum, efferunt ad incendia restin-  
guenda, & ad similes casus auerruncandos. Et si-  
cut fieri solet, quando semel à regia uia deflexum  
est, nisi ad ueram uiam redeatur, nullus aberrandi  
nec finis, nec modus est: ita circumgestatio extra  
usum à Christo institutum, eò tandem deducta est,  
quod sanctissimum Eucharistiæ Sacramentū, Ro-



mani pontificis, uerè Pontificiæ, seu potius Ethniciæ plus certè quàm regali et Imperatoriæ pompæ seruire iam cogitur. Romæ enim in pompa Pontificis, non aliter tractatur panis Eucharistiæ, quàm sicut olim in pompa Persicorum regum, sacrum suum ignem, quem orimasda appellabant, equo uetum regi præferebant. In medio enim Pontificalis pompæ, non longè ante Pontificem, ducitur equus albus, mansuetus et phaleratus, portans sacramentū, quod ipsi in puluino ornato, capsâ inclusum sacrista imposuit. Equus habet ad collum, tintinabulum bene tinniens. Suprà portatur baldachinum, cum insignibus Papæ. Equum præcedunt duodecim familiares Papæ pedites, rubra ueste induti, portantes duodecim intorticia ante Sacramentū. Inde duo familiares sacristæ equestres, etiam rubro induti, portantes laternas argenteas cum lumine, ante Sacramentum. Extant 3. libri ceremoniarum Romanæ ecclesiæ, Leoni X. inscripti, in quibus aliquoties repetitur hæc descriptio. Lib. 1. sectione 2. De processione coronati Pontificis ad Lateranum. Sectione 5. De processione Pontificis, et coronati Cæsaris per urbem. Sectione 12. De ordine, quomodo Papa in urbe, de loco ad locum in solenni pompa, uel in Pontificalibus equitat. Et libro 3. De officio sacristæ. Hæc recentia monstra, ignota sunt non tantum ueteri, uerum etiam mediæ antiquitati. Hanc recitationem propter

pter duas potissimum causas institui: 1. ut considerandum proponerem, quæ, qualia & quanta sint, quæ in V. cap. & VI. canone, de festo quod uocant corporis Christi, inuoluant. 2. ut ostenderem, quàm procul & quàm longè à forma ueteris Ecclesiæ, etiam in media antiquitate, recessum nunc sit in illo festo: item quàm recentia, nupera et nouitia sint, quæ nunc in regno Pontificio, in festo illo, et in reliquis circumgestionibus usurpantur. Sed ostensis initijs, & progressu istius festi, de re ipsa etiam pauca quædam dicamus. Sicut igitur ordinis gratia, totus annus distributus est in certa quædam festa, quæ utiliter ad ædificationem populi apud nos seruantur: ut scilicet præcipui articuli fidei, ordine aliquo, populo per annū proponi, repeti, & contra quasuis corruptelas retineri possint: utq; fideles moneantur, & excitentur ad considerata beneficia Dei, de quibus articuli illi fidei concionantur, & Deo pro illis beneficijs in Ecclesia magna gratiæ agantur: ita nulli piorum improbaretur, si præterquam quod semper omnibus diebus illud fieri debet, ordinis gratia, certo anni tempore, Ecclesia frequentius conueneret: & in illo conuentu, doctrina de cœna Domini, iusta tractatione, simpliciter & clarè proponeretur: omnes corruptelæ, puritatem illius doctrinæ contaminantes, refutarentur: admonerentur homines, quantum thesaurum Christus Eccle-

sic in

sic in testamento suo legârit: pro beneficijs illis, quæ cœna Dominica exhibet & confert, Christo saluatori gratiæ in Ecclesia magna agerentur: taxata negligentia, inuitarētur homines ad crebriorem Eucharistiæ usum, per totum annum, &c.

Hoc modo uerè, Ecclesia tanquam uictrix, de mendacio & heresi, publicum quasi triumphum ageret, Et si hæc esset ratio huius festi, petulantia quædam esset, celebrationē eius odiosè exagitare.

Sed longè aliud est, propter quod Pontificij de festo illo dimicant. Nec nostri festum illud abrogarūt ideo, quasi hostes et inimici sint omnis boni ordinis. Sed longè aliæ sunt causæ quæ cōtrouersia de hoc festo mouent. Illas uerò, quia ex precedenti historica commonefactione manifestæ sunt, breuiter tantum recitabo.

1. Celebratio illius festi, qualis est in Papatu proponit, confirmat & stabilit mutilationē Eucharistiæ: altera enim tantū species contra institutionē proponitur. Et illo tēpore, nouis accessionibus deformatū fuit hoc festū, cū mutilatio illa Ecclesijs ubiq; obruderetur, et nō decissent q cōtradicerēt, sicut de monachis Alexāder Alensis testatur.

2. Celebratio illius festi, Sacramentū ex usu diuinitus instituto trāsferet in aliā actionē, et diuersum usum, qui non habet testimoniū uerbi Dei: non enim distribuitur, non accipitur, non manducatur: sed circumgestatur, & ostentatur. Et ad retinendū præci-

precipuum ueruum regni Pontificij, quod scilicet Eucharistia habeat ueram rationem Sacramenti, etiam extra usum diuinitus institutum, etiamse transformetur in aliam actionem & diuersum usum: ideo tanta contentione de hoc festo retinendo pugnant.

3. Persuadentur homines, Christum in pane illo quando circūgestatur, non minus nec aliter adesse, quam in uero usu coenae diuinitus instituto adest. Et quidem uolunt, Christum ibi adorandum esse: cum tamen nullum extet uerbū, quod Christus in tali usu panis uelit corpore & sanguine ibi adesse, sicut in usu coenae adfuturum se promisit.

4. Prætextus quem adserunt, de recolenda & celebranda memoria Christi in Eucharistia, tantū est persuasio pugnans contra institutionem. Christus enim in Eucharistia, memoriam sui instituit, nō quomodolibet, sed certa ratione celebrandā. illa uerò ratio nō est, ut panis circūgestetur, populo proponatur & ostentetur: sed accepit panē, benedixit, fregit, dedit discipulis suis, dicens: Accipite, comedite, Hoc est corpus meum: hoc facite in mei commemorationem. Et Paulus interpretans hanc commemorationē, disertē dicit: Quotiescūq; māducaueritis et biberitis, etc. In festo uerò isto, ea quæ Christus instituit et mādauit, distributio scilicet et sumptio prætermittitur: et alius usus, recēs ab hominib. institutus, imò à mulierculis profectus supponitur.



ponitur. Et qualiscunq; sit pretextus bonæ intentionis, de honoranda Eucharistia, semper cogitandum est: Frustra me colunt mandatis hominum. Et illustre exemplum est, cōuenientissimum ad hanc disputationem, quod describitur 1. Reg. 4. ubi arca Domini, præter uerbum institutum & mandatum, intentione non mala, & consequentia admodum probabili, in castra adducitur, ut subsidium sit aduersus hostium impetus. Hoc exemplum rectè consideratum, totum pretextum intētionis extra uerbum, de Circumgestatione euerit.

5. Celebratio istius festi, proponit Christum in Eucharistia colendum, alia ratione & alijs modis, quam ipse in uerbo suo præscripsit: idq; extra uisum diuinitus institutum. Et persuadentur homines, cultum illum ab hominibus excogitatum, multo esse præstantiorem & Deo gratiorem, quam si Eucharistia distribueretur, acciperetur, manducaretur & biberetur in commemorationem Christi.

6. Per istud festum abducuntur homines à crebriori & uero usu cœnæ Dominicæ: persuadentur enim, sumptionem cum magno periculo esse coniunctam: cultum uerò huius festi, sine periculo multo magis esse meritorium.

7. Eucharistiam Christus ideo instituit, ut ipse nobis offerat, donet, applicet, & obsignet beneficia et merita mortis suæ. De hoc uerò festo, Urbanus in bulla sua dicit, seruari illud in remissionem peccami-

peccaminum. Atq; illud Pomerius in suis sermonibus ita explicat: Quando homo cōtritus, in illo festo interest Missæ & processioni, & exhibet solennem reuerentiā Sacramento circumgestato: tunc illo cultu & opere mereitur et cōsequitur plurimā bona, scilicet acceptationē Dei, benedictionē, conuersionem à peccato; defensionem ab omnibus periculis & malis, fructificationem meritorum, et exauditionē: quòd tunc magis exauditur oratio, quando Sacramentum præsens circumgestatur. ut in incendijs. Et citat ex Richardo: Quòd si etiam quis est in peccato mortali, quamuis non consequatur remissionem peccatorū: tamē prudenter agit, si facit in illo festo, quod continetur in forma indulgentiæ: eo quòd bona facta in peccato mortali, disponunt de congruo ad pœnitentiam, & mediantē ea, ad remissionem peccatorum.

8. Pontifices multas, uarias & largas indulgentias promittunt & largiuntur illis, qui hoc festo solennem, qualem ipsi describunt, reuerentiā exhibent pani Eucharistiæ extra usum. Et Urbanus quidem certum numerum illarum indulgentiarū præscripsit, in bulla huius festi. Postea mensura illarum indulgentiarum, per Martinum V. & Eugenium multiplicata & aucta est, ut esset conferta & concussa. Summam uerò Pomerius ita colligit: Qui ipso die festo intersunt primis uel secundis uesperis, uel Missæ, uel matutino pro singulis indulgentias

## 450 EXAMEN DECRETORVM

gentias 400. dierum. Summa igitur diei festi assurgit ad 16000. indulgentias: infra octauā pro singulis 400. dierum in simul. Summa summarū igitur erit, per festum et totam octauā eius, 44000. dierum indulgentiæ. Qui uerò illo die cōmunicant, illis 400. dierū indulgentias largiuntur. Et notet lector, quod tantundē indulgentiarum promittitur spectatori, quantū ei qui cōmunicat, 400. scilicet dierum. Si uerò tota summa colligatur in quadrupla proportione, uenerationis Sacramēti extra usum à Christo præscriptum, excedet ipsam communionem, hoc est, usum diuinitus institutū. Et Pomerius addit: Eum qui uult indulgentias illas assequi, oportere firmū esse in fide: ut scilicet credat, tantā potestāte esse apud Ecclesiam, quod possit dare tot tales indulgentias. hæretici enim qui potestātē indulgentiarū negant, non consequuntur eas. Glossa uerò De reliquijs et ueneratione sanctorū de indulgentijs istis ita inquit: Remissiones illas quibus pauci participāt, interpretari uelle, nec decet, nec expedit. Hæc igitur sunt, quæ festum corporis Christi in Pontificia ecclesia completitur, quæq; cōtrouersia de hoc festo mouent. Quod si illa cōferantur ad institutionē cænæ Dominicæ, uidebit lector, festū illud reuera nihil esse aliud, quā publicā et solennē ipso facto protestationem, contra institutionē filij Dei. Ad illa enim quæ in institutione præscripta et mandata sunt, obscuranda, post-

ponenda

ponenda & sepelienda: utq; in eorū locum alij & diuersi usus, de quibus in institutione nihil uel præscriptum uel mandatum est, substituantur, & populo persuaideantur opinione cultus præstantioris: ideo & institutum olim fuit illud festum, ideo hodie retinetur et celebratur, sicut ex illis quæ notauimus, manifestum est.

DE ASSERVANDO EUCHARISTIAE Sacramento, & ad infirmos deferendo. Cap. VI.

*Consuetudo asservandi in sacrario sanctæ Eucharistiæ adeo antiqua est, ut eam seculū etiā Niceni cōcily agnouerit. Porro deferri ipsam sacrā Eucharistiā ad infirmos, & in hūc usum in Ecclesiis conseruari, præterquam quod cū summa æquitate & ratione coniunctū est, tum multis in Concilijs præceptū inuenitur: et uetustissimo catholice Ecclesiæ more est obseruatum. Quare sancta hæc synodus retinendū omnino saluarem hunc & necessarium morem statuit.*



## Canon. 7.

*Si quis dixerit, non licere sacrā Eucharistiā in sacrario reservari, sed statim post consecrationem astantibus necessario distribuendam: aut non licere, ut illa ad infirmos honorifice deferatur, anathema sit.*

## EXAMEN.

Principalis quæstio hoc loco est: An panis Eucharistiæ, quādo recitatione uerborū institutionis benedictus, sanctificatus aut consecratus est, statim sit distribuendus, sumendus & manducāndus, in cōmemorationē Christi: an uerō post benedictionē, omīssa distributione, sumptione & māducatione, sit reponēdus, includēdus, asseruāndus, circumge-standus, ostentandus, & ad alios usus accōmodandus, ita ut post aliquot, uel dies, septimanas, mēses uel annos, demū sequatur eius sumptio & manducatio. Et Tridentinum quidē decretū, sanciens et stabiliens talem asseuerationē, fatetur eam nec uerbo Dei præscriptā, nec traditione uel exēplo Apostolorū in Ecclesiā inductam: sed dicit esse antiquā consuetudinē, & morē uetustissimū. De cōsuetudine uerō, quantūuis antiqua, præbet nobis ex Patrum sententijs responsionē Gratianus di. 8. Cyprīanus enim dicit, consuetudinē sine ueritate, esse uetustā

uetustatē erroris. Et Gregorius ex Cypriano: Do-  
 minus in Euangelio, Ego sum, inquit, ueritas: non  
 dixit, Ego sum consuetudo. quelibet igitur cōsue-  
 tudo, quantumuis uetusta, quantumuis uulgata, ue-  
 ritati omnino est postponenda: & usus qui uerita-  
 ti est cōtrarius, abolendus est. Augustinus inquit:  
 Hoc planē uerum est, quia ratio & ueritas cōsue-  
 tudini præponenda sunt: sed si consuetudini ueri-  
 tas suffragatur, nihil oportet firmitus reimeri. Et  
 Cypriani sententia est, ubi de Eucharistia disputat:  
 Si solus Christus audiendus est, non debemus atten-  
 dere, quid aliquis ante nos faciēdum putauerit, sed  
 quid prius qui ante omnes est Christus, prior fece-  
 rit: neque enim hominis consuetudinem sequi o-  
 portet, sed Dei ueritatē. Quia igitur in hac dispu-  
 tatione, de asseruatione Eucharistiæ, Tridentinē  
 antiquā cōsuetudinē, & uetustū morem allegant:  
 uidendū est ante omnia, an huic cōsuetudini ueri-  
 tas uerbi diuini suffragetur: Hoc est, quid Christus  
 qui ante omnes est, prior fecerit. Et res in descri-  
 ptione institutionis manifestissima est. Accipit e-  
 nim Iesus panē, & gratias egit, seu benedixit: non  
 autem panem illum post benedictionem asseruan-  
 dum reposuit: sed fregit, et dedit discipulis suis. nec  
 iussit ut benedictū illum panem reponerent, asser-  
 uarent, circūgestarent, uel alijs ostentarent: sed di-  
 xit, Accipite, manducate. nec inter benedictionem,  
 distributionē, sumptionē & manducationem, in-

terposita fuit mora, seu interuallum aliquot horarum, dierum, hebdomadarum, mensium uel annorum: sed cū benedixisset, statim distribuit: & q̄ discipuli ea quæ exhibebantur, statim sumpserint: nec sumpta ad aliū usum accommodarint, sed sicut iussi erant, manducarint & biberint. Marcus in descriptione alterius ostendit, cum in media descriptione interponit hæc uerba: Et biberunt ex eo omnes. Ipsa etiam annotatio tēporis ostendit, nullā interpositam fuisse talem morā, quæ assertioni Eucharistiæ cōsecratæ extra usum aliquid suffragari possit. Intra duas enim uestperas iuxta legē, intra solis scilicet occasum & tempus tenebrarum, manducauit Christus pascha: postea distribuit, & peracta illi cōmuni cœna, demum instituit Eucharistiā: & post illam institutionē, habuit prolixam illam cōtionē in Iohāne descriptam: inde exiit in hortum, orauit ibi in agonia, captus est, & ductus primum ad Hannam, postea ad Caiapham: in cuius palatio multa acta sunt, priusquā prima negatio Petri fieret: & tunc fuit tempus primi gallicinij. Hæc supputatio euidenter ostendit, nō longam morā fuisse in actione primæ cœnæ Dominicæ. Christus autē cum inquit, Hoc facite: iubet ut quotiescunq; fecerimus illud quod in prima Dominica cœna factum est, sequamur & faciamus. Nec ullum uestigiū extat in Apostolica historia, quòd aliud uel diuersum fecerint, distrahendo scilicet, & diuellēdo à benedictione

ditione distributionē & sumptionem : nec ullum  
Apostolicum exemplum asseruationis Eucharis-  
tię proferri potest. Veritas igitur uerbi diuini,  
consuetudini asseruationis Eucharistię nihil quic-  
quam suffragatur. Et si iuxta Cypriani sententiā,  
in actione cœnę Dominicę nō attēdere debemus,  
quid aliqui ante nos faciendū putauerint, sed quid  
ille qui ante omnes est, & prior fecerit, et faciendū  
donec ad iudiciū ueniat, mādauerit: panē & uinū,  
uerbis cœnę benedictum nō reponemus, include-  
mus, asseruabimus, circūgestabimus, ostentui habe-  
bimus: sed distribuemus, accipiemus, manducabi-  
mus & bibemus, & mortē Domini annuntiabi-  
mus. Atq; ita fidei nostrę obedientia faciet illud  
quod Christus prior fecit, & faciendum mādauit.  
Et hęc regulā sequētes, nō declinabimus uel ad de-  
xtrā, uel ad sinistrā. Sed tristis & deplorāda est hu-  
mani ingenij siue curiositas, siue petulantia, q̃ de-  
serta simplici, manifesta et plana uia doctrinę prę-  
scripti & mādati Christi, et exēpli Apostolici, pri-  
uata audacia, prętextu cōsuetudinis, in Testamen-  
to filij Dei aliquid audet uel mutare, uel superordi-  
nare: omissa scilicet distributione & sumptione,  
quę habent mandatum Christi: & horū loco exco-  
gitare asseruationē, repositionē, inclusionē, circū-  
gestionem, ostentationem, &c. panis benedicti:  
quę in uerbis Christi, nec ullam quidem uel syllā-  
bam uel literam suffragantem habent.



Sed aiunt, consuetudinem asseruandi Eucharistiam esse antiquam, & uetustissimo catholice Ecclesie more obseruatam: ita ut asseruatio quæ in Pontificia ecclesia usitata est, reprehendi & damnari non possit, nisi simul etiam uniuersa Christi Ecclesia damnetur. Synodus igitur Tridentina statuit, morem illum, ut salutarem & necessarium, omnino retinendum. Respondeo autem, non ideo statim omnes ueteres Ecclesias damnari, quando Pontificia repositio, inclusio, ostentatio, circumgestatio, &c. taxatur. Primò enim dicimus, quod Cyprianus lib. 2. epist. 3. dicit: Si quis de antecessoribus uel ignoranter uel simpliciter non hoc obseruauit, quod nos Dominus facere, exemplo & magisterio suo docuit, potest simplicitati eius, de indulgentia Domini uenia concedi: nobis uerò non poterit ignosci, qui nunc à Domino admoniti & instructi sumus, ut ubiq; lex Euangelica, & traditio Dominica seruetur, & ab eo quod Christus & docuit & fecit, non recedatur. Et addit sententiam illam, quæ dist. 8. citatur: Ignosci potest simpliciter erranti: post inspirationem uerò & reuelationem ueritatis factam, qui in eo quo errauerat perseuerat prudens & sciens, iam non in uenia ignorantia peccat: presumptione enim atq; obstinatione quadam nititur, cum ratione superetur.

Secundò considerabimus & expendemus: Argumenta antiquitatis, quæ de uetusto illo more

Et antiqua consuetudine allegantur, probent morem asseruandi Sacramentum Eucharistiæ necessarium esse, sicut Tridentinum decretum statuit: item an testimonia illa antiquitatis, probent et stabiliant repositionem, inclusionem, ostentationem et circumgestationem panis consecrati, sicut in Pontificia ecclesia illa seruantur et usurpantur. Sed priusquam ad ipsam exemplorum explicationem accedamus, paucis expediemus: An mos reservationis, dici possit aut debeat necessarius et catholicus, sicut Tridentinum decretum affirmat.

Quicquid igitur in Ecclesia Christi necessarium esse statuitur, necesse est ut habeat præscriptum et mandatum uerbi Dei, et Scripturæ exempla. Suprà autem ostendimus, Christum nec magister nec exemplo suo (ut Cypriani uerbis utar) asseruationem Eucharistiæ uel præscripsisse uel mandasse. Nulla igitur alia exempla possunt conscientijs necessitatem imponere, seruandi hunc morem. Et tyrannis est, tentans dominari fidei Ecclesiæ, et pugnans cum libertate Christiana, statuere, morem asseruandi Eucharistiæ necessarium esse: cum eius nec præscriptum, nec mandatum, nec exemplum ullum in uerbo Dei ostendi possit. Catholicum autem esse, Vincentius Lirinensis rectè definit, quod semper, quod ubique et ab omnibus similiter obseruatum fuit. Ad illud igitur quod affirmatur uniuersæ Ecclesiæ Christi catholicum, atque ideo neces-

farium esse, omnino requiritur uel uerbum, uel e-  
 xemplum Christi et Apostolorū. Neq; enim caput  
 à mēbris, hoc est Christum ab Ecclesia: & princi-  
 palia mēbra, hoc est, Apostolos cū sua doctrina &  
 exēplis: à reliquo corpore Ecclesie rescare debe-  
 mus, quando de catholica seu uniuersa Christi Ec-  
 clesia loquimur. Sed illud uerè est uniuersa Eccle-  
 sie catholicum, quod à capite Christi præscriptum  
 seu mandatum, & ab Apostolis obseruatum esse,  
 ostendi & probari potest. Quando uerò hoc fun-  
 damentum deest, ne totius quidem orbis consensus  
 sufficit ad probandum, id esse Ecclesie Chri-  
 sti. Christi aut institutionē, nec magisterio nec exē-  
 plo, iuxta Cyprianū, præscribere uel mandare as-  
 seruationē Eucharistie, extra usum distributionis  
 & sumptionis, manifestissimū est, sicut ostēdimus.  
 Nec ullum Apostolorū exemplum ostendi potest:  
 neq; enim satis est, si absq; probatione et documē-  
 tis, fingatur esse Apostolica traditio. Falsum igitur  
 est, asseruationē Eucharistie extra distributio-  
 nē & sumptionē, esse uniuersæ Ecclesie morē ca-  
 tholicū, & quidē ut necessariū retinendum. Illud  
 enim quod in eo quod catholicū et necessariū esse  
 debet, caput est, in hoc more desideratur. Atque  
 ideo forsā Tridētinum decretū nō uoluit uocare  
 catholicū morē, sed Ecclesie catholice morē. At-  
 qui symbolū, catholicā Ecclesiā definit esse eam,  
 quæ est Apostolica, cui Christus hoc emblemā in-  
 scripsit:

scripsit; Docentes eos seruare ea quę ego præcepi  
uobis. Matt. 28. Itē: Oues meę meam uocē audiūt,  
Ioh. 10. Sed exceipient, se intelligere morē & con-  
suetudinē uniuersę Ecclesię, post Apostolorū tem-  
pora. Videamus igitur & hoc: An asseruatio Eu-  
charistię semper, an ubiq; an ab omnibus, in uni-  
uersa Ecclesia, omniū etatū, omniū geniū & po-  
pularū, pro dogmate catholico & necessario, re-  
cepta, approbata & obseruata fuerit. Ipsum autē  
ius Canonicum, de Consecr. dist. 2. cap. Tribus gra-  
dibus, ex Clemēte Romano pontifice describit sen-  
tentiā, quomodo presbyter, diaconus & minister,  
reliquias fragmētōrū corporis Domini custodire  
debeāt: nō aut per custodiā illā, intelligit reserua-  
tionē, sed addit apertā declarationē his uerbis: Tā-  
ta in altario certē holocausta offerātur, quāta po-  
pulo sufficere debeant: q; si remanserint, nō reser-  
uētur in crastinū, sed cum timore & tremore, cle-  
ricorū diligētiā cōsumantur. Ne uerō de oblationi-  
bus populi hoc intelligatur, mox addit; Clericos il-  
los residua corporis Domini quę in sacrario reli-  
cta sunt, cōsumere. Et glc ssa qdē conatur hoc elude-  
re, quasi tantū prohibeatur ibi reseruatō ad opus  
cōsecratiū: sed textus disertē loquitur de cōmunio-  
ne populi. Extat liber, cōtinēs explicationē Leui-  
tici: quē quidā Origeni, alij Cyrillo ascribūt. Ibi in  
explicatione 7. cap. de carnibus sacrificij eodē die  
comedendis, ita ut non remaneat ex eis quicquam  
usq;



usq; mane, legitur descriptio moris Ecclesiastici, ex uerbis institutionis coenae sumpta. Nam & Dominus panem quem discipulis dabat, dicebat eis: Accipite, manducate: non distulit, nec seruare iussit in crastinum.

Hesichius Nazianzeni discipulus, explicans illud Leuitici 8. Quicquid reliquum fuerit de carne & panibus, ignis absomet: indicat sui seculi more fuisse, ut si quid omnibus communitalis reliquum esset, incenderetur & cremaretur.

Nicephorus lib. 17. cap. 25. describens historiam de Iudaei cuiusdam uitrarij puero, temporibus Iustiniani, circa annum Domini 250. narrat à multo tempore consuetudinem fuisse in Constantinopolitana ecclesia, ut cum post communionem plusculum de partibus immaculati diuiniq; corporis reliquum esset, non reseruaretur, sed ex ludo literario delecti quidam pueri accerferentur, qui reliquias illas ederent. Haec consuetudo ex Clemēte intelligi potest, qui dicit, reliquias illas eodē die esse consumendas à clericis: quando uerò plusculum supererat reliquiarum, quibus consumendis clerici non sufficiebant, adhibebantur in Constantinopolitana etiam Scholastici. Illius consuetudinis non multo post inclinatio quaedam facta est. Concilium enim Matiscenense II. dicit, reliquias quae post peractam communionem supererant, 4. uel 6. feria à pueris illis percipiendas esse. Postea u. rō per integrum ferme annum

annū asseruari cœperunt Apud Græcos non uetus  
 siſſimus est liturgia *προϋαγια*, id est, præ  
 sanctificatorum. in quadragesima enim reliquis  
 quinque diebus, excepto sabbatho & Dominico, nō  
 fit consecratio, sed sola ex præsanctificatis distri-  
 butio & sumptio: hoc est, ex illis quæ Dominico  
 die consecrata sunt. Sed Humbertus episcopus Syl-  
 uæ Candidæ, contra libellum Nicetæ monachi, ci-  
 tante Georgio Cassandro, illum Græcorum ritum  
 grauius reprehēdit ex uerbis institutionis, & in-  
 ter cetera inquit: Legimus Dominum nō imperfe-  
 ctam, sed perfectā commemorationem suis discipu-  
 lis tradidisse, pane benedicto et mox fracto, atq; di-  
 stributo. Non enim benedixit tantū, & reseruauit  
 frangendum in crastinum, nec fregit tantū, & rea-  
 posuit: sed fractum statim distribuit. Vnde Alexan-  
 der martyr, & Papa V. ab apostolo Petro, pasto-  
 nē Domini inserēs Canonē Missæ, ait: Hoc quoties-  
 cūq; feceritis, id est, benedixeritis, fregeritis et di-  
 stribueritis, in mei memoriā facietis. Quia quod li-  
 bet horū trium sine reliquis fiat, scilicet aut bene-  
 dictio sine fractione et distributione, aut fractio si-  
 ne benedictione & distributione, pfectā memoriā  
 Christi non representat: sicut distributio nulla sine  
 benedictione et fractione. Hec Humbertus ille. Ga-  
 briel Biel in Canonē Lect. 26. allegās Paschasij sen-  
 tentiā, inquit: Christus uolens discipulos suos fru-  
 ctus huius Sacramēti participes fieri, postquā cor-  
 pus

pus suū cōsecrauit, nō sīstebat in cōsecratione: neq;  
dedit discipulis, ut ipsum honorificē cōseruarent;  
sed dedit in sui usum, dicēs: Accipite, māducate. Et  
quia per usum māducatio transit & consumitur,  
dedit eis quoties uellent cōsecrandi potestātē, dum  
addit: Hoc facite in meā cōmemorationē. Affer=  
uatio igitur Eucharistiæ cōsecratæ, sine distributio  
ne et sumptione, nec semp, nec ubiq; nec ab omni=  
bus, pro catholico dogmate & necessario more re=  
cepta, approbata et obseruata fuit: imō fuerūt qui  
morē illū nō tantū nō seruauerūt, sed ex uerbis in=  
stitutionis grauiter reprehenderunt. Atq; ita tria  
iam ostēdimus. 1. Christū nec magisterio nec exē=  
plo docuisse asseruationē: imō illā nō esse consenta=  
neā uerbis institutionis Christi. 2. Nec ostendi po=  
test Apostolorū uel traditio, uel exēplum de refer=  
uatione. 3. Nec in ueteri Ecclesia ubiq; & ab omni=  
bus reseruatō uel probata, uel usurpata fuit: imō  
nō defuerūt, qui morē reseruationis reprehende=  
rūt: idq; ex uerbo Dei. Et hæc cū ita se habeant, ue=  
rē Pontificia audacia, & Antichristi tyrannis est,  
quod VI. cap. de reseruatione sanciti Synodus salu=  
tarē & necessariū hunc morē retinendū omnino  
statuit. Imponere enim conscientijs necessitatē sine  
testimonio uerbi Dei, sine exēplo Apostolorū &  
sine uniuersali antiquitates consensu, nemo tentat,  
nisi ille qui in templo Dei sedens, ostentat se quasi  
esset Deus, & extollitur supra omne quod dicitur

Deus.

Deus. 2. Theſſ. 2. Manifeſtū uerò eſt & hoc, ex illis quæ hæcenus demonſtrata ſunt, noſtras Eccleſias iniuſtè accuſari & damnari, propter nō obſeruatā reſeruationē Eucharistiæ. Sed habent tamen etiā Pontificij exēpla quædā ueteris Eccleſiæ, de reſeruata Eucharistia. De illis igitur ordine quodā & diſtinctè reſpondebimus. Et primò opere-precii eſt audire, ex quàm certis, firmis, et authenticis testimonijs, Tridentini ~~conſuetudinē~~ cōſuetudinē aſſeruādi Eucharistiā, probent. Dicunt enim, ad eò illā eſſe antiquā, ut eam ſeculū etiā Niceni concilij agnouerit. Et magna quidē eſt Nicenæ ſynodi auctoritas, propterea quod cōtrouerſias de fide, iuxta normā & regulā Scripturæ dijudicauit & definiuit. Sed fuit circiter annum Domini trecentefimum. Seculū igitur Nicenæ ſynodi, non eſt uciuſiſſimum tempus Eccleſiæ Chriſti. Sed auſcultemus, quo testimonio ex Nicenæ ſynodo reſeruationem probent. Citant ex Canone quodam concilij Niceni, De diaconis, ut communionē accipiant ab Episcopo uel preſbytero. Quod ſi nō fuerit in præſenti uel Episcopus uel preſbyter, tunc ipſi diaconi proferāt, et edant. Idē uerò Canon dicit, diaconos nō habere poteſtatē offerēdi ſacrificij. Ergo oportuit Eucharistiā antea fuiſſe uel ab Episcopo, uel preſbytero cōſecratā et reſeruata, ut in ipſorū abſentia poſſit à diacono proferri et edi. Hoc eſt testimonium illud quod ex ſeculo Niceni proferūt. Et

patres



patres quidem Niceni concilij, præter expositionem fidei, etiam Canones quosdā condidisse, nō est dubiū. Sed qui & quot illi Canones sint, ualde ambigui sunt opiniones. Gratianus dist. 16. numerat 70. Canones: ex quibus tantum 20. postea in Romana ecclesia relictī sunt. Concilio Lateranensi additum est opusculum tripartitum. In eius parte 3. cap. 10. dicit autor: Concilia antiqua, & etiam posteriora, uix inueniuntur. Et addit: Mirandum est, quod hoc ita neglexerit ecclesia Romana. Ita magna est incertitudo Canonum, qui titulum Niceni concilij præferunt.

De isto uerò Canone, ex quo reservationē probare conantur, res non tantum dubia, sed omnino suspecta est. Posterior enim sententia, alludens ad reservationem, ut scilicet ipsi diaconi proferāt & edant: in Canone illo nec Græcè legitur, nec in decretis, dist. 93. cap. peruenit. nec in priori editione Conciliorum. Sed secunda editio, sicut ex Canone 14. facit 18. ita etiam assuit sententiam illam, de qua nunc disputamus. Apud Ruffinum libro 1. cap. 6. legitur in illo Canone talis quædam additio: sed nō eo modo, sicut in Tomis Conciliorū. Nihil enim habet de proferendo, quasi reservatum fuerit, sed simpliciter dicit: Diaconi presentibus presbyteris Eucharistiam non diuidant: si uerò presbyter nullus sit in presenti, tunc demū etiā ip sis licere diuidere. Cū igitur de sententia illa Niceni

canonis, alludente ad reservationem, res ita se habere at: & in VI. Carthaginensi synodo conuicti fuerint Romani, de falsatis Nicenis canonibus: manifestum est, qualis sit probatio capituli Tridentini, quod ex assuticia & dubia illa additione canonis Niceni, conatur defendere & stabilire Pontificiam repositionem, circumgestionem, & ostentationem: cum etiam assumendum illud non loquatur de circumgestionem & ostentationem ad cultum et adorationem, sed inquit: Proferant & edant, seu distribuant. Si igitur serio hoc agerent Tridentini, ut conscientijs, in articulis hoc tempore commouersis, monstrarent certa, firma & solida fundamenta, profectò fundamentum reservationis, non collocarent in dubia illa Niceni canonis sententia. Sed quia nomine sui Pontificis, ad se etiam referunt istas Canonistarum sententias, quòd Papa habet uoluntatem pro ratione in his quæ uult: itè, quòd supra ius, et extra ius omnia possit. Ideo pro forma tantum aliquid dicunt, qualecumq; sit: & mox addunt suum illud, Omnino statuimus necessarium: aut, Anathema sit.

Secundò. Habent uerò ex historia antiquitatis, alia quædã certiora testimonia, ex quibus existimant se reservationem suam posse probare. Et illa non possunt rectius explicari, quam si in memoriam reuocetur, quod cum Pontificijs certamen nobis est, de ipsorum repositione panis consecra-

ti, inclusione, circumgeſtatione, & oſtentione  
ad cultum & adorationem, extra diſtributionem  
& ſumptionem: cum tali Pontificia reſeruatione,  
dico nihil commune habere antiquitatis testi-  
monia: idq; ex collatione exemplorum antiquitatis,  
cum Pontificia reſeruatione, liquidò monſtrari et  
oſtendi poteſt. Apud Iuſtinum diaconi panem &  
uinum, quæ cum gratiarum actione ſacrata ſunt,  
dant unicuiq; eorū qui adſunt participanda: &  
eadē danteur diaconis, perferenda ad eos qui ab-  
ſunt. Audis Euchariſtiam dari diaconis, nō ut eā  
reponant, includant, & reſeruent per aliquod uel  
dies uel mēſes, extra diſtributionē & ſumptionē:  
ſed ex cœtu Eccleſiaſtico perferūt eā ad illos qui  
abſunt, ut cōmunicent. Ita ſeruatur ibi tota actio  
dininimis inſtituta, benedictio ſcilicet, diſtributio  
& ſumptio. Sed inquis: Si Iuſtini ſeculo Euchari-  
ſtia per diaconos, ad eos qui aberant perfereba-  
tur: ergo circumgeſtatio & oſtentatio Pontificia  
inde probatur. Ego uerò hoc nego. Pōtificia enim  
circumgeſtatio, nō habet adiunctā in illo actu, di-  
ſtributionē & ſumptionem: nec circumgeſtatur  
ideo, ut diſtribuat & ſumatur, ſed ut oſtende-  
tur, ſpectetur, atq; ita peculiaris cultus, externa  
adoratione inſtituatur: quod totum ueræ antiqui-  
tati prorsus ignotum eſt. Irenæus apud Eusebiū li.  
5. ca. 24. in epiſtola ad Victore narrat, omnes epi-  
ſcopos Romanos ante Victore, cū Aſiaticis etiam-  
ſi in

si in obseruatione Paschatis dissentirent, tamē pacem coluisse. Et quia communio mēse Dominica, testimonium est consensus, concordie & unitatis in doctrina & fide, sicut Paulus inquit: unū corpus multi sumus, quia omnes de uno pane cōmunicamus. narrat igitur Irenaeus, consuetudinē fuisse, quod episcopis seu presbyteris, siue ex Asiaticis, siue ex alijs Ecclesijs Romā ueniētibz, Romāni episcopi soliti fuerint Eucharistiam transmittere, testificandae concordiae & pacis gratia. Hoc exemplum ut Pontificij facilius ad suam reseruationem & circumgestionem torquere possint, abutuntur Ruffini uersione, quae habet. Solenniter transmissam fuisse Eucharistiam. Et dignum est obseruatione Andradij artificij, qui ex hac historia fingit, Eucharistiā olim per maxima locorū interualla circumgestatā fuisse, ex Roma s. in Asiā usq; Sed Eusebius recitās Irenae uerba, simpliciter habet *ἐκ τῆς Ῥώμης* mittebat. et expresse dicit, hospites illos ex Asia Romā uenisse. Nō igitur per aliquot dies, menses uel annos, reposita & reseruata tunc fuit Eucharistia, ut ex Europa in Asiam circumgestaretur usq;: ut hospitibus peregrē aduentantibus, cum campanis, luminaribus, & reliqua Pōtificijs usitata pompa transmitteretur: sed quia plerunq; quotidiana tunc in Ecclesijs celebrabatur communio: sicut ex historijs antiquitatis notissimum est, nō aliter apud Irenaeum quā apud



Iustinum, peracta communione presentium, missa & delata fuit Eucharistia ex conueniu Ecclesiastico ad absentes, ut ab illis participaretur. Quod enim pro peregrinis Eucharistia non fuerit uel asseruata, uel reposita, sed aduentantibus peregrinis, illo die quando communicaturi erant, celebrata. Ambrosius manifestissime indicat, scribens in 2. cap. 2. ad Timoth. Omni, inquit, hebdomada offerendum est, etiamsi non quotidie peregrinis, incolis, tamen uel bis in hebdomada. Exempla igitur de peregrina communione, quam ita uocant, nec probant nec stabiliunt Pontificiam repositionem, & theatricam circumgestionem panis Eucharistici, extra distributionem & sumptionem. Antiquitas enim peregrinos fideles, quorum perspecta erat fides, testandæ coniunctionis gratia, ad communionem Eucharistiæ admisit, communicans ipsis Eucharistiā, uel in ipso cœu Ecclesiastico, uel missa ad ipsos Eucharistia ex cœtu Ecclesiastico. Irenæus in Epistola illa, aliud etiam exemplum commemorat: Anicetum scilicet & Polycarpum inuicem communicasse, licet de festo Paschatis dissenserent: & Anicetum Romæ concessisse Polycarpo Eucharistiā, reuerentiæ causa. quod non ita simpliciter intelligendum est, quasi Anicetus Polycarpo præbuerit aut porrexerit Eucharistiā: sed quod concesserit Polycarpo, ut in Romana ecclesia celebraret & administraret Eucharistiā.

ristiam. Irenæus enim his uerbis utitur: *παρεχώρησε τῷ πολυκάρῳ τὴν εὐχαριστίαν*. In hisce exemplis omnibus, seruatur adhuc usus siue actio, à Christo instituta. Eucharistia enim benedicta, statim ex cœtu Ecclesiastico deferretur, nō ad circumgestionem, ostentationem et adorationem extra usum, sed ad distributionem et sumptionem. Et delata fuit in ueteri Ecclesia, non cum tali theatrica Pompa, sicut in Papatu fit. Data enim fuit deferenda pauperibus, apud Dionysium Alexandrinum: mulierculis, apud Cyprianum in cistulis: Satyro in orario. Et Hieronymus laudat Exuperium Tolosanum episcopum, quod thesauris Ecclesie in pauperes erogatis, corpus Domini in canistro uimino, et sanguinem portari in uitro. Portauit autem non ad circumgestionem, nec ad ostentationem: sed uel in Ecclesiastico cœtu ad communionem circumtulit Eucharistiam (sicut Cypriani secus fiebat) uel peracta communione, portauit Eucharistiam ad distributionem et sumptionem pro absenteibus, iuxta Iustini ritum.

Sed ex Chrysostomi prima epistola ad innocentium, sperans se et repositionem Eucharistie. Et domunculas seu ediculas suas Sacramentarias probare posse Pontificij. Sed et hoc frustra. Chrysostomus enim dicit, milites ingressos in sacrariū. Ergo non talis repositoria edicula fuit sacrariū uetustum, sed locus ille in quo celebrabatur conse-

cratio no administratio Eucharistiæ, ita uocabatur. Sed inquirunt, historiam illam Chrysostomi narrare, milites ad uesperam diei ingressos fuisse sacrarium, & in illo tumultu sanguinem Christi in militum uestes effusum. Non autem fuit tunc communionis tempus, erat enim uespera diei: & tamen fuit in sacrario sanguis Christi. Ergo necesse est, repositam & reueruatam fuisse Eucharistiā, extra usum seu actionem distributionis & sumptionis. Respondeo. Conclusio hæc nullo modo est necessaria, sed falsò huic Chrysostomi historie assignitur: sicut circumstantiæ liquidò ostendunt. Chrysostomus enim narrat, fuisse in magno sabbatho illud tempus, cum mulieres ut baptizarentur, iam se exuerant. Vsitatum autem fuit in tota antiquitate, quando adulti baptizabantur, quòd statim à Baptismo ducebantur ad synaxin, ut mysterijs Eucharistiæ communicarent. Atq; ideo Chrysostomus narrat, se cum omni clero in sacrario tunc adfuisse: ut scilicet baptizatis administraret Eucharistiā. Nec obstat quòd historia dicit, fuisse uesperam diei, quasi ideo tunc non fuerit tempus communionis. Post administratum enim Baptismum, antiquitus sequebatur administratio Eucharistiæ. Et Missas solitas celebrari, non tantum ante meridiem, sed & circa nonam horam, aliquando etiam ad uesperam, præcipuè uerò in sabbatis Paschæ et Pentecostes, Cassander probat multis

tis ueterum testimonijs. Ergo ex illa etiam Chrysostomi historia, non probatur Pontificia inclusio, circumgestatio & ostentatio. Milites enim ingressi sacrarium, uiderunt mysteria. Ergo non fuerunt reclusa: & seruata fuit actio illa, quam filius Dei in institutione præscripsit. Dum enim mulieres baptizabatur, Episcopus cum suo clero interim præparat Eucharistiam: ut baptizatis, sicut tunc usitatum erat, distribueretur, & ab illis sumeretur.

Ad hanc explicationem exemplorum ueteris Ecclesie, conferatur antithesis Pontificie assertionis: & manifestum erit, res esse diuersissimas. 1. Pontificij propter reservationem, Eucharistiam mutilant altera specie. Et quidem ex ueterum exemplis de reservatione, uolunt probare, communionem unius tantum speciei usitatam fuisse in ueteri Ecclesia: quia uini speciem censent, reservari non posse sine periculo. Sed hoc falsum esse, Exuperij & Chrysostomi historia manifestè ostendit. 2. Pontificij panem consecratum reponunt, includunt, & per aliquot dies, septimanas & menses asseruant, & ibi ad peculiarem cultum proponium: quod ueteres non fecerunt, ipsa exempla ostendunt. 3. Apud Pontificios panem circumgestatum, tandem ille qui consecrarat, non alijs distribuit, sed ipse sumit: cuius exemplum, in uera antiquitate ostendi non potest.



4. Apud Pontificios panis circumgestatur, nō ad distributionem & sumptionem, sed ut ostentetur, & proponatur ad adorationem, extra usum à Christo institutum: desertur & ostentatur ad incendia, & alia mala auerrūcanda, sine distributione & sumptione. De pompa Pontificia, seu potius de Persico Orimasda, quando panis equo ante Pontificem circumgestandus imponitur, supra diximus. Hæc sunt, de quibus Pontificij dimicant: cum quibus antiquitatis exempla, planè nihil commune habent. Et ad responsionem sufficit, ex antithesi monstrasse diuersitatem, inter repositionem, circumgestionem, ostentationemq; Pontificiam, & inter antiquitatis exempla.

Tertio. Sed tamen negari non potest, ad communionem infirmorum, alicubi & à quibusdā reseruatum fuisse Eucharistiam: sicut exemplum Serapionis, apud Eusebium lib. 6. cap. 34. ostendit. Respondeo: Etiam illa reseruatio non est uniuersalis seu perpetua. antea enim ostendimus, aliquando alicubi & à multis talem reseruationem non fuisse uel obseruatam, uel usurpatam: sicut etiam ea non fuit opus, cum quotidie illis temporibus celebraretur communio, hora diei 3. 9. ad uesperam, & noctu etiam, postulante necessitate: sicut Cassander ex ueteribus probat, Et quando diuersæ allegantur consuetudines, semper considerandum est, quid simplicius, rectius & propius accedat

dat ad institutionem diuinam, eiq; magis consentaneum sit: & quid pro ratione circumstantiarum, magis seruiat ad ædificationem. Hanc enim normam seu regulam, Ecclesia in hac ipsa materia de reservatione Eucharistiæ, secuta est. Vetusissima enim, & latissimè patens fuit consuetudo domestice seu priuatae communionis: quando scilicet in cœtu Ecclesiastico celebrabatur communio, tunc diuiso pane Eucharistiæ, pars eius uel in manus dabatur communicantibus: uel (sicut Clemens Alexandrinus inquit) per mittebatur unicuiq; ex populo, partem eius sumere: quam uel in Ecclesia manducabant, uel domum secum asportabant, asseruantes illam uel in cistula (ut apud Cyprianum) uel in lintheolo (ut apud Augustinum, sermone 252. de tempore) & eam domi uel ante cibum, uel in periculis, uel inchoaturi aliquid sumebant. Atq; ita (sicut Ruardus Tapperus, decanus Louanienfis, ex sermone Cypriani de lapsis colligit) in Ecclesia calix Domini presentibus offerebatur, ex quo communicantes bibebant: panis uero Dominicus, in manus communicantium dabatur, ut uel statim sumerent, uel secum portarent domum, ibiq; sumerent: ut per temporum interualla, prius biberent ex calice in Ecclesia, corpus uero Domini, postea domi manducarent. Ita Ruardus.

Gorgonia uero Naxianzeni soror, utrumq; & corporis & sanguinis Domini antitypon, secum do-

mum asportauit ex coetu Ecclesie. Huius consue-  
 tudinis de priuata reservatione Eucharistie, te-  
 stes sunt Tertullianus li. 2. ad uxorem. Cyprianus  
 sermone 5. de lapsis. Ambrosius de obitu fratris Sa-  
 tyri. Hieronymus in Apologia pro libris aduersus  
 Iouinianum. Basilius ad Cesaream Patriciam scri-  
 bit, Eremitas quibus in deserto sacerdotis copia nō  
 erat, Eucharistiam ex Ecclesie conuentu, in ere-  
 mum solitos secum deferre, & domi seruare, ut à  
 se ipsis cum opus fuerit, communicentur: & ad-  
 dit, in Alexandria & Aegypto, illud à populo eti-  
 am ut plurimum fieri. Notum etiam est, quantum  
 ex ueteribus quidam, priuatam hanc reservatio-  
 nem commēdarint: ut Nazianzenus in epitaphio  
 sororis sue, Ambrosius de obitu fratris Satyri. Et  
 profectō si antiquitas consuetudinis latē paten-  
 tis & diu propagata, posset uel necessitatem im-  
 ponere, uel ueritati pręscribere: nulla ratione de-  
 buisset priuata illa reservatio uel mutari, uel ab-  
 rogari: Sed postea mutata, abrogata, & seuerē  
 prohibita fuit consuetudo illa, quantumuis an-  
 tiqua. Concilium Toletanum primum ca. 14. inquit:  
 Si quis acceptam à sacerdote Eucharistiam non  
 sumpserit, ueluti sacrilegus propellatur. Cesar  
 augustanum ca. 3. inquit: Eucharistie gratiam, si  
 quis probatur non consumpsisse in Ecclesia, ana-  
 thema sit in perpetuum. Causas uerō abrogatio-  
 nis sine dubio habuerunt. Quod talis asseruatio

nō est à Christo uel instituta, uel mādāta. 2. Verbis institutionis nō satis est cōsemanea illa diuulsio manducationis et bibitionis in coena Dominica: ut scilicet prius bibatur de calice, & post aliquot tēporū interualla, demū manducetur panis diu amē acceptus. 3. Priuata illa reseruatō, multis peperit abusus, & uarias superstitiones: & propterea sub denunciatione perpetui anathematis prohibita, & res ad præsriptū institutionis Christi reuocata fuit. 4. Cum causse propter quas priuata illa reseruatō coeperat, defuissent, liberè mutata fuit. Causa autē potissima uidetur hæc fuisse, quòd tempore persecutionis nō potuerunt quoties uellent, ad celebrandā coenā Dominicā cōuenire. Cū igitur nec ubiq; nec semper copiā cōmunionis habere possent: ne tamē incidere periculo aliquo, peritū priuarentur cōmunionē, particulas quasdā in coetu Ecclesiastico acceptas, domi reseruauit. Sed postea iudicatum fuit, rectissimum esse, præsriptum institutionis Christi seruare & sequi.

Hæc ideo recitauī, ut planum fieret, Ecclesiam semper iudicasse, etiam in hac ipsa materia, consuetudinem quantumuis antiquam non imponere obseruationis necessitatem: nec ueritati ita præscribere, ut habita ratione, quid uel ædificet uel destruat, non liceat potius præsriptum institutionis Christi, quàm consuetudinem sequi. Et hæc commune factio monstrabit, quid iudicandū sit de



exemplis reſeruata à ſacerdotibus Euchariftiæ, pro communionẽ infirmorum. Et quidem ex cœtu Eccleſiaſtico, peracta præſentium communionẽ, delatam fuiſſe Euchariftiam ad eos qui uel propter infirmitatẽ, uel propter alias graues cauſas aberant, Iuſtini deſcriptio oſtendit: & idem docet Exuperij exemplum. De reſeruata uerò Euchariftia, ſi ea opus eſſet ad communionem infirmorum, unicũ illud Serapionis exemplum, in uera & ueteri antiquitate (quod ego ſciam, & uiderim allegari) extat. Noctem enim fuiſſe, quando preſbyter in ædibus ſuis infirmus decumbens, puero Euchariftiam ad Serapionem deferendam tradidit, hiftoria narrat apud Euſebium lib. 6. cap. 34. Exemplum igitur huius reſeruationis, in uera antiquitate (de recentioribus enim iam non loquimur) unum hoc eſt: & quidem illud non uetuſtiſſimum. factum enim eſt tempore Nouatiani ſchiſmatis. Et quia Dionyſius Alexandrinus, in epiſtola illa fatetur, à ſe hoc præceptum fuiſſe preſbyteris: non igitur eſt uel Apoſtolica traditio, uel uniuerſalis & antiquiſſima conſuetudo. autor enim eius, & tempus nominantur. Cumq; priuata reſeruatio, de qua diximus, ſit & antiquior, & plura habeat antiquitatis exempla, ut quæ latius uſurpata fuerit: & tamen non iudicata fuerit neceſſaria, ſed liberè ſit mutata & abrogata: qua igitur autoritate, Tridentini alteram reſeruationem, de qua

nunc agimus, quæ nec tã antiqua est, nec tot exempla ueræ antiquitatis habet, decernunt esse morẽ necessarium, qui omnino retinendus sit? Non damnamus ueteres illos qui morem hunc obseruauerunt: habuerunt enim graues, pro ratione illorum temporum, causas. Et illa cõsideratio mōstrabit dijudicationem. Non enim morem illum introduxerunt & seruauerunt, tanquam necessarium, quasi aliter fieri nō liceret: sed ratio temporum illorũ, præbuit ipsis occasionem ad hunc morem. Nouatiani enim contendebant, lapsos, & præcipuè in persecutione, non esse rursus recipiendos, & ad communionem Ecclesiæ admittendos, etiamsi pœnitentiam agerent. Ecclesia uerò pœnitentibus nō negabat reconciliationem & communionem: sed tamen ut in lapsis statueretur exemplũ, deterrens reliquos à simili peccato: utq; exploraretur, an uera esset pœnitentia disciplina seueriori usi sunt. non enim statim ad communionem admiserunt pœnitentes: sed prius per certum temporis interuallũ, certa disciplina probabatur ipsorum pœnitentia. Ne tamen quisquam pœnitentium, tempore illo Canonico nondum expleto, sine reconciliatione & communione decederet, statutum fuit, ut in periculo mortis, priuata absolutione & communione reconciliarentur, & in communionem Ecclesiæ reciperentur: utq; receptio illa & communio, licet fieret priuatim, nō coram tota Ecclesia,

sia, tamen testimonium esset publicæ receptionis, & admissionis ad communionem totius ueræ Ecclesiæ. De illo ipso pane, qui in cœtu Ecclesiæ benedictus erat, ex quo reliqui credentes participarent, particulam dandam esse censuerunt: ut eo minus dubitarent lapsi, se recipi in communionem mystici corporis Christi. Vnus enim panis, unum corpus multi sumus, quia omnes ex uno pane participamus. 1. Cor. 10. Cumq; (sicut Cyprianus queritur li. 3. epistola 14.) sacerdotes quidam, lapsos, priuatim sine Episcopi & Ecclesiæ consensu absoluerent & communicarent: magis placuit hic mos, ut ad communionem poenitentium, in periculo mortis usurparentur particule illæ, ex quibus antea Ecclesia in cœtu communicarat: ut ita infirmus, licet in loco priuato, à solo presbytero tamen quasi publicè, communi testimonio, à tota Ecclesia ad communionem recipi iudicaretur. Item cum hæreses & schismata, uariè turbarent Ecclesiam, ita ut pecuniæ suos cœtus cogerent, ubi communionem suam celebrabant hæretici: sicut ostendit historia Tripartita. lib. 3. cap. 11. ne igitur infirmi, hæretica communionem macularemur, utq; morituri disiungerent se ab omnibus hæreticis, & testarentur se esse & perseuerare uelle in communionem ueræ Ecclesiæ: placuit, ex illo ipso pane & uino, cuius partem Ecclesia in publico cœtu sumpserat, communionem præbere ægrotantibus: utq; illis

illis diebus & horis, quando publicè in Ecclesia  
 nō celebrabatur ministeriū Eucharistiæ, succurrē  
 posset illis qui in periculo moris uersarentur, alī  
 quid reseruari placuit, ab uno die publicæ cele-  
 brationis Eucharistiæ, usq; ad proximē sequentē.  
 celebrabatur autē publica synaxis uel singulis die-  
 bus uel die Dominica, feria 4. & 6. fuit autē talis  
 illa reseruatō, simpliciter sine aliqua superstitione,  
 & sine peculiari cultu extra usum. Et memora-  
 bile est qd' Innocētius de diuinis officijs, citāte Cas-  
 sandro dicit, sacerdotē solitū Dominicū corpus  
 consecratū in tres partes diuidere: quarū unā cali-  
 ci immittat, aliam diaconus communicet, tertiā ad  
 uaticum si opus fuerit, in patina usq; ad finē Mis-  
 sæ reseruet: si autē opus nō fuerit, eā sacerdos, aut  
 unus ministrorū in cōmunionē accipiat. Obseruet  
 lector, quando nulli fuerint egroti communican-  
 di, nihil fuisse reseruātū uel repositū. Hæc, quan-  
 tū ex historijs illorū tēporū colligere possum, fuit  
 causa & ratio reseruationis illius, cuius mētio fit  
 in historia Serapionis. Et tamē mos ille nec ante ea  
 tēpora, nec illis ipsis tēporibus nec post illa tempo-  
 ra, ubiq; & ab omnibus obseruatus fuit: sicut su-  
 præ cōtrarijs testimonijs ueterū ostendimus. Cau-  
 se. n. huius reseruationis, quas habuisse ipsos dixi-  
 mus, ut nō sunt, prorsus damnandæ, ita nō sunt nece-  
 sariæ: nec necessariæ iudicatæ fuerūt illis ipsis tē-  
 porib. Nā & alia ratione pōt per cōmunionē in-  
 stitutioni Christi satis fieri, & morituris succurri,



## 480 EXAMEN DECRETORVM

Omnes enim credentes, in diuersissimis locis totius mundi, sunt unū corpus, & de uno pane participant. 1. Cor. 10. non quòd una quædam triticea massa extensa sit per omnia mundi loca: sed quia idem Christi corpus in pane, in omnibus locis, ubi institutio celebratur, accipitur. Posteris uerò temporibus, facta doctrinæ & rituum inclinatione, cum causas & rationes illas amplius non haberet, tanquā peculiaris cultus, & necessariū quiddam, retenta & habita fuit talis reseruatio. Et utile est, considerare anathesin. 1. Causas quas ueteres habuisse diximus, Pontificij in sua reseruatione pro infirmis, non habem. 2. exemplum Serapionis loquitur de communione in periculo mortis: Pontificij omnes infirmos, ex reseruatis communicant. 3. Veterum reseruatio, tantum fuit pro illis diebus & horis, quando publicè in Ecclesia non celebrabatur Eucharistia: Pontificij uerò cū quotidie Missas celebrent, tamen pro infirmis ex Paschali, uel alia solenni communione, per totum ferme annum particulas reseruant. 4. Veterum reseruatio simpliciter sine superstitione, & sine peculiari cultu extra usum, usurpata fuit. Presbyter enim apud Eusebium decumbens, apud se domi, habet Eucharistiam, dat illam puero deferendam ad infirmum. Apud Pontificios uerò, Innocentius III. primus mandauit, ut Eucharistia in Ecclesia, sub custodia, clauibus & seris adhibitis, conser-

conseruetur. Mox postea Honorius III. statuit, ut quando reſeruata Euchariftia deſeruiſſet ad infirmum, plebs ſe reuerenter inclinet: uoluit etiam luminaria ſemper præferri. Sequentes Pontifices certum numerum indulgentiarum addiderunt, dierum ſcilicet dierum, pro reuerentia quando ad infirmum cum luminariſus portatur: centum uerò, quando ſine luminariſus portatur. Hæc uerò toti antiquitati ſunt ignota. 5. Variæ & mirabiles quæſtiones & diſputationes, fidem plus deſtruentes quàm ædificantes, motæ & ſparſæ ſunt de particulis illis reſeruatis. Sicut Legēda de Baſilio fingit, ipſum panem conſecratum diuiſiſſe in tres partes: quarum unam communicari, alteram in columba aurea, quæ ſuper altare pepēdit, repoſuerit, tertiā reſeruauerit cōſepeliendā ſecū. Hæc uerè eſſet inſignis ꝑphanatio cœnæ Dominicæ. Fuiffe autē tale quid ortū ex reſeruatione, inde colligitur, q̃ poſtea interdiciendū fuit, ne deſunctis daretur Euchariftia. 6. Statuitur iam, morem illum eſſe neceſſarium. 7. In Papatu ſola panis ſpecies reſeruatur, cum de utraq; ſpecie exempla extant, & in Serapionis, & in Exuperij hiſtoria. 8. fingitur & defenditur opinio, benedictionem uerborū Chriſti non ualere: nec uerum eſſe Sacramentum etiam ſi uerbum Chriſti accedat ad elemēta panis & uini, niſi conſecrat o fiat in templo ſeu altari, Pontificaliter conſecrato. Atq; ita ueritas eu-

charistie, non tam à uerbis Christi, quàm à loco dependere iudicatur. 9. Additur & hoc, Eucharistiam ad communionē non rectē consecrari, extra actum sacrificij Missæ Pontificis &c. 10. Quia Pontificia circumgestatio, & ostentatio panis extra usum, nullum habet ueræ antiquitatis testimoniū: ideo de reservatione Eucharistie, ad usum communionis infirmorū d. micant, ut aliquā specie prætendere possent suæ reservationis ad circumgestionem. Quia igitur uetus Ecclesia morē suæ reservationis, non iudicauit esse necessariū: & iā causas illas nō habeamus, quæ ueteribus quibusdam occasionē dederunt ad reservationē: cumq; in Papatu ab antiquitatis exemplo longē recessum sit in reservatione, & accesserint multi abusus, uariæ superstitiones, falsæ & periculosæ opiniones: simplicissimum, rectissimum & tutissimum est, ut tota hæc res ad normam institutionis Christi exigatur, & consideretur quid propius accedat ad præscriptum institutionis, eiq; magis consentaneum sit, et ad ædificationem Ecclesiæ faciat. Illud enim sit exemplo ueteris Ecclesiæ, quæ idem fecit in disputatione, de priuata seu domestica reservatione. Res autem non est obscura, si descriptionem institutionis, tanquam normam & regulam nobis proponamus. Primò enim Christus uerbis suis, quæ uoluit ad elementum accedere, ut fieret Sacramētum, usus est illo loco & illo tempore

ubi

ubi & quando distributurus erat cōmunionem, & in præsencia eorum quibus uolebat communicare corpus & sanguinem suum. Magis igitur consentaneum est descriptioni institutionis, & exemplo Christi, uerba cœnæ recitare, & illis benedicere Eucharistiam, in loco communionis, & tempore communionis, in præsencia communicandorum: quàm alio & loco & tempore, absencibus illis, quibus exhibenda est. 2. Verba illa cœnæ, Dixit: Accipite, comedite, Hoc facite, &c. diriguntur non ad elementa, sed ad communicaturos. Nō igitur consentaneum est institutioni, uerba illa tantum ad panem & uinum dirigere: & quidem in absentia communicandorum. 3. Christus communionem non uoluit mutam esse actionem, sicut medicus pharmacum, alio loco & tempore preparatum, propinat & applicat: sed quando panem fractum, & poculum benedictum, discipulis dabat: Dixit. Et quidē addidit mandatum: Hoc facite in mei commemorationem. Quod Paulus interpretatur: ut fiat annuntiatio mortis Christi. Illam uerò annunciationem dicit fieri debere, non tantum in benedictione, ut postea in sumptione sit muta actio: sed, Quotiescunq; panem hunc manducabitis, & poculū hoc bibetis, mortem Domini annuntiabitis. Idq; non tantum Apostolorum tempore fieri uoluit, sed donec Dominus ad iudicium ueniat. Hæc certè sunt manifestissima.



4. Consolatio de usu & fructu Eucharistiae, in primis necessaria est aegrotis. Illam uerò uerbis Christi, quibus Sacramentum hoc conficitur, comprehendendi & proponi non est dubium. Et fides eam in uerbo quaerit, & apprehendit, sicut de Baptismo Paulus inquit: Mundans Ecclesiam lauacro aquae in uerbo. Rectè igitur & utiliter fit, d' uerba coenae, quibus panis & uinum Eucharistiae benedicuntur, recitantur praesente & auscultante aegrotato.
5. Illa ratione multae quaestiones & disputationes, de particulis extra usum reseruatis, turbantes simplicitatem doctrinae & fidei de Eucharistia, praecauentur & praeciduntur. Postremo, quia morem reseruatiōis omnino necessarium faciunt, exemplo ostendenda est libertas Christiana: praecipue ne ueritas Eucharistiae, ex loco ubi benedicuntur, perdere existimetur: aut quasi actio sacrificij Papistici, necessaria sit ad ueritatē Eucharistiae.

Propter has causas nostri in communione infirmorum, uerba coenae, quae sunt ipsa consecratio, in praesentia aegroti recitant. Nec iure quis nos propter hunc morem uel reprehendere uel damnare potest: sequimur enim & praescriptum & exemplum Christi, de quo pater e coelo clamauit: Hunc audite. Hunc enim morem consensaneum esse institutioni Christi, manifestum est. Et iuxta Augustinum, in causis fidei non ualet: Hec ego dico, Hec tu dicis, Hec ille dicit: sed, Hec dicit

Domi-

**Dominus.** Et de negotio cœne, Cyprianus dicit: Non debemus attendere, quid aliquis ante nos faciendum purarit: sed quid ille qui ante omnes est, prior fecerit. Et hic est uerè uetus <sup>et</sup> bonus mos, cum quo uetus Ecclesia non pugnat: in qua mos reservationis, nec uniuersalis, nec necessarius habitus fuit. Cum enim haberent templa seu parochias, in quibus legitimi <sup>et</sup> ordinarij habebantur conuenus, in quibus etiam ordinaria administratio Sacramentorum celebrabatur: non tamen locis illis consecrationem Eucharistiæ alligat. esse uoluerunt. Nam <sup>et</sup> Canon, Sicut non alij, De Consecr. dist. 1. casum necessitatis excipit, <sup>et</sup> addit: Quoniam necessitas legem nō habet. Quodq; sequitur, Ne in domibus Eucharistia celebretur: Glossa exponit, nisi necessitas cogat. Et conciliū Agathense 1. Can. 21. Si quis extra parochias, in quibus legitimus est, ordinariusq; conuenus, oratorium in agro habere uoluerit alijs festiuitatib. ut ibi Missas teneat, permittimus: exceptis festis maioribus. Et canon Aurelianensis quidem dicit: Vnicuiq; fidelium in domo sua oratorium habere licet. Missas au. em ibi celebrare non licet. Sed Canon sextæ synodi, De consecrat. dist. 1. cap. Clericos, dicit, cum consensu Episcopi hoc fieri posse. Imò in domo rustica, ubi nullum erat peculiare oratorium, presbyter celebrat Eucharistiā: apud Augustinum de Ciuitate Dei lib. 22. cap. 8. Et quid

opus est sollicitè conquirere talia testimonia & exempla, an ad ueritatem Eucharistiæ requiratur peculiaris qualitas loci: cum nobis Christi & Apostolorum exempla, pro omnibus sufficiant, & satisfacere debeant? In mensa enim uulgari, et quidem in domo hospitis, Christus primam suam Dominicam coenam celebrauit. Nec Apostoli peculiare habuerunt basilicas: sed sicut perseuerabant in doctrina Apostolorum, & oratione, quando in priuatis domibus colligebantur, ita etiā per domos frangebant panem. Ordinis igitur gratia, utile est esse certa & publica loca, ad administrationem Sacramentorum. Sed eam ita alligare peculiaribus illis & publicis locis, ut fingatur Sacramentis ueritatem suam non cōstare, si urgente necessitate, & seruata Christi institutione, in loco aliquo uel uulgari uel priuato celebrentur & administrantur, quasi ueritas & efficacia Sacramento non ex uerbis Christi, sed ex qualitate locorum pendeat: hoc certè falsissimum est: sicut de administratione Baptismi, in uulgaribus siue priuatis locis, si res & necessitas ita ferat, manifestum est. Ad substantiam enim Sacramentorum, sicut non pertinet circumstantia temporis, ita nec loci circumstantia tanquam necessaria requiritur.

CONCILII TRIDENTINI. 487  
DE PRAEPARATIONE, QVAE

adhibenda est, ut dignè quis sanctam  
Eucharistiam percipi-  
at. Cap. VII.

*Si nō decet, ad sacras ullas functiones  
quempiam accedere, nisi sanctè: certè  
quo magis sanctitas & diuinitas cœle-  
stis huius Sacramenti, uiro Christiano  
comperta est, eò diligentius cauere ille  
debet, ne absque magna reuerentia et  
sanctitate ad id percipiendum ac-  
cedat: præsertim cum illa plena for-  
midinis uerba, apud Apostolum le-  
gamus: Qui manducat & bibit indi-  
gnè, iudicium sibi manducat & bi-  
bit, non iudicans corpus Domini.  
Quare communicare uolenti, reuo-  
candum est in memoriam eius præ-  
ceptum: Probet autem seipsum hoc  
mo. Ecclesiastica autem consuetudo  
H 4 . declarat,*



declarat, eam probationem necessariam esse: ut nullus sibi conscius mortalis peccati, quantumvis sibi contritus uideatur, absque præmissa Sacramentali confessione ad sacram Eucharistiam accedere debeat. quod à Christianis omnibus etiam ab eis sacerdotibus quibus ex officio incubuerit celebrare, hæc sancta Synodus perpetuò seruandum esse decreuit: modo non desit illà copia confessoris. Quòd si necessitate urgente sacerdos, absque præuia confessione celebrauerit, quàm primum confiteatur.

Canon, II.

Si quis dixerit, solam fidẽ esse sufficientem præparationem ad sumendum sanctissimum Eucharistiæ Sacramentum, anathema sit. Et ne tantum Sacramentum indignè, atque  
ideo

ideo in mortem & condemnationem sumatur: statuit atque declarat ipsa sancta Synodus, illis quos conscientia peccati mortalis grauat, quantumcunque etiam se contritos existiment, habita copia Confessoris, necessario præmittendam esse confessionem Sacramentalem. Si quis autem contrarium docere, prædicare, uel pertinaciter asserere, seu etiam publicè disputando defendere præsumpserit, eo ipso excommunicatus existat.

## EXAMEN.

Exponam prius paucis, quæ sit nostrarum Ecclesiarum de hac præparatione, ex uerbo Dei doctrina & sententia: postea non obscurū erit, quid illud sit, quod Pontificij in hac nostra doctrina damnare uolum. Ipsa etiam antithesis ostendet uitia doctrinæ Pontificiæ, de hac præparatione.

Primò igitur de questione An sit, nulla planè est uel dubitatio, uel cōtrouersia. Paulus enim manifestè affirmat, non omnes dignè, sed multos indignè percipere Eucharistiam.

Nec

Nec uult indignam sumptionem non esse curandam, quasi uel nihil referat, uel sit infirmitas quedam, quæ planè nihil saluti noceat, etiamsi indignè quis manducet & bibat in cœna Domini: sed magna uehementia, contra leuitatem & securitatem illam intonat, & affirmat, eos qui indignè manducant, manducare sibi iudicium, ita ut rei efficiantur uolati corporis & sanguinis Christi. Et quidem addit, Deum iudicium illud, contra indignè māducantes, etiam externis pœnis, in hac uita sæpe ostendere. Requirit igitur, ut accessurus ad illam mensam, seipsum prius probet: & sic de pane illo edat, & de calice illo bibat. Paulus igitur non obiter nec frigidè: sed seriò & uerè Apostolica uehementia cōcionatur de probatione seu præparatione, ne indignè quis Eucharistiam percipiat. Nec dubiū est, omnibus Ecclesiæ ministris hoc incumbere, ut diligenter & seriò suos moneant, & quidem propositis grauißimis illis, reatus & iudicij diuini communicationibus, ne sine præmissa & adhibita illa probatione seu præparatione, de qua Paulus loquitur, cœnam Dominicam accedant. Et si illi peccant, qui ex ignorantia seu incogitantia indignè manducant: multo grauius erit illorum peccatum, qui cum ratione officij deberent, homines arguendo, monendo, exhortando & docendo non instruunt, quòd & quomodo se probare, seu quam præparationem adhibere debeant,

beant, ne indignè manducent & bibant, ad iudicium: sed ut Eucharistiam dignè, cum suis fructibus & effectibus percipiant. Hæc diligenter & seriò apud nos docemur & tradimur: quæ paucis indicare uolui, ne quis suspicetur, in hoc capitulo hanc esse controuersiam, quasi nos sentiamus & doceamus, nullam planè seu probationem seu præparationem adhibendam esse, ut dignè quis Eucharistiam percipiat.

Illud uerò potissimum queritur, quæ & qualis adhibenda sit præparatio: seu, quid sit, & in quibus consistat Paulina illa probatio, ut in cœna Dominica possimus dignè manducare & bibere, ita ut participes simus omnium bonorum seu beneficiorum, quæ in cœna illa proponuntur. Ardua sanè, & maximi momenti est hæc questio: ideo non est definienda uel priuatis nostris cogitationibus, uel aliorum hominum quorumcunq; opinionibus, sed ex doctrina uerbi Dei explicanda est. Intelligitur autem hoc loco dignitas, non meritum, nec etiam comparatio seu proportio præstantiæ sumentis, ad præstantiam cibi, corporis scilicet & sanguinis Christi. Ita enim ueteres piè usurparunt Centurionis uocem: Domine non sum dignus, ut intres sub tectum meum. & quod Iacob dicit: Minor sum cunctis miserationibus tuis, & ueritate tua, quam exhibuisti seruo tuo. Dauid etiam dicit:

Quia



Quis sum ego, & quæ est domus patris mei? ite m:  
 Quid est homo, quod memor es eius? Sed dignè  
 manducare, est Eucharistia uti, eo modo, & in eū  
 finem, sicut ab ipso filio Dei instituta est. ita enim  
 Ambrosius rectè intelligit & explicat, hanc digni  
 tatem, Paulus uerò totam hanc doctrinam comple  
 ctitur uni uocabulo, *ἑωυτοῦ*: quod significat  
 cogitare, considerare, & explorare, quale illud  
 sit quod probamus. Ita Rom. 12. pij in instituenda  
 noua obedientia, debēt probare, quæ sit uoluntas  
 Dei bona. Eph. 5. probant, quid Deo placeat. 1. Io  
 han. 4. Spiritus probare iubemur an sint ex Deo.  
 1. Thessa. 5. Omnia probate, quod bonum est tene  
 te. Et Rom. 1. *ἑωυτοῦ*, mens reproba est, quæ  
 uitam ita instituit, ut nec consideret, nec curet eti  
 am si Deo, hominibus & propriæ conscientie im  
 probentur quæ agit.

Ille igitur in cœna Dominica se ipsum *ἑωυτοῦ*  
*ῥα*, qui certo modo, & ad certam regulam, se ip  
 sum considerat, examinat & explorat, an tali cor  
 de & affectu accedat, sicut institutio cœnæ Domi  
 nicæ præscribit & exigit. Ita enim 2. Cor. 13. Pau  
 lus dicit: Probate uos ipsos, an in fide sitis. Et mox  
 explicat uerbum *ἑωυτοῦ*, scilicet, ut agnosca  
 tis uos ipsos, quod Christus in uobis sit. Interpre  
 tatio igitur uocabuli *ἑωυτοῦ*, ostendit, acces  
 surum ad cœnam Dominicam debere considera  
 re, explorare & examinare mentem, cor, consci  
 entiam,

entiā, & seipsum totum, an ita sit dispositus & affectus, ut non ad iudiciū, sed dignè cum fructu, cœna Domini uti possit.

Huius uerò *dominice* considerationis, examinationis & explorationis, oportet certā ali. uī normā & regulā esse: à qua si dissentiat, & cū ea pugnet, is iudicetur indignè māducare. Si uerò animus ad illā regulā informetur & cōponatur: tunc certi simus, nos nō indignè ad iudiciū, sed dignè & cū fructu, in cœna Domini māducare et bibere. Norma autem seu regula simplicissima, certissima & tutissima, est ipsa institutio cœnæ Dominicæ. Nam & Paulus 1. Cor. 11. ex regula institutionis ostendit, apud Corinthios quosdam indignè manducare. Et monstraturus rationem, quomodo possint Dominicam cœnam dignè et cum fructu manducare, proponit ipsam institutionem, sicut eam à Domino acceperat.

Docendi igitur gratia, doctrina illa de manducatione indignorum, & de probatione seu præparatione dignorum, potest in tria membra distribui. 1. Ut mēs ex uerbis institutionis intelligat, firmo assensu credat, & in ipso usu cœnæ Domini cœ reuerenter cogitet, quid sit hoc Sacramentum, quis sit eius usus, & qualis sit tota illa actio: quòd scilicet ibi uerè adsit ipse filius Dei, Deus & homo, præbens & exhibens per ministerium, cum pane & uino, uescentibus, corpus & sanguinem suum:

suum: ut hoc preciosissimo testimonio & pigno-  
 re, nobiscum se coniungat, & nobis applicet, ob-  
 signet & confirmet noui Testamenti passionem  
 gratiae: & haec fides, nitens uerbis institutionis,  
 excitet & informet reuerentiam & deuotionem  
 animi, in usu huius Sacramenti. Hoc pertinere  
 & requiri ad dignam manducationem, cum ipsa  
 institutio ostendit, tū ex Paulo colligitur: qui pro-  
 nunciat illos apud Corinthios indignè manduca-  
 re, qui de cœna Dominica non augustius sentie-  
 bant, quàm de uulgarì aliqua concœnat. one, nec  
 maiori animi reuerentia & deuotione ad eam ac-  
 cedebant: atq; ita non dijudicabant corpus Domi-  
 ni, hoc est, non cogitabant quàm immenso discrimi-  
 ne preciosior & dignior sit cibus cœnae Domi-  
 nicæ, quàm in reliquis uulgaribus cœnis, ubi eti-  
 am sunt dona Dei. Indignè igitur manducant,  
 qui ad cœnam Dominicam accedunt, imbuti pra-  
 uis impijs aut prophanis opinionibus, de hoc Sa-  
 cramento: Item, qui uel crassa & affectata igno-  
 rantia: uel irreligiosa incogitantia doctrinae &  
 fidei de Eucharistia accedunt, ut uel planè non  
 intelligant, uel prorsus non cogitent, qualis ibi in-  
 stituta sit actio ab ipso filio Dei: atq; ita nullam  
 animi deuotionem uel reuerentiam, erga actionē  
 illam filij Dei adferunt. Ambrosius uocat inconfi-  
 deratè & negligenter corpus Domini accipere.  
 Huc etiam pertinent, qui ipsam actionem institu-  
 tionis

tionis uel deprauant, uel alios ipsi usus & fines, præter, extra aut contra institutionem, affingunt.

2. Indignè manducant, qui accedunt sine pœnitentia: hoc est, qui de peccatis suis non cogitant, ita ut de illis doleant: non expauescunt cogitatione iræ Dei, sed perseverant in delictis contra conscientiam: indulgent prauis cupiditatibus, nec deponunt propositum malefaciendi. Christus enim inquit: Hoc facite in mei cômémorationem. quod Paulus interpretatur de annuncianda morte Christi. Consideratio uerò mortis Christi, simul etiam commonefactio est de abominatione peccati, & de ingenti ira Dei aduersus nostra peccata: quam cum nullorû hominû aut angelorû uirtutes aut merita placare potuerint, ipsius filij morte placari oportuit. Nec uerò ideo filius Dei hanc suam cœnâ instituit, ut discamus leuiter de peccato sentire, & eius usu, in proposito peccandi cõfirmemur: quasi accepto ibi priuilegio turpitudinis, sine timore Dei, sine cõtritione & cõuersione, securè possimus in peccatis cõtra cõsciẽtiã perseverare et pergere, seu ad ea redire. Qui igitur tali proposito, et hac opinione ad cœnâ Domini accedit, is eo ipso cõtumelia afficit corpus Domini: atq; priora peccata, noua hac tristiore offensione cumulat. Dignè itaq; manducaturus in cœna Domini, probare se ipsum debet, ut afferat pœnitentiam seu timorem Dei. Et pœnitentia simul etiam complectitur bonum propositum. Ita Paulus dicit,



Corinthios illos indignè manducare, qui non in melius, sed in peius conueniebant, qui dissensiones alebant, pauperes pudefaciebant, Ecclesiā Dei contemnebant, in ipsa actione cœnæ Dominicæ.

3. Ad dignā seu salutarem manducationem in cœna Dominica, præcipuè necessaria, est fides. In actione enim cœnæ, si filius Dei exhibitione corporis & sanguinis sui, offert, applicat & obsignat remissionem peccatorum, & totum beneficiū noui Testamenti. Illa uerò promissio requirit fidem: non tantum ut in genere statuas, uera esse quæ Deus de gratia sua, propter meritum mediatoris promittit: sed quia in cœna, filius Dei speciali actione testatur, se singulos uescentes uelle in communionem corporis & sanguinis sui recipere: singulis se uelle exhibitione corporis & sanguinis sui, communicare, donare, applicare & obsignare noui Testamenti beneficia: ideo requiritur fides, petens, & cum gratiarum actione accipiens beneficia illa quæ ibi offeruntur & donantur: ita ut singuli statuunt, ad se quoq; promissionem illam pertinere, illā sibi communicari, applicari & obsignari: & quidem exhibito preciosissimo pignore, corpore scilicet & sanguine Christi. Imò ideo ad cœnam Domini accedamus, ut fides hæc in nobis accendatur & confirmetur. illa enim uera est Christi *ἐν ᾧ ὁ νόμος*. Et in uerbis institutionis, ad singulos uescentes Christus inquit: Accipe, hoc est

est corpus meum, quod pro te traditum est: accipe, Hoc est nouum Testamentum in meo sanguine, qui pro te effusus est in remissionem peccatorum. His enim uerbis, olim in Ecclesia traditum fuisse Eucharistiam, Ambrosius testatur: quibus singuli uescentes, confessionem fidei suae addebant, respondentes Amen. Et haec formula, quia ipsa uerba institutionis, ad singulos uescentes iuxta ueram Sacramenti rationem accommodat, mihi maxime probatur. Non igitur rectè faciunt, qui in uera poenitentia propter priores lapsus, propter sensum peccati, & propter fidei imbecillitatem, Sacramenti huius usum fugiunt. Ideo enim hoc tantum pignus propositum est, ut Deo reconciliati, in partem gratiae noui Testamenti, unde excideramus, restituamur, in eo confirmemur: utq; fides in illo usu accendatur & confirmetur.

Ipsa uerò antithesis ostendet, qui sint, qui indignè manducant, eo quòd non afferant ueram fidem: qui scilicet fingunt, sumptionem prodesse ex operato, sine bono motu utentis: qui in sumptione, ut sit salutaris, nituntur propria dignitate & puritate, quasi digni sint caelesti hoc cibo: aut qui ipso opere sumptionis, fingunt se mereri remissionem peccatorum. Christus enim in sua caena, non uult nostrorum operum merita & praemia distribuere: sed sua merita, sicut gratis ibi offert, ita fide uult accipi. Item qui docent, homines nec debere

nec posse statuere, sibi in usu cœnæ certò donari et applicari beneficia noui Testamēti, etiā si obsignatio fiat, exhibitione corporis et sanguinis Christi, sed in incerta dubitatione semper fluctuandū esse: illi certè ipsum filiū Dei menda cē faciūt, in institutione suæ cœnæ. Indignè etiā illi māducāt, qui sine fide ita accedūt, ut nō cogitēt, quid ibi uel quærāt, uel accipiant: itē qui Epicurea persuasione accedūt, quasi ibi detur priuilegiū turpitudinis, ut porro liberè & impunè possint in sceleribus perseuerare, pergere, uel ad ea redire. Vera enim fides nō petit & quærīt, ut peccata maneant et cumulētur: sed petit & quærīt remissionē peccatorū, & liberationē à peccatis. Et hæc fides postea genitrix est boni propositi, cauendi in posterū peccata, et Deo iuxta ipsius mandata obediendi.

Hanc esse uerā probationē seu preparationē, nō est dubium: conuenit enim ad normā seu regulam institutionis cœnæ Dominicæ. Et pium institutum in nostris Ecclesijs seruatur, ut singuli qui ad cōmunionem cœnæ accessuri sunt, prius explorentur, quid de hoc Sacramento intelligant: monentur ut se ita, sicut iam dictum est, probent, ne indignè manducent: rudiores docentur, quomodo debeant & possint se probare. Et quia cœna Dominica instituta est, ut usu eius, fides reconciliationis cum Deo confirmetur & obsignetur: pia igitur mens non negliget, sed cum gratiarum actio-

ne ute-

ne utetur omnibus illis medijs, in quibus Deus fidei proposuit, ut querat & accipiat gratiam seu reconciliationem: ut est annunciatio & auditus promissionis Euangelij, siue in publica prædicatione, siue in priuata absolutione. Et postea sequitur confirmatio, & obsignatio huius applicationis, in cõmunionem cœnæ Dominicæ. Propter has causas, & hoc modo institutum confessionis, piè in nostris Ecclesijs seruatur, ante communionem.

Hæc uerò probatio & præparatio, nõ ita præscribitur, & exigitur, ut sit omnibus numericis perfecta, sine omni infirmitate & imbecillitate, cui nihil prorsus desit: Ideo enim Christus instituit suam cœnam, ut commemoratione mortis suæ, poenitentia in nobis accendatur & augeatur, ut traditione & obsignatione noui Testamenti, in usu cœnæ, fides confirmetur & corroboretur. Nouit figmentum nostrum, quia caro sumus: ideo exhibitione sanctissimi sui corporis & sanguinis, se nobis coniungit, ut corpus peccati mortificetur, uetus fermentum magis magisque expurgetur, nouitas in hostia crescat & augeatur. Non itaque exigitur præparatio, ut nostra dignitate & puritate nos dignos reddamus hoc cibo: ut ideo salutaris nobis sit, quia propter mundiciem nostram eo digni sumus. Hæc enim persuasio uerè facit indignos. Sed ideo Paulus requirit probationem, ut



uerè reddamur esurientes & sitientes eius cibi & potus, qui ad salutem nostram in cœna illa proponitur: utq; infirmitatem nostrā agnoscantes, phar-  
maco & antidoto illius medici, qui cœnam hanc nobis instruit, sciamus opus nobis esse: et quomodo salutariter illud sit, ad nostram sanationem, accipiendum & usurpandum.

Hæc est simplex & uera doctrina, ex fundamentis uerborum institutionis sumpta & extructa, de probatione seu præparatione, quæ adhibenda est, ut dignè quis Eucharistiam accipiat. Ex hoc enim fundamento, Paulus Corinthiis concionatur de manducatione indignorum. Et ita etiam ueteres de præparatione loquuntur. Hesichius dicit, cum per ignorantiam indignè percipere Eucharistiam, qui uirtutem eius & dignitatem ignorat. Augustinus inquit: Sacramentum hoc interioris hominis esurientem quærit: ideo ad participandum hoc Sacramentum ineptus est, qui peccatum & infirmitatem suam non sentit. Chrysostomi sententia est: Quia bene habentibus, non opus est medico, sed malè habentibus: ideo ab huius Sacramenti uirtute excluditur, qui de se præsumens resolutus cum nausea accedit. Idem inquit: Nullus communicet, nisi ex discipulis Christi sit: alioqui iudicium sibi manducat, & bibit. Augustinus sepius hoc disputat: Qui credit in Christum, manducat ipsum, ut & in Christo maneat, & Christum manentem in se

in se habeat: qui uerò hac fide uacuus accedit, foris quidem manducat, non intus, premit dente non capit mente. Et sicut Gregorius dicit: Accipit corpus & sanguinem Christi, essentia, non salubri efficientia: Sacramentum accipit, sed uitam Christi nō accipit. Et dulcissima est Augustini sententia, ubi de matre sua Monica inquit, quòd ad uictimam illam quæ in coena Dominica dispensatur, animam suam uinculo fidei alligârit, ne uel leo, uel draco eam inde diuellat. His ita expositis, non difficilis nec obscura erit ratio examinis, in VII. hoc capitulo, & XI. Canone. Primum enim dicunt, se illos damnare, qui sentiunt solam fidem esse sufficientem præparationem, ad sumendam Eucharistiam. Verba autem ita posita sunt, ut uideantur nobis tribuere hanc sententiam: Etiam si quis sine poenitentia in sceleribus perseueret et pergat, et retineat propositum malefaciendi, modò tantum historicam fidem de substantia Sacramenti habeat, uel cōcipiat Epicuream persuasionem, de impunitate impœnitentiae, satis paratum esse ad dignam manducationem in coena Dominica. Sed falsò hoc nostris Ecclesijs tribui, ex ijs quæ de uera probatione diximus, manifestum est.

2. Consideretur, quare hoc artificio utantur. Deprehendet autem lector, in toto isto capitulo, ubi ex professò explanationem doctrinæ de præparatione, ad sumendam Eucharistiam instituerunt,

ne unica quidem syllabā mētionem fieri fidei, quæ petat, apprehendat & accipiat promissionē noui Testamenti, quam filius Dei, singulis uescentibus, exhibitione corporis et sanguinis sui, in usu cœnæ suæ offert, cōmunicat et obsignat. Hæc enim fides, applicās singulis remissionē peccatorū, cū quidem in usu cœnæ obsignetur et cōfirmetur, cōmunionē corporis & sanguinis Christi, aduersa fronte pugnat cū dogmate Pōtificiorū de dubitatione. Atq; propter hāc ipsam causam, huic fidei nullū uolunt locū cōcedere, in præparatione ad salutarē Eucharistiæ sumptionē. Nec tamē ausi fuerūt, fidē simpliciter et manifestè ex præparatione illa proscribere. Ideo pœnitētiæ seu cōtritioni opponūt solā fidē: et dānāt, si quis dixerit solā fidē esse sufficientē præparationē. Quod si intelligatur de p̄suasione, quā sine pœnitētiā, in p̄posito malefaciendi, impij sibi fingūt: nō inuitus hoc cōcedo. Sed aliud est, ut iā dicā, qd' in hoc Canone dānandū sibi sumpserūt.

3. Obseruādū est, quo sensu Lutherus, De captiuitate Babylonica dixerit, dignā præparationē non esse, nisi fidē qua creditur diuinæ promissioni, quæ in cœna Dominica proponitur et offertur. Inde enim Tridētini, XI. Canonē excerpserūt. Nō autē excludit Lutherus agnitionē catorū nostrorū, cōtritionē seu pœnitētiā: sed pugnat cōtra Pōtificios q & ipsi habēt, & alijs proponūt multa & uaria præparatoria opera: quib. expletis, existimāt se satis di-

tis dignè paratos, ad celebrandā uel audiendā Missam, et ad ipsam etiā cōmunionē, ita ut de fide petēte, quērētē apprehēdētē & accipiētē promissionē noui Testamēti in cœna, nihil solliciti sint. Ipsam etiā pœnitentiā, hac ratione requirūt, ut eius operib. et merito tribuāt dignā præparationē: ita ut salutaris māducatio, nostra dignitate & puritate nostris operibus præparatorijs, et meritis nitatur. Cōtra istas opiniones Lutherus docet, cœnā Dominicā à Christo institutā esse, nō ut ibi nos aliqd Deo cōferamus, atq; ita nostris operib. in cœna Dominica salutē nobis procuremus: sed quæ filius Dei, traditione sui corporis, et effusione sui sanguinis, promeruit, illa, gratuita misericordia nos præueniēs, offert nobis in promissione Euāgelij: cui exhibitio nē corporis et sanguinis sui sub pane et uino, tanq̃ pignus & ob signationē addit. Gratuita uerò promissio Euāgelij, nō operib. et meritis nostris, sed si de apprehēditur & accipitur. Ro. 4. & 11. Et hoc solius fidei officium est, sine qua inutilis est nobis promissio: sicut in prima parte examinis de fide ostēsū est. Accedit, q̃ antithesis inter nostrā indignitatem, & inter diuinam præstantiam cibi & potus in Eucharistia, turbat & terret conscientiam: ex qua tentatione eluctari non possumus, si nitamur fiducia cōtritionis, confessionis et satisfactionis nostræ, operum præparatoriorū, dignitatis, puritatis, & capacitatis nostræ. Respicienda



igitur est promissio noui Testamenti, quæ in cœna Dominica nobis proponitur, & gratuito nobis offert corpus & sanguinem Christi, & in illis totum beneficium noui Testamenti. Nec ad accipiendum requirit nostra merita, et dignitatem nostrā, sed tantum ut agnoscantes indigentiam, infirmitatem et indignitatem nostrā, esuriamus & sitiamus gratiam illam: atq; ita quæ gratuito, propter meritum Christi, nobis in cœna Dominica offeruntur, fide accipiamus. Hæc certè ex natura gratuite promissionis Euangelij, & ex mutua relatione inter promissionem & fidem, certissima & uerissima sunt. Et hoc sensu Lutherus dicit, solam fidem esse ueram & sufficientem præparationem ad sumendam Eucharistiam. Et disertè addit: Ad hanc fidem mox sequetur sua sponte, dulcissimus affectus cordis, hoc est charitas. Illam etiam fidem in pœnitentia existere tradit.

Et hæc est sententia illa, quam undecimus Cœnon damnat: ut scilicet contrarium dogma stabiliat de fiducia nostræ contritionis, confessionis, satisfactionis, dignitatis & puritatis per opera præparatoria: ut illis salutaris manducatio, in cœna Domini niti doceatur. Sed hac ratione, fructus cœnæ Dominicæ redditur nobis uel inutilis, uel inanis, uel certè dubius & incertus. Scholastici enim tradunt, præparationem quandam esse sufficientiæ & ueritatis: quam Bonauentura dicit consistere

sistere in peccati omnis expulsionem, in reuerentia  
 & dilectione. Et qui ita preparati accedunt, illos  
 dicunt consequi fructum Eucharistiæ. Aliam uerò  
 dicunt esse præparationem probabilitatis, quan-  
 do homo faciendo quod in se est, iudicio propriæ  
 conscientie existimat se paratū esse. Sed talis præ-  
 paratio, sæpe secundum ueritatem non est suffici-  
 ens. Et ibi consentiunt, qui ita accedit, eum nō con-  
 sequi effectus huius Sacramenti: disputant autem,  
 an talis indignè manducet, & nouo peccato mor-  
 tali, ita communicando se inuoluat, cumq; incer-  
 tum sit, quando habeamus præparationem suffici-  
 entie ueritatis, quando probabilitatis: semper in-  
 certa hærebit conscientia, an dignè uel indignè  
 manducet. Atq; ita conuulsa erit necessaria conso-  
 latio, quæ in usu cœnæ Dominicæ à Christo nobis  
 proponitur. Hæc uerò est compendiaria illa uia,  
 qua homines à crebriori usu cœnæ Dominicæ de-  
 terrent: ut nundinationē priuatarum Missarum,  
 auidius sectentur et amplectantur, & quæ sine peri-  
 culo meritoria sit, ad delēda quæuis peccata mor-  
 talia. Hæc omnia sciat lector inuoluta esse in XI.  
 hoc Canone: quæ primo aspectu nō facile animad-  
 uertuntur, nisi disputationes ex quibus Canon ille  
 excerptus est, inspiciantur & considerentur.

4. Est & illud expendendum, quod VII. capi-  
 tulum dicit, non absq; magna sanctitate, acceden-  
 dum esse ad Eucharistiam, ne iudicium manduce-

mus. Vſitatiſſima autem eſt Apoſtolica illa phraſis, quæ omnes credentes, ſeu diſcipulos Chriſti, uocat ſanctos, quibus etiã Deus ipſe dicit: Sancti eſto te, quoniã ego ſanctus ſum. Sicut aut uerbũ, *ἁγῶς* ſignificat, quod à communi & prophano uſu, in uſum ſacrum ſegregatũ, & ad diuinũ ſeu miniſterium ſeu cultum accommodatum eſt: ita ſancti uocantur, non qui ita perfectè, omnibus ſordibus expurgatis, puri & mundi ſunt, ut illa ſua puritate coram Deo niti & confidere uel poſſint uel debeant: ſed qui per pœnitentiam à peccato auerſi, & fide Chriſto, qui ſanctificatio noſtra eſt, inſiti ſunt, & per Spiritũ ſanctũ renouari cœperunt, uocantur ſancti, & imputatiuè & inchoatiuè: licet cum Paulo Rom. 7. & Iſaia cap. 64. agnoſcant & fateantur, ſe multis adhuc malis & ſordibus contaminatos eſſe. Vocantur enim ſancti in Chriſto Ieſu. Ita ergo uetus Eccleſia rectè proclamauit ante communionem: Sancta ſanctis. Non enim datur communicatio, niſi baptizatis: quos Chriſtus ſanctificauit, mundans lauacro aquæ in uerbo. Eph. 5. Et certè, ſicut dictum eſt, dignè acceſſuri ad cõmunione, afferre debent pœnitentiã: quæ eſt Hebraica phraſi, ſanctificatio, hoc eſt, auerſio à peccato ſeu immundicie. Debent etiã afferre fidem, in promiſſionem Euangelij. Verbũ uerò eſt ueritas, in qua ſanctificatur credẽtes: Ioh. 17. fide enim purificatur corda: Act. 15. Tali ſanctitate accedendũ eſſe

esse ad Eucharistiā, ne iudicium manducemus, non negamus. Qui enim sine pœnitētia in peccatis perseuerat, & retinet propositū maleficiēdi, uerē immundus & indignus est. Et in hāc sententiā Augustinus in Iohannem homilia 88. dicit: Accedens debet esse plenus sanctimonia, & immaculatus. Ita etiam Hesychius libro sexto, in 22. caput Leuitici dicit, pollutos non esse admittēdos, nec mandatos prohibēdos. Et addit explicationē: Qui semetipsum probat, si peccati sibi cōsciū est, & pollutionē animæ se habere sentit, pœnitet sine dubio: & post pœnitētiā, de pane comedere, & de calice sancto & impolluto bibere potest. Et lib. 7. in 26. caput dicit, hāc esse probationē, ut in mūdo corde et cōscientia, ad pœnitentiā eorū quæ olim deliquit, intendenti, participetur sanctis ad ablutionē peccatorū suorū. Atq; idē uult Augustini sentētia: Mutet uitā, qui uult accipere uitā. Nam si non mutet uitam, ad iudicium accipiet uitā: & magis ex ipsa corrumpitur q̃ sanatur, magis occiditur quā uiuificatur. De ecclesiasticis dogmatibus cap. 53. Habentem adhuc uoluntatē peccandi, grauari magis dico Eucharistiæ perceptione, quā purificari.

Idem etiam uult ueteris Ecclesiæ consuetudo, quæ Catechumenos, et illos quibus propter notoria scelera, publica pœnitētia imposita erat, ex Ecclesia dimittebat, quando ad communionē mysteriorum peruentum erat. Et tunc sacerdos, par-

recturus



recturus populo Eucharistiam, magna uoce dicebat: ancta sanctis: ut scilicet quisq; seipsum probaret. Si hoc modo accipiatur quod VII. capitulum dicit, magna reuerentia & sanctitate ad percipiendam Eucharistiam accedendum esse: nō repugno. idem enim & nos docemus. Sed uideo Pontificios sanctitatem ita interpretari, ut ante communionē, nostris operibus & satisfactionibus, summā quamdam animi mundiciem & innocentiam (ita enim Andradius loquitur) nobis acquiramus: ut non opus sit, in cōmunionē Eucharistiæ querere & accipere remissionis peccatorū uel applicationem, uel obfignationē: sed quod nostra puritas digna iam sit, cui Christus cum suo corpore & omnibus beneficijs suis, se coniungat & cōmunicet. Hoc enim unico argumento Andradius probat, in usu cœnæ Dominicæ non accipi remissionē peccatorū. Hæc uerò præsumptio pugnat cum ipsa institutione cœnæ Dominicæ, & efficit uel superbos phariseos, uel terribas conscientias absterret ab usu cœnæ Dominicæ.

5. Dicunt probationē hanc necessariam esse, ut ante cōmunionem necessariò præmittatur Sacramentalis cōfessio. Et quidem, quo instituto & usu, in nostris Ecclesijs confessio, tanquā utilis ad uerā probationem seruetur, paucis suprà indicauī. Sed Tridentini præparationē constituunt in ipso opere confessionis, in enumeratione omnium delictorum,

rum, & præcipue in operibus satisfactionis, quæ in confessione iniunguntur. Et hanc probationem uolunt esse necessariam. Sed de Sacramentali confessione, postea in loco de pœnitentia, dicendū erit. Nunc tantum indicare uolui, qualis sit præparatio, de qua Pontificij, sepulta fide, disputant.

DE VSV ADMIRABILIS HVIVS  
Sacramenti. Cap. VIII.

*Quo ad usum autem, recte & sapienter patres nostri tres rationes hoc sanctum Sacramentum accipiendi distinxerunt. Quosdam enim docuerunt Sacramentaliter duntaxat id sumere: ut peccatores. Alios tantum spiritualiter: illos nimirū, qui uoto propositum illum cœlestem panem edentes, fide uiua quæ per dilectionem operatur fructum eius & utilitatem sentiunt. Tercios porro, sacramentaliter simul et spiritualiter: ij autem sunt, qui ita se prius probant & instruunt, ut*  
uestem

uestem nuptialem induti, ad diuinam hanc mensam accedant. In Sacramentali autem sumptione, semper in Ecclesia Dei mos fuit, ut laici à sacerdotibus communionem acciperent, sacerdotes autem celebrātes, seipsos communicarent, qui mos tanquam ex traditione Apostolica descendens, iure ac meritò retineri debet, &c.

Canon. 8.

*Si quis dixerit, Christum in Eucharistia exhibitum, spiritualiter tantum manducari, & non etiam sacramentaliter ac realiter, anathema sit.*

Canon. 10.

*Si quis dixerit, non licere sacerdoti celebranti seipsum communicare, anathema sit.*

EXAMEN.

## E X A M E N.

Illam ueterum distinctionem, ut ueram, cōmodam & utilem probo: corpus scilicet & sanguinē Christi, tribus modis manducari & bibi.

Primò spiritualiter tantū, ab illis qui etiam extra usum cœnæ Dominicæ, uera fide in promissione Euangelij, meritum traditi corporis Christi, & effusi ipsius sanguinis, apprehendunt & sibi applicant, de qua manducatione, Christus præcipue concludatur Ioh. 6.

Secundò, Sacramentaliter tantum: ab illis scilicet, qui indignè manducant de illo pane, de quo Christus affirmat: Hoc est corpus meum.

Tertiò, Sacramentaliter & spiritualiter: ab illis qui in usu cœnæ Dominicæ, ore suo, cum pane & uino accipiunt corpus & sanguinem Christi: ita ut simul fides, iuxta promissionem statuatur, Christum illa sumptione sibi applicare & obsequare beneficia sua, quæ traditione sui corporis, & effusione sanguinis promeruit: & beneficia illa quæ in usu cœnæ uescentibus offeruntur, grata mente, & leta fiducia amplectatur & accipiat. Non enim probo illorum sententiam, qui aliter sentiunt, quàm uerba institutionis tradunt: corpus scilicet & sanguinem Christi, in usu cœnæ Dominicæ tantum spiritualiter per fidē manducari, ita ut os nostrum tantum elementa panis & uini accipiat, nō autem simul cū pane et  
uino



uino accipiat etiam corpus & sanguinem Christi, licet modo supernaturali & cœlesti. De eo enim quod in cœna Dominica nobis exhibetur, quod os nostrum accipit, filius Dei pronunciat: Hoc est corpus meum, Hic est sanguis meus. Et quia in peculiari libello fundamenta huius sententiæ plenius explicauimus, hoc loco nihil addam.

Et quidem nihil amplius inquirerem in VIII. hoc capitulū, nisi in prioribus aliquoties animaduertissem insidias, ubi nihil minus primo aspectu apparebat. Duo igitur, quantum animaduertere possum, in hoc capitulo insidiosè posita sunt, quæ iudico expendenda esse.

Primum, quòd nō dicunt, ipsam carnem & sanguinem Christi spiritualiter manducari & bibi à uerè credentibus, etiam extra actionem & usum cœnæ Dominicæ: sed dicunt, ipsum Sacramentum Eucharistiæ, spiritualiter tantum sumi à quibusdam: qui scilicet id quod in cœna Dominica exhibetur, ore suo non accipiunt. Et sanè qui dicunt uoto edi Eucharistiam, posset intelligi de illis qui non possunt habere copiam communionis Sacramentalis: uel de illis qui in cœtu Ecclesiastico, etiā quando non Sacramentaliter communicant, tamen uera fide inherētes Christo, spiritualiter carnem ipsius manducant, & sanguinem bibunt. Sed arbitror Tridentinos hoc non uelle. Sed quia in priuatis ipsorum Missis, Sacramentum ex circumstantibus

stantibus nemini exhibetur, nemo est qui illud accipiat, māducat & bibat: ne tamen exprofecto nimis manifestè in ipsam Christi institutionem præuaricari uideantur, fingunt, mandato Christi, ubi usum coenæ suæ ita describit: Dedit illis, dicēs: Accipite, manducate, bibite: hoc facite in mei commemorationem, &c. satisfieri, etiamsi Missa ita celebretur, ut Sacramentum nemini distribuatur, nemo illud accipiat & manducet, modò fide uiuè spiritualiter aliqui carnem Christi manducent. Atqui alium modū manducandi carnem suam, extra actionē & usum coenæ suæ, Christus describit Ioh. 6. Aliū uerò instituit & describit, qualis debeat esse in actione & usu coenæ suæ: ut scilicet cū pane & uino exhibeatur, ore sumatur, manducetur & bibatur corpus & sanguis ipsius: idq; in ipsius cōmemorationem: hoc est, ut ad Sacramentalem accedat spiritualis manducatio. Actioni igitur coenæ Dominicæ non satis fit, sola spirituali manducatione: si nemini scilicet Sacramētum exhibeatur, nemo illud accipiat, manducet & bibat.

Alterum quod expendendum iudico, est, quòd disputant de more, quo sacerdos celebrans, seipsum communicat. Et quidem non iudico pugnare contra ipsam substantiam institutionis coenæ Dominicæ, si minister qui alios communicat, ipse etiam de pane illo edat, & de poculo illo bibat: præsertim cum ueteris Ecclesiæ exempla suffragen-

#### 214 EXAMEN DECRETORVM

tur. Atque illud simpliciter sine superstitione fit in nostris Ecclesijs. Sed morem illum, tanquam ex Apostolica traditione descendente, necessario semper observandum esse, probari non potest. Et non sunt conscientijs, tanquam necessaria imponenda quæ non habent in Scriptura mandatum Dei. Et Nicolaus Cusanus ad clerum Bohem. dicit, Sacerdotem celebrantem solere de manu diaconi, calicem accipere.

Aliud uerò præterea est, quod X. Canon in synodo agit: ut scilicet uera sit communio, consentiens institutioni Christi, etiamsi solus sacerdos, in priuata missa, seipsum tantum communicet. Sed hoc cum descriptione Pauli, 1. Cor. 11. non conuenit. dicit enim, non posse celebrari coenam Dominicam, si quisque *ἑαυτοῦ δεῖνα φάγῃ*, priuatam, propriam seu peculiarem coenam, quæ cum nemine ipsi cõmunis sit, præoccupet. Christus etiam alijs dedit, quibus dixit: Accipite, manducate. Vt igitur non sit illicitum, si sacerdos celebrans, seipsum unà cum alijs communicet: non tamen est uera communio coenæ Dominicæ. si sacrificulus in priuata Missa, priuatam coenam quæ cum nemine sibi communis sit, instituat.

Et hæc sunt, quæ in hoc capitulo iudico in synodo posita esse, quæ aliqua consideratione opus habent.

Canon.

*Si quis negauerit, omnes & singulos, Christi fideles utriusq; sexus, cum ad annos discretionis peruenerint, teneri singulis annis, saltem in Paschate, ad communicandum, iuxta præceptum sanctæ matris Ecclesiæ, anathema sit.*

## EXAMEN.

Inter ceteras querelas, de collapsa sinceritate doctrinæ & disciplinæ in Ecclesia, una hæc non postrema est, quòd Pontificij, homines à crebriori Eucharistiæ usu partim persuasione de spectandis priuatis Missis abduxerunt, partim doctrina sua de præparatione deterruerunt. Et persuasum fuit uulgo, satis superq; esse, si semel in anno communionem uteretur. idq; præstantius opus esse, si statuto tempore, in Paschate scilicet fieret, non ex propria deuotione, propter mādātum Christi, sed ex præcepto Ecclesiæ. Et ego sanè cogitassem, si quid ac de re Tridentina synodus statueret, etiā si cōsuetudinē cōmunionis in Paschate retinere uellet, fore tamē, ut ad crebriore et frequētiore cōmunionis usum, per totū annū homines exhortarentur: nec eos præcepti, uel legis necessitate, ad cōmunionē in Paschate adigeret. Sed sicut in tota syno-



## §16 EXAMEN DECRETORVM

do propositum ipsis fuit, nō aliquid uel minimum ex ijs quæ in Papatu recepta & usitata sunt, ad normam uerbi corrigere, uel saltem mitigare, sed omnia & singula, qualiacunque sint, simpliciter tantum repetere, confirmare & stabilire: ita per totam hanc sessionem, nullam literam de crebriori Eucharistiæ usu uoluerunt ponere, sed in fine repetunt capitulum: Omnis utriusq; sexus, de unica communione in anno: idq; statuto tempore, & ex præcepto Ecclesiæ. Obiter tamen & ualde leuiter additur particula (saltem) ne prorsus prohibuisse uideantur, si quis crebrius uelit communicare. Interim manet persuasio, satis esse, si quis in anno semel utatur communione. Quod si quis crebrius utatur, mox affingitur opinio meriti, operis supererogationis, quia nō ex præcepto fiat. Pauca igitur quædam, de tempore communionis annotabimus. Et Christus quidem diligēter & sollicitē in institutione cauit, ne existimaretur communionem ad certum & statutū tempus alligasse: propterea quia illo tempore, quando Iudæi iuxta legem Pascha manducabant, cœnam suam instituit. Erat enim statutus dies, in certo mēse anni, mædicationi Paschatis in lege præfinitus. Dicit igitur: Hoc facite, quotiescunq; manducaueritis et biberitis, in mei cōmemorationem. Et particulam illam à reliquis Euangelistis omissam, Paulus peculiari sollicitudine bis repetit. Ad utrumq; autē particula

tricula illa (Quotiescunq;) respicit: primò, ne celebra-  
 tio seu cõmunio cœnæ Dominicæ, existimetur  
 sicut Pascha Iudæorū, ad certū & statutū tempus  
 alligata esse. Secūdò, ne existimetur, illud de quo  
 Christus dixit, Hoc facite: semel tantū in anno fa-  
 ciendum esse: sicut in lege sufficiebat, Pascha semel  
 tantū in anno manducare: imò nō licebat illud uel  
 sæpius, uel alio tēpore anni manducare, quàm in  
 lege præfinitum erat, siue pro mundis, siue pro im-  
 mundis. Valde significāter autē loquitur Paulus  
 in modo potētiali, ὅσας αὐ ἐδίναται πινυται:  
 quotiescunq; hoc māducaueritis & biberitis. Cer-  
 tissimū igitur & manifestissimū est ex institutione  
 Christi, sicut cõmunio cœnæ Dominicæ non est al-  
 ligata ad certum seu statutū tempus anni, ita etiam  
 non semel tantum in anno usurpandū esse. Iudaico  
 enim Paschati, quod & semel in anno, & statuto  
 tēpore anni celebrabatur, Christus particulam il-  
 lam opponit: Quotiescūq; biberitis, &c. Nec ta-  
 men arbitrarīū uoluit cõmunionis usum credenti-  
 bus permittere, ut idem esset, siue ea aliquando ute-  
 rentur, siue prorsus nō uterentur, aut quando libi-  
 tum esset: sicut fit in rebus adiaphoris. Nō enim di-  
 cit, quando libitū fuerit, ut in actionibus adiapho-  
 ris: sed inquit, Quotiescunq; feceritis. Nec sicut se-  
 mel tantū baptizamur, ita semel sufficit cœna Do-  
 minica uti. dicit enim, Quotiescunq;: ut scilicet de  
 pane illo manducemus, & de calice illo bibamus,

quotiescunq; utile & necessarium nobis esse agnos-  
 scimus & sentimus pharmacum & antidotum il-  
 lud, quod in Eucharistia Samaritanus noster, uul-  
 neribus nostris infundit: modò nos ipsos probe-  
 mus, ne ad iudiciũ illud accipiamus. Regula enim,  
 quando & quoties communionem utendum sit, sum-  
 menda est. 1. ex doctrina de fructu et efficacia Eu-  
 charistiæ: quando scilicet, & quoties efficacia illa  
 nobis opus esse agnoscimus. 2. ex doctrina de pro-  
 batione: ne scilicet indignè accipiamus. Et ex his  
 fundamentis homines docendi, monendi & exhor-  
 tandi sunt ad crebriore & frequentiore usum Eu-  
 charistiæ. Christus enim quia inquit, Quotiescun-  
 que hoc feceritis: omnino uult, ut qui discipuli ip-  
 sius sunt, crebrò hoc faciant. Nec ueri uel fideles  
 Christi ministri sunt, qui quacumq; ratione popu-  
 lum à crebriori usu cõmunionis Eucharistiæ ab-  
 ducunt, uel absterrent.

Et pulcherrima sunt ueræ antiquitatis exem-  
 pla, de crebro Eucharistiæ usu. Apud quosdã enim  
 usitata fuit quotidiana Eucharistiæ communio: a-  
 pud quosdã bis in hebdomada: apud quosdam die  
 Dominica, feria 4. et 6. et sabbatho: apud quosdã  
 Dominicis saltẽ dieb. Huius rei testimonia sunt a-  
 pud Hieronymũ, in epist. ad Luciniũ: apud Ambro-  
 siũ in 2. cap. prioris ad Timotheũ: apud Augusti-  
 nũ, epist. 118. De fide ad Petrũ ca. 19. De Ecclesia-  
 sticis dogmatib. cap. 53. apud Socratẽ lib. 5 ca. 22.

Et

Et quod maxime ad explicationem huius Canonis pertinet, cōsuetudo fuit in ueteri Ecclesia, q̄ in festis solēnioribus, tota multitudo ad maiores basilicas cōueniebat, & ibi solēnis quædā cōmunio celebrabatur: ut quisq; publica professione ostēderet, se esse membrū Ecclesiæ. ita conciliū Agathense I. canone 21. cōcedit in priuatis oratorijs usum cōmunionis: sed in maioribus festiuitatibus, uult omnes cōuenire ad parochias, ubi legitimus est, ordinariusq; cōuentus. Et de Consecra. dist. 2. cap. Seculares natalis Domini, Pascha & Pentecoste nominatur. Chrysostomus indicat, in sua Ecclesia, in Paschate talem solennē cōmunionē celebratā fuisse. Homilia 11. ad populū Antiochenū: Et ad Heb. 10. nominat unam in anno perceptionē. Inde Leo ad Dioscurū Alexandrinū scribit: Si solennior festiuitas conuentū populī numerosioris indixerit, quē recipere simul una Basilica non posset, sacrificij oblatio indubitanter iteretur, &c. Inde collapsa hac consuetudine, plures Missæ eodē die in eodem templo manserunt, extra primum et uerum usum. Rhenanus existimat, ex frequentioribus illis conuentibus ad solennē hanc communionē, reliquum adhuc esse post collapsam illam consuetudinē hoc uestigium, quod nundinæ in urbibus Germaniæ celebrioribus retinent appellationem Missarum. Et talis solennis cōmunio, non malo consilio primum instituta fuit: ut scilicet omnes publica pro-



feſſione oſtenderent, ſe eſſe membra uera Eccleſiæ:  
 ut ſicut unus eſt panis, ita multos ſe unum corpus  
 eſſe admonerentur: utq; oſtenderent, ſe diſſentire  
 ab omnibus hæreticis. Atque hoc modo unitas &  
 conſenſus in doctrina & fide conſeruaretur. Sicut  
 dicit canon Agathenſis: Seculares qui in natali Do-  
 mini, paſchate et Pentecoſte non cõmunicauerint,  
 inter catholicos non habeantur. Sed conſuetudo il-  
 la, per ſe non mala, mox in abuſum degenerauit.  
 Multi enim putabant ſatis eſſe, ſi ſaltem illis ſolen-  
 nioribus temporibus communicarent: alijs uerò  
 temporibus, communionẽ nec curabant, nec que-  
 rebant: maximè cum uiderent eremitas tantum ſe-  
 mel in anno, uel poſt biennium ex eremo progredi  
 ad Eccleſias, ad cõmunionẽ: ſicut indicat Chry-  
 ſoſtomus in 10. cap. ad Hebr. Illam uerò prauam  
 perſuaſionem Patres grauiffimè reprehenderunt:  
 & populum ad crebriorem communionis uſum,  
 grauiffimè exhortati ſunt. Chryſoſtomus in 1. cap.  
 ad Ephesios inquit: Fruſtra habetur quotidiana  
 oblatio, fruſtra ſtamus ad altare: nemo eſt qui ſi-  
 mul participet. Et in 10. caput ad Hebr. inquit:  
 Hæc dicens, non ab una in anno perceptione uos  
 ueto, ſed uolo ſemper uos accedere. Ambroſius de  
 Sacramentis libro 6. cap. 4. inquit: Si quotidianus  
 eſt cibus: cur poſt annum illum ſumitis, quemad-  
 modum Græci in Oriente facere conſueuerunt. Et  
 Chryſoſtomus homilia 11. increpat populum An-  
 tioche-

tiòchenum, quòd in Quadragesima litigarent, & tamen in Paschate, sine uera probatione, ex consuetudine, ad solennem communionem accederet. Et in 1. caput ad Ephesios: Alijs temporibus sæpe cum mundi estis, non acceditis: in Paschate uerò, etiamsi quid temerarium sit commissum, nihilominus acceditis. O consuetudinem, ô præsumptionem. Has grauissimas reprehensiones lector diligenter hoc loco obseruet. Hæc enim recitauì, ut ostenderem, longè aliud esse ueterem solennem communionem in Paschate, quàm sicut nunc apud Pontificios seruatur. Illi enim simul docendo, monendo, hortando, & arguendo urgebant frequentem & crebriorem usum communionis: Pontificij uerò censent, ex præcepto neminem obligari, nisi ut semel tantum in anno communicet, modò interim priuatarum Missarum spectaculum liberaliter coemat. Hæc profectò longissimè absunt à ueteris Ecclesie forma. Canon Apostolorum nonus de communionem eorum qui in synaxi præsentem erant, disertè statuit: πάντας τῆς ἐκκλησίας πιστοὺς καὶ τῶν γραφῶν ἀκούοντας, μὴ παραιμένοντας διὰ τῆ προσευχῆ καὶ τῆ ἀγίας μεταλήψαι, ὡς ἀτάξιας ἐμποιοῦντας τῆς ἐκκλησίας, ἀχορίσθαι ἔχον. Quæ sententia etiam in 2. Canone Antiocheni concilij repetitur. Cum uerò quotidiana communio postea à populo intermitteretur, religiosi tamen seu clerici, quotidie ad communionem conueniebant:

sicut ex Micrologo Cassander citat. Et de illa communione intelligi uolunt, quod Anacleti canon, de Consecra. dist. 2. dicit: Parata consecratione, omnes communicent, qui noluerint Ecclesiasticis carere luminibus. Adeò nullam uoluerunt Missam esse, sine communicantibus. Diebus uerò Dominicis, & alijs festiuitatibus, populus ad communionē conueniebat. Deinde cum & hoc intermitteretur, statutum fuit, ut si non frequētius, saltem ter in anno omnes communicent. De Consecra. dist. 2. cap. Et si non frequentius. Tandem Lateranense concilium, laicis semel in anno iudicauit satis esse, uti cōmunionē. Quotidiana etiam clericorum communio sensim intercidit. Atq; ita collapsa crebrioris communionis usu priuata Missæ sine communicantibus, seu clericis, seu laicis, per totum annum inualuerunt: & accessit persuasio, idē esse spectare Missam, atq; uti cōmunionē: imò minori cū periculo, & maiori cum fructu, spectaculum Missæ coniunctum esse, quàm ipsam communionē. Ita tandem populus à crebriori communionis usu prorsus abductus est, trāsformariq; cepit coena Domini in spectaculum: ut ubi Christus dicit: Accipite, manducate, bibite: Pontificij substituere non uereantur, Accedite & spectate, & idem erit ac si manducaretis & biberetis.

Et hæ prauæ persuasiones cum ab aliquot iam annis, tristissima animarum iactura, in Ecclesia hæreant:

reant, quid quaeso remedij, Tridentini patres asserunt? Num conantur restituere crebriorem communionis usum, iuxta mandatum Christi? num uolunt homines ad illum exhortandos? Profectò ne unum quidem uerbum, in tota illa sessione animaduertitur, quod hoc uel leuiter significet: sed simpliciter dicunt, omnes fideles teneri ex praecepto, ut semel singulis annis communicent. Addunt autem particulam, Saltem, ne prohibuisse uideantur: cum seriò & grauius adhortandi essent homines, ad crebriorem communionis usum, illam igitur consuetudinem & persuasionem Pontificiae ecclesiae, ostendi nec cum Scriptura, nec cum exemplis ueteris Ecclesiae consentire. Et profectò insignis est impudentia, quòd ne uerbo quidem mentionem faciunt crebrioris communionis: sed tantum de uinica in anno communionem, usitatam suam cantilenam repetunt. Modestius aliquanto agit Colonien. se antididagma. quod licet defendat consuetudinē illam, tamen addit, diligenter admonendos esse homines, ut se frequentius ad Eucharistiae perceptionem praearent, Sed ne talis quidem modestiae significatio, iudicata fuit decere illos, qui locum cum Romani pontificis in Tridentino concilio representarunt.



524 EXAMEN DECRETORVM  
DOCTRINA, DE COMMVNIONE  
sub utraq; specie, & paruulorum, pub-  
licata in Sessione quinta sacri œcume-  
nici concilij Tridentini: Sub S. D. N.  
Pio IIII. Pont. Max. die 16. Iu-  
lij, anno Domini

1562.

PROOEMIUM.

*Sacrosancta œcumenica & gene-  
ralis Tridentina Synodus, in Spiritu  
sancto legitimè congregata, præsen-  
tibus in ea eisdem Apostolica sedis le-  
gatis, cum de tremēdo & sanctissimo  
Eucharistia Sacramēto, uaria diuer-  
sis in locis errorum monstra, nequissi-  
mi demonis artibus circumferantur,  
ob quæ in nonnullis prouincijs multi  
à catholica Ecclesiæ fide atq; obedien-  
tia uideātur discessisse: censuit, ea quæ  
ad communionem sub utraq; specie, et  
paruulorum pertinent, hoc loco expo-  
nenda esse. Quapropter cūctis Christi  
fide-*

*fidelibus interdicit, ne posthac de ijs aliter uel credere, uel docere, uel prædicare audeant, quàm est ijs decretis explicatum atq; definitum.*

*Laicos & clericos non conficientes, non astringi, iure diuino ad communionem sub utraq; specie. Cap. I.*

*Itaq; sancta ipsa Synodus, à Spiritu Sancto (qui Spiritus est sapiëntie & intellectus, spiritus cõsiliij et pietatis) edocta, atq; ipsius Ecclesiæ iudiciũ & consuetudinẽ sequuta, declarat ac docet, nullo diuino præcepto laicos et clericos non conficientes, obligari ad Eucharistiæ Sacramentũ, sub utraq; specie sumendũ: neq; ullo pacto (salua fide) dubitari posse, quin illis alterius speciei cõmunio ad salutem sufficiat. Nam etsi Christus Dominus in ultima cœna, uenerabile hoc Sacramentũ in panis & uini speciebus instituit, & Apostolis tradidit:*

tradidit: non tamen illa institutio & traditio eò tendunt, ut omnes Christi fideles statuto Domini, ad utramque speciem accipiendam astringantur. Sed neque ex sermone illo apud Ioannem sexto, rectè colligitur utriusque speciei communionem à Domino præceptam esse, utcunque iuxta uarias sanctorum Patrum, & doctorum interpretationes intelligatur. Namque qui dixit: Nisi manducaueritis carnem filij hominis, & biberitis eius sanguinem, nō habebitis uitam in uobis: dixit quoque: Si quis manducauerit ex hoc pane, uiuet in eternū. Et qui dixit: Qui manducat meam carnē, et bibit meum sanguinē, habet uitā eternam: dixit etiam: Panis quem ego dabo, caro mea est, pro mūdi uita. Et deniq<sup>ue</sup> qui dixit: Qui manducat meam carnem,

*carnem, & bibit meum sanguinē, in me manet, & ego in illo: dixit nihilominus: Qui manducat hunc panem, uiuet in eternum.*

*Ecclesie potestas circa dispensationem Sacramenti Eucharistie. Cap. II.*

*Præterea declarat, hanc potestatem perpetuò in Ecclesia fuisse, ut in Sacramentorū dispensatione, salua illorum substantia, ea statueret uel mutaret, qua suscipientiū utilitati, seu ipsorū Sacramentorū uenerationi, pro rerū, tēporum et locorū uarietate, magis expedire iudicaret. Id aut Apostolus nō obscure uisus est innuisse, cum ait: Sic nos existimet homo, ut ministros Christi, & dispensatores mysteriorum Dei. Atq; ipsum quidē hac potestate usum esse, satis constat, cū in multis alijs, tum in hoc ipso Sacramēto, cum ordinatis nonnullis circa eius usum:*

*Cetera,*



Cetera, inquit, cum uenero disponam. Quare agnoscens sancta mater Ecclesia, hanc suā in administratione Sacramentorū autoritatē, licet ab initio Christianæ religionis, nō infrequēs utriusq<sub>3</sub> speciei usus fuisset: tamen progressu tēporis, latissimē iam mutata illa cōsuetudine, grauibus & iustis causis adducta, hāc consuetudinē sub altera specie cōmunicandi approbauit, & pro lege habēdam decreuit: quā reprobare, aut sine ipsius Ecclesiæ autoritate pro libito mutare non licet.

Totum & integrum Christum, ac uerum Sacramentum sub qualibet specie sumi.

Caput III.

Insuper declarat, quamuis redemptor noster (ut antea dictū est) in suprema illa cœna, hoc Sacramentū in duabus speciebus instituerit, & Apostolis tradiderit: tamen fatendum esse,  
etiam

etiam sub altera tantum specie, totum  
atque integrum Christum, uerumq;  
Sacramentū sumi: ac propterea, quod  
ad fructum attinet, nulla gratia ne-  
cessaria ad salutem eos defraudari,  
qui unam speciem solam accipiunt.

Canon. 1.

*Si quis dixerit, ex Dei praecepto, uel  
necessitate salutis, omnes & singulos  
Christi fideles utramq; speciem sanctis-  
simi Eucharistiae Sacramenti sumere  
debere, anathema sit.*

Canon 2.

*Si quis dixerit, sanctam Ecclesiā  
catholicam non iustis causis & ratio-  
nibus adductam fuisse, ut laicos, at-  
que etiam clericos non conficientes, sub  
panis tantummodo specie commu-  
nicaret, aut in eo errasse, anathe-  
ma sit.*

## Canon. 3.

*Si quis negauerit, totum & integrum Christum, omnium gratiarum fontem & autorem, sub una panis specie sumi, quia (ut quidam falso asserunt) nō secundum ipsius Christi institutionem, sub utraque specie sumatur, anathema sit,*

## EXAMEN.

Non turbabitur, ut opinor, lector, quòd hoc loco in examine non procedimus iuxta ordinem Sessionum Concilij: in quo abrupta tractatione de Eucharistia, interponitur doctrina de pœnitētia, & extrema unctione. Commodissimum enim esse iudicaui, ut ea quæ de Sacramēto Eucharistiæ inter nos & aduersarios controuersa sunt, uno ordine, & continua tractatione examinemur & explicentur. Accedit ergo tandem Tridentina synodus, ad celebrem & uulgatam illam controuersiam, de cōmunionē sub utraq; specie. De qua per multos iam annos, totius Christiani orbis nō tacitè tantum gemitus, nō obscura suspiria, nec priuatæ tantū disputationes: sed cōmunes querelæ, & publicæ flagitationes sonora uoce omnes Ecclesias,

atq;

atq; adeo (quod dubium non est) ipsum etiam cœlum impleuerunt. Ipsas certè, quantumvis crassas, Pontificiorū aures, tantū non obtuderunt. Neq; enim nostri tantū, ostensis euidentissimis & firmissimis ex uerbo Dei fundamentis et rationibus, strenuè et magno zelo, cū uoce tum scriptis hoc egerunt: uerum etiam inter illos qui Pōtificis partibus adhuc addicti sunt, ipsa rei euidentia hoc effectum est, quòd per uarias nationes & regna, publicis uotis & quotidianis efflagitationibus, restitutio calicis Dominici, petita & postulata fuit: idq; sæpius, etiam in solennibus regnorum & nationum conueniis. Nec uerò promiscua & indoctræ tantum multitudinis hæ flagitationes fuerunt, sed extant hac de re grauissimorum uirorū, qui sub ipso Pontificis regno, eruditione & dignitate celebres sunt, querelæ, uota, consilia & monita: imò publicis regum & principum etiam illorum qui à doctrina Pontificia non prorsus alieni sunt, legationibus cū aliàs sæpe, tum uerò potissimum in congregatione Tridentinæ synodi, solenniter inter cætera postulatum fuit: ut sublata iniusta prohibitione usus Dominici calicis, Ecclesiæ Dei iuxta Christi institutionem, & primitiuæ Ecclesiæ morem restitueretur.

Illæ uerò communes & publicæ flagitationes, nō ex cœco aliquo impetu, nō ex leuitate aliqua uel petulātia, nō ex stulta nouitatis affectatione,



uel pertinaci dissentiendi libidine, profectæ fuerunt: sed habent rationes profectò grauissimas, firmissimas & euidentissimas. quas in pauca & summaria capita redactas, non alienum ab instituti nostri ratione erit, hoc loco recensere, ut eo commodius ad examen Tridentinorum decretorum perueniamus. Ipsa enim antithesis rationum utriusq; partis, multum lucis explanationi huius controuersia adferet.

ARGVMENTA EX SCRIPTURA, pro communione sub utraq; specie.

Prima igitur ratio ab ipsa institutione Eucharistiae sumitur. Quia enim de Sacramentis, ex ipsorum institutionibus iudicandum est: nulli piorum dubium esse uel potest, uel debet, unicam & solam illam rationem administrandi, dispensandi & usurpandi Sacramenta, quod ad substantiam ipsorum attinet, optimam, rectissimam & tutissimam esse, quæ in institutione ipsorum, ab ipso filio Dei tradita est. Sacramenta enim non natura creantur, uel humano artificio formantur: sed institutio filij Dei, accedens ad elementa ab ipso ordinata, facit Sacramenta. Si uerò institutio filij Dei uel tollatur, uel adulteretur, uel mutiletur & mutetur: nulla ratione uel confici, uel haberi possunt

sunt uera Sacramenta. Hoc axioma, ne ab ipsis quidem inferorū portis labefactari potest. Extra comrouersiam autem est, Christum in ea nocte qua tradebatur, coenam suam instituisse: Accepit panem, gratias egit, fregit & dedit discipulis suis, dicens: Accipite, comedite, hoc est corpus meum, quod pro uobis traditur. Accepit uerò etiam calicem: & cum gratias egisset, dedit illis, dicens: Bibite ex hoc omnes, &c. Et Lucas (quod diligenter obseruandum est) ostendit, Christum uoluisse, parem esse rationem in dispensatione & usurpatione utriusq; partis. Absoluta enim descriptione, de dispensatione prioris partis, addit ὡσαύτως, similiter accepit, & dedit etiam calicem.

Et Matthæus tradit, institutionis hanc esse sententiam, ut omnes illi ex calice Eucharistiæ bibant, qui de uno pane participant. Illis enim qui benedictum panem iam acceperant, dicit: Bibite ex hoc omnes. Sicut igitur institutio tradit, panem benedictum esse dispensandum: Similiter etiam tradit, calicem esse dispensandum: & quidem illis ipsis, imò omnibus illis, quibus cum pane exhibetur corpus Christi, ut illud accipiant, & manducent.

Hæc certè ratio non potest non uehementer mouere piās mentes, quādo uident facta discessione ab ipsa institutione filij Dei, illud humana auctoritate mutilari, mutari & diuelli, quod uerbum Dei affirmat, Christum similiter, eodem modo &

coniunctim instituisse: cum quidem immotum sit fundamentum, institutionem seruandam esse, ut certi simus nos habere uerum Sacramentum. Nulla autem alia extat institutio Eucharistiæ, quàm hæc, quæ tradit similiter institutam esse dispensationem & usurpationem utriusq; partis.

Secunda ratio sumitur à mandato Christi. Non enim dogmaticè tantum tradita est institutio cœnæ Dominicæ, sed usurpantur in illa aliquot uerba, quæ expressè significant præceptum & mandatum Christi: Accipite, comedite: Bibite ex hoc omnes: Hoc facite. Sicut autem non pro solis duodecim Apostolis qui tunc interfuerant, cœnā suam instituit: ita etiam uerba mandantia, non tantum complectuntur tempus & actum primæ illius cœnæ, sed additum est mandatum perpetuum & uniuersale: ut scilicet illud quod in prima illa cœna factum est porrò usq; ad consummationem seculi in Ecclesia fiat. Inquit enim: Hoc (quod scilicet iam in hac prima Dominica cœna factum est) facite in mei commemorationem. Non obscurum autem est, quid in prima cœna factum sit. Christus accepit panē & calicē, gratiarū actione benedixit, distribuit, dedit discipulis, et dixit, &c. Discipuli sumpserūt, māducauerūt, & biberūt.

Et utring; addita fuit commemoratio Christi, hoc est, annuntiatio mortis ipsius. Mandatum igitur (Hoc facite) utrumq; complectitur: tum quid

ministri Ecclesie, in administratione & dispensatione Eucharistie: tū quid fidelis populus, in sumptione seu usurpatione facere debeant: hoc scilicet, quod in prima Dominica coena factum esse, in descriptione institutionis legimus. Illa uerò tradit, utrumq; & panem & poculum Domini, seorsim & dispensatum & sumptum fuisse. Vtq; omnia essent clarissima, Paulus tradit, se à Domino Iesu, sedente iam in gloria sua accepisse, quòd mandatum illud (Hoc facite) non ad unam tantum, sed ad utramque Eucharistie partem pertineat. Distinctè enim & separatim, & ad panem & ad poculum Domini, affirmat additum esse mandatum Christi: Hoc facite. Et ne quis existimet, huic mandato Christi satisfieri, si alterutrum fiat: Paulus in descriptione calicis, utitur particula (ὡσαύτως, similiter) ut ostendat, mandatum illud similiter eodem modo, & pari ratione, nec minus pertinere ad calicem quàm ad panem. Paulus enim quando uult significare, diaconos non minus quàm episcopos debere irreprehensibiles esse, utitur particula ὡσαύτως. 1. Ti. n. 3. Nec uerò ad illos tantū, quib. ministeriū administrandi, & dispensandi Eucharistiam, à Christo commendatum est, pertinet particula, Hoc facite. Paulus enim in descriptione calicis, uerba Christi ita recitat, ut manifestè ostendat, mandatum illud pertinere ad illos etiam quibus



Eucharistia dispensatur, datur seu exhibetur. Inquit enim: Hoc facite, quotiescunq; biberitis. Mandatum ergo Christi, quod cœnam suam in Ecclesia, usq; ad iudicium, uelit administrari, dispensari, sumi & usurpari, in pane scilicet & poculo benedictionis edendo & bibendo, certum & manifestum est. Et piorum conscientias hoc argumento uehementer moueri, non est mirum. Vniuersalis enim est sententia, quæ in Scriptura sæpius repetita est: Mandatis Domini nihil esse addendum, nihil detrahendum: nō esse ab ijs declinandum, siue ad dexteram, siue ad sinistram. Et grauissima est Cypriani sententia, lib. 2. episto. 3. Si ne unum quidem ex minimis mandatis legis soluere debet: multo minus ex his magnis mandatis, pertinentibus ad ipsum Dominicæ passionis & nostræ redemptionis Sacramentum, fas est ullum infringere, uel humana traditione mutare. Et Ambrosius. 1. Cor. 11. disputans de illis qui indignè hoc Sacramentum tractant, ita ut iudicium sibi acquirant, ita inquit: Indignus est Domino, qui aliter celebrat hoc mysterium, quàm ab eo traditum est. Non enim potest deuotus esse, qui aliter præsumit quàm datum est ab autore.

Tertia ratio sumitur à iure testamentorum. Nota enim est Pauli sententia, Gal. 3. ne in hominis quidem testamento, quando confirmatum est, licere aliquid, sine sacrilegij crimine uel abroga-

re uel superordinare. Est autē tota cœna Domini-  
ca, proprium noui Testamenti Sacramentum. De  
calice uerò Christus propriè & peculiariter in-  
quit: Hic calix nouum Testamentum est in meo  
sanguine. Illud testamentum filius Dei mediator,  
in ea nocte qua tradebatur, condidit: illud Testa-  
mentum effusione preciosissimi sui sanguinis ob-  
signauit. In illo testamento non terrena & caduca,  
sed cœlestia & aeterna bona Ecclesiæ suæ legauit.  
Cumq; huius sui Testamenti calicem in cœna Do-  
minica dispensandum & bibendum, omnibus illis  
pro quibus sanguinem suum effudit, instituerit:  
horrenda profectò audacia est, usum testameta-  
rij huius calicis, maiori parti Ecclesiæ eripere &  
prohibere. Quis igitur nisi Antichristus indigne-  
tur, Ecclesiam sponsam petere & flagitare, spon-  
si sui testamentum, intemeratum & integrum si-  
bi restitui?

Quarta ratio sumitur ab exemplo Apostolo-  
rum. Cum enim Apostoli uiderent sanguinem à  
corpore Christi tunc cum calicem ipsis præbe-  
ret, non esse separatum, nec effusum: non tamen  
iudicarunt, ideo usum calicis uel esse arbitrariū,  
uel prorsus posse intermitteri, cum iam in pane ac-  
cepissent corpus Christi non ex angue, sed uiuum  
& integrū, sed sicut iussi erant, Bibite ex hoc om-  
nes: ita simplici obedientia huic mandato, sine dis-  
quisitione rationum, & sine prætextu periculi ob-

temperarunt. Marcus enim inquit: Et biberunt ex eo omnes. Suo igitur exemplo Apostoli nos instruxerunt, in mysterio coenae, simplici obedientia inherendum esse institutioni & mandato filij Dei: & contra expressa uerba institutionis, nullas admittendas esse uel rationes, uel argumentationes.

Quinta ratio sumitur à traditione Apostolica, quæ literis comprehensa, & indubitata est. Pontificij disputant, mandatum institutionis de calice, pertinere non ad omnes fideles, sed tantum ad Apostolos, & ad illos qui ipsis in ministerio succedunt. Sed quomodo Christus mandatum illud intelligi uoluerit, & in quo sensu Apostoli illud Ecclesiae proposuerint, non potest certius quam ex Paulo colligi. Is enim manifestissimè testatur, 1. Cor. 11. se ecclesiae Corinthiorum tradidisse dispensationem & usum utriusque speciei, sicut uulgò nunc loquimur. In uno enim illo capite, de corpore & sanguine Christi, de edendo & bibendo, seorsum & copulatiuè, ad minimum sexies repetit: idque ita, ut affirmet se à Domino sedente iam ad dexteram patris, ita accepisse, sicut Corinthijs tradidit. Tradidit autem ipsis dispensationem & usum utriusque speciei: id quod extra omnem controuersiam, certum et manifestum est. Num, uerò solis sacerdotibus apud Corinthios hoc tradidit. Certè inscriptio epistolæ

*stole habet: Ecclesie Dei quæ est Corinthi, sanctificatis in Christo Iesu, uocatus sanctis. Nec tantum Corinthijs epistolam illam inscribit, sed addit: Cum omnibus qui inuocant nomen Domini nostri Iesu Christi, in omni loco, ipsorum & nostro. Hoc testimonium ualde illustre est. Quia enim Christus in prima cœna, solos duodecim Apostolos mensæ adhibuit: Pontificij disputant, ad solos Apostolos, & qui ipsis in ministerio succedunt, mandatum institutionis de usu utriusque speciei pertinere, ita ut laici præcepto diuino non obligentur ad sumendam Eucharistiam sub utraque specie, sed sufficiat ipsis alterius tantum speciei communio. Sed Paulus manifestè testatur, se in ecclesia Corinthiaca, omnibus uocatis & sanctificatis in Christo, tradidisse usum utriusq; speciei: & affirmat, se illud quod Corinthijs tradidit, ab ipso Domino accepisse, Atq; ita mandatũ Christi, de usu utriusq; speciei, accomodat ad totam Ecclesiam. Falsum enim est, quod quidã fingunt, Paulũ ibi nudã tantũ historiã institutionis cœnæ Dominicæ, et qdẽ historicè tantũ recitare: cũ totus cõtextus tantum nõ clamatet, ideo Paulũ repetere et adducere uerba institutionis, ut ex illa norma & regula, errores et abusus q̃ in ecclesiã Corinthiacã, circa administratiõẽ et usum Sacramenti huius irrepsērāt, corrigat: utq; uerã rationẽ in administratiõe et usu cœnæ dominicæ, ex*

*fons*



gat: Accipite, edite, bibite. Et illud sua accommoda-  
 tione, quam à Domino accepit, ostendit pertinere  
 non tantum ad duodecim Apostolos, nec tantum  
 ad sacerdotes: sed ad omnes uocatos & sanctifica-  
 tos in Christo Iesu, non tantum in ecclesia Corin-  
 thiaca, sed in omni loco. Quod ergo Paulus nō di-  
 cit, Ego præcepi uobis: sed Præceptum & man-  
 datum quod ab ipso Domino accepi, eius iussu uo-  
 bis uocatis et sanctificatis in Christo tradidi: mul-  
 to fortius obligat, quàm si dixisset: Ego præcepi  
 uobis. Sicut pulcherrimè hoc intelligi et illustrari  
 pōt, ex eo qd' 1. Cor. 7. dicit: Nō ego præcipio, sed  
 Dominus. Quod igitur Paulus. 1. Cor. 11. dicit, Tra-  
 didi uobis: idem est, ac si diceret: Quod ad admini-  
 strationem & usum cœnæ Dominicæ attinet, non  
 consilium do, sed præceptum Domini habeo. Hoc  
 argumentum pulcherrimum nō animaduertissem  
 in uerbis Pauli, nisi Iesuitarum cauillatio, quòd  
 Paulus non præceperit, sed tradiderit Corinthijs  
 usum utriusq; speciei, ad hanc obseruationem me  
 deduxisset. Quòd uerò dicunt, Paulum uerba in-  
 stitutionis tantum historicè, sine accommodatione  
 ad uocatos & sanctificatos in Christo, in omni lo-  
 co recitare, falsum est. Ita enim historiam institu-  
 tionis recitat, ut mox eam accommodet ad Corin-  
 thios, & ad omnes quibus epistolam inscripsit. Et  
 quidem mandatum Domini, de communione utri-  
 usq; speciei in prima cœna, Apostolis datum, Pau-  
 lus

lus sicut à Domino accepit, ad omnem hominem  
 uocatum & sanctificatum in Christo Iesu, accom-  
 modat cum inquit: Quotiescunq; manducaueritis  
 & biberitis, &c. Ne uerò quis existimet, Paulum  
 hoc arbitrarium facere: mox per modum impera-  
 tiuum, in forma mandati repetit: Probet se ipsum  
 homo, & sic de pane illo edat, & de calice bibat.  
 Operæ precium uerò est considerare, quomodo  
 clarissimam illam Pauli sententiam, Andræus  
 & Colonienfis Horstius eludere conentur. Di-  
 cunt enim, mandatum illud Pauli pertinere tan-  
 tum ad probationem, non uerò etiam ad mandu-  
 cationem & bibitionem in cœna Dominica: ut sen-  
 sus sit, inquit Horstius: Modò homo probatus sit,  
 tunc siue unam, siue utramque speciem sumat, pe-  
 rimde est. Sed sophistica, imò sycophantica po-  
 tius, non tam elusio quàm deprauatio est, manife-  
 stissimæ sententiæ. Verum est, Paulus præcipit,  
 ut homo usus cœna Dominica, prius se pro-  
 bet. Sed quando homo se probauit, tunc Pau-  
 lus affirmat mandatum Dei esse, & quidem co-  
 pulatiuum mandatum, ut homo probatus de pane  
 illo edat, & de poculo bibat. Non minus enim im-  
 peratiua uerba sunt, & eiusdem formationis per-  
 ceptulam connexa, ἐδὲ τὸ οὐκ πίβετε, quàm ἐστὶ  
 ἀοιμαῖς ἔρω. Nec uerò pro circumstantia loci, &  
 conditione ecclesiæ Corinthiæ, usum utriusque  
 speciei Paulus tradidit, ut sit traditio non uniuersa-  
 lis.

salis, sed particularis. Titulus, n. epistolæ ostēdit, ea quæ ibi traduntur, pertinere non tātum ad Cœrinthiacos, sed ad omnes qui inuocant nomen Domini, in omni loco. Et in tractatione de cœna Domini, utitur generali uocabulo: Homo seipsum probet, & sic edat & bibat. Vniuersalis igitur est Paulina accommodatio mandati Christi, de edendo pane et bibendo poculo cœnæ, ad homines omnes, uocatos & sanctificatos, in omni loco. Et idē seruātū fuisse in praxi Apostolicæ ecclesiæ, certū est. Sicut enim inquit, 1. Cor. 10. Unū corpus sumus quia omnes de uno pane participamus, ita 1. Cor. 10. inquit: Omnes in unū spiritū potati sumus. Nec uerò ad tempus tantū Paulus illa ita ordinauit, ut traditio sit temporaria; sicut sophistæ fingūt, Paulam cum inquit, Reliqua quando uenero, disponam: uoluisse postea abrogare usum utriusque speciei: cum non de illis quæ à Domino accepta tradiderat, loquatur, sed τὰ λόγια inquit. Et habemus clarissima uerba Pauli. Præcipit enim mortem Domini annunciari, quando de pane Domini edimus, & de poculo eius in cœna bibimus, donec Christus redeat ad iudicium: hoc est: mandatum Domini de manducando & bibendo in cœna Dominica, durare debet usque ad consummationem seculi, & extremum iudicium. Nec tantum ut sacerdotes edant & bibant in cœna Domini. Ideo, n. Paulus nō in prima persona loquitur,

loquitur, Nos edimus & bibimus: sed dirigens sermonem iuxta inscriptionem epistolæ, aduocatos & sanctificatos in Christo, omnesq; qui inuocant nomen Domini in omni loco, inquit: Quotiescunque panem hunc comederitis, & de poculo hoc biberitis, mortem Domini annunciate donec ueniat. Non erant autem Corinthij illi permansuri in hac uita, usq; ad consummationem seculi. Tradit ergo Paulus doctrinam de usu utriusq; speciei Eucharistiæ, pertinentem ad omnes qui inuocant nomen Domini, in omni loco. non tantum tempore Apostolorum, sed & futuris temporibus. Et durare debet hæc Apostolica traditio, ab ipso Domino accepta, usq; ad consummationem seculi, donec Dominus redeat ad iudicium.

Hæc adeò sunt manifesta, ut rectè usurpetur illud Augustini: Valeat ad sui demonstrationem, ipsa rei euidencia.

Nec diuersa fuit reliquorum Apostolorum doctrina & traditio. De traditionibus enim in epistola ad Corinthios comprehensis, dicit, 1. Cor. 15. Siue ego, siue reliqui Apostoli, ita docemus, & ita credidistis. Et 1. Cor. 14. Ita in omnibus Ecclesiis doceo. Eccius cum reliquis argumentis non satis fidat, tandem eò decurrit, ut fingat esse tacitam Apostolorum traditionem, communionē sub una specie. Rectè ergo & uerè dixi contra Iesuitas, licet ringatur Andradius, Pontificios ab illis quæ Apostolos



Apostolos tradidisse, ex scriptis ipsorum certò cōstat, liberè discedere, arbitraria illa facere, imò prohibere, sicut de usu calicis constat. Figmenta uerò quæ prætextu, tacitarum traditionum Ecclesie obtrudunt, sicut Eccius de communione sub una specie, etiam sine suppositicio aliquo antiquitatis testimonio fingit, ad cō faciunt necessaria, ut propterea ferro & flamma persequantur pios. Nos uerò rectè opponimus illud Pauli, Gal. 1. Si quis Euangelizauerit præter quod accepistis, anathema sit: etiam si uel Apostolus, uel angelus de cōlo esset. Accepit autem Ecclesia ex Apostolorum traditione, usum utriusq; speciei. Anathema igitur sit, quicumq; aliud docet.

¶ Sexta ratio sumitur à fructu consolationis, quæ uerba Christi annexa communioni calicis præbent. Verum quidem est, etiam extra usum cœnæ Dominicæ, uoce Euangelij in credentibus fieri applicationem beneficiorum Christi mediatoris. In cœna etiam, exhibitione corporis sui, Christus donat, applicat & obsignat credentibus beneficia, quæ traditione sui corporis promeruit: attamen Sacramentorum uis & efficacia, æstimanda est ex uerbo, quod uoce diuina cuiq; Sacramento proprium & peculiare est annexum. Dulcissima igitur est promissio, quæ communioni calicis, uoce filij Dei annexa est: Bibite ex hoc omnes: hic calix nouum testamentum est in meo sanguine, qui

M

pro

pro uobis effunditur in remissionē peccatorum. Nouum testamentum complectitur gratiam Dei, & reconciliationem, remissionē peccatorū, adoptionem, &c. iuxta dictum Ieremiæ cap. 21. Iam de hac questione pia mens ualde angitur, An fœdus gratiæ Dei in Christo, priuatim ad me etiam pertineat. Opto & suspiro, ut in illud fœdus noui testamenti uerè & certò recipiar, sim, inueniar, & maneam semper in illo fœdore, ut sit illud mihi perpetuò firmum & ratum. Filius Dei uerò communioni calicis addidit suauissima uerba, quibus testatur, se poculum coenæ suæ instituisse, ut sit medium seu organum, per quod peculiariter & efficaciter nouum illud testamentum, singulis fidei summentibus uult applicare, obsignare & confirmare: utq; fides nostra certa sit, nos uerè & certò in fœdus illud recipi, esse, inueniri, & cōfirmari nos in illo fœdere, ut ratum & firmum nobis sit, affirmat se præbere & exhibere nobis in hoc poculo, illum ipsum suum sanguinem, cuius effusione acquisitū stabilitum & confirmatū est nouum testamentum. Hoc fructu dulcissimæ & necessariæ consolationis, qua filius Dei clemens Ecclesiæ suæ prospexit, piæ conscientie nolunt priuari: sed cum uera animi gratitudine, hoc testamento filij Dei utuntur ad fidei confirmationem. Quicquid enim sit, quod de uoce Euangelij, & de communionē corporis Christi contra hanc sententiā obijcitur,

obijcitur, certum est, filium Dei non frustra nec ociose, præter prædicationem Euangelij, & communionem corporis sui, etiam calicem sanguinis sui Ecclesie instituisse: & quidem additis illustrioribus uerbis de applicatione, obsignatione & confirmatione noui testamenti, singulis fidei summentibus. Sicut enim Deus diues est in misericordia, uarijs medijs à se institutis offerens, applicans & obsignans nobis gratiam suam: ita nos uarijs modis opus habemus medicatione & confirmatione. Quæ igitur talia media à filio Dei instituta esse constat, illis reuerenter utamur: nec admittamus prophanas argumentationes, quasi nulla necessaria gratia defraudemur, etiamsi unam speciem solum accipiamus, licet Christus utramque instituerit. Non enim de uini uel specie uel substantia potissimum agitur, sed de dulcissimis uerbis, quæ filius Dei sua uoce annexa esse uoluit communioni calicis. Agitur de necessaria consolatione, & confirmatione fidei, quæ uerbis illis continetur: deq; preciosissima obsignatione huius promissionis, per exhibitionem sanguinis in remissionem peccatorum nostrorum fusi. Non enim panis, sed calici Christus hæc uerba peculiariter annexa esse uoluit: Bibite ex hoc omnes: Hic calix nouum testamentum est, &c. Hunc thesaurum Ecclesie eripiunt, qui usum calicis ei adimunt

## 48 EXAMEN DECRETORVM

et prohibent. Nec satis est quod dicunt, nos cum corpus Christi edimus, simul etiam sanguinē eius accipere. Filius enim Dei instituit, ut communione calicis peculiariter fiat exhibitio sanguinis sui, et obsignatio huius promissionis: Hoc est nouum testamentum in meo sanguine &c. Nec ulli creaturæ licet, uerba illa à calice diuellere, et alio trāsferre. Sacramentorum enim uis et efficacia, iudicatur ex uerbo Christi: quod sua uoce singulis annexum esse uoluit.

### TESTIMONIA ANTIQVITA- tis, de communione sub utra- que specie.

Postremo, à testimonijs et exemplis primæ, ueræ, et purioris Ecclesiæ, multæ illustres sumuntur rationes. Inde enim contra omnes recentes cauillationes rectè colligitur, primitiuam Ecclesiā uerba institutionis cœnæ, de communione calicis ex Apostolorum traditione intellexisse, non ad solos sacerdotes, sed ad totam Ecclesiam pertinere. Extant autē à multis annotata testimonia et exempla, iuxta seriem temporum, ex omnibus uetustis scriptoribus: quod in legitima et solenni celebratione cœnæ Dominicæ, in conuentu Ecclesiæ, Sacramentum Eucharistiæ nō aliter quàm sub utraque specie, pane scilicet et uino administratum et dispens-



dispensatum fuerit: in Orientali quidem ecclesia, in hunc usq; diem: In Occidentali uerò Ecclesia, mille annis continuis, & amplius. Illa igitur annotatione exemplorum, quia uulgata & nota est, ommissa, iudico hoc argumentum de testimonijs antiquitatis, utiliter posse illustrari: si non tantum exempla notemur, sed si præcipue obseruemur rationes, quibus adducta uera & purior antiquitas, usum communionis sub utraque specie, constanter seruandam esse censuit. Ita enim habebimus testimonia antiquitatis, non tantum de facto, sed quod magis confirmat pios de iure communionis sub utraque specie. Non enim exempla tantum obseruanda sunt in historia antiquitatis, sed præcipua ratio habenda est dogmarum, & quæ habuerint fundamenta dogmarum. Illa etiam obseruatio simul ostendet, ex ipsa historia antiquitatis sumi posse solutiones & refutationes sophismatum, quibus Pontificij mutilationem coenæ Dominicæ, contra manifesta institutionis uerba, defendere conamur.

Prima autem obseruatio de rationibus ueterum, hæc est: quòd non tantum de facta utramq; speciem dispensarunt toti Ecclesiæ, sed quòd dogma fuit in ueteri & puriori Ecclesia, uerba coenæ de communione calicis, ex institutione & mandato Christi, perimere non tantum ad solos sacerdotes, sed ad totam Ecclesiam. Chrysostomus ho

milia 18. in 2. ad Corinthios: Est ubi nihil differt sacerdos à subdito, ut quando fruendum est mysterijs. Similiter enim omnes ut illa participamus, digni habemur. καὶ ὡς καθάπερ ἐπὶ τῆς πάσης λαίας, τὰ μὲν οἱ ἱερεὺς ἰδοὺς, τὰ δὲ ὁ ἀρχόμενος, καὶ θεῖς ἐν ἡμῶν τῷ λαῷ μετέχειν μετέχει οἱ ἱερεὺς, ἀλλὰ πάντες ἐν σώμα πρόκειται, καὶ ποτόριον ἐν. hoc est: Non sicut tpe ueteris Testamenti, quædam sacerdos, quedam uero populus comedebat: nec uas erat, populū participare illis, quorū sacerdos particeps erat: sed (nunc scilicet, tempore noui Testamenti) omnibus unum corpus proponitur, & unum poculum.

Ignatius scribens ad uniuersum ecclesiam Philadelphiensem, meminit episcopi, presbyterij, diaconorum & populi. inquit autem: Adhortor uos, ut una fide, una prædicatione, & una Eucharistia utamini. Vna enim est caro Domini Iesu, & unus eius sanguis, pro nobis effusus: unus etiam panis omnibus confractus, καὶ ἐν ποτόριον τοῖς ὅλοις διανεμέσθαι: hoc est, unum poculum uniuersis distributum.

Theophylactus in 1. ad Cor. 11. dicit, tremendum calicem Domini, cunctis pari conditione traditum esse.

Autor sermonis De cœna Domini, qui Cypria no tribuitur: Lex esum sanguinis prohibet: Euangelium præcipit ut bibatur, Bibimus autem de sanguine

guine Christi, ipso iubente uitæ æternæ cum ipso  
 & per ipsum participes: & fatentes, nos per pec-  
 cati gustū beatitudine priuatos & damnatos, nisi  
 nos Christi clemencia ad societatem uitæ æternæ  
 suo sanguine reduxisset. Nobis itaque pro quibus  
 sanguis Christi oblatuſ est in cruce, quos sacrifici-  
 um hoc reconciliauit Deo, ipse Christus pincerna  
 porrexit hoc poculum.

Hieronymus in 1. ad Cor. 11. Dominica cœna  
 omnibus debet esse communis: quia ille omnibus  
 discipulis suis qui aderant æqualiter tradidit Sa-  
 cramenta. Augustinus in quæstionibus super  
 leuiticū, cap. 57. Quid sibi uult, quod à sanguine  
 sacrificiorū quæ pro peccatis offerebātur, tanto-  
 pere populus prohibetur, si illis sacrificijs unū hoc  
 sacrificiū significabatur, in quo uera fit remissio  
 peccatorū? A cuius tamē sacrificij sanguine in ali-  
 mētū sumēdo, nō solū nemo prohibetur, sed ad bi-  
 bendū potius oēs exhortētur, quolūt habere uitā.

Paschasius colligens expositionē Patrū de cœ-  
 na Domini, cap. 15. inquit: Christus est qui fran-  
 git hunc panem, & per manus ministrorū tribuit  
 credentib. Similiter & calicē porrigit eis, dicens:  
 Accipite, & bibite ex hoc omnes, tam ministri  
 quàm reliqui credentes.

Nicephorus lib. 1. cap. 28. recitata institutione  
 cœnæ de utraq; specie, addidit, Christū illud dein-  
 de ad eundē modū, in futurum deinceps fidelibus

faciendum, ad synceram et euidentem memoriam per manus tradidisse.

Discrimen uerò inter ministros & populum, hoc notant ueteres, quòd per illos populo dispensetur idem quod ab ipsis sumitur, panis scilicet, et poculum Domini.

Ita Damasceus de Orthodoxa fide lib. 4. ca. 14. Christus nouum testamentum disposuit sanctis discipulis, & per ipsos alijs in ipsum credentibus.

In Liturgia Basilij & Chrysostomi, orat sacerdos: Dignare Domine dare nobis corpus & sanguinem tuum, & per nos populo.

Et in hymno festi corporis Christi, ipsi Pontificij ita canunt: Dedit fragilibus corporis ferculum, dedit & tristibus salutis poculũ, dicens: Accipite quod trado uasculum, omnes ex eo bibite. Sic sacrificium istud instituit, cuius officium committi uoluit solis presbyteris, quibus sic conuenit ut sumant, & dene cæteris.

Secundò, quando in communione calicis plebi ministranda, aliquid aliud quàm uerba institutionis habent, tentabatur, Patres grauissimas opposuerunt rationes ab exemplo, magisterio, traditione, præcepto & mandato Domini. Quæ rationes expositæ extant apud Cyprianum. lib. 2. Epistola 3. Cum enim tunc temporis quidem prætextu sobrietatis, sola aqua sine uino, in calice Domini plebi



plebi ministrando uteretur: Cyprianus opponit rationes ex institutione cœnæ: quæ nō tantū de illo casu loquuntur, sed sunt generales et uniuersales, & expressè in genere hanc thesin tractant, Quid faciendum sit in calice Dominico sanctificando, & plebi ministrando: atq; ideo ad hanc nostrā controuersiam, quæ est de calice Domini plebi ministrando, rectissimè accommodantur. Sunt autē hæ præcipuæ Cypriani rationes. In calice Domini sanctificando, & plebi ministrando, tenendū esse Euangelicæ ueritatis, ac Dominicæ traditionis rationem: nec ab eo quod Christus magister et præcepit & gessit, humana & nouella institutione esse decedendum. Et pronunciat eos errare, qui in calice Dominico sanctificando, & plebi ministrando, non hoc faciunt quod Christus, sacrificij, huius autor & doctor, fecit & docuit. Et in illo errore dicit reuertendum esse ad indicem atq; originem Dominicæ traditionis, ut non aliud fiat à nobis, quàm quod pro nobis Dominus prior fecit. item: Quòd si à Domino præcipitur, & ab Apostolo eius hoc idem confirmatur & traditur, ut quotiescunq; in commemorationem Domini biberemus, hoc faciamus quod fecit & Dominus: inuenimur nō obseruari à nobis qd' mandatū est, nisi eadem quæ Dominus fecit, nos quoq; faciamus. Itē: q. Christus solus debeat audiri pater, de calo cōtestatur: Hūc audite. Quòd si solus Christus au-

diendus est, nō debemus attēdere quid aliquis ante nos faciendū putauerit, sed quid ille qui ante oēs est, Christus prior fecerit. Neq; enim hominis consuetudinē sequi oportet, sed Dei ueritatē, cū per Isaiam Deus dicat: Frustra colūt me, mandata & doctrinas hominū docentes. Itē: Si in sacrificio qđ Christus est, nō nisi Christus sequēdus est: ille utiq; sacerdos Christi uice fungitur, qui id quod Christus fecit, imitatur. Et: Ideo si quis de antecessoribus nostris uel ignorāter, uel simpliciter non hoc obseruauit & tenuit, qđ nos Dominus facere exēplo & magisterio suo docuit, potest simplicitati eius, de indulgētia Domini, uenia cōcedi: nobis uero nō poterit ignosci, qui nūc à Domino admoniti & instructi sumus. Et tandē disputationē illam ita cōcludit: De hoc quoq; ad collegas nostros literas dirigamus, ut ubiq; lex Euāgelica & traditio Dominica seruetur, & ab eo quod Christus docuit, & fecit nō recedatur. Hæ sunt solidæ rationes, et quidē uerbis grauiſſimis, quasi de industria ad præsentē hanc cōtrouersia formatæ, & Pontificiorū sophismatis oppositæ. Scio aut, Cyprianū in illa epistola disputare cōtra aquarios, nō cōtra cōmunionē sub una tantū specie, quæ ignota tunc fuit Ecclesiæ. Sed rationes sunt generales, & expressè loquuntur, quid in calice Dominico sanctificando, & plebi ministrando faciendū sit, ut traditio Domini seruetur. Rectē etiā illæ Cypriani rationes,

rationes, ad præsentem controuersiam à minore ad maius accommodantur. Si enim tā acriter grauissimis rationibus pugnat cōtra aquarios, qui ipsum calicē & uerba calicis populo relinquebant, tantū uerò in elemēto aliquid mutabant: quāto acrius putas ipsum insurrecturū fuisse ex iisdē fundamentis, si quis tunc totū calicē Dominicū, & uerba calicis, fidei populo eripere & prohibere uoluisset? Ita cū circa annū Domini 340. quidam intinctam Eucharistiam populus pro complemento cōmunionis porrigerent, Iulius pronūciat, hoc Euangelicæ & Apostolicæ doctrinæ esse contrarium. Et dicit, hoc ab ipso fonte ueritatis probari, à quo ordinata ipsa Sacramentorū mysteria processerunt. Et mox dicit, probationē illam esse testimonium Euangelij, ubi seorsim panis, seorsim calicis commēdatio memoratur. Calicē igitur seorsim populus esse porrigendum. Iulius papa ex institutione cœnæ in Euangelio descripta, probat: & intinctionem Eucharistiæ, quia institutioni nō est consensanea, improbat. Tertia ueterū ratio fuit: Quia Christus in institutione Sacramēti Eucharistiæ, duas species adhibuit, panē s. & uinū: et singulis addidit mandatū, Hoc facite. 1. Cor. 11. Ex hoc igitur fundamēto patres docuerūt, ad integritatē, cōplemētū et cōsummationē huius sacræ cōmunionis, p̄tinere usum utriusq; speciei: et quidē usum calicis uocarūt complementū cōmunionis,

& con-

et consummationem mysteriorum. Ita Paschasius et Algerus, disputantes quare Christus sub duabus speciebus seorsim et diuisim (ita enim ueteres loquuntur) instituerit Eucharistiam: allegant hanc Augustini sententiam: nec caro sine sanguine, nec sanguis sine carne iure communicatur.

Gelasius de illis qui à calice sacrati cruoris abstinebāt, ita decernit. De consecra. dist. 2. ca. cōperimus: Aut integra Sacramēta percipiant, aut ab integris arceātur, eo q̄ diuisio unius eiusdemq; mysterij, sine grandi sacrilegio nequeat prouenire. Iulius dist. 2. cap. Cum omne uocat complementum communionis, quod in Euangelij testimonio seorsim calicis commendatio commemoratur.

Apud Ambrosium lib. 1. Officiorū cap. 41. Laurentius diaconus dicit, sibi à Sixto episcopo commissam fuisse Domini sanguinis dispensationem: et hanc uocat consummandorum consortium Sacramentorum. Dispensatio igitur calicis, est consummatio Sacramentorum.

Cassander citat ex ordine Romano, de celebratione Missarum dispensationem calicis uocari cōfirmationem communionis. Verba hæc sunt: Archidiaconus recepto calice de manu Episcopi, cōfirmat omnes sanguine Domini, quos communicaauerat Pontifex corpore Domini.

Leo primus Sermone 4. Quadragesimali, de Manicheis dicit: Ore indigno corpus Christi accipiunt:



tipium: sanguinē uerò redemptionis nostræ, haurire omnino declinant.

Ignotum igitur tunc fuit Leoni, Sophistarum commentum, eos qui sub una specie corpus Domini accipiunt, simul etiam in pane sanguinem eius haurire, licet à calice sacrati cruoris abstineant.

Quarta ueterum ratio fuit, quòd ex uerbis institutionis, quæ uoce filij Dei, communioni calicis addita sunt, intellexerunt usum calicis habere peculiarem fructum, uim et efficaciam, faciente hoc uerbo quod calici annexum est.

Ita Ambrosius de Sacramentis lib. 4. cap. 6. Si quotiescunq; effunditur sanguis, in remissionē peccatorum effunditur: debeo illum semper accipere, ut semper mihi peccata dimittamur: qui semper pecco, semper debeo habere medicinam.

Lib. 5. cap. 3. Quotiescunq; bibis, remissionem accipis peccatorum, & inebriaris in spiritu.

Cyprianus lib. 1. epist. 2. Quos exhortamur ad præliū, non inermes & nudos relinquamus, sed protectione sanguinis & corporis Christi muniamur. Nam quomodo prouocamus eos, in confessione sanguinem suum fundere, si eis militaturis Christi sanguinem denegamus? Aut quomodo ad martyri poculum idoneos facimus, si non eos ad bibendum prius in Ecclesia poculū Domini, iure communicationis admittimus? Et obseruet lector, quod Cyprianus dicit, populum iure communicationis

tionis ad poculum Domini in Ecclesia esse admit-  
tendū. Hilarius lib. 8. de Trinitate loquens de  
corpore & sanguine Christi: Hæc accepta & hau-  
sta, efficiunt ut & nos in Christo, & Christus in  
nobis sit. Remigius, citante Cassandro, calici  
hos uersus à se compositos insculpi curauit.

Hauriat hinc populus uitam de sanguine sacro,  
Influcto æternus quem fudit uulnere Christus.

Quintò. Quia Paulus dicit: Quotiescūq; mādu-  
cabitis panē hūc, & poculū Domini bibetis mor-  
tē Domini annuntiabitis. senserūt igitur: ueteres,  
sicut passio seu mors Christi cōsistit in traditione  
corporis et effusione sanguinis, ita etiā cōmemo-  
rationē mortis Christi, in cœna repræsentandā et  
celebrandā esse māducatione mystici panis, & po-  
tione sacrati calicis: idq; non sola consecratione et  
sumptione sacerdotis, sed etiam distributione &  
participatione fidelis populi. Ita Augustinus in-  
quit contra Faustum lib. 20. ca. 18. Christiani, per-  
acti huius sacrificij memoriam celebrant sacro-  
sancta oblatione, & participatione corporis &  
sanguinis Domini.

Ambrosius in 1. Cor. 11. Quia morte Domini li-  
berati sumus, huius rei memores in edendo & po-  
tando corpus & sanguinē quæ pro nobis oblata  
sunt, significamus, nouum Testamentum in his  
consecuti.

Augustinus in sententijs Prossperi: cūm frangi  
tur

tur hostia, dum sanguinis de calice in ora fidelium funditur, quid aliud quàm Dominici corporis in cruce imolatio, eiusq; sanguinis de latere effusio designatur?

Sexcò. Longobardus querit: Quare sub duplici specie sumatur, cū sub alterutra totus sit Christus. Respondet aut ex Ambrosio: ut animæ et carnis susceptio in Christo, & utriusq; liberatio in uobis significetur. Valet enim ad tuitionem corporis & animæ quod percipimus: quia caro Christi pro salute corporis, sanguis uerò pro anima nostra offertur. Sed si in altera tātum sumeretur, ad alterius tantum, id est, animæ uel corporis, non utriusq; pariter tuitionem ualere significaretur.

Hugo de sancto Victore. In utraq; sumitur, ad significandum quod duplex est effectus huius Sacramenti. Est enim redemptio corporis et animæ: quod non significaretur, si in una tantum specie sumeretur. Item: Sumptio in utraq; specie, simul redemptionem corporis & animæ sumentis significat.

Augustinus utitur hac ratione: Sicut in hac uita, integra et perfecta refectio seu nutritio, cōstat cibo et potu: ita etiā in Eucharistia proponi corpus Domini in pane edendum, & sanguinem in calice bibendū. Tractatu in Ioh. 26. Cū cibo & potu id appetāt homines, ut nō esuriāt neq; sitiant: hoc ueraciter nō præstat, nisi iste cibus & potus, q̄ eos  
à qua-

à quibus sumitur, immortales & incorruptibiles facit. Paschasius ex Augustino ita loquitur: nec caro sine sanguine, nec sanguis sine carne iure cōmunicatur. Totus enim homo ex duabus constans substantijs, redimitur, & ideo carne simul & sanguine sōginatur.

Septimo. Patres dicunt, figuras ueteris Testamēti de manna, & aqua ex petra: item de agno Paschali, & de sanguine eius, in nouo Testamento impleri in eo, q̄ cōmuniter uniuerso Christi populo, mysticus panis edendus, & poculū Domini potandum proponitur. Ita Chrysostomus homil. 23. in priorem ad Corinth. Quemadmodū tu corpus Domini manducas, ita & illi manna manducauerunt: & sicut tu sanguinē bibis, ita & illi aquam de petra biberunt. Item: Illis mannā & aquam, tibi corpus & sanguinem dedit. Ambrosius de his qui inicianur mysterijs, capite nono. Illis aqua de petra, tibi sanguis ē Christo: illos ad horam satiauit aqua, te sanguis diluit in eternum.

Augustinus tracta. 26. in Iohannē: Omnes eundem potum spiritalem biberunt: aliud illi, aliud nos: sed specie uisibili, quod tamen idem est uirtute spiritali.

Ita agnus Paschalis comedebatur, sanguis uerò eius super utrūq; postē ponebatur. Illud mysteriū ita explicat Gregorius. Quid sit sanguis agni, nō



iam audiendo, sed bibendo didicistis: qui sanguis super utrumq; postem ponitur, quando non solum ore corporis, sed & ore cordis hauritur.

Ad has ueterum rationes, de communione sub utraq; specie, diligentius considerandas, occasionem mihi præbuit, & non parum me iuuuit libellus Cassandri. Vtilior autem & illustrior est hæc obseruatio rationum antiquitatis, quàm prolixa & nuda coaceruatio exemplorū: ita enim monstrantur fundamēta causæ: quomodo scilicet, ex quibus fundamentis & rationibus, dogma de communione sub utraque specie tractatum, confirmatum & explicatum fuerit. Et hæc obseruatio manifestè monstrat, plerasq; sophisticas aduersariorum rationes priusquam nascerentur, iam dudum à ueteribus fuisse explosas & refutatas: sicut postea ostendemus.

Testimonia igitur & exēpla antiquitatis, præbēt multas firmissimas rationes, contra Pontificiā mutilationē cœnæ Dominicæ. Nam 1. in tota antiquitate, non extat illa Pontificiorum sentētia, institutionem calicis pertinere non ad laicos, sed ad solos sacerdotes: imò disertè refutatur hæc sententia à ueteribus. 2. Veræ antiquitati ignota est illa Pontificia disputatio: Cum Christus integer & totus sit sub utraq; specie, ideo non necessariam esse communionem sub utraq;, sed sufficere sub altera specie: imò contrarium extat in Hugone &

Lombardo. 3. Reliqua etiam Pontificiorum argumenta, pro defensione unius speciei, prorsus ignota sunt antiquitate: imò pleraq; refutata sunt à veteribus. 4. In tota uera antiquitatis non extat dogma illud dogmaticè disputatū et tractatū, coenam Dominicā in legitimo & ordinario Ecclesie conuentu, uel debere uel posse ita administrari, ut populo tantum una eius pars dispensetur. 5. Cum aliquoties tentaretur auulsio calicis à sacra communione fidelis populi, purior antiquitas acriter resistit, & ex uerbo Dei defendit usum mystici panis, & sacrati calicis in communione Ecclesie. Quae exempla postea explicanda erunt.

Hæ igitur rationes, & hæc fundamenta ex Scriptura, & ex testimonijs uera antiquitatis, quia certa, firma, manifesta & illustria sunt sua ueritate ei gravitate, non nostris tantum persuaserunt usum utriusq; speciei, uerumetiam illorum animos, qui adhuc in Babylonica captiuitate regni Pontificij detinentur, permouerūt, quòd iudicant ademptionem & prohibitionem calicis non esse iustam: sed petunt & flagitant, ut uetus mos prisce communionis, iuxta Scripturæ sententiam, & antiquitatis testimonia, Ecclesie restituatur.

Mira autem, & uerè horrèda est Pontificiorum hac in parte pertinacia, quòd nec clarissima ueritatis luce, nec iustissimis totius Christiani orbis querelis & flagitationibus, hactenus quicquam moti fuerunt:

fuerunt: sed obstinatè et pertinaciter, iniustam istā prohibitionem, & implam mutilationē, non tam argumentis quàm ferro, flamma & exilijs piorū, iuxta clausulam decreti Constantiensis de inuocando brachio seculari, defenderunt. Et nunc in Tridentino concilio, cum post multas uarias & longas tergiuersationes, tandem de controuersia illa aliquid decernendum sit: cum res ipsa ostendat, amplius nō posse teneri hominum uota, quin aliquid hac in parte sit concedendum: hoc tamen artificio utuntur, quòd iustissimas petitiones de restitutione calicis Domini damnant, & Pontificiam mutilationem iustificat, priusquam aggrediantur quæstionem: An, quid, quantum, & quomodo sit concedendum. Miretur autem quis, cum simulent se sanguinem Christi non inuidere populo Christiano, ut quem cum corpore in pane ipsis tradant: cumq; fingant, in calice esse accidētia sine subiecto: cur tam pertinaciter dimicent, ne usus calicis ita sicut petitur, scilicet iuxta Scripturæ sententiam, & antiquitatis testimonia, Ecclesiæ Dei restituatur. Sed non est dubium, subesse ualde magnas causas, quòd iudicant sine dispendio & detrimento regni Pontificij, non posse restitutionem illam, ita sicut petitur, fieri. Et utile est de causis illis cogitare: ita enim rectius intelligi poterit consilium, mens, scopus, finis, & totum artificium decretorum Tridentinorum.

Et ipsi quidem cum longè alia prætexāt, ueras causas strenuè dissimulant: non tamen adeò uel occultæ uel obscuræ sunt, quin ex ipsorum dictis & factis intelligi possint, ut non opus sit uel forensibus coniecturis, uel mathematicis diuinationibus. Et quia etiā hæc consideratio, aliquid lucis examini Decretorum afferre potest: breuiter notabimus præcipuas causas, quas Pontificij habere uidentur, quare tam obstinatè & pertinaciter, contra manifestissimam ueritatis lucem, mutilationem coenæ Dominicæ, cōquisitis rationibus qualibuscunq; propugnent.

Prima autem causa est, quòd ipsi scribunt se uereri, si sublata tot annorum prohibitione, usus calicis ita sicut petitur iuxta Scripturæ scilicet sententiam, & antiquitatis testimonia, Ecclesiæ restituantur: fore ut in reliqua coagmentatione structuræ regni Pontificij, multa alia labefactentur & cōcidant. Quia enim mutilatio illa coenæ Dominicæ aliquot concilijs, Constantiensi scilicet & Basiliensi, decreta à multis Pōtificibus stabilida, & patros regni Pontificij, per multos iam annos ut pia, iusta, & omnibus modis retinenda, comprobata, & non tam argumentis quàm multorum piorum exilijs & martyrijs confirmata hæctenus fuit: si iam admittatur mutatio & correctio iuxta normam Scripturæ, præagiunt fore, ut non possint amplius tenere homines, quin in reliquis etiā quæ  
in re



in regno Pontificio, præter & contra Scripturæ sententiam decreta, & longi temporis usura inueterata sunt, mutationem uel flagitaturi uel facturi sint: ut ita restitutio Dominici calicis, quasi confessio erroris futura sit, & apertura paulatim fenestram, ad ruinam totius Papatus. fore enim ut non amplius patiantur homines, in illis, quæ præter et contra Scripturam in Papatu recepta & usitata sunt, sibi uerba dari titulis Conciliorum, Ecclesiæ, consuetudinis, &c. si una aliqua in re admissa fuerit labefactatio. Nota enim ipsis est Philonis similitudo, de legatione ad Caium: Sicut in ædificijs, exempto uno cemēto, reliqua licet firma uideantur, laxatim tamen sidunt, & ad ruinam paulatim inclinant. Hanc causam Osius disertè explicat. hæc enim sunt eius uerba: Toto cœlo (quod aiūt) errāt qui dicūt: Si calix laicis, uxores sacerdotibus permittantur, inter Papistas & Lutheranos facilè concordiam esse coituram. Egregia uerò concordia: per quam non uitia Papatus, quod ferri tamē posset, uerū ipse Papatus uniuersus euertitur. Hæc sunt Osij uerba.

Secunda causa est, quòd hætenus Pontifex sibi & suis arrogauit auctoritatem & potestatem, quiduis super conscientias constituendi, etiam si ex Scriptura illud ostendi & probari non possit: & rursus mutandi, mutilandi & abrogandi ea etiam, quæ Scripturæ institutionem & testimonium habent.

Hinc enim natae sunt prodigiosae Canonistarum uoces, Papam contractus, supra ius, & extra ius omnia posse: & quod possit dispensare contra prima. 4. Concilia: imò contra uerba Euangelij, licet non contra mentē. Contra Pauli uerò epistolas posse papam non tantum dispensare, uerumetiam statuere. Præuident autem, periculosum, & perniciosum præiudicium generatum iri huic Pontificiæ tyrānidi, si usus calicis, iuxta Scripturæ mandatum, Ecclesiæ restituatur. Ideo sentiunt, in petitione de restitutione calicis uel nihil concedendū, uel concessionem ita moderandam, ut Pontificium illud, merum & mixtum imperium in Ecclesiam, saluum, sartum & tectum maneat. Hanc causam obscure ipsi Tridentini patres indicant in 2. capitula huius Sessionis.

Tertia causa cōcernit focos & aras Pontificiorum. Erepto enim laicis usu Dominici calicis, uerba promissionis de applicatione noui Testamenti, & remissionis peccatorum, ad sacrificium Missæ transfulerunt: & magnificè cœperunt concionari de propitiatione, expiatione, & alijs multis diuinis beneficijs: quomodo per sacrificium Missæ acquirerentur, et à sacerdote quibus ipse uellet applicarentur. De mutilata uerò cōmunionē, tantum exaggerebatur periculum manducationis iudicij: idq; sine necessaria declaratione ueræ præparationis. Ita homines à cōmunionē absterreban-  
tur,

tur, & ad redimendas Missas cateruatim, propo-  
 sitis & collatis uniuersis fermè mūdi thesauris, cō-  
 fluebant. Volebāt enim singuli sub calice Domini,  
 propter annexā dulcissimā promissionē compre-  
 hendi: sicut uetus Germanicū dīcterīū ostendit. Ple-  
 riq; satius putabant, per opus operatum sacerdo-  
 tum sacerdotis in Missa, data pecunia cōparare si-  
 bi propitiationem, & expiationem peccatorum,  
 quā in communione subire periculum iudicij: cū  
 quidē digna preparatio in nostra mundicie consti-  
 tueretur, & tamē adderetur, remissionē peccato-  
 rum non accipi in cōmunionē, etiā à dignè sumen-  
 tibus. Hæc persuasio in infinitū auxit opes & po-  
 tentiā regni Pontificij. Huic igitur tam fortunatæ  
 nundinationi Missarū timent, ne quid detrimenti  
 accipiat, si usus Dominici calicis, addita doctrina  
 de appellatione & obsignatione noui Testamēti,  
 Ecclesiæ restituatur. Et hæc causa ualde prægnās  
 est in regno Pōtificio. Ipsam etiā non obscuris uer-  
 bis explicāt, quādo dicūt, inter causas adempti ca-  
 licis, hāc non postremā esse: ut scilicet discriminē sit  
 inter cōmunionē sacerdotū & laicorū: Quartam  
 causam iudico esse dogma de dubitatione recōcilia-  
 tionis, et remissionis peccatorū. In usu enim calicis,  
 filius Dei testatur, se beneficia noui Testamēti, san-  
 guine suo acquisita, applicare, & exhibito præstā-  
 tissimo pignore preciosi sui sanguinis obsignare  
 singulis, fide calicem illum accipientibus. Cum hac

## 568 EXAMEN DECRETORVM

uerò doctrina, dogma de dubitatione cōsistere nō potest. Et sublata opinione dubitationis, cōcident uota, peregrinationes, redemptiones Missarum, fraternitatum, indulgentiarum, & quæ præterea ad publicanatum regni Pontificij pertinent. Hinc illæ lachrymæ.

Hæc consideratio causarum inter cætera etiam hoc ostendet, quo cōsilio et artificio Tridentini patres iustificationem adempti calicis, in quinta hac Sessione præmittunt, cum undiq; sint ad Conciliū postulationes de restituendo usu poculi Domini: ut scilicet quicquid postea futurum sit de concessione calicis, non sit syncerum, iuxta Scripturæ scilicet sententiam, & antiquitatis testimonia, sed cogatur etiam illud ipsum, confirmandæ & stabilis liendæ Antichristi tyrannidis seruire: sicut postea suo loco ostendemus.

Sed accedamus iam, Deo bene iuuante, ad examen Decretorum & Canonum quintæ huius Sessionis. Et tota summa huc redit, communionem sub utraq; specie, Christi fidelibus laicis & clericis non cōficiantibus, statuto Christi non esse mandata: atq; ideo illis non esse necessariam, sed communionem alterius speciei, ipsis ad salutem sufficere. Nulla enim gratia, ad salutem necessaria, eos defraudari, etiā si unā speciē solā, posthabita altera accipiant. Finis uerò illorum decretorū, hic est: Pontificiam ecclesiam in prohibitione & ereptione ca-



ne calicis Dominici non errasse, sed fecisse hoc, adductam grauibus & iustis causis & rationibus. Et hæc omnia eò tendunt, ut oblique notent & sugillant postulata Regum & Principum, oblata Concilio, de restitutione calicis. Si enim grauibus & iustis causis, communio calicis adempta & prohibita est laicis: iniusta igitur est, nec leuitate caret petitio de eius restitutione.

Habebimus autem iam antithesin: hoc est, audiemus causas & rationes mutata & mutilata communionis, quas affirmant esse graues & iustas, oppositas illis quas supra de seruanda integra cœmunionis, sicut ea à filio Dei instituta, & à Paulo tradita & confirmata est, ex Scripturæ fundamentis, & ex testimonijs antiquitatis annotauimus. Et non iniucundum erit, facta collatione cōsiderare, quàm inæquali pondere pugnent sophistica tenebræ & humanæ præsumptiones, cum clarissima luce uerbi Dei. Non omnes autem causæ & rationes, quas hætenus Pontificij mutilationi suæ prætexuerunt, in Tridentinis decretis repetuntur: sed tamen in II. capitulo, & in II. Canone omnes illæ, quales etiam cumq; sunt, pronunciantur graues & iustæ esse.

Vt igitur plenior sit antithesis, præcipuas rationes quæ hætenus à Pontificijs, pro defendenda & iustificanda mutilatione cœnæ Dominicæ, magno conatu agitatae fuerunt, quàm fieri poterit breuissimè

mè annotabimus, monstratis tantum fontibus & fundamentis refutationum: ut appareat, quæ sint causæ & rationes illæ, quæ tam graues et iustæ censentur in regno Pontificio, ut propterea abrogandum & prohibendum sit illud, quod filius Dei in testamento suo instituit & mandauit. Argumenta uerò Tridentini concilij postea plenius & diligentius excutiemus.

ARGVMENTA TEMPORE CONSTANTIENTSIS concilij agitata, pro communionem  
sub una specie.

Constantiense igitur concilium, communionem sub utraq; panis & uini specie, laicis & clericis non conficientibus, sub pœna excommunicationis, in uocato etiã auxilio brachij secularis prohibens & interdicens, hæc sue prohibitionis reddit rationes.

1. Licet Christus suis discipulis administrauerit sub utraq; panis et uini specie, uenerabile hoc Sacramentum: tamẽ hoc nõ obstante, consuetudo cõmunionis sub una tantũ specie nũc pro lege est habenda. Videt lector, institutioni Christi opponi diuersam cõsuetudinẽ: & ita opponi, ut cõsuetudini cogatur cedere testamentaria institutio, nõ hominis aut alicuius creature, sed ipsius filij Dei: & quidẽ ita cogatur cedere, ut si quis malit testamentariam filij Dei institutionem, quàm hominum diuersam consue-

consuetudinem sequi, puniatur tanquam hereticus excommunicatione, inuocato etiam auxilio brachij secularis.

Non opus autem est proluxa & operosa refutatione. ipsa enim antithesis pijs mentibus satis ostendit, quale sit argumētum, quod plus desert recenti hominum consuetudini, quā testamentariae ordinationi filij Dei. Et adeo flagitiosa est illa clausula (licet Christus instituerit sub utraque specie, tamen hoc non obstante, &c.) ut eius nunc ipse etiam Pontificios pudeat. Aliter enim nunc argumentum illud formant, sicut postea ostendemus.

Hoc igitur tantum addam, quod apud Cyprianum lib. 2. epistola 3. extat illustris refutatio huius argumenti, quæ quasi exprofecto opposita est huic decreto. Disputans enim de calice Domini sanctificando, & plebi ministrando, ita inquit: Si solus Christus, de quo pater de cælo contestatur: Hunc audite, audiendus est: non debemus attendere quid aliquis ante nos faciendum putauerit, sed quid ille qui ante omnes est Christus prior fecerit. Neque enim hominis consuetudinem sequi oportet, sed Dei ueritatem: cum per Isaiam Deus dicat, Frustra colunt me, mandata & doctrinas hominum docentes. Et notæ sunt ueterum sententiæ, quas de antithesi consuetudinis & ueritatis, Gratianus citat distinctione octauo. Obseruabit autem lector, in Constantiensi concilio nondum notum fuisse

fuisse argumentum illud, quod nunc apud Pontificios præcipuum iudicatur: uerba scilicet Christi de institutione calicis, non pertinere ad laicos, sed ad solos sacerdotes. Aliàs enim in Constantiensi ratione non opus fuisset institutioni Christi solam consuetudinẽ opponere. Huius obseruationis postea usus erit.

2. Licet in primitiua Ecclesia, huiusmodi Sacramentum reciperetur à fidelibus sub utraq; specie: tamen hoc non obstante, consuetudo introducta, &c. Iterum monendus est lector, ut obseruet quomodo fundamenta huius mutilationis subinde mutarint Pontificij. Nunc enim contendunt, consuetudinem communicandi laicos, sub una tantum specie fuisse semper, etiam in primitiua Ecclesia, atque adeò ipsis etiam Apostolorum temporibus. Sed Constantiense concilium simpliciter & disertè quod res est fatetur: communionem scilicet sub una tantum specie, ignotam fuisse primitiue Ecclesiæ. Argumentum autem Constantiense, antithesis facit inter duas consuetudines: quarum una, ut scilicet Eucharistia à fidelibus recipiatur sub utraque specie, est consentanea institutioni Christi, hoc est ueritati: & est antiquissima, primitiue scilicet & purioris Ecclesiæ. altera uerò, de una specie, postremis temporibus, cum in multis iam à puritate primitiue Ecclesiæ discessum esset, in senescentẽ Ecclesiam introducta est. Quæstio iam est,

utra



utra consuetudo cui cedere debeat? Augustinus ex Cypriano allegat elegantissimam sententiam: Si consuetudini ueritas suffragetur, nihil oportere firmitus retineri: aliàs uerò consuetudini ueritatē esse præponendam. Iulius pontifex de Consecr. dist. 2. consuetudinem porrigendi poculis intinctam Eucharistiam, refutat ex consuetudine Ecclesiastica antiquiore, quæ cum Euangelica & Apostolica doctrina conuenit, ubi seorsim panis, & seorsim calicis commendatio memoratur.

Sed Constantiense concilium decernit antiquissimam primitiue Ecclesiæ consuetudinem, quæ institutioni Christi consentanea est, debere cedere diuersæ recentiori & posteriori cōsuetudini, quæ cum institutione & mandato Christi pugnat. Atq; huius argumenti Maxima, sicut Dialectici uocāt, est clausula illa: Hoc non obstante. Quantum igitur hoc argumentum ualeat, sola & nuda antithesis satis ostendit.

3. Christus Apostolis dedit Eucharistiam inter cœnandum, post cibos, seu cœnatis: & tamen sacrorum Canonum auctoritas, & laudabilis Ecclesiæ consuetudo seruauit, & adhuc seruat, quòd ieiunis iam porrigitur. Ergo eadē ratione, licet Christus utramque speciem dederit discipulis, potest tamen consuetudo introduci, ut laici sub una solummodo specie communicentur. Respondeo: Ingens est discrimen, inter ea quæ ad substantiam Sacramento=

cramentorum pertinent, quæ habent institutionem, præscriptum & mandatum Dei: & inter externas circumstantias, quæ non habent præscriptum & mandatum Dei, sed liberas habent observationes, pro ratione ædificationis. Et talis circumstantia est: an post cibos, an uerò à ieiuniis sit accipiendum hoc Sacramentum. Christus enim, quia uoluit tunc figuris ueteris Testamenti finem imponere, & earum loco Sacramentum noui Testamenti instituere: ideo prius Pascha cum discipulis comedit, & postea Eucharistiam instituit. Nobis uerò non mandauit, ut ante communionem Pascha mañenus & edamus: imò uetus Pascha tunc abrogatum est. Et Paulus disertè declarat, nos non esse obligatos ad circumstantiam illam temporis, ut non nisi illo anni tempore, illo mense, die & hora celeberrimus cœnam Domini-  
cam, dicit enim: Quotiescunq; &c. Calicis uerò communio pertinet ad ipsam substantiam Eucharistiae. Extra controuersiam enim est, substantiam Sacramentorum constare materia & forma, hoc est, uerbo Dei, & externo elemento diuinitus ab hoc instituto. Et ita Irenæus dicit, Eucharistiā constare duabus rebus, terrena & coelesti. Iam uerò Christus pro elemēto Eucharistiae, ordinauit duas distinctas species scorsim seu diuisim (sicut ueteres loquuntur) sanctificandas, dispensandas, & accipiendas, panem scilicet & uinū: & singulis addi-

dit mandatum: Edite, Bibete, Hoc facite. Et Paulus addit, hanc filij Dei ordinationem durare debere usque ad consummationem seculi. Nullo modo igitur Constantiensis consequentia ualet: Christus Eucharistiam dedit cœnatis, nos eam damus ieiunis: ergo Ecclesia potest communionem calicis abrogare, interdicere & prohibere.

Sunt, qui non uerentur Constantiensem hanc argumentationem & consequentiam, ipsi Augustino tribuere, quæ dictitant in epistola 118. consuetudini Ecclesiæ in celebratione Eucharistiæ tantum tribuere, ut suadeat propterea ab institutione Christi discedendum esse. Sed manifestam & luculentam iniuriam faciunt Augustino. Disputaturus enim de ritibus Ecclesiasticis, statim in principio epistolæ, celebrationem Sacramentorum quæ in Scripturis canonicis commendatur, excipit. Et postea explicaturus hanc questionem, an à ieiunis, an uerò post alios cibos accipienda sit Eucharistia: triplici utitur distinctione. 1. Quid horum sit faciendum, si diuinæ Scripturæ præscribit autoritas, non est dubitandum, quin ita facere debeamus ut legimus. 2. Si quid horum, scilicet ritibus quæ diuinæ Scripturæ autoritas non præscribit, tota per orbem frequenter Ecclesia: hoc quin ita faciendum sit disputare, insolentissima insania est. 3. Quæ uerò per loca & regiones uariantur, liberas habent observationes. Iam uerò nostra questio de communione calicis,

calicis, manifestissimè est inter illa quæ diuina præscribit autoritas: sicut suprâ ex Euangelistis & ex Paulo demonstrauimus. Et ipse Augustinus in principio epistolæ, ad primum hoc genus expressè refert communicationem corporis & sanguinis Domini. Valeat igitur quod hoc loco Augustinus pronunciet, non esse dubitandum, quin ita facere debeamus ut legimus. Alteram uerò quæstionem de ieiunis seu cœnatis, Augustinus refert ad tertium genus, quod liberas habet obseruationes. Et hoc ita probat: Christus ideo post ultimam cœnam instituit Eucharistiam. uoluit enim ultimum hoc insingere cordibus, & memoriæ discipulorum. Non autem præcepit, quo deinceps ordine (scilicet temporis) sumeretur. Et addit Augustinus: Nam si hoc Christus monuisset, ut post cibos alios semper acciperetur: credo quod eum morem nemo uariasset. Ex Paulo uerò diuersum ostendit. Ille enim arguit & emendat eos, qui suis mensis & cibis Dominicam cœnam miscebant. Immensum igitur discrimen est inter illa duo, Eucharistiam non post alios cibos, sed ieiunis dare: & communionem calicis, prorsus eripere fidelibus laicis.

4. Constantiensis decreti ratio, est consuetudo: ut Eucharistia à laicis tantummodo sub specie panis suscipiatur, ad euitandum aliqua pericula & scandala, rationabiliter est introducta. Periculum autem intelligunt, ne quid ex calice effundatur.

Vnde



Vnde iudicant, tanta scandala sacrilegij (sicut uocant) nasci, ut propter euitanda pericula & scandala illa, in uniuersum laicis prohibeant usum calicis. Sed respondemus: Si pericula & scandala illa tanta sunt, & usq; adeò necessariò & absolutè annexa sunt cõmunioni calicis, ut his malis nulla alia cautione prouideri possit, nisi usus Domini-  
ci calicis, fidelibus laicis prorsus eripiat, interdicator & prohibeatur: tota primitiua & uetus Ecclesia, sacrilegij insimulanda erit. Et redundabit hæc contumelia in ipsum autorem Sacramenti, qui tale quid instituit, quod sine periculo scandalii & sacrilegij in Ecclesia seruari non possit. Si uerò hæc pericula non absolutè & necessariò cõmunioni calicis annexa sunt: alia igitur ratione, & alijs cautionibus occurri licebit periculis illis, ut non opus sit propterea prorsus abrogare usum calicis. Nam & sacratum panem in terram posse excidere, Augustinus testatur 1. quæst. 1. cap. Interrogo. Num uerò ideo altera etiam species, atque adeò totum Sacramentum eripiendum erit laicis? Certè præpostera illa sollicitudo & prudentia, quæ ideo prorsus prohibetur usus calicis, ignota fuit ueteri Ecclesiæ, ubi pericula talia, multo magis metuenda fuissent quàm nunc. singulis enim, aut certè Dominicis diebus, tota communitas communica-  
bat: & quidem sæpe in tanta frequetia, quam totam amplissimæ Basilicæ semel capere non pote-

rant, ut eodem die saepe opus fuerit reiteratione celebrationis coenae Dominicae: sint ostendit Leo papa epist. 81. Dabatur alicubi etiam infantibus Eucharistia: imò sanguinem Christi aliquando communicantes, domum secum deferrebant: sicut de sorore sua Gorgonia, Nazianzenus refert. Serapionis puero apud Eusebium Eucharistia infusa datur ad aegrotum deferenda. Et quidem etiam aegrotis difficulter deglutientibus, sanguis Christi dabatur, in Canone 76. quarti Carthaginensis concilij, & in 11. Toletano canone.

*ἡ ὑπερβολὴ* igitur, non *αἰτία* est, q. de periculo prætexunt Pontificij: imò tale quid non caro in ueteri Ecclesia attidit. Apud Cyprianū enim sermone 5. de lapsis, diaconus puellae infanti, reluctantij, & os labijs obturanti, de calice infundit: quod tamen mox de pollutis uesteribus erupisce legitur. Apud Chrysostomū in uestes militum in sacrariū irrumpentiū, sanguis Christi effunditur. Et grauius quidē Patres tulerūt, quādo tale quid accidit: sicut Augustinus testatur cap. Interrogo uos, non tamen tam immane sacrilegiū esse iudicarūt, ut propterea prorsus abrogādus esset usus calicis: sed adhibuerūt sollicitudinē & cautiones, quantum quidē fieri potuit, ne tale quid per negligentiam accideret: Nunc uerò in hac languida Ecclesiae senecta, elapsis florētibus Ecclesiae tēporibus, prudentiores hac in parte esse uolumus patribus, martyribus, confessoribus, ipsisq. adeo Apostolis: imò ipsa  
Dei

Dei sapientia, à filijs suis iustificatur. Quid igitur pretextus, aut potius simulatio illa de periculo possit et ualeat, cōtra tam illustria, solida et urgentia Scripturæ fundamēta, et antiquitatis testimonia, illi etiam qui à Pontificis partibus nō prorsus alieni sunt, non dissimulant.

Quinta ratio est: Cū firmissimè credēdū sit, integrū Christū, corpus et sanguinē, tā sub specie panis q̄ sub specie uini ueraciter contineri: ideo à laicis tantūmodo sub specie panis, suscipiēda est Eucharistia. Hoc argumētū repetitur in 3. Tridētino capitulo. eousq; igitur eius explicationem differemus.

Sexta: Consuetudo hæc diu est obseruata: ergo habēda est pro lege. Hoc igitur pro cōfesso sumemus, totis mille et quadringētis annis post Christū natū, nullā fuisse in Ecclesia legē, nullā synodalem aut dogmaticā cōstitutionē, Sacramētū Eucharistiæ à laicis tantūmodo sub specie panis esse suscipiēdū: sed postremis illis tēporibus, consuetudinē talē, sicut alia multa, paulatim in Ecclesiam inuēctam. Quale enim sit quòd dicunt, consuetudinē illā diu esse obseruatā, explicabimus in 2. Tridētino capitulo. Quòd uerò ad argumētū attinet, scio in politicis hoc ualere: sed in Ecclesia, uerbo, institutioni, præscripto et mādato Dei, nulla consuetudo uel debet uel potest præscribere aut præiudicare. Et in hac ipsa materia, de calice scilicet Dominico sanētificādo, et plebi ministrādo, Cyprianus argumētū illud planè inuertit. Cū. n. Aquar ij, consuetu  

O 2

dinem

dinem quorundam qui ante Cyprianum fuissent, pro se allegarent: Cyprianus nequaquam uult cōcedere, consuetudinem illam pro lege esse habendam: sed consuetudini opponit lege Euangelicam, de calice Dominico sanctificando, & plebi ministrando. inquit enim, legem Euangelicam, & traditionem Dominicam ubiq; ita esse seruandam, ut ab eo quod Christus docuit & fecit, nō recedatur.

Hæ sunt rationes, & hæc fundamenta decreti Constantiensis: quibus superstructa primum fuit lex abrogati, erepti, prohibiti & interdicti Domini calicis. Illas uerò rationes ordine in nuda forma recensere uolui: ut appareat, quàm scilicet graues & iustæ sint, sicut eas Tridentinum capitulū appellat. Deinde ut facta collatione disputationum, quæ de eadem materia post Concilium illud secutæ sunt, consideretur, quomodo subinde alia quæsita sint fundamenta, & quomodo languentibus argumentis, noua subinde pharmaca adhiberi curarint Pontificij: ut scilicet forma et specie plausibiliore proponi possent.

Ad pleniorē autem Constantiensis decreti declarationem, pertinet tractatus Gersonis de communionē laicorū. Memorabili enim est, quòd post promulgatū interdictū calicis, cum animaduertērent multis non satisfieri illis rationibus, quibus tanquam fundamentis interdictum prohibitionē suam superstruit: seniores concilij Constantiensis petierunt



petierunt à Iohanne Gersone, ut is conquireret alias grauiiores & firmiores rationes, persuasiones & allegationes, quibus expugnari possint illi qui ægrè ferebant, communionem sub utraq; specie à Christo institutam, ab Apostolo confirmatam, & à primitiua Ecclesia obseruatam, sibi tam frigidis et ieiunis rationibus, sicut in decreto Constantiensi ponuntur, eripi. Factum fuit hoc, biennio post promulgatum decretum. Promulgatio enim facta est, anno Domini 1415. die Iunij 15. Gerson uerò tractatum suum edidit Cōstantiæ, anno 1417. die Augusti 20. Et dignum est perpetua memoria ad omnem posteritatem, quòd ex illa Gersonis annotatione habemus, quæ dictæ fuerint sententiæ à Theologis in Constantiensi concilio, cum instituta esset deliberatio de rationibus prohibiti & erepti calicis. Ità enim inquit Gerson: Præsentes sunt in hoc Concilio de præclaris Vniuersitatibus, tam numero quàm merito præcellentes Theologi: unde dicunt eorum plurimi, qui super hoc fuerunt simul congregati, quòd consuetudo de non communicando laicos sub utraq; specie, licitè & rationabiliter fuerit introducta, præsertim post multiplicationem fidelium: & hoc propter euitationem multiplicis periculi, irreuerentiæ & scandali circa susceptionem huius benedicti Sacramenti. Pericula autem hæc, & ita enumerant. 1. In effusione. 2. in deportatione de loco ad locum. 3. In uasorum for-

didatione, quæ deberet esse sacrata, nec passim tractata & tacta à laicis. 4. In barbis longis uirorū. 5. In cōseruatione pro infirmis. posset enim acetū in uase generari, addito q̄ in æstate bibiōes aut muscæ generarētur, quādoq; etiā putresceret. 6. fieret multis quasi abominabile ad bibendū, quando multi alij præbibissent. 7. In quo uase fieret consecratio tāti uini, quantū requiretur in Paschate pro aliquot milib. personarū. 8. Damnum esset in sumptuositate uini: alibi enim uinū uix inuenitur, alibi carè cōparatur. 9. Esset periculū in cōgelatione. 10. Induceretur inde periculū falsæ credulitatis, quasi tāta esset dignitas laicorum circa summptionē corporis Christi, sicut et sacerdotū. 11. Existimaretur semp fuisse & esse necessaria cōmunio calicis. Et ita peccassent omnes clerici, doctores et prælati, qui diuersæ cōsuetudini se nō opposuerūt uoce & scriptis. 12. Putaretur uirtus et efficacia huius Sacramēti, esse magis in sumptione quā in consecratione. 13. Sequeretur, ecclesiam Romanā non ritè sentire de Sacramētis, nec esse in hoc imitandam. 14. Sequeretur, Constantiense concilium in fide & bonis moribus errasse. 15. Esset occasio schismatum in Christianitate.

Has fuisse rationes Theologorū in concilio Cōstantiensi, ex Gersone discimus. Nec uerò opus est singulis addere peculiare refutationes: pleræque enim tales sunt, quarū nunc ipsos Pōtificios pudet,

De periculo effusionis, *suprà* dixim⁹. De periculo  
 deportationis, reſeruatiōis, itē de uasorū cōtrecta-  
 tione, facilis est reſponſio. Chriſtus .n. ſicut Orige-  
 nes rectē inq̃t, panē ſacratū et poculū benediſtio-  
 nis nō iuſſit ſeruari in craſtinū, ſed dixit: Accipite,  
 edite et bibite. Humane igitur traditiones ſunt. Et  
 quia propter ſeruādas illas traditiones, uſus calicis,  
 q̃ habet inſtitutionē et mādātū Chriſti, laicis pro-  
 hibetur et eripitur: rectē igitur huc accōmodatur  
 reſpōſum Chriſti, Mar. 7. Relinquētes mandatum  
 Dei, tenetis traditiones hominū. itē: Irritū facitis  
 mandātū Dei, ut traditionē ueſtrā ſeruētis. Et ſapi-  
 ens antiquitas, quæ et panē et poculū ſacratū ad  
 infirmos et abſentes deportauit, et in hunc uſum  
 alicubi et aliquando per tēpus non longū reſerua-  
 uit, de periculis illis nō ita fuit ſollicita, ut propte-  
 rea uſum calicis abrogaret. Noua igitur et ſera  
 eſt hæc Pontificiorum prudētia, orta demum poſt  
 annos mille quadringentos. Et nihil horum pe-  
 riculorum timendū eſſet, ſi relictis hominū tradi-  
 tionibus, poculū benediſtionis nō reponeretur, ſed  
 iuxta Chriſti inſtitutionē ſtatim deſpenſaretur. De  
 uasīs capacitate, apud ueteres nulla ne natā quidē  
 fuit queſtio: cum tamen ſæpius communicantium  
 tanta eſſet frequentia, ut eam ne ampliſſimæ qui-  
 dem baſilicæ capere poſſent: ſicut oſtendit Leo ad  
 Dioſcorum, epiſtola 81. Porro quam ridicula eſt  
 ratio, de longis barbis uirorū? Certē in primitiua

Ecclesia, non omnes fideles fuerunt imberbes. Et inter ipsos Apostolos (si uera est Nicephori descriptio) Petrus habuit crispam & densam barbam. Quod si omnino alterutrum faciendum esset: nonne potius longæ uirorum barbæ refecandæ essent, quam usus Dominici calicis prohibendus? Quid uerò de barbīs in semellis fingunt, cum & illis poculum Domini denegent? Et hæc scilicet una est ex iustis & grauibus illis causis, quas Tridentinum concilium celebrat. Eiusdem grauitatis & iustitiæ est ratio de sumptuositate uini: & quod abominabile quiddam sit, si ex uno poculo multi bibant. Valde delicata igitur iam facta est Ecclesia, cum antiquitas sæpe repetat, signum & tesseram esse Ecclesiasticæ unitatis, quod omnibus unum poculum proponitur, sicut Chrysostomus inquit. Illa uerò ratio, non tantum leuis & ridicula, sed prorsus falsa est, quod dicunt, ideo laicis ereptum esse usum calicis, ut in sumptione corporis Eucharistiæ, maior sit dignitas sacerdotum et laicorum. Paulus enim docet, in Christo Iesu credentes omnes esse unum: Gal. 3. Et hæc ratio iam dudum, quasi exprofectio est explosa à Chrysostomo, Hom. 18. in 2. Corinth.

In postremis uerò rationibus ingenuè fatetur theologi Constantiensis concilij, quæ præcipua & principalis causa sit, quod tam pertinaciter digladiantur de illa prohibitione calicis: ne scilicet errasse uideatur clerici, doctores, prelati, Romana ecclesia,



ecclesia, & cōcilium Constantiense. Et hanc rationem lector bene obseruet.

Profecto nisi idoneus testis esset Gerson, uix crederet aliquis tam leues, tam frigidas, tam futiles et ridiculas rationes à Theologis, ex præcipuis Vniuersitatibus totius Christiani orbis congregatis, in re tam graui & seria propositas fuisse.

Quando igitur Pontificij in hac disputatione titulum uniuersalis Concilij, tanquam caput Gorgonis obijciunt, opponatur ipsis denudata turpitudine rationum & fundamentorum, ex quibus extructum est decretum istud Constantiensis prohibitionis. Et quidem ipse Gerson rationibus illis, indignis appellatione Theologica, non satis fidit: ideo alias ipse, à senioribus Concilij rogatus conquistauit, quæ quales in tali causa esse possint, nudè & simpliciter tanquam in tabella spectandas proponam: hoc potissimum consilio, ut ex collatione lector consideret, quid ex Gersonis schola Tridentini mutuati sint: & quomodo easdem rationes, alia specie, tectius scilicet & callidiori artificio proponant. Hæc collatio aliquem postea habebit usum.

Prima igitur Gersonis ratio hæc est: Circa institutionem & ministrationem Sacramentorum, quædam sunt de necessitate Sacramenti, & de iure diuino: ut scilicet consecratio fiat per talem uerborum formam, & in tali materia panis. Quædam uerò tantummodo sunt de necessitate præcepti Ec-

clesia, et de iure humano seu positiuo: ut scilicet cōsecratio fiat in azymo, in tēplo seu altari sacro, cū talibus uestibus, cū lumine, cū Epistola & Euangelio: itē ieiuno stomacho. Talia enim sunt uariabilia, & ab Ecclesia possunt immutari. Et inter hæc ponit etiam usum calicis: hoc est, usum calicis, qui habet uerbum institutionē, præscriptū & mandatum filij Dei, in eodem loco & gradu ponit, cum Pontificio uestitu missificatorum cum accensis cereis, cum lapidibus certo ritu excantatis, &c.

Secūda: Sumptio Eucharistiæ sub utraq; specie à laicis, nunquā fuit præcepti iuris diuini: attamen dum fiebat præcipiente uel permittente, uel consulente Ecclesia, bene fiebat. Nunc uerò dum certa ratione moleuit opposita consuetudo, per Ecclesiam laudata & iussa: sumptio talis est temeraria, presumptuosa, scandalosa, seditiosa, & ex consequenti, eterne damnationis inductiua. Iucundum erit postea uidere, quomodo eadem argumenta à Tridentinis, nō in tam aperta & crassa forma, sed subtiliori artificio limata proponantur.

Tertia: Christus Ioh. 6. dicit: nisi māducaueritis carnē filij hoīs, et biberitis sanguinē eius, nō habebitis uitā in uobis. Sed ibidē mox dicit: Si quis māducauerit ex hoc pane, uiuet in eternū. Ergo communio sub utraq; specie, nō est necessaria: sed sufficit, si tantummodo sub specie panis sumatur. Idē argumentū in primo Tridentino capitulo repetitur.

Quarta:

Quarta: Spiritualis māducatio & bibitiō semper est necessari. In paruulis uerò, & in casu necessitatis, tota cōmunio Sacramētalis nō cadit sub necessitate salutis. Ergo pars eius, scilicet usus calicis, potest etiam extra necessitatem adultis laicis prohiberi & eripi. Hoc argumentum primus Tridentinus canon testē notat, cum inquit: Ex necessitate salutis, &c.

Quinta: Gerson agnoscit, quā male sonet in piorum auribus, quōd decretū Constantiēse, cum cōcedat Christi institutionem præscribere usum utriusq; speciei, tantū illam clausulā opponat: Hoc nō obstante, &c. ideo uaria quærit pharmaca, ut languenti huic argumento, prudens aliquod pharmacum iuxta Euripidem adhibeat. Summa uerò huc redit, Scripturā sacra non esse ita recipiendā nudē & in solidū, contēptis alijs traditionibus hominū, quin debeat ad uerā intelligentiā habendā, iuribus humanis, et canonibus, et decretis, et glossis doctorum frequenter & humiliter uti. Imò expositionem Scripturæ à ueteribus traditam, recipere interpretationem recentiorum. Et tandem concludit, Scripturam in sui expositione finaliter resolui in auctoritatem & consuetudinem uniuersalis Ecclesiæ.

Hanc Gersonis sententiam, postea Nicolaus Cusanus apertius & crassius explicauit epist. 2. ad Boemos. inquit enim, Scripturas ad tēpus adaptari,

Et uariè intelligi: ita ut uno tempore, secundum currentem uniuersalem ritum exponantur: mutato uerò ritu, iterum sententia mutetur.

Huius argumenti neruos retinent quidem Pontificij: sed in tanta luce Euangelij, non audent illud in tali forma proponere, sed alijs artificijs institutionem Christi eludunt, sicut postea ostendemus.

Sexta: Videt Gerson, et hoc non parum habere incommodi, quòd decretum Constantiense uideatur simpliciter concedere, in primitiua Ecclesia, in conuentibus Ecclesiasticis, fuisse communem et uniuersalem usum communionis sub utraq; specie. Et quamuis hoc Gerson negare, et contrariū siue testimonijs siue exemplis docere non potest: addit tamen, probabilius uideri, quòd hæc obseruatio nunquam à tempore doctorum communius apud omnes extiterit. Et hæc Gersonis commonefactio, excitauit Pontificios procuratores nostri temporis, quòd aliqua talia exempla, quibus hoc probare in speciem conantur, conquisierunt: ne scilicet opus amplius sit, fœda illa clausula: Hoc non obstante.

Septima: Quando antiquitatis testimonia et exempla testantur, populum fidelem debere bibere sanguinem Christi: dicit Gerson, hæc exponenda esse de sacerdotibus, qui celebrant pro toto populo: ut populus dicatur sanguinē Christi bibere, quia ministrantes pro eis illum bibant: quia scilicet



et (sicut Gabriel Biel dicit) sacerdos est os Ecclesie. Hec ratio talis est, quod ex Pontificij iam nemo aperte & in tali forma, illa uti audet.

Octava: Augustinus licet de cōmunicatione laicorum sub utraq; specie, sepius tanquam necessaria loquatur: inuenitur tamen dixisse: Crede, & manducaſti. Et eodem modo dicere potuit: Crede, & bibiſti. Ergo communio laicis sub uini specie, non est necessaria: sed prohibito usu calicis, potest lex constitui, ut Eucharistia à laicis tantummodo sub specie panis suscipiatur. Sed multo plus est in hac conclusione, quàm in præmissis. Augustinus enim in illo dicto nihil quicquam uel somniauit, de mutilanda & mutanda testamentaria filij Dei institutione. Sed disputant, Christum in concione Ioh. 6. non loqui de Capernaitica laniena corporis sui, sed de spiritali manducatione, quæ sit per fidem. inquit enim: ut quid paras dentes, & uentrem? Crede, & manducaſti. 2. Dictum illud rectè accommodatur ad salutarem sumptionē Eucharistie, ad quam fidem accedere oportet. 3. Vsurpatur etiam de casu necessitatis, quando scilicet non potest haberi copia Sacramentalis communionis. tunc enim ualet illud Augustini: Crede & manducaſti. Inde uerò nulla ratione sequitur Constantiensis conclusio. Et si tale quid inde sequeretur, non Dominici calicis, sed panis Eucharistici usus abrogandus & prohibendus esset: nec laicis tantum,

tantum, sed uniuersaliter omnibus, generaliter ca-  
nim Augustinus dicit: Crede, & manducaſti.

Prima uerò & ultima Gersonis ratio hæc est: Inuocandū potius esse auxilium brachij secularis, quā per ratiocinationes agendum, cum determinatio concilij iam trāsierit in rem iudicatā. Itē, in expugnatione diuersum sentientium, proficere uideatur, si Imperator acciperet factum illud prosequendam & terminandam, cum potentia etiam brachij secularis. Ita Gerson. Et notetur, hanc esse primam & ultimam Constantiensē probationem, quia uidetur ualde esse compendiarīa. Difertē etiam se declarat Gerson, contra quos disputet. **¶** Est enim: asserētes sumptionem Eucharistiæ esse licitam & utilem laicis, tantum errare, quantum illos qui dicunt eam esse necessariā, de necessitate præcepti diuini & iuris indispensabilis.

Et hæ sunt rationes, tempore Constantiensis cōci  
lij disputatæ & propositæ, quando primum nata  
est iniusta & impia illa lex interdicens, prohibēs  
& eripiens laicis usu in Domini calicis, cōtra in  
stitutionem Christi, contra traditionem Apostolo  
rum, & observationem primitivæ Ecclesiæ.

ARGVMENTA BASILIENSIS  
concilij.

Mox uerò post 20. ferme annos, in Basiliensis  
edictio, eadem prohibitio repetita & confirma-  
ta fuit.

ta fuit. Et opere precium est obseruare, quomodo tunc statim quedam rationes Constantiensis concilij, ut nimis aperte & crasse exposita, coeperint alia forma proponi.

Primò enim, quia sentiebant pias aures, Constantiensi illa clausula non immeritò offendi: Licet Christus instituit sub utraq; specie: hoc tamen non obstante, consuetudo, &c. rationē illam paululum immutatum, ita proponunt: Laicos & clericos nō conficientes, non astringi ex præcepto Domini, ad sumptionem utriusq; speciei. Illam uerò correctionem, ex Gersonis commonefactione sumpserunt: quam etiam Tridentinum concilium imitatur, sicut sub loco explicabimus.

2. Nec illa forma Constantiensis argumenti placuit Basiliensibus: Licet in primitiua Ecclesia Eucharistia à fidelibus sub utraq; specie susciperetur: hoc tamen non obstante, &c. Basiliense igitur concilium argumentum illud ita format: Ecclesia, ordinare habet, quomodo ministretur hoc Sacramentum, prout pro reuerētia ipsius Sacramenti, & salute fidelium uiderit expedire. Et hoc argumentum quomodo in 2. Tridentino capitulo repetatur, postea uidebimus.

3. Modò iuxta ordinationem seu obseruationē Ecclesie communicarint, siue sub una, siue sub utraque specie, proficit dignè communicantibus ad salutem. Quare uerò non potius iuxta ordinationem

tionem Christi, & traditionem Apostolorum, quā primitiua Ecclesia religiose secuta est? Cogitetur autem quæso, quid sit salutem promittere illis, qui relinquētes mandatum Dei, tenent traditiones hominum: imò qui abrogant mandatum Dei, propter suas traditiones. Mar. 10. Ad dignam certè communicationem, omnino requiritur fides. Sed fides ex auditu, auditus uerò per uerbum Dei. Ergo ubi à uerbo Dei disceditur, non potest esse uera fides. Et Cyprianus disputās de calice Domini sanctificando, & plebi ministrando, ad illos qui ab eo quid Christus magister fecit, docuit et præcepit, humana institutione decedunt, accommodat illud Isaia: Frustra colunt me, mandata & doctrinas hominum docentes. Memorabile uerò est, quomodo illam Basiliensem rationem, Iacobus Zieglerus cōtra Vualdenses amplificārit & illustrārit. hæc enim sunt eius uerba, de communione sub una specie: Hunc panem sub obedientia Romanæ ecclesiæ manducamus, certi quia ob hoc obsequium fidei, uiuemus in æternum.

4. Sub una specie integrè est totus Christus: ergo altera pōt uel omitti, uel abrogari & phiberi.

5. Consuetudinem non uetustissimam unius speciei, Basilienses censent pro lege habendam, propter has causas. 1. Quia est rationabiliter introducta. Rationes uerò sunt tales, sicut illas ex descriptione Gersonis supra recēsuimus. 2. Quia diu-

tissime



tissimè est obseruata. Hoc uerò ostendemus falsum esse, in explicatione secundl Tridentini capituli:  
3. Quia est à doctores commendata. Intelliguntur autem non doctores ueteris & purioris Ecclesiæ, sed qui tunc in scholis regnabāt. quàm graues uerò fuerint ipsorum commendationes, ex Gersonis annotatione iam didicimus.

ARGVMENTA NOSTRO TEM-  
pore disputata, pro mutilatione  
communione.

Veniamus iam ad nostrorum temporum disputationes: ubi accensa cursus, singulari Dei beneficio, luce uerbi Dei, necessitas imposita fuit Pontificijs, ut ex Scriptura quærerent prætextum aliquem huius mutilationis. Et quia uidebant, in hac luce uerbi Dei, non amplius locum habere clausulam illam: Hoc non obstante. nouo igitur & subtiliori artificio, formandæ fuerunt rationes. Non autem integras illas disputationes retextemus, sed tantum monstrabimus ex collatione, quomodo subinde requisita sint alia & noua fundamenta, cum priora, ne ipsis quidem Pontificijs satisfacerent: & quomodo ueteres rationes nouo artificio limatæ, alia subinde specie reformatæ sint. Id quod euidentis indicium est, causam quam Pontificij procuratores in hac disputatione sustinent, esse malam, dubiam, infirmam,

languentem & ruinosam. Quæ enim noua nunc comminiscuntur fundamenta, non sunt illa ex quibus extructum primum fuit decretum huius mutilationis: sed conducticij rhetores, sophistico artificio talia post factum excogitant, ut illi parti cui operam suam elocarunt, liberaliter inseruiant, & quoquomodo satisfaciant. Illa igitur tantum, quæ nostris temporibus à procuratoribus regni Pontificij, seu noua, seu renouata, in hac disputatione proposita sunt, breuiter notabimus.

Et primò hoc obseruetur. Quia in Scriptura extat manifesta, & certa descriptio testamentariæ institutionis filij Dei, uiderūt illam lucem, nō posse hoc quidem tempore animis hominū eripi, si cum Constantiensi concilio dicatur: Hoc non obstante. uel si cum Basiliensi concilio sine probatione fingatur, non omnes fideles illo mandato Christi constringi. Querendus igitur fuit pretextus ex detortis quibusdam Scripturæ sententijs: an hoc forsitan artificio, tenebræ possent simpliciorum oculis obduci. Vel certè ut illud assequerentur, quod Augustinus contra literas Petiliani inquit: Ambigua & peregrina testimonia, malam causam uel moras faciundo sustentant.

Et quidem cum tempore concilij Constantiensis & Basiliensis, in Scriptura nulla potuerint argumenta inuenire, excepto 6. cap. Ioannis: recētibūs Pontificiæ turpitudinis patronis, tanta suppetit  
argua

argumentorum copia, ut etiam ex ueteri Testamento probare (si dis placet) possint, fidelibus laicis eripiendum esse usum Dominici calicis. Osius enim in confessione Petricouienfi, ita argumentatur: Sicut in ueteri Testamento discrimen inter sacerdotes & laicos tale erat, quod populus de sacrificijs quæ erant in materia solida, simul edebat. de libaminibus uerò quæ liquoribus constabant, non populo, sed solis sacerdotibus fas erat bibere. Leu. 4. 6. & 16. ita in nouo Testamento laicis prohibendus est usus Dominici calicis, ut sit idem discrimen inter sacerdotes & laicos, quod fuit in ueteri Testamento. Atqui in ueteri Testamento, non sacerdotes ad propugnandam & illustrandam ordinis sui dignitatem hoc constituerant, sed Dei erat ordinatio. In nouo uerò Testamento, filius Dei coenam instituit communem omnibus fidelibus, hoc est, discipulis suis: in qua calix Domini, pari conditione cunctis traditus est, sicut Theophilactus inquit. Et de uniuersa Ecclesia Paulus inquit: Omnes in unum spiritum potati sumus. Non ergo sequitur. In ueteri Testamento fuit ex Dei ordinatione, in participatione sacrificiorum, tale discrimen inter sacerdotes & populum. Ergo licet comunione Eucharistiæ Christus instituerit, Apostoli tradiderint, primitiua Ecclesia seruarit sub utraq; specie: tamen ut discrimen illud ueteris Testamenti eodem modo extet etiã in nouo Testamento,

mento, mutanda potius per homines, & mutanda erit testamentaria institutio filij Dei. Quasi uerò nullum deberet discrimen esse, inter tempora ueteris & noui Testamenti. Quid igitur est abrogatio ueteris Testamenti, si ideo mutanda est institutio Christi, ut nullum sit discrimen inter uetus & nouum Testamentum? Et quid opus est prolixa refutatione, cum argumentum illud, in illa ipsa planè forma, quasi ex professo reiectum atque explosum fuerit, in uera & puriori antiquitate, præcipuè uerò à Chrysostomo Homelia 18. in 2. epistola ad Corinth. cuius uerba suprà annotauimus. Veteres etiam ex usu manne, & aquæ ex petra, probarunt usum utriusque speciei communem esse omnibus fidelibus, in nouo Testamento. Illud uerò egregium est, quod Eccius in locis communibus; sacrilegium erepti calicis iustificat inde, quòd Dominus prædixerit de posteris Heli: ut quicumque uenerit ad sacerdotem, ei dicat: Dimitte me, obsecro, ad unam partem sacerdotale, ut commendam buccellam panis. Bella meherclè consequentia, maledictum & supplicium, quod propter atrocia scelera Deus posteris Eli minatur, trahere ad uniuersum fidelem populum in Ecclesia: & quidem ita, ut propterea fidelibus laicis beneficium & priuilegium Domini calicis, à Christo ipsis indultum, & ab Apostolis traditum, prohibeatur & eripiat. Digna profectò



profectò est Ecciana hæc ratio, quæ referatur inter argumenta theologorum Constantiensis concilij, quæ suprâ recitata sunt. Qualis enim causa est quam defendunt, tales etiam sunt rationes.

Sed audiamus porrò, quas ex nouo Testamento rationes proferant, quibus clarissima uerba institutionis eludere conantur. Eccius inter cætera argumenta, allegat etiam sententiam Pauli, I. Corinthiorum 5. Pascha nostrum imolatus est Christus. Epulemur itaque in azymis sinceritatis & ueritatis. Quia ibi mentio fit epulationis, & non bibitionis: item azymorum, & non uini: fingit igitur se probasse, Paulum tradidisse Corinthijs, in communione Eucharistiæ usum unius tantummodo speciei. Singulari uerò Dei iudicio factum esse interpretor, quòd tales patrones, & tales rationes sortita est impia mutilatio cœnæ Dominicæ. Certè si aliàs non constaret, ipsa rationum & argumètorum qualitas ostendere posset, qualis sit causa illa quam defendunt Pontificij. Quòd enim Paulus Corinthijs tradiderit usum utriusque speciei, manifestissimum est, I. Corinth. II. Et tamen tam perfricta frons est in procuratoribus regni Pontificij, ut non uereantur contrarium de Paulo fingere: idq; testimonio, plane nihil ad rem faciente. Vt enim Eccio hoc largiamur, quòd iuxta suum morem uerbum *ἵετα* *ἵετα*, pro crapulatione interpretatur: certè de cœ-

nae Dominicae uel una uel utraq; specie sumenda, in illa sententia Paulus planè nihil loquitur: imò disertè se declarat, quòd non loquatur de azymis triticeis uel materialibus. aicit enim, In azymis sinceritatis & ueritatis. Imo ipsos fideles uocat azymos. Quin igitur ex illo loco Eccius usum etiam sacra-  
ti panis ex coena Dominica aufert, ut Christiani se ipsos deuorent, quia sunt azymi. Et tamen propter tales rationes uolunt nos abijcere clarissima uerba institutionis coenae.

Eiusdem dexteritatis est & haec Eccij ratio. Quotidie oramus: panem nostrum supersubstantialem da nobis hodie. Miretur forsàn lector, quo artificio petitio illa Dominicae orationis, accommodari possit ad defensionem mutilationis coenae Dominicae. Sed dicam tibi. Inquisitor quidam haereticae prauitatis, scripsit contra Vualdenses. Is argumentum hoc ita format: Veteres testantur, Apostolos in celebratione coenae Dominicae adhibuisse recitationem orationis Dominicae. Sed in illa tantum fit mentio panis, non etiam uini. Apostolicum igitur est, laicis prohibere & eripere usum Dominici calicis. Et per consequens: licet Christus coenam suam instituit, sub panis & uini specie: Ecclesia tamen inde usque ab Apostolorum temporibus, orationem Dominicam direxit contra illam Christi institutionem, petens abrogationem & prohibitionem Do-  
minici

minici calicis, ut tantum sub una specie communi-  
cetur. Petit enim panem tantum. Illam uerò pre-  
cationē Ecclesiæ, Deus usq; ad Constantiense conci-  
lium, hoc est, per annos mille & quadringentos  
non exaudiuit. Ita ergo Christus in oratione Do-  
minica docuit orare, contra communionem sub  
utraq; specie: & quidem biennio antè, priusquam  
cœnam Dominicam institueret. Quomodo igi-  
tur Romanus pontifex iam quibusdam nationibus  
cōcedit usum utriusq; speciei, si pugnat cū oratio-  
ne Dominica, qua panem tantū petimus? Nū uerò  
oratio Dominica laicis, autē præscripta est? Quid  
si sacerdotes dum celebrant, etiam orant, Panem  
nostrū, &c. Ergo et illis eripiendus erit usus calicis.

Et hæc cum tam absurda sint, non ueretur ta-  
men concilium Tridentinum, omnes illas rationes  
ex una fidelia dealbare, quòd scilicet sint graues  
& iustæ: cum certissimum sit, petitionem illam  
Dominicæ orationis, non loqui de cœna Domi-  
nica. Et licet ueteres quidam, allegoriā inde extru-  
ant: nota tamen est regula, ex allegorijs non faci-  
enda esse dogmata, quæ non sunt in alijs certis &  
manifestis Scripturæ locis fundata. Multo minus  
igitur admittenda erit allegorica probatio, cōtra  
manifesta uerba testamentariæ institutionis filij  
Dei. Et allegoria illa, si obstinatè urgeatur, sim-  
pliciter tollet utramq; speciem Eucharistiæ. Sicut  
enim non facit ment. onē uini, ita nec de substantia,

nec de specie panis materialis petitionem illam allegoria uult intelligi. Et ueteres qui allegoria illa usi sunt, nihil minus cogitarunt, quàm de prohibendo, abrogando & eripiendo usu Domini-  
ci calicis. Et in ueteri Ecclesia, ne septem quidem illi dormientes, de argumentatione ista ex oratione Dominica contra uerba institutionis quicquam somniarunt.

Sed propius pedem conferunt Pontificij, demonstraturi ex Scriptura communionem sub una specie, Paulo & reliquis Apostolis, imò ipsi Christo & usurpatam & prohibitam fuisse.

Hoc uerò artificium illud quod Constantiensi & Basiliensi concilijs prorsus ignotum fuit.

Ex Paulo igitur Colonienses Iesuitæ ita argumentantur. prima Corinthiorum decimo. ubi fit mentio frangendi panis, & benedicendi calicis, ponitur utraque species. Mox uerò postea, ubi ad participationem seu sumptionem uentum est, dicit: Omnes ex eodem pane participamus. Sacerdotibus igitur consecrantibus, utraque species debetur laicis uerò, una tantummodo sufficit. Hoc uerò Ecclesiæ ignotum fuit, tempore ueteris interpretis, qui habet: Omnes de uno pane & de uno calice participamus. Et Tridentinum decretum edicit, ueterem & uulgatam illam editionem esse habendam pro authentica, quam nemo reijcere, quouis preteritu audeat uel presumat.

Quæ



Qui sit igitur, quod hoc in loco uetus editio à Pontificijs non habetur pro authentica: sed reijcitur hoc prætectu, quod Græcus textus ibi non facit mentionem calicis: Sed intelligat lector, Decretum hoc uelle: Quando uetus editio suffragari uidetur erroribus, & abusibus regni Pontificij, ut tunc habeatur pro authentica: quando uerò illis repugnare iudicatur, tunc liberè posse eam reijci.

Sed ad rem ipsam respondeamus. Paulus describens morem communionis in ecclesia Corinthiaca (dicit enim, Tanquam intelligentibus loquor) meminit & panis & calicis Domini. Formaturus uerò argumentum ex communione Eucharistiæ, quod accommodet ad disputationem de idolorum thytis, satis habet ex una parte id sumpsisse. Non quod unius tantum partis sumptio uisitata fuerit apud Corinthios. mox enim illis quos dehortatur ab idolo thytis, inquit: Non potestis poculum Domini bibere, & poculum demoniorum, &c. Non autem ad solos ministros Ecclesiæ pertinet hæc disputatio Pauli, de idolo thytis. Et capite 12. inquit: Omnes in unum spiritum potati sumus. Clarissimè uerò capite 11. describitur, quod Corinthijs Paulus tradiderit usum utriusque speciei. Nihil igitur Pontificiorum mutilationi patrocinatur sententia illa Pauli, sicut Græcè legitur. Quidam ex particula distinctiua, apud Paulum prima Corinthiorum 11. argumentum formant

contra usum utriusque speciei. Paulus enim dicit: Qui comederit panem hunc, aut biberit poculum Domini indigne. Sed in disiunctiuis satis est, alteram partem poni. Paulum ergo liberum facere fingunt, siue sub una, siue sub utraq; specie Eucharistia sumatur. Sed facilis & plana est responsio. Si in uerbis institutionis, & in illis locis, ubi disponitur & describitur forma cœnæ Dominicæ, scriptura uteretur particulis disiunctis, non parum certè roboris haberet argumentum. Iam uerò Paulus recitans institutionem Christi, utitur particula copulatiua: inquit enim: Similiter & poculum, &c. 2. Repetens suam traditionem, quomodo Christi institutionem ad uniuersam Ecclesiam accommodarit, & quomodo præscripserit formam celebrandæ cœnæ Dominicæ, utitur aliquoties particulis copulatiuis. 3. Describens usum communionis in ecclesia Corinthiaca, utitur etiam copulatiua particula. Hæc adeò sunt manifesta, ut argumentum illud de particula disiunctiua in altera sententia, ualde paucis inter ipsos Pontificios probetur. Neque enim Paulus in illa sententia præscribit, disponit aut præcipit de modo communionis: id quod in alijs sententijs, per particulam copulatiuam facit: sed loquens de digna & indigna sumptione, utitur disiunctiua particula: ut ostendat, parè reuerentiam utrique parti deberi, & pluribus modis posse reatum incurri in sumptione Eucharistiæ.

atram

utram enim partem quis contumelia affecerit, reus erit. Et recte retorquetur hoc argumentum in ipsos aduersarios. Quia enim, iuxta Ambrosij sententiam, indignum est Domino, qui aliter celebrat hoc mysterium quam à Christo traditum est: qui ergo in una parte seruant institutionem Christi, in altera uero eam uiolant, mutant & mutilant, non releuantur ullo pretextu. Disiunctiua enim particula ostendit, eos incurrere reatum, qui siue in usu panis, siue in usu calicis, præter & contra institutionem agunt. Distinctiua igitur illa particula apud Paulum, non probat aut confirmat Pontificiam mutilationem, sed acriter eam taxat & damnat: & monstrat fontes refutationis præcipui Pontificij argumenti: quod scilicet satisfiat institutioni Christi, si una species dignè sumatur, cum Christus integer & totus, sub una etiam specie adsit. Paulus uero pronunciat incurrere reatum, quando aliquid contra institutionem committitur, siue in panem, siue in poculum Domini.

Sed quicquid sit de traditione Pauli, & de consuetudine Paulinarum ecclesiarum: dicunt ab alijs Apostolis communionem sub una specie, & traditam & seruata fuisse. Sed quibus quaeso documētis hoc probat? Rossensis ex apocrypho Euangelio secundum Hebræos citat, Christum post suam resurrectionem Iacobo Iusto porrexisse Eucharistiam, sub panis tantummodo specie. Et ex Legenda citat,  
Christum

Christum Dionysio sacramentum hoc ministrasse sub sola panis specie . Et inde habere originem communionem sub una specie. Sed quia non apocryphorum commenta, nec fabularum figmenta querimus, sed Scripturam flagitamus: ideo alius querendus fuit pretextus . Osius igitur affirmat, quicquid Paulus uel tradiderit uel fecerit de utraque specie, Iacobum certè in Hierosolymitana ecclesia & tradidisse & seruasse communionem sub una tantum specie. Quia Actorum secundo, in descriptione exercitiorum Hierosolymitanae ecclesiae recitatur fractio panis, & nulla ibi fit mentio uini. Quia uerò animaduertit Osius, quantum incommodi habeat, si ponantur contraria docuisse Paulus & reliqui Apostoli: cum quidem inter illos qui Paulo dextras consensionis, ante conscriptam epistolam ad Corinthios dederant, Iacobus etiam fuerit, Galatas secundo, ideo fingit Iacobum hoc fecisse in Hierosolymitana ecclesia: non quòd contrarius esset Paulo, sed ut ostenderet, liberum esse communicare siue sub utraque, siue sub una specie. Sed expendamus, an tantum sit argumenti huius robur, quo institutionem coenae mutilare possint Pontificij. Quia enim uerba institutionis Christi, & Paulinae traditionis clarissima sunt: si ab illis nos dimouere uolunt, necesse est ut argumenta quibus illud efficere uolunt, longè sint clariora, certiora & firmitiora,

quàm



quàm ipsa institutio. Sed descriptio Actorum secundo, non satis aperte, certò & firmiter ostendit, an de uulgaribus epulis, an uerò de cœna Dominica, locus iste intelligendus sit. Chrysostomus enim fractionem panis, Actorum secundo, & 20. non interpretatur de administratione cœnæ Dominicæ, sed de uulgari & quotidiano cibo. Et Oecumenius colligens Græcorum interpretationes, de uulgaribus cibis locum illum interpretatur: quòd scilicet significetur uilis & parabilis uictus sine delicijs, eo quòd Lucas dicit, ipsos frangentes panem sumpsisse cibum. Et quidem Græcus textus non obscure ostendit, mentionem fieri de tali fractione panis, quæ ad cibum seu alimentum pertineat. Dicit enim, per diem in templo congregatos fuisse fideles ad auditum uerbi: postea in domibus fregisse panem ad alimentum. ita enim loquitur: *ἡλῶντες ἄρτον μετελάβανον τροφήν.* hoc est: Frangentes panem sumebant alimentum. Quis igitur sane mentis, propter locum ambiguum & obscurum, à clarissima luce uerborum Christi & Pauli se dimoueri patietur? Certè si tempore Constantiensis & Basiliensis conciliorum iudicatum fuisset, usum unius tantum speciei ex illo loco uel specie aliqua posse probari, non intermissum fuisset hoc argumentum: nec opus fuisset uel frigidis alijs rationibus, uel flagitiosa illa clausula: Hoc non obstante. Nulla igitur

firma

firma & manifesta est certitudo argumenti, quod contra communionem sub utraq; specie, ex loco Actor. 2. sumitur.

Non ignoro autem, ueteres quosdam fractionem illam panis, Actorum secundo, intelligere de celebratione Eucharistiæ. Quam interpretationem non reiicio, maximè quia Actorum 20. una sabbathi, cum Paulus concionaturus esset, dicitur Ecclesia conuenisse ad frangendum panem. quod Bedæ ex Augustino interpretatur de celebratione mysteriorum. Sed ne hac quidem modo, illa fractio panis patrocina bitur Pontificiæ mutilationi. id quod tribus firmissimis argumentis probabo.

1. Nullus ex omnibus ueteribus fractionem illam panis, ita interpretatus est, quod Apostoli unam tantum Eucharistiæ speciem, altera prætermissa uel abrogata, fidelibus in Ecclesia dispensarint. multo minus hoc dogma inde extruxerunt, uerba institutionis de calice, non pertinere ad laicos, sed illis uel posse uel debere usum Dominici calicis prorsus interdici, prohiberi & eripi. Certus sum, ex tota uera antiquitate, tale nihil posse proferri. Status igitur questionis non propriè hic est: An ueteres quidam fractionem panis, Actorum secundo, de celebratione Eucharistiæ intellexerint: sed, an docuerint Apostolos unam tantum partem Eucharistiæ laicis præbuisse, abrogata & erepta altera. Et quidem, an inde extruxerint dogma

dogma Pontificiorum, de mutilanda institutione.  
 2. Pontificiorum axioma est, Sacrilegium esse,  
 si sacerdos celebrans consecret non utramq; spe-  
 ciem, sed panem tantum. Si igitur Actor. 2. quia  
 tantum panis exprimitur, ideo simpliciter exclu-  
 dendum est poculum Domini: sequetur, Aposto-  
 los coenam Dominicam panis tantummodo, non  
 etiā calicis c. nsecratione celebrasse. Quid Pon-  
 tificij admittere non possunt. Si igitur dixerint, sicut  
 aliter dicere nō possunt, ex institutione per synech-  
 dochen supplendum esse de consecratione alterius  
 etiā speciei, licet nominatim non exprimatur: iam  
 manifestē admittūt synechdochen, & cōcedūt, bre-  
 uem illam historię notationem intelligendam &  
 interpretandam esse iuxta descriptionem institu-  
 tionis coenę Dominicę. Nec patebit ipsis hoc effu-  
 giū, si dicere uoluerint, Lucam non describere  
 quid Ap. stoli uel consecra int, uel ipsi sumpse-  
 rint: sed tantum, quid populo dispensarint. Nam  
 Actorum uigesimo. Paulus apostolus scribitur  
 fregisse panem, & ipse gustasse. Nec iuxta sua  
 axiomata dicere possunt, Paulum ibi unam tan-  
 tum speciem sumpsisse: fuit enim tunc conficiens  
 (sicut Pontificij loquuntur) quia fregit panem.  
 Nolint igitur uelint, coguntur in illis locis con-  
 cedere & admittere synechdochen: quę non a-  
 liunde quā ex uerbis institutionis, supplenda  
 est. Rectē igitur & nos dicimus, Apostolus  
 in

in fractione illa panis, dispensasse Eucharistiam, non præter uel cōtra, sed iuxta institutionem Christi, qui & panem & poculum præbuit. Instructio enim Apostolica est: Docete eos seruare, quæ ego præcepi uobis.

3. Fractio illa panis non tantum cæteris Apostolis, sed ipsi etiam Paulo tribuitur, Actorū 20. Paulum uerò celebrationem, dispensationem & usum cœnæ Dominicæ tradidisse sub utraq; specie, non Corinthijs tantum, sed omnibus qui inuocant nomen Domini, in omni loco, manifestè ipse testatur, I. ad Corinthios II. Sed Lucas historicus nominat fractionem panis, phrasi Hebræis usitatissima: quæ conuiuium, cœnam aut refectionem, quæ cibo & potu constat, descriptura, simpliciter nominat fractionem, aut manducationem panis. Insaniret autem, qui legens in historijs (manducare panem) contendere uellet, homines illos sine potu uixisse. Nec uerò ex sola phrasi de synecdoche disputamus. Sed hanc synecdochen, & quidem in hoc sensu Apostolis usitatam fuisse, Paulus manifestè ostendit. Nam prima ad Corinthios II. ubi expressè tradit usum utriusque speciei, tamen ita loquitur: Non licet Dominicam cœnam manducare. item: Quando conuenitis ad manducandum. Ibidem dicit, Non dijudicans corpus Domini: ubi tamen in eadem periodo bis copulatiuè coniungit edere & bibere.

Porro



Porro obiter & hoc adijciam, quod Rossensis, & post eum Iesuitæ Colonienses ex opere imperfecto, in Matthæum, quod Chrysostomo, sed falso adscribitur, probare nitumur, Paulum in nauis Acto. 27. sub una tantum specie dispensasse Eucharistiam Lucæ, & reliquis discipulis.

Si sophistæ in prophanis materijs, ut in laudanda quartana feбри, tyrannide Busiridis, & similibus ita luderent, aliquo modo ferendum esset. Sed in re seria, pertinente ad conscientias piorum, ita ludere sacrosancti Scripturæ sententijs, & quidem ad euertenda clarissima uerba testamentariæ institutionis filij Dei, nefarium profectò & sceleratum est. Lucas enim Acto. 27. non breuiter, nò obscure, nec ambigüe, sed clarissimè multis repetitionibus disertè declarat, nò agi in illa historia de celebratione cœnæ Dominicæ, sed de sumptione uulgaris cibi, post multā & longam mediam.

Et quidē de Eucharistia historiā illā interpretari, si fiat sine iniuria & deprauatione institutionis Christi, catachresis est, non admodum sanè probanda, nec imitanda: fit enim præter ueritatem historiæ: aliquo modo tamen toleranda. Autor enim operis imperfecti, nihil inde statuit, quod ab institutione Christi dissentiat. Sed detorquere illam historiā ad mutationem, uiolationem & mutilationem cœnæ Dominicæ, cum de Eucharistiæ dispensatione prorsus nihil ibi dicatur, nefari

## 610 EXAMEN DECRETORYM

um profectò & sceleratū est Et uel hinc aestimari potest, qua conscientia caussam istam agant conducticij procuratores regni Pontificij. Eccius enim, cum in omnibus illis argumentis, ex Apostolorum scriptis cōtortis, uideat nō satis esse præsidiij: postremò dicit, cōmunionem laicorum sub una specie, esse unum, quod ueniat ex tacita traditione Apostolorum. Et ne unū quidē scriptorē nominare potest, qui inter Apostolicas traditiones dogma illud referat. Sed unū axioma habet Pontificia ecclesia, quod Petrus Asotus his uerbis explicat: Quicquid Romana ecclesia credit & seruat, quod ex Scriptura probari nō potest, ut illud simpliciter credatur ex traditione Apostolorū uenire.

Nec uerò solis Apostolis macu'ā illam inurūt, quasi à testamentaria institutione Christi discesse-  
runt: sed ipsum filium Dei, fingunt post resurrectionem exemplo & facto destruxisse, quod in ultima cœna, institutione & præcepto edificarat. Dictitant enim, Christū post resurrectionē duobus discipulis in Emaus, Eucharistiam sub unica solius panis specie tantummodo præbuisse: atque ita ipsum, tāquam certissimum sui ipsius interpretem, facto ostendisse, quomodo institutionem cœnæ intelligi uelit: quod scilicet mādātum de utriusq; speciei sumptione, pertinere non ad laicos, sed ad solos sacerdotes: laicis uerò unius speciei cōmunionem sufficere. Et non parum sane roboris haberet

haberet hoc argumentum, si certò, manifestè & firmiter demonstrari posset, Christum factò & exemplo docuisse, ad laicos pertinere non totam institutionē, sed tantum partem eius, de panis scilicet specie. Sed quoniam uerba institutionis manifestata sunt, & clarissimū est Pauli testimonium, institutionē cœnæ pertinere ad totā Ecclesiam: id quod à Domino se accepisse testatur: omnino necesse erit, testimonium quod diuersum doceat, longè esse clarius, certius & firmitus, ut euidentie & certitudinis robore, nos dimoueat à uerbis institutionis, & à traditione Pauli, à Domino accepta. Quæstio igitur est: An ex illa historia euidenter, certò & firmiter demonstrari possint tria hæc capita. 1. Quòd Christus in Emaus, duobus illis discipulis dederit Eucharistiā. 2. idē sub unica solius tantū specie. 3. & quidē ita, q̃ hoc factò uoluerit docere, laicis tantū unā speciē esse dandā, nō habita ratione institutionis. Multis autē argumentis conuincitur & demonstratur, tria illa capita non posse certò, euidenter & firmiter in historia illa ostēdi. Quòd. n. fractio illa panis in Emaus, fuerit Eucharistiæ dispēsatio, ex Luca descriptione nec clarū, nec certū est. Nā et uulgares cōcœnationes seu refectiōes, uocātur in Scriptura fractio panis. Isaie 58. Thre. 4. Matt. 14. Nec uerba illa (q̃ acceptū panē legitur benedixisse, et cōfractū dedisse duob. illis) cōuincūt fuisse Eucharistiæ

dispensationē. Nam & Matth. 14. & 15. de panibus & piscibus in deserto eadem uerba usurpantur, ubi nemo uel fingere audet, fuisse Eucharistiæ dispensationem. Formalia uerò uerba, quæ oportet ad elementū accedere ut fiat Sacramentum: scilicet, Accipite, manducate, Hoc est corpus meum: non legimus in historia illa fractioni panis addita fuisse à Christo. Nec uirtuti panis illius, tribuitur apertio oculorū: sed historia simpliciter narrat, dum Christus panem frangeret & distribueret, apertos ipsis fuisse oculos: sicut postea Apostolis recitant, agnitū sibi fuisse Christū in fractione panis, non ui & uirtute panis. Non igitur euidenter & certò probari potest, fractionem illam panis fuisse dispensationem Eucharistiæ. Circumstantiæ uerò textus, nō obscure de uulgari cœna loquuntur. Erat enim tempus cœnæ & in diuersorio ad mensam hospitis, epulis instructū recumbebant. More uerò qui etiam nū apud Iudeos usitatus est, Christus panē benedixit, & fractum distribuit. Et quia discipulis noti erant ritus Christi, in benedictione & fractione panis, inde ipsum agnouerūt. Adeò uerò non est certum, an historia illa loquatur de dispensatione Eucharistiæ, ut nec olim Constantiense & Basiliense, neq; nunc Tridentinum, concilium ausum fuerit, pro defensione unius speciei testimonium illud allegare: quod tamen fortissimum esset, si certò & euidenter de illis constaret,



ret, quæ procuratores Pontificij, audacter historie huic affingunt. Nicolaus Lyranus, qui cernit fermè annis ante Constantiense concilium scripsit, historiam illam interpretatur nō de Eucharistia, sed de uulgari fractione panis.

Et Vvithelmus, Vuideford, qui contra articulos Viclefi scripsit, anno 1396. expressè dicit: nec ex textu, nec ex glossa, nec ex antiquis doctoribus posse probari, fractionem panis, Luc. 24. fuisse panis consecrati.

Et Alphonsus de Castro, in opere aduersus hæreses lib. 6. cum diu multumq; de historia illa disputasset, tandem concludit, se hac de re nihil definire uelle.

Cum igitur certò nō constet, historiā illā Luc. 24. pertinere ad dispensationem Eucharistia: stulti certè essemus, si pateremur nos à manifesto, certo & firmo præscripto & mandato institutionis abduci per dubium, incertum & ambiguum testimonium. Huc enim rectè accommodatur, quod Augustinus habet cōtra Petilianī epistolā cap. 16. Nō ea colligant & commemorent, quæ obscure, uel ambigue, uel figuratè dicta sunt, quæ quisq; sicut uoluerit interpretetur, secundū sensum suum. Talia enim rectè intelligi exponiq; non possum, nisi prius ea quæ apertissimè dictæ sunt, firma fide teneantur. Sed proferte aliquid, quod non egeat interprete: nec unde conuincamini, quod de alia re

dictum sit, & uos illud ad uestrum sensum detor-  
quere conemini. Hæc Augustinus.

Nos uerò habemus clarissimum testimonium,  
quomodo Christus non tantum in ultima cœ-  
na instituerit Eucharistiā, uerumetiam quomo-  
do post ascensionem suam tradiderit Paulo, quòd  
institutionem de utraq; specie, uelit accommoda-  
ri ad uniuersam Ecclesiam, sicut suprā hoc o-  
stendimus.

Nec fingendum est, Christum ea quæ & in ul-  
tima cœna instituit, & post ascensionem repeti-  
ta ad Paulum traditione confirmauit, facto il-  
lo in Emaus uoluisse infringere & euertere: cum  
Paulus dicat de illa manducatione & bibitione,  
donec ueniat ad iudicium.

Quicquid igitur de historia illa disputetur,  
hoc certū est, formā celebrandi & administran-  
di Eucharistiam, non esse Ecclesiæ in historia illa  
præscriptā. Non enim additum est mandatū, ut fa-  
ciūt illud Christi: in tenetur: additū uerò est tale mā-  
datum, & præscripta forma administrationis cœ-  
næ Dominicæ in uerbis institutionis, & in Pau-  
lina traditione. Hoc fundamentum tenentes, aber-  
rare non possumus. Aliās enim omnia facta Chri-  
sti, sine certo uerbo ad nos pertinnente, imitari  
non debemus. Nec ipsi Pontificij, qui historiam il-  
lam de consecratione, administratione & di-  
spensatione Eucharistiæ interpretantur, pos-  
sunt

sunt nudè & simpliciter eam ita tueri, quin cogamur multa quorum in hac historia, expressa mentio non fit, ex institutione Christi addere & supplere. Et hoc ita probabo, ut nullus tergiuersandi locus sit Pontificijs. Quæro enim, an sacerdoti contra formam & præscriptum institutionis, liceat solo pane consecrato, et calice in totum prætermisso, mysteria Eucharistiæ celebrare? Certè ipsi docem, ingens hoc sacrilegium esse. Atqui illud sequitur ex hac historia, si præterita institutione, ea tantum facienda sum in celebratione Eucharistiæ, quæ expressis uerbis Lucas scribit facta esse in fractione panis in Emaus. Quæro item, an Eucharistia confici uel possit uel debeat sine uerbis illis formalibus: Accipite, manducate, hoc est corpus meum &c. Atqui sequetur hoc omnino, si non iuxta præscriptum institutionis, sed iuxta ea tantum quæ in Emauni fractione panis facta esse scribumur, cœna Domini celebranda est.

Hæc duo Pontificij admittere & concedere non possunt. In quasque igitur partes se uertat, cogamur in duobus illis ad formam institutionis recurrere, si historiam Emaunicam simpliciter de administratione Eucharistiæ interpretandam esse contendant. Et nobis sufficit illud, quod per has duas quæstiones Pontificijs uelint nolint necessario extorquetur, formam celebrandæ

Eucharistiæ nō posse simpliciter & totā sumi ex Emaunica historia, sed sumendā esse ex præscripto institutionis. Atq; ita incisus est nervus huius argumenti. Quod igitur Emaunicam historiam, si omnino intelligenda esset de celebratiōe Eucharistiæ, malumus ex uerbis institutionis interpretari, quā præscriptum & mandatum institutionis mutare & mutilare, propter obscuram illam historiam: hoc est, quod malumus formam celebrandæ & administrandæ Eucharistiæ, ex institutione, quā ex historia illa sumere: eius rei habemus graues rationes. Ad illud enim quod in institutione Christus fecit, additum est in singulis partibus mandatum: Hoc facite. Quod Paulus affirmat durare debere usq; ad consummationem seculi. De facto uerō Emaunico, non extat ullum mandatum Dei, ut illud imitemur.

Pontificij uerō illa quæ de historia Emaunica disputant, non tam in contextu Lucæ fundant, quā in Patrum quibusdam sententijs, qui fractiōnem illā panis, per allegoriā ad doctrinam de Eucharistia accommodant. Ad quas sententias multa possent responderi. Neq; enim omnes illi loci, de Eucharistiæ celebratiōe loquuntur, quos Patres eo accommodant: sicut manifestum est de 6. cap. Ioh. & 27. Actor. Sed quicquid sit de allegoricis illis Patrum interpretationibus: hoc in quo status huius disputationis consistit, constat, apud Patres



tres non tantum non dogma, sed ne disputationem quidem talem extare, Christū illo facto in Emaus uoluisse ostendere, nō totam institutionem coenae, sed tantum dimidiam eius partē pertinere ad laicos: & uel oportere, uel licere unam tantum speciem Eucharistiae, altera praetermissa & subtrahita laicis dispensare. Haec non tantum non dogmatizata sed ne disputata quidem in Patrum scriptis ostendi possum. Imō Græci nō tantum usum utriusq; speciei, pro uniuersa Ecclesia retinuerunt sed & tradiderunt, & saepe repetiuerunt dogma illud, usum utriusq; speciei ex institutione Christi, pertinere ad uniuersam Ecclesiam, & ad sacerdotes et ad laicos: sicut suprā testimonijs ipsorum demonstratum est. Apud Augustinum uerō locus extat manifestissimus, tractatu 2. in Canonicam Io han. ubi in illa ipsa allegoria de fractione panis in Emaus, disertè & expressis uerbis meminit manducationis & bibitionis in Eucharistia, loquens de uniuersa Ecclesia: hæc enim sunt eius uerba: Discipuli cum non agnouerunt, nisi in fractione panis. Et uerè, qui non sibi iudicium manducat & bibit, in fractione panis Christum agnoscit. Hæc sententia manifestissimè ostendit, Augustini allegoriam, sicut & reliquorum Patrum de fractione illa panis, nihil patrocinari mutilationi coenae Dominicae, quæ à Pontificijs in Ecclesiam inuestita est.

Et hæc ferme sunt Scripturæ sententiæ, quas Pontificij procuratores in disputationibus nostrorum temporum, ad iustificandam mutilationē cœnæ Dominicæ contorquent. Quæ enim præterea ex 6. eap. Iohannis argumenta nectunt, & quæ disputant de præscripto & mandato institutionis, quod non ad uniuersam Ecclesiam, sed ad solos sacerdotes pertineat: illa locum suum habebunt in explicatione primi Tridentini capituli.

Hoc igitur est unum genus argumentorum, quibus Pontificij in hac caussa utuntur, ex Scripturæ scilicet testimonijs. Alterum genus argumentorum, quibus uel maximè & præcipuè nituntur, sumunt ab autoritate & potestate Ecclesiæ. Operæ precium autem est obseruare, quomodo inter Pontificios alij apertius, alij tectius, alij subtilius et circumspicius, alij crassius & impudentius locum illū cōmunem de autoritate et potestate Ecclesiæ, accommodent ad defendendam mutilationē Testamentariæ institutionis Christi. Pighius disputans de cōmunionē sub una specie, simpliciter dicit: Romano pontifici, Petri uicario, dictū esse à Christo, ut quodcumq; in uniuerso suo regno hic super terrā figeret, refigeret obligaret aut solueret, hoc ipsum ita fixum, re fixum, obligatum solutumq; coram Deo habitum iri in cœlis. Et ad decretum Cōstantiense, sententiam Deuteronomij 17. expunctis clausulis conditionalibus (indicabam ibi indicij

cij ueritatem : item. Facies quodcunq; docuerint te , iuxta legem Domini) tanquam ad m. rum & mixtum Conciliorum imperium, sine ulla limitatione uel exceptione ita accommodat : Facies quodcunq; dixerint tibi qui præsunt Ecclesiæ : sequerisq; sententiam eorum , nō declinabis nec ad dexteram, nec ad sinistram. Qui uerò superbie-rit , nolens obedire sacerdotis imperio , ex decreto iudicis morietur homo, cunctusq; populus timebit. Osius uerò ad legem illam Constantien- sem accommodat Platonis sententiā, 1. de Legib. Vobis una certē lex erit præclarissima, quæ iubeat ne quis iuuenū querere audeat, rectēne an contra leges se habeant: sed uno omniū ore, unaq; uoce rectē, tanquam à dijs positas concedi præcipiat, nec ullo modo aliter pati quicquam à iuuenibus cogitari. Latomus ad Bucerum scribens, inquit: Cum rudis adhuc esset prima Ecclesia, ruit à Christo acceptū religiosè tenuit, donec docta à Pairibus intellexit, utramq; speciem conuenire sacerdotibus, laicos solo pane comentes esse posse. Crassū hoc apophthegma ne ipsis quidē Pontificijs probatur: licet declaret se, quòd talē ruditatē primitiue Ecclesiæ tribuerit, sicut Ouid. describēs inq̃t,

Rudis indigestaq; moles.

Et hi quidem ingenue & aperte explicāt, quæ sit Pōtificiorū sententia in loco cōmuni, de auctoritate & potestate Ecclesiæ. Alij uerò illā quidē  
sententiam,

sententiã, sed paulò tectius et subtilius proponūt. Dicunt enim, Euangeliũ cōcedere Ecclesiæ libertatē in externis ritibus seu ceremonijs, quas pro ratione ædificationis possit uariare & mutare: Et hoc loco multis declamitant, propter externos ritus non esse turbandas Ecclesias, nec unitatem eius scindendam. Adducunt etiam exemplum Vrbi, quem Augustinus epistola 86. acriter reprehendit, quòd propter ieiuniũ sabbathi totas Ecclesias turbaret & damnaret. Sed hoc argumentũ, quacumq; specie amplificatum, facilè ipsis eripitur & excutitur: In ritibus enim adiaphoris, habet Ecclesia potestatem, non ad destructionem, sed ad ædificationem. Non autem habet libertatem & potestatem docendi aut statuendi aliquid contra mandata Dei, seu abrogandi & prohibendi ullam partem mandati diuini, quod pertinet ad Ecclesiam, ad ministerium, & ad nouum Testamentum. Ipsis enim Pontificijs notæ sunt ueterũ sententiæ: Nullo modo quod Dominus iubet, bonus seruus mutat. Et 25. quæst. 1. Sciendum summopere est, quòd inde nouas leges condere potest Pontifex, unde Euangelistæ aliquid & prophetæ nihil dixerunt. Vbi uerò aperte Dominus, uel Apostoli eius, & eos sequentes sancti Patres, sententialiter aliquid definierunt: ibi non nouam legem Romanus pontifex dare, sed potius quod prædicatum est, usq; ad animam & sanguinem confirmare debet.



Si enim quod docuerunt prophetae & Apostoli destruere, quod absit, niteretur: non sententiā dare, sed magis errare conuinceretur. Et quid opus est, plures ueterum sententias conquirere, cum habeamus manifestā Pauli sententiam: Si quis praeter id quod accepistis, uobis euāgelizauerit, si fuerit uel Apostolus, uel angelus de caelo, anathema sit. Quid uerò Ecclesiae à Paulo de administratione coenae Dominicae acceperint, certum & manifestum est, 1. Cor. 11. Sed propius pedem conferentes dicunt, in ipsa celebratione Eucharistiae, sicut ea Domino usurpata est, multa esse uariata, mutata & abrogata, in quibus nemo Ecclesiam possit damnare, quasi in Christi mandatum commiserit. Christus enim uesperis post coenam, praemissa prius ablutione pedum, & manducatione agni Paschalis, deduxit Eucharistiam. Haec uerò Ecclesia non seruat, nec quisquam ut necessarium exigit, ut tantum duodecim, & quidem accubentes ad mensam, sicut in prima coena factum est, ad communionem admittantur.

Sed & hoc argumentum facile soluitur per uisitatam regulam. De dissimilibus non est idem iudicium. In institutione enim coenae Dominicae, quaedam pertinent ad substantiam coenae Dominicae, quibus additum est mandatum Christi, Hoc facite: accipere scilicet panem, benedicere, frangere, distribuere, manducare. Similiter & calicem

## 622 EXAMEN DECRETORVM

cem accipere, benedicere, distribuere, bibere: & hoc facere ad commemorationem Christi. De reliquis uerò circumstantijs, quas pro ratione temporis tunc Christus seruauit, nullum tradidit uel præscriptum, uel mandatum. Dicit enim, Hec facite. Non autem addit, ut illud fiat tali tempore, & seruatis re: quibus circumstantijs, non mandatis. Et modestissima est Augustini sententia, epist. 118. Si hoc Dominus non præcepisset sed tantum manuisset, ut semper post cœnam dispensaretur & acciperetur Eucharistia: credo, quòd nemo illum morem mutasset. Non igitur ualet cõsequencia à circumstantijs liberis & non mandatis, ad substantialia cœnæ Domini, quæ habent præscriptum & mandatum diuinum, quod Paulus dicit durare debere usque ad glorioſum aduentum Christi. 1. Corinth. 11.

Tandem igitur Coloniense antididagma, petit iugulum cauſæ. Conatur enim probare, etiam in ipsis Sacramentorum substantialibus, ut in materia & forma, quæ habent præscriptum & mandatum diuinum, Ecclesiam, & quidem etiam Apostolorum tempore ostendisse suam libertatem & potestatem, quædam mutandi, uariandi & abrogandi: idq; in Baptismi Sacramento, cuius maior sit necessitas, cum scriptum sit: Nisi quis renatus fuerit ex aqua & spiritu, non intrabit in regnum cœlorum. Documenta uerò probationis sunt: Christus

Christus iussu baptizare in nomine Patris, Filij & Spiritus sancti. Et hæc est forma Baptismi, ab ipso filio Dei instituta, præscripta et mādāta. Sed Apostoli formā illā mutarūt, uariarum, & ad tempus abrogarum. legumur enim tamū in nomine Christi baptizasse, Acto, 2. & 19. Et hoc argumentū ad præsentē cōtrouersia speciosē potest accommodari. Licet Christus in forma Baptismi expressē & distinctē recitet nomen Patris, filij & Spiritus sancti: tamen Apostoli iudicarunt, hoc non esse simpliciter necessarium, sed posse mutari, eo quod in Christi nomine, propter essentiæ unitatem, etiam Patris & Spiritus sancti nomen comprehendatur. Eodem ergo etiam modo, licet Christus utramq; speciem Eucharistiæ, seorsim & diuisim (sicut ueteres loquuntur) instituerit: tamen quia Christus integer & totus, cum corpore, sanguine, anima & spiritu adest in altera etiam specie: Ecclesia igitur rectē iudicauit, utramq; speciem nō esse necessariam laicis, sed posse ipsis sufficere alteram tantum: Sicut enim Apostoli, ex argumentatione de unitate essentiæ, mutarunt institutionem Baptismi: ita Ecclesia ex argumentatione de concomitantia, rectē potuit mutare institutionem cœnæ, de utraque specie. Sed respondeo: Scriptura non dicit, Apostolos ita baptizasse in Christi nomine, ut mutata & abrogata forma Baptismi, à filio Dei præscripta & mandata,

nomen

nostrum. Imò Act. 19. Paulus pronunciat illos nec rectè, nec in nomine Christi baptizatos, qui ignorabant an esset Spiritus sanctus. Et de illo loco Ambrosius disputans lib. i. de Spiritu sancto, capite 3. dicit, non esse plenum Baptisma, nisi in nomine & confessione Patris, Filij & Spiritus sancti.

Planum igitur est, Apostolos nequaquam mutasse uel uariasse formam Baptismi, à Christo traditam & præscriptam, ita ut sine mentione & nomine Patris & Spiritus sancti, in solius Christi nomine baptizarint. Sciebant enim, institutioni Baptismi, Matth. 28. annexam esse hanc clausulam: Docentes eos seruare quæ præcepi uobis. Quia uerò Lucæ historici propositum non erat, describere quomodo & qua forma Apostoli baptizarent: illud enim ex institutione constabat: cum igitur Baptismum illum noui Testamenti, à Christo institutū, historica breuitate notare & nominare uellet, non necesse habuit semper repetere totam institutionem de materia, forma, usu & fructu Baptismi. sed ut peculiari appellatione, Baptismum illum distingueret à Iohannis Baptismo, & à legalibus Iudæorum Baptismis, nominauit Baptismum in nomine Christi: sumpta appellatione, i. ab effectu. in Baptismo enim Pater, Filius & Spiritus sanctus dispensant, applicant & obsignant communionem meritorum, mortis & resurrectionis Christi: sicut Ro. 6. Gal. 3. Tit. 3. 1. Pet. 3. Scriptura tra-



dit. 2. sumpta est appellatio ab autore, qui Baptismum instituit: ut in nomine Christi baptizare, idē sit quòd iussu, mandato & auspicijs Christi baptizare. Quomodo uerò ipse baptizari mandarit, constat ex institutione. Baptismus igitur in nomine Christi non rectē administratur, nisi iuxta institutionem in nomine Patris, Filij & Spiritus sancti detur. Non igitur uerum est, Apostolos formam Baptismi à Christo præscriptam mutasse, mutilasse & abrogasse.

Alterā antidiadagmatis probatio hæc est. Christus præcepit baptizare cū immersione totius corporis in aquā. id enim affirmant, uerbū βαπτίζω significare. Sed Ecclesia hoc indicat nō esse necessarium, sed sufficere, si baptizatio fiat uel perfusione, uel aspersione aquæ. Et tamen hoc pertinet ad substantialia Baptismi. Respondeo: Si uerbum βαπτίζω simpliciter significaret, totum corpus in aquam immergere: nemo morem, immersionis uel potuisset uel debuisset mutare. Sed Paulus certissimus interpres, dicit baptizare esse mundare seu purgare per lauacrū aquæ in uerbo. Siue igitur per abluionē quæ fiat adhibita aqua, Eph. 5. Tit. 3. Act. 2. siue adhibitio aquæ fiat mergēdo tingendo, perfundendo seu aspergendo, est baptizatio: est enim purgatio seu ablutio per lauacrum aquæ. Nec ad lauacrū necessario requiritur, immersio sub aquam. Et ablutio etiam manuum, lectulo-

rum,

rum, sacramentorum, & poculorum, quæ fit adhibi-  
tione aquæ, siue mergendo, siue tingendo, siue per-  
fundendo, Mar. .7. uocatur Baptismus. Nec in Ba-  
ptismo Christi talē fieri necesse est confractionem  
corporis cum aqua, sicut fit, quando sordes corpo-  
ris deterendæ sunt. 1. Pet. 3. Christi igitur mandatū  
est, ut in Baptismo fiat purificatio seu ablutio per  
lauacrum aquæ. Quo uerò modo ablutio illa fieri  
debeat, siue mergendo, tingendo, perfundendo siue  
aspergendo, Christus non præscripsit. Nulla igitur  
hac in re, mutatio fit in substantialibus Baptismi.

Disputant etiam de trina tinctione, quæ muta-  
ta sit. Sed certum est, Christum non præscripsisse  
& mandasse siue unicam, siue binam, siue trinam  
tinctionem: nec prohibuisse si pluries fiat, in uni-  
co Baptismo. Satisfit enim institutioni, quando fit  
ablutio, adhibita aqua.

Quod uerò dicūt, Christi præscriptū et præce-  
ptū esse, ut infantes non prius baptizentur quàm  
doceri possint: illud uerò Ecclesiam priuata auto-  
ritate, contra præscriptum & mandatum Christi  
mutasse: Anabaptisticum, & falsum est, sicut osten-  
dimus in loco de Baptismo. Nullo modo igitur ue-  
rum est (probari enim nō potest) Ecclesiā habere  
potestatem mutandi, uariandi, mutilandi, abrogan-  
di & prohibendi aliquid eorum, quæ de substan-  
tialibus Sacramentorū à filio Dei tradita, præscri-  
pta & mandata sunt. Vera enim Ecclesia non


# 632 EXAMEN DECRETORVM

dominatur fidei. 2. Cor. 1. sed sedens ad pedes unici magistri Christi, reuerenter et obedienter uerbum eius audit. Matt. 21. Luc. 18. edificata enim est super fundamentum prophetarum & Apostolorum. Eph. 2. semper sibi proponēs illud: Docete eos seruari quæ ego præcepi uobis. Matth. 28. Si igitur oues Christi sumus, audiamus uocem pastoris nostri: inquit Augustinus contra literas Petiliani. Et hoc est secundum genus argumentorum, à libertate, auctoritate & potestate Ecclesiæ.

Tertium uerò genus argumentorum est, quòd testimonijs antiquitatis conatur probare, nec semper, nec ubiq; in ueteri Ecclesia usum iutriusq; speciei obseruatum fuisse: sed semper etiam in primitiua Ecclesia, in usu fuisse communionem laicorum, sub una tantummodo specie. Sed hæc commodior rem locum habebunt in explicatione secundi Tridentini capituli. uideo enim præter opinionem & instituti rationem, materiam hanc excreuisse. Non inutilem tamen iudico hanc annotationem: ostendit enim, qualia fundamenta causæ suæ habeant Pontificij. Non inutilis etiam est collatio, quomodo subinde uel noua excogitata sint fundamenta, uel uetera nouis coloribus reformata. Ex hac etiã collatione argumentorum, multa quæ in Tri-

dentinis decretis breuius & tectius  
attinguntur intelligi  
poterunt.

ARGV.



CONCILII TRIDENTINI. 633  
ARGVMENTA TRIDENTINAE  
synodi, de Communionē sub  
una specie.

Accedamus igitur tandem ad examen Decretorum quintæ Sessiois. Principiò autem lector obseruabit, quòd Tridentina congregatio noluerit omnes rationes, quæ in hac disputatione à Pontificijs scriptoribus hucusq; agitatæ fuerunt, per repetitionem suas facere. Sed ualde multas quasi habito delectu præterierūt: sine dubio ideo, quòd incertæ, infirmæ, ineptæ & absurde pleraq; uisæ sunt. Retinuerunt autē, & selegerūt paucas quasdam: sine dubio, quæ ex toto illo cumulo optimæ & fortissimæ iudicatæ fuerunt. Ne tamen studium & operam procuratorum regni sui prorsus improbasse uel damnasse uideantur, decernunt in II. capitulo & II. Canone, omnes tales rationes & causas graues & iustas esse.

Quinq; autem uideo rationes esse, quas Tridentinum concilium, tanquā ex omnibus copijs præcipuas & fortissimas, in hoc certamine in aciem producit: ad propugnandam Pontificiam mutilationem cœnæ Dominicæ. Illas igitur ordine examinabimus.

Prima autem ratio hæc est. Etsi Christus, Sacramentum hoc in panis & uini speciebus instituit, & Apostolis tradidit: laici tamen, & clerici non conficientes, nullo diuino præcepto ad sumptionē



utriusq; speciei obligantur. Alterius igitur speciei communio illis ad salutem sufficit.

In hoc argumento conclusio est *ἡ ἀνάγκη*, de quo controuersia est. Iam uerò in omni argumentatione requiritur *αἰτία*, quod sit ratio & causa, cur positis & concessis quibusdam, conclusio uera & necessaria ratione inde sequatur, & ita certò se habere probetur. In huius uerò argumenti antecedente, ponitur & conceditur, Christum instituisse usum utriusq; speciei. Quomodo uerò quæso inde concluditur & probatur, ad laicos non pertinere mandatum Christi, de sumptione utriusque speciei? nisi forsàn ex ueteri illa topica sumptum est, cuius artificium extat Genes. 3. licet Deus præceperit, ut non comederetis ex omni ligno: tamen potestis illud facere.

Certè de magna & ardua re hoc loco disputatio est, de testamentaria scilicet institutione filij Dei. Illa uerò non est uel ambigua, uel obscura: sed tanta est eius lux, quæ omnium oculis, etiam quando concepta est præsumptio discedendi à uerbis institutionis, se ingerit. Ante omnia igitur operam dandam esse, Tridentini patres iudicarunt, ut institutionis molem, qua se ualde premi sentiunt, quoquo modo amoliantur.

Et Constantiense quidem concilium, aliquam uoluit reddere rationem mutilationis, quāuis ualde crassam & uiolentam. Decernit enim, non ob-

stante

stante institutione Dominica, recentem consuetudinem pro lege esse habendam. Sed illam Maximam, nostra tempora luce uerbi illustrata, non ferunt. Ideo Tridentini ex Basiliensi concilio aliud mutuauerunt a tificium: ut scilicet nulla prorsus monstrata, reddita & explicata ratione, nudè & simpliciter, pro imperio, & plus quàm pratoria autoritate assenserent & promulgent, licet Christus instituerit usum utriusque speciei, tamen laicos nullo diuino præcepto obligari ad sumptionem utriusque speciei. Atqui hoc ipsum est, quod in controuersia positum, certa, euidenti & necessaria ostensione probandum & confirmandum erat. Legimus enim in institutione uerba disponètia, præscribentia, mandantia & præcipientia, non tantum in una, sed in utraque parte: Accipite, edite, bibite. Et utrique parti, similiter additum est mandatum: Hoc facite. Ergo ad quos prior pars pertinet, ad eos etiam altera pars referenda uidetur. Dum uerò Tridentini patres decernunt, uerba mandantia in prima quidem parte institutionis, pertinere ad omnes Christi fideles, sacerdotes & laicos: in altera uerò parte, uerba præcipientia obligare tantum sacerdotes, & non laicos.

Huius uerò diuulsionis & diuersitatis, nullam prorsus in institutione monstrat rationem: cū tamen altera illa pars primæ annectatur, nō tantum per particulam copulatiuam, sed & per particulam

(similiter.) Et quidem cum in altera parte, uniuersalis particula diserte exprimat, quod in prima parte nō fit, Bibite ex hoc omnes: & additur, Hoc facite. Diligenter autem expendi singula uerba in primo Tridentino capitulo: non tamen potui deprehendere, quod ullam uel minimam rationē ex uerbo Dei assignent, qua laicorū conscientias erudire & tranquillās reddere conentur: ut certō statuere possint, cum in utraq; parte institutionis sint uerba mandantia, quod illis quæ in prima parte sunt, ipsi etiam laici obligētur: quæ uerō in altera parte sunt præcepta, ea nihil pertinere ad laicos.

Duas uerō alias inuenio rationes, in primo hoc capitulo expositas: sed ita, nō quod per illas uelint monstrare causas, & reddere rationes huius sui decreti: sed ut in principio protestentur, nullam ab se requirendam esse aliam rationem, quā auctōrē ē pā. Iuxta Canonistas enim, sicut Papa, ita etiam Concilium, uoluntatem habet pro ratione, in his quæ uult. Et Parisienses aduersus Lutherum dicunt, legem definiendi in Pontificia ecclesia hāc esse, ut quid sentiant, paucis explicant: rationes uerō cur ita definiant, nullas scripto mandent.

Prima igitur ratio hæc est. Tridentina synodus à Spiritu sancto edocta, declarat ac docet: Licet Christus instituerit, &c. Vbi uerō synodus edocta est à Spiritu sancto, de hac declaratione? Num ex aliquo Scripturæ loco? Moris enim est Scripturæ,

pturæ, sicut Hieronymus rectè dicit, ut quæ in uno loco breuius et obscurius dicta sunt, in alio loco explicet & declaret. Nullū certè Scripturæ locū, ex quo declarationē illā sumpserint, indicāt, sed Christo opponunt Spiritum sanctū: ita ut Christus quidem olim in ultima cœna præceptiuè instituerit utramq; speciem, Spiritus uerò sanctus nunc in Tridentina synodo diuersam declarationem Patribus inspirârit.

Memorabilis uerò ratio est, licet sine uerbi Dei testimonio, imò contra manifesta Christi uerba hæc declarationem proferant, quare tamen pro certissimo fidei articulo amplectenda sit: quia scilicet Spiritus sanctus est spiritus sapiētiæ et intellectus, spiritus consilij & pietatis. Valet autē consequentia, à baculo ad angulum.

Secunda ratio est Tridentina synodus, secuta iudicium & consuetudinē Ecclesiæ, declarat ac docet, &c Cuius uerò Ecclesiæ? Non Apostolicæ, nec primitiuæ: quale enim illius iudicium fuerit, supra monstrauius. sed eius quæ circa Constantiense concilium, consuetudinem illam contra Scripturam & morem primitiuæ Ecclesiæ inuexit, & quæ postea illam consuetudinem in Constantiensi concilio iudicauit pro lege habendam.

Egregiæ sanè rationes. Passim cōqueruntur piæ conscientiæ, etiam in Babylonica regni Pontificij captiuitate, se moueri clarissima luce uerborū in-



stitutionis, quæ forma testamenti ab ipso filio Dei tradita, & Ecclesiæ commendata est, non per modum cōsiliij, sed in forma præcepti & mandati. Sed Tridentinum conciliū simpliciter repetit & confirmat ueterem cantilenā: præceptum scilicet institutionis de sumptione utriusq; speciei, non obligare laicos. Dum uerò quærentur rationes, quibus pia mens erudiri, confirmari, & certa reddi possit, pro thesauro ostenduntur carbones: scilicet, quia Tridentina synodus ita declarat & docet. Et quia Ecclesia in Constantiensi concilio ita iudicauit: ergo licet Christus instituerit, &c.

Haftenus Pontificij procuratores laborarunt, aliquo modo & quacumq; specie, ex uerbis institutionis ostendere, mandatū de bibendo calice, non pertinere ad laicos: ut non prorsus sine omni ratione, ex mera tyrānide uiderētur populo eripuisse usum Dominici calicis. Sed Tridentina synodus non uult copias suas, in illas angustias redigi, ut nō certior & firmiter sit hæc declaratio, q̄ certò & firmiter illa ex uerbis institutionis probari & demonstrari potest: ideo sine ratione decretum tantum proponitur. Videntur tamen, quanquam ualde obscure, ad disputationes illas alludere.

Primus enim Canon dicit, non omnes fideles ex necessitate salutis, ad sumptionem utriusq; speciei obligari. Et argumentū ad quod Canon ille alludit, hoc est: In casu necessitatis, fideles saluantur, etiam si

etiamsi prorsus non possint habere copiam Sacramentalis communionis. Ergo citra dispendium salutis, etiam extra casum necessitatis, usus unius partis potest abrogari. Idem enim iuris quod de toto, etiam de partibus est. Et quod ad antecedens attinet, supra de Sacramentis in genere, in IIII. Canone explicauimus, quomodo Sacramenta sint ad salutem necessaria. De casu enim necessitatis, uera est Augustini sententia, etiam à Longobardo citata: Non est dubitandum, unumquemque fidelium corporis et sanguinis Domini tunc esse participem, quando in Baptismate membrum corporis Christi efficitur: nec alienari ab illius panis, calicisque consortio, nec priuari Sacramenti illius participatione et beneficio, etiamsi antequam panem illum comedat, et calicem bibat, in unitate corporis Christi constitutus, de hoc seculo migrauerit. In casu igitur necessitatis, ubi copia Sacramentalis communionis haberi non potest, ualent hæc regule: Deum salutem fidelium, non attigasse Sacramentis, item: Crede, et manducaisti. Consideretur autem, qualis sit consequentia: In casu necessitatis, fideles saluantur, sine Sacramentali communionem. Ergo extra casum necessitatis, licet mutare et mutilare testamentariam institutionem filij Dei. Certè si casu necessitatis, argumentandum est ad abrogationem et prohibitionem extra casum necessitatis: sequetur non alteram tantum partem, sed totam Eucharistie communem

communione abrogari prohiberi, & Ecclesie eripi posse. Latro enim in cruce saluatur, etiamsi neutram Eucharistiae speciem acceperit. Sed de casu necessitatis, plura ad argumenti huius explicatione pertinetia, ex Augustino annotauimus, in explicatione IIII. Canonis, de Sacramētis in genere.

Illud autem uehemēter mihi mirum fuit uisum: cum magnis contentionibus, ab omnibus nostri seculi Pontificijs scriptoribus laboratum & sudatum sit, ut ex ipsa descriptione institutionis cœnæ Dominicæ, uel specie aliqua ostendi posset, mandatum Christi, de sumptione calicis, ex præcepto obligare non laicos, sed sacerdotes tantum (hæc enim unica ratione, si illud ostendi & probari posset, uident solidè responderi posse ad omnia argumenta, quæ Pontificiæ mutilationi ex institutione opponuntur) ualde inquam principio mirabar, quare Tridentina synodus disertè & expressis uerbis decretum suum in illis Pontificiorū disputationibus fundare nolisset. Sed postea animaduerti, graui illud consilio factū esse: quia scilicet senserunt, quàm parum firma sit illa, non tam contorsio, quàm lufificatio testamentariæ institutionis filij Dei. Et hæc etiam causa est, quòd nec in Constantiensi, nec in Basiliensi concilio ratio illa reperitur: cum tamen multe & uariæ rationes ibi excogitarentur. Obscurè tamen in primo capitulo, Tridentini patres ad commentum illud alludunt, ubi dicunt:

Et si

Etsi Christus Apostolis tradidit Eucharistiam sub utraq; specie, non tamen ideo omnes Christi fideles, statuto Domini ad utramq; speciem accipiendam astringuntur. Ratio enim consequentiæ in hac argumentatione, alia esse non potest, quàm quòd ea quæ Christus in institutione cœnæ ad Apostolos dixit, non pertineant ad uniuersam Ecclesiam ideo, quia tantum ad Apostolos illa dicta fuerunt. Quia igitur ad disputationem illam, quam manifesta repetitione Tridentini suam facere nolunt, obscure tamen alludunt: uidendum est, quale sit nouum illud commentum, quod tempore Constantiensis & Basiliensis conciliorum adhuc ignotum fuit. Ita enim manifestum fiet, nullis sophisticis tenebris obscurari posse clarissimam lucem institutionis Christi. Quo enim acrius impugnatur, eo clarius elucescit ueritas.

Pighius uerò et Andradius, præ cæteris magna contentione hanc fabulam agunt: & paucis argumenta ipsorum notabo. Vtile enim est, commotionis gratia, proponi talia exempla, quæ ostendant, quam audacter & impudenter, quàm misere & impie Pontificij, propter tuendam suam mutationem ludificent, deprauent, torqueant & excarnificent sacratissima uerba testamentariæ institutionis filij Dei. Pighius sumit uerba institutionis, sicut illa à Luca & Paulo descripta sunt, prorsus præteritis Matthæi & Marci descriptionibus.



nibus. Et hoc artificio testamentariam institutionē Christi ludificat. In prima, inquit, parte institutionis, Christus Apostolis duo mandat: 1. Accipite, manducate. 2. Hoc (quod scilicet iam me facientem uidistis) facite, in mei commemorationem. hoc est: Præcipit ut in posterum accepto pane gratias agant seu benedicant, & illum distribuunt accipiendum & manducandum alijs, additis uerbis illis: Hoc est corpus meum, &c. In altera uerò institutionis parte de calice, Lucae & Pauli descriptio non habet, Christum Apostolis dedisse calicem: nec præceptiuè & imperatiuè dixisse: Bibite ex hoc omnes: Ergo cū addit, Hoc facite: non præcipit ut Apostoli & sacerdotes poculum benedictionis bibendum dispensent. Hoc enim tantum ipsis præcepit in posterum faciendum, quod uiderant Christum in prima cœna facientem. Iam uerò Christus, iuxta Lucae & Pauli descriptionē, in prima cœna ne Apostolis quidem, poculum benedictionis dispensauit, addito præcepto: Bibite ex hoc omnes. Hæc enim uerba Lucas & Paulus non habent: Dedit illis dicens, Bibite ex hoc omnes. Sed quia in Pauli descriptione Christus dicit: Hoc facite, quotiescunq; biberitis: significare uoluit, tunc tantum sacerdotes debere de poculo Domini bibere, quando faciunt, hoc est, quando sacrificant: ipsos uerò etiam sacerdotes quando non faciunt, hoc est, sacrificant, non habere mandatum bibendi

bibendi de poculo Domini. Hæc est Pighiana te-  
 la, quæ simpliciter ponit Christum in institutione  
 poculum consecratum non dedisse Apostolis, nec  
 præcepisse ipsis, Bibite ex hoc omnes. Falsum ne  
 igitur & mendaciū erit, quod Matthæus & Mar-  
 cus scribunt, Christum in institutione cœnæ, pocu-  
 lum benedictionis dedisse discipulis, & dixisse:  
 Bibite ex hoc omnes? Pighius respondet, Christum  
 post ascensionem uerba institutionis plenius reue-  
 lasse Paulo. Num uerò ita, ut falsitatis & mendacij  
 argueret ea quæ à Matthæo & Marco descripta  
 sunt? Operæ precij uerò est audire, quomodo Mat-  
 thæi descriptionē, quæ de calice et præceptiue, &  
 per notā uniuersalem loquitur, eludat. Dicit enim  
 nō incōgruenter intelligi posse, cā quæ Matthæus  
 de calice scribit, pertinere non ad normam præsta-  
 tam celebrando in futurum hoc mysterio, sed tan-  
 tum ad illum actum cū duodecim Apostolis perti-  
 nuisse. Quare uerò hoc? Quia scilicet in Matthæi  
 descriptione, non additur mandatum: Hoc facite.  
 Ita Pighius. Sed quia nimium crassa est uiolenta hæc  
 institutionis diuulsio, ut nulla prorsus admittatur  
 collatio descriptionum institutionis, sicut in qua-  
 tuor locis Scripturæ extant: nec quod in unius  
 descriptione præteritum est, ex aliorum repetitio-  
 nibus liceat supplere: ut scilicet quando Matthæi  
 descriptio urgetur, simpliciter dicamus, Christum  
 non dixisse, Hoc facite in mei commemorationē:

si Lucæ

## 644 EXAMEN DECRETORVM

si Lucae & Pauli descriptio tractatur, ut simpliciter negemus, Christum in institutione calicem dedisse discipulis, nec dixisse, Bibite ex hoc omnes: quia scilicet Lucae & Pauli descriptio, uerba illa non habet. Hæc quia nimis impudenter impia sunt, non probantur ab omnibus Pontificijs. Vna enim & eadem institutio est, quæ quatuor in locis describitur: & sacri scriptores ita mutuas operas tradiderunt, ut quod priores Matthæus & Marcus præterierunt, posteriores Lucas & Paulus suppleuerunt. Quæ uerò in priorum descriptionibus satis luculenter explicata erant, ea posteriores non iudicarunt omnia repetenda esse, cum quidem omnes descriptiones conferri uellent.

Volui tamen Pighianum illud artificium notare, ut extet illustre exemplum, ad quas impudentes & crassas ludificationes Scripturæ, suscepta defensio Pontificiæ mutilationis, humana ingenia abripiat.

Andradius uerò nouus artifex, concedit in institutione extare mandatum de sumptione calicis. Sed alia uia quam Pighius ingreditur, probaturus, uerba institutionis de calice, non pertinere ad laicos, sed ad solos sacerdotes. Et obseruabit lector, non de uini tantum specie laicis eripienda Pontificios laborare: sed hoc pugnant, laicos ad dulcissima uerba Christi, quæ communioni calicis addita sunt, nullum plane ius habere: quia scilicet uerba

illa

illa ad solos sacerdotes pertineant. Sumpsit autem potissimum Andrady disputationem expendendā. quæ enim mens sit Tridentini concilij in primo argumento, quia non plenè se explicant, ex Andrady opinor, qui & concilio interfuit, & in ipso Concilio scripsit, omnium rectissimè intelligemus. Dicit igitur: Licet præceptum de bibendo calice, cum nota uniuersali, à Christo in institutione traditum sit: non tamen sequi, omnes Christi fideles sub illo uniuersali signo comprehendi, & præcepto illo obligari. Audis eadem uerba, & eandem sententiam, sicut in primo Tridentino capitulo legis. Sed causam & rationem huius sententia, quæ Concilium studiosè celauit, Andrady Concilij interpres nobis prodit: Christum scilicet præcepto illo, uniuersali nota tradito (Bibite ex hoc omnes) non alios quàm præsentēs Apostolos compellasse: Cum enim non pauci ex 70. discipulis, & ex pijs matronis, tunc adessent Hierosolymis: Euangelistæ tamen expressè memorant, Christum tantum duodecim Apostolos, mēse illi adhibuisse. Et Marcus, explicaturus quos Christus uniuersali illa nota intelligi uoluerit, dicit omnes illos quos tunc cōpellarat, cum diceret, Bibite ex hoc omnes, statim in prima illa cœna bibisse ex calice: qui certè non alij fuerunt, quàm duodecim Apostoli, qui tunc in cœna præsentēs fuerunt. Hæc est prima ὑπόψις Andrady. Sed quero, an semel tantum, in prima

S

scilicet



scilicet illa coena, Christus illud quod tunc praece-  
piebat, fieri uoluerit? Negabit hoc Andradius.  
Christus enim addit mandatū, Hoc facite: ut scilicet  
et in posterū seu in futurum, usq; ad cōsummatio-  
nem seculi (sicut Paulus interpretatur) illud fiat,  
quod in prima coena factum fuerat. Et nisi tradi-  
tum esset à Christo hoc mandatum, nemo factum  
illud primae coenae ausus fuisset uel debuisset imita-  
ri. Altera uerò quæstio est, an tantum duodecim  
illae personae, ex mandato Christi debuerint po-  
stea illud facere, ita ut præter & post duodecim  
illos, ad nullum omnino fidelium, ea quæ in insti-  
tutione coenae præscripta & mandata sunt, perti-  
neant. Negat & hoc Andradius: facit enim illa cō-  
munia reliquis etiam sacerdotibus. Ipse igitur in  
sequentibus fatetur, & ostendit, falsum esse quod  
prius comendebat, Christum uniuersali nota, cū  
dicit, Bibite ex hoc omnes, non alios uoluisse in-  
telligi, quàm duodecim illos qui tunc presentes  
erant. Tertia demum quæstio est: Qui sint illi, ad  
quos in Ecclesia, præter & post Apostolos, man-  
data institutionis Christus pertinere uoluerit? Et  
hic est status quæstionis ualde arduæ & grauissi-  
mæ: in cuius definitione, non nudis utendū est asse-  
uerationibus, sed argumentis certis, probationi-  
bus firmis, & documētis euidentissimis. Andradi-  
us, sicut forsan in Cōcilio didicit, audacter affir-  
mat, mādata totius institutionis coenae, pertinere

ad solos sacerdotes. Quomodo uerò illud probet,  
audiamus. Tria, inq̃t, mandata sunt in institutione:  
Edite, Bibite, hoc facite. Et hæc copulatiuè ita con-  
nexa sunt, ut ad quos pertineat mandatũ, Hoc fa-  
cite, ad illos etiã præcedentiã pertineãt. Sed Chri-  
stus potestatem in posterum cõsecrandi, celebran-  
di, administrandi, & dispensandi Eucharistiã insti-  
tuit, cũ diceret, Hoc facite. Illa uerò potestas, non  
ex æquo omnibus fidelibus, sed ministris Eccle-  
siae competit. Ergo & præcedentiã mandata, sci-  
licet: Edite, Bibite: ad solos sacerdotes pertinent.  
Non aut̃ ita, ut sacerdotibus quando nō cõficiunt,  
utraq; species dispensetur: nã & hoc negat: sed tan-  
tũ, ut sacerdotes quando celebrant, utramq; speci-  
em sumant. Violenta profecl̃o est Lusitana hæc  
argumentatio: qua à iure totius cõmunionis Eucha-  
ristiæ prorsus remouentur nō laici tantũ, sed &  
sacerdotes nō conficientes. Dicit enim utrumq;  
mandatum, Manducate & Bibite, ad solos sacer-  
dotes pertinere: ad quos scilicet pertinet mādātũ,  
Hoc facite. Responsum uerò ad obiectionē: Quo-  
igitur iure laicis altera species dispensetur, si tota  
institutio ad solos sacerdotes pertinet? hæret, tan-  
quã mus in pice. Vult quidē dicere, Apostolos sum-  
psisse unã speciẽ, cũ adhuc laici essent, priusquã s.  
in sacerdotes cõsecrarẽtur, per uerba, Hoc facite.  
Sed paulo ant̃ dixerat, ad eosdẽ copulatiuè ptine-  
re, Māducate, et hoc facite. Ideo arbitretur ex 6.c.

Iohannis, laicos ad communionem unius speciei admitti, uel certè ex generali Sacramentorum ratione. Tandem uerò dicit, Christum quidem in genere præcepisse, ut fideles Eucharistia uteretur: quam uerò earum specierum consultius foret plebi porrigere, Ecclesiæ iudicio relictum esse. Sed ubi hoc scriptum est, ô bone uir? Ego enim non in genere, sed in specie, de utraq; parte Eucharistiæ sumenda, lego man latum Christi. Sed quam putas esse causam quòd disputent, ne unam quidem speciem laicis ex mandato Christi dari? Absq; dubio hæc est: ut Pontificis potius liberalitati & auctoritati, quàm institutioni & mandato Christi, communionem suam acceptam ferant laici.

Sed expendenda est paulisper hæc Andradij argumētatio. Tota uerò uis argumēti, sita est in mandato, Hoc facite. De quo distinctè dicendum est: quatenus scilicet pertinet ad ministros Ecclesiæ, & quatenus pertinet ad reliquam Ecclesiam. Et planum faciemus, quocunq; referatur mandatum illud Christi, Hoc facite, siue ad sacerdotes, siue ad reliquam Ecclesiam, confirmari & stabiliri nostram sentētiā: quòd scilicet communio sub utraq; specie, sit iuris & præcepti diuini. Quia enim quod Christus in ultima coena fecit, in futurum etiam in Ecclesia fieri mandauit: acceptum scilicet panem & poculum gratiarum actione benedicere, & sacrata dispensare, quod ad ministeri

um propriè pertinet. Non ergo negamus, mandatum Christi, Hoc facite: eatenus pertinere ad ministros Ecclesiæ. Quia uerò totum illud, quod in prima cœna non tantum à Christo benedictione & dispensatione, uerum etiam à discipulis sumptione, manducatione et bibitione factum est, comprehenditur in mādato illo, Hoc facite: refertur enim ad totam actionem præcedentem: non igitur tantum ad sacerdotes celebrantes Eucharistiam, sed & ad illos quibus Eucharistia dispensatur, ut eam edant & bibant, mandatum illud Hoc facite, certa ratione pertinet: sicut postea clarissimè ex Paulo demonstrabimus. Non enim tantum particula quedam, sed totum illud quod in institutione cœnæ factum est, comprehenditur in mandato illo, Hoc facite. Primum autem in ipsa institutionis luce uidebimus, quid uerba illa, Hoc facite, uelint, possint & efficiant, si referantur ad sacerdotes seu ministros Ecclesiæ. Sine dubio enim Christus, quando dixit, Hoc facite, ministris Ecclesiæ præscripsit, mandauit & præcepit, quomodo in posterum seu in futurum celebrare & administrare et dispensare debeant cœnam Dominicam, usq; ad consummationem seculi: nempe ut ea faciant, quæ Christus in prima cœna fecit. Et quidē si Christus panem & calicem benedixisset, & solus sumpsisset, & addidisset mandatum, Hoc facite: tunc forsā illud quod Pontificij uolum, sequeretur: ut sci



licet solus sacerdos celebrans, utranq; speciem sumeret. Iam uerò non lego, Christum benedictum illum panē & calicem Eucharistiæ, ipsum mandūcasse & bibisse: licet Chrysostomus, sine certo & manifesto Scripturæ testimonio illud affirmet. Manifestissimè aut lego, Christū benedictū panē & calicē alijs dispensasse, addito mādato: Edite, bibite. Quatenus igitur mandatū Christi, Hoc facite, solos ministros Ecclesiæ, ad quos administratio Eucharistiæ pertinet, cōplectitur: nō tantū requirit, ut Eucharistiam consecrent, & ipsi sumāt: sed ex præcepto & mandato diuino requirit, ut sacratam Eucharistiā dispensent, & distribuant alijs. Hoc enim Christus in prima cœna fecit: & quod tunc fecit, ut illud in futurū fieret, seriò mandauit, cum diceret: Hoc (quod scilicet me uidistis facientē) facite. Quid uerò sacerdotes in administratione Eucharistiæ distribuere & dispēsare debeant, manifestissimū est ex institutione: q̄ scilicet Christus dispēsauit, & distribuit. Dicit enim: Hoc quod me uidistis facere, facite. Christus uerò benedictū panē distribuit, dicens: Accipite, comedite, &c. Et huic parti actionis, addit mandatum: Hoc facite. Similiter uerò etiam poculum benedictionis distribuit: dicens. Bibite, &c.

Et huic etiā parti actionis: similiter ut primæ addit mādātū: Hoc facite. Sacerdos igitur celebrās Eucharistiam, si solus eam sumat, & nemini alteri

eam dispenset, non facit hoc quod Christus fecit. Quod si alteram tantum partem dispenset, iterum non facit hoc quod Christus fecit. Is enim sicut utramque speciem consecrauit, ita etiam utramque distribuit. Et illud quod tunc fecit, faciendum in posterum mandauit, cum diceret: Hoc facite. Manifestissima igitur demonstratio est, ipsa luce meridiana clarior, mandatum Christi, Hoc facite, quatenus ad solos sacerdotes pertinet, nequaquam eripere reliquæ Ecclesiæ communioni utriusque speciei. Non enim hoc uult mandatum illud, ut sacerdos celebrans Eucharistiā, solus eam sumat: sed ex præcepto diuino iniungit et imponit sacerdoti celebranti, ut dispenset et distribuatur Eucharistiā, et quidem ita, sicut Christus eam dispensauit. Is uero et panem et poculum benedictum dispensauit, et utrique parti expressè et distinctè addidit mandatum: Hoc, quod scilicet ego iam feci, in futurum usque ad consummationem seculi, facite.

Restat igitur postrema questio: Qui sint illi, quibus sacerdos celebrans, Eucharistiā dispensare et distribuere ex præcepto diuino teneatur? Christus dispensauit eam Apostolis: quos Pontificij dicunt, tunc retulisse personam sacerdotum. Sed Apostoli tunc non erant conficientes, sicut Pontificij loquuntur. Ad minimum igitur clericis non conficientibus, dispensanda esset utraque species Eucharistiæ, etiam si ad solos sacerdotes pertineret.

Christus enim Apostolis, qui tunc non erant confici-  
 entes, dedit utramq; speciem. Et hoc quod tunc  
 fecit, sub præcepto in posterum fieri mandauit, Et  
 tamen Pontificia ecclesia, ipsis etiam sacerdotibus  
 quando non conficiunt, non dispensat utramq; spe-  
 ciem. Hunc modum antea Iesuitis proposueram.  
 Sed aduocatus ipsorum Andrædus, noluit eā tan-  
 gere. Impossibile enim est, quòd ulla ratione uerè  
 possit solui. Sed omiſſis illis *à contrariis*, quæ rēdus  
 est certus mandati Christi interpret: quibus scili-  
 cet dispensanda sit Eucharistia, ita sicut Christus  
 eam dispensauit discipulis suis, sub panis scilicet et  
 uini specie. Is uerò Paulus erit, qui Euangelium suū  
 non ab homine, sed ex reuelatione filij Dei accep-  
 pit. Gal. 1. Et doctrinam de cœna Domini, fate-  
 tur se ita tradidisse, sicut eam à Domino accepit.  
 Tradidit autem non ut nudam historiam, sine ex-  
 plicatione, accommodatione et applicatione ad pra-  
 xim (ut ita loquar) Ecclesiæ: sed ita proponit insti-  
 tutionem, ut sit regula et norma administrandæ,  
 dispensandæ et sumendæ Eucharistiæ. Recitatis  
 autē uerbis et mandatis institutionis Christi, mox  
 subiungit accommodationem de dispensatione et  
 usu utriusq; speciei. Num uerò ad solos sacerdotes  
 illa pertinent, quæ Paulus ibi de communione sub  
 utraq; specie scribit? Certè titulus epistolæ, uniuersam  
 Ecclesiam Dei quæ est Corinthi, alloquitur:  
 imò addit, inscriptam esse omnibus qui inuocant  
 nomen.

nomen Domini, idq; in omni loco. Sicut igitur ex  
 uerbis institutionis habemus, in celebratione coe-  
 nae Dominicae debere ex praecepto diuino fieri di-  
 spensationem, seu distributionem, utriusq; speciei,  
 panis scilicet, & poculi Domini: hoc enim Chri-  
 stus fecit, & idem faciendum in posterum manda-  
 uit: ita ex Pauli interpretatione habemus, dispen-  
 sationem illam panis & poculi Domini, ex praece-  
 pto Domini debere fieri omni homini probanti  
 se, i. e. omnibus qui inuocant nomen Domini. Haec  
 enim sunt Pauli uerba. Breuiter igitur, sed certò  
 & manifestè demonstrauius, sacerdotes seu mi-  
 nistros Ecclesiae, quando celebrant et administrant  
 coenam Dominicam, ex praecepto diuino astringi  
 & obligari, non tantum ut Eucharistiam conse-  
 crent, & ipsi sumant, sed ut consecratam dispen-  
 sent & distribuant, non dimidiam, sed integram,  
 panem scilicet & poculum Domini, sicut Christus  
 fecit; & utramq; illam speciem dispensent & di-  
 stribuant, non solis tantum sacerdotibus, sed omni  
 homini probanti se, & omnibus qui inuocant no-  
 men Domini, in omni loco. Et forsan non sine pe-  
 culiari artificio, Tridentinum decretum noluit  
 loqui de praecepto dispensationis, sed de praecepto  
 sumptionis. Et si uerò posterius illud ex priori ma-  
 nifestum est, ex natura correlatiuorum: tamen &  
 hoc de praecepto scilicet sumptionis, manifestè ex  
 Scriptura ostendi potest. In prima enim coena, nō



tantum hoc factum est quod Christus panem et  
 poculum benedixit et dispensauit: sed et hoc ibi  
 factum fuit, quod Apostoli panem et poculum Do-  
 mini acceperunt, manducarunt et biberunt: idque  
 non ut arbitrarium quiddam, sed ex praecepto et man-  
 dato Domini. dixerat enim: Accipite, manducate,  
 bibite. Ad totam uero illam actionem primae coenae,  
 Christus addidit mandatū, ut in futurum usque ad con-  
 summationem seculi, ita fieret: Hoc inquit, quod  
 scilicet in hac prima coena factum est, facite. Sicut  
 igitur in prima coena Apostoli ex praecepto diui-  
 no utramque speciem sumpserunt, manducarunt et  
 biberunt: ita praescriptum et mandatum Christi  
 est, ut idem in futurum usque ad consummationem  
 seculi, in celebratione coenae Dominicae fiat. Et  
 Paulus locuples testis est, Christum ipsum in insti-  
 tutione mandatū illud, Hoc facite, non tantum  
 ad consecrationem et dispensationem, sed expres-  
 se etiam ad sumptionem retulisse: et quidem ex-  
 presse in altera parte, de calice. Ita enim recitat  
 Christi uerba: Hoc facite, quotiescunque biberitis. Et  
 ipse Paulus mox subiiciens, quae sit interpretatio  
 uerborum Christi, Hoc facite in mei commemora-  
 tionem, inquit: Quotiescunque manducaueritis hunc  
 panem, et poculum hoc biberitis, mortem Domi-  
 ni annunciate, donec ueniat. Paulus igitur manda-  
 tum Christi, Edite, bibite, hoc facite: accommodat  
 ad ipsos sumentes. Et sicut sumptio panis sacrati,

est iuris & præcepti diuini : ita etiam sumptio pocali Dominici, est iuris & præcepti diuini. Et Paulus hæc scribit ad omnes qui inuocant nomen Domini, in omni loco.

Siue igitur ad sacerdotes, siue ad sumentes referatur mandatum Christi, Hoc facite: planum factum est, communionem sub utraq; specie esse iuris, præcepti & mandati diuini duplici ratione: 1. Quia ministri Ecclesiæ, in administratione cœnæ Dominicæ, ex præcepto Domini obligati sunt, & astringuntur ad dispensandam Eucharistiam, ita sicut Christus eam in prima cœna dispensauit, sub panis scilicet & uini specie: idq; nō sacerdotibus tantum, sed omnibus qui inuocant nomen Domini, in omni loco. 2. Sumpturi Eucharistiam, habent mandatum Christi, ut in sumptione illud faciant, quod in prima cœna factum fuisse scribitur: ut scilicet panem benedictum edant, & poculum Domini bibant. Et ad hoc faciendum, duplici uinculo mandati diuini obligantur & astringuntur. Quod Paulus sua interpretatione ostendit, mandatu, Edite, bibite, pertinere ad omnes sumentes. 2. Quod Christus utriq; parti addit peculiare mādātum. Hoc facite ut non tantum in dispensatione, sed etiam in sumptione hoc fiat, quod in prima cœna factum est.

Ex hoc iure institutionis, præscripti, mandati & præcepti diuini, primitiua Ecclesiæ in legitimis

timis & ordinarijs Ecclesie couenibus, utramque Eucharistiae speciem dispensauit & sacerdotibus & laicis. Et disertè docuit, in usu & participatione horum mysteriorum, nullum esse discrimen inter sacerdotem & laicum: sicut suprà hæc demonstrata sunt. Nec unquam uel sensit uel docuit uetus Ecclesia, arbitrariam esse communionē sub utraq; specie. Sed quia de sumptione sub utraque specie, & Christus & Paulus præceptiue seu imperatiue loquuntur: ueteres similiter etiam docuerunt, eam esse iuris & præcepti diuini. Cyprianus de coena Domini inquit: Lex esum sanguinis prohibet: Euangelium, ut bibatur, præcipit. Bibimus autem de sanguine Christo, ipso iubente, pro quibus sanguis ille oblatus est. Et lib. 2. epistola 3, disputans de calice Domini sanctificando, & plebi ministrando, aliquoties meminit præcepti diuini, ut cum dicit, ab eo quod Christus magister & præcepit & gessit, non esse humana institutione decedendum. Item à Domino præcipitur, & ab Apostolo eius confirmatur, ut quotiescunq; in commemorationem Domini biberimus, hoc faciamus quod Dominus fecit. Et in fine, institutionē Christi uocat legem Euangelicam,

Bernhardus Sermone 3. de Ramis palmarū dicit, alimoniam corporis & sanguinis Christi, eo die primum exhibitam, eo die commendatam & mandatam, deinceps frequentari. Cyprianus lib. 1. episto-

epistola 2. Quomodo ad martyrij poculum idoneos facimus, si non eos ad bibendum prius in Ecclesia poculum Domini, iure Communicationis admittimus? Et Iustinus, scriptor uetustissimus, cum descripsisset ritum sui seculi in Ecclesia, de communione sub utraq; specie, mox subiungit, Apostoli in Euangelis ita sibi Christum ἐν τῷ αἵματι, præcepisse tradiderunt. Ostendimus igitur ex institutione Christi, ex interpretatione Pauli, & ex traditione ueteris Ecclesie, dispensationem & summptionem Eucharistiae sub utraq; specie, esse iuris & præcepti diuini.

Secundum argumentum contra uerba institutionis, Tridentina synodus texit ex concione Ioh. 6. Illud uerò à Pontificijs scriptoribus, in duplici forma solet proponi. 1. Christus Ioh. 6. loquens de sumptione & participatione carnis & sanguinis sui, aliquando concionatur de manducanda carne, & bibendo sanguine, aliquando uerò reducit illa ad solam manducationem: ut, Qui manducat me, uiuet propter me. Ergo communio utriusque speciei, non est tanquam necessaria præcepta, sed potest sufficere sola manducatio. 2. Osius in confessione Polonica, argumemum illud ita format. Christus Ioh. 6. loquens de manducanda sua carne, & bibendo sanguine, non facit mentionem uini, sed tantum panis. Ergo usus Dominici calicis potest abrogari & prohiberi. Sed facilis & pla-



na est responsio: Cœnam Dominicam Christum  
 instituisse in ea nocte qua tradebatur, & Euange-  
 listæ testantur, & Paulus clarissimè affirmat. Con-  
 cilio uerò Ioh. 6. habita est à Christo, anno integro  
 & amplius ante institutionem cœnæ. Et tamē tam  
 boni uiri sunt Tridentini patres, ut non uerean-  
 tur prætextu ex cōcione Ioh. 6. sumpto, reforma-  
 re, mutare & mutilare testamentariā institutio-  
 nē filij Dei. Eadem enim ratione posset quis argu-  
 mentūnectere ex concione Ioh. 4. tantū bibendū  
 esse in cœna Dominica, & quidē non uinū, sed a-  
 quā in calice adhibendam: quia Christus ibi dicit:  
 Quī biberit ex aqua quā ego dabo, nō sitiet in æ-  
 ternū. Deinde manifestū est, Christū Ioh. 6. non  
 agere de manducatione & bibi tione, quæ ore cor-  
 poris fiat: nec de pane materiali. Iudeis enim ur-  
 gentibus illud signū, Patres nostri in deserto man-  
 na manducauerunt: Christus opponit: Iam uerò  
 pater cœlestis nōn corporalem cibum, sed aliū pa-  
 nem, scilicet filium suum incarnatum, uobis nūscit.  
 Ego, inquit, sum panis ille uitæ. Ita cum turbæ  
 qui ex quinque illis panibus manducarant, ad ipsum  
 reuerterentur, ut iterum corporali manducatio-  
 ne saturarentur: Christus panem materiali & man-  
 ducationi corporali opponit alium spiritualem ci-  
 bum, & spirituales manducationem, quæ fide fit:  
 sicut aliquoties repetit: Qui credit in me, habet ui-  
 tam æternam. Si igitur ex sexto capitulo Iohan-  
 nis,

nis, de substantia cœnæ Dominiçæ, contra uerba institutionis iudicandum esset: sequeretur, etiam elementum panis non esse adhibendum ad Eucharistiam, nec opus esse, ut in cœna Domini ore corporis aliquid acciperetur: imò posset inde concludi, usum & panis & potuli Domini, sicut institutio cœnæ de illis loquitur, posse simpliciter abrogari & prohiberi. Tam egregium scilicet argumentum est, quod ex concione Ioh. 6. contra institutionem cœnæ, à Pontificijs opponitur. Et tamen unicum hoc argumentum præcipuum fuit, quod tempore Constantiensis concilij, ex Scriptura contra usum utriusq; speciei oppositum fuit. Veteres quidem in explicatione 6. capituli, plerumq; solent tractare doctrinam de cœna Dominiçæ, nō q̃ ibi sit instituta, uel quod ex 6. c. a. Iohannis discendum sit, quæ sit materia, quæ forma: hoc est, quod elementū, & quod uerbū Sacramēti Eucharistiæ. Sed quia ad salutarē cœnæ Dominiçæ usum nō sufficit Sacramentalis māducatio, nisi accedat spiritalis: qualis uerò illa sit, & esse debeat, describitur Ioh. 6. Hastenus & hoc modo ueteres 6. c. a. Iohānis rectē accommodarūt ad doctrinā de Eucharistia. Nō pōt aut̃ in ullo ueterū ostēdi, qđ in 6. c. a. Iohānis uel disputarint saltē, in legitima et ordinaria celebratiōe cœnæ Dominiçæ, usum calicis posse uel abrogari, uel phiberi. Doctrina igitur de materia et forma, de elemēto et uerbo Eucharistiæ de  
norma

norma administrationis & dispensationis coe-  
 nae Dominicae, & de modo Sacramentalis com-  
 munionis, sedem suam habet non Ioh. 6. tunc enim  
 Eucharistia nondum erat instituta: sed in uerbis  
 institutionis, in quibus dispensationem & commu-  
 nionem utriusq; speciei praeceptiuè institutā esse  
 manifestum est. Illud uerò Pontificij prorsus inuer-  
 tunt. Et hinc aestimetur, qualis causa sit, quae hu-  
 iusmodi argumentis & fundamentis nititur.

Tertium argumentum Tridentinae synodi, su-  
 mitur ab autoritate & potestate Ecclesiae. Consi-  
 deretur autem status disputationis. Manifesta &  
 certa sunt uerba institutionis, de utraq; specie. Ab  
 illis Pontificia ecclesia discessit. Iam cum quari-  
 tur, quas huius discessionis rationes habeant? op-  
 ponitur autoritas, et potestas Ecclesiae. Necesse igitur  
 erit, esse aliquam potestatem & autoritatem  
 Ecclesiae, contra expressa uerba Dei, & quidem  
 ad destructionem testamentariae institutionis filij  
 Dei: ad quam tamen duplici mandato, in singulis  
 Eucharistiae partib. Ecclesiam usq; ad consummatio-  
 nem seculi, donec ad iudicium redeat, alligatā esse  
 uoluit: Manducate, hoc facite: Bibite, hoc facite.  
 Elegans certè, & uera est Augustini sententia cō-  
 tra Cresconium li. 2. cap. 21. Paulus dicit: Ecclesia  
 subdita est Christo. Non igitur debet Ecclesia, se  
 Christo praeponere: cum ille semper ueraciter iu-  
 dicet, Ecclesiastici uerò iudices, ut homines ple-  
 runq;

runq; fallantur. Sed pleraq; ad hoc argumentum pertinentia, in præcedentibus sunt explicata: ideo tantum uerba secundi Tridentini capituli examinabimus. Insidiosè autem ludunt equiuocatione uocabuli dispensationis. Nam & Gerson disputat, esse quidem præceptum de bibendo calice, sed tale, quod dispensabile sit autoritate Ecclesiæ. Dispensationem uerò definiunt relaxationem iuris communis, factam cum causæ cognitione, ab eo qui ius et potestatem habet dispensandi: ut scilicet sit licentia uel mutandi aliquid in lege, uel faciendi aliquid contra legem. Tridentinum igitur capitulum declarat, Ecclesiam habere potestatem in dispensatione Sacramentorum. Et ex illa potestate, licet Christus utramque speciem præcepti uè instituit, Ecclesiam tamen communionem calicis potuisse abrogare & prohibere. Audi uerò quomodo illud ex Scriptura probet. Paulus enim dicit: Sumus dispensatores mysteriorum Dei. Mysteria, sunt Sacramenta: & dispensare, est ius commune relaxare. Ergo quæ Christus in dispensatione & usu Eucharistiæ instituit, Ecclesia potest abrogare: quæ præcepit, potest prohibere: usum scilicet calicis Domini, pro laicis.

Canonistarum quidem sententia est, Papam posse dispensare contra 4. prima Concilia: item contra uerba Euangelij, licet non contra mentem. Sed si quis tunc, regnante barbarie & inscitia lingua-



rum, potuisset Papalem illam potestatem dispensandi, ex dicto illo Pauli probare: Sumus dispensatores mysteriorum Dei: nã uerè magistralis illa allegatio habita fuisset. Nunc uerò in tanta luce ludere uocabulis, in re tam seria, nemo ut arbitror sanus auderet. Audet autem hoc, & quidem iure suo, præfixta frons Thaidis Babylonice. Et qua conscientia causam hanc agant, quantumq; fidei illis sit tribuendum, hinc æstimetur. Mystera ibi Paulus intelligit reuelationem totius doctrinæ Euangelicæ, & Apostolos uocat ministros & oī= nouo uous: hanc ipsam innuens antithesin, quòd non sint domini horum mysteriorum, qui potestatem habeant mutandi & abrogandi: sed quòd tantum sint œconomi, in quibus hæc fidelitas requiritur, ut iuxta institutionem, præscriptum & mandatum Domini, ea dispensent, quæ ipsis commissa sunt. In hac sententia uetus interpret usus est uocabulo dispensationis. Illius uerò æquiuocatio cō=moda uisa fuit Tridentinis patribus, qua mutilationem coenæ Dominicæ iustificarent. Non abs re igitur factum est, quòd ueterem editionem decreto suo authenticam fecerunt, ita ut nemo tam in disputationibus, quouis prætextu reijcere aude=ret: etiamsi scilicet, ut in hoc loco, οἱ νοϋοι α non significet potestatem mutandi & statuendi aliquid, contra id quod Dominus expresso mandato præscripsit. Sed huic dispensationi uidentur ne ipsi  
quidem

quidem Tridentini satis fidere. Ita enim orationem moderantur, quasi uelint dicere: In dispensatione, hoc est, in administratione Sacramentorum, Ecclesiam in externis circumstantiis posse statuere & ordinare, quæ ædificationi seruiunt: & in huiusmodi quidem ordinationibus, si fiant in circumstantiis de quibus non extat mandatum Dei, ad hunc finem, ut ea quæ in administratione Sacramentorum à Domino instituta, præscripta & mandata sunt, cò rectius & diligentius ad ædificationem seruentur. Non negamus inquam, in huiusmodi ordinationibus Ecclesiam habere potestatem: ut omnia scilicet fiant ordinè, decenter, & ad ædificationem. Hanc uerò potestatem, Pontificij extra suos terminos cò trahunt, quasi Ecclesia simili potestate possit etiam ea quæ in institutione cœnæ, filius Dei instituit, ordinauit, præscripsit, mandauit & præcepit, mutare, mutilare, prohibere & eripere. Hoc uerò quia probari non potest, negamus. Et obseruetur Tridentina argumentatio, à dispensatione in circumstantiis adiaphoris, ad abrogationem, mutilationem & prohibitionem eorum quæ habent uerbum & mandatum Dei. Falsum uerò est quod dicunt, Paulum tali potestate usum in hoc ipso Sacramèto, quādo Corinthijs scribit: Cætera cū uenero, disponam. Disertè enim prius ponit ea quæ habet institutionē, ordinationē, præscriptum

et mandatum Christi: et ab ijs postea disiungit ea quæ pollicetur se ordinaturum, cum uenerit. Intelligit igitur ea quæ non habent præscriptum et mandatum Christi.

Et quidem ipsum Concilium non potest simpliciter hanc distinctionem negare: ideo addunt, salua Sacramentorum substantia, fieri posse dispensationem. Hoc uerò mirabile est, Eucharistiam posse una sui parte mutilari, salua tamen ipsius substantia. Longobardus certè, et Scholastici, substantialia Sacramentorum affirmant esse materiam et formam: hoc est, elementum diuinitus institutum, et uerbum uoce diuina elemento annexum. Iam Christus pro elemento, in cœna sua non panis tantum, sed et poculi usum instituit. Quomodo igitur salua manet substantia cœnæ Dominicæ, si altera eius pars abrogetur, mutilatur, et prohibeatur? Sed forsân substantiam Eucharistiæ, uolant esse spiritualem participationem corporis et sanguinis Christi. Cumq; illa fiat etiam sub una specie, ubi totus et integer Christus adest: iudicant saluam manere Eucharistiæ substantiam, etiamsi poculum Domini inde tollatur. Sed quia etiam sine pane et uino fieri potest spiritualis participatio carnis et sanguinis Christi, in uerbo Euangelij, sola fide, Ioannes 6. eadem ergo consequentia manebit etiam salua substantia Eucharistiæ, etiamsi utraque species, et panis et

uini.

uini, inde tollatur. Sed quæ ad substantiam cœnæ Dominicæ pertineant & requirantur, non ex humanis argumentationibus, sed ex testamentaria institutione filij Dei discendum & dijudicandum est. Quartum argumentum Tridentinæ synodi, sumptū est ab exemplis ueteris Ecclesiæ; quòd scilicet usus utriusque speciei in primitiua Ecclesiā, non infrequens quidem, non tamen uniuersalis fuit: sed semper etiam simul in usu fuerit communio sub una tantūmodo specie. Cui libertati cōmunicādi, siue sub utraq; siue sub una tantummodo specie, postea successerit mutatio cōsuetudinis, de communione sub utraq; specie; quam subsequuta demum sit lex, de una tantum specie.

Obseruabit autem lector, quòd Pontificij in hac causa, usu rerum multa edocti sunt, quæ principio non satis considerata fuerunt. Constantiense enim concilium cum primum ferret legem de mutilatione cœnæ Dominicæ, simpliciter concessit, consuetudinem fuisse primitiue Ecclesiæ, quòd à fidelibus, Eucharistia sub utraq; specie reciperetur. Sed mox biennio post, Gerson animaduertit, quantum hæc concessio haberet incommodi. Et licet diuersum probare & ostendere non posset; tamen inquit probabilius uideri, hoc non communiter apud omnes seruatum fuisse. Ex hac commonefactione, Tridentina synodus habet hoc artificium, quòd non dicit, initio Christia-



nae religionis uniuersalem fuisse usum utriusq; spe-  
 cie: imò ne quidem dicit, frequentem fuisse: sed per  
 figuram *μενσιμ* inquit, non infrequentem fuisse.  
 Respiciūt autem ad disputationes Pontificiorum,  
 quibus probare conantur, etiam in primitiua &  
 ueteri Ecclesia, ubi usitata erat communio sub u-  
 traq; specie, semper tamen simul etiam usum fuisse  
 cōmunionis sub una tantummodo specie. De illis  
 igitur disputationibus quædam, qua fieri poterit  
 breuitate, annotāda erunt. Nam & hæc annotatio  
 ostendet, Pontificios, cum destituantur & Scriptu-  
 re & antiquitatis ueris testimonijs, simili artifi-  
 cio deprauare ueterum testimonia, sicut Scriptu-  
 re sententias ludificant. Quando uerò de ueteris  
 Ecclesiæ testimonijs & exemplis disputatio est, nō  
 quæritur de casibus necessitatis, & extraordina-  
 rijs: sed de legitima, ordinaria, publica & solenni  
 celebratione, administratione et dispensatione Eu-  
 charistiæ. A multis autē ostensum est, ex antiquis  
 formis liturgiarum, ex descriptionibus celebratio-  
 nis cœnæ Dominicæ, quæ extāt apud ueteres, præ-  
 cipuè uerò apud Iustinū & Chrysostomū: ex alijs  
 multis ueterū testimonijs & exemplis: quòd in ue-  
 teri Ecclesia, in legitima & ordinaria administra-  
 tione cœnæ Dominicæ, semper & ubiq; apud om-  
 nes usitata fuerit communio sub utraq; specie, iux-  
 ta Christi institutionem. Neque ullum antiquita-  
 tis exemplum proferri potest, quod in legitima

Et solenni administratione cœnæ Dominicæ, una solummodo species, subtracta altera, fidei populo dispensata fuerit. Et hæc cū ita se habeant, operæ precium est uidere, quo artificio antiquitatis etiam testimonia deprauent Pontificij: quæ plurima, et manifestissima sunt.

QVOMODO EX ANTIQVITATIS testimonijs, mutilationem suam probare conentur Pontificij.

I. Eccius, et plerique alij, multum tribuunt huic testimonio, quod in ueterum scriptis, et in antiquis Canonibus, mentio fit laicæ communionis: ad quam remittebantur illi, qui ex clero eiectioni erant. Ergo, aiunt, in ueteri Ecclesia alia fuit communio cleri, scilicet sub utraque specie: et alia laicorum, scilicet sub una specie. Sed hoc falsum esse, animaduertunt. et fatentur nunc ipsi etiam Pontificij: ut Vicelius, Tapperus, Lindanus, et multi alij. Manifestissimum enim est, illis temporibus quibus mentio fit laicæ communionis, datā fuisse laicis utramque speciem. Et Chrysostomus expressè affirmat, in participatione mysteriorum, nullum esse discrimen inter sacerdotes et fidelem populum. Sed laica communio ueteribus uocabatur, quādo clericus propter crimē aliquod, ab officio ministerij uel suspēdebatur, uel prorsus remouebatur. tunc enim ipse non admini-

strabat Eucharistiam, sed eam tantum accipiebat: idque non inter clericos, sed post clericos cum laicis, & in loco ubi laici communicabantur. Agnoscunt igitur, & fatentur ipsi Pontificij, laicam communionem apud ueteres non esse intelligendam de alio communionis genere, sed de gradu, ordine, & loco communionis.

2. Quidam, quos etiam Osius in Polonica confessione imitatur, fingunt in Ephesina synodo decretum fuisse, ut laicis tantum una species Eucharistiae traderetur, eo quod Nestorius docuerit, sub pane esse cadauer ex aegre. Sed merum figmentum hoc est. Nullus enim ex ueteribus hanc opinionem Nestorio tribuit. Et in historia, item in actis Ephesini concilij, ne uestigia quidem talis uel disputationis uel decreti apparent. Sed talis causa talibus digna est probationibus.

3. Est & hoc unum ex artificijs Pontificijs, ubi in ueteribus mentio fit Eucharistiae, quod illam tantum de una specie intelligunt: ut quando apud Eusebium libro quinto, capite uicesimo quarto, Episcopis eiusdem communionis, peregre aduentantibus transmittitur Eucharistia. Pontificij contendunt, hoc simpliciter de panis tantummodo specie esse intelligendum. Sed appellatio Eucharistiae, complectitur utramque speciem. Iustinus enim describens ritum communionis sub utraque specie, dicit: Hoc alimentum apud nos  
Eucha-

Eucharistia uocatur. Irenæus libro quinto, Quando mixtus calix, & fractus panis percipit uerbum Dei, fit Eucharistia corporis & sanguinis Christi. Cyprianus libro primo, epistola secunda. Protectione corporis & sanguinis Christi, eos muniamus: cum ad hoc fiat Eucharistia, ut possit esse tutela credentibus. Sermone quinto, de lapsis, ubi expressè calicis tantum mentio fit, Cyprianus uocat Eucharistiam.

4. Ex deportatione Eucharistiæ ad infirmos, conantur probare usum unius tantum speciei, eo quòd uinum sine periculo deferri non possit. Sed Iustinus Apologo secundo, & Hieronymus ad Rusticum monachum de Exuperio, expressè testatur, in ueteri Ecclesia utramque speciem solitam deferri ad absentes & infirmos. In Serapionis historia, apud Eusebium libro sexto, capite 44. ualde laborat Andradius, ut ad unam speciem illam referat, quia uerbum ἀποβέχειν, persundere seu madefacere, in solam panis speciem quadret. Sed quero ab Andradio, ad quam speciem referatur quod historia habet: ἐν τῷ ἄρτῳ & ἐν ἐχέει; infundere, & in os instillare. Hic Iesuitæ dicunt, fuisse uinum non consecratum, in quo iussus fuerit puer madefacere panem. Sed hoc Eusebius non dicit. Imò Nicephorus libro sexto, capite 6. affirmat, Eucharistiā fuisse, quod seni puer in os instillauit. ita enim inquit: instillauit ei Eucharistiam. Vsitatum



autē fuisse, in casu necessitatis, panē Eucharistiæ in uinum sacratum intinctum ægrotis dare, ex ueterum historijs notum est: sicut postea ostendemus.

5. Ex reseruatione Eucharistiæ, cuius alicubi apud ueteres mētio fit, usum unius solummodo speciei probare moliuntur. Sed & hoc uanum est. Apud Chrysostomum enim epist. 1. ad Innocentium, etiā sanguis Domini in sacrario seruatur. Et Gorgonia, Nazianzeni soror, & corporis & sanguinis Domini antitypa reseruauit, sicut Nazianzenus testatur.

6. Vbi in ueterū scriptis expressē tantum mentio fit panis seu corporis Christi, seu manducationis: ibi Pontificij statim affingunt præsumptam suam opinionem, de una tantummodo specie. Sed quod sophistice deprauent ueterum sententiam, aliquot manifestissimis exemplis demonstrabo. Ecce citat ex epistola Ignatij ad Ephesios: Frangentes unum panem, qui est medicamentum immortalitatis, &c. Et quia ibi Ignatius non expressē meminit alterius speciei: clamat igitur Eccius, usum communionis sub una specie, ab ipsis Apostolis traditum, & à discipulis ipsorum seruatum fuisse. Sed Ignatius protestatur, luculentam sibi fieri iniuriam. Nam in epistola ad Philadelphenses, inquit: Vnus est panis, omnibus confractus: & unum poculum, uniuerfis distributum.

Cyprianus sermone 5. de lapsis, recitat miracula

cula quædã quæ in altera specie, panẽ scilicet consecrato acciderunt. Inde Horstius Colonienſis, contra doctiſſimum uirum Hamelmannum, probare conatur, tempore Cypriani uſitatam in Eccleſia fuiſſe cõunionem ſub una tantum ſpecie: & addit, cõunionem illam à Deo tunc miraculis comprobatã fuiſſe. Sed impudens figmentum eſt. Cyprianus enim nullo modo ſcribit, miracula illa facta fuiſſe ad comprobandam communionem ſub una tantummodo ſpecie: ſed longè alias cauſas illorum miraculorum recitat. Non autem ſequitur: In ſpecie panis factum fuit miraculum. ergo poculũ Domini tunc non fuit diſtributũ in Eccleſia. Nam in illo ipſo ſermone, ritum communionis ſui temporis deſcribens Cyprianus, inquit: ubi ſolennibus adimpletis, calicẽ diaconus præſentibus offerret.

Magno uerò ſtrepitu in ſcenã producũt ipſum etiã Nicenũ conciliũ: & nõ uerẽtur affirmare, ibi cõunionẽ ſub una tantũ ſpecie, ſi nõ decretã, attamẽ cõprobatã & confirmatã fuiſſe. Quia ſcilicet Canõ 14. dicit: Si nõ fuerint in præſenti episcopus uel præſbyter, tũc diaconi ipſi proferãt et edãt. Sed Canon iſte nec Græcè, nec in Decretis, nec apud Ruſſinum ita legitur. Et licet ibi expreſſè tantum nominetur corpus Chriſti, non tamen rectè inde concluditur communio ſub una tantummodo ſpecie. Nam in concilio Neocæſarienſi, capite 15. & diſt. 95. cap. præſbyteri, ubi eadem planè materia  
de

de diaconis repetitur, expresse dicitur de dando pane, & porrigendo calice. Manifestissime igitur antiquitas se explicat, quod per synecdochen sepe loquatur. Nam & Paulus ipse ad Corinthios, ubi expressissime de communionem sub utraq; specie tractat, illam tamē aliquoties per synecdochen notat. ut cum inquit: Manducare cœnam Domini: Conuenitis ad manducandum: Dijudicans corpus Domini. item: In unum spiritum potati sumus. Si quis uerò inde uellet concludere, Paulum tradidisse & seruasse communionem sub una tantummodo specie, sceleratè faceret contra manifestissimam Pauli sententiam. Ita Augustinus de symbolo lib. 3. cap. 5. item de feria quarta, cap. 4. Hieronymus etiam ad Eustochium, expresse tantū sanguinis Christi meminerunt. Num uerò rectè quis inde inferret, Augustini & Hieronymi temporibus nō panem, sed tantum poculum Domini dispensatum fuisse laicis, in administratione cœnæ Dominicæ.

7. Magno apparatu, pro mutilatione cœnæ Dominicæ, producuntur exempla de domestica communionem: quando scilicet acceptam in Ecclesia Eucharistiam, domum secum detulerunt. Tertullianus enim lib. 2. ad uxorem, tantū panis mentionē facit. Et Hieronymus in Apologia pro libris aduersus Iovinianum, corporis tantum mentionē facit. Quamuis autem domestica seu priuata illa communio, aliquid extraordinarium fuerit: non  
difficile

difficile tamen est respondere. Quia enim illi in Ecclesia Eucharistiam acceperunt: quæstio ergo est, non quid domi sumpserint, sed quid in Ecclesia ipsis dispensatum fuerit. Et ne longius eam, afferam explicationem Ruardi Tapperi, decani Lovaniensis, qui maximæ autoritatis est inter Pontificios. Is igitur tractans exemplum Satyri, fratris Ambrosij, inquit: Videtur ex sermone 5. de lapsis apud Cyprianum, quod illis temporibus sanguinem Domini ex calice omnes bibebant, & quod corpus Domini ijs in manus dabatur, ut uel statim sumerent, uel secum portarent domum, ibiq; sumerent, ita ut per temporum interualla biberent ex calice Domini, & corpus Domini manducarent. Hæc ille Quia uerò hæc diuulsio partium cœnæ Dominicæ, non est consentanea institutioni: ideo domestica seu priuata illa communio, postea abrogata, & seuerè prohibita est in Toletano & Cesaraugustano concilijs. Nequaquam igitur ex domestica illa cōmunionē probari potest, usitatā tunc in Ecclesijs fuisse dispensationē unius tantum partis Eucharistiæ. Nam et Tertullianus in eodem libro, ubi in domestica cōmunionē, in uno loco tantum panis meminit, mox in alio loco loquitur etiam de participatione poculi: & tandem utrumque coniungit, cibum & poculum Domini. Nazianzenus autem de sorore sua Gergonia scribit, quod & corporis & sanguinis Domini antitypa,



ex Ecclesiastico coetu secū domū delata seruārit. Et Ambrosius, in historia Satyri fratris sui, describēs sumptionē, meminit haustionis & fusionis in uiscera. Ergo nec ex illa historia satis certò & euidenter probatur dispensatio & sumptio Eucharistiæ, sub una tantū specie. Et ut maximè in exēplis istius domesticæ cōmunionis, aliquid ostēderetur (quod tamen nondū uideo factum esse) pugnās cum institutione Christi, & solenni cōsuetudine primitiuæ Ecclesiæ: quid tamen inde efficeretur, cum sint priuata & extraordinaria exempla, & quidem quæ postea graui consilio abrogata sunt? Nostra uerò questio est, non quid unus, aut item alter priuatim fecerint: sed quæ fuerit publica, legitima, ordinaria & solennis consuetudo ueteris Ecclesiæ, in administratione & dispensatione cœnæ Dominicæ. Hi. est status controuersiae, de quo flagitamus testimonia & exēpla antiquitatis. Et nondum uidi, tale ullum certum & euidens uel testimonium uel exemplum ueræ antiquitatis, à Pontificijs proferri. Quæ enim præterea ex incertis autoribus, ut ex uita Hieronymi & Ambrosij, de quibus autoribus dubitatur, item ex Legendis sanctorum proferunt, indigna sunt quæ refutentur.

Hæ. igitur sunt præcipua capita probationū, quibus conantur Pontificiam mutilationem exemplis antiquitatis palliare & cōfirmare: quæ profe-  
ctò nihil probant, de eo quod in controuersia pos-  
situm

situm est: de publica scilicet, legitima, ordinaria  
& solenni consuetudine ueteris Ecclesie, in admi-  
nistratione & dispensatione cœnæ Dominicæ. Ple-  
raque uerò uel sunt mera figmenta, uel manifestæ  
deprauationes sententiæ ueterum: sicut euident-  
ter ostendimus. Et tamen Tridentinum concilium  
non ueretur, omnia illa, tanquam non Apollinis,  
sed ipsius Spiritus sancti oracula exosculari & ap-  
probare: quasi certum iam & demonstratum sit,  
in primitiua Ecclesia, licet non infrequens fue-  
rit communio sub utraque specie, non tamen ca-  
tholica, seu uniuersalis fuerit: sed simul etiam sem-  
per in usu fuisse communionem sub una tantum-  
modo specie.

HISTORICA OBSERVATIO,  
quoties & quot modis mutilatio illa tentata fue-  
rit, donec tandem introducta est.

Porro quia Tridentinum capitulum, ex mu-  
tatione consuetudinis communicandi sub utraque  
specie, & ex introductione contrariæ consue-  
tudinis, uult Pontificiam mutilationem iustifi-  
care: iudico utiliter quædam annotari posse,  
de historia introductæ huius consuetudinis. La-  
titant enim, consuetudinem illam adeò esse  
uetustam, ut eius initium ne monstrari quidem  
possit in historijs. Sed nos ex ueris historijs osten-  
demus, quomodo in ueteri Ecclesia aliquoties,  
&

Et aliquot modis tentata fuerit mutatio communionis sub utraq; specie: Et quàm acriter mutationi huic restiterint præpositi Ecclesiarum, melioribus Et purioribus Ecclesie temporibus: donec tandem posterioribus temporibus, post annos scilicet Domini 1200. unà cum alijs erroribus Et abusibus, mutatio illa particulariter, non tamen sine cōtradictione, in quasdam Ecclesias inuecta, deinde latius progressa, demum lege Constantiensi confirmata est.

Tentata autem primum fuit, mutatio quedam cōmunionis sub utraq; specie, iuxta formā à Christo præscriptam, per illos qui bibentes in Ecclesia de poculo Domini, panem sacratum secum domū deferebant: quem postea sumebant, aliquando per satis longum interuallum temporis: sicut de Eremitis Basilius scribit. Sed illa consuetudo abrogata Et prohibita fuit in concilio Toletano primo, circiter annum Domini 390. Et postea circa annum 500. in Casaraugustano. Reducta autem fuit cōmunio ad formam institutionis: ut scilicet in Ecclesia, ubi tunc utraq; species dispensabatur, Eucharistia consumeretur.

Secundò. Tempore Leonis I. circa annū Domini. 440. Manichæi, quia uinum tanquam abominabile quiddam detestabantur, Et fingeant Christi corpus, utpote phantasticum, non habuisse uerum sanguinem, moliebantur sumptionem unius tantum

tantum speciei introducere. Sed Leo pontifex, sermone Quadragesimali 4. appellat sacrilegium, si quis calicem sanguinis redemptionis nostræ haurire declinet. Et huc accommodat illud Pauli, Ro. 16. Obseruate eos qui dissensiones & offendicula, præter doctrinam quam didicistis, faciunt.

Lindanus fingit, ante Leonem in usu fuisse in Ecclesia cōmunionē sub una specie: sed Leonem tunc propter Manichæos, rursus mandasse ad tempus communionem sub utraq; specie, ut ita deprehendi possent Manichæi. Sed Andradiu recte dicit, esse insignem hallucinationem. adeo enim usitata tunc fuit communio sub utraq; specie, ut his indicijs Leo deprehenderet Manichæos. Leo igitur circa annum Domini 449. pronunciat esse sacrilegium, dissensionem & offendiculum, præter doctrinam ab Apostolis acceptā, ore corpus Domini accipere, calicem uerò redemptionis nostræ haurire declinare.

Tertiò. Tempore Gelasii, circa annum Domini 490. iterum tentata fuit mutatio cōmunionis sub utraq; specie: non ab hæreticis, sicut tempore Leonis: sed ab hominibus superstitiosis. Ita enim Gelasius loquitur. Sed acriter repulsa, & ab Ecclesia explosa fuit superstitio illa: sicut testatur canon, Comperimus: de consecrat. dist. 2. Comperimus, quòd quidam sumpta tantummodo corporis sacri portione à calice sacrati. cruoris abstineāt.



qui quia nescio qua superstitione docemur astringi, aut integra Sacramenta percipiam, aut ab integris arceamur: quia diuisio unus eiusdemq; mysterij, sine grādi sacrilegio nequit prouenire. Audis, unam speciem non esse integrum Sacramentum, sed ad unum idemq; mysteriū pertinere utramq; speciem: item esse grande sacrilegium, si una tantum species sumatur. Et in Canone illo notandum est uocabulum superstitionis. Inde enim colligi potest, sub quo prætextu quidam tempore Gelasii, uoluerint consuetudinem communicandi sub una tantummodo specie introducere. Est enim superstitio, iuxta Scholasticos, uelle colere Deum, sed modo indebito: hoc est, aliter & contra quàm ipse præscripsit & mandauit. Prætexitum igitur religionis, cultus diuini, & reuerentiæ erga Sacramentum, habuerunt & prætenderunt illi, qui tempore Gelasii, præter & contra formam communionis à Christo traditam & præscriptam, à calice Dominico abstinebant. Et quia Canonis uerba sunt, Docemur superstitione astringi: posset ita etiam intelligi, fuisse tunc quosdam, qui ita docuerint. Et hoc bene notetur. Quicquid enim prætenditur de religione & reuerentia Sacramenti, in communione sub una specie, quia aliter & cōtrā fit quàm Christus instituit. Superstitio est. Gelasius uerò pronunciat, eos esse à communione arcendos: hoc est, excommunicandos, qui ex superstitione,

ne, à participatione poculi Dominici abstinent. Quod uerò Gratianus cum Glossatoribus, ad solos sacerdotes conficientes, Canonē illū restringit: cum Ecclesiastica historia illorum temporum, & cū ipso textu pugnat. Loquitur enim de illis qui ad sumptionem Sacramentorum uel admittuntur, uel ab illis arcemur. Et ab ipsis Pontificijs, ut Lindano & alijs, Gratiani illud commentum nūc exploditur. Quartò, propter metum periculi effusionis, quidam maturè meditati sunt discessionem à forma institutionis Christi: ne tamen omnino tollerent uel abrogarent communionem sub utraq; specie, panē consecratum in poculū benedictionis intinctū, dederunt cōmunicantibus pro cōplemento cōmunionis. hoc est: iudicarunt nō plenam esse cōmunionē, si tantummodo sub specie panis, sine uino cōsecrato daretur Eucharistia. Dignū uerò est obseruatione, unde illud in Ecclesiā itrepserit. Cum enim in casu necessitatis, in cōmunionē paruulorū & infirmorū, apud ueteres intincta & infusa aliquando Eucharistia, data legeretur: sicut ex historia Serapionis, ex Cypriani sermone 4. de lapsis, & ex Prospero de promissionibus ca. 6. & 26. quæst. 6. ca. 15 in decretis: ex illis casibus extraordinarijs, quidam postea uoluerunt consuetudinē intinctæ Eucharistiæ, inuicere in legitimam et ordinariam communionem Ecclesiæ, contra institutionem Christi, & morem ueteris Ecclesiæ: idq;

prætectu periculi effusionis, & reuerentia erga  
 Eucharistiam. Sed Iulius pontifex circa annū Do-  
 mini 340. in epistola ad episcopos Aegypti, & ci-  
 tatur De Consecra. dist. 2. ca. Cum omne acriter  
 consuetudinem illam reprehendit. Et quibus ex  
 fundamentis eam refutet, operæ precium est consi-  
 derare. Dicit esse contra diuinum ordinem, con-  
 tra Apostolicas institutiones: item esse contrariū  
 Euangelicæ & Apostolicæ doctrinæ, & consue-  
 tudini Ecclesiasticæ aduersum. Et (quod præcipue  
 notandum est) ostendit, unde petendæ & sumen-  
 dæ sint probationes in hac causâ. Inquit enim: Nō  
 difficile hoc ab ipso fonte ueritatis probabitur, in  
 quo ordinata ipsa Sacramentorum mysteria pro-  
 cesserunt. Agnoscit lector, Romanam ecclesiam  
 longè alijs tunc usam fundamentis, in controuer-  
 siis de communione cœnæ Dominicæ, quàm nunc  
 utitur. Nominatur enim ordo diuinus, Apostolicæ  
 institutiones, Euangelica & Apostolica doctrina,  
 uetus consuetudo Ecclesiastica. Ad illa fundamen-  
 ta & nos nunc prouocamus: sed opponuntur nobis  
 potestas Ecclesiæ, posterior consuetudo, & argu-  
 menta rationis. Tandem uerò concludit Iulius:  
 Quod pro complemento communionis, intinctā  
 tradunt Eucharistiam populis, nec hoc probatum  
 ex Euangelio testimonium receperunt, ubi Apo-  
 stolis corpus suum commendauit, & sanguinem:  
 scorsim enim panis, & scorsim calicis commen-  
 datio

datio memoratur. Et hoc modo tunc repressa fuit consuetudo intinctæ Eucharistiæ. Postea tamen rursus pullulauit, circa annum Domini 580. Ideo enim in 3. Bracarenſi concilio, repetitum fuit Decretum Iulij. Adeo crebro humana ingenia meditata sunt diſceſſionem à forma communionis, ab ipſo filio Dei præſcripta. Sed melioribus Eccleſiæ temporibus fuerunt, qui contra omnes conſuetudines & prætextus, teſtamentariam inſtitutionem filij Dei retinuerunt, & acriter defenderunt.

Quinto. Cum ſubinde maior fieret inclinatio doctrinæ & rituum, à puritate ueteris Eccleſiæ, circa annum Domini 920. Cluniacenſis ordo rursus inſtituit intinctionem: ſed contra morem & uſum reliquarum Eccleſiarum. Ita enim Caſſander citat ex inſtitutis Cluniacenſium lib. 2. cap. 35. Quamvis ipſum corpus ſacerdos dederit, ſingulus ſanguini intingit, quanquam ſit contra uſum aliarum Eccleſiarum: quia quidam, maxime nouitij noſtri, adeo ſunt rudes, ut ſi ſanguinem ita ſeparatim accipiant, quandam negligentiam incurrerent. Vi- des, licet tunc diſputaretur de metu periculi effuſionis & irreuerentiæ: non tamen auſi fuerunt iudicare, ideo intermittendum aut abrogandum eſſe uſum calicis.

In Turonenſi poſtea concilio, pro infirmis, etiam in alijs Eccleſiis, conſeſſus eſt uſus intinctæ Eucharistiæ. Et ratio additur: Oblatio intincta debet



esse sanguine Christi, ut ueraciter presbyter dicere possit: Corpus & sanguis Domini nostri Iesu Christi, proficiat tibi in remissionē peccatorum, & uitam æternam. Notabit autē lector, quanquam aliquantulum tunc discederetur à forma institutionis Christi: tamen adeo necessariam iudicauit utramq; speciem, et potius intinctam Eucharistiam dare consulerent. præcipue uerò notetur, non ueraciter dici posse, corpus & sanguinem Christi dari & accipi, sub una tantummodo specie panis.

Tandem tempore Iuonis, circa annum Domini 1120. permissum fuit alicubi populum communicare, intincto pane: idq; non autoritate, sed summa necessitate timoris sanguinis Christi effusionis. Ita enim Cassander allegat Iuonem, de diuinis officijs. Hæc ideo recito, ut ostendam, cum mota iam essent & exaggeraremur disputationes de metu periculi effusionis & irreuerentiæ: non tamen iudicatum fuit, ideo uel posse uel debere alteram speciem prorsus tolli & omitti ex communione: sed potius intinctione usi fuerunt, ut tamen daretur utraq; species. Non tamen uniuersalis fuit tempore Iuonis consuetudo intinctæ Eucharistiæ. alibi enim data tunc fuit utraq; species seorsim: sicut ex illis qui circa ea tempora uixerunt, præcipue uerò ex Bernhardo & Longobardo colligitur.

Sextò. Post Longobardum tempore Scholasticorum scriptorum, circa annum Domini 1250. pri-

mum manifestè incepit memio fieri inuectæ ali-  
 cubi particularis consuetudinis, communicadi po-  
 pulum sub una specie propter metum periculi ef-  
 fusionis. Et tamen in historia illorum etiam tempo-  
 rum, multa ad hanc disputationem pertinentia ob-  
 seruari possum. Non enim ab omnibus tunc Eccle-  
 siis, recepta fuit illa consuetudo: nec omnes passi  
 sunt sibi eripi usum Domini calicis. Thomas ea-  
 nim in 3. parte summæ, quæst. 80. articulo 12. dicit,  
 in quibusdam Ecclesiis providè hoc seruari, ne san-  
 guis Christi detur populo. Et in 4. Sententia-  
 rum, dist. 11. articulo 2. quæst. 1. inquit: In quibusdã  
 locis, de cõsuetudine datur participatio sanguinis  
 clericis: hoc est, ministris altaris, de quib. u. præsu-  
 mitur q. magis sint cauti. Richardus de media Vil-  
 la, & Petrus de Tarantasia, postea Innocentius  
 IIII. nominatus, testantur sua tempestate non tan-  
 tũ ministris altaris, sed & maioribus è populo, à  
 quibus pericula illa nõ timebantur, Eucharistiam  
 sub utraq; specie datam fuisse. Petrus uerò de Pa-  
 lude, in 4. Sententiarũ, dist. 11. quæst. 1. autor est,  
 sua ætate in quibusdã Ecclesiis consuetudinẽ fuis-  
 se, communicandi in genere sub utraq; specie: idq;  
 ita cautè, ut nihil effunderetur. Ex Vv. lhelmo de  
 monte Lauduno, Cassander citat: Recipiendò cor-  
 pus Christi, totam ueritatem eius recipit, sed non  
 totum Sacramentum. Et ideo in multis locis cõmu-  
 nicatur cū pane & uino, id est, cū toto Sacramẽto.

Durandus circa annum Domini 1280. in rationali diuinorum lib. 4. cap. 42. narrat sua etate in quibusdam locis consuetudinem fuisse, quod post communionem sacerdotis, aliquid de sanguine in calice reſeruatum fuit, & ſuper infuſum uinū purum, ut communicantes inde aliquid poſſent de ſanguine Chriſti ſumere. Et rationem reddit in præcedentibus, ex Innocentio III. Quamuis ſub ſpecie, panis ſanguis ſumatur cum corpore; non tamen ſanguis ſub ſpecie panis bibitur. Particulariter igitur tunc in quasdam Eccleſias inuecta fuit conſuetudo communionis, ſub una ſpecie.

Deinde obſeruatio hiftoriarum illius temporis, & hoc oftendit, quod recenti conſuetudini cōmunionis ſub una ſpecie, à multis tunc contradi-ctum fuit. Alexander enim Halenſis refert, religioſos quosdam ægrè tuliffe, eripi ſibi poculum Domini, & flagitaſſe reſtitutionem communionis ſub utraq; ſpecie. Sed illorum petitionem dicit repreſam fuiſſe commento miraculi, quod ex hoſtia ſacra ſanguis emanafſet. Et ipſi Scholaſtici ſcriptores, licet cedant conſuetudini, recens à quibusdam receptæ propter unicam rationem de periculo eſuſionis: tamen multis & palàm diſputant, communionem in utraq; ſpecie conuenientiore, congruentiore, perfectiore, completiore, & maioris efficacie eſſe. Ex quibus antiquiſſimus Alexāder Alenſis inquit, queſt. 32. membro. 1. artic. 2. Sum-

pro hoc Sacramento dignè in utraq; specie, maior est effectus unius corporis mystici cū capite, quàm sumpta sub altera. Quest. 53. Licet illa sumptio quæ est in accipiendo sub una specie, sufficiat: illa tamen quæ sub duabus est, maioris meriti, tum ratione augmentationis, deuotionis, tum ratione fidei, dilatactionis actualis, tum ratione sumptionis completioris. Item: Sumptio sub utraq; specie, quem modum sumendi tradidit Dominus, est maioris efficacie & complementi. Quest. 31. dicit, eum qui accipit Sacramentum sub specie panis, non accipere perfectè Sacramentum, quantum ad Sacramentalem sumptionem.

Post Alensem proximè sequitur Albertus Magnus, qui in 4. Semen. distin. 3. articulo 13. inquit, duplicem esse in hoc Sacramento perfectionem: Christi uidelicet ipsius, & Sacramenti, secundum quod uenit in usum fidelium. Priore modo dicit uerum esse, Christum esse perfectum sub utraq; specie. Secundo modo uideri sibi falsum, quia nō perfectè signetur & caussetur usus fidelium, & unitas, corporis mystici, nisi duplici signo: & ideo uirtute Sacramenti, oportere utrunq; habere.

Post hunc Thomas 3. summae, quæst. 66. articulo. 2. Quamuis totus Christus sit sub utraq; specie, non tamē frustra. Nam primò hoc ualet ad representandam passionem Christi, in qua scorsim fuit sanguis à corpore separatus. Secundo hoc est con-



ueniens usui huius Sacramenti, ut seorsim exhibea-  
tur fidelibus corpus Christi in cibum, & sanguis  
in potum. Idē contra Gentes lib. 4. ca. 61. Quia,  
inquit, complementum nostrę salutis factum est  
per passionem Christi & mortem, per quam eius  
sanguis à carne separatus est, separatim nobis tra-  
ditur Sacramentum corporis eius sub pane, &  
sanguis eius sub specie uini: ut sic in hoc Sacramen-  
to passionis Dominicę, memoria & representa-  
tio habeatur, & secundum hoc impleatur quod  
Dominus dixit: Caro mea uerè est cibus, et sanguis  
meus uerè potus. Hęc testimonia non possunt re-  
ferri ad solam sacrificulorū sumptionem, expressè  
enim loquitur de exhibitione & traditione Sacra-  
menti, quę sit fidelibus. Petrus de Palude dist. 11.  
articu. 1. dicit, duplicem debere esse materiam hu-  
ius Sacramenti, scilicet materiam cibi & potus:  
qui effectus Sacramenti, debet perfectè represen-  
tari per materiam: Sacramenta enim efficiunt quod  
figurant. Sed huius Sacramenti effectus, est perfe-  
cta animi refectio: ergo materia representans,  
debet esse per perfectam corporis refactionem,  
quę non est nisi per cibum & potum. B. mauentura  
dist. 8. quęst. 2. tradit, in hoc Sacramento ex  
duobus signis unum & perfectum resultare Sacra-  
mentum: cuius integritatis ratio dispositiue ueniat  
à natura, quia nec panis est per se plene reficiens,  
nec uinū, sed utrumq; est una plena refectio. Com-  
pletuē

pletivè uerò ueniat ab institutione diuina: quæ institutione hæc duo signa ordinauit, ad significandum unam perfectam refectionem.

Hæc ex Scholasticis scriptoribus, antiquitatis studiosissimus Georgius Cassander collegit.

Durandus in rationali lib. 4. cap. 54. dicit: Qui solam hostiam recipit, non plenum Sacramentaliter recipit Sacramentum. Etsi enim in hostia consecrata, Christi sanguis sit: non tamen est ibi Sacramentaliter, eo quod panis corpus non sanguinem, & uinum sanguinem significat, & non corpus. Ergo sub altera tantum specie, non est completum Sacramentum, quo ad Sacramentum. Et licet Durandus principaliter ibi loquatur de sumptione presbyteri, ratio tamen generalis est.

Hæc historica observatio ualde utilis est. Ostendit enim, cum primum coepisset Ecclesias inuadere consuetudo communionis sub una tantum specie, quod factum est post annos Domini 1200. quod non ab omnibus Ecclesiis recepta fuit, sed quod multi ei contradixerint.

Et quidem quod doctrina ueteris Ecclesiæ de Sacramentali communionem, non statim immutata & inflexa fuit ad consuetudinem illam: sed quod Scholastici, licet cōsuetudini illi cesserint, opposuerunt tamē doctrinā ex institutione Christi: q. s. cōmunio sub utraq; specie, quia à Christo instituta, sit

conuenientior, congruentior, completior, perfectior, maioris efficacie & illustrioris representationis. Et tota materia huius cōtrouersie, ne Scholasticorum quidem tempore ita disputata fuit, sicut nunc à Pontificijs tractatur.

Postea consuetudine illa magis magisque inuale scēte, maior etiam doctrinæ inclinatio secuta est. ut Lyra in 11. cap. 1. ad Cor. fatetur, Christū Sacramentum hoc instituisse in utraq; specie. Et in 9. caput Prouerbiorum, testatur in primitiua Ecclesia fideles hoc Sacramentum in utraq; specie accepisse. Addit tamen, propter periculum effusionis ordinatū esse, ut laicis tantū sub una specie daretur.

Et tamen ante Constantiense concilium, nō simpliciter omnibus ubiq; laicis crepta fuit communio sub utraq; specie. Thomas enim Vualdensis, qui sub tempus Constantiensis concilij contra Viclefum scripsit, licet defendat communionem sub una specie, tamen tomo 2. ca. 88. & 94. testatur, presbyteris, diaconis, ministris altaris, maioribus & populo, rectoribus insignium locorum & monasteriorum, et alijs dignitatem præstantibus, fide fortibus & discretis fidelibus, ut doctoribus, regibus, alijsq; qui tam a re digni iudicabātur, hoc donatum fuisse, ut ad sacrificium & eius libamentum, scilicet ad communicandum in utraq; specie, assumerentur.

Unò ipsa petitio procuratorum concilij Constantien-

stantiensis testatur, usitatam tunc adhuc in multis  
 locis fuisse communionem laicorum, sub utraque  
 specie. Duae enim causae in actis Constantiensis  
 concilij recitantur, propter quas factum sit inter-  
 dictum calicis. Prima explicatur in petitione pro-  
 curatorum Concilij, his uerbis: Quia in nonnullis  
 mundi partibus, sacerdotes laicos sub utraq; spe-  
 cie, panis scilicet & uini, communicare non cessant,  
 contra Romanae ecclesiae consuetudinem: petimus  
 nos procuratores synodi, prouideri salubriter Ec-  
 clesiae, &c. Secundam causam ipsum Decretum  
 explicat: quia scilicet in nonnullis mundi partibus,  
 quidam docuerint populum Christianum commu-  
 nicandum esse sub utraq; specie: & populum de-  
 bere Sacramentum Eucharistiae, sub utraq; specie  
 suscipere. Hoc uero Aeneas Syluius, in Bohemica  
 historia ita declarat: quod scilicet Iacobellus qui-  
 dam Misnensis, concionator ecclesiae Pragensis,  
 admonitus à Petro quodam Dresensi ludimagi-  
 stro, cum perquisitis uetustis sanctorum doctorum  
 codicibus, Dionysij praesertim & Cypriani, com-  
 munionem calicis laudatam inuenisset, hortari coe-  
 pit populum, ne deinceps communionem calicis  
 quoquo pacto negligenter. Vera igitur causa fa-  
 bricata Pontificiae legis de mutilatione cenae Do-  
 minicae, haec fuit: ne scilicet à consuetudine Roma-  
 nae ecclesiae, aliquid diuersum uel fieret uel doce-  
 retur in ulla Ecclesia. Illud uero apud omnes obti-  
 neri



neri non potuit, nisi ex prava consuetudine lex im-  
pia fabricaretur. Et tamen legem illam, Græca ec-  
clesia nunquam recepit.

Ex hac historica commemoratione rectissime  
examinari & dijudicari potest, quantum fidei &  
autoritatis tribuendum sit illis, quæ in fine 2. Tri-  
dentini capituli dicuntur, de latissima consuetudi-  
ne cōmunionis sub una tantummodo specie: quam  
postea Pontificij, grauibz & iustis de causis, pro  
lege decreuerint habendam.

Postremum argumentum Tridentinæ synodi,  
illud est, quod præcipuum fuit & in Cōstanti-  
ensi & in Basilienſi concilio: quia scilicet caussa,  
finis, effectus & fructus cōmunionis Eucharistia;  
est participatio corporis & sanguinis, imò totius  
Christi. Illa uerò sit sub una etiam specie. Totus e-  
nim et integer Christus, est sub unaquaque specie:  
quia sanguis à corpore iam non est separatus in  
Christo. Ergo qui unam speciem solam accipiunt  
nulla gratia ad salutem necessaria defraudantur.  
Et sanè, si cœna Dominica esset opus physicū, aut  
si nostra ratione liceret sapientiam filij Dei iusti-  
ficare, aliquid ualeret hoc argumentum. Peccatū  
enim esse, uulgò dicitur, fieri per plura, quod fieri  
potest per pauciora. Sed in quem peccatum illud  
redundabit, nisi in ipsum filium Dei, qui cœnam  
instituit sub duabus speciebus panis & uini, tunc  
cū nondū separatus esset sanguis à corpore ipsius  
cum q;

eumq; sciret, post resurrectionem non fore ullam  
 separationem? Certè si semel permissum fuerit, ta-  
 li argumentatione contra manifestam Christi in-  
 stitutionem uti, in uniuersum abrogari poterit: cœ-  
 na Dominica fide enim in uerbo participes effici-  
 mur Christi. Heb. 3. Christus per fid. in habitat in  
 cordibus. Eph. 3. ita ut totus et integer ipse manea-  
 at in credentibus, & credentes in ipso: Ioh. 6. Pre-  
 terea in Baptismo Christum induimus: Galat. 3.  
 Quorsum igitur opus erit communionem cœnæ  
 Dominicæ? Item, cur bis sumunt sanguinem Chri-  
 sti sacrificuli, semel sub specie panis, & iterum sub  
 specie uini? Si respondeatur, Christum non frustra  
 ita instituisse: hoc et nos uolumus. Suprà autem o-  
 stendimus, Christum non pro sacerdotibus tantū,  
 sed pro uniuersa Ecclesia cœnam suam instituis-  
 se. Respondeo igitur, quia Sacramentum hoc  
 non est opus naturæ, uel actio rationis & sensu-  
 um: sed est mysterium fidei, quæ ex uerbo Dei  
 concipitur, & eo nititur: ideo institutio eius, cer-  
 to & manifesto uerbo Dei tradita, non est re-  
 formanda, mutanda aut mutilanda, ex argu-  
 mentis rationis de naturali concomitantia: sed  
 ad obedientiam fidei pertinet, ut uerbo Dei in-  
 hereat, & eius præscriptum simpliciter sine  
 disquisitione sequatur. Ita ergo in hoc Sacra-  
 mento, ea quæ Christus dixit credamus, &  
 quæ iussit faciamus. Ratio enim captiuanda  
 est.

est, in obsequium Christi. 2. Cor. 10.

Quod si uoluerimus sapientiores esse Christo, accidet nobis quod scriptum est, Ro. 1. Vani facti sunt in rationationibus suis, dicentes se esse sapientes, stulti facti sunt. Sed aiunt: Quid maius est in Eucharistia, an Christus, an uero species uini? Cum igitur Christum integrum & totum accipiamus sub specie panis: quid de elemento uini litigamus: aut cur de accidentibus sine subiecto coherentibus tam solliciti sumus? Respondeo! Non de substantia uel accidentibus uini, quatenus est in predicamento substantiae, pugnamus: sed quia scimus Christum nobis se & beneficia sua communcare uelle, non ἀμέσως, sed per certa media diuinitus ad hoc instituta. Spretis autem & abiectis medijs illis, nec possumus nec debemus nobis, sicut Enthusiastae faciunt, polliceri participationem Christi: sed medijs illis & utendum, & ita utendū est, sicut ab ipso Deo instituta, praescripta & ordinata sunt. Propter hanc causam merito in hac controuersia pugnamus, ne medium diuinitus ad participationem, sanguinis Christi, & noui Testamenti in sanguine, ab ipso filio Dei in testamentaria institutione ordinatū, nobis humana praesumptione eripiat. Sacramentorum enim efficacia, ex uerbo Christi pendet. Non autem de pane, sed de calice dixit: Hoc est nouum Testamentum in meo sanguine. Et quando poculum Domini, uera fide accipior

accipio: iunc certus sum ex uerbo, mihi donari, applicari & obsignari nouum Testamentum in sanguine Christi. Pontificij dicunt, idem fieri in sumptione panis. Sed de efficacia Sacramentorum, scimus ex uerbo iudicandum esse.

Vtilis uerò est & hæc consideratio. Notū fuit antiquitati, Christum ubicūq; adest, totum & integram adesse: corpus eius non esse exangue, nec sanguinem extra corpus ipsius. Nemo tamen in ueteri Ecclesia uel disputauit saltem, propterea mutari & mutilari posse testamentariā institutionem Christi, de dispensatione & sumptione utriusque speciei. Longobardus lib. 4. dist. 11. proponit quidem hoc argumentum, non autem excludit inde dogma de abrogatione alterius speciei. Sed ex Ambrosio repetit, quare sub duabus speciebus Christus uoluerit Sacramentum hoc accipi, cum sub alterutra totus sit. Eodem modo argumentum illud & proponitur et soluitur ab Hugone et Honymone. Inò ipsi Scholastici, quorum tempore iam cæperat Ecclesias inuadere consuetudo communicandi sub una specie, non iudicarunt hoc argumentum satis esse ad stabiliendam sumptionem sub una sola specie. Respondent enim, Christum quidē perfectum integrum & totum esse, etiam sub una specie: sed Sacramentum tamen non esse completum, perfectum, integrum & totū, si sub una tantum specie sumatur. Sententia Longobardi, Hugonis,



nis, Haymonis, et Scholasticorū, in præcedentibus sunt ascriptæ. Durandus citat ex Innocentio III. Licet sub pane nō sit corpus sine sanguine, nec sub uino sanguis separatus à corpore: non tamen sub pane sanguis Christi bibitur, nec in uino corpus Christi editur. Recens igitur est hoc Pontificiorum commentum, ideo posse laicis abrogari, prohiberi & eripi poculum Domini, quia Christus integer & totus sit etiam sub panis specie. Obiter uerò & hoc monendum arbitror, ubi Constantiense & Basiliense decretum habet, Christum integrum ueraciter esse & contineri sub specie panis: ibi Tridentini dicunt, integrum sumi. Cumq; non ausint contra Scholasticos dicere, perfectum Sacramentum sumi sub una specie: dicunt tamen, uerum Sacramentū sumi, si una species sola sumatur, etiamsi scilicet nō seruetur institutio Christi. Sed hæc in tanta uerbi Dei luce, facile dijudicari possunt. Hæc sunt quinque illa argumenta, quæ ex innumeris illis, quæ per annos iam 150. à tempore Constantiensis cōcilij, singulari artificio anxie cōquisita fuerunt, Tridentina synodus habito delibatu, iudicauit talia esse, quibus hisce temporibus in tanta uerbi Dei luce, Pōificia mutatio, mutilatio, abrogatio et prohibitio testamentariæ institutionis filij Dei, iustificari & defendi posse uideretur. Quæ illa uerò sint, qd efficiāt, & quā ualeāt: satis, quātū in hac breuitate fieri potuit, ostēsum est.

CONCILII TRIDENTINI. 693  
DECRETVM SVPER PETI-  
tione concessionis calicis, pu-  
blicatum in Sessione VI.

*Insuper cū eadē sancta synodus,  
superiori Sessione duos articulos, aliās  
propositos & nondum discussos: uideli-  
cet, an rationes quibus sancta catholi-  
ca Ecclesia adducta fuit, ut communi-  
caret laicos, atque etiam non celebra-  
ntes sacerdotes, sub una tantum panis  
specie, ita sint retinendæ, ut nulla ra-  
tione calicis usus cuiquam sit permit-  
tendus: & an si honestis & Christianæ  
charitati cōsentaneis rationibus cōce-  
dendus alicui, uel nationi, uel regno, cali-  
cis usus uideatur, sub aliquibus cōditio-  
nibus sit cōcedendus, et quæ nā sint illæ:  
in aliud tēpus, oblata sibi occasione, exa-  
minādos atq; definiēdos reseruauit nūc  
eorū pro quibus petitur, saluti optimè*

*consultum uolens decernit, integrum  
negocium ad S. D. N. esse referendū,  
prout presenti decreto refert: qui pro  
sua singulari prudentia id efficiat, quod  
utilere ipub. Christiana, & salutare pe  
tentibus usum calicis, fore iudicauerit.*

## EXAMEN.

*Inter postulata regum & principum, concilio  
Tridentino proposita fuit & hac petitio: ut usus  
Dominici calicis, iuxta institutionem Christi, &  
morem primitiue Ecclesie, sublata iniusta eius  
prohibitione, Ecclesie restitueretur. Patres uerò  
Concilij, priusquam de petitione illa deliberent,  
probant, confirmant & stabiliunt impiam legem  
abrogati & prohibiti Dominici calicis, non secus  
ac si petita ab ipsis fuisset repetitio, confirmatio,  
& ratificatio decreti Cōstantiensis. Illa uerò hoc  
consilio ita instructa sunt. 1. Vt petitionem illam  
regum & principum, oblique suggillent & dam  
nent: ut qui hoc petāt, quod nullo uel iure, uel præ  
cepto diuino ad laicos pertinet: quodq; Ecclesia  
grauibus & iustis causis adducta, olim non tan  
tum abrogauit, sed lege synodica, tanquam teme  
rariam præsumptionem, imò tanquam heresin  
sub poena excommunicationis, seuerè prohibuit.*  
ita

ita enim loquitur Constantiense decretum. 2. Ut quicquid de concessione futurum sit, fiat illud sine detrimento regni Pontificij, & sine imminutione plenariæ potestatis Romanæ ecclesiæ: imò ut hæc ipsa, si qua futura esset concessio, esset cōfirmatio, & impetratio petitionis esset recognitio immanis istius priuilegij: quod iuxta Pighium, Romanæ sedi ita indultum est, ut quicquid illa in causis fidei hic super terram figeret, refingeret, obligaret aut solueret, hoc ipsum ita fixum, refixum, obligatum solutumq; haberetur & maneret. 3. Ut qui ex concessione siue synodi, siue Romani pontificis, usuri essent communionem sub utraq; specie, ipso tamen uero fructu priuarentur. Nam iuxta decretum 5. Sessionis Tridentini concilij, non ex institutione, traditione, iure & præcepto Christi, sed ex misericordia, benignitate & liberalitate Romani pontificis, calicem ad se non pertinentem sumere. Verba igitur calici addita, frustra laici sibi applicarent, cum ad solos sacerdotes pertineant: nec ex illa communionem, ullam gratiam ad salutem necessariam acciperent. hæc enim sunt uerba 3. Capituli.

Et illis ita præmunitis, tamen petitio concessionis calicis, ex una Sessione in aliam reiecta, donec tandem prorsus à synodo ad sedem Pontificiam abiecta est. Et ualde utile esset scire, quæ in deliberationibus illis consultationes tales inciderint, q



ipsa synodus noluerit aliquid de hac petitione definire, sed negotium integrum ad Romanum pontificem retulerit. Sed quia illa forsitan inter mysteria Concilij celata seruiamur, breuem tantum annotationem ex ipso sin. Pontificiorum profectâ annotabo, ex qua multa poterum colligi.

Coloniæ anno 1564. edita est consultatio. De communione Chrystiani populi sub utraq; specie: erudita sanè, utpote ab autore Cassandro profecta. In eius præfatione, sub typographi persona narratur, Tridentinam synodum per totam æstatem anni 62, occupatam fuisse disputationibus super petitione concessionis calicis. Quis uerò disputationum illarum exitus fuerit, his uerbis ibi describitur: Dum maior eruditiorum Episcoporum, eaq; potior pars, in eam sententiam concors pedibus iret, ut laicis calicem esse concedendum iudicaret: alij uerò magna comentione resisterent, ne quid incommodi tamus dissertationum ardor, coeptis de morum & opinionum reformatione reb. adferret: eam controuersiam, Pij IIII. pontificis arbitrio dirimendam reliquerunt. Hæc ibi: ex quibus lector multa huc pertinentia potest colligere.

Reiectum autem fuit illud negotium ad Romanum pontificem, notatis certis cōditionibus, quibus usus calicis concedi posse uideretur. Ille publicatæ quidem sum, sed editioni Decretorū nō sunt insertæ. Adijciā igitur illas: & nihil præterea ad-

dam,

dā nisi ut lector ex illis cōditionibus discat, quāti  
 Romanus pontifex uendat concessionem calicis.  
 Haecenus quæstia fuit Germania de expilationibus,  
 quod nimis magna pecuniæ summa, indulgentias  
 & dispensationes suas Roma uenderet. Nunc  
 uerò Pontifex concessionem calicis, non auro nec  
 argento uendit, sed quod multo carius est, abnega-  
 tione ueræ doctrinæ, approbatione omnium abo-  
 minationum regni Pontificij, & defectione à ca-  
 pite Christo, ad hominem peccati, & filium perdi-  
 tionis. 2. Theß 1. 2. Videant igitur piæ conscientiæ,  
 ne tam emant quod Christus gratis acceptum,  
 gratis Ecclesiæ dari mandauit. Et perlectis hisce  
 conditionibus, lector rectius intelliget, quare Lu-  
 therus dixerit: Quando Papa ut Papa, ex plenitu-  
 dine suæ potestatis, concessurus esset communio-  
 nem sub utraq; specie: tunc se ea non usurum. Di-  
 ctum illud Lutheri, odiosè sæpius exagitatum fuit  
 à Pontificijs scriptoribus: sed res & experientia  
 ipsa, in hisce conditionibus adfert iam ueram in-  
 terpretationem. Audiamus igitur, quid de  
 conditionibus in concessione calicis,

Concilium suggerat Pon-  
 tifici.

CONDITIONES, QVIBVS  
usus calicis concedi posse  
uidetur.

*Primò. Ut sub utraque specie communicare uolentes, in reliquis omnibus, tam quo ad Sacramentum hoc quàm cætera Sacramenta, itē in quacunque materia, quo ad fidem, doctrinam, ritumq<sup>ue</sup> conueniant corde & oris confessione, cum ijs omnibus quæ à S. Romana ecclesia sunt recepta: nec non decreta omnia huius S. Synodi, tam promulgata quàm promulganda, religiosè admittant & obseruent.*

*Secundò. Ut Pastores dictarum nationum, & concionatores, credant & doceant, consuetudinem ab Ecclesia probatam, & diu obseruatam, uidelicet communicandi sub altera tantum specie, non esse alienam à diuino iure: imò laudabiliter, & tanquàm le-*  
gem

gem obseruandam, nisi ab Ecclesia aliter statuatur: quodq; aliter pertinaciter sentientes, hæretici sint censendi: nec alijs dent hanc communionem sub utraque specie, nisi qui crediderint hanc ueritatem, & confessi fuerint.

Tertio. Quòd sanctiss. D. nostro Papa, ut legitimo uniuersalis Ecclesie Episcopo & Pastori, debeant fidei & sincero animo, ut reuerentes filij, omnem reuerentiam exhibere.

Quarto. Quòd Archiepiscopis, Episcopis, & alijs praelatis suis, similiter debitam obedientiam ac reuerentiam præstent.

Quinto. Ut hic usus calicis, eis tantum permittatur qui confessi & contriti fuerint, iuxta catholice Ecclesie consuetudinem: itē ut ordinarij quàm diligentissimè omnibus cautionibus



702 EXAMEN DECRETORVM  
provideant, ne in administratione sanguinis, aliquod sacrilegium aut prophanatio admittatur, super quibus omnibus predictis, eorū cōscientia oneretur:

SESSIONIS V.

Caput 4.

PARVULOS NON OBLIGARI ad communionem Sacramentalem.

Denique eadem sancta synodus docet, paruulos usu rationis carentes, nulla obligari necessitate ad Sacramentalem Eucharistiae communionem: siquidem per Baptismi lauacrum regenerati, & Christo incorporati, adeptā iam filiorum Dei gratiam, in illa etate amittere non possunt. Neque ideo tamē damnanda est antiquitas, si eū morem in quibusdam locis aliquando seruauit. Ut enim sanctissimi illi patres,  
sui

*sui facti probabilem causam pro illius temporis ratione, habuerunt: ita cerie eos, nulla salutis necessitate id fecisse, sine controuersia credendum est.*

Canon. 4.

*Si quis dixerit, paruulis antequam ad annos discretionis peruenerint, necessariam esse Eucharistiae communionem, anathema sit.*

De hac questione nulla controuersia est, inter nos & Pontificios. Non iudico igitur opus esse, totam illam disputationem retexere: cū de ijs quæ controuersa sunt, potissimū instituta sit hac tractatio.

#### SEXTA SESSIO.

VERA ET CATHOLICA DOCTRINA, quòd in Missa uerum sacrificium, & propitiatorium offeratur.

#### PROOEMIUM.

*Sacrosancta synodus, &c. Ut uetus absoluta, atq; omni ex parte perfecta, de magno Eucharistiae mysterio, in  
sancta*

*sancta catholica Ecclesia fides atq<sup>3</sup> doctrina retineatur, & in sua puritate (propulsatis erroribus atq<sup>3</sup> hæresibus) conseruetur: de ea, quatenus uerum et singulare sacrificium est, Spiritus sancti illustratione edocta, & hæc quæ sequuntur docet, declarat, & fidelibus populis prædicanda decernit.*

*Caput 1.*

*Quoniam sub priori testamento (teste apostolo Paulo) propter leuitici sacerdotij imbecillitatem consummatio non erat: oportuit (Deo patre misericordiarum ita ordinante) sacerdotem alium secundum ordinem Melchisedech surgere Dominum nostrum Iesum Christum, qui posset omnes quotquot sanctificandi essent, consummare, & ad perfectum adducere. Is igitur Deus & Dominus noster, etsi semel seipsum*

*seipsum in ara crucis, morte intercedente, Deo patri oblaturus erat, ut æternam illic redemptionem operaretur: quia tamen per mortem, sacerdotium eius extinguendum non erat, in cæna nouissima, qua nocte tradebatur, ut dilectæ suæ sponsæ Ecclesiæ, uisibile (sicut hominum natura exigit) relinqueret sacrificium, quo cruentum illud, semel in cruce peragendum representaretur, eiusq; memoria in finem usque seculi permaneret, atque illius salutaris uirtus in remissionē eorum quæ à nobis quotidie committuntur peccatorum applicaretur, sacerdotem secundum ordinem Melchisedech, se in æternum constitutum declarans, corpus & sanguinem suum sub speciebus panis & uini, Deo patri obtulit. Ac sub earundem rerum symbolis*



lis, Apostolis ( quos tunc noui Testa-  
 menti sacerdotes constituebat ) ut su-  
 merent tradidit: & eisdem, eorumq<sup>3</sup>  
 in sacerdotio successoribus, ut offer-  
 rent præcepit, per hæc uerba: Hoc fa-  
 cite in mei cōmemorationem. uti sem-  
 per Ecclesia catholica intellexit & do-  
 cuit. Nam celebrato ueteri Pascha  
 ( quod in memoriam exitus de Aegy-  
 pto, multitudo filiorum Israel immola-  
 bat ) nouum instituit Pascha, seipsum  
 ab Ecclesia per sacerdotes, sub signis  
 uisibilibus immolandum, in memoriã  
 transitus sui ex hoc mundo ad patrē:  
 quando per sui sanguinis effusionem,  
 nos redemit, atq<sup>3</sup> eripuit de potestate te-  
 nebrarum, & in regnum suum trans-  
 tulit. Et hæc quidem illa munda obla-  
 tio est, quæ nulla indignitate aut mali-  
 tia offerentiū inquinari potest. Quam  
 etiam

etiam Dominus per Malachiam nomini suo, quod magnū futurum esset in gentibus, in omni loco, mundam offerendam prædixit. Et quā non obscure innuit apostolus Paulus, Corinthiis scribens, cum dicit, non posse eos qui participatione, mēsa demoniorū polluti sunt, mēsa Domini participes fieri: per mensam altare utrobique intelligēs. Hæc denique illa est, quæ per uarias sacrificiorum natura et legis tempore similitudines figurabatur: utpote quæ bona omnia, per illa significata uelut illorum omnium cōsummatio & perfectio complectitur.

### Caput 2.

Et quoniam in diuino hoc sacrificio quod in Missa peragitur, idem ille Christus cōtinetur, et incruentē immolatur, qui in ara crucis semel seipsum  
cruentē

cruentè obtulit: docet sancta Synodus,  
 sacrificium illud uerè propitiatorium  
 esse, per ipsumq<sup>3</sup> fieri: ut si cum uero  
 corde & recta fide, cum metu & reue-  
 rentia contriti ac pœnites, ad Deū  
 accedamus, misericordiam consequa-  
 mur, & gratiam inueniamus in auxi-  
 lio opportuno. Huius quippe oblatione  
 placatus Dominus, gratiam & donū  
 pœnitentiæ concedens, crimina & pec-  
 cata, etiam ingentia dimittit. Una es  
 nim, eademq<sup>3</sup> est hostia, idemq<sup>3</sup> nunc  
 offerens sacerdotum ministerio, qui se  
 ipsum tunc in cruce obtulit, sola offe-  
 rendi ratione diuersa. Cuius quidem  
 oblationis (cruentæ inquam) fructus,  
 per hanc incruentam uberrimè perci-  
 piuntur tantum abest, ut illi per hanc  
 quouis modo derogetur. Quare non so-  
 lum pro fidelium uiuorum peccatis,  
 pœnis

pœnis, satisfactionibus, & alijs necessitatibus: sed & pro defunctis in Christo, nondum ad plenum purgatis, ritè iuxta Apostolorum traditionem offertur.

Canon 1.

Si quis dixerit, in Missa non offerri Deo uerum & proprium sacrificium: aut quòd offerri non sit aliud, quàm nobis Christum ad manducandum dari, anathema sit.

Canon 2.

Si quis dixerit, illis uerbis, Hoc facite in meam cōmemorationem: Christum non instituisse Apostolos sacerdotes, aut nō ordinasse, ut ipsi aliq<sup>3</sup> sacerdotes offerrent corpus & sanguinem, anathema sit.

Canon 3.

Si quis dixerit, Missæ sacrificium tantū esse laudis & gratiarum actionis,



nis, aut nudam commemorationem sacrificij in cruce peracti, non autem propitiatoriū: uel soli prodesse sumenti, neq̃ pro uiuis & defunctis, pro peccatis, pœnis, satisfactionibus, & alijs necessitatibus offerri debere, anathema sit.

Canon 4.

Si quis dixerit, blasphemiam irrogari sanctissimo Christi sacrificio; in cruce peracto, per Missæ sacrificium: aut illi per hoc derogari, anathema sit.

EXAMEN.

Accedimus iam ad Pontificiū sacrificium Missæ, quam Daniel. II. uocat Deū ~~uirtutis~~ propterea quod sit præsidium, munimentum, robur, firmamentum & arx regni Antichristi. De qua ipsi Pontificij sæpius in publicis Imperij conuentibus contestati sunt, se quiduis potius posse pati, quàm Missæ sacrificium sibi eripi.

Non autem singula quæ ad hanc disputationē pertinet, copiosè persequemur: illud enim ab alijs, integris & iustis tractationibus egregiè præstitum

tum est: & uideo, hanc scriptionem præter institutum & opinionem excrefcere. Sed ea quæ ad examen & explicationem decretorum Tridentini concilij pertinere uidebuntur, qua fieri poterit breuitate, annotabimus.

Ante omnia autem constituendum est: Quis sit uerus status disputationis de Sacrificio Missæ. Quia enim uocabulum sacrificij, <sup>το ολον ημον</sup> est: & actio Missæ, multas & uarias habet partes: omnino igitur per uiam diuisionis constituendum est, quid in actione Missæ illud sit, de quo propriè & principaliter Pontificij disputât, quod sit sacrificium pro uiuis et mortuis: & quale illud sit sacrificium, cum multe sint sacrificiorum species. Hæc diligentia ideo necessaria est, quia uideo totam hanc disputationem, hoc præcipuè artificio turbari, obscurari et inuolui, quòd status cõtrouersie nõ explicatè constituitur. Cum enim & Scripturæ & ueterũ sententiæ, de uarijs sacrificiorũ generibus loquãtur: Põtificij scriptores, omnes illas sententias in quibus mētio sit sacrificij, ad probandũ et stabiliendũ Missæ sacrificiũ detorquēt: et cum ualidis huiusmodi multis sententijs coram imperitis & incautis gloriantur, Propitiatorium Missæ suæ sacrificium, habere suffragia prophetarum, Christi, Apostolorum, & Ecclesiæ omnium temporum.

Ita Vicelius, patrocinator missæ Pontificiæ, collegit multas ueterũ sententias, in quibus admi-

nistratiōi seu celebrationi cœnæ Dominicæ, tribuitur appellatio sacrificij. Item operose probat, in synaxi ueteris Ecclesiæ semper usitatum fuisse, ut aliquid recitaretur ex scriptis prophetis, præcipue ex Psalmis, ex Euangelicis & Apostolicis scriptis, usitatas fuisse preces communes, & gratiarum actiones, decantatas fuisse laudes Dei, &c. Et quia illarū observationū uestigia quædā apud Pontificios in Missa reliqua sunt (licet, sicut ipse Vicelius fatetur, in plerisque uix umbra antiquitatis supersit) statim attexit conclusionem, multis parasangis ampliorem quàm est præmissa probatio: Propitiatorium scilicet missæ Pontificiæ sacrificium, pro uiuis & pro mortuis, habere testimonia & suffragia Apostolicæ primæ & ueteris ecclesiæ, & totius purioris antiquitatis. Huiusmodi uerò insidiæ simplicissime deteguntur, monstrato uerò controuersie statu: quo posito, facilius erit explicatio argumentorū, quæ pro defensione Pontificiæ missæ allegantur. Illustriora etiam erunt contraria argumenta, quibus Pontificiæ missæ abominatio ostenditur. Multa etiā ex capitulis & canonibus Tridentinis rectius intelligentur, constituto primum statu disputationis de Missa.

#### DE VOCABVLO SACRIFICII.

Dicemus igitur primò de uocabulo Sacrificij, quàm latè illud pateat: deinde ad singulas partes Missæ illud applicabimus, ut ita tandem uerum statum

tum de sacrificio missæ Pontificiæ inuenire & con-  
stituerè possimus. Et in ueteri quidem Testamento,  
erant ceremonialia externa & uisibilia sacrificia,  
quorum uariæ erant species. Differentia autem su-  
mitur, primò à causa materiali, fiebant enim sacri-  
ficia, uel de certi generis animalibus, hæc sacri-  
ficia, propriè dicebatur uictimæ. uel de materia ter-  
restri arida: ut panis, simila, granum, thus, sal, etc.  
hæc propriè uocantur immolationes. uel de mate-  
ria liquida: ut uinum, oleum. hæc propriè uocan-  
tur libamenta. Secundò sumitur differentia uete-  
rum sacrificiorum, à modo et causa oblationis. Ita  
quædam erant holocausta uel quotidiana, uel sab-  
bathi: quædam erant sacrificia propiciatoria, pro  
peccato: quædam pacifica, pro beneficijs uel impe-  
trandis, uel impetratis: quædã erant sacrificia pro-  
fessionis, ut decimæ, primitiæ, &c. Illa uerò ex-  
terna ceremonialia sacrificia, Augustinus rectè di-  
cit duo significasse. 1. sacrificium Christi in cru-  
ce. 2. uera interiora, inuisibilia & spiritalia  
sacrificia fidelium. de Ciuit. lib. 10. cap. 5. Et inde  
factum est, quod antiquatis iam ceremonialibus  
illis sacrificijs, Apostoli tamen in nouo Testamen-  
to retinuerunt appellationem sacrificij. Ita enim  
appellarunt primò, passionem Christi, Eph. 5. &  
ad Hebræos. Secundò, ministeriū & uangelij, Ro-  
man. 15. Tertiò, conuersionem gentium, & fi-  
dem amplectentium Euangelium, Ro. 15. & Phil. 2.



Quartò, orationes, Heb. 5. Apoc. 5. et 8. Quintò, sacrificium laudis seu gratiarum actionis, Heb. 13. Sexiò, beneficentiã in pauperes, & pro sustentatione ministerij, Heb. 13. & Phil. 4. Septimò, mortificationẽ ueteris hominis, imò totũ hominẽ, quando Deo cõsecratur & deuouetur, ut mũdo moriatur, & Deo uiuat, uocãt sacrificiũ, Ro. 12. Octauò, totũ cultũ Christianorũ in annunciatione beneficiorum Dei, in abstinentia à peccatis, & studio nouæ obedientiæ, Petrus uocat spirituales hostias. Atq; ita etiam ueteris Testamenti sententiæ loquuntur de spiritualibus sacrificijs. Psal. 4. Sacrificium iusticiæ est, sperare in Domino. Psal. 50. Immola Deo sacrificium laudis, & inuoca me. Psal. 51. Sacrificium Domino, spiritus contribulatus, cor contritum & humiliatum. Psal. 145. Eleuatio manũ mearum, sacrificium uespertinum. Osee 14. Reddemus uitulos labiorum nostrorum. Micheæ 6. Non holocausta, non uitulos, arietes, &c. sed facere iudiciũ, diligere misericordiam, & sollicitum ambulare cum Deo. Propter hanc tam latè patentem significationẽ appellationis Sacrificij, Augustinus tradit generalem definitionem de Ciuit. Dei libro 10. cap. 5. & 6. Verum sacrificium, est omne opus quod agitur, ut sancta societate inhaereamus Deo, & ad eundem finem proximo consulamus. Et cap. 5. dicit, uera illa sacrificia consistere in dilectione Dei proximi.

CONCILII TRIDENTINI. 715  
QVO SENSU ACTIO LITVR-  
giæ, iuxta Scripturam rectè possit sacri-  
ficiū appellari.

His ita de uocabulo sacrificij constitutis, ac commodabimus illud ordine ad singulas partes Missæ. Ita enim remotis & sepositis illis de quibus non est certamen, tandem uerus status controversiæ emerget. Illud uerò postea explicabimus, qua ratione ueteres celebrationi cœnæ Dominicæ attribuerint appellationem sacrificij. In quinto etiam Capitulo notandum erit, quomodo Pontificij omnes & singulas partes Missæ deprauarint. Nunc tantum per uiam diuisionis, statum causæ inuestigabimus.

Et I. Quia in synaxi leguntur & explicantur scripta Prophetica & Apostolica, annuntiatur ibi mors Christi, proposita ex uerbo Dei consideratione causarum & beneficiorum passionis Christi: hac ratione Missa posset uocari sacrificium, iuxta scripturam Roman. 15. Philip. 2. & 1. Petri 2. Sed hoc non est sacrificium illud, de quo Pontificij dimicant. Talia enim apud ipsos peraguntur uel de secreto murmure, uel boatu inarticulato, uel lingua peregrina.

2. In administratione cœnæ Dominicæ celebrantur, dicuntur & decantantur laudes Dei. Et sacrificium laudis, testimonium habet Scripturæ, Heb. 13. Psal. 50. Sed nec hoc esse sacrificium de quo

Pontificij in Missa sua pugnant, manifestè explicat, tertius Tridentinus canon.

3. Propter publicas preces, & communes gratiarum actiones, posset Missa, iuxta Scripturæ sententiam, tribui appellatio sacrificij. Sed Tridentinum concilium, Canone 3. hoc non vult.

4. Quia in celebratione cœnæ Dominicæ, semper usitata fuit contributio eleemosynarum pro pauperibus, posset & inde, iuxta Scripturam, toti actioni tribui appellatio sacrificij. Sed neque hoc est sacrificiū illud, de quo controuersia est in missa Pontificia.

5. In synaxi totus homo se consecrat Deo, & hoc agitur, ut sancta societate inhereamus Deo. Est ibi, in uero cœnæ Dominicæ usu, exercitiū poenitentiae & fidei: acceditur ibi dilectio Dei & proximi. Si quis hac ratione Missam appellaret sacrificium, & res ipsas rectè explicaret, nihil à Scriptura, sicut ostensum est, alieni faceret. Sed neque hoc est Pontificiorum illud, de quo in Missa dūcant sacrificium.

6. Benedictio seu consecratio Eucharistiae, quia est actus ministerij Evangelici, hætenus & addita hac declaratione, posset admittere & ferre appellationem sacrificij: sicut Rom. 15. totum ministeriū Evangelij, Paulus uocat sacrificium. Sed Pontificij distinguunt consecrationem ab oblatione. ea enim quæ consecrata sunt, dicunt, offerri.

7. Dispens

7. Dispensatio & participatio, seu communio Eucharistiæ, quia sit in commemorationem unici sacrificij Christi: & quia ibi dispensatur & sumitur uictima, quæ pro peccatis nostris semel in cruce oblata est: posset hac ratione, & addita hac explicatione, uocari sacrificium, licet Scriptura ita non appellet. Sed Pontificij expressè distinguunt sacrificium suum, à dispensatione & participatione Eucharistiæ. Et Gropperus in Concilio malè acceptus fuit, eo quòd assereret, communionem esse de substantia sacrificij Missæ.

QVID ILLVD SIT IN MISSA,  
quod Pontificij propriè intelligunt  
sacrificium.

His ita remotis & sepositis, manifestũ iam euadet, quid illud sit in actione Missæ, de quo propriè & principaliter Pontificij dimicant, quòd sit sacrificium Missæ. Illud uerò omnium clarissimè explicat & declarat Ecclus, in primo lib. de Missa, cap. 10. Dicitur igitur ipsam celebrationem, dispensationem, & sumptionem Eucharistiæ, posse dici sacrificiũ: quia sit imago quædam representatiua passionis Christi, quæ fuit uera immolatio, sicut Augustinus inquit: Solent imagines earum rerum nominibus appellari, quarum imagines sunt. Sed quia inde sequeretur, Missam non esse uerè & propriè sacrificium, sicut homo pictus, non est



uerus homo : item non alia ratione Missa esset sacrificium, quàm figura ueteris Testamenti : ideo Eccius dicit, Missam alio peculiari modo esse sacrificium: quia scilicet Ecclesia, non modò Euchari-  
stia, in memoriam passionis utatur : sed quia tota  
actione gestuum, uerborum, rituum & uestium,  
in Missa representet oblationem passionis Chri-  
sti: & hac representatione ipsum Christum denuò  
offerat, in odorem suauitatis Deo Patri.

Et hanc sententiam Eccius declarat hac simili-  
tudine. Si alicuius regis triumphus esset inscul-  
ptus monete, pictus in pariete aut in statua, pla-  
ceret quidem regi (& ita est celebratio Euchari-  
stie.) At si ageretur coram eo totius historie pro-  
cursus, & ita representaretur ei per singulas par-  
tes, ac si realem ipsum exhiberent triumphū: quan-  
tum putas complacentiæ rex esset habiturus in il-  
la representatione, plus quàm in altera picta aut  
sculpta. Et talem uiuidam & solennem represen-  
tationem passionis Christi, dicit esse coram Deo  
sacrificium Missæ, in actione gestuum, uerborum,  
rituum, uestium, &c. Missa enim, iuxta Innocen-  
tium & Durandum in 4. consistit, in personis, o-  
peribus, uerbis, & rebus. Personæ, sunt cele-  
brantes, ministrantes, & circumstantes. Ope-  
ra, sunt gestus, actus & motus. Verba, sunt ora-  
tiones, modulationes & lectiones. Res, sunt or-  
namenta, instrumenta & elementa. Sacrificiū  
igitur

igitur Missæ, de quo Pontificij dimicant, in eo consistit, quod sacrificulus certis ornamentis & instrumentis, super panem & uinum Eucharistiæ, uarijs utitur gestibus, motibus et actibus: ut sæpius geniculari, inclinari, strictis manibus modò distendere, modò reducere brachia, subinde se conuerrere, nunc esse clamosum, nunc magno silentio quædam demurmurare, suspicere in altum, esse prorum, consistere non uno loco, nunc in dextram, nunc in leuam partem altaris commigrare, micare digitis, inhalare in panem & calicem, ea tollere in sublime, postea reponere, panem frangere, & in calicem immittere, pectus ferire pugno, suspirare, clausis oculis representare somnum, rursus expergisci, patellam deauratam auersum extenso brachio demonstrare populo, admouere eam fronti atque pectori, deosculari nunc altare, nunc imagunculam metallo inclusam, &c. Ita Sleidanus totum drama sacrificij Missæ eleganti hypotyposi descripsit. His uerò actibus, motibus, gestibus & ritibus, additis conceptis uerbis, de sacrificio, oblatione seu hostia, fingunt se corpus & sanguinem Christi, imò Christum ipsum filium Dei, denuò sacrificare & offerre Deo patri, per talem histrionicam siue comicam siue tragicam representationem passionis Christi.

Quale

720 EXAMEN DECRETORVM  
QVALE SACRIFICIUM PONTI-  
ficij Missam intelligant.

Porro monstrato eo quod in officio Missæ pro illo sacrificio habetur, de quo Pontificij tanquam pro aris & focis suis dimicant: uidentum iam est, pro quali sacrificio illud uenditent. ita enim integrum statum huius controuersie habebimus. Memorabile autem est, & dignum obseruatione, quomodo nostro tempore quidam ex Pontificijs, sacrificium illud nouis coloribus coeperint pingere. Vt Gropperus in institutione, & in antididagmate Coloniensi, clamat Papistis fieri insignem iniuriam à nostris, quasi doceant, Missam esse propitiatorium sacrificium pro peccatis. Agnoscit enim & fatetur, clarissima uerbi Dei luce conuictus, uanicum tantum esse uerum propitiatorium sacrificium pro peccatis: quod scilicet ipse filius Dei, traditione sui corporis, & effusione sui sanguinis, in ara crucis, semel in odorem suauitatis patri obtulit: Missæ uerò sacrificium, esse representatiuum, commemoratiuum, & applicatorium sacrificiū. Hoc artificium imitati sunt Vicclius, Sidonius, & architecti formulæ interreligionis. Ita autem illud explicant: Quia in Missa totius Euangelij summā, præcipuè uerò de passione Christi, uerbis, signis, ritibus, gestibus, ornamentis, uasis, uestibus, &c. proponatur, et sensibus quasi ingeratur: ideo Missam esse uisibilem representationē sacrificij Christi.

sti, per quam fidelibus memoria passionis Christi renouetur: ut excitentur ad fidem, deuotionē, gratiarum actionem, timorem Dei, dilectionem, &c. Ita enim Vicelius Missam definit, quòd sit sacrificium rememoratiuum, item laudis & gratiarum actionis. Et in examine Ordinandorum inquit: Missa est recordatio passionis Christi, in publico Christianorum conuentu, ubi à multis aguntur gratiae ob precium redemptionis. Illud uerò sacrificium, Gropperus dicit ita offerri Deo, & fieri in conspectum patris, quando fides de nostris meritis diffidens, precium redemptionis nostrae, corpus scilicet Christi pro nobis traditum, & sanguinem eius pro nobis effusum, apprehendit, & Deo proponit: hoc est, inter iram ipsius, & peccata nostra interponit, ad consequendam remissionem peccatorum, quam Christus in cruce promeruit & impetrauit.

Applicatorium sacrificium Missae, ita declarat Gropperus, quòd in Missa totius propemodum Euangelij, praecipue de passione Christi, summa ita proponatur, ut quisq; propria fide sibi applicet, & particeps fiat remissionis peccatorum, in cruento Christi sacrificio promerita. Et quia in Missa etiam orationis sacrificium offeratur, ut Deus omnes homines participes faciat redemptionis Christi: rectè etiam absentibus, & non communicantibus Missam applicari. *σοφὰ ἢ διὰ πάραντα. Seruunt*



serunt enim, quàm crasse abominationes hæreant in sacrificio Pontificiæ missæ: quia tamen illas taxare & damnare palàm non audent, nouis coloribus Missam palliatam in theatrum produxerūt, qualem nec docti, nec uulgus in regno Pontificio hætenus agnouerant. Et multa quidem de coloribus istis dici possent: sed ideo tantum hæc recitauimus, ut eo commodius ad constitutionem status perueniremus. Isti enim Pontificiæ missæ incrustatores, de quibus iam diximus, oblique & per indirectum significare uoluerunt, non pauca in Pontificia doctrina de Missa desiderari, quæ ex uerbo Dei reformanda essent: & uiam aliquam monstrarunt. Quid uerò Tridentina synodus, quæ in sexta hac Sessione præfatur, de propulsandis erroribus atq; hæresibus? Num consilium illud arripit, ut uel saltem de crassis abominationibus sacrificij Missæ, aliquid præcidatur? Nihil certè minus. Sed articuli qui de sacrificio Missæ, Theologis examinandi propositi sunt, ita conscripti fuerunt, ut quasi exprofecto illis qualibuscunq; mitigationibus oppositi uideantur. Primus enim articulus fuit: An Missa sit sola commemoratio sacrificij in cruce peracti, non autem uerum sacrificium. 13. articulus: An Missa sit tantum sacrificium laudis & gratiarum actionis, non etiam sacrificium propitiatorium, tam pro uiuis quàm pro defunctis. Et ipsa synodus postea decernit cap. 2. sacrificiū Missæ esse

esse uerè propitiatoriū. Et 3. Canon inquit: Si quis dixerit, Missæ sacrificiū tantum esse laudis & gratiarum actionis, aut nudam commemorationem sacrificij in cruce peracti: non autem propitiatoriū, pro peccatis & uiuorum & defunctorum offerendum, anathema sit. Manifestum est ex ijs quæ paulo antè diximus, quæ & quorum sententiæ in illo capitulo & canone damnentur. Gropperus in Coloniensi antididagmate dixerat, Missam fortè appellari posse propitiatorium sacrificium, nō quod uerè sit tale, sed quod sit imago unici propitiatorij sacrificij, semel in cruce oblatis: sicut ueteris Testamenti quædā sacrificia appellabantur propitiatoria, propterea quod unicū uerum propitiatorium sacrificiū Christi futurū figurabāt. Sed huic mitigationi Tridentinū capitulū opponit decretū, sacrificiū Missæ esse uerè propitiatoriū. Adeo scilicet tenera & delicata est missa Pontificia, ut ferre non possit, si quis uel leuiter attingat, uel molliissime mitiget, etiam crassissimas abominationes.

Porro non nudam tantū appellationē propitiatorij sacrificij, Missæ attribuit synodus, sed addit prolixam explicationē: illam scilicet Missæ actionem, quæ panē & uinū Eucharistiæ, certis illis uerbis, ritibus et gestibus tractat, sicut suprà diximus, esse tale propitiatoriū sacrificium, quod offeratur pro peccatis, pœnis, satisfactionib. & alijs necessitatib. nō tantū fidelium uiuorū, sed et ro defunctis,  
item,

item, per illud propitiatorium Missæ sacrificium fieri, ut si in poenitentia cum uera fide ad Deum accedamus, misericordiam consequamur, & gratiam inueniamus in auxilio opportuno: item oblatione sacrificij Missæ, placatus Dominus gratiam & donum poenitentiae concedens, crimina & peccata etiam ingentia dimittit. Primum capitulū dicit, sacrificio Missæ representari cruentū sacrificium Christi, semel in cruce peractum. intelligit autem talem representationē, sicut Eccius describit. Et mox dicit primum capitulum, salutarē uirtutem sacrificij crucis, applicari per propitiatorium sacrificium Missæ, in remissionē eorum peccatorum quæ à nobis quotidie committuntur. Et secundum capitulum dicit, fructus cruentæ oblationis Christi, uberrimè percipi, per propitiatorium Missæ sacrificium. Non igitur propositum fuit Tridentinae synodo, quicquam uel minimum, in receptis Missæ abominationibus uel mitigare, uel ad normam uerbi Dei reformare. Sed damnatīs illorum sententijs, qui in ipso Pontificiorum sinu, aliquid in persuasionē de sacrificio Missæ, sibi displicere mollissimè significarunt, simpliciter repetunt, confirmant & stabiliunt, quæcunq; unquā à Pontificijs de sacrificio Missæ scripta & tradita fuerunt. Vt igitur Tridentina decreta de Missa, plenius intelligantur, & status controuersiae clarissimè constituatur: traditiones quasdam Pontificiorum,

tiorum, de Missæ sacrificio annotabimus. Alias enim clamitant, multa in hac disputatione sibi tribui, quæ ipso non agnoscant.

Canon igitur dicit: Offerimus tibi hoc sacrificium pro redemptione animarum, pro spe salutis & incolumitatis. Hanc oblationem placatus accipias, diesq; nostros in pace tua disponas: atq; ab æterna nos damnatione eripi, & in electorum tuorum iubeas gregem numerari. Et tandem Canon ita concluditur: Hoc sacrificium quod obtuli, sit tibi acceptabile: mihiq; & omnibus pro quibus illud obtuli, sit te miserante propitiabile.

Criticis Polono illa secreta maxime probatur: Suscipe sancta Trinitas hanc oblationem, & presta, ut in conspectu tuo placens ascendat, & meam ac omnium fidelium salutem operetur æternam, per eundem Christum dominum nostrum. Innocentius de officio Missæ, explicans illa verba Canonis. Pro redemptione animæ, pro spe salutis & incolumitatis: dicit sacrificiū Missæ offerri, 1. Pro bonis corporalibus, ut pro incolumitate. 2. Pro bonis spiritualibus, ut pro redemptione animæ, quæ interpretatur remissionem peccatorum. 3. Pro æternis bonis, ut pro salutē.

Item oblationem Missæ, quæ in Canone vocatur adscripta, rata et acceptabilis, Innocentius ita interpretatur: Adscripta, per quam nos Deus inter electos ascribat: rata, per quam ratum sit no-



stræ salutis promissum: acceptabilis, per quã nos Deus sibi reddat acceptos. Semper autẽ in animũ reuocandus est status controuersie: Non communioni hæc tribui, sed sacrificio Missæ: sicut illud ex Eccio supra descripsimus.

Idem Innocentius, disputans de trina ablutione sacerdotis in missa, dicit sacrificium Missæ offerri ad purgationem & mundationẽ peccati originalis, criminalis & uenialis: itẽ cogitationis, locutionis & actionis: uel peccati ignorantie, negligentiæ & contumaciæ Et explicans particulam: ite, missa est, inquit: Sacrificium illud uocatur Missa, quasi hostia trãsmissa à nobis patri, ut intercedat pro nobis ad ipsum. Hæc enim sola sufficiens & idonea missio seu legatio est, ad soluẽdũ inter Deum & homines inimicitias & offensas.

Thomas in opusculo de uenerabili Sacramẽto altaris: Secũda, inquit, causa institutionis, est sacrificiũ altaris, contra quandã quotidianã delictorũ nostrorum rapinã: ut sicut corpus Domini semel oblatum est in cruce, pro debito originali: sic offeratur iugiter, pro nostris quotidianis delictis in altari: & habeat in hoc Ecclesia munus ad placendum sibi Deum, super omnia legis sacrificia, præciosum & acceptum.

Gabriel Biel dicit, sacrificium Missæ à sacrificio Christi in cruce, tantũ differre modo oblationis incruento. Idem uerò esse substantia et similia

lium effectuum operatum, seu eūdem esse finem sacrificij Christi in cruce & in altari, placationē scilicet offense patris, & impetrationem salutis eternæ. Et addit: Quicquid Saluator noster meruit, se offerens in cruce, pro omnibus generaliter, tam in remotione mali, quā in collatione boni, uiatoribus, purgandis & beatis: hoc sacrificio Missæ applicatur particulariter singulis. Tradit etiam, sacrificulum per Missam posse applicare uirtutem passionis Christi, quibus uelit, generalissimè Ecclesiæ catholicæ, specialissimè sacrificulo, specialiter fundatori, & cuius nomine Missa peragitur. Et in Epitome sua dicit, sacerdotem in Missa coram Christo supremo iudice, tanquam mediatorem causam nostram inter sponsum & sponsam, hoc est, inter Christum & Ecclesiam agere: & impetrare Ecclesiæ, oratione & sacrificio suo, multa dona corporalia, spiritualia & æterna.

Ecceius de Missa libro 1. cap. 10. In Missa offerimus Deo patri eucharistiam, non tantum sicut donum Dominicæ passionis memoriale, sed etiam sicut munus Deo acceptissimum: quo & Deum ualeamus placare super offensis, & gratiam eius cum spiritualibus bonis reportare. Item: Ex Missæ sacrificio, fideles Ecclesiæ fiunt participes multiplicium fructuum Dominicæ passionis. Nam sicut gratiæ & merita Saluatoris applican-

tur fidelibus per applicationem Sacramentorum: ita merita & fructus oblationis Dominica, applicantur fidelibus, per huiusmodi actionē representationis in sacrificio Missæ. Item: Per sacrificium Missæ, effectus passionis Christi ad fideles influunt, perueniūt, & in eos descendūt. Et in fine 3. libri dicit: Per sacrificiū Missæ, & uiuis & mortuis in uarijs necessitatibus subuenitur.

Doctor quidam Sorbonicus, recens edidit prolixum cōmentum de Missa. ubi in principio statū disputationis ita format: in Missa sacrificandum esse Deo, non tantū actu interiori, sed & exteriori: nec tantū sacrificio Eucharistico, sed & propitiatorio. Et ponit definitionem: Sacrificium propitiatorium, seu expiatorium, est oblatio Deo facta, pro peccatorū expiatione, & Dei gratia, seu remissione peccatorum consequenda.

Lindanus libro 4. Panopliæ, capite 46. ait, Missam esse proprij nominis sacrificiū, non modò eucharisticum aut commemoratiuū, sed etiam propitiatorium: & hoc tam pro mortuorum quàm pro uiuorū delendis peccatis, imò pro quolibet adeò Christiani populi necessitate. Et capite 50. dicit, Missam esse sacrificium propitiatorium, tam pro mortuis quàm pro uiuis, ueràmque pro peccatis hostiam: pro impetrandis deniq; cuiusque generis à Deo beneficijs, tam corporali-  
bus quàm spiritualibus.

Et cap.

# CONCILII TRIDENTINI. 719

Et capite 51. inquit, sacrificium Missæ esse applicationem effusi in cruce sanguinis: & illam applicationem per sacrificiū Missæ, facere nos particeps redemptionis Christi.

Cap. 52. Ecclesia per quotidianum sacrificium Missæ, haurit ex fonte Dominicæ passionis, Christi merita, & ipsam tandē propitiationē. Et cap. 53. hoc ita explicat: Si scilicet quis propria fide expectat, desideres & procuret pro se celebrari sacrificium Missæ.

Hic igitur est uerus status controuersie de sacrificio Missæ, quem non meis, sed ipsorū pontificiorum uerbis exposui: ne quis existimet talia ad prægrauandos aduersarios, à nobis fingi, & inuidiosis uerbis exaggerari.

Iam uerò statu disputationis cōstituto et explicato, multo facilius erit ratio examinis: qualia sint, quantū ualeāt, & quid efficiant argumenta illa quæ ad extruendū, confirmandū & stabiliendū sacrificium Missæ, à Pōtificijs produci solent. Et cū illa argumenta, multa & uaria sint; operæ precii obseruare, quomodo Tridentinum conciliū habito quasi inter militares copias delectu, plerisq; reiectis, pauca quædam, quæ fortissima et firmissima iudicata fuerunt, retinuerit: ut res Missaria uerè ad Triarios iam rediisse uideri possit. Quia uerò non parum utilitatis habet illa collatio, priusquā ad Tridentina argumenta accedamus paucis an-



notabo quam infirma inepta & peregrina sint pleraq; argumēta, quibus hactenus Pontificij scriptores, tanquam ualidissimis fundamentis & columnis, structuram sacrificij missæ Pontificiæ impositam commiserunt. Id quod ipsum concilium Tridentinum, suo delectu non dissimulat. Sed breuitatis gratia, argumenta illa non prolixè explicabimus, sed ordine recensēbimus tantum.

### ARGVMENTA SCRIPTORVM

Pontificiorum, pro Missa.

1. Schatzgeyer, hoc est, Thesauravidus, fatale nomine exprimens ingenium patronorum Pontificiæ missæ, hoc argumento usus fuit. Isaïas 53. de Christo dicitur: Oblatus est, quia ipse uoluit. Hoc non potest intelligi de Iudæis crucifigentibus Christum. Illi enim habuerunt non offerendi, sed perdendi intentionem. Nec intelligi potest de ipso Christo, offerente se in ara crucis: dicitur enim ab Isaia, Oblatus est: scilicet non per seipsum, sed per alios. Ergo de sacrificio Missæ, ubi Christus per sacerdotem offeratur patri, intelligenda est illa sententia, quæ simul affirmat Christum uel letalem oblationem. inquit enim: Oblatus est, quia uoluit, Sed hoc argumentum ipsi etiam Ecclio improbatur. Nam Hebr. nono, de oblatione Christi in cruce, etiā passiue dicitur: Semel oblatus est. Et Isaïas in sua lingua sententiam illam,

Oblatus

Oblatus est, quia uoluit: planè non habet: sed inquit, Multatus et afflictus est. Et forsàn fàto quodam locus ille Isaie, ad sacrificium Missæ accõmodatus fuit: ut ostèderetur, quòd Pontificia missa sit mulctatio & afflictio Christi, quantum quidem in sacrificulis.

2. Inter principia huius controuersie, non postremum fuit & hoc argumentũ, Hebr. 10. Voluntariè peccantibus non relinquitur amplius hostia pro peccato. Ergo pro quotidianis delictis amplius, hoc est, post sacrificium crucis, reliqua est hostia pro peccato. Illa uerò nulla alia esse potest, quàm sacrificium missæ. Sed & hoc argumentum tale est, quod ab ipso Eccio repudiatur,

3. Monachus Augustanus sacrificium Missæ probat ex 7. Danielis: Angeli in nubibus cœli, filium hominis obtulerunt in conspectum antiquorum. Ergo quando Christus in Missa à sacerdote sacrificatur, tunc simul etiam in nubibus cœli, ab ipsis angelis sacrificatur. Et ideo canon dicit: Iube hæc perferri per manum sancti angeli, in conspectum maiestatis tue. Sed quia manifesta est deprauatio sententiæ Danielis, ne ipsis quidem Pontificijs argumentum hoc probatur. Daniel enim ibi loquitur, quomodo pater filio mediatori omnia dederit in manum. Ioannis tertio, dederit nomen super omne nomen, Phil. secundo, potestatem iudicium facere, Ioan. 5. Regnum

David, Luc. 1. &c. Verbum uerò quo Daniel ibi utitur, aliquando sanè de sacrificijs usurpatur: sed plerunq; significat appropinquare, deferre, adducere. Et sacrificandi significatio, prorsus non conuenit illi loco Danielis.

4. Eccius inter cætera etiam hoc argumento utitur. Psal. 71. Hieronym, ita reddidit: Erit memorabile triticum in terra, in capite montium eleuabitur. Et Rabi Solomon explicat illum uersum Psalmi, de genere placentarum in diebus Messie. Ergo David uaticinatur ibi de sacrificio Missæ Pontificiæ, ubi super rasos sacrificulorum uertices, panis azymus eleuetur. Risum quæso teneatis amici, quòd tam arduis fundamentis Pontificia missa niti ostendatur.

5. Hebr. 13. dicit Apostolus, nos in nouo Testamento habere altare, quod uocat θυιαστήριον, à sacrificijs, quasi dicas, sacrificatorium. Ergo oportet in nouo Testamèto esse aliquod externum & ceremoniale sacrificium. Et nullum aliud inueniri potest, quàm sacrificium Missæ. Huic argumento Eccius ualdè multum tribuit. Sed eadem ratione consequentiæ, idem sacrificiũ etiam in cœlo instituendum esset. Nam & ibi Apocalypsis in multis locis narrat esse θυιαστήριον, capite 6. 8. 9. 11. 14. 16. &c. Ipse uerò textus Heb. 13. disertè postea explicat, quæ sacrificia intelligat: scilicet laudis, gratiarum actionis, & benesi-

nesicientiæ. Et altare interpretatur, quod per Christum tales hostias Deo placētes offeramus. Quale igitur artificium est, contra manifestā ipsius textus declarationem, peregrinam & falsam sententiam, uerbis Apostoli affingere.

6. Danielis capite 8. & 11. dicitur de Antichristo, quod aufert iuge sacrificium. Illud uerò non potest intelligi de orationibus, & alijs spiritualibus sacrificijs, quæ per externam uim pijs auferri non possunt: imò ardentiores fiunt orationes in persecutione. Ergo de Missæ sacrificio intelligendum est, quod in nouo Testamento Antichristus inueniet. Et qui abrogant sacrificium Missæ, illos Daniel pronunciat esse ministros Antichristi.

Valde sanè ampla, liberalis & larga est hæc cōsequentia. Certum est, Daniele ibi propriè loqui de impia & scelerata tyrannide Antiochi. Et Chrysost. oratione secūda aduersus Iudeos, refert uaticinium illud ad tempore Antiochi: & huius rei testem citat Iosephum. Antiochus uerò non tantum illud iuge sacrificium abstulit, quod describitur Exod. 29. & Numer. 28. sed totum cultum Leuiticum in Ethnicas superstitiones commutauit: sicut Machabæorum historia ostendit. Illud uerò totum Daniel per synedochen iugis sacrificij complectitur. Quando igitur locus ille Danielis, de Antichristo explicatur, illud fit per allego-



riam. Et notum est, ex allegorijs nõ esse facienda dogmata, quæ non habent certa, firma & perspicua testimonia in alijs Scripturæ locis. Nihil aliud igitur ex illo loco Danielis confici potest, quàm in nouo Testamento futurum sacrificium, quòd oblaturus sit Antichristus. Et Scripturam aliquot genera sacrificiorum noui Testamenti expressè enumerare, supra ostensum est. Quæ uerò audacia est, præteritis illis noui Testamenti sacrificijs, quæ Scriptura disertè exprimit, locum Danielis, qui in genere de sacrificio loquitur, de Missa exponere: quã Scriptura nec ponit, nec exprimit, quando sacrificia noui Testamenti enumerat. Multo uerò certior explicatio, quæ sacrificia, & quomodo ablaturus sit Antichristus, ex ipsa Scriptura noui Testamenti sumi potest. secunda Thessalonicens. secundo, 1. Timoth. quarto, 1. Ioannis secundo, & in Apocalypsi. Per falsam enim doctrinam, per peregrinos, electitios & impios cultus obscurabit, deprauabit, & auferet puritatem ministerij uerbi, Sacramentorũ, & cultus diuini. Hæc uerò propriè per Antichristum Romanæ sedis impleta sunt, sicut à multis perspicuè ostensum est. Nobis hoc loco sufficit monstrasse, locum illum Danielis, nihil quicquam patrocinari sacrificio Pontificiæ Missæ. Nam primò propriè loquitur de Antiocho, per allegoriam uerò transfertur ad Antichristũ. 2. In genere loquitur

de sa-

de sacrificio: rectè igitur intelligitur de sacrificijs, quæ expressè in nouo Testamento nominantur.

3. Et ne quid relinquatur dubij, ipsa Scriptura noui Testamenti explicat, quæ sacrificia, & quomodo Antichristus in Ecclesia sit ablaturus. Et propter hanc causam concilium Tridentinum, patrocinio illius loci apud Danielè, noluit uti. Nec quod Daniel 12. ablatio iugis sacrificij cum posita abominatione desolationis coniungitur, quicquã promissæ sacrificio facit. Intelligitur enim de abrogatione cultus Leuitici.

7. Eccius ostentaturus cognitionè Hebrææ lingue, philosophatur de cognatiõe uocabuli Missæ, & מִנְחָה. Et ubicunq; in ueteri testamẽto nominatur Mincha, fingit stabiliri sacrificiũ missæ Pontificiæ. Et ubi Leuit. 21. et Num. 28. dicitur de sacrificio panis Dei: Eccius מִנְחָה interpretatur carnẽ Dei. Et ex Rabinis testimonia multa allegat, de sacrificia panis et uini, tempore Messie. Sed hæc nõ tantum ridentur ab Hebraice peritis, sed & ipsi Pontificij argumentis illis uti uerentur.

8. In Tridentino concilio, in disputationibus Theologorũ, quarũ aliquas scripto notatas uidi, crebro a multis repetitum fuit hoc argumentum. Christus in institutione coenæ, uerba quæ extra controuersiam de sacrificio loquuntur, ponit non in futuro tempore, Tradetur, Effundetur: sed in presenti. Pro uobis traditur & effunditur.

Ergo

Ergo Christus non tantum in cruce, uerumetiam in coena Dominica sacrificauit corpus & sanguinem suum. Arrisit primò hoc argumentum multis. Ita enim non ex peregrinis Scripturæ sententijs, sed ex ipsa institutione coenæ, tanquam ex propria sede, uideretur probari posse sacrificium Missæ. hoc enim quod Christus in coena illa fecit, postmodum faciendum mandauit. Sed cum argumentum hoc aliquanto diligentius examinaretur, deprensus tandem est illud non tantum non posse, Pontificiam missam, gladio spiritus quassatam & deiectam, uel subleuare, uel stabilire, sed ne per se quidem consistere posse: idq; propter multas rationes. Primò, quia si illa essent substantialia uerba sacrificij Missæ, magnum scelus impingeretur ipsi Canoni, qui in prima parte institutionis, prorsus omittit illa uerba: Quod pro uobis traditur. In altera uerò parte, Canon habet non præsens, sed futurum tempus, Effundetur. Nerus igitur huius argumenti, cui quidam multum tribuerunt, non tantum incisus, sed prorsus excisus est, per ipsum canonem Missæ. Secundò, Quomodo sacrificium Missæ potest incruentum dici, si in eius oblatione in prima coena, in præsentia facta sit effusio sanguinis? Tertio, Vbi & quando corpus Christi pro nobis ad redemptionem sit traditum, & sanguis ipsius in remissionem peccatorum effusus, Christianæ

Christianæ fidei non est ignotum. Scriptura enim in ualde multis sententijs declarat in passione & morte Christi hoc esse factum. Quartò, Nec præsentis temporis usurpatio, hoc quod isti uolunt efficit. Visitata enim & nota est enallage temporum in Scriptura, non tantum præsentis, sed & præteriti pro futuro, propter certitudinem: Puer natus est nobis: Agnus occisus est, ab origine mundi: Ecce agnus Dei, qui tollit peccata mundi: Ego pono animam meam pro ouibus meis. Et in coena Christus per præsens tempus locutus est. errat enim tunc in ipso actu passionis, quæ consummata postea est in cruce. Ita die palmorum, inquit Ioannis capite duodecimo: Veni in hanc horam: nunc iudicium est mundi. Post cœnam dicit, Ioannis capite decimoquarto: Venit princeps mundi. Sicut mandatum dedit mihi pater, ita facio. Ioannis capite decimo septimo: Iam non sum in mundo: nunc ad te uenio. Sanctifico me pro eis.

9. Monachus Augustanus inquit: Christus in cœna sumens panem in manus, eleuatis oculis in cœlum ad patrem, gratias egit. Ergo sacrificauit ibi corpus & sanguinem suum patri. Ratio consequentiæ est, quia קרבן in lege uocabatur oblatio, quæ inter offerendum in altum eleuabatur. Sed nullibi legitur, Christum acceptum panem & calicem, in altum eleuasse: Imò de subla-  
tis in



tis in cœlum oculis, nec Euangelistæ, nec Paulus quicquā meminert, sed Canonis hæc additio est. Et ut maximè hoc concedatur, non statim ideo sacrificiū inde excudetur. Nam & Christus quinq; illos panes, & duos pisces benedicēs, aspexit in cœlum. Idem fecit in resurrectione Lazari, & cū sanaret mutum & surdum. Quin igitur & inde fabricemus sacrificia, si tantum ualet sublatio oculorum in cœlum.

### ARGVMENTA TRIDENTINE

synodi, pro Missa.

Talia pro defensione sacrificij Pōtificiæ Missæ, à multis seriò & magno conatu disputata, à Pōtificia ecclesia singulari applausu excepta, nostris opposita, & rudioribus tanquam indubitata & immota fundamēta proposita hæctenus fuerūt. Sed Tridentinum conciliū uel inuitum agnoscens qualia sint, ne uerbo quidem eorum mentionē facit. Illis igitur tanquam inter lixas & calones reiectis, propugnationē Missæ ad triarios reducunt, selectis & in aciem productis, certis quibusdā argumentis, quæ sine dubio indicarunt esse ualidissima & firmissima. Illa igitur argumenta quæ Tridentinum concilium ad probandum, confirmandum & stabiliendum sacrificium Missæ producit, primò euoluemus: sepè enim iuxta artificium rhetorum, uno atque altero uerbo integrum argumentum cōplectuntur. deinde euoluta examinabimus.

nius, quid efficiant, & quantum ualeat. Cōpendia-  
ria autem, simplex & certissima erit ratio expli-  
cationis, si omnia argumenta ad statū controuer-  
siae referātur & applicētur. Hoc. n. est, quod singu-  
la argumenta, certò firmiter & perspicue proba-  
re & efficere debēt. 1. Corpus & sanguinē Chri-  
sti in cœna Dominica, tractandū esse histrionica  
illa representatione, uerbis, ritibus, gestibus, actib.  
sicut Missa Pōtistica facit. 2. Talē representatio-  
nem esse sacrificiū à Christo institutū, & Deo pa-  
tri acceptissimū. 3. Esse sacrificiū propitiatoriū,  
ad expiēda & delēda peccata, ad consequendam  
remissionē peccatorū ad impetrāda omnis generis  
à Deo beneficia: & tandē pro peccatis, pœnis, sa-  
tisfactionibus, & alijs necessitatiō. uiuorū & mor-  
tuorū. 4. Per illud sacrificiū applicari merita pas-  
sionis Christi, si quis curet pro se celebrari Mis-  
sam: imò præsētib. absentib. uiuis & mortuis  
quibuscūq. sacrificulus illud uoluerit applicatiōe  
sua cōmunicare. Hæc debet in singulis argumentis  
conclusio esse, ex bona, certa, firma & manifesta  
ratione consequentiæ. Quòd si omnibus & sin-  
gulis illis argumētis hoc non conficiatur, iudiciū  
facile erit, quid de Tridentina Pōtistica missæ me-  
ditatione sentiēdum & statuendū sit, ordine igi-  
tur argumenta recensēbimus.

1. Sacerdotium requirit sacrificiū, Christi  
uero sacerdotium morte ipsius nō erat extinguen-  
dum:

dum : est enim perpetuum. Psalm. 110. Ergo non tantum semel in cruce se debuit offerre, sed instituere sacrificiū Missæ, ubi sæpius & quotidie, pro uiuis & pro mortuis offertur Deo patri, ut hoc modo sit sacerdos in æternum.

Respondeo. Si absque Scripturæ luce, ex consequentijs iuxta nostram rationem iudicandum esset, aliquid ualeret & efficeret hoc argumentum. Sed Scriptura huius argumenti, perspicuam explanationem quasi ex professō tradit in epistola ad Hebræos : quæ scilicet sit hostia sacerdotij Christi, quomodo, quando, quoties, & à quo oblata sit. Et quidem per petuitatem sacerdotij Christi, data opera & disertè describit: idq; negatiuè & affirmatiuè. Disertè enim dicit, Christum non ideo esse sacerdotem in æternum, ut sæpius seipsum offerat: semel enim & unica oblatione, ut Pontifex ingressus est in sancta. Heb. 9. item cap. 7. Talis debebat ut nobis esset Pontifex, qui non haberet necessitatē, quotidie pro peccatis populi offerre: hoc enim fecit semel se offerendo. Et quidē fundamentum ibi ponitur, oblationē Christi repeti nō posse, nisi negetur id quod semel factū est, fuisse perfectum & consummatū: quia repetitio sacrificij sit signū imbecillitatis & sacerdotis, & sacerdotij sacrificij. Sed quomodo sacerdotium Christi potest perpetuū esse, si semel tantū, unica oblatiōe, ut Pontifex, sacerdotij sui sacrificiū pfecit et cōsumauit.

Hoc

Hoc uerò epistola ad Hebræos dilucidè explicat, monstratis multis rationibus. ut ca. 7. Eo quòd in æternum maneat, sempiternum habet sacerdotium: quia filius est in æternum perfectus. Sed quæ sunt sacerdotalia munera quæ exercet, post consummatam unicam crucis oblationem? num uerò ut sæpius & quotidie offerat pro peccatis populi? Nequaquam, inquit: sed quia saluare in perpetuum potest accedentes per ipsum ad Deum, semper uiuens ad hoc ut interpellet pro nobis. Et cap. 9. Christus Pontifex futurorum bonorum, per proprium sanguinem introiuit semel in sancta, æterna redemptione inuenta. item: Introiuit in ipsum cælum, ut appareat nunc uultui Dei pro nobis, nō ut sæpius offerat seipsum. cap. 10. Pontifex Leuiticus easdem hostias: sæpius & indefinenter offert. sed Christus, una pro peccatis oblata hostia, in sempiternum sedet ad dexteram Dei, de cætero expectans, donec ponantur inimici scabellum pedum eius. Unica enim oblatione consummauit in sempiternum eos qui sanctificantur. Habentes igitur sacerdotem magnam super domum Dei, accedamus cum uero corde, in plenitudine fidei, aspersi corda, &c.

Hæc manifesta sunt, ut nō opus sit pleniori uel explicatione uel refutatione huius primi argumenti. Neq; enim quia Christi sacerdotium sempiternum est, inde efficitur, Christum ideo sæpius &

A 4      quotidie



quotidie sacrificandum esse patri, pro uiuis & mortuis. Spiritus sanctus enim, propter rationes longè alias, tradit sacerdotium Christi perpetuum esse: quia scilicet, 1. sacerdos in æternum uiuat. 2. quia uirtus unicæ oblationis ipsius in sempiternum daret, & efficax sit. 3. quia semper uiuat, ad hoc ut apparens uultus Dei pro nobis, intercedat pro nobis. 4. quia per ipsum, ut sacerdotem magnum, habeamus accessum ad patrem. 5. quia in perpetuum saluare potest, et saluat, qui per ipsum ad Deum accedunt. Ex ipsa igitur Scriptura perspicuè ostenditur, nullam prorsus esse rationem consequentiæ in primo hoc Tridentino argumento: imò si referatur ad statum controuersie, de sacrificio propitiatorio, manifestum erit, conclusiorem argumenti, ut scilicet Christus in Missa quotidie offeratur, pro peccatis uiuorum & mortuorum, ex diametro pugnare cum expressa, & sæpius repetita uerbi Dei sententia, ad Heb. 7. et 10 Et hæc forsitan causa est, quòd argumentum illud, in primo capitulo, non integrum in sua forma proponitur, sed breuiter tantum attingitur, & cumulatim alijs rationibus, sophistico artificio inuoluitur.

2. Hominum natura exigit uisibile sacrificium. Ergo Christus instituit histrionicam illam in representationem passionis sue in Missa. Hoc argumentum alij Pontificij scriptores, clarius hoc modo formant & proponunt: omnibus scilicet gen-  
bus

bus à natura hoc dictari, ut in religionibus suis uisibili aliquo sacrificio utantur, ad impetrandam & promerendam Dei gratiam, pro donis huius uitæ, & pro salute æterna. Christum igitur à lege nature admonitum, instituisse Missæ sacrificium.

Sed facillima est huius argumenti refutatio. In causis enim religionis & fidei, non est iudicandum aut aliquid statuendum, ex eo quod natura peccato excæcata & deprauata dicat. hic enim fons, & hæc origo est omnium superstitionum, & totius idololatrici cultus. Sed lucerna pedibus meis, est uerbum tuum. Psal. 119. Et canon seu regula fidei est, non dictamen corruptæ naturæ, sed sonus Apostolorum. Psalmorum decimonono. & quidem ratio captiuanda est, in obsequium uerbi. secunda Corinthiorum decimo. Quod si Tridentinum capitulum dixerit, se hoc tantum uelle, imbecillitatem naturæ nostræ non posse aliter ad Deum subleuari, nisi uisibile aliquod sacrificium habeat: respondeo simplicissime: Quid utile & necessarium sit ad subleuandam & restaurandam infirmam & corruptam nostram naturam, non aliunde quam ex Medici nostri præscripto & ordinatione iudicandum.

3. Certum est, Christum in ultima cœna instituisse memoriam cruenti sui sacrificij, quæ in finem usq; seculi permaneret. Item, non est dubium Christum cœnam suâ instituisse, ut uirtus passionis

sue in remissionem peccatorum fidelibus applicetur. Iam Pontificij dicunt, sacrificium Missae sue esse representatiuum & applicatoriũ. Ergo Christus in ultima coena instituit sacrificium, Pontificia missa.

Respondeo: Referatur hoc argumentũ ad statum controuersiae, an scilicet Christus in ultima coena instituerit, memoriam suae passionis debere in Ecclesia fieri, per histrionicam illam representationem rituum, gestũ, & actionũ in missa Pontificia: item, an Christus ordinauerit & promiserit, si quis procuret pro se fieri talem Pontificiã representationem, quòd tunc & per hoc opus ipsi applicetur uirtus passionis Christi, ad remissionem peccatorum. Nihil certè horum, in institutione coenae Dominicae ostendi aut deprehendi potest: imò Christus in coena sua non tantum in genere instituit memoriam & applicationem passionis suae, ita ut humanis constitutionibus commiserit, quomodo & qua ratione fieri debeat illa commemoratio: sed expressit & praescripsit, ut memoria passionis suae in coena Dominica celebretur gratiarum actione, dispensatione, mädicatione & potatione corporis & sanguinis, item annunciatione mortis suae. Ita etiam modum applicationis in coena definiuit & praescripsit, quòd scilicet ipse Christus in coena sua, per ministerium, uerbo & dispensatione corporis sui & sanguinis sui, sub pane & uino

uino credentibus uelit applicare uirtutem passionis suæ: utq; fideles in usu coenæ, sumptione corporis & sanguinis Christi, uera fide sibi applicent merita & beneficia passionis. Quia igitur institutio coenæ Dominicæ, nihil habet de repræsentatione & applicatione Pontificiæ missæ, eomodo sicut in constitutione status huius disputationis dictum est: definit autem, & præscribit alium certum modum & commemorationis, & applicationis: tertium igitur Tridentinū argumentum, nihil profusus efficit ad stabiliendum sacrificium Pontificiæ missæ. Imò quia institutio illa Christi, forma testamenti tradita est: & scelus est, uel hominis testamento aliquid superordinare: manifestum igitur est, conclusionem tertij huius argumenti, in ipsam testamentariam filij Dei institutionem impingere: eo quòd fingat & instituat aliam commemorationem & applicationem quàm quæ in uerbis institutionis à Christo tradita & præscripta est.

4. Quartum argumentum tale est, in quo cardo totius Pontificiæ missæ ita uertitur, ut nisi hoc argumento probetur & stabiliatur, actum & conclamatum sit: An scilicet Christus in ultima cœna, corpus & sanguinem suum, non tantum discipulis dederit, uerum etiam sub speciebus panis & uini, Deo patri obtulerit. Agnoscunt enim, si Christus in cœna nō obtulit corpus & sanguinem suū Deo patri, missæ Pontificiæ sacrificium non posse



ut ueritas figuram implearet, sub speciebus panis et uini, corpus & sanguinem suum. Illud uerò non a-  
libi, quàm in cœna fieri potuit.

Ardua, & de re magna quæstio est. Illa enim quæ in nouo Testamento legimus Christum in cœna sua fecisse, prorsus nihil ad sacrificij rationē, uel specie al qua alludunt. Accepit siquidem panē, gratias egit, fregit dedit discipulis, iussit accipere, manducare, dixit: Hoc est corpus meum. item: Accepit calicem, dedit illis. iussit ut biberent, dixit: Hic est sanguis meus. Et hoc mandauit fieri in sui commemorationem. Nihil ibi uel legimus uel audi-  
mus, quod Christus in ultima cœna corpus & san-  
guinem suum sacrificauerit Deo patri, pro uiuis & mortuis. Valde fortem igitur oportet esse de-  
monstrationem, quæ persuadeat, Christum in cœ-  
na sua hoc fecisse, cuius nullum uestigium in de-  
scriptione cœnæ Dominicæ in nouo Testamento  
apparet. Sed inquis, Nonne omni demonstratione  
certius est, Christum esse sacerdotem secundū or-  
dinem Melchisedech. Est omnino: Scriptura enim  
hoc affirmat, Psal. 110. Heb. 9 & 10. Sed cōtrouer-  
sia est, nō de hac propositione, sed de illis quæ at-  
texuntur. 1. An Melchisedech sacrificauerit Deo  
patri panē & umū in illa historia, quæ Gen. 14.  
describitur. 2. An sacerdotiū Christi, secundū ordi-  
nem Melchisedech, in eo consistat, quòd in cœna  
corpus & sanguinem suum, sub speciebus panis et

uini sacrificarit patri. Vetus quidem translatio habet: Melchisedech obtulit panem & uinum, erat enim sacerdos altissimi. sed Moses ita non scripsit. Vtitur enim non uerbo sacrificatorio, sed inquit **וַיִּבְרַח** quod simpliciter significat depromere, producere. Ita educitur gladius, Ezech. 21. educuntur ueni, Ps. 135. producumur pediculi, Exod. 8. educitur aqua de petra, Num. 30. coquitur farina quam ex Aegypto exportarant, &c. Accedit, quod nec Chaldaeus paraphrastes, nec Graeci interpretes sententiam illam reddiderunt per uerbum sacrificandi, sed per simplex uerbum educere, seu proferre. Iosephus interpretatur, Melchisedechū ad refectiōem exercitus Abrahamae protulisse panem & uinum. Chrysostomus explicat istū locum de prolato, non de oblato pane & uino. Veteres etiam Latini patres, in textu illius loci non legunt, Obtulit: sed, Protulit panem & uinum: sicut ex Cypriano constat. Neq; hoc habet Moses. Erat enim sacerdos, ideo obtulit panem & uinū: sed bis repetit copulam. Et erat sacerdos, & benedixit, Graeci etiam interpretes non habēt partikulam **καὶ**: sed **αὐτὸς**. Erat uerō sacerdos, & benedixit. ut sententia ita distribuatur: Quia rex erat, ideo protulit panem et uinum quia sacerdos erat, ideo benedixit. Iam consider eur Tridentinum argumentum. Volunt probare, quod Scriptura noui Testamenti non habet, Christum scilicet in coena se ob-

se obtulisse Deo patri. Quomodo uerò illud probant? Quia Melchisedech, aiunt, obtulit Deo panem & uinum. Atqui hoc Scriptura non dicit, sicut ostensum est. Qualis igitur in re tam ardua et seria, argumentatio est? Sed excipiunt: Licet uerba Moſis hoc non exprimant, fieri tamen potuit, quòd sacrificarit panem & uinum. Veteres enim plerunq; non nisi facta re diuina, ad solennes epulas accedebant. Vicelius dicit: Quia Moſes nò exprimit, cui Melchisedech protulerit panē & uinum: potest igitur intelligi, quòd non Abraham ad reſectionem, sed Deo ad rem diuinam faciendam protulerit. Nos uerò non disputamus, quomodo uel hic uel ille locum Moſis interpretari, uel quid de ſententia ſuſpicari aut fingere ſiue uelit ſiue poſſit: ſed quæſtio eſt, qd Moſes ſcribat, quid Scriptura dicat. Illud enim uniuersaliter ualet, cū in tota Scriptura, cū uerò præcipuè in historia Melchisedechi, quatenus eſt typus Chriſti. Quis enim tacente Moſe, nò colligeret, Melchisedechū, quia non Deus, nec angelus, ſed homo fuit, habuiſſe patre, matrem, principium dierum, & ſinem uitæ? Atqui in historia Melchisedech, quatenus eſt typus ſacerdotij Chriſti, ea tantum quæ expreſſè in Scriptura ponuntur, conſectanda eſſe, Scriptura oſtendit: ita ut in typo ſacerdotij Chriſti, affirmet Melchisedechū fuiſſe ſine patre, matre, principio dierū, et ſine uitæ, ppter ea q, Moſes illa expreſſè

non pōnat: qui ideo hęc omisit, ut ipsa omīssio seruiret typo sacerdotij Christi, iuxta ordinem Melchisedech. Hęc contra omnes cauillationes sunt firmissima. Deinde etiamsi concederetur, Melchisedechū obtulisse panem & uinum: scimus tamē, ex figuris nō esse fabricanda dogmata, sine certa & manifesta Scripturę explicatione. Psalmus igitur 110. affirmat, Christū esse sacerdotē, secundū ordinē Melchisedech. Quomodo uerō, & qua in re cōueniant sacerdotiū Christi et Melchisedech, nō explicat. Illud uerō epistola ad Hebręos expressō sumit declarandum, prolixa & iusta explicatione. Sed cū multas partes collationis sacerdotij Melchisedech & Christi recitet et explicet, nullā prorsus mentionē facit oblationis panis & uini, aut q. illam Christus impleuerit in cœna, offerendo corpus & sanguinē suū patri. Nec ualet quod Osius dicit, Apostolū illā partē collationis omīssisse, propterea quōd mysteria Sacramentorū rudibus & nondum initiatis quibus epistolā illā scripserit, noluerit pandere. Nam ca. 6. dicit: Intermitte sermonē inchoationis, ad perfectionē feramur. Postremò typus sacerdotij Melchisedech, consistit in ijs quę non communia habet cum sacerdotio Aaronico, sed in quib. discernuntur, Melchisedech & Aaron. Sed sacrificiū panis et uini, quotidianum fuit in sacerdotio Aaronico: Exo. 29. Num. 28. Quomodo igitur consisteret, Christi sa-

cerdotium



dotium esse, non secundum ordinē Aaron, sed Melchisedech: si sacrificiū panis & uini, præcipuum, atq; adeo totum esset in sacerdotio Christi?

Certò igitur, firmiter & euidenter demonstratum est, figuram Melchisedech, quatenus illa in Scriptura ponitur & explicatur, nequaquam efficere uel probare, quòd Christus in cœna corpus et sanguinem suum Deo patri obtulerit. Quòd uerò Patres alicubi tali allegoria utimur, scimus Patres suis siue allegorijs, siue interpretationibus, siue Scripturæ testimonijs nec debere nec posse articulos fidei condere. Nec tale sacrificium Patres intelligunt, quomocunq; de oblatione panis & uini loquantur, quale Pontificij in sua Missa habent: sicut in constitutione status descriptum est. Sed de patribus postea dicemus. Nunc satis est ostendisse, nec ex ueteri nec ex nouo Testamento probari posse, quòd Christus in cœna se obtulerit patri. Et si ipse non fecit, nemo illud facere debet. quod enim ipse in cœna fecit, Apostolis postmodum faciendum mandauit.

5. Christus dixit: Hoc facite. Ergo præcepit, ut sacerdotes in Eucharistia offerrent corpus & sanguinem Christi. Rationem consequentiæ Tridentini hanc esse tradunt: quia scilicet Christus ipse, in prima Dominica cœna corpus & sanguinem suum patri obtulerit, sicut Melchisedech. Sed iam ostendimus, falsò hoc affirmari. Nō itaq; sequitur  
inda

inde conclusio illa, quam Pontificij fingunt.

Sed excipiunt, uerbū  $\text{רצו}$  saepe usurpari pro sacrificare. ut Exod. 29. facere agnum iuuenem. Iud. 6. facere hœdum. Ps. 66. facere boues cū hircis. Num. 16. facere holocaustum. Respondeo: Sicut apud Latinos uerbum facere, ex adiunctis uariis sortitur modos significandi: ita Hebræis non absolutè significat sacrificare, sed ubi textus manifestè loquitur de sacrificio. Considerentur itaq; uerba cœnæ, Hoc facite. Contendunt autem,  $\text{רצו}$  referri non ad totum complexum, sed qd anecedens uocabulum, corpus & calicem: ut sensus sit, Facite corpus & calicem: hoc est, sacrificate. Sed etiamsi hoc concederetur, prius certò demonstrandum esset, in prima illa cœna fuisse actionem sacrificij. Iam uerò Paulus certissimus est interpres, relatiuum  $\text{רצו}$ , in mandato Christi, Hoc facite, referri ad totam actionem præcedentem: hoc scilicet, quod in prima hac cœna factum est, uos in posterum facite. Mandatum igitur Christi, Hoc facite, nihil aliud efficit, quàm ministros Ecclesiæ, in administratione cœnæ Dominicæ hoc debere facere, quod constat & certum est, Christum in institutione cœnæ fecisse. Non autem legitur ibi, sacrificasse aut obtulisse patri corpus & sanguinem suum. Ergo nec sacerdotes hoc facere debēt, si nolunt  $\text{μαρτυροῦναι}$  à Christo iudice accusari. Vide autem ingenium Thaidis Babylonice.

Quæ Christum in cœna sua fecisse certò constat, illa Pontificij uel negligunt uel prohibent: ut publicam annunciationem mortis Dominicæ, & dispensationem utriusq; speciei. Quæ uerò Christus in cœna sua fecisse non legitur, de illis solis Pontificij faciendis dimicant. Atqui testamentaria est institutio. Et in testamento, non sine scelere aliquid uel mutatur uel superordinatur.

6. Christus Apostolos constituit noui Testamēti sacerdotes: ergo præcepit ipsis ut offerrent corpus & sanguinem ipsius. Hoc argumentum multis rationibus amplificatur à Pontificijs scriptoribus: quia scilicet Scriptura uaticinatur, abrogatio ni Leuitici sacerdotij successurum sacerdotiū noui Testamenti, ita ut uetus sacerdotium figura fuerit noui. Isa. 66. Ieremiæ 33. Malach. 3. Sed definitio sacerdotis, ita traditur Heb. 5. Omnis Pontifex ex hominibus assumptus. pro hominibus constituitur, in his quæ sunt ad Deum, ut offerat dona & sacrificia pro peccatis. Ergo sacrificulorum officium est, in Missa offerre Deo patri corpus & sanguinem Christi, pro peccatis uiuorum & mortuorum: quia soli presbyteri, sunt noui Testamenti sacerdotes. Hoc argumentum multa complectitur mēbra, quæ ordine paucis explicanda sunt. ita enim clarissimè apparebit, quàm crassus paralogismus sit in hoc argumento. Nam ut primò dicamus de sententia. Heb. 5. certum est, textum ibi  
non

non loqui in genere, quod sit officium ministrorū uerbi et Sacramentorū in nouo Testamēto, sed de sacerdotio ueteris Testamēti: expressē uerō et solum de summo Pontifice loquitur, qui figura fuit Christi: illā uerō figurā postea tradit impletā esse in sacerdotio et sacrificio Christi: non ita, ut in nouo Testamento per plures sacerdotes sibi succedentes, unica et eadē illa hostia pro peccatis, sepius et quotidie repeteretur et offerretur. hoc enim expressis uerbis Apostolus negat, Heb. 7. 9. et 10. Sed figura illa, in unica oblatione Christi. semel in cruce facta, impleta est, Heb. 9. et 10. et quidē ita, ut in nouo Testamēto, inuēta aeterna redēptione, et acquisita cōsummata remissione peccatorū, per unicā oblationē, semel in cruce factā, nō sit amplius oblatio p peccato. Si uerō prater unicā illā, semel in cruce factā, alia uel eadē repetita oblatio pro peccato, in nouo Testamēto ponatur, sequetur, sacrificiū Christi in cruce nō fuisse cōsummatū, nec promeruisse remissionē peccatorū, et aeternā redemptionē. hæc enim sunt uerba, et hæc est sentētia epistolæ ad Hebræos. Falsissimē igitur ad stabiliendū sacrificiū Pōtificiæ missæ p peccatis uiuorū et mortuorū, detorquetur sentētia illa Heb. 5. Porro leuiticū sacerdotiū fuisse figurā sacerdotij noui Testamēti, nullus dubitat. Sed q, sit illud sacerdotiū noui Testamēti, quod abrogato ueteri successerit, non possumus rectius et certius, quā



us, quā ex ipsa noui Testamēti explicatione statuere. Primò igitur epistola ad Hebræos, à 5. cap. usq; ad 10. prolixè explicat, q̄ Leuiticum sacerdotiū præfigurari sacerdotium Christi: quodq; figura illa impleta sit, unica oblatione Christi, semel pro peccato in cruce facta: atq; ita per impletionem antiquitatū & abrogatum sit Leuiticū illud sacerdotiū. Præterea uerò Scriptura noui Testamenti, mentionē facit etiā regalis & sancti sacerdotij: 1. Pet. 2. & Apoca. 1. 5. & 20. Christus fecit nos reges et sacerdotes. in solis enim illis quatuor locis, præter unicū Christi sacerdotiū, mentio sit sacerdotij regalis in nouo Testamēto. Illi uerò loci nō de solis presbyteris, sed in genere de omnibus fidelibus loquuntur: quibus certè Pontificij, missificationes suas nullo modo cōmunes facient. Et hostias quæ in illo noui Testamēti sacerdotio offeruntur Scriptura disertè describit, q̄ sint spirituales: & quales sint, expressè & nominatim enumerat: sicut in principio huius disputationis, testimonia illa Scripturæ annotauimus, Ro. 12. & 15. Phil. 2. et 4. Heb. 5. & 12. 1. Pet. 2. Nulla aut̄ ibi mentio sit sacrificij Missæ. Vides igitur, quā ἀσυνλόγητον, imò q̄ sophisticū sit, in cōclusionē sacerdotiū restringere ad solos sacrificos: cū in præmissis Scriptura loquatur uel de unico Christi sacerdotio, uel de spiritali sacerdotio noui Testamēti q̄ cōmune est omnibus fidelib. Cumq; Scriptura hostias sacerdotij  
nouī

noui Testamenti, expresse & nominatim enumeret: conclusio huius argumenti, omiſſis illis, affingit propitiatorium sacrificium Pontificiæ missæ, de quo Scriptura nullam mentionem facit in descriptione sacerdotij noui Testamenti: imò quod epistola ad Hebræos ostendit pugnare cum unica oblatione Christi, pro peccatis semel facta.

Sed excipiunt: Num igitur nullū uel constituiſtis uel seruatis discrimen, inter ministros Ecclesiæ, & inter reliquos fideles? Omnino constituiſmus & seruamus discrimen, quod ad ministerium attinet. Sed inde non sequitur, ea quæ de sacerdotibus noui Testamenti Scriptura tradit, ad solos Ecclesiæ ministros pertinere. Nam quod memorabile est, cum Scriptura noui Testamenti uarias appellationes tribuat ministerio, in nullo tamen noui Testamenti loco, ministri uerbi & Sacramentorum sacerdotes appellantur. Omnino tamen uerū est, ratione ministerij quædam ad ministros Ecclesiæ pertinere, quæ reliquis fidelibus peragenda non sunt mandata. Sed quæstio est, quæ & qualia illa sint: nec sufficit si dicatur: in ueteri Testamento, actus sacrificij fecit discrimen inter sacerdotes & laicos: ergo idem etiam in nouo Testamento esse debet. Primò enim, nota est doctrina de abrogato leuitico sacerdotio ueteris Testamenti. Secundò, appellatio sacerdotum in nullo loco noui Testamenti tribuitur ministris uerbi et Sacramentorum.

Tertiò

Tertiò, sicut in ueteri Testamento sacerdotes non propria autoritate sibi finxerunt, quæ ad ministerium suum pertinere uellent, sed habuerunt uerbum præscriptum & mandatum Dei, quod in actionibus ministerij sui secuti sunt. Vt ergo de appellatione sacerdotum, an ministris noui Testamenti tribui possit, non contendamus: hoc certè fundamentum firmum & immotum est, de officijs ministrorum noui Testamenti, iudicandum & statuendum esse ex uerbo, præscripto & mandato, quod in Scriptura noui Testamenti, de ministerio traditum est. Loci autem illi extant Mathæi 10. 26. & 28. Marci 16. Act. 1. & 6. 1. Cor. 4. & 12. itè 14. 2. Cor. 5. Eph. 4. Acto. 20. 1. Tim. 3. Tit. 1. Sed in illis locis nec oratio, nec dictio, nec syllaba, nec littera ulla extat, ministros noui Testamenti debere histrionica representatione in Missa, offerre Deo patri corpus & sanguinem Christi, in sacrificium propitiatorium, pro peccatis uiuorum & mortuorum. imò illud pugnat cum sententia uerbi Dei, in epistola ad Hebræos. Manifestum igitur est, quid efficiat, & quantum ualeat sextum Tridentini capituli argumentum: Christus Apostolos constituit noui Testamenti sacerdotes: ergo ipsis, & eorum in sacerdotio successoribus mandauit, ut offerrent in Missa, &c.

7. Agnus Paschalis fuit figura Christi. Sed Pascha in ueteri Testamento non tantum manducaba-

tur. sed simul etiam immolabatur. Ergo Eucharistia non tantum dispensanda & sumenda, sed & in Missa immolanda est, in sacrificium propitiatorium pro peccatis uiuorum & mortuorum. Aniamaduertit lector, Pontificios in controuersia de re magna & ardua, non certis & perspicuis Scripturae testimonijs, sed umbris & figuris agere: cum maxime in hac disputatione locum habere deberet, quod Augustinus inquit contra epistolam Petiliani, cap. 16. Non ea colligant & commemorent; quae obscure, ambigue uel figurate dicta sunt, quae quisque sicut uoluerit, interpretetur secundum sensum suum talia enim recte intelligi exponique non possunt, nisi prius ea quae apertissime posita sunt, firma fide teneantur. Sed aliquid proferte, quod non egeat interprete: nec unde conuincamini, quod de alia redictum sit, & uos aliud ad uestrum sensum detorquere conemini. Et cap. 19. inquit: Haec mystica sunt, operta sunt, figurata sunt: aliquid manifestum quod interprete non egeat, flagitamus. Item: quid si ambigue posita, & pro nobis & pro uobis possunt interpretari: nihil uique adiuuant causam uestram, sed plane talia malam causam uel moras faciendò sustentant. ita Augustinus. Et ex figura agni Paschalis multa possent extrui, ne ipsi quidem Pontificiae missae tollerabilia. Sicut enim agnus Paschalis non simpliciter oblatus, sed mactatus est: ita oportet Missam esse sacrificium

ualde



ualde cruentum . uerbum enim **UND** significat  
 mactare cum effusione sanguinis . Nec à sacer-  
 dotibus , sed à multitudine immolabatur agnus  
 Paschalis : idq; non in sacrificium propitiatorium  
 pro peccato , sed in memoriam liberationis Ae-  
 gyptiacæ . Hæc certè non patientur Pontifi : ij ita  
 ad suam Missam accommodari . Possemus igi-  
 tur totum illud argumentum de umbrâ & figu-  
 ra , hoc modo declinare : sed de re ipsa responde-  
 bimus . Non negamus , mactationem agni Pascha-  
 lis fuisse figuram , immolationis Christi . Paulus  
 enim inquit : Pas. ha nostrum immolatus est Chri-  
 stus . Quæstio uerò est , ubi & quâdo figura illa ma-  
 ctationis agni Paschalis , à Christo impleta sit . Pon-  
 tificij dicunt , nō in cruce , sed in cœna hoc factū esse .  
 Sed Scriptura noui Testamēti contrariū affirmat .  
 Nam Baptista , Io . 1 . uocat Christū , agnū Dei tollen-  
 tē peccata mūdi . Petrus uerò disertè affirmat , Chri-  
 stum tulisse peccata nostra in corpore suo , super li-  
 gnū , 1 . Pet . 2 . Apoc . 1 . 5 . Dignus est agnus qui occi-  
 sus est , & redemit nos Deo in sanguine suo , &c .  
 1 . Petri 1 . Redempti estis non corruptibilibus , sed  
 precioso sanguine , quasi agni immaculati . Et quod  
 testimonium omnium clarissimum est , Ioannis 19 .  
 expresse scriptum est , figuram immolati agni Pa-  
 schalis , in Christo in cruce impletam esse , Os non  
 cōminuetis ex eo . Et ita canit Ecclesia : Cū Pascha  
 nostrum immolatus est Christus ipse enim uerus

est agnus, qui abstulit peccata mundi, qui mortem nostram moriendo destruxit, &c. Vtrunq; igitur in Christo impletum esse, & immolationem et manducationem agni Paschalis, certum est. Quomodo uerò, quando & ubi, non ex nostris allegorijis, sed ex declaratione Scripturæ noui Testamenti discendum est: quæ affirmat, Christum Pascha nostrum immolatum esse in cruce semel: dari uerò ad manducandum in coena, quotiescunq; iuxta institutionem hoc fecerimus, quod in prima coena Christus fecit. Paulus 1. Cor. 5. manducationem quidem azymorum, per allegoriam transfert ad nouam uitam: immolationem uerò non alibi, quam in maestatione Christi impletam esse dicit.

8. Malachias uaticinatur cap. 1. In omni loco sacrificatur, & offertur nomini meo oblatio munda, quia magnum est nomen meum in gentibus. Illud sacrificium non potest intelligi de Leuiticis. de illorum enim abrogatione ibi dicit: Non suscipiam munus de manu uestra. Nec de sacrificio crucis quod Hierosolymis factum est, intelligi potest: dicit enim, In omni loco sacrificatur. Nec de interioribus & spiritualibus sacrificijs fidelium intelligi potest: illa enim etiam tempore ueteris Testamenti fuerunt. Propheta uerò ibi uaticinatur de plane nouo sacrificio, quod antea non fuerit. Item de iusticijs fidelium dicit Isaias, quod per se coram Deo sint tanquam pannus menstruata. Hanc uerò oblationem

tionem uocat mundam. Reliquum igitur est, ut de sacrificio missæ Pontificiæ intelligatur. ibi enim hostia, Christus scilicet, per se munda est, quæ nulla indignitate aut malitia offerentium inquinari potest. Respondeo, in memoriam reuocetur, quis sit status controuersie: An scilicet Malachias affirmet, sacrificulum in Missa, debere certis illis minimis gestibus, ritibus & actibus, sicut apud Pontificios fit, representare pane et uino, Deo patri passionem filij sui: & illam actionem representationis, esse sacrificium Deo gratum, & quidem propitiatorium, ad expianda & delenda peccata uiuorum & mortuorum: & quæ præterea Pontificiæ missæ tribui, supra ostendimus. Horum certe nihil Malachias, uel unico uerbo meminit. Quantum igitur ad probandum & stabiliendum missæ Pontificiæ sacrificium, hoc Malachiæ uaticinium conferat, ex sola collatione status controuersie ad sententiam prophete, manifestum est.

Sed inquirunt: Tamen uaticinatur de oblatione quæ inter gentes in omni loco, hoc est tempore noui Testamenti sacrificetur & offeratur. Lego hoc quidem in uerbis prophete: sed generaliter, sine declaratione, quòdnam futurum sit illud sacrificium. In Scriptura uerò noui Testamenti, lego explanationem, quæ sint sacrificia fidelium in nouo Testamēto, spiritualia scilicet, sicut supra loca Scripturæ notata sunt. Nec uerum est quod Pontificij

dicunt, Prophetam uaticinari de nouo sacrificio, cuius nullus prorsus usus fuerit apud fideles, tempore ueteris Testamenti. Non enim loquitur de nouo, sed de mundo sacrificio: & antithesin facit, non inter spiritualia ueterum sacrificia, & inter mundam illam oblationem inter gentes: sed nominat Leuitica sacrificia, quæ in uno saltem loco Iudææ offerebantur, & stomachatur quòd illa prauè offerebantur: illis uerò opponit mundam oblationem inter gentes. Et non obscure declarat, quid per illam intelligi uelit. inquit enim: Nomen meum magnum est in gentibus. Quia igitur publica celebratio nominis diuini, quæ hætenus angustijs Palestine circumscripta fuerat, propaganda erat inter gentes, ut in omni loco nomen Domini magnificaretur prædicando, credèdo, inuocando, gratias agendo, celebrando, &c. hanc magnificationem nominis Dei, uocat oblationem & sacrificiū: sicut Prophetis usitatū est, cultum noui Testamenti describere phrasibus ceremoniarum ueteris Testamenti: ut, ascendere in montem Domini, imponere uitulos super altare, &c. Ita cap. 3. idem Propheta dicit: Erunt offerentes sacrificia in iusticia. Psalmus uerò 3. dicit, sperare in Domino, esse sacrificium iusticiæ.

Habemus igitur ipsius prophetae interpretationem. cui accedit, quòd nouum Testamentum inter spiritualia sua sacrificia, numerat 1. Petri 2. an-  
nunciare



nūnciare uirtutes eius, qui nos de tenebris uocauit in lucem. Roman. 15. sacrificare Euangelium. Phil. 2. sacrificium fidei. Heb. 12. uituli labiorum sunt, confiteri nomini Domini: item, sacrificium inuocationis, gratiarum actionis, &c.

Et collatio ostendit, Scripturā usurpatione eorundē uerborū monstrare, quæ sit uera sententia loci Malachiae. Prophetam enim ibi loqui de uocatione gentiū, certū est. De illa uerò etiam Paulus loquitur, Ro. 15. & Phil. 2. Malachias uocat sacrificium & oblationē. Et iisdē planē uerbis Paulus Ro. 15. describit uocationē gentiū. Phil. 2. uocat sacrificiū fidei. David Psal. 142. ubi elevationē manū uocat sacrificium, planē illo uocabulo utitur, quod extat in sentētia Malachiae & 1. Tim. 2. Paulus dicit, Eleuari mundas manus. Quæ igitur sit munda oblatio in Malachia, Scriptura non obscure indicat. Et quando talem interpretationem, ex ipsa Scriptura desumptam habemus, errare nō possumus. De Pōtificio uerò sacrificio Missæ prouiuis et mortuis, nihil habet Scriptura uel ueteris uel noui Testamenti, imò cū ea ex diametro pugnat: sicut ostēdit epistola ad Hebræos. Quæ igitur dementia est, à simplici sententia, quæ habet certa & manifesta Scripturæ testimonia, discedere: et comminisci peregrinam explicationē de sacrificio Missæ, quæ nullis Scripturæ testimonijs nititur, imò quæ cum Scriptura, aduersa fronte pugnat?

## 764 EXAMEN DECRETORVM

Quod uerò Malachias uocat oblationem mundā, cū tamē iusticie piorū in hac uita sint sicut pānus menstruatae: non efficit, quo minus rectē de spiritalibus Ecclesie sacrificijs locus ille intelligatur. Petrus enim dicit: Offerētes spirituales hostias, acceptabiles Deo per Iesum Christum. Inde fideles in oratione dicuntur eleuare puras manus, 1. Tim. 2. Mundis enim omnia munda sunt. Tit. 1.

Et ueteres etiam Ecclesie scriptores, de spiritalibus noui Testamenti sacrificijs, sententiam illam Malachiae intelligunt et interpretātur. ut Tertullianus in libro contra Iudeos: Malachias ita uaticinatur, indubitatē ideo, quod in omni terra exire habebat prādicatio Apostolorum. Nam quod non terrenis sacrificijs, sed spiritalibus Deo litandum sit, legimus: Cor contribulatū, hostia est Dei. Et de spiritalibus addit, dicens: In omni loco sacrificia munda offerentur nomini meo. Hec ibi. Et contra Marionem lib. 3. Intelligit per hoc uaticinium, gloriæ relationem, benedictionem, laudem & hymnum. Lib. 4. Intelligit simplicem orationem de conscientia pura.

Chrysostomus Oratione 2. aduersus Iudeos exponit de cultu spiritali. Ita & Hieronymus in commentarijs, exponit de orationibus, & de cultu spiritali.

Eusebius de demonstratione Euangelica lib. 1. cap. 6. dicit, Malachiam nihil aliud significare, quam

quàm quòd non definitè uel Hierosolymis, uel alio loco, sed in omni regione gentes orationis incensum & sacrificium, quod mundum dictum est, non per cruores, sed per pias actiones summo Deo essent oblaturæ.

Iustinus in Triphone, interpretatur quì lem locum illum Malachie, de pane & poculo Eucharistie: non quòd sentiat, corpus & sanguinem Christi in cœna offerri Deo pro uiuis & pro mortuis: sed ipse se explicat his uerbis. Præcepit panem facere Eucharistiam, in memoriam passionis, ut gratias agamus: & quòd mundum cum omnibus, hominis causa condidit: & quòd nos à peccatis liberauit, & potestates delcuit per passionē. Propter spiritualia igitur sacrificia, locū illum Malachie accommodat ad actionem cœnæ Dominicæ.

Irenæus etiam libro 4. sententiam illam Malachie, de celebratione Eucharistie interpretatur: non uerò ita, quòd ibi histrionica representatione corpus & sanguis Christi, patri offeratur pro uiuis & mortuis: sed ideo & inde (sicut ipse se explicat) quòd tunc in celebratione Eucharistie moris erat, Deo qui alimenta nobis præstat, primitias munerum suorum seu creaturæ suæ offerre: non quasi indigēti, sed gratias agentes donationi eius, sicut Solomon inquit: Qui miseretur pauperis, foeneratur Domino, item: Esuriui, & dedistis mihi manducare. Hæc sunt Irenæi uerba: ex quibus pla-

num fit, ipsum intelligere contributionem elemosynarum pro pauperibus, quæ fiebat in actione Eucharistiæ. Et illam uocat sacrificium ideo (sicut ipse inquit) quia per munus erga regem honos & affectio ostenditur: item, quia in omni simplicitate & innocentia in sententia pura, & fide sine hypocrisi, & spe firma, in dilectione feruenti, um gratiarum actione, primitias creaturarum eius offerre debemus, in illum usum, sicut Scriptura inquit: Qui miseretur pauperis. item: Esuriui, & dedistis, &c.

Irenæus igitur non de Pontificio sacrificio, sed de spiritualibus sacrificijs, quæ cum alijs semper, tum uerò præcipuè in administratione & usu Eucharistiæ fieri debent, interpretatur locum Malachiæ. Et in fine 33. capitis subiungit: Altare est in cœlis: illuc preces nostræ & oblationes nostræ diriguntur.

Ita Augustinus contra aduersarium legis libro primo, cap. 20. uaticinium illud Malachiæ, interpretatur de sacrificio secundum ordinem Melchisedech, & mentionem facit Eucharistiæ. Non autem de mimica representatione Pontificiorum loquitur, sed inquit: Immolat Deo in corpore Christi, hostiam laudis Psal. 50. Et addit: Incensum de quo Malachias loquitur, Iohannes Apoc. 5. interpretatur esse orationes sanctorum.

Hec loca, Iustini, Irenæi & Augustini, ideo obseruamus



seruentur, ut artificium Pontificiorum intelligatur. Quia enim ueteres illi, locum Malachiae ad actionem Eucharistiae accommodant, licet clarissime se explicent, quomodo hoc intelligi uelint: Pontificij tamen illis omnibus dissimulatis, ubi mentionem Eucharistiae audierint, mox ueteribus affingunt Missam suam. Nec Scripturae igitur, nec ueterum interpretationes permittunt, locum Malachiae, de histrionico Pontificiae missae sacrificio intelligere.

9. Paulus prima Corinth. 10. confert mensam Domini, & mensam demoniorum: et per mensam utroque altare intelligit. Sicut ergo Ethnici habuerunt altaria, in quibus primum sacrificabant, & postea de sacrificatis comedebat: ita & in Missa altare esse debet, ubi corpus & sanguis Christi primum sacrificentur, & postea participantur.

Principio consideret lector, qualia suffragia & patrocinia habeat missa Pontificia. Ex umbris & figuris ueteris Testamenti anxie, quaecunque possunt conquirunt, & huc detorquet. Cum uero illis non satis fidant, & Ethnicorum sacrificijs quae demonijs offeruntur, deploratae Missae subsidium accersere non uerentur: non dissimili ratione, sicut ille apud Virgilium inquit:

— Vos mihi manes

Esto boni, quoniam superis auersa uoluntas.

Quod autem ad illam Pauli collationem attinet,  
sires

## 768. EXAMEN DECRETORVM

Si res ipsa de qua Paulus loquitur, quomodo se habeat, consideretur: manifestum erit, quàm falsò ille locus Pauli, ad stabiliendum Pontificiæ missæ sacrificium detorqueatur. Mos erat apud Iudæos, post peractum in altari sacrificium, de partibus seu reliquijs sacrificij instruere mensas, seu solennes epulas: sicut exempla testantur, 1. Reg. 1. et 16. Ita etiam gentes, post peracta in aris sua sacrificia, instruebant mensas seu solennes epulas, ad quas amicos inuitabant: sicut 8. Aeneid. Euander post sacrificium Herculis, Aeneam inuitat ad epulas. Iam apud Corinthios disputabatur, nō hæc questio, An Christianis liceret apud aras gentilium interesse ipsorum sacrificijs, & simul sacrificare demonijs. hoc enim ut manifestā idololatriā, non licere manifestū est: sed hæc erat questio. Cū Ethnici post peracta in tēplis & aris sacrificia, postea domi mensas seu epulas de idolothytijs instruerēt, & ad illas mensas, amicos & uicinos, etiā qui iam Christiani facti fuerant, inuitarent: questio inquā erat, an Christiani bonā consciētia, illis mensis seu epulis interesse possent: hoc est, questio erat non de aris ubi sacrificabatur, sed de mensis ubi sacrificata comedebātur. Et hinc patet Tridentinā fallacia, per mensam intelligendum esse altare sacrificatoriū: cum nec Iudæi, nec gentes in aris, sed in mensis, ea quæ sacrificata erant, comederint.

Ad illam igitur propositam questionem, Paulus

lus primò cap. 8. ita respondet: Quia & idolum & idolothyum nihil sit, ideo extra casum scandali, si quis libertatem Christianam rectè intelligat, sine læsione propriæ conscientiæ comedi atq; etiã emi posse idolothya: habendam tamen esse rationem infirmiorum. Deinde cap. 10. addit hanc commonescationem: Quamuis liberum sit, non tamen convenire, ut simul quis & mensæ Domini & mēse demoniorum particeps sit. Et rationem addit: Quia, inquit, qui in Israel hostias sacrificatas comedunt, illa manducatione participes redduntur altaris, hoc est sacrificij, quod in altari oblatū est. Et gentes quia quæ immolant, demonijs immolant: ergo participatio mensæ idolothytorum, ostendit conuiuas cupere participes fieri sacrificij idololatrici: imò gratiæ & auxilij demoniorum, propter quæ sacrificium illud demonijs oblatum est. Christiani uerò in mensa Domini, eius sacrificij quod à Christo in cruce oblatum est, participes redduntur. Ergo non decet, ut simul etiam mensæ demoniorum participes sint.

Hæc est simplex, uera, & genuina sententia Paulinæ collationis, inter mensam Domini et mensam Israelitarum, item demoniorum. Et hæc collatio pulcherrimè illustrat doctrinam de cœna Domini. Sicut enim Israelitæ, sacrificij in altari oblatis participes reddebantur, communionem non alterius cibi, sed partium seu reliquiarum de illo ipso quod

quod in sacrificio oblatum erat: ita filius Dei, sacrificij sui in cruce peracti participes nos facit, non communionem frustuli panis, sed dispensatione & manducatione illius corporis, quod pro nobis in cruce traditum est. Et sicut Moses Exodi 24. populo applicaturus & obsignaturus uetus Testamentum, hoc facit asperzione non alterius, sed ipsius sanguinis, qui pro confirmatione fœderis sacrificatus erat: ita Christus illum ipsum sanguinem in cœna bibendum nobis tradit, cuius effusione nouum Testamentum confirmatum est. Hæc collatio & confirmat doctrinam de uera & substantiali præsentia corporis & sanguinis Domini in cœna, & suauissimam consolationem ex eius usu ostendit.

His ita declaratis, facile iam erit uidere, an ex illa Paulina collatione confirmetur & stabiliatur sacrificiũ Pontificiæ missæ. Hactenus enim conuenit collatio, sicut Iudæi & gentes ea quæ sacrificata erant, in mensa illis de quibus iam loquimur, comedebant: ita etiam oportet ea quæ in mensa Domini sumimus, sacrificata esse. Sed ubi, & quādo? Num necesse erat, ut in ipsis mensis illorum conuiuium fieret sacrificium? Minimè. ita enim Paulus non dixisset, Christianos posse interesse mensis seu cōuiuijs illis Ethnicarum. Nec necesse erat, si post unum atq; alterum sacrificij diem, mensa illa instrueretur, ut rursus in mensa repeteretur actio sacrificij:



trificij: sed sufficebat, id quod in illo conuiuio sumebatur, antea fuisse in altari sacrificatū. Ita cum Christus unica oblatione semel, corpus & sanguinem suum in cruce patri pro peccatis nostris obtulerit: non necesse est, ut illa in mensa Domini iterum sacrificentur, quotiescunque ea sumpturi sumus: sed sufficit illa nos sumere quæ antea oblata sunt, in cruce scilicet. Viq; liberum sit, sacrificia Leuitica & Ethnica repetere: certè sacrificium Christi repeti nec posse nec debere, Scriptura expressè sæpius contestatur. Heb. 9. & 10. Illa igitur Pauli collatio, inter mensam Domini, mensam Iudaicam, & mensam demoniorum, nihil prorsus patrôcinatur sacrificio Pônitificie missæ.

10. Veteris Testamenti figuras oportet in nouo cõpleri. Ergo sacrificium Missæ, per uarias sacrificiorum ueteris Testamenti similitudines præfiguratum, oportet in nouo Testamento seruari.

Respondeo. Antecedens concedimus: sed quod inde infertur, dicimus simpliciter falsum esse, & probari nõ posse. Neq; enim quia uerum est, nouũ Testamentum habere impletionẽ figurarũ ueteris Testamenti: ideo nostris uel allegorijs uel consequentijs liberũ relictum est, quomodo & quibus in rebus figuras illas impletas esse quisq; fingere uelit: sed impletionem illam, quomodo sit facta, & in quibus reb. sita sit Scriptura noui Testamēti tradit et explicat: nec præter illam explicationẽ, alia  
que

quæ ex Scriptura demonstrari nō possunt, fingenda sunt. Tradit autem Scriptura noui Testamenti. figuras sacrificiorum ueteris Testamenti, impletas esse dupliciter: 1. in unico propitiatorio sacrificio Christi, in cruce. 2. in spiritualibus sacrificijs fidelium, quæ nominatim in nouo Testamento enumerantur & explicantur. Atq; hoc modo Augustinus etiam de Ciui. libro 10. cap. 5. & 6. tradit & explicat significationem & impletionem sacrificiorum ueteris Testamenti. Nulla autem in Scriptura noui Testamenti mentio fit theatricæ representationis, & propitiatorij sacrificij Pontificiæ Missæ. Falsum igitur est, propter impletionem figurarum ueteris Testamenti, instituendum & seruandum esse Pontificium sacrificium histrionica Missæ.

II. Corpus & sanguinem Christi esse propitiatorium sacrificium pro peccatis, non est dubium. Sed in cœna Dominica adest Christus cū suo corpore & sanguine. Ergo Missa est sacrificium uerè propitiatorium, eiusdem uirtutis cum sacrificio cracis: eadem enim utroq; est hostia.

Respondeo. Multiplex est fallacia in hoc argumento: quæ si detecta fuerit, facilis erit explicatio. Vt enim corpus & sanguis Christi sint propitiatorium sacrificium, non sufficit existere & adesse substantiam illam. nam adfuit in utero matris in præsepi, in fascijs, &c. Num uerò ideo sacrificium  
 propi-

propitiatoriū pro peccatis fuit, quod Maria abiit per montana, quod primogenitū suum fascijs inuoluit, & in præsepe reclinauit, sedet ad dextram patris, habitat in credentibus? Num ideo sessio & inhabitatio est propitiatorium illud, de quo Scriptura loquitur, sacrificiū pro peccatis? Ouis certē in stabulo & in pascuis, erat ouis: non tamen statim erat sacrificium. Ad sacrificium enim requiritur, non tantum ut substantia sacrificij existat & adsit, sed requiritur actio aliqua certa, qua substantia illa offeratur. Num uerò quæuis & qualiscunq; actio facit sacrificium? Minimè gentium. neq; enim si ouis tondeatur, ideo illa actione sacrificatur. Sed ad uerum, & Deo gratum sacrificiū requiritur: 1. ipsa substantia sacrificij. 2. certa offerendi actio, non ab hominibus excogitata, sed ab ipso Deo præscripta. 3. requiritur ut illa actio fiat à persona ad hoc à Deo constituta & ordinata, 4. ut fiat ea intentione & ad illum finem, sicut à Deo in uerbo præscriptum est. Distinctio enim Leuiticorum sacrificiorum, quæ à causa finali sumitur, ut alia sacrificia sint pro peccato, uel hoc uel illo, alia sint pacifica: pēdet simpliciter ex præscripto uerbi Dei.

His fundamētis, quæ simplicia, plana & firma sunt, ad propositum argumentum adhibitis, facilis erit explicatio. Corpus enim & sanguis Christi, sunt sacrificium propitiatorium pro peccatis: non

hac simpliciter ratione, quia existunt: sed quia filius Dei, ut uerus Pontifex, ipse ad hoc à patre constitutus, se obtulit Deo patri, ita faciens, sicut mandatum acceperat à patre, Ioan. 14. tradendo scilicet corpus, & effundendo sanguinē. Et Deus uirtutem, dignitatem & efficaciam illius oblationis, ipse in uerbo declarauit. Si hoc modo ponatur prima propositio argumenti, manifestū erit, quomodo attexatur altera propositio. In coena enim Dominica adest quidē iuxta Christi uerbū, corpus et sanguis ipsius: sed desideratur ibi, q̄ ad rationē ueri sacrificij requiri iā diximus. Actio. n. coenae Dominicae, sicut à Christo instituta et mādāta est, nō est actio sacrificij, sed Sacramēti. Adest ibi Christus, non ut sacrificetur, sed ut dispensetur & sumatur.

Sed excipiunt Pontificij, se actione suae representationis habere intentionem offerēdi Deo, corpus & sanguinem Christi: idq; in eum finem, ut sit sacrificium propitiatorium pro uiuis & mortuis. Ego uerò non ignoro, Pontificios hoc facere. Sed quæstio in hoc argumento est: 1. An Deus instituerit, præscripserit & mandarit talem representationē, per tales ritus, gestus & actus, sicut fit in Pontificia missa. 2. An uoluntatem suam declararit, quod talem representationem uelit acceptare pro sacrificio gratissimo. 3. An extet promissio diuina, quòd talis actio representationis, sit propitiatoriū sacrificiū pro peccatis. Quia uerò ex uerbo Dei



bo Dei hæc demonstrari nō possunt: nō itaq; cōfici-  
tur hoc argumēto, Missam esse tale sacrificiū, &  
eiusdē uirtutis cū sacrificio crucis, etiā si conceda-  
tur adesse ibi corpus et sanguinē Christi. Ambros.  
.n. recte pronūciat, eos qui Eucharistiā aliter tra-  
ctāt & celebrāt, quā à Domino traditū est, sub-  
iectos esse sententiæ Pauli de iudicio Dei. imō quia  
Christus in sacrificio Missæ, per plures sacerdo-  
tes, tanquam oblatio pro peccato sæpius offertur,  
contra sententiam uerbi Dei in epist. ad Heb. Hor-  
renda igitur abominatio est.

12. Ecclesia catholica semper ita intellexit & do-  
cuit: ergo à tēpore Apostolorū semper in Ecclesia  
fuit talis ritus, et talis doctrina de sacrificio Mis-  
sæ, sicut nūc est in ecclesia Pōtificia. Huius argu-  
mēti mētio fit in medio primi Tridētini capituli:  
sed ordinis gratia ita distribui, ut explicatis prius  
ijs quæ ex Scriptura adducuntur, postremum lo-  
cū haberent testimonia Patrum. Notū autē est,  
bonas mentes plurimū moueri consensu et testimo-  
nijs antiquitatis, eius præsertim, quæ fuit purio-  
ribus, optimis & florentissimis Ecclesiæ tempori-  
bus. Ideo in hac disputatione, Pontificij potissi-  
mam præsidiorum suorum partē collocant in cu-  
mulandis multis Patrum sententijs, ut fucum fa-  
ciant simplicioribus: quasi & ritus et doctrina de  
sacrificio Missæ, pro uiuis & mortuis, sicut nunc  
usurpatur et traditur à Pōtificijs, sit uetustissimæ

## 776 EXAMEN DECRETORVM

traditionis, omnium scriptorum totius antiquitatis, & catholice obseruationis in Ecclesia omnium temporum, inde usq; ab Apostolorum temporibus.

Sed & illæ nebulae non difficulter discutiuntur, si tota disputatio de ueterum testimonijs, referatur ad statum controuersiae. Quando igitur multae & uariae ueterum sententiae cumulantur, semper obseruandum est, an hoc quod in controuersia positum est, certò, perspicue & firmiter inde probetur: ueteres scilicet omnes, consentientibus suffragijs hæc dogmata tanquam catholica semper tradidisse, & ex uerbo Dei defendisse: 1. Esse à Christo institutum, ab Apostolis traditum, & in primitiua Ecclesia obseruatum, ut corpus & sanguis Christi in cœna, huiusmodi uerbis, ritibus, gestibus, actibus & ornamentis, theatra repræsentatione Deo patri sistatur & offeratur, sicut nunc fit in missa Pontificia. 2. Quòd illa sacerdotis actio & repræsentatio corporis et sanguinis Christi sit sacrificium propitiatorium, ad expianda & delenda peccata, ad placandam offensam Dei, ad impetrandam gratiam Dei, remissionem peccatorum, & quauis à Deo beneficia. 3. Sacrificulū per illam repræsentationē, spectatoribus non communicantibus, sed tantum curantibus, uel pro se uel pro alijs fieri talem repræsentationis actionē, imò absentibus, mortuis, & quibuscūq; uelit, applicare omnia merita & fructus passionis Dominicæ.

4. Per

4. Per illam actionem repræsentationis, accedendum esse ad Deum, si uelimus inuenire gratiam et auxilium. Et quæ præterea missæ Pontificiæ tribui, supra ostendimus. Hæc sunt quæ patroni Pontificiæ missæ, in uero & catholico cōsensu prioris antiquitatis, ex scriptis nō supposititijs, perspicuè demonstrare debebāt. Quòd enim progressu temporis, quidam ueterū ad singulares opiniones declinare cœperunt, non facit catholicū consensum totius antiquitatis. Sed illa hoc modo ex antiquitate probari non posse, certæ & manifestæ rationes ostendunt. Primò extant descriptiones rituum ueteris Ecclesiæ, in celebratione cœnæ Dominicæ, apud Iustinum apologia 2, apud Dionysium in Ecclesiasticæ hierarchia. apud Augustinum epistola 59. & apud Chrysostomum homilia 18. in 2. ad Corinth. sed nihil ibi deprehenditur de histrionica repræsentatione rituum, gestuum, actuum uerborum, &c. Pontificiæ missæ.

Secundò, ipsi Pontificij scriptores testantur, illam panopliam uerborum rituum, gestuum, actuum, ornamentorum, uestium, qui nerui sunt, atq; adeò ipsa substantia Pontificiæ missæ, non fuisse tempore Apostolorum. dicūt enim, Apostolos ad sola uerba Domini, addita solummodo Dominica oratione consecrassè. Gregorius in Registro lib. 7. ca. 65. Platina in uita Sixti 1. Rupertus de diuinis officijs libro 2. cap 21. Valafridus, Strabo de

rebus Ecclesiasticis cap. 22. Durandus lib. 4. cap. 1. & alij. Et quidem diserte annotant, quibus temporibus post Christum et Apostolos, & à quibus autoribus singule partes theatri istius representationis inuente & institutæ sint: ita ut post annos ferme sexcentos post Christum natum, uix absolutum sit totum illud drama representationis, quale nunc usitatum est in Pontificia Ecclesia.

Quia igitur illud, quod iuxta Eccij descriptionē propriè Missa est, in uetustissima Ecclesia nondū fuit in rerū natura: postea enim primū institutū fuisse, ipsi Pontificij scriptores testātur: ergo nec opiniones illæ, quæ Missæ nunc affingūtur, potuerunt esse in primitiua Ecclesia.

Tertiò, uetustissimi scriptores sacrificium expiatorium, propitiatorium & satisfactorium pro peccatis, iuxta scripturam, tribuunt unicæ & soli oblationi Christi, in cruce factæ: fidelium uerò sacrificia in nouo Testamento, omnes uno ore affirmant esse spiritualia. Et quidē Lactantius expresse dicit, in epitome diuinarū institutionū, illa quæ aut digitis fiunt, aut extra hominem fiunt, nō esse uera sacrificia. Ignota etiā est ueteribus illa disputatio: Quòd abrogationi Leuiticorū sacrificiorū, præter sacrificiū Christi in cruce, aliud successisset ceremoniale sacrificiū, in nouo Testamento.

Quartò. Ea quæ Pontificij nūc sacrificio Missæ suæ arrogant, ea ueteres tribuunt, dispensationi  
& sum-



Et sumptioni corporis et sanguinis Domini in coena. Sed aduersarij nostri sunt suaues, et quidē artificiosi rhetores. Cum de re ipsa eo modo, sicut de statu cōtrouersiae suprà dictū est, deberent testimonia ex uetustissimis scriptorib. proferre: quia uident illud cum cōmodo Missae suae fieri nō posse, uocabula quaedam ex ueterū scriptis arripiunt, et quādo illa in aliquot antiquorū sententijs ostēderint, existimant satis probatā et munitam esse Pontificiam missam, testimonijs et consensu antiquitatis. Duo autem talia sunt uocabula, Missa scilicet, et Sacrificium. Et ubicunq; illa uocabula apud ueteres reperiūtur, statim additur annotatio: Hoc est testimonium pro Missa. Et imperitiores quando audiunt talia allegata: Missa fuit in usu, tempore Ignatij, et reliquorum uetustissimorum; Tota antiquitas sensit et docuit, Missam esse sacrificium: nihil aliud cogitant uel intelligūt, quā talem Missam, et tale sacrificium, sicut apud Pontificios nunc usurpatur.

De duobus igitur illis uocabulis, in quibus consistit tota congeries sententiarum, quas pro Missa sua Pontificij ex ueteribus corradūt, pauca quaedā dicēda sunt. Illis. n. duobus uocabulis rectē explicatis, discussae erūt nebulae quas imperitiorib. offundunt, strepitu testimoniorum ex ueteribus. Faciemus aut illud quā breuissimē: ab alijs enim copiose illa sunt demonstrata et explicata.

780 EXAMEN DECRETORVM  
DE VOCABVLO MISSAE.

Primi igitur patroni missæ Pontificiæ, cum ex uerbo Dei impugnari cœpisset, ut Eccius, & post ipsum alij, solliciti inquisiuerūt uocabulum Missæ: & ubicunq; in Græcorum scriptorū interpretibus illud inuenerunt, statim exclamarunt; Adeo antiqua est Pontificia missa, quod tempore Ignatii, Dionysij, & reliquorum uetustissimorum patrum, celebrata fuerint Missæ. Ignatius enim ad Smirnenses dicit: Celebrare missam. Et Missam appellat Dionysius capite 3. Eccles. Hierarchiæ. In historia Tripartita sapissimè repetitur, ueteres Ecclesiæ patres, Missas celebrasse. li. 3. cap. 11. Missas fecisse libro 4. cap. 13. Missarum celebrasse solennia, lib. 7. cap. 31. lib. 9. cap. 9. Populus congregabatur ad Missas. His testimonijs serio triumphat. Sed certissimum est, uocabulum Missæ apud nullum ex Græcis autoribus extare: sed interpretum illa sunt uerba, ut interpretes Dionysij, ἱερεῖς ἀπὸ reddidit nunc Missam, nunc salutis hostiæ oblationem: cum uocabulum significet sacræ actionis administrationem. Quod Ignatius scripsit, ἀπὸ χῆρ ἐπιτελεῖν, conuiuium scilicet Dominicū celebrare: Hoc interpretes reddidit, Missas celebrare. Ita ubi Sozomenus habet ἐκκλησιαστικὰς, & Socrates συναγὰς: quæ uerba publicas congregationes, & solennes Ecclesiæ conuentus significant: Epiphanius Scholasticus reddidit, Missas facere, Missas cele-

fas celebrare. Et hæc cum ita se habeant, tamen si  
 dis placet, præcipua hæc probatio fuit antiquita-  
 tis Pontificiæ missæ: cum ne uocabulum quidem  
 Missæ, ueteri Græcæ Ecclesiæ notum fuerit. Non  
 enim quid interpretes reddiderit, sed quid autores  
 scripserint, quæstio est. Apud Latinos scripto-  
 res, non tamen uetustissimos, extat quidem uocabu-  
 lum Missæ: ut apud Ambrosium lib. 5. epist. 33. &  
 apud Leonem in epistola ad Dioscurum Alexan-  
 drinum. Sed Missas illi appellabant, idem quod Hi-  
 larius in Psal. 65. uocat officia diuinorum Sacra-  
 mentorum, quando scilicet in Ecclesiasticis con-  
 uentibus, uel Sacramenta administrabatur, dispen-  
 sabantur & participabantur: sicut ex epistola  
 Leonis manifestum est: uel quando ad orationes cõ-  
 ueniebatur. Ita apud Cassianum libro secundo de  
 modo Psalmorum cap. 13 post Missam nocturnam  
 non esse dormiendum. cap. 15. Post orationum Mis-  
 sam unusquisq; ad cellulam suam redeat. lib. 2. cap.  
 8. Post uigiliæ Missam, somnus usq; ad lucis ad-  
 uentum indulgetur. Cassader ex regula Benedicti,  
 & ex Honorio ostendit, orationes quæ uulgò col-  
 lectæ dicuntur, appellari solitas Missas.

Ex Missæ igitur uocabulo, siue apud inter-  
 pretes Græcorum scriptorum, siue apud Latinos  
 scriptores legatur, nihil planè uel patrocini, uel  
 subsidij accedit Pontificiæ representationi. Ani-  
 maduertunt & sentiunt hoc, qui nunc eruditiores

esse uolunt in regno Pontificio. Ideo satius esse iudicāt, hoc argumēto de uocabulo Missæ prorsus supersedere, quod tamen principio huius controuersie, pro firmissima columna habebatur. Adeo scilicet certa & immota sunt fundamenta missæ Pontificie.

QVO SENSV VETERES LITVR-  
giam appellarint sacrificium.

Alterum uerò genus testimoniorū ex uocabulo sacrificij multo speciosius est. Negari enim non potest, ueteres quando loquuntur de celebratione cœnæ Dominicæ, usurpare uocabula sacrificij immolationis, oblationis, hostiæ, uictimæ: itē uti uerbis offerre, sacrificare, immolare. Nonne igitur totius antiquitatis uniuersalis consensus est, Missam esse sacrificium? Ego uerò simplicissimè respōdeo, si de uocabulis, siue de appellationibus tantum certamen esset, elabi nulla ratione possemus, quin concedere cogeremur, ueteres celebrationi cœnæ Dominicæ frequenter attribuisse appellationes sacrificij. Sed quia de re ipsa controuersia est: respondeo, non esse consequens, si ueteres cœnam Dominicam appellarunt sacrificium, quòd ideo docuerint et senserint, esse tale sacrificiū, sicut Pontificios fingere, suprà in cōstitutione status ostendimus. Vocabulum enim sacrificij latè patet, & iuxta Scripturæ & ueterum consuetudinem uarijs



rijs rebus exercitijs & actionibus tribuitur : sicut  
suprà exemplis & Scripturæ & antiquitatis, plu-  
num fecimus.

Simplex igitur & compendiaria ratio expli-  
candi ueterum testimonia, quæ de sacrificio Missæ  
ab aduersarijs allegantur, hæc est: ut ob oculos po-  
natur status huius controuersie quale scilicet sa-  
crificium Pontificij intelligant, quando de Missa  
disputant, sicut suprà ipsorum uerbis explicatum  
est: & ex antithesi ostendatur, quòd ueteres, quan-  
do celebrationem cœnæ Dominicæ appellant sa-  
crificium, non intelligant illud de quo Pontificij di-  
micant: sed quòd appellationē illam tribuant alijs  
multis & uarijs ueræ pietatis exercitijs, quæ in a-  
ctione cœnæ Dominicæ concurrunt, & apud ue-  
teres usitata fuerunt. Ita enim manifestum eua-  
det, insignem esse fallaciã, quòd ubicunq; apud ue-  
teres, celebrationi cœnæ Dominicæ tribuitur ap-  
pellatio sacrificij, quòd Pontificij statim com-  
mentum de suæ Missæ sacrificio affingunt. Ordi-  
ne igitur & breuissimè, genera sacrificiorum  
quæ ueteres in actione cœnæ Dominicæ, appel-  
latione sacrificij notare & intelligi uoluerunt,  
annotabimus.

Primò, in ueteri Ecclesia usitatum fuit, quan-  
do celebrāda erat cœna Dominica, q̃ pro sustenta-  
tiōe ministrorū et pauperū, panis, uinū, et alia mu-  
nera in mēsa Domini, siue in altari offerebantur;

& ex

Et ex illis oblatis muneribus panis et uini, sumebantur partes, quæ consecrabantur in Euchristiâ. Hæc consuetudo uidetur sumpta fuisse ex 1. Cor. 11. Huius consuetudinis meminit Pontius Paulinus de gazophylacio: Irenæus lib. 4. Iustinus Apologia 2. et in Decretis de Consecrat. distinct. 1. capite: Omnis Christianus, Et 12. quæst. 2. ca. Vulturanae, et sequentibus. Quia uero in Scriptura, contributio eleemosynarum uocatur sacrificium, Philip. 4. et Hebr. 13. inde ueteres, hoc exercitium pietatis in cœna Dominica, uocarunt sacrificium et oblationes. Cyprianus sermone de eleemosyna: Locuples matrona, in Dominicum sine sacrificio uenis, et partem de sacrificio quod pauper obtulit, sumis. Irenæus libro quarto, capite 32. Offerimus Deo primitias creaturarum eius, cum gratiarum actione. Atque illud dicit fieri iuxta Scripturæ dicta: Qui miseretur pauperis, sœneratur Domino. Esuriui, et dedistis mihi, et c. Et ex illis primitiis creaturæ Dei, ostendit sumptum fuisse quod consecrabatur in corpus et sanguinem Christi. Atque inter cæteras rationes, etiam inde totam actionem uocat oblationem. Augustinus epistola centesima uigesima secunda dicit, mulieres offerre sacrificia ad altare Domini, ut per sacerdotem Deo offerrentur. Nomina enim eorum qui aliquid obtulerunt ad aram, recitabantur, et oratione Deo commendabantur: sicut Canon Gregorij testatur

testatur. Et multæ secretæ idem testantur, ut quæ dicitur Dominica 5. 6. 7. post Pentecoste.

2. Publicæ illæ communes & solennes preces pro omnibus, quarum forma 1. Tim. 2. præscribitur, usitatæ apud ueteres fiebant in actione cœnæ Dominicæ: sicut testatur Augustinus epistola 59. ad Paulinum. Et quia fidelium orationes, in scriptura uocantur sacrificia. Psal. 141. Heb. 5. Apoc. 5. & 8. hinc Irenæus de oblatione noui Testamēti, in actione Eucharistiæ loquens, inter cætera inquit libro quarto, cap. 33. Vult nos quoq; sine intermissione offerre munus ad altare. Est ergo altare in coelis. illuc enim preces & oblationes nostræ diriguntur. Chrysostomus homilia 18. in 2. ad Corinth. Quia & in precibus uiderit quis populum simul offerre, cum pro energumēis, tum pro pœnitentibus: cōmunes enim preces fiunt, & omnes unam dicunt orationem. Tertul. Ad Scapulam: Sacrificamus Deo pro salute Imperatoris: sed sicut ipse mandauit, præceptura. Et in Apologetico cap. 30. Ego offero Domino sacrificiū pingue, quod mihi mandauit, orationem scilicet.

3. Cœna Dominica à uetustissimis, Ignatio, Iustino, Irenæo, & c. uocatur Eucharistia. Ideo sicut Chrysostomus explicat homilia 16. in Matth. quia in eius celebratione proponitur cōsideratio de multis et uarijs beneficijs Dei, principaliter uero de præcipuo opere dilectionis Dei erga nos, quod

quòd filium miserit, qui traditione corporis & effusione sanguinis sui, perditos nos redemit, ut ita inuitemur ad gratiarum actionem. Sacrificiū uerò laudis et gratiarū actionis, in Scriptura crebrò celebratur: Psal. 50. 69. Syrach. 35. Heb. 13. Et patres etiam hymnos, laudes, & gratiarum actiones uocant sacrificia: ut August. epistola 120. Eusebius de demonstr. lib. 1. cap. 10. Tertullianus contra Marcionem lib. 4. Et Græcus canon expressè mentionem facit hymni, glorificationis, &c.

4. Quia cōmemorationem Christi, Paulus interpretatur de annuncianda in cœna morte Domini: apud ueteres igitur in celebratione cœnæ Dominicæ, semper seruata fuit publica prædicatio, & solennis annunciatio passionis, mortis resurrectionis et ascensionis Christi. Et Cyrillus in epistola synodica ad Nestorium: annunciantes secundum carnem mortem, resurrectionē & ascensionē unigeniti filij Dei, celebramus incruentum sacrificiū seu ἀναιµαντορ λατρίαν. Nam Paulus Rom. 15. totum ministerium Euangelij, uocat sacrificium.

5. Multa ueræ pietatis exercitia concurrunt in celebratione & usu cœnæ Dominicæ, quæ 1. Pet. 2. uocātur spirituales hostiæ: ut pœnitentia, fides, spes, patiētia, dilectio, bonum propositum, &c. Et fides, quæ principaliter obiectum suum habet in usu cœnæ Dominicæ, uocatur sacrificium, Philip. 2. Ita Irenæus libro 4. capite. 32. disputans de eb-  
latione



latione noui Testamenti in celebratione Eucharistiae, enumerat sententiam puram, fidem sine hypocrisi, spem firmam, dilectionem feruentem, misericordiam, obediētiam & iustitiam, bonas operationes cum gratiarum actione.

6. Ecclesia, & singuli fideles, in uero usu Eucharistiae, totos se corpore & anima uouent, consecrant, & dedicant Domino, & propter Dominum proximo. Item orationibus Ecclesia offertur, hoc est, commendatur Deo. Paulus uero Romanorum duodecimo dicit, corpora nostra exhiberi Deo hostiam uiuentem, sanctam, Deo placentem, cultum scilicet rationalem. Inde Augustinus de Ciuitate libro decimo, capite sexto: Hoc est sacrificium Christianorum, multi unum corpus sumus in Christo: quod etiam Sacramento altaris, fidelibus noto, frequentat Ecclesia: ubi ei demonstratur, quod in ea oblatione quam offert, ipsa offeratur. Et epistola 59. Vouentur omnia quae offeruntur Deo, maxime sancti altaris oblatio: quo sacramento praedicatur nostrum illud uotum maximum, quo nos uouimus, in Christo esse mansuros, utiq; in compage corporis Christi: cuius rei Sacramentum est, quod unus panis, & unum corpus multi sumus. Item: Cum populo benedicitur, & fiunt interpellationes, tunc antistites uelut aduocati, susceptos suos misericordissime offerunt potestati.

Vides.

Vides quàm uarijs actionibus, & pietatis exercitijs quæ apud ueteres in celebratione cœnæ Dominicæ usitata fuerūt, attributa sit applicatio sacrificij seu oblationis: Et inde tota actio nomen apud ueteres accepit. Hæc uerò cum Pontificijs nō sine ignota, iudicet lector, quale sit artificium, quòd omnes ueterum sentētias de sacrificio, promiscuè detorquent ad theatricum sacrificium Pontificiæ missæ: cum ueteres de longè alijs rebus, actionibus & exercitijs loquantur, quando celebrationē cœnæ Dominicæ uocant sacrificium. Sed excipiunt: Non illa tantum pietatis exercitia, quæ ueteris Ecclesiæ more, in actione cœnæ Dominicæ usurpata fuerunt, à patribus uocari sacrificia: sed ipsam actionem cœnæ Dominicæ, & quidem ipsum corpus & sanguinem Christi in cœna, à ueteribus uocari sacrificium oblationem, hostiam, uictimam, &c. Ego uerò non nego hoc: cōstat. n. ueteres appellationem sacrificij, oblationis, uictimæ, hostiæ, etc. trāstulisse ad ipsam actionē cœnæ Dominicæ, Imò ad ipsum corpus et sanguinē Christi in cœna.

Sed hoc nego, ueteres appellatione sacrificij, intellexisse theatricam illā representationem, qua Pontificij Missæ suæ sacrificiū definiunt: & quòd histrionica illa actio sacerdotis, certis gestibus & actibus tractans corpus & sanguinē Christi sit sacrificiū propitiatoriū, ad expianda & delēda peccata, ad placandā offensam Dei, & ad impetrāda  
quæuis

quæuis à Deo beneficia. Extant enim ueterum declarationes, quomodo intelligi uoluerint, quòd & actionem cœnæ Dominicæ, & ipsum corpus Christi in cœna, uocant sacrificium & uictimam. Et sicut antea ostendimus, quomodo patres alijs pietatis exercitijs, quæ circa celebrationem cœnæ Dominicæ concurrunt, tribuerint appellationem sacrificiorum: ita etiam distinktè annotabimus, quo sensu ueteres uocabula sacrificiorum tribuerint ipsi actioni cœnæ Dominicæ, & corpori Christi in cœna. Et hæc simul referantur ad statum controuersiæ: An scilicet Patres tale sacrificium intellexerint, sicut à Pontificijs in Missa fingitur, iuxta declarationē, suprà ipsorū uerbis expositā.

Primò igitur ipsam administrationem seu celebrationem cœnæ Dominicæ, ut sanctificationē, consecrationem, & dispensationem, Patres uocāt sacrificium, Dionysius uocat *ιεργεια*, quia est sacra actio, aut sacre actionis administratio: & dicit, sacerdotem tunc *ιεργειν*, quando id facit quod Christus in prima cœna fecit. Et ne qua sit dubitatio, quid per hierurgiam intelligat, Pontifex orans ut idoneus reddatur ad hanc *ιεργεια*, per partes enumerat quid complectatur: 1. ad imitationem Christi, diuini illa dona conficere, sanctificare, aut consecrare. 2. sanctificata sanctè distribuere. 3. ut communicaturi sanctè participēt illis mysterijs. Et statim explicans, quomodo pon

tifex sanctissimā *ιεργεια*, perficiat, inqt: Panem  
induisū diuidit, & unū poculū omnib. distribuit.  
Dionysij igitur *ιεργεια*, nō est Pōtificiorū histrio  
nica representatio, sed nihil aliud est quā prae-  
paratio, sanctificatio, cōsecratio, dispēsatio & di-  
stributio Eucharistiae: quā uocat Θεομυστήριον *ιε-  
ργεια*, administrationē sacrae actionis, q̄ fiat ad  
imitationē eius qd' Christus Deus fecit. Illā uerō *ιε-  
ργεια*, hoc est, sacrā actionē pertinetē ad mini-  
steriū Euāgelij, Latini uocāt sacrificiū: & *ιεργε-  
υσιν*, reddūt sacrificare seu offerre. Nā & Paulus  
Ro. 15. actiōes quae ad ministeriū Euāgelij pertinet  
cuius non postrema pars est administratio Sacra-  
mētōrū, describit p̄ uocabula sacrificij & oblatio-  
nis. Ita Augustinus ad Paulinū epistola 5.9. uocat  
sancti altaris oblationē, quae Deo offeratur: quan-  
do scilicet id quod in mensa Domini est, benedici-  
tur, sanctificatur, & ad distribuendum comminui-  
tur & preparatur. Hec enim sunt eius uerba.

Cyprianus lib. 7. epist. 3. ubi in principio totius  
epistolae argumentum ponit, de calice Dominico  
sanctificando, & plebi ministrādo, subinde inge-  
minat uocabula sacrificij & oblationis: & quod  
Christus sumpsit calicē, nō sola aqua, sed uino &  
aqua mixtū, illum benedixit, distribuit discipulis.  
hoc Cyprianus ita effert: Christus obtulit Deo pa-  
tri, nō aquā solā, sed uinū aqua mixtū in calice.  
quod Transubstantiatores, de sua oblatione ad-  
mittere



mittere nō possunt. Nec rectè intellectū offendit quod dicit, Deo patri offerri. Nā & Acto. 13. de ministerio Euangelij, quod Chrysostomus interpretatur de prædicatione: Lucas dicit, cū ministrarēt Domino. Et alibi patres clarissimè se explicant, cū dicūt, Christū in cœna immolari populus. Augustinus epistola 23. immolari nobis. Augustinus in Ps. 79. immolari fidelib. Hieronymus ad Damasum. Ita Paulus 2. Cor. 2. de prædicatione Euāgelij dicit: Christi bonus odor sumus Deo, ad uitā illis qui saluantur. Cyrillus in epistola ad Nestoriū uocat incruentū sacrificiū seu *λατρείαν*, quādo id quod cōfectū est, nominamus corpus & sanguinē Christi: quādo accedimus ad mysticas benedictiones, et sanctificamur, participes effecti corporis & sanguinis omniū redemptoris Christi. Secūdo. Actio cœnæ Dominicæ, ueterib. uocatur sacrificiū, oblatio, immolatio, &c. quia cœna Dominica celebratur et usurpatur, in memoriā seu cōmemorationē unici sacrificij Christi, in cruce semel peracti. Ita Augustinus in libro sentētiarū Prosperi. Cū frāgitur hostia, dum sanguis de calice in ora fidelium funditur, quid aliud quā Dominici corporis in cruce immolatio, eiusq; sanguinis de latere effusio designatur. De fide ad Petrum cap. 18. Et contra Faustum lib. 20. cap. 18. hæc tria inter se confert, sacrificia leuitica, sacrificium Christi in cruce, & immolationem corporis eius in cœna

Et inter hæc talem ostendit differenciam: in cruce redditum fuisse in ueritate, sacrificium corporis et sanguinis Christi: in ueterum sacrificijs, fuisse figuras et similitudines, promittentes futurum Christi sacrificium: in cœna Domini, per Sacramentum memoriæ, celebrari memoriam seu commemorationem et gratiarum actionem perfecti et consummati sacrificij Christi in cruce. Et ad Bonifacium episto. 23. item epist. 120. ad Honoratum, tractat exempla, quod illud quodalicuius memoriale est, propter similitudinē sæpe eius rei cuius memoriale est, nomen accipiat, ut appropinquante Paschate, dicimus: Cras aut perendie est passio Christi: cum semel tantum, ante multos annos sit passus. et die Dominica dicimus: Hodie Christus resurrexit. propter similitudinem enim dies ille id esse d. c. tur, quod tamen non est. Et postea subiungit: Nōne Christus semel oblatus est, et tamen in Sacramento quotidie populis immolatur? Nec memitur qui dicit, Christum immolari. Si enim Sacramenta non haberent similitudinem earum rerum quarum sunt Sacramenta, nullo modo essent Sacramenta: sed ex similitudine, sæpe nomina earum accipiunt. eādē etiam similitudine, sicut dies Paschæ uocatur resurrectio Domini, eo quod sit memoria resurrectionis Domini. Ambrosius in epistolam ad Hebræos declarat, quale sacrificium sit cœna Domini: Quod  
 nos,

nos, inquit, agimus recordatio est sacrificij. Ita Chrysostomus homilia 17. ad Hebræos, disputans de quotidiana oblatione in cœna Dominica, tandem inquit: Quod nos facimus, sit ad commemorationē eius quod semel factum est, scilicet in cruce: non aliud sacrificium, sed id ipsum semper facimus: magis autem recordationē sacrificij operamur, quia ipse dicit: Hoc facite in mei commemorationem. Ita Cyprianus dicit: Passio Domini, est sacrificium quod offerimus. Theophylactus in 10. ad Hebræos: Queret aliquis, num & ipsi sine sanguine immolamus, ita quidē: sed Christi mortis tunc remiscimur, eundem semper offerimus: quin potius oblationis illius memoriam facimus, perinde ac esset hoc tempore immolatus. Augustinus in Psalmo 79. Ecce innouauit nos Christus, donauit nobis omnia peccata, & cōuersi sumus. Si obliuiscamur quid nobis donatum est, & à quo donatum est, obliuiscimur munus Saluatoris: cum autem non obliuiscimur munus Saluatoris, nōne quotidie nobis Christus immolatur? Et Semel pro nobis Christus immolatus est, cum credidimus tunc fuit nobis cogitatio: modo autem reliquie cogitationis sunt, qua meminimus, quis ad nos uenerit, & quid nobis donauerit ex ipsis reliquijs cogitationis: hoc est, ex ipsa memoria quotidie nobis sic immolatur, quasi quotidie nos innouet, qui prima gratia sua nos innouauit. Obseruet lector quod Augustinus

dicit, Christū immolari nobis, quando per uocem Euangelij ad fidem conuertimur, quando gratia Dei innouamur, in Baptismo scilicet. Nam & de circumcisione Origenes in 2. ad Rom. dicit, sanguinem circumcisionis offerre. imò ex ipsa memoria beneficiorū Christi, dicit Augustinus, Christū nobis immolari: hoc est, sicut alibi dicit: Tunc cuiq; Christus occiditur, cum credit occisum.

Hæ ueterum declarationes considerentur. Expresse dicunt, Christum semel tantum uerè, siue in ueritate oblatū esse, in cruce scilicet: actionē uerò coenæ Dominicæ, propter similitudinē uocari sacrificiū, oblationē & immolationē: non quòd uerè ibi fiat immolatio Christi, sed quia instituta sit & usurpetur in memoriam seu ad cōmemorationem immolationis Christi, semel in cruce factæ. Et ne hæc cōmemoratio ad commemitiā Pontificiorum repræsentationem detorqueatur, ipsi ueteres se explicant: immolationem Christi designari, cū hostia frangitur, dū sanguis Domini de calice in ara fidelium funditur. De consecrat. dist. 2. ca. Cum frangitur. Et de Trinitate inquit Augustinus: Qui Domini morte liberati sumus, huius rei memoriā edendo & potādo, quæ oblata sunt significamus. Item: Corpus Christi dicimus illud, quod ex fructibus terræ acceptū, & prece mystica consecratū sumimus, in memoriā Dominicæ passionis.

Longobardus lib. 4. dist. 12. Queritur, si quod gerit



gerit sacerdos, propriè dicatur sacrificiū uel immolatio: & si Christus quotidie imoletur, uel semel tantū immolatus sit. Ad hoc breuiter dici potest: Illud quod offertur & cōsecratur à sacerdote, uocari sacrificiū & oblationē: quia memoria est, & representatio ueri sacrificij, & sanctæ immolationis, factæ in ara crucis. Et semel Christus mortuus est, in cruce: ibiq; immolatus est, in semetipso: quotidie aut immolatur in Sacramento: quia in Sacramento, recordatio fit illius quod factum est semel.

Obseruabit autem lector, huic Longobardi sententiæ, quam ex Patrum testimonijs probat & cōfirmat: sacrificiū scilicet crucis, esse uerū sacrificium, actionem uerò sacerdotis, non propriè dici sacrificium: directè oppositum esse primum canonem Tridentinum: Si quis dixerit, in Missa nō offerri Deo uerū & propriū sacrificiū, anathema sit. Vides Pontificiam missam non posse consistere, nisi declarationes antiquitatis, quibus etiam Longobardi adhuc tempore Ecclesia usa est, anathemate damnenur. Nam & Augustinus de Ciuitate Dei libro decimo, inquit: Quod hominibus uocatur sacrificium, signum est ueri sacrificij.

Tertiò. Patres corpus & sanguinē Domini in cœna præsentia, uocant uictimā salutarē, hostiam puram, precium nostrum, precium redemptionis

nostra, precium pro peccatis totius mundi, sacrificium propitiatorium, & propitiationem: nō quod actione sacerdotis, corpus & sanguis Christi in Missa offerantur, ut fiant precium & propitiatio pro peccatis totius mundi: sed quia uictima illa quæ in cruce semel pro redemptione nostra, & pro peccatis totius mundi oblata est, corpus scilicet & sanguis Domini, in cœna Dominica adest, dispensatur, exhibetur & sumitur, ita ut uirtus et efficacia illius oblationis, semel in cruce factæ, applicetur & obsignetur prinatim singulis fidei summentibus. Ita Cyprianus de cœna Domini inquit: Panis iste supersubstantialis, & calix benedictionis, solenni benedictione sacratus, ad totius hominis uitam proficit, simul medicamentum & holocaustum, ad sanandas infirmitates, & purgandas iniquitates existens. Mox uerò addit explicationē de communione, poculū quod Christus nobis porrexit, tantæ uirtutis esse. Et suauissima extat sententia apud Augustinum lib. 9. ca. 13. de Monica matre sua: Tantummodo memoriam sui, ad altare tuum fieri desiderauit: unde sciebat dispensari uictimam sanctam, qua deletum est chirographum quod erat contrarium nobis, qua triumphatus est hostis, computans delicta nostra, & querens quid obijciat, et nihil inueniens in illo, in quo uincimus. Ad cuius precij nostri Sacramentum, ligauit ancillam animam suam, uinculo fidei. Nemo à protectione

Elione tua dirumpat eam. Non se interponat nec  
 ui, nec insidijs, nec leo, nec draco, &c. Illa enim  
 quæ in cœna Christus exhibet, fides accepta in-  
 terponit inter peccata nostra & iram Dei, tan-  
 quam satisfactionem & propitiationem. Ita Bern-  
 hardus inquit, sermone 22. in Cantica: Cum defecit  
 uirtus mea, non conturbor, non diffido: sciam quid  
 faciam, calicem Domini accipiam? Et sermone 1.  
 de Epiphania: Totum quod dare possum, miserum  
 corpus istud est. Id si minus est, addo & corpus ip-  
 sius. Nam illud de meo est, & meum est: paruulus  
 enim natus est nobis, & filius datus est mihi. De  
 te Domine suppleo, quod minus habeo in me. O  
 dulcissima reconciliatio, ac satisfactio suauissima.  
 Emissenus de Consecrat. 2. cap. Quia corpus: Cõ-  
 secrauit nobis Sacramentum corporis & sangui-  
 nis, ut coleretur iugiter per mysterium, quod se-  
 mel offerebatur in precium: et quia quotidiana et  
 in defessa currebat pro omnium salute redemptio,  
 perpetua esset redemptionis oblatio: & perennis  
 uictima illa uiueret in memoria, & semper præ-  
 sens esset in gratia, uera, unica & perfecta hostia.  
 Cum igitur reuerendum altare, cibis spiritualibus  
 satiandus ascendis, sacrum Dei tui corpus & san-  
 guinem fide respice, cordis manu accipe, & totum  
 Christum interioris hominis assume, &c. Quod  
 uero Emissenus oblationem uocat perpetuam, hunc  
 habet sensum, sicut Cyprianus de Baptismo Chri-

sti inquit: Oblatio Christi in cruce facta, non minus hodie in cōspectu Dei efficax est, quàm eo die quo de saucio latere sanguis & aqua exiuit. semper enim reseruata in corpore plagæ, salutis humane exigunt precium, & obediencie donatiuū requirunt. Hæ ueterum sententiæ de sacrificio corporis & sanguis Domini in cœna, ut sunt analogæ fidei, ita nihil patrocinantur hyltrionico Pōtificiorū sacrificio. Sed tamē simul in ueterum lectione, etiā hoc obseruandū est, quomodo phrasēs illæ de sacrificiādo & immolādo corpore & sanguine Domini in cœna, progressu tēporis, uerum usum cœnæ Dominicæ paulatim coeperint obscurare, & peregrinas opiniones de merito actionis sacerdotis inuehere. Anniuersaria die in memoriā fidelīū defunctorū, munera seu eleemosinæ ad altare offerebantur, ut esset confessio, qua fide obdormiissent. Postea uerò inde factæ sunt propitiationes pro peccatis, etiam mortuorū. Horū uestigia in quibusdā ueteribus reperimur: quod libere fātemur. Neq; enim ueterū qualescunq; sententiæ, sed Scriptura canonica, regula est & norma fidei & iudicij in hac conuersione.

Et hæc consideratio de nēuis quorundā ueterum, ostendit quare malimus cœnā Dominicā, Sacramentū potius quàm sacrificiū appellari. Primò enim Scriptura, quæ omnīū rectissimas & cōmodissimas appellationes potest rebus ipsis tribue



re, nullibi coenā Dominicā uocat sacrificiū. 2. Ipsa appellatio sacrificij, nō parū obscurat uerā doctrinā & usum coenae Dominicæ. Sacrificiū enim est actio, qua nos Deo aliquid reddimus et offerimus. Coenā Dominicā uerò Christus instituit, ut in illa (quod propriū est Sacramentorū) nobiscū ageret, præbens, exhibēs, applicās & obsignans pignore corporis & sanguinis sui, merita passionis suæ: & uult, ut ea quæ ibi nobis offert & donat, fide accipiamus. Appellatio uerò sacrificij ab illis nos deducit ad ea quæ nos in actione coenae Dominicæ Deo offerimus & reddimus. Rectius igitur & cōmodius uocatur Sacramentum, quàm sacrificium. 3. Quid incommodi catachreses appellationum sacrificij, si ad coenam Dominicam accommodentur, asserant, theatricum Pontificiæ missæ sacrificium, quod ex phrasibus illis non dextrè intellectis extractum est, satis ostendit.

Et hæc sunt argumenta illa, quæ Tridentinum concilium pro retinendo, confirmando & stabiliendo sacrificio Pontificiæ missæ, in aciem producit: quæ simplici explicatiōe nō difficulter refutantur, si tantū instituat collatio, inter argumenta illa & inter statū cōtrouersiæ: quem ideo in principio pluribus exposuimus. Illa enim accommodatio manifestè ostendit, nihil ueri, firmi & solidi, siue subsidij siue patrociniij, ex omnibus illis argumentis Pontificiæ missæ accedere.

800 EXAMEN DECRETORVM  
ARGVMENTA, OSTENDEN-  
tia abominationem missæ

Pontificiæ.

Nec uerò hoc tantum in sacrificio missæ Pontificiæ desideramus, quòd scilicet destituatur ueris, firmis & solidis Scripturæ fundamentis: sed hoc est quod præcipuè querimus, quod sit abominatio, pugnans cum doctrina de uerbo, Sacramentis & fide: imò quòd contumeliosa in unicū Christi sacrificium, & in perpetuum ipsius sacerdotium: sicut hæc prolixè à nostris, iustis & integris scriptis sum demonstrata. Ego, ne ab instituti examinis ratione longius digrediar, præcipua tantum argumenta contra Pontificiam missam, in pauca generalia capita conferam, & breuiter annotabo.

1. Instituire cultum extra uerbum, & sine uerbo Dei, & quidem talem cui tribuatur propitiatio pro peccatis, placatio offense Dei, & impetratio gratiæ, & aliorum beneficiorum à Deo: uanum est, Deo placere non potest: imò idololatria est. Frustra enim colunt me, doctrinis & mandatis hominum. item: Sine fide impossibile est aliquid placere Deo. Fides autem est ex auditu, & auditus per uerbum Dei reuelatum. Imò Prophetæ pronunciant, idololatriam esse omnia sacrificia, non tantum gentium, uerumetiam Iudeorum, quæ extra uerbum, & sine mandato Dei instituebantur in lucis, in excelsis, &c.

Sed

*Sed theatrica representatio per uerba, ornamenta, ritus, gestus, actus, &c. sicut in Pontificia missa fit, nullum habet uerbi testimonium. Christus enim in institutione cœnæ Dominicæ, ne ulla quidē syllaba eius meminit. Fabulam ur sane quidam, Pontificiam missificationem Iacobum habere autorem. Sed ipsi Pontificij scriptores fatentur, Apostolus illa fuisse ignota: ut quos scribunt, solummodo Dominica oratione ad uerba cœnæ usus in celebratione cœnæ Dominicæ: sicut paulo antè loca autorum notauimus. Et quidem ipsi Pontificij scriptores annotant, qui Romani Pontifices, & quo tempore, singulos actus & scenas Missifici dramatis inuenerint & instituerint, unde postea tota illa representatio composita est. Quia ergo Pontificia missa, sine uerbo Dei, sine traditione & exemplo Apostolorum, humanum inuentum est: cultus igitur uanus est, qui Deo placere non potest: imò abominatio & idololatria est, humano commemo tribuere propitiationem pro peccatis, &c.*

2. *Sacramenta extra usum à Christo institutum, in aliam actionem toto genere diuerſam trāſſerre, ingens est piaculum. Ambrosius enim tractans doctrinam de cœna Domini, inter indignos reponit illos, qui aliter hoc mysterium celebrant, quàm à Domino institutum est. Christus autem Sacramenti, & non sacrificij actionem, in uerbis institutio-*

institutionis præscripsit & mādauit: quod manifestissimū est. Et ipsi Pontificij tradūt, diuersas esse actiones Sacramenti & sacrificij. Consumelia igitur cœnæ Dominicæ, est missa Pontificia.

3. Administrationē & usum cœnæ Dominicæ, Christus moriturus testamētī forma instituit. Magnū autē scelus est, uel hominis testamētō, quādo ratū & confirmatum est, aliquid superordinare. Manifestū igitur est, quid sit Pontificia missa, quæ testamento filij Dei aliquid superordinat, quod in illo nō continetur, nō instituitur, nō præscribitur.

4. Missa Pontificia, sicut eam in principio descripsimus, multis modis cum unico propitiatorio sacrificio Christi in cruce pugnat, & in illud cōtumeliosa est. Vnicum enim solū est sacrificiū propitiatoriū, expiatoriū & satisfactoriū pro peccatis: oblatio scilicet Christi, semel in cruce facta. Heb. 7. 9. & 10. Semel se obtulit pro peccatis, ad tollenda multorum peccata, æterna redemptione inuenta. Vnica enim oblatione consummauit in æternū eos qui sanctificamur. Ergo fingere aliud propitiatoriū sacrificiū p peccatis, abomināda cōtumelia est in sacrificium Christi. Nec releuat Pontificios, quōd dicunt se non aliam, sed eandem hostiam, quæ in cruce oblata est, iteratō sæpius, & quidem quotidie pro peccatis offerre. Nam epistola ad Hebræos disertē et expressē hoc agit, et sæpius repetit, Christum se ita semel pro peccatis obtulisse,



lisse; ut non necesse habeat quotidie pro peccatis  
 offerre, nec ut sæpius semetipsum offerat: sicut Le-  
 uiticus pontifex, per singulos annos intrabat in  
 sancta. Pighius dicit, Christum quidem seipsum  
 nō offerre sæpius: sed hoc non obstare, quo minus  
 per sacerdotes sæpius offeratur. Sed Heb. 9. non  
 tātū dicitur, Christū semetipsum semel tamū et nō  
 sæpius obtulisse: sed ibidem etiam scriptū est: Chri-  
 stus semel oblatus est, ad multorum exhaurienda  
 peccata. Item Heb. 10. in genere dicitur: ubi est pec-  
 catorū remissio, ibi non amplius oblatio pro pec-  
 cato. Imò Apostolus affirmat, esse testimoniū infir-  
 mitatis, imbecillitatis & imperfectionis, quando  
 eadē hostia sæpius & per plures sacerdotes pro  
 peccatis offertur. Et hanc ponit antithesin, inter  
 sacerdotiū leuiticū & Christi. Ibi fuerūt plures sa-  
 cerdotes, & iteratæ repetitiones eiusdē sacrificij:  
 quod signū fuit, illis sacrificijs nō auferri peccata.  
 Christus uerò, unicus et sempiternus, est noui Testa-  
 mēti sacerdos, q̄ unica pro peccatis hostia oblata,  
 eternā redemptionē, & cōsummatā remissionem  
 peccatorum inuenit. Qualis igitur abominatio sit  
 Pōtificia missa, & q̄ cōtumeliosa in sacrificiū Chri-  
 sti, Scriptura clariśimē, sæpius repetita eadē sen-  
 tentia monstrat. Sed inquiunt: Licet Christus uni-  
 ca oblatione consummatē meruit redemptionem,  
 & remissionē peccatorū: tamē ut p̄ illā saluemur,  
 abolicetur & accipiat. Concedo.  
 hoc:

hoc: sed Scriptura non dicit, applicationem unicæ oblationis Christi, fieri per nouam & iteratam oblationem pro peccatis: sed alia ostendit media, ab ipso filio Dei esse instituta: ut scilicet uerbo et Sacramentis applicetur, & fide accipiat. Pleriq; conantur claritatē testimoniorum epistolæ ad Hebræos eludere hac distinctione, q̃ unica cruenta oblatione semel Christus se obtulerit: & hoc modo ipsum nō posse uel debere sæpius offerri: in cruenta uerò oblatione, sæpius & quotidie per sacrificulos pro peccatis esse offerendū. Sed epistola ad Hebræos, sine omni distinctione et exceptiōe, generaliter loquitur: Semel, p̃ peccatis oblatus est. Nō necesse habet quotidie p̃ peccatis offerre. Vbi est peccatorū remissio, ibi non est amplius oblatio pro peccato. Et textus Heb. 9. manifestè tria hæc ponit, de oblatione pro peccatis. 1. Sine sanguinis effusione, nō fit remissio. 2. Si sæpius offeratur Christus, oporteret ipsum sæpius pati. 3. Oportet mortē intercedere, ut per oblationē pro peccatis, promissionē æternæ hereditatis accipiant qui uocati sunt. Scriptura igitur nō admittit, Christū sæpius pro peccatis offerendū esse, siue fiat cruenta, siue incruenta oblatione. Patres uerò quādo nomināt incruentā oblationē, intelligūt spiritalia sacrificia. Fiat autē accommodatio harū sententiarum ad sacrificium Pontificiæ missæ. Oblatio Christi pro peccato, non fit sine effusione sanguinis: sed oportet

morte

morte intercedente ipsum pati, quando fit hostia pro peccato. Hebr. 9. Ergo Pontificij, qui fingunt in Missa Christum iteratò offerri pro peccatis, iteratò ipsum crucifigunt & occidunt, quantum quidem in ipsis est. Christus enim amplius non moritur, mors amplius ipsi dominari non potest. Sed sunt, qui rursus sibi ipsis cruci figunt filium Dei, ostentui ipsum habentes. Heb. 6. Talis igitur, & tā horrenda est abominatio sacrificij Pōtificiæ missæ.

5. Missa Pontificia pugnat cum perpetuo sacerdotio Christi. Nemo enim potest Christum pro peccatis offerre, nisi ipse Christus semetipsum. Heb. 5. Nemo sumit sibi honorem, &c. Heb. 9. Per Spiritum sanctum semetipsum obtulit Deo. Et quidem oblationem pro peccato, in nouo Testamēto, affirmat Apostolus pertinere ad unicum sacerdotium Christi: non ita ut per plures sacerdotes sibi succedētes sæpius offeratur, sed quia semel semetipsum obtulit Deo. Pugnat uerò & alia ratione Pontificia missa, cum perpetuo sacerdotio Christi. Christus enim est Pontifex & Saluator noster, nō tantum merito, uerumetiam efficacia. Et Heb. 7. perpetuum ipsius sacerdotium ita describitur: Saluare in perpetuum potest, qui per ipsum accedunt ad Deum, semper uiuens, ut interpellet pro nobis. Heb. 9. Introiuit in ipsum cœlum, ut appareat nūc uultui Dei pro nobis. item: Mediator noui Testamenti est, ut morte intercedente promissionem hæ

reditatis accipiāt qui uocati sunt. Heb. 10. Eos qui sanctificātur, Christus consummat in sempiternū, unica sua oblatione. item: Habentes sacerdotē magnum super domū Dei, habemus fiduciā ad introitum in sancta: accedamus ergo cū uero corde, etc. Heb. 4. Habētes Pontificem qui penetrauit cœlos, adeamus cū fiducia thronum gratiæ, ut misericordiam cōsequamur, & gratiam in auxiliū, &c. Colligantur hæc in unam summam, quæ Scriptura testatur pertinere ad perpetuum sacerdotium Christi: & ex opposito consideretur, quòd omnia hæc Pontificia missa, sacerdotio Christi detrahat, & ad se transferat. Vt enim Christus appareat uultui Dei pro nobis, ut per ipsum ad Deum accedentes saluemur, ut sanctificemur, ut promissionē hereditatis accipiamus, ut habeamus accessum ad Deum, ut misericordiam consequamur, & gratiā inueniamus: Pontificij dicunt sacrificulum, ut mediatorem inter Deum & nos se interponere, cū theatra sua repræsentatione, & per illam Christum sisti uultui patris: ut ita per hanc sacrificuli actionem accedentes ad Deum, inueniamus gratiam, & consequamur misericordiam.

Scriptura uerò docet, hæc querēda esse in perpetuo sacerdotio Christi, ad dexteram patris, per illa media, uerbi scilicet, Sacramentorum & fidei, quæ ad hoc ab ipso filio instituta sunt. Manifestum igitur est, quòd Pontificia missa Christum ex sempiterno



piterno suo sacerdotio proturbet, & in eius locū surroget leuissimos sacrificulos: ut per ipsorū representationem, ea cōfidamus nos impetraturos, quæ solius sacerdotij Christi sunt.

6. Pontificia missa obscurat & euerit media illa, quæ ipsis filius Dei instituit & ordinauit: ut per illa applicaretur & acciperetur meritum, uirtus, & efficacia mortis & passionis suæ, ad remissionem peccatorum, & salutem æternā. Sicut enim certum & sufficiens meritum salutis, à Deo ordinatum est, sacrificium scilicet et Christi: ita quia oportet eius meriti applicationem fieri, filius Dei in hunc usum instituit & ordinauit. certa media, uerbi scilicet, & Sacramentorum. Et illa ita ordinauit, quod per ea in ministerio ipse, ut perpetuus sacerdos, uult efficax esse, proponere, offerre, distribuere, donare, applicare & obsignare meriti sua ad uitam, & salutem æternam. Et illa uult fide à nobis accipi: quam et ipsam efficacia sua in nobis operatur & confirmat, per uerbum & Sacramenta: ut ita laus & gloria nostræ reconciliationis & salutis, in solidū tribuatur unico Pōtifici nostro Christo. Sed illā gloriā Pōtificia missa Christo detrahit, et ad actionē sacrificuli transfert, quem fingunt merita passionis Christi posse applicare, quibuscūq; uelit. Ita cū Christus merita sua, in uerbo & Sacramēto nobis oblata et exhibita, uelit à nobis fide, utpote gratuita dona accipi,

Pontificia missa ex Sacramento facit sacrificium: hoc est, ex actione Dei facit nostrum opus, ex gratuita acceptatione facit opus meritorium & imperatorium. Sacrificium enim, iuxta Augustinum lib. 1. contra aduersarium legis, & de Ciui. lib. 10. est opus quod Deo nuncupamus, reddimus & dedicamus, hoc fine, ut sancta societate ipsi inhaeramus. Sacramentū uerò est sacrosanctum signum, per quod Deus gratuita sua beneficia, gratis nobis offert, exhibet, applicat & obsignat. Insignis igitur est peruersio cœnæ Dominicæ, ex Sacramēto facere sacrificium, eo modo sicut Pontificij de Missæ suæ sacrificio loquuntur: quòd scilicet representatoria illa sacrificuli actio, impetret nobis applicationem beneficiorum Christi: & qui curet pro se celebrari Missam, illum hoc opere impetrare gratiam, & quæ præterea Missæ tribuuntur. Paulus Rom. 3. inquit: Pater filium nobis proponit (scilicet in uerbo & Sacramentis) propitiatorium per fidem in sanguine eius. Heb. 9. Ipse Christus sistit se uultui Dei pro nobis. Hec omnia, Pontificia missa ad opus sacrificuli transfert.

Accedit & hæc peruersio, quòd cum Christus usum cœnæ suæ instituerit, pro singulis sumētibus qui accipiunt, manducant & bibunt, missa Pontificia usum & fructū præsentis celebrationis cœnæ Dominicæ, trāsferat ad spectatores qui nō cōmunicant: imò ad absentes, atq; adeò ad ipsos mortuos.

Breuitèr

Breuiter capita tantum argumentorū, ab alijs  
latius explicata annoto: ex quibus iudicari potest,  
quàm horrenda sit abominatio & idolomonia  
missæ Pontificiæ.

DE MISSIS IN HONOREM  
sanctorum.

Caput 3.

*Et quamuis in honorē & memoriam sanctorum, nonnullas interdum Missas Ecclesia celebrare cōsueuerit: non tamen illis sacrificium offerri docet, sed Deo soli, qui illos coronauit: unde nec sacerdos dicere solet, Offero tibi sacrificium Petre uel Paule: sed Deo de illorum uictorijs gratias agens, eorum patrocinia implorat, ut ipsi pro nobis intercedere dignentur in cælis, quorū memoriam facimus in terris.*

Canon 5.

*Si quis dixerit, imposturam esse, Missas celebrare in honorem sancto-*  
*Ee 3 rum,*

*rum, & pro illorū intercessione apud Deum obtinenda, sicut Ecclesia intendit, anathema sit.*

## EXAMEN.

Nec difficile, nec obscurū est huius Capituli & huius Canonis examē. decimus enim articulus, qui de sacrificio Missæ Theologis in Tridentino cōcilio examinandus propositus fuit, sic habet: An abusus sit, certas Missas certis sanctis, attribuere? Et 3. caput dicit, ideo Missas in honorem sanctorū celebrari, ut ita patrocinia eorū imploremus. Quod Canō Missæ interpretatur, ut Deus meritis et precibus sanctorum concedat, ut in omnibus, diuinæ protectionis auxilio muniamur. Quæstio igitur est: An sacrosancta cœna Dominica ideo sit instituta, ut eius celebratione, administratione & usurpatione, implorentur & comparētur patrocinia sanctorū, ita ut in omnibus, in quibus indigemus diuinæ protectionis auxilio, Deus illud concedat propter merita & preces sanctorū. Hæc certè impia prophanatio cœnæ Dominicæ, aduersa fronte repugnat institutioni eius: idq; nō tā apertè, quàm palpabiliter. Christus enim dicit: Hoc facite, nō in sanctorū: sed, in mei cōmemorationē. Et quidem in usu cœnæ Dominicæ ideo præbet nobis corpus & sanguinem suum, ut adituri thronum gratiæ, misericordiam



vicordiam cōsequamur, & gratiā inueniamus in auxilio opportuno, apprehendamus, & Deo fide proponamus merita unice oblationis Christi, & intercessionem ipsius, quod uultui Dei apparet pro nobis, semper uiuēs ad hoc ut interpellet pro nobis, ut in perpetuum saluet, qui per ipsum accedunt ad Deum. Heb. 4. 7. & 9.

His meritis & hac intercessionē nitamur, propter hæc merita & hanc intercessionē, petamus & cōfidamus in omnibus diuinæ protectionis auxilio muniri. Utq; de exauditione & impetratione certi simus, ipse filius Dei in usu coenæ se nobis coniungit, cōmunicatione corporis & sanguinis sui. Hæc certè ex doctrina uerbi Dei, de usu coenæ Dominicæ, sunt manifestissima, et plenissima dulcis & necessariæ cōsolationis. Pontificij uerò non tantū extra Missam, inuocationem sanctorum usurpant & defendunt: sed & ipsam sacrosanctam coenam Domini, huic impietati seruire cogūt: ut scilicet ipsa actione coenæ Dominicæ hoc queratur, ut sancti sua merita & preces interponāt inter nostram dignitatem & inter Deum, ita ut ipsorum meritis & precibus concedatur, quo in omnibus diuinæ protectionis muniamur auxilio. Et Missis illis de sanctis, quas Votiuas nomināt, adscribūt singulares effectus, et multo maiores prærogatiuas, quàm alijs simplicib. Missis, Hoc certè nō tantū est, Christo adiungere alios mediatores, per quorum merita

ptum est Apocal. 17. Thaidem Babylonicam circumdatam (in Missa scilicet) purpura & coccino, auro & margaritis, debere in fronte gestare titulum, quod sit mater fornicationum & abominatio nū terræ: ideo sine dissimulatione, perfricta fronte palam proficietur, ideo celebrari Missas de sanctis, ut ipsa actione cœnæ Dominicæ, patrociniâ sanctorum implorentur. Et Canon 5. dicit, Missas celebrari in honorem sanctorum, pro illorum intercessione apud Deum obtinenda: eo scilicet modo, sicut Canon Missæ & Collectæ de sanctis testantur.

Et ad defensionem impiæ huius prophanationis, ex doctrina Scripturæ de cœna Dominica, ne in speciem quidem aliquid proferri potest. Tantum ueterum quorundam exemplis, impietatem illam excusare & defendere conantur. Sed insignem & luculentam iniuriam faciunt ueræ & puriori antiquitati: quod paucis monstrabimus.

Hoc constat ex historia antiquitatis, cum in magnis illis primitivæ Ecclesiæ persecutionibus, pro confessione Christianæ fidei, multi quotidie martyres fierent, quod Ecclesia annuas illorum martyrum memorias, solenniter celebravit: & quidem in ipsis locis, ubi martyrum corpora sepulta erant, publicos celebrabant Ecclesiæ conuentus, tractabatur ibi uerbū Dei, celebrabatur ibi administratio cœnæ, sicut Paulus 1 Cor. 15. dicit, super mortuos cele-

bratam fuisse administrationem Baptismi. Et quidem in ipsa synaxi, ante consecrationem panis & vini, suo loco & ordine nomina et certamina martyrum publicè recitabantur. Progressu temporis, etiam martyrum corpora, sub ipsis mensis seu aris, in quibus celebrabatur cœna Dominica, reposita fuerunt, maximè Ambrosij & Augustini etate: ut testatur Ambrosius libro decimo, epistola 85. De his ex historia antiquitatis constat. Mox uerò Pontificij affingunt: Ergo antiquitas Missas celebravit de sanctis, ut ipsa actione cœnæ Dominicæ, implorarent patrocinia sanctorum, ut propter ipsorum merita & preces, consequerentur misericordiam, & inuenirent gratiam ad auxilium. Sed ipsi ueteres non tantum expressè se declarant, quomodo, quare, quo fine, qua opinione, & intentione hoc facerent: uerumetiam cum à multis illa quæ in memorijs martyrum fiebant, sinistrè acciperentur, disertè negarunt illa ipsa, quæ nunc Pontificij Missis de sanctis tribuunt. Extat apud Eusebium libro quarto, capite 15. epistola ecclesiæ Smirnenfis, ubi narratur, in illo loco ubi ossa Polycarpi humata erant, pios solitos *συνάγεσθαι*, hoc est, publicos Ecclesiæ conuentus celebrare, maximè in die passionis eius. Audi uerò, quomodo hoc quod tunc usitatum erat in Ecclesia, aduersarij interpretati sint. Narrat enim epistola Smirnenfis, & Iudeos suggestisse præfecto,

præfecto, ne corpus Polycarpi traderet humanum Christianis. fore enim, ut relicto crucifixo, martyrem illum colere inciperent. Quomodo uerò Christiani Christum crucifixum colunt? Certe ita, sicut epistola ad Hebræos perpetuum Christi sacerdotium describit: quod scilicet pro peccatis nostris crucifixus, iam in dextera patris, meritò unicæ oblationis suæ, & intercessionis suæ apparens uultui Dei pro nobis, interpellat pro nobis apud Deum: ut per ipsum accedentes ad Deum, consequamur misericordiam, inueniamus gratiam ad auxilium, & saluemur. ad Hebræos septimo & nono. Talem uerò honorem & cultum, hac intentione & in hunc finem arbitrabantur Iudæi Christianos exhibere martyribus, quando super monumenta ipsorum synaxes celebrabant. Sed Christiani respondent: Ignorant miseri, nos non posse unquam Christum, qui pro totius mundi salute mortem sustinuit relinquere neque alium quenquam colere. Qua uerò intentione, & in quem finem, synaxes celebrarunt super monumenta martyrum? Respondet epistola Smirnenfis: Ad memoriam eorum qui prius pro Christo certarunt, καὶ εἰς τῶν μελλόντων ἁγίων καὶ ἐτοιμασίαν. quod Ruffinus non incommode reddidit: Ut sequentium animi, ad præcessorum uiam insignibus exemplis suscitentur.

Sed



Sed in orationibus Ecclesie, etiam martyrum mentio facta fuit. Audi uerò, quomodo & illud Smirnensis ecclesia explicet: Martyres, inquit, propter insuperabilem erga regem & præceptorem suum beneuolentiam diligimus, tanquam discipulos Domini, & imitatores: & optamus, nos illorum consortes fieri. Græcè ualde significāter hoc dicitur: *ὡς υἱοὶ τοῦ πατρὸς σου, νομίζουσιν* & *ἐνέειναι*. Ita enim Paulus dicit, Philippenses esse consortes suos in gratia. Ruffinus relatiuum *ὡς*, interpretatur de fide, caritate, & perseuerantia martyrum. Orauit igitur Ecclesia, ut in uita æterna cōsors & socia aliquando fieret martyrum: utq; in hac uita, illarum uirtutum quas in martyribus celebrabat, consors redderetur, acceptis ex munificentia Dei similibus uirtutibus. Hoc testimonium ueteris Ecclesie, de memorijs & ueneratione martyrum, circa annum Domini 160. diligēter obseruetur. Vtrunq; enim ostendit, & explicationem ueræ sententiæ, & refutationem eorum quæ falso ipsis tribuebātur de cultu martirium. Apud Dionysium, ex tabulis recitantur nomina eorum qui in Christo obdormierunt. Sed Dionysius rationē reddit, illud fieri non uel ob implorandum ipsorum patrociniū, uel ob purgatorium: sed ut præsentes ad ipsorum imitationem uocentur: utq; prædicetur iam uerè uiuere, ut qui ex mortē in uitā uerè diuinā iam translati sint: & ita significetur, mortuos

tuos in Christo, adscriptos esse in memoria Dei.

Iulianos Christianis apud Cyrillum lib. 6. obiicit: Colitis homines miseros, usos lege dura quadā, & aspera. Cyrillus respondet: Martyres neque deos esse dicimus, neq; adorare consueuimus: sed laudamus eos summis honoribus, quod pro ueritate certarint, & fidei sinceritatem seruauint. Et postea dicit simile esse, sicut apud Græcorum uetustissimos, ij qui in Marathone ceciderant, anniuersarijs laudibus coronabantur, cum apud eorum sepulchra conueniretur. Hoc lector obseruet, unde consuetudo de anniuersaria martyrum memoria, quæ nullū expressum in specie, Scripturæ uel testimoniū uel exemplū habet, criginem traxerit.

Faustus Manichæus Augustino obiicit lib. 20. cap. 21. Idola uertistis in martyres, quos uotis similibus colitis: defunctorum umbras uino placatis, & dapibus. At qui uota gentilium ad idola, qualia fuerint, non ignotum est. Augustinus enim opiniones illas ita describit, de Ciuit. Dei libro 8. cap. 20. demones medios inter deos & homines agere: & illa medietate hominibus apud deos necessarios esse. cap. 23. Atque ideo donis inuitari, honoribus mulceri, religione coli, cap. 17. ut preces hominū ad deos perferāt, & inde ad homines concessa & impetrata quæ poscunt referant & apportēt, cap. 18. Quibus igitur persuaderi nō potuit, esse Deos: ipsis persuasum fuit, esse inter deos & homines  
internun-

internuncios, ac beneficiorum impetratores, atque ideo non omnino indignos honore diuino. Hæc ideo ex Augustino ascripsi, ut proposita disputatio eo rectius intelligi, utq; eo facilius commentum illud Apulei, ad P. ntificiorum figmenta de patrocinijs sanctorum conferri possit. Num igitur Augustinus in memorijs martyrum, illa quæ Faustus obijcit, agnoscat: quod scilicet similibus uotis à Christianis colantur martyres, sicut idola à gentibus? Nihil uerò minus. Nam capite uigesimo septimo, libro octauo, de Ciuitate dicit: Nos martyribus non constituimus templa, sacerdotia, sacra, & sacrificia. Atqui hoc in Papatu & factum est, & adhuc defenditur. Sed quare, qua intentione, & quo fine ueteres, apud memorias martyrum celebrarunt actionem cœnæ Dominicæ? Respondet Augustinus: Vt ea celebritate, & Deo uero de ipsorum uictorijs gratias agamus, & nos ad imitationem talium coronarum atque palmarum, ex eorum memoriæ renouatione adhortemur. Num uerò ad hæc consequenda, sancti inuocabantur? Nequaquam inquit Augustinus: sed inuocato in auxilium eodem Deo uero, qui ipsos & homines & martyres fecit, & sanctis angelis cœlesti honore sociauit. Sed tamen nomina martyrum in synaxi recitabantur: ergo fuit tunc inuocatio? Respondet Augustinus libro uigesimo secundo, cap. 10. Martyres ad sacrificium cœnæ,

coenae, sicut homines Dei, qui mundum in eius confessione uicerunt, suo loco & ordine nominantur: non tamen à sacerdote qui sacrificat, inuocantur. Contra Faustū lib. 20. cap. 21. Offeritur Deo apud memorias martyrum, ut ex ipsorum locorū admonitione, maior affectus exurgat, ad acuendam caritatem, & in illos quos imitari possumus, & in illum quo adiuuantē possumus. Hactenus Augustinus antiquitatis sententiam, Scripturae consentaneam rectē recitat. Non tamen nego, progressu temporis, Augustini praesertim aetate, peregrinas & uitiosas opiniones coepisse memorijs martyrum affingi. Quia enim ad memorias martyrum, quaedam miracula edebantur, quae sine dubio Deus ipse edebat, non alio cōsilio, quā quartum Regum 13. ut scilicet testaretur, doctrinam illam in cuius confessione martyres uitam profuissent, ueram & diuinam esse: utq; miraculis illis, homines ad amplectendam & cōfitemendam doctrinam illam inuitarentur & confirmarentur. Homines haec non cōsiderantes, coeperunt de singularibus martyrum pro suis cultoribus intercessionibus, de meritis & operationibus martyrum disputare. Vt de Ciui. lib. 8. cap. 27. Quidā epulas ad monumenta martyrum deferebant, & credebant eos ibi sanctificari per merita martyrum. Sed hoc Augustinus dicit à melioribus Christianis non fieri, & in infirmioribus tolerari.

Cœptum



Coepum uerò etiam fuit Augustini tempore di-  
 sputari, de orationibus, meritis, operationibus &  
 adiumentis martyrum mortuorum, propter mira-  
 cula quæ fiebant ad memorias martyrum. Sed illa  
 relicta tunc fuerunt in medio, tanquam opinio nec  
 uetus, nec certa. Vt lib. 22. de Ciuit. cap. 10. inquit:  
 Faciunt hæc martyres, uel potius Deus, uel oranti-  
 bus uel cooperantibus illis, ut fides confirmetur,  
 qua eos non deos esse nostros, sed unum Deum ha-  
 bere nobiscū credamus. Et cap. 19. Siue Deus ipse  
 per seipsum hæc operetur, siue per suos ministros,  
 siue quedam faciat etiam per martyrum spiritus,  
 siue omnia ista per angelos operetur, ut quæ per  
 martyres fieri dicuntur, eis orantibus tantum &  
 impetrantibus, non etiam operantibus fiant: siue  
 alia fiant istis, alia illis modis, qui nullo modo com-  
 prehendi à mortalibus possunt, &c. Idem de cu-  
 ra pro mortuis, cap. 16. An martyres ipsi præsen-  
 tes sint, quando ad memorias ipsorum miracula  
 fiunt: an uerò Deus per ministeria angelorum opi-  
 tuletur, & martyres generaliter orantes audiat:  
 res hæc altior est, quàm ut à me possit attingi: &  
 abstrusior, quàm ut à me ualeat perscrutari. Ita  
 Origenes in 2. ad Rom. An sancti qui cum Christo  
 sunt, aliquid pro nobis agant & laborent, ad simi-  
 litudinem angelorum qui salutis nostræ ministe-  
 ria procurant: habeatur hoc quoq; inter occulta  
 Dei, nec chartulæ committenda mysteria. Ita pri-  
 mum

mum siue affeuerationibus disputare coeperunt ille opinionones.

Hieronymus uerò in contentione aduersus uigilantium, audacius aliquid de hac questione, sed sine Scripturæ & antiquitatis ueris testimonijs affeuerauit. Basilius & Nazianzenus declamatorijs suis apostrophis, non exiguam fecerunt inclinationem. Augustinus etiam opinionibus illis, licet eas in dubio relinqueret, aliquid tamē cōspicit tribuere. ut de Ciuit. libro 22. cap. 9. dicit, martyres talia à Domino impetrare posse, & pro patientia etiam habere potentiam. Item contra Faustum, lib. 20. capite 21. Populus Christianus memorias martyrum religiosa solennitate concelebrat, & ad excitandam imitationem, & ut meritis eorum cōsocietur, atq; orationibus adiuuetur. Quod de imitatione dicit, illud ex sententia ueterum dicit. Alterum de consociatione meritorum, nō est illud quod Pontificij tradunt, sanctorū merita applicari alijs: sed merita Patres uocant ipsa bona opera, & uirtutes sanctorum, quibus Deus reddit præmia. Vt igitur in similibus uirtutibus, et in uirtutum coronis, socij sanctorum efficiamur, ad hoc dicit prodesse celebrationem certaminum, & uictoriarum martyrum: sed inuocato in auxilium, & adiuuante uero Deo, qui ipsos fecit martyres. hæc enim sunt Augustini uerba. Et qualem consociationem intelligat, inde colligi potest,

Et quod

## 322. EXAMEN DECRETORVM

quod 8. de Ciuitate dicit, Deum martyres angelis  
cœlesti honore sociasse. Et hoc loco dicit, nos  
martyrum meritis, hoc est uirtutibus consocian-  
dos esse. Et hæc phrasis de consociatione, planè  
reddit illam sententiam, quæ extat in Epistola  
ecclesiæ Smirnenfis: ut scilicet optemus nos fie-  
ri *συνουχούς*, martyrum consortes & socios.

Postremum uerò apud Augustinum de adiu-  
mento orationum, ortum est ex illa opinione,  
quam Augustinus in dubio reliquit, sicut iam di-  
ctum est.

Postremis uerò temporibus, fabricatus est in-  
de articulus fidei, de patrocinijs, meritis, interces-  
sionibus, auxilijs, adiumentis & beneficijs san-  
ctorum. de quo si quis uel parum ambigat saltem,  
statim anathemati subijcitur: sicut 5. Canon o-  
stendit. Et quidem (quod horrendum est) ipsa a-  
ctio cœnæ Dominicæ eò detorquetur. Sed ex Scri-  
ptura ostendi non potest, cœnam Dominicam  
in hunc usum à Christo esse institutam, imò pro-  
phanatio est, pugnans cum institutione cœnæ, si-  
cut supra demonstratum est. Quod ad anti-  
quitatis exempla & testimonia attinet, ostendi-  
mus quæ fuerit sententia uetustissimæ & purio-  
ris antiquitatis: & quomodo postea progressu  
temporis irrepserint aliæ opiniones: quæ in me-  
dio tamen, seu potius in dubio relictæ fuerunt, do-  
nec tandem sub regno Pontificio stabilitæ, in eam  
propa-

prophanationem cœnæ Dominicæ & cultus di-  
uini exierūt, quæ omnium piorū querelis iam de-  
ploratur. Cumq; æquum esset, ut ad ipsos primos  
fontes, iuxta Cypriani consilium hæc reduceren-  
tur, & inde canalis in nostra tempora deduceretur,  
sicut Augustinus inquit: Tridētini patres, sim-  
plicit̃ præcisa omni spe emendationis. Missas de  
sanctis, cum annexis ipsis neruis superstitionum,  
sub anathematis interminatione stabiliunt. Sed de  
inuatione sanctorum, peculiaris postea locus e-  
rit. Nunc de memorijs martyrum, qua illas ratio-  
ne uetus Ecclesia celebrarit, quædam annotanda  
fuerunt. ad illa enim exempla non obscure allu-  
dit 3. hoc capitulum, cum tamen Pontificia me-  
moriam sanctorum, nihil commune habeat cum ue-  
terum memorijs. Illi enim publica prædicatione  
proponebant & celebrabant certamina & uictō-  
rias martyrum, ad imitationem: Pontificij uerò  
tacito mŭrmure somniant uerius quàm celebrant  
memoriam sanctorum: & tamen huic dormitu-  
rienti speculationi, tribuunt ea quæ suprā  
diximus. Hæc uerò prorsus igno-  
ta sunt antiqui-  
tati.



824 EXAMEN DECRETORVM  
DE CANONE MISSAE.

Cap. IIII.

*Et cum sancta sancte administra-  
ri conueniat, sitq<sub>3</sub> hoc omniū sanctissi-  
mum sacrificium: Ecclesia catholica  
ut digne reuerēterq<sub>3</sub> offerretur ac per-  
ciperetur, sacrum Canonē multis ante  
seculis instituit, ita ab omni errore pu-  
rum, ut nihil in eo contineatur, quod  
nō maxime sanctitatem & pietatem  
quandam redoleat, mentesq<sub>3</sub> offeren-  
tium in Deum erigat. Is enim constat  
cum ex ipsis Domini uerbis, tum &  
Apostolorum traditionibus, ac san-  
ctorum quoq<sub>3</sub> Pontificum pijs institu-  
tionibus.*

Canon 6.

*Si quis dixerit, Canonem Missae  
errores continere, ideoq<sub>3</sub> abrogādum,  
anathema sit.*

EXAMEN.

*Nervus, imò substantia, & quasi anima Ponti-  
ficij*

ficij sacrificij, est Canon Missæ: ideo de eo retinendo multa magis laborant, quàm de ipso sacræ Scripturæ Canone, quem intermixtis alijs non Canonicis libris, uitiare non uerentur. Vt autem maior esset apud omnes Canonis istius autoritas, sparsa fuit per Pötificios persuasio, esse traditionem Christi & Apostolorum: licet ex Scriptura hoc ostendi non possit. Ita respondet Innocentius de celebratione Missarum, cap. Cum Marthæ. Eccius ex Isidoro citat ordinem Missæ, sicut nunc in Ecclesia Pontificia celebratur, primum à sancto Petro ita esse constitutum. Decretum de cōsecratio: dist. 1. fingit Iacobum fratrem Domini, edidisse celebrationem illam Missæ, sicut nunc usitata est apud Pontificios. Et hæc persuasio quodam inter Scholasticos scriptores ita dementauit, ut uerba institutionis contenderent potius ita esse legenda, sicut in Canone Missæ posita sunt, quàm sicut apud Euāgelistas & Paulum descripta extant.

Tempore Bessarionis, acris fuit disputatio: Ad consecrationem Eucharistiæ, equè necessaria esse uerba Canonis, ac uerba institutionis. Cumq; in Canone illo multa sint, in quorum cōmoda interpretatione, multi scriptores nequicquam laborarint: Cricius Polonus dicit, omnes expositiones Canonis esse ineptas: non enim quærendam esse interpretationem Canonis: sed quia sit mysterium, à Christo & Apostolis traditū, ideo non intelligen-

## 226 EXAMEN DECRETORVM

dum sed adorandum esse. Sed primò ex Scriptura doceri, nulla uel ratione uel specie potest, Canonicam illam precem quæ Pontificijs usitata est, uel à Christo usurpatam, uel ab Apostolis traditam. Deinde ipsi scriptores pontificij, sicut supra ostēdimus, apertè tradūt, sine Canone illo, ad solā tantūmodo Dominicā orationem, Apostolos per uerba institutionis, consecrassè oblationis hostiam.

Et extant multa Scriptorum testimonia, quòd Canon ille à Romanis Pōtificibus frustulatim, seu per partes compositus, & intra sexcentos à Christo nato annos, uix, absolutus sit. Quartum igitur hoc Tridentinum capitulum non audet simpliciter asserere, Canonem Missæ à Christo et Apostolis compositum: sed ait, Ecclesiam catholicam Canonem illum instituisse. Ne tamē existimetur prorsus humana esse traditio, mox addunt, Canonem constare ex ipsis Domini uerbis, ex Apostolorum traditionibus, & ex Pontificum institutionibus. Secernantur itaq; illa, quæ in Canone sunt Christi & Apostolorū; ut agnosci possit, quæ sint Pontificum institutiones.

Verba autem institutionis cœnæ, sunt Christi. Et iuxta Gregorium, Apostolica traditio est, orationem Dominicam in celebratione cœnæ recitare. Exceptis igitur uerbis institutionis cœnæ, & oratione Dominica, Canon Missæ totus quantus est, humanum inuentum, & humana cōpositio est:  
sive

(sive ut Tridentini loquuntur) Canon Missæ Romanorum Pontificum institutio est.

Sed addunt, Canonem illum multis antè seculis ab Ecclesia institutum esse. illa autem tam multa secula non numerant. Constat enim, sicut potest ostendemus, compositionem illam Canonis, quæ nunc apud Pontificios usitata est, quingentis annis & amplius post Christum, nondum extitisse in Ecclesia.

De autore etiam, seu consarcinatore potius, non satis constat. Quidam compositionem illam Canonis, Damaso tribuunt, circa annum Domini 370. alij Leoni, circa annum Domini. 450. plerique Gelasio, circa annum 490. ut à Romanensi sede aliquid mutuetur autoritatis. Sed Gregorius libro 7. epist. 63. loquens de compositore Canonis, sine dubio non omisisset, si is Romanus aliquis pontifex fuisset. sed inquit: Precem illam Scholasticus composuit. Scholastici uerò huius, nec Eusebius, nec Hieronymus, nec Sophronius meminerunt: imò ne Gimodius quidem, qui circa annum Domini quingentesimo catalogum scriptorū Ecclesiasticorum pertexuit.

Gregorij igitur ætate, circa annū Domini 590. uel paulo antè, uixit cōsarcinator ille Canonis. Nā Gregorij tēpore, appellatio Scholastici, multis fuit propriū nomē, sicut Grāmatici loquuntur. Ita iudex quidā in Campania, lib. 2. epist. 54. Et defensor



Ecclesiæ, libro 9. epist. 14. habent nomen Scholastici. Et tamen ne illa quidem Scholastici compositio, in Pontificia ecclesia prorsus seruetur. Gregorium enim postea particulas quasdam quæ nunc in Canone leguntur, addidisse, ex historijs notum est.

Innocentius igitur disputans de autore Canonis, nunc Gelasio, nunc Scholastico: tãdem inquit, nec ab uno autore, nec uno tempore, sed particula tim à multis autoribus & uarijs temporibus compositum esse Canonem. Ita centonũ instar, à multis autoribus, & uarijs temporibus confutum est infelix illud corpus Pontificij Canonis. Alexãder primus circa annum Domini 110. addidit in Canone: Qui pridie quàm pateretur. Siritius circa annum Domini 380. ordinauit in Canone: Cõmunicantes, & memoriam uenerantes. Leo primus circa annum Domini 450. instituit illam partem Canonũ: Hanc igitur oblationem. Gregorius Magnus circa annum 590. addidit: Dies nostros in pace, &c. item: quam oblationem, &c.

Fumi igitur & nugæ sunt, quòd de antiquitate instituti & compositi Canonis, Tridentini patres fabulantur. Sed opponunt: Non hoc potissimũ queri, à quo autore & quo tempore Canonica illa precatio in unum corpus, & in formam illam quæ nunc uulgata et usitata est, compacta sit: cum ostendi possit, eam sumptam & collectam esse ex Iustino,

Iustino, Dionysio, Basilio, Chrysostomo, Augustino, & Ambrosio: apud quos & sententiae, & uerba Canonis legantur. Sed & haec gloriatio uana & falsa est. Et utile est, scire antiquitatis historiam de precibus, quae usitatae fuerunt in liturgiis, siue in celebratione coenae Dominicae. Inde enim multa iudicari possunt ex collatione, & de Pontificio Canone, & qua libertate, ratio talium precum ad analogiam fidei, in nostris Ecclesiis recte instituta sit. Iustinus igitur Apologia 2. dicit, post lectionem & interpretationem Scripturae, omnes consurgere ad orationem: & finitis illis precibus, afferri praeposito panem & uinum, ut actionem coenae Dominicae inchoet. Et in illa actione meminit laudis, glorificationis precum & gratiarum actionis; quib. perfectis, populus ἐκ οὐρανῶν, dicens, Amen. Post communionem, inquit, comonem facimus nos inuicem de dilectione, & coniunctione fraterna: & contribuimus eleemosynas, quib. egentibus subueniatur. Et super illis quae ita offeruntur, benedicimus patrem factorem omnium, per filium & Spiritum sanctum.

Apud Irenaeum lib. 4. illae oblationes pro pauperibus, cum gratiarum actione super illa dona, praecedunt actionem coenae Dominicae. ex illis enim muneribus, de primitiis frugum sumitur, quod per uerba Christi accipit uocationem, ut sit corpus et sanguis Christi.

Apud Dionysium fiunt preces & lectio-

nes sacrorum librorum: & egredi iubentur catechumeni, energumeni, & poenitētes. Postea proponitur panis & calix: & perficitur *ἡ εὐχὴ*, sacra precatio: postquam sequitur cōmunio, quæ desinit in gratiarum actionem.

Augustinus epist. 59. ad Paulinum, explicās illud Pauli 1. Tim. 2. de precationibus, orationibus, interpellationibus, & gratiarum actionibus, dicit, in celebratione Sacramētorum fieri precationes, antequam illud quod est in mensa Domini, incipiat benedici: deinde fieri orationes cum illud benedicitur, sanctificatur, & ad distribuendum cōmunitur & præparatur: Interpellationes uerò fieri, cum ante communionem populo benedicitur: & post communionem, dicit omnia concludi gratiarum actione. Chrysostomus homilia 18. in 2. ad Corinth. Primum fiunt communes preces à sacerdote & à populo. 2. post exclusos illos qui nō possunt interesse mysterijs, alia facienda est oratio, 3. pax cōmunicandis dicitur. 4. concluditur gratiarum actione.

In ueterū igitur liturgijs, 1. factæ fuerunt preces, priusquam illud quod in mensa Domini est, inciperet benedici. 2. In ipsa benedictione, sanctificatione, & præparatione panis & calicis Dominici, habuerunt preces quasdā. 3. et post sanctificationem, ante cōmunionem data fuit benedictio seu pax populo communicaturo. 4. post communionem

nionem tota actio conclusa fuit gratiarū actione.

Sed iam quæstio est, quod fuerit argumentū, & quæ materia illarū precū. hæc. n. observatio propriè pertinet ad hanc controuersia. Illud uerò ex ueterum scriptis non obscure colligi potest.

Argumentum enim precationum, quæ post interpretationem Scripturæ, ante benedictionem Eucharistiæ fiebant, Chrysostomus luculenter explicat, 1. Timot. 2. ubi dicit, in obsequio quotidiano oblationis Sacramentorū, fieri ab Ecclesia obsecrationes et gratiarū actiones: nō p fidelib. solū, sed etiā infidelib. pro regibus, & omnibus qui in sublimitate positi sunt, ut illarū præsidio defensi, tranquillā uitā agamus in pietate et castitate, ipsosque facit ad agnitionē ueritatis uenire. Itē: Referimus Deo gratias, pro felicibus omniū successibus, q̄ solē suū oriri faciat, et pluat super iustos & iniustos. Item: Præcipue egimus gratias pro his qui nobis iungūtur, et pro beneficijs Dei quæ nobis et illis cōtingerūt, & quotidie cōtingūt, siue clām siue manifeste proueniāt, siue læta sint siue tristia. Idem homilia 26. in Matth. Altari sacerdos assistens, iubet nos Deo offerre gratias, pro uniuerso terrarū orbe, pro absentibus atq; presentibus, pro ijs qui ante nos fuerunt, & qui postea futuri sint.

Homilia 18. in 2. ad Corinth. In precib. uiderit quis populū simul cū sacerdote offerre, pro energumenis & pro pœnitentibus. Et idem confirmat

Tertul.



Tertullianus in Apologetico : Oramus pro Imperatoribus, pro ministris eorum, pro statu seculi, pro rerum quiete, pro mora finis, &c. Ita Ambrosius de Cōsecrat. 2. ca. Panis est, per reliqua omnia quæ in superioribus ante consecrationem dicuntur, laus Deo refertur, oratione petitur pro populo, pro regibus, pro cæteris. Et Augustini sententia, cap. Vtrū, dicit: Reliqua omnia quæ ante consecrationē sacerdos dicit, nihil aliud quàm laudes & gratiarū actiones sunt, aut certē obsecrationes & petitiones fidelium.

Hoc igitur fuit argumentum, & hæc materia precationum, ante sanctificationem Eucharistiæ. Et huc pertinent etiam illæ preces, quibus super munera à fidelib, oblata benedicebatur pater, per filium & Spiritum sanctum, sicut Iustinus, inquit: & orabatur, ut Deus uellet munera illa populi sui accepta habere, sanctificare, & benedicere: sicut multe secreta quæ ita uocantur, hoc testantur.

Quod uerò argumentum fuerit sacræ precis, sicut Dionysius illam uocat, in ipsa benedictione & preparatione Eucharistiæ, Iustinus ita notat: Præpositus accipiens panem & uinum, laudē & gloriam patri in nomine filij & Spiritus sancti tribuit: & diu gratias agit, quòd Christus dignos nos iudicari et fecerit, quibus institueret hæc mysteria. hoc enim uolunt Iustini uerba: ὑπὲρ τῆς κατὰ Ἰησοῦν καὶ τῶν πατρὶς αὐτῶν.

Dionysius

Dionysius argumentum sacrae precis, in ipsa sanctificatione Sacramenti ita describit: Sacerdos stans ad altare, celebrat diuinas operationes Iesu, pro salute generis humani, quas beneplacito patris in Spiritu sancto, iuxta Scripturas perfecit. Deinde procedit ad symbolicam administrationem: ubi prius per apologiam excusans se, quod ausit sacramentum illarum administrationem aggredi, exclamat: Tu dixisti, Hoc facite in mei commemorationem. Postea petit ut idoneus fiat ad sacram hanc administrationem, qua Christum Deum imitari debet, perficiendam. hoc enim uocat *εὐχαριστία τοῦ σώματος*. utq; sancte possit distribuere: & ut illi qui participaturi sunt, ut sanctos decet, participent. Ibi uerò Patres, multa de usu & fructu communionis cœnæ Dominicæ concionati sunt, quòd ibi dispensetur sumētibus uictima, quæ est satisfactio pro peccatis nostris, & precium redemptionis. Cyrillus dicit, fieri annunciationem incarnationis, mortis, resurrectionis, & ascensionis Christi: cuius pulcherrima extat formula in Liturgia Basilij. Et qualis ibi gratiarum actio de mysterio redemptionis celebrata fuerit, ostendit Chrysostomus homilia 16. in Matthæum. In hac uerò sacra prece, præcipua fuit recitatio uerborum institutionis, sicut testatur Ambrosius de Sacramentis lib. 4. Et hanc orationem dicit Augustinus ad Paulinum, omnem ferme Ecclesiam concludere oratione Dominica.

Porro.

Porro in illa sacra prece oblatum etiam Deo fuit, sicut Augustinus inquit, uotum nostrum, quo nos uouemus in Christo esse mansuros, utique in compage corporis Christi. multi enim unum corpus sumus in Christo: Atq; hoc modo tunc ad significandam cōmunionem sanctorum, recitabantur nomina patriarcharum, Prophetarum, Apostolorum, martyrum, sanctorum, et eorum qui piē in Christo obdormierant, sicut in præcedenti capitulo explicauimus.

Ad hanc precem pertinet etiam benedictio & pax data communicaturis: ut scilicet apti sint sacris mysterijs Christi, & digne cōmunicare possint. Augustinus dicit: Antistites tunc uelut aduocati, susceptos suos misericordissimæ offerunt potestati.

Hoc fuisse argumentum, & hanc materiā sacre precis, cum illud quod in mēsa Domini est benedicatur, sanctificatur, & ad distribuendū præparatur & cōminuitur, ex descriptionib. quæ apud ueteres extant, certum est. Illas uerò preces fuisse populo cum sacerdote communes, testatur Chrysostomus homilia 18. in 2. ad Corinth. His uerò peractis, inquit Augustinus, & participato tanto Sacramento, gratiarum actio cuncta concludit. Eius uerò argumentum fuit, sicut Thomas notauit, quod populus exultauit pro sumptione mysterij, & sacerdos per orationem gratias Deo obtulit.

obtulit. Et hoc inde sumptum est, quia & Christus hymnū cecinit, post datā discipulis cōmunionem: sicut annotat Chrysost. homil. 83. in. Matth.

Hactenus mōstrauimus, quis ordo fuerit, quod argumentum, & quæ materia sacrarum precum, apud ueteres in liturgijs. Quæ obseruatio postea prōderit ad examen Pontificij canonis. Nō autem conceptis uerbis præsæpta fuit una quædam certa forma harum precum, ad quam sub peccati mortalis periculo omnes Ecclesiæ alligatæ essent: sed liberum fuit, uti quacunque forma, modo, analogæ esset fidei. Ita tempore Augustini, in concilio Aphricano, capite 70. & in Mileuitano, capite duodecimo, de precibus seu orationib. Misæ statuitur, ut prius cum prudentioribus conferantur: nec aliæ dicantur, quàm quæ à prudentioribus tractatæ, uel in synodo comprobatæ sint, ne fortè aliquid contra fidem sit compositum. Ita Græci aliam formam huiusmodi precum habuerunt in ecclesia Dionysij, aliam in Basilij, aliam in Chrysostomi ecclesia. Apud Latinos aliam formam habuit Ambrosius, aliam Isidorus, aliam Gregorius. Et tamen cum Augustinus Gregorio proponeret quæstionem, quòd alia consuetudo Missarum in Romana ecclesia, alia in Gallicanis ecclesijs teneretur: Gregorius non uult ad illam suam formam precum, omnes Ecclesias alligatas esse: sed respondet:

In qua-



In quacunque Ecclesia inueneris quod plus possit Deo placere, sollicitè eligas. Fit itaq; præter & contra antiquitatis sententiam, quòd ad recitationem Pontificij canonis, tanquam necessariã, Ecclesias ita uolunt cogere, quasi sine illo Canone non possit fieri consecratio, & cõmunio Eucharistie. Et in iuste damnantur nostræ Ecclesiæ, quòd in celebratione cœnæ Dominicæ, liberè sicut ueteres fecerunt, utuntur formulis precationũ, quæ & sunt analogæ fidei, & pro ratione nostrorum temporum, ad ædificationem Ecclesiæ faciunt : in quibus tamen substantialia, quæ in ueterum precationibus usitata fuerunt, comprehenduntur.

Vt autem ad Pontificium Canonem redeamus, falsum est quòd dicunt, eius uerba & sententiam extare in Iustino, Dionysio, & Augustino ad Paulinum. Sed inquirunt : In Basilij & Chrysostomi Missa, pleraq; quæ in Latino Canone sunt, inueniuntur. Ego uerò ut non negarim, Basilium & Chrysostomum suis Ecclesijs composuisse formam aliquam talium precum : ita affirmo probari non posse, Missas illas quæ Basilij & Chrysostomi titulo circumferuntur, ab illis autoribus eo modo sicut nunc habentur, conscriptas esse. magna enim, & ualde dissentiens est exemplarium uarietas. Vt in Basilij Missa, uetus translatio cum Græco exemplari, & noua uersione, non cõuenit : & liturgia qua Syri, titulo Basilij utuntur, nec cum ueteri,

ueteri, nec cum noua translatione conuenit. Ita in Chrysostomi Missa, magna diuersitas est exemplarium, Leonis Tusci, Erasmi & Pelargi, qui affirmat suum exemplar nec cum Tusci, nec cum Erasmi exemplari per omnia conuenisse: & addit, se Romæ in Rota uidisse aliud exemplar, quod adhuc ab omnibus uariet. Non igitur genuina, sincera et certa sunt omnia, quæ titulo Basilij & Chrysostomi, in liturgijs ipsorum nunc legimus, sed multa in illis sunt uariata, transformata & assuta: quod uel inde colligitur, quod ibi in commemoratione sanctorum, etiam Basilij & Chrysostomi nomen legitur, quod sine dubio ab ipsis autoribus ita non est scriptum. Ex ijs igitur quæ dubia et incerta sunt, res tanta de qua in hac controuersia agitur, definiiri nec potest, nec debet. Ambrosius 1. Tim. 2. uocat regulam Ecclesiasticam, qua inquit sacerdotes nostri utuntur, ut pro omnibus supplicent. Quale uerò illud sit, iam ex Augustino & Chrysostomo ostendimus. In libro de Sacramentis 4. cap. 5 et 6. extant quedam uerba, quæ in Latino canone nunc legimus. Sed nec de illis libris certò constat, quod sint Ambrosij, & alia ratione ibi ponuntur uerba, quam Pontificij canon ea accommodat ad suum propitiatoriũ sacrificium sicut mox ostendemus.

Hæc ideo commemorauimus, ut ostenderem uanam esse gloriationẽ de antiquitate, autoritate & certitudine Pontificij canonis. Non enim sequitur: Ve

teribus usitata fuerunt singulares quædam preces  
in liturgijs : ergo illa ipsa planè forma precû fuit,  
quæ nunc extat in Pontificio canone . uel : Quæ-  
dam uerba Canonis reperiuntur apud ueteres : er-  
go totus Pontificius canon ita sicut nunc extat, ue-  
tustissimos patres autores habet . Et quid opus est  
pluribus ? Ipsi Pontificij scriptores annotant, quæ  
sententiæ Canonis non ex quibus patribus sum-  
ptæ, sed à quibus Romanis pontificibus inuenta  
& institutæ sint. Tridentinum etiam capitulum di-  
cit, Canonem exceptis uerbis institutionis & ora-  
tione Dominica, constare ex Pontificum institutio-  
nibus. Et iudico hoc ideo positum esse in Triden-  
tino decreto, ut ostenderent se non probare dispa-  
tationes, qui contendunt Canonem Missæ nō à Ro-  
manis pontificibus, sed ex Patrum scriptum et col-  
lectum esse.

Sed largiamur sanè hoc, particulas quasdam  
Pontificij canonis, habere cognationē cum Cano-  
ne uel Basilij, uel Chrysostomi, uel Ambrosij, uel  
Augustini. non enim statim inde cōficietur, totum  
systema Pontificij canonis, propterea pium & sa-  
lutare esse. Nam & alia multa assuta sunt, & quæ  
cum ueterum precibus cognationem habent, in a-  
liū planè sensum & usum transformata sunt, sicut  
mox ostendemus : ut ita infelix cōpositio Pontificij  
canonis, cōsuta sit ex integro corrupto, & ex mul-  
tis corruptis. Quando igitur audieris Pontificium  
aliquem

aliquē uociferantem: Quid nī pius & salutaris sit totus noster Canon, cū eius sententiæ quædā, totidē fermē uerbis, in Patribus quibusdā legātur. Opponito elegantissimā similitudinē Irenæi, quæ libro 1. cap. 1. aduersus illos utitur, qui Scripturæ quasdā sententias excerpébāt, & cōmentis suis, ne sine teste esse uiderentur, accōmodabant. Idem enim dicitur esse, ac si quis imaginē regis, ex gemmis preciosis à sapiente artifice fabricatā soluat, & materiā aliter cōponat, ut fiat inde imago canis uel uulpis: et postea gloriaretur, esse pulchram imaginem regis, quia illa ipsa materia sit. Vel qui ex uarijs Homeri uersibus, centones consuunt, si illi gloriari uellent, esse diuinum Homeri poema.

Quia uerò Tridentinum capitulum decernit, Canonem Missæ ab omni prorsus errore ita esse purum, ut anathema denuncient, si quis dixerit ipsum errores continere: non sanè prolixam instituemus tractationem, sed breuiter & ordine per capita tantum recitabimus, & tanquam in tabella spectandum proponemus, quos errores & quæ uitia Pontificius canon contineat: monstrata antithesi, quomodo ea quæ in precationibus ueterum piē usurpata fuerunt, impiē nunc in Canone transformentur, ad iteratum sacrificiū Christi pro peccatis.

1. Olim super munera fidelium, quæ ad aram pro pauperibus offerebātur, sicut suprā ostensum



est, dicebatur talis oratio: Supplices petimus, ut accepta habeas, & benedicas hæc dona, hæc munera, hæc sacrificia. Iam uerò collapsa & abolita illa consuetudine, accommodantur hæc uerba ad histrionicum Pontificiæ misse sacrificium, cuius descriptio ex Eccio suprâ posita est. Et illud etiam ante consecrationem Canon dicit, se offerre Deo pro Ecclesia: et per illud spõdet fore, ut Deus Ecclesiam suam regat, pacificet, custodiat. Hæc omnia uerò tribuuntur representationi nudi et simplicis panis, quia longè ante consecrationem hæc dicuntur. Tam multa monstra abominationum, ipsum principium Canonis, sicut nunc à Pontificijs usurpatur, complectitur.

2. Quod in Canone sequitur: Offerimus tibi hoc sacrificium laudis, pro redemptione animarum, pro spe salutis: manifestum est ex ipsis uerbis, quòd de spiritali sacrificio laudis, glorificationis, et gratiarũ actionis, olim hæc uerba dicta fuerint. Nam sicut antea ex Dionysio & Chrysostomo ostendimus, celebrabatur in Liturgia gratiarum actio, pro beneficio redemptionis à Christo nobis præstito, unde habemus spem salutis. Et talis celebratio iuxta Scripturam rectè uocari potest sacrificium laudis, pro redemptione animarum, facta scilicet per Christum in cruce. Pontificij uerò hoc sacrificio laudis, per linguam peregrinam, & per silentiarũ murmur sepulto, uerba illa ad histrionicam

nicam sacrificuli representationem accommodāt: quam dicunt fieri pro redemptione animarū, non quæ in cruce facta sit, sed quæ per representationem illam sit impetranda & consequenda. Et obseruet lector, quā sceleratè uerba peruertantur. Sacrificium laudis pro redemptione animarum, acquisita scilicet & inuenta per crucē Christi, detorquetur ad representationem sacrificuli, pro impetranda & promerenda redemptione animarū.

3. Psalmus 116. dicit: Quia pro beneficijs non possumus Deo gratias referre, beneficia ipsius, gratiarum actione esse celebranda: & hæc esse uera uota, quæ Deo reddēda sint corā omni populo.

Hæc igitur sententia de reddendis uotis, olim non malè accommodata fuit ad publicam & solennem, quæ in liturgijs usitata erat, celebrationem beneficiorū redemptionis Christi. Sed sublata publica illa celebratione, Canon redditionem uotorū, ad Missas uotiuas refert: quando scilicet aliquis, per nundinationem data certa pecunia, curat pro se & suis celebrari talem theatricam representationem, tunc impleri illud Psalmi: Vota mea reddam Domino, in conspectu populi,

4. Quomodo apud ueteres publica prædicatione celebrata sit memoria martyrum, de certaminibus & uictorijs ipsorum, in quem finem & usum, in præcedenti capitulo ostendimus. Pontificij uerò per silentium in Canone, non celebrant,

sed uenerantur memoria: & huic silentiarie memorie & nominationi, tribuunt ea quæ in Canone sequuntur.

5. Nominationi sanctorum, in uetustissima Ecclesia nulla coniuncta fuit inuocatio: sicut ex Dionysio, & ex epistola ecclesie Smirnenfis manifestum est. Postea circa Augustini tempora, disputari cœpit opinio, nos martyrum orationibus adiuuari. Sed illæ priuatæ cogitationes, tunc nondum insertæ fuerunt publicis liturgiæ precibus. Augustinus enim disertè dicit de illis precibus, de Ciuit. libro uigesimosecundo, capite decimo. Ad quod sacrificium, ut homines Dei, suo quidem loco & ordine nominantur martyres: non tamen à sacerdote qui sacrificat, inuocantur. Pontificius uerò canon, in ipsa actione cœnæ Dominicæ, querens Dei gratiam, opponit Deo & merita & preces sanctorum: & quidem ita, ut sperem faciat, Deum meritis & precibus sanctorum hoc concedere, ut in omnibus diuinæ protectionis muniamur auxilio. Et honoris (quod dicitur) gratia, additur, per Christum, &c. quasi uerò credentes per Christum non possint apud Deum auxilium inuenire, nisi hoc Deus concedat meritis & precibus sanctorum. Hoc certè directè pugnat cum sententia Scripturæ, Hebr. 4. 7. & 10. ubi per Christum docemur accedere ad Deum, & ad thronum gratiæ, ut consequamur misericordiam,

Et inueniamus gratiam ad auxilium. Augustinus etiam dicit: Sancti Dei nominantur quidem ad altare, sed à sacerdote non inuocantur. Pugnatur igitur in hac parte Pontificius canon, et cum Scriptura et cum antiquitatis sententia. Quamuis enim oratio illa Canonis non dirigatur ad sanctos, sed ad Deum: est tamē ipsissima inuocatio sanctorum. Nam orare patrem in nomine Christi, proposito scilicet ipsius merito et intercessionē, est inuocare Christum: ergo est inuocatio sanctorum, quando oro ut Deus sanctorum meritis et precibus concedat, ut in omnibus protectionis ipsius muniamur auxilio. Quam horrenda uerò abominatio sit in ipsa celebratione cœnæ Domini, Deo proponere merita et preces sanctorum, ut propterea inueniamus gratiam ad auxilium, in examine 3. Capituli diximus.

Et obseruet lector, ex quā dissimilibus centonibus consarcinatus sit Pontificius canon, et quomodo progressu temporis, impie opiniones ueterū precibus assutæ sint. In altera enim cōmemoratiōe sanctorū, in Canone uerba sunt pulcherrima: Nobis quoq; peccatoribus, famulis tuis, de multitudine miserationū tuarum sperantibus, partē aliquā et societatem dare digneris cum sanctis tuis. intra quorū nos consortiū, non estimator meriti, sed uenie quæsumus largitor admitte, per Christum Dominum nostrum. Hæc absque dubio fuit



formula ueteris commemorationis sanctorum: & pulchrè congruit ad ea quæ Smirnenſis epiſtola de memoria martyrum recitat. Sed poſtea aſſutum fuit contrarium commentum: Quorum meritis et precibus concedas, &c. Et illud recens aſſumentum, poſitum fuit in priori parte Canonis. Vetus uerò commemoratio ſanctorum, poſt principia reieſta eſt in poſteriore partem. Hæc conſideratio multa monet & illuſtrat.

6. Vetus Eccleſia obtulit Deo in celebratione Eucharistiæ, preces pro impetrandis per Chriſtum beneficijs temporalibus & æternis. Ad hoc ſacrificium precum, commodè potuerunt referri hæc uerba: Hanc oblationem placatus accipias, diesq; nostros in tua pace diſponas, atq; ab æterna damnatione nos iubeas eripi. Pontificius uerò canon, hæc transfert ad mimicam ſacrificuli representationem panis nondum conſecrati: & orat, ut Deus illam ita accipiat, ut propter illam dies nostros in pace diſponat, & à damnatione nos eripiat.

7. Quam oblationem benediſtam, aſcriptam, ratam, rationabilem, acceptabilemq; facere digneris. De hac particula Canonis, præcipuè triumphant Pontificij: extat enim in libro Ambroſij 4. cap. 5. de Sacramentis. Et de Conſecrat. diſtinct. 2. cap. Vtrum tribuitur Auguſtino. Sed inſtituatur collatio, quem ſenſum uerba illa habeant apud Patres, & quorſum ea torqueant ſacrificuli Pontificij.

ficij. Augustinus dicit, sacerdotem petere, ut uerbo creatoris, & uirtute, Spiritus sancti, ex pane & uino fiat corpus & sanguis Christi.

Et manifestè interpretatur de sumptione, cum inquit: Quia in Baptismo similitudinem mortis Christi accepimus, similitudinem quoque carnis & sanguinis eius sumamus. Corpus igitur Christi crucifixum, & sanguinem effusum, quando in Sacramento sumuntur, uocat hostiam benedictam, per quam benedicimur: ascriptam, per quam in coelo ascribimur: ratam, per quam de uisceribus Christi esse censeamur: acceptabilem, ut qui nobis ipsis displicemus, per hanc acceptabiles Deo simus. In hanc sententiam ueteres non malè orarunt: quia panis & uinum hæc præstare non possunt, ut fiat nobis corpus & sanguis Christi. illa enim hostia sumpta, est nobis benedicta, rata, acceptabilis. Et hoc ipse contextus Canonis uidetur uelle. addit enim interpretationē: Vt nobis fiat corpus & sanguis Christi. Et uocabulum oblationis, non pro actione ibi accipitur, sed pro pane & uino, quæ à populo oblata erant. Ita enim preparatoria oratio quæ Ambrosij titulum habet, inquit: Spiritus sanctus hanc nostram oblationem efficiat corpus & sanguinem Christi. Pontificij uerò sacrificij, hæc omnia ad gesticulatorem suam representationem accommodant; & illam interpretantur esse oblationē ascriptam, per quam in cælos ascribamur:

bamur: acceptabilem, per quam Deo acceptissimus: ratam, per quam rata sit nostri cum Deo reconciliatio. Hæc quantum distent à ueterum sententia, & qualia sint, manifestum est.

8. De uerbis institutionis cœnæ, quomodo illa in Canone mutantur, antea dictum est, ubi de consecratione egimus. Quod uerò post uerba institutionis sequitur: Vnde memores passionis, resurrectionis, &c. hoc sine dubio sumptum est ex ueteribus. Sed uide degenerationem. Cyrillus dicit, fuisse annunciationem: Dionysius utitur uerbo, *ὑμνεῖν*. Sed Pontificius canon lege cauet, ut ita murmuretur, ne quis exaudiat.

9. Antiquitus de oblatis à populo donis & datis, sumebatur quod sanctificabatur uerbo Christi, ut fieret Eucharistia corporis & sanguinis Domini: & hæc sumptio & sanctificatio uocabatur oblatio. Nunc cum mos ille non seruetur, uerba transferuntur ad representationem sacrificuli.

10. Post consecrationem super corpus & sanguinem Christi, orat sacrificulus, ut Deus pater accepta illa habere dignetur, sicut Abelis brutum pecus, & Melchisedech cibarium panem & uinum. Indigna profectò, & horrenda est comparatio. Torquent se igitur expositores Canonis, ut absurditatem illam aliquo modo mitigent & amoliantur. Sed centones sunt in Canone transpositi. In Liturgia enim Basilij, quando munera populi collecta

collecta sunt, & composita à presbyteris, tunc Pontifex orat, ut Dominus hoc incruentum sacrificium, acceptum habeat, sicut suscepit munera Abel, sacrificium Noe, holocaustum Abraham, &c. Secreta etiam quæ Dominica septima post Pentecosten legitur, ita orat: Super munera populi, pari benedictione sicut munera Abel, sanctifica. Hæc particula iam in centonibus Canonis, post consecrationem posita, oratur super ipsum corpus & sanguinem Christi. Et tamē nihil uel erroris uel absurditatis Canon continere decernitur.

II. Post consecrationem super corpus & sanguinem Christi, sacrificulus orat: Iube hæc perferri per manus sancti angeli, in sublime altare tuum, in conspectu maiestatis tuæ. Apostolus ad Hebræos nono dicit, Christum introiisse in ipsum cælum, ut appareat nunc uultui Dei pro nobis. Et sacrificulus (quod horrendum est) orat, ut per manus angeli primum eò deferatur. Sed quem sensum illa antiquitus habuerint, ex Ireneæ colligi potest: qui de oblatione munerū quibus miseremur pauperum, & de precibus inquit libro 4. capite 14. Est ergo altare in cælis: illuc preces nostræ, & oblationes nostræ diriguntur. Et ministerium angelorum in orationibus describitur, Apocal. 5. & Tobie 12. Hæc uerò particula in centonibus Canonis, non suo loco posita, peperit absurdam & impiam hanc sententiam.



De Consecrat. 2. cap. Vtrum, Augustini sententia ostendit, hæc uerba ante consecrationem solita fuisse dici: quæ ipse interpretatur, de sanctificatione panis, ut fiat corpus Christi.

12. De memoria defunctorum in Christo, extat alicubi quedam ueterum exempla. Sed Dionysius dicit, illam memoriam propter imitationem celebratam fuisse: utq; esset testimonium, quod mortui apud Deum uiuant. Postea ex illa memoria, factæ sunt preces & orationes, quibus animæ defunctorum Deo commendabantur. Pontificius uerò cænon fingit, opus illud representationis Missicæ, esse sacrificium propitiatorium pro peccatis, peccatis & satisfactionibus, quod defunctis in purgatorio applicetur ad liberationem. Ita sensim degenerarunt ueterum instituta, donec tandem usus cœnæ Dominicæ, qui pro uiuis institutus est ut manducant, bibant, & mortem Domini annuncient, ad mortuos translatus est, per modum sacrificij. Sed de purgatoria, & quæ huc pertinent, peculiaris postea locus erit.

13. Olim super munera fidelium, inter cæteras preces etiam hæc dicta fuit: Per quem Christum, hæc omnia nobis semper bona creas, sanctificas, benedixis, & præstas nobis: per ipsum est tibi Deo patri, in unitate Spiritus sancti, omnis honor & gloria. Hæc rectè conueniunt ad illud Iustini, super eleemosynas fidelium, Deum benedici in no-

mine filij & Spiritus sancti: & quod Paulus dicit, creaturas per uerbum Dei, & orationem sanctificari. Postea rapsodia Canonis post consecrationē, uerba illa ad corpus Christi transtulit, quasi illud in cœna Dominica semper de nouo creetur.

14. Tempore Gregorij, circa annum Domini sexcentesium, alia & noua adhuc inuocatio sanctorum, Canoni assuta fuit: ut scilicet intercedentibus sanctis, Deus propitius det pacem in diebus nostris: utq; à peccato simus liberi, et ab omni perturbatione securi. Et hæc inuocatio sanctorum, ita posita est in Canone, ut postquā dictum est in oratione Dominica, Libera nos à malo: & priusquā cantetur, Agnus Dei qui tollis peccata mundi, dona nobis pacem: inseratur inuocatio sanctorum. ut & liberatio à malis, & donatio pacis, sanctorū intercessionī accepta feratur: ne scilicet soli Christo hæc tribuantur, sicut oratio Dominica, & inuocatio agni Dei sonant: sed ut per Christum quidem, non tamen nisi intercedentibus sanctis, hæc nobis donari persuadeamur.

15. Intinctio Eucharistiæ pronunciata est à Iulio pontifice, non esse cōsentanea institutioni Christi, traditioni Apostolorum, & Ecclesiasticæ consuetudini. De Consecrat. 2. cap. Cum omne. Et tamen in Canone, sacerdos non tantum partem hostiæ consecratæ in calicem mittit, sed addit: Hanc commixtionem fieri sumentibus, salutem mentis

et corporis ad uitam eternā. Adeo Canonī Missæ nec cum Scriptura, nec cū Patribus, nec cum ipsis ueteribus Romanis pontificibus conuenit.

16. Conclusio Canonis, id quod nullæ ueterum preces faciūt, proponit Deo representationē illā sacerdotis, pro sacrificio propitiatorio. Et fingit sacerdos, se illud applicare quibus uelit. inquit enim: Hoc sacrificiū quod obtuli, sit mihi et omnibus pro quibus illud obtuli, propitiabile. Quantū uerō abominationū, commentū illud de propitiatorio sacrificio confineat, supra explicatum est.

17. Cum in priuatis Missis, contra morem ueteris Ecclesiæ solus sacrificulus sumat, manducet et bibat: tamē per ludibrium in Canone subinde ingeminat illas uoces: Quotquot ex hac altaris participatione sumpserimus. Fiat nobis omnibus sumētibus salus. Habete uinculum pacis, ut apti sitis sacrosanctis mysterijs Christi. item: Quæ ore sumpsimus. Cumq; unam tantum speciem communiantibus dispenset, tamen orat: Quotquot ex hac altaris participatione corpus et sanguinem Christi sumpserimus, et c. Noli hæc copiosa oratione amplificare et exaggerare, sed tantum capita errorum breui annotatione signare, et consideranda proponere uolui: idq; ex illa antithesi, quomodo quæ in ueterum precationibus non malè usurpata fuerunt, impie nunc ad Pontificiū sacrificiū Missæ accommodentur et detorqueantur.

illam

illam enim iudico simplicissimam rationem esse,  
declarandi Canonem Missæ.

DE CEREMONIIS

Missæ.

Caput 5.

Cumq̃ natura hominum ea sit, ut  
non facile queat sine ipsis adminicu-  
lis exterioribus, ad rerum diuinarum  
mediationem sustolli: propterea pia  
mater Ecclesia ritus quosdam ut sci-  
licet quædam submissa uoce, alia ue-  
rò elatiore, in Missa pronunciaren-  
tur instituit: ceremonias itē adhibuit,  
ut mysticas benedictiones, lumina, thy-  
miamata, uestes, aliaq̃ id genus mul-  
ta, ex Apostolica disciplina et traditio-  
ne: quo & maiestas tati sacrificij com-  
mēdaretur, & mentes fidelium per hæc  
uisibilia religionis et pietatis signa, ad  
rerū altissimarū quæ in hoc sacrificio  
latent,



352 EXAMEN DECRETORVM  
latent, contemplationē excitarentur.

Canon 7.

*Si quis dixerit, ceremonias, uestes,  
& externa signa, quibus in Missarū  
celebratione Ecclesia catholica utitur,  
irritabula impietatis esse magis quā  
officia pietatis, anathema sit.*

#### EXAMEN.

Ceremoniæ Missæ, non omnes unius sunt generis. Quædam enim habent mandatum diuinum, & exempla Scripturæ, ut fiant in celebratione cœnæ Dominicæ, quæ quasi substantialia sunt, ut in publico conuentu accipere panem & calicem, benedicere, distribuere, manducare, bibere, mortem Domini annunciare. Quædam uerò non habent quidem expressum mandatum Dei, ut necessario ita fiant, in celebratione cœnæ Dominicæ: sunt tamen sua natura res bonæ & piæ, si rectè ad edificationem usurpentur: ut Psalmi, lectiones Scripturæ, piæ preces, & gratiarū actiones, confessio symboli, &c. Quædam per se sunt superstitiosa & impia: ut sacrificium Missæ pro uiuis & mortuis, inuocatio sanctorum, satisfactio pro animabus in purgatorio, priuata Missa, consecratio salis, benedictio aquæ, &c. Quædam uerò ceremoniæ sunt  
adiapho-

adiaphoræ: ut uestitus, uasa, ornamenta, uerba, ritus, quæq; uerbo Dei non repugnant. Et quæ primi sunt generis, necessario obseruanda sunt: pertinent enim ad substantiam cœnæ Dominicæ. Ex ijs uerò quæ secundi & quarti generis sunt, in ecclesijs nostris pleraq; quæ ad ædificationē fidelis populi faciunt, salua Christiana libertate seruantur.

Tertium uerò genus superstitiosum & impium, meritò, rectè & necessario abrogatum & explosum est. Sed examinemus quintum hoc capitulum. Primum autem hæc consideratio se offert, quòd sine distinctiōe de ceremonijs Missæ loquuntur, & ex una fidelia omnes dealbāt. Hæc enim sophistice ipsis usitata est, quòd ea quæ per se pia et bona sunt in Missa, exaggerare solent, dissimulatis interea alijs: ut quia quædam pia et bona sunt, existimentur reliqua omnia unius & eiusdē esse generis. Aut si quis reprehendat manifestè superstitiosa et impia in Missa, statim clamitant, omnia salubria pietatis exercitia, & quæcūq; decoro & ordini seruiunt, labefactari & tolli. Omnino igitur in hac disputatione, adhibenda est distinctio illa quam in principio exposui.

2. Dicunt, omnes illas ceremonias quas in celebratione Missarum adhibent, esse ex traditione & disciplina Apostolica. quod manifestè falsum est. Quomodo enim Christus celebrarit cœnam Dominicam, Euangelistæ describūt: Apostolicam

H b

uerò

uero synaxim Paulus describit 1. Corinth. 11. Nec satis est quod dicunt, ueri simile esse, ab Apostolis ceremonias traditas & institutas esse, quia Paulus dicat: Cetera cum uenero, disponam: ostendendum enim esset certis documētis, quæ illa sint, quæ D. Paulus tunc uoluerit disponere, & postea disposuerit: quodq; uoluerit illa esse catholica & necessaria obseruationis. Sed non opus est huiusmodi coniecturis. Ipsi enim Pontificij scriptores prolixè testantur, Apostolos nudè & simpliciter celebraſſe cœnam Dominicam, recitata solummodo ad uerba cœnæ, oratione Dominica, & addita commemoratione mortis Christi. Atq; ideo ad Apostolicam missam, propter nudam simplicitatem, accommodant illud Prudentij:

Agresti turbida nultu,

Nuda humeros, intōsa comas, exerta lacertos.

Annotant autē iisdem Pontificij scriptores, quo tempore, & à quib. Pontificibus singulæ ceremoniæ Missæ, institutæ sint, falsum igitur est, totā panopliam, & integrū apparatū Pontificiæ missæ, esse traditionis & disciplinæ Apostolicæ.

3. Quo consilio, in quem finē & usum, Patres tales aliquas ceremonias adiecerint celebrationi Sacramentorum, suprà in loco de Sacramentis, in genere in explicatione 13. Canonis annotauimus. In celebratione uero cœnæ Dominicæ, tales seruant ceremonias, quæ annunciatonem mortis Do  
mini,

mini, quæ publica prædicatione uerbi fiebat, adiuuarent & illustrarent: quæq; unâ cum uerbo, de doctrina & usu Sacramenti, utiliter aliquid monerent & excitarent homines, ut attentius ad doctrinam uerbi, & ad ea quæ de substantia sunt cœnæ Dominicæ, animaduverterent. Et tales ritus liberæ fuerūt observationis. nō enim ubiq; fuerūt ijdem & similes, nec alij alios ad suorum rituum observationem cogeant. Tali uerò libertate, bonos & utiles ritus, nō inuiti probamus et seruamus. Sed Pontificij ueterum ceremonias, admixtis multis ociosis, ineptis & superstitiosis ritibus cumularunt, ita ut doctrina & uerus usus cœnæ Dominicæ multitudine talium rituum paulatim obscurari & obrui cœperit, donec tandem in aliud planè genus, sacrificij scilicet, transformata est actio cœnæ Dominicæ. Nec ad illustrationē doctrinæ, Pōtificij utūtur suis illis ceremōijs: sed uerba corā plebe uel peregrina lingua, uel ita secretè pronūciant, ut nemo exaudire possit. Interea uerò foris, externis signis gesticulantur: & illis humanis ritibus, sepulto usu uerbi, tribuunt hanc uirtutem & efficaciam, quòd spectatores excitent & subleuent ad contemplationē, meditationē, & fidē rerum diuinarum. Atqui uerbum & Sacramenta diuinitus instituta, sunt organon illud, per quod spiritus uult efficax esse, mentes illuminare, fidem & pietatem in illis excitare, fouere, confirmare.



augere et conseruare. Ingēs igitur discriminē est, & inter ceremonias & inter usum earum, qualis fuit in ueteri Ecclesia, & qualis nunc est in Missa Pontificia.

4. Obseruationem illarum ceremoniarum ita faciunt necessariā, ut pronūciēt mortaliter peccare eū qui aliquid in illis neglexerit: et uix credunt rectē celebrari cœnam Dominicam, si non adhibeatur totus ille ceremoniarū apparatus. Et quod diligenter considerandum est quæ in celebratione cœnæ Dominicæ sunt iuris & mandati diuini: ut scilicet ea quæ consecrata sunt alijs dispensentur, & quidem sub utraq; specie ut mors Domini publice annuncietur, lingua, quæ ab idiotis intelligi possit, 1. Cor. 14. ea libere negligunt, mutant, & sepeliunt. Pro humanis uerò ritibus retinēdis, ferro & flamma pugnant. Ita relinquentes mandatum Dei, tenēt traditiones hominum: imò irritum faciunt mandatum Dei, ut hominum traditiones seruent. Marci 7.

5. Ceremonijs illis & ritibus per se absolutis, tribuunt peculiaria merita. Et pleræq; ceremoniæ in Pontificia missa eò referuntur, ut homines abducant à uero usu cœnæ Dominicæ: utq; stabiliāt superstitiosas et impias opiniones, de opere operato sacrificij Missæ, pro uiuis & mortuis. Propter hanc uerò causam, & propter hunc abusum, de Papisticis missæ ceremonijs, non malè dictum est, esse

esse magis irritabula impietatis, quàm officia pietatis. Plura uerò ad hanc disputationem pertinentia, annotauimus in 13 Canone de Sacramentis in genere. Et de submissa uoce, dicemus in 8. capite.

## DE PRIVATIS MISSIS.

## Cap. VI.

Optaret quidem sacrosancta Synodus, ut in singulis Missis fideles adstantes, non solum spirituali adfectu, sed Sacramentali etiam Eucharistiæ perceptione communicarent, quo ad eos huius sanctissimi sacrificij fructus uberior proueniret. nec tamen si id non semper fiat, propterea missas illas, in quibus solus sacerdos sacramentaliter communicat, ut priuatas & illicitas damnat: sed probat, atq; ad eò cõmendat. Siquidẽ illæ quoq; Missæ, uerè cõmunes censeari debent: partim quod in eis populus spiritualiter communicet, partim uerò quod à publico Ecclesiæ

358 EXAMEN DECRETORVM  
*ministro, non pro se tantum, sed pro  
omnibus fidelibus, qui ad corpus Chri-  
sti pertinent, celebrentur.*

Canon. 8.

*Si quis dixerit, Missas in quibus so-  
lus sacerdos Sacramentaliter commu-  
nicat, illicitas esse, ideoq; abrogandas,  
anathema sit.*

#### EXAMEN.

Vtile est, originem priuatæ Missæ, qualis iam  
apud Pontificios est, ubi solus sacerdos celebrans  
communicat, nosse, & recte considerare. hæc  
enim observatio totam hanc disputationem illu-  
strabit. Principio igitur feruente populi deuotio-  
ne, quæ persecutionum procellis magis inflam-  
mabatur, quotidie cætus Ecclesiasticus conue-  
niebat ad celebrationem & communionem cœ-  
næ Dominicæ: sicut hoc exemplis ostendimus  
in examine 13. Canonis, de Eucharistia. Postea  
refrigescēte populi ardore, generalis populi con-  
uentus propter secularium occupationes, non po-  
tuit nisi Dominicis festis, & solennioribus diebus  
celebrari. Ibi uerò clerici & religiosi, quotidie ta-  
men frequentabant sacra officia: Non quod Mis-

fas celebrarent sine communicantibus, sed ipsi clerici inter se retinebant quotidianam communionem. Ita enim ex Vualafrido citat Cassander: Cum maxime clericis omnes dies in ferias deputentur, uidetur ratione plenissimum, ut per singulos dies sacris occupemur officijs, & panem ac sanguinem Dominicum, sine quibus uiuere non possumus, iugiter ambiamus. Tunc igitur coepit distinctio Missarum publicarum & priuatarum: quas Gregorius uocat peculiaries, Odo Cameracensis solitarias. Quando enim in generali & solenni fidelis populi conuentu, communio coenae Dominicae celebrabatur: quod fiebat Dominicis festis, & solennioribus diebus, in publico Ecclesiae loco: appellabatur publica & solennis Missa. Quando uero priuatis diebus (ita enim Cassander citat ex libro Exordij Cisterciensis coenobij) soli clerici & religiosi ad communionem congregabantur, appellabatur non publica, sed priuata Missa.

Ita Gregorius ad Castorium episcopum Ariminensem inquit: Missas publicas in coenobijs fieri, omnino prohibemus: ne in Dei seruorum recessibus, & eorum receptaculis, ulla popularis praebetur occasio conuēius. Odo Cameracensis in Canonē: Cum primitus Missae siue coetu populi non fierent, postea mos inoleuit Ecclesiae, solitarias, maxime in coenobijs, fieri Missas. Ita quando uel pro aegrotis,



uel pro peregrinis, uel alijs extra publicam & solennē populi congregationem cōmunio cœnæ Dominicæ celebrabatur, uel quando illud fiebat in loco priuato, appellabātur Missæ priuatæ. Ita de Cōsecratione dist. 1. cap. Et hoc attendendum, Gregorius dicit: Omnes qui in urbe, uel in circuitu sunt, siue sacerdotes, siue populos in unum ad publicam Missarum celebrationem conueniant. Peculiares uerò Missæ non per altaria, nec in publico, nec tempore publici conuentus fiant, ne populus à publicis solennibus abstrahatur. Ita Nazianzenus in paruo oratorio sacra celebrabat. Tripart. 9. cap. 8. Et uictor de persecutione Vandalica, lib. 3. narrat, pios propter Arrianorum seuitiam, in priuatis domibus & cōuentus habuisse, et sacramentis legitimè fuisse usos. De Consecrat. 1. cap. Clericos, permittitur sacerdotibus, ut in oratorijs quæ intra priuatas domos sunt, celebrare possint. Hæ uerò priuatæ Missæ, non fuerunt sine communicantibus. Nam Gregorius homilia 37. in Euangel. inquit: Tunc ille compulsus, in Episcopi oratorio, Missas fecit, & manu sua corpus Dominicum, pacemq; omnibus dedit.

Cum uerò & illa de qua iam dixi, quotidiana clericorum & religiosorum communio non amplius frequentaretur; sacerdotes tamen quotidie, pro more ueteri aras instruebant. Ibi tunc alicubi, quando non aderant cōmunicantes, preces, lectiones, &

nes, & ceteri ritus ad synaxin pertinētes, excepta consecratione & communicatione celebrabātur: sicut Socrates libro 5. capite 22. de Alexandrina Ecclesia scribit. Et hæc Missa dicebatur sicca. Alicubi uerò sacerdotes celebrantes, quando nemi nem alium habebant, soli cōmunicare cœperunt: ne populi oblationibus, si tantum siccam Missam celebrarent, fraudarentur. Vt autem populum ad oblationes quæ quæstui ipsis erant, inuitarent, cœperunt modum præparationis, & periculum indignæ manducationis, ultra ueritatem exaggerare, & econtrà paulatim multa comminisci de utilitate & efficacia, quæ ex priuato illo opere & actione sacerdotis, ad illos etiam qui non communicarent, modò oblationes afferrent, rediret: donec tandem ex illa sacerdotis actione sine communicantibus, fabricatum est sacrificium propitiatorium pro peccatis applicatorium omnium meritorum Christi, & impetratorium omnium quæ à Deo postulamus. His uerò opinionibus, instillatis in hominum animis, cumulatae sunt sine modo nundinationes & emptiones talium priuatarum Missarum. Nam iudicata fuit uia esse ualde compendiaria, sine magna præparatione, & sine periculo indignæ manducationis, ex opere operato priuatae Missæ sacerdotis, posse consequi illa omnia: imò multo plura & præstantiora, quàm quæ ipsa communio cœnæ Dominicæ

pollicetur. Hec uera est origo priuata Pontificie  
 missæ: quam Tridentina synodus nō damnat, sed  
 probat, atque adeo commendat. nec iniūria. Vna  
 enim, & potissima quæstura regij Pontificij, est  
 cauponatio & nundinatio priuatarum Missarū.  
 Res ipsa autem non est obscura: an scilicet uera  
 & legitima sit celebratio cœnæ Dominicæ, sine  
 communicantibus, ubi ille qui celebrat, nemini  
 Sacramentum dispensat, sed solus tantum illud su-  
 mit: reliqui uerò tantum sunt spectatores. Chri-  
 stus enim cum Sacramentum hoc institueret, non  
 solus ipse, discipulis tantum uel spectantibus, uel  
 auscultantibus, illud sumpsit: nec ex illo opere,  
 discipulis si non communicarent, sed tantum cum  
 deuotione astarent, spectarent & auscultarent,  
 promisit impetrationem gratiæ Dei. imò ne legi-  
 tur quidem ipse Sacramentum hoc sumpsisse: sed  
 dispensasse, dedisse discipulis, & iussisse ut illud  
 manducarent & biberent in sui commemoratio-  
 nem. Hoc uerò quod ipse in prima cœna fecit, mā-  
 dauit in futurum fieri, donec ueniat ad iudicium.  
 Contra omnes igitur cauillationes, certissimum et  
 manifestissimum est, Christum celebrationem cœ-  
 næ suæ non ita instituisse, ut ille qui benedicit, so-  
 lus sumat, reliquis tantum spectantibus: & quòd ex  
 illa unius actione, fructus Eucharistiæ propter  
 spectaculum redundet ad alios qui communicant.  
 Sed institutio Christi, quando hoc quod in prima  
 cœna

*coena factum est, ritè & legitime facere uolumus, requirit ut in celebratione coenae Dominicae, sit qui gratias agat & dispenset, adsint etiam quibus detur, qui accipiant, manducent & cibant. Hoc enim in prima coena factum est: & ut in futurum fieret, mandatum est. Ita quando Apostolorum synaxis, per fractionem panis describitur, satis ostenditur fuisse dispensationem & distributionem. Omnium uero clarissimè Paulus describit, qualis fuerit celebratio coenae Dominicae, in Apostolica Ecclesia. Non tantum enim repetit uerba institutionis, sed prima ad Corinthios decimo dicit, corpus Christi in coena Dominica, cum omnibus illis quae traditione sui corporis promeruit & acquisiuit, communicari: non spectando, quomodo unus sumat: sed panis, inquit, quem frangimus, hoc est, dispensamus & manducandum distribuimus, est communicatio corporis Christi. Item dicit, fideles participes esse mensae Domini, non spectando, sed manducando: unum, inquit, corpus multi sumus: non quia spectamus unum manducantem, sed quia omnes ex uno illo pane qui frangitur, hoc est, dispensatur & distribuitur, participamus. Imò prima ad Corinthios undecimo, opponit inter se Dominicam coenam, & priuatam coenam: & quidem ita ut confirmet, ubi priuata coena agitur, ibi non posse Dominicam coenam celebrari. Et priuatam coenam definit, ubi quis priuatim*

*quod*



quod cœna Dominicæ est manducat, & præoccupat non simul participantib, alijs: & dicit nō dissimile esse, ac si instrueretur talis cœna, ubi unus saturetur, alter uerò cogeretur esurire. Coniunctim autem loquitur & de sumptione cœnae Dominicæ, & de conuiujs, quæ more tunc usitato subsequiebantur. Hic certè locus, tanquam fulmen prosternit priuatas Pontificiorum Missas, in quibus solus sacerdos celebrans, sacramentaliter communicat.

Et clarissima est Chrysostomi sententia, in illum Pauli locum: Quod Dominicum est priuatum fecerant. Cœna enim Domini debet esse communis. Nam quæ Domini sunt, non huius sunt serui, non alterius, sed omnibus communia. Quod enim Dominicū est, idem & cōmune est. Nam si Domini, est non debes tanquam proprium tibi assumere, sed tanquam res Domini, communiter omnibus proponere: siquidem hoc est Dominicum. Nunc autem non finis esse commune, sed tibi comedis.

Vetus etiam Ecclesia, Christi institutionē, Apostolorum traditionē, et Apostolicæ ecclesiæ exemplum secuta, semper in celebratione cœnae Dominicæ, seruauit dispensationem & distributionem Sacramēti: id quod testatur omnes descriptiones liturgiarum, quæ apud Patres extant. In ueteri & puriori antiquitate, prorsus ignota fuit talis priuata

priuata Missa, ubi sacerdos id quod consecrauit,  
 nemini communicat, sed solus sumit. Commen-  
 tum uerò, quòd celebratio coenæ Dominicæ pro-  
 sit illis qui non communicant, sed tantum inter-  
 sunt, audiunt, & cum deuotione spectant quod so-  
 lus sacerdos agit: non tantum ignotum est anti-  
 quitati, sed serio & grauiter reprehensum & dam-  
 natum fuit priscis Ecclesiæ temporibus. Chryso-  
 stomus homilia tertia, in primū caput ad Ephe-  
 sios: Frustra, inquit, habetur oblatio quotidiana,  
 cum nemo sit qui simul participet. Commu-  
 nicabat sine dubio Chrysostomus cum sacerdo-  
 tibus & diaconis suis, sicut forma liturgiæ ipsius  
 ostendit. Cum autem ex populo nemo esset qui  
 simul participet, non dicit: prodest uobis quod e-  
 go facio, modò cum deuotione intersitis actioni,  
 auscultetis, & spectetis: sed inquit: Frustra ha-  
 betur quotidiana oblatio. Et illud mox clarius  
 explicat: quisquis mysteriorum consors non est,  
 impudens & improbus astat. item: Si quis ad con-  
 uiuium uocatus, manus quidem lauerit, & accu-  
 buerit, & tamen nihil ciborum gustauerit, nō-  
 ne infert contumeliam conuiuatori, à quo fuerat  
 uocatus? an' nō satius fuerit, eum qui talis est, pror-  
 sus non comparuisse? Audis non uerba, sed fulmi-  
 na, contra Pontificiam persuasionem de spectacu-  
 lo priuatarum Missarum. In 2. ad Corinthios ho-  
 milia 18. dicit, in celebratione Eucharistiæ, non  
 esse

esse sicut in ueteri testamento, ubi solus sacerdos quedam comedebat.

Et persuasio priuatarum Missarum, qualis est apud Pontificios, Ecclesiasticis canonibus seueriter repressa fuit priscis Ecclesie temporibus.

Inter Canones qui Apostolici uocantur, decimus ita habet: Omnes fideles qui conueniunt in solennibus sacris ad Ecclesiam, Scripturas audiant. Qui uerò non permanserint in oratione, usque dum Missa peragitur, nec sanctam communionem percipiunt. uelut aeternas Ecclesie mouentes, conuenit communione priuari. Et ille Canon, in Antiocheno concilio capite secundo repetitur & confirmatur. De Consecrat. distinct. secunda cap. Peracta consecratione omnes communicent, qui noluerunt Ecclesiasticis carere liminibus. Sic enim Apostoli statuerunt, & sancta Romana tenet ecclesia.

Imò cum iam irrepsissent priuatae Missae, multi tamen persuasionem illam reprehenderunt. Humbertus contra Nicetam monachum, dicit esse imperfectam Missam, in qua non simul fit consecratio, fractio, seu distributio & communicatio.

Vualafrius de rebus Ecclesiasticis capite 22. Quamuis cum soli sacerdotes Missas celebrant, intelligi possit, illos eiusdem actionis cooperatores esse, pro quibus tunc ipsa celebrantur officia, & quorum personam in quibusdam responsionibus

nibus sacerdos exequitur: tamen fatendum est illam esse legitimam Missam. cui intersunt sacerdos, respondentes, offerentes atque communicantes: sicut ipsa compositio precum, euidenti ratione demonstrat.

Regino citat ex concilio Nannetensi, ridiculum esse, muris aut parietibus insusurrare, quæ ad populum pertinent. Et uerè ludibria sunt, quod in priuatis Missis, ubi nemini dispensatur Eucharistia, sacrificulus tamen in Canone ingeminat: Quotquot ex hac altaris participatione sumpserimus, fiat nobis omnibus sumentibus salus. Sacramenta quæ sumpsimus, &c.

Impudentius uerò ludibrium est, quod in priuatis Missis, ubi nulla fit distributio, hostia tamen frangitur: hoc est, sicut Augustinus inquit, ad distribuendam comminuitur. Et loco distributionis, à Christo institutæ & mandatæ, prodigiosa finguntur de fractis particulis in priuata Missa: quæ legi possunt apud Durandum in Rationali, libro quarto, capite 51. Tres partes factæ de Christi corpore signant: Prima, suam carnem, sanctosq;: secunda, sepultos: tertia, uiuentes, &c. uel prima pars significat sanctos in cælo: secunda, Ecclesiam militantem in terra: tertia, defunctos in purgatorio. item: una pars offertur pro illis qui non sanctè uiuunt in terra, sed in peccatis uoluuntur: secunda, pro sanctis in cælo: tertia, pro anima-



animabus in purgatorio. Hi scilicet sunt fructus priuatae Missae: & ex huiusmodi fructibus figmentorum cognoscitur qualis arbor sit priuata Missa.

Hæc uerò cum ita se habeant, cumq; manifestū sit, priuatā Pontificiam missam pugnare cū testamentaria institutione filij Dei, cum Apostolorum scriptis traditionibus, cum exemplo Apostolicæ ecclesiæ, cum testimonijs ueteris ecclesiæ, & cum canonibus Ecclesiasticis: quid queso Tridentinum concilium de priuatis Missis statuit? Audi uerò. Optaret, aiūt, synodus, ut in singulis Missis fideles adstantes, Sacramentali etiam perceptione communicarent. Quare uerò hoc optāt? Sine dubio, quia uel inuiti agnoscere & fateri coguntur, non esse consentaneum uel Scripturæ, uel antiquitati, quòd in priuata Missa solus sacerdos communicat. Sed si seriò hoc optant, deberent hominibus eximere falsam persuasionē, de uirtute & efficacia spectaculi priuatae Missae: & ex ueris fundamentis, deberent homines hortari ad crebriorem communionem: quòd scilicet fructum cœnæ Dominicæ, hac sola ratione, & non alia quàm quæ à Christo instituta & præscripta est, consequi possint: utq; ad regulam institutionis Christi, et ad formam primitiuæ ecclesiæ commodius rediretur, abrogandæ essent priuatae Missae: ut scilicet nulla Missa celebraretur, si non adessent, quibus dispensaretur Sacramentum.

Sed me-

Sed meminerunt patres, se cōgregatos esse, ut pro  
 spiciant ne quid detrimendi capiat respublica Pon-  
 tificia, præsertim quod ad quæsturam, & ad offi-  
 cium publicanorum pertinet. Ideo uotum, quod  
 ipsa rei euidētia ipsis expressit, mox interuertit:  
 se scilicet, hoc non obstante, probare, atq; adeo ho-  
 minibus commendare illas Missas, in quibus solus  
 sacerdos Sacramentaliter communicat. Ne igitur  
 optādum quidem esset, ut in singulis Missis essent  
 qui simul communicarent. Audiamus uerò ratio-  
 nes: Nō sunt, inquit, priuatæ Missæ, sed commu-  
 nes, etiam ubi solus sacerdos tantum communicat.  
 Atqui ipsi per multas annorum cenzurias, eas ita  
 nominarunt. Apud Gregorium in registro, crebra  
 est appellatio priuatæ Missæ. Glossa de Consecra-  
 dist. 1. ca. & hoc attendendum, nominat eas priua-  
 tas: & omnino unigata est illa appellatio. Gratias  
 uerò agimus Concilio, quod conced. t. & fatetur,  
 Missam non debere esse priuatam, sed communē.  
 Nec de appellatione, sed de re ipsa certamen est:  
 Qualis scilicet communio sit, cœna Dominica. Il-  
 la uerò ita describitur 1. Cor. 10. Quia omnes ex  
 uno pane participamus. Quando igitur unus ad se  
 hoc rapit, & nemini communicat: certē non com-  
 munis, sed priuata est Missa, iuxta Chrysostomi  
 sententiam. Nec uerò semimus, nūquam celebra-  
 dam esse cœnam Dominicam, nisi totus Ecclesiæ  
 coetus in unum collectus fuerit: Aut omnes fideles

necessario semper in singulis Missis, singulos tenē-  
ri ad communicandum. Christus enim duodecim-  
tantum adhibuit ad primam cœnam, & inquit:  
Quotiescunq; biberitis. Sed hoc est quod agimus:  
nunquam celebrandam esse cœnam Dominicam,  
nisi adsint quibus dispensetur Sacramentum.

Duo autem argumenta habent, quibus mun-  
do persuadere conamur, quod priuatum est,  
commune esse. Primum est, de spiritali com-  
munionē: ut q; eo rectius intelligatur, conferemus  
illud in iustam formam. Celebratio cœnæ Domi-  
nicæ, requirit communicationem corporis &  
sanguinis Domini: & quando ea fit, tunc sa-  
tis sit institutioni Christi. Sed qui audit &  
spectat Missam, si doctrinam de passione & res-  
urrectione Christi meditetur, & fide appre-  
hendat, spiritaliter communicat corpori &  
sanguini Christi. Iohannis sexto. Ergo in priuata  
Missa satis sit institutioni Christi, etiamsi nul-  
lus ex populo, sed tantum solus sacerdos Sa-  
cramentaliter communet. Quid si igitur eti-  
am sacerdos celebrans, spiritaliter tantum  
communet: certè eadem consequens, egre-  
giè scilicet satisfaceret institutioni Christi, etiam-  
si nec ipse sumat, nec alijs dispenset quæ conse-  
crata sunt. Hoc uerò artificium ut illo modo sa-  
tisfieret institutioni cœnæ Dominicæ, ignotum  
fuit antiquitati. neque enim opus fuisset, Ca-  
nones

nones illos quos suprà nominauimus, de Sacramentali communione, tanta seueritate conde-  
re, si uerum esset quod argumentum hoc co-  
natur efficere. Merito igitur in exilium eie-  
ctus esset Chrysostomus, qui tam duriter re-  
prehendit eos qui adstant, & non simul par-  
ticipant: cum iuxta Pontificios, spiritali com-  
munionem potuerint institutioni Christi satis-  
facere.

Sed de re ipsa dicemus. Certum est, extra  
celebrationem & usum cœnæ Dominicæ, fi-  
dem apprehendentem in uerbo Christum pro  
nobis crucifixum, spiritaliter communicare,  
seu manducare carnem Christi, & bibere ipsius  
sanguinem. Iohannis sexto. Et quando haberi nō  
potest usus cœnæ Dominicæ, iuxta institutio-  
nem Christi, sufficit ad salutem spiritalis com-  
municatio, iuxta uulgatum Augustini dictum:  
Crede & manducaſti. Nec nego, cum qui ad-  
stat, & non paratus est ad communionem, ex au-  
ditu et consideratione uerborum institutionis cœ-  
næ, & totius actionis, & posse & debere deduci  
in meditationem mysteriorum redemptionis & iusti-  
ficationis. Constat etiam hoc, in ipso usu cœnæ Do-  
minicæ, accedere debere spiritualem commu-  
nicationem. sine illa enim Sacramentalis com-  
municatio iudicium sibi manducat. Sed questio  
est, qualem communicationem Christus in cœna



## 72 EXAMEN DECRETORVM

instituerit, præscripserit & mandarit. ea enim satis fieri institutioni, notum est. Inquit autem: Accipite, manducate, bibite: & Hoc facite in mei commemorationem. hoc est: Christi mandatum est, in cœna Domnica debere fieri simul & Sacramentalem & spirituales communicationem. Paulus dicit, in cœna fieri communicationem corporis Christi. Quomodo uerò? Quando, inquit, ex uno pane participamus. In celebratione igitur cœnæ Domnicæ, non satisficit institutioni, sola spirituali communione, sine sumptione Sacramenti. Et peruersio est testamenti Christi, loco Sacramentalis sumptionis, proponere spectaculum: & spectaculo illud tribuere, quod filius Dei, sua institutione tribuit Sacramentali manducationi & bibitioni.

Alterum argumentum est: Sacerdos est publicus Ecclesiæ minister, & liturgia est publicum ministerium. Ergo non pro se tantum, sed pro omnibus fidelibus celebrat cœnam Dominicā. Quomodo uerò? Num ut solus ea utatur. & hoc proficiat Ecclesiæ ad remissionem peccatorum? Certe prædicatio Euangelij, etiam est publicum ministerium: & concionator, est publicus Ecclesiæ minister, prædicans Euangelium, non pro se tantum, sed pro tota Ecclesia. Num uerò ita, ut ipse solus audiat & credat, & Ecclesiæ hoc proficiat ad uitam æternam, etiam si ipsa nec audiat, nec credat?

dat? Certè, iustus ex sua fide uiuet. & qui non crediderit, condemnabitur. Sicut igitur publicus Ecclesiæ minister, doctrinam Euangelij toti Ecclesiæ proponit, ut eam audiat & accipiat: ita etiam cœnam Dominicam, pro tota Ecclesiâ celebrat, non ut solus ea utatur, sed ut per eius ministerium reliqui accipiant, manducant & bibant, iuxta Christi institutionem. Actionem Baptismi, publicus Ecclesiæ minister celebrat, nō pro se, sed pro Ecclesiâ. Num uerò, ut ipse se baptizet: & hoc opus illis qui non baptizantur, proficiat ad salutem? Nihil certè minus. Manifestum igitur est, quale sit hoc argumentū. Sed bene intelligo, quid sacrosancta synodus uelit: sacrificulū s. suapriuata actione facere sacrificiū propitiatorium applicatoriū & impetratoriū, pro uiuis & mortuis: sicut suprā hæc explicata sum. Et hæc est illa Helena, de qua Tridentina synodus dimicat: ut scilicet iuxta Gabrielem, sacrificulus sit os Ecclesiæ: & quod ille sumit, id proficiat Ecclesiæ non sumendi, ad remissionem peccatorum, & uitam eternam.

Hæc uerò est emendatio illa abusuū, quam multi sibi promiserunt futuram  
in Concilio.

174 EXAMEN DECRETORVM  
DE AQUA MISCENDA  
in calice.

Caput 7.

*Monet deinde sancta synodus, præceptum esse ab Ecclesia sacerdotibus, ut aquam uino in calice offerendo miscerent: tum quòd Christum Dominum ita fecisse credatur, tum etiam, quia è latere eius aqua simul cum sanguine exierit, quòd Sacramentum hac mixtione recolitur: & cum aqua in Apocalypsi beati Iohannis, populi dicatur, ipsius populi fidelis cum capite Christo, unio representatur.*

Canon 9.

*Si quis dixerit, aquam non miscendam uino, in calice offerendo, quòd sit contra Christi institutionem, anathema sit.*

EXAMEN.

*Vile quæso præposueram istorum hominum religionem. Ecclesia, aiunt, præcepit sacerdotibus, aquam uino in calice offerendo miscendam esse. Huic præcepto*

præcepto tantū tribuunt, ut eos qui illud nō strictē  
seruant, nō uereātur anathematē dānare. Vsum ue  
rò calicis Domini, totū et in uniuersum adimūt,  
interdicunt & prohibent laicis: cum tamen de ca  
lice extēt Christi uerba præceptiua: Bibite ex hoc  
omnes: hoc facite, quotiescunq; biberitis. Iam uerò  
de mixtione calicis, ideo dicunt se pugnare, ut u  
nio fidelis populi, cum capite Christo represen  
tetur. Noua hæc religio est, quòd de unione populi  
cum Christo solliciti sunt. Sed quomodo? Christus  
usum integri Sacramenti ideo instituit, ut hæc ac  
cepta et hausta, efficiāt ut nos in Christo, & Chri  
stus in nobis sit. De calice Paulus dicit, 1. Cor. 12.  
Omnes in unum spiritum potati sumus. Et Chri  
stus inquit: Hic calix nouum Testamentum est in  
meo sanguine, qui pro multis effunditur, in remis  
sionem peccatorū. Quare igitur usum integri Sa  
cramenti non concedunt populo? Quare calicem  
nouī Testamēti, cuius mediator Christus est, fide  
li populo denegāt? Quare prohibēt, ne in unū spiri  
tū potemur? si de unione fidelis populi cū Christo  
solliciti sunt. Sed nō ignorandū est mysteriū huius  
capituli. Aqua mixta uino in calice, representat  
unionē populi cū Christo. Quando igitur hūc mi  
xtū calicē sacrificulus Deo patri, in ppitiatoriū  
sacrificiū offert, populus simul cū Christo patri si  
statur. Ita factio sacrificuli populo fidei multo u  
tilior est, q̄ ipsa cōmunio Domini calicis. Primò



enim sacerdos mixtione aquæ cum uino in calice offerendo, populum unit cum Christo: secundò utrumq; & Christum & populum, in calice sistit Deo patri. Hoc reuera est mysterium illud, propter quod Pontificij de mixto calice pugnant.

Quod autem ad rem ipsam attinet, disputatio faciliè & paucis potest expediri: neq; enim fidei aliquem articulū attingit. In regionibus Orientalibus, ubi fortia uina sunt, usitatum fuit, quòd homines temperantes & sobrij non merum biberunt, sed uinum aqua temperatum, adeò ut infundere seu proponere uinum, uocetur miscere uinum. Prouerb. 9. ἡδὴ quod uocabulum inter merum & uinum temperatum, discrimen facit, Isa. 5. & Prouerb. 23.

Græcis etiā infundere uinum, uerbo miscēdi describitur, λιγνὰς αἰδοπαοῖνον. Vnde Latinis etiā pincerna, ἀπὸ τῆς λιγνῆς τὸ πίνειν dicitur. Verisimile igitur est, Christum uinum non merum, sed temperatum bibisse. Et quia in primitiua Ecclesia, post communionem conuiuia quæ ἐξῆρας appellabant magna sobrietate de pane & uino quæ ad mensam Domini oblata fuerant, celebrabantur: non merum, sed mixtum seu temperatum uinum obtulerunt. Et ne gentes calumniaremur, Christianos cœnam Dominicam celebrare, crapule aut ebrietatis gratia: ueteres sumpserunt uinū mixtum, seu temperatum: unò quidam prætextu illo

illo sobrietatis, nudam & solam aquam sumpserunt, quos Cyprianus rectè reprehendit. Hæc de consuetudine ueteris Ecclesiæ, ex Patrum scriptis nota sunt, quanquam nec apud ueteres, uniuersalis fuerit ea consuetudo. Durandus enim lib. 4. cap. 42. dicit, in Græca ecclesia uniuersaliter hoc non fieri. Postea uerò paulatim disputari cœpit, esse traditionem quæ à Christo ipso profecta sit, licet in Scriptura nō extet. Ita Cyprianus, cui ualde placet hæc allegoria: illa scilicet mixtione significari & ostendi, q. in usu cœnæ Dominicæ, sed fiat adunatio populi tanquam membrorum, cum Christo capite. Emissenus postea conatus fuit, traditionem illam ex Scriptura probare: quia scilicet ex latere Christi crucifixi, profluxerit aqua & sanguis. Romani uerò pontifices fecerunt inde legē prorsus necessariam: ut Canon Alexandri de Consecrat. dist. 1. sancit, Deberi non uinum solum, sed cum aqua mixtum offerri. Iulius ca. cum omne, dicit, iuxta præcepta Canonum hoc fieri debere, ita ut si uinum solum sit in calice, etiamsi consecretur, non possit esse calix Domini. & si secus fiat, uocat errorem peruersorum. Addit etiam, quando in calice aqua uino miscetur, tunc populum Christo adunari, & credentium plebem ei in quem credit, copulari & iungere item, si solum uinum offeratur seu consecretur, sanguinem Christi esse sine nobis. Varias etiam disputationes, mxtura illa

II 5 peperit:

peperit: an scilicet aqua illa simul cum uino, mutetur in sanguinem Christi: an uerò uinum in sanguinem, aqua in phlegma mutetur. Quidam disputarunt, aquam sine mutatione accidentibus uini circumfusam, in aere pendere. Illas disputationes extant Extra, de celebrat: Mis-sarum, ca. Cum Marthæ,

Hæc recitauī, ut candidus lector intelligat, quid hoc loco in conuersione positū sit. Si enim Pontificij mixtionem illam, ut consuetudinem adiaphoram, quæ uerbo Dei nec mandata nec prohibita sit, sed rationem habeat uero non dissimilem, seruarent & proponerent: nulla, ut de re indifferenti, esset conuersione. Falsò enim IX. Canon nostros insinuat, quasi omnes illos dam-nemus, ut pugnantem contra Christi institutionem, qui uinum aqua temperatum in celebratione cœnæ Dominicæ usurpant. Ita enim dam-naremus totam fœmē antiquitatem. Mixti enim calicis, antiquissimi scriptores, Iustinus & Irenæus meminerunt.

Sed quia Pontificij urgent, 1. esse de necessitate præcepti, ut in ipsa actione cœnæ Dominicæ, mixtio illa fiat. 2. Non posse calicem Domini esse, si uinum solum sumatur, & uerbis Christi benedicatur. 3. Quia ea quæ sunt sumptionis Eucharistiæ, tribuunt huic mixtioni, quòd scilicet tunc populus Christo adunetur, quando in calice

calice aqua uino miscetur. Nostri igitur, ut hæc falsæ opinioniones taxaremur, & animis hominum eximeremur, exemplo & facto, rectè ostenderunt, Christianam libertatem in illis quæ non sunt iuris & præcepti diuini, non debere iugo seruitutis subiectam esse: cum præsertim tales, sicut iam dictum est, opinioniones huic obseruationi assingamur. De uino enim, siue de genimine uitis quod in Dominico calice fuerit, Euangelistæ expressè scribunt: nullam uerò aquæ mentionem faciunt. Et etiamsi concedatur, uerisimile esse, uinum illud antea fuisse temperatum: nullæ tamen circumstantiæ institutionis, speci in aliquam præbens, quod in ipsa actione cœnæ Dominicæ, Christus tunc cum calicem benedicendū acciperet, aquam in ipso calice uino miscuerit. Ineptum enim est, quod ex hospitis hydria quidam illud probare uoluerūt: cū ex pelui unde Christus pedes discipulorum lauit, propior fuisset probatio. Vinum igitur, siue genimē uitis, est de substantia Dominici calicis, quod ad externum elementū attinet: an uerò debeat esse uel merum uel mixtū, rubrum uel album, non est de necessitate. Et tota hæc disputatio, ex altera specie, omnium reuerentissimè dijudicari potest. Panem enim esse de substantia cœnæ Dominicæ certum est. An uerò debeat esse triticeus, an fermentatus, an azymus, magna quondam contemione disputatum fuit: collectis



collectis etiã ex Scriptura argumentis, de grano tritici, & de die cœnæ Dominicæ. Sed Ecclesiæ rectè iudicauit, hæc esse libera, & non de necessitate Sacramenti. Et eadem planè est ratio, an uinum sit merum, an uero mixtum, rubrumne, an album. præcipuum enim argumentum non necessario, sed probabiliter tantum concludit: temperatum scilicet, seu mixtum uinum fuisse, quo Christus in postrema cœna cum discipulis usus est. Et tamen neque inde conficitur, in ipsa actione cœnæ Dominicæ, Christum tunc quando calicem benedicturus sumebat, aquam miscuisse uino: nihil enim tale apud Euangelistas animaduertitur.

Alterum argumentum, quòd ex latere Christi sanguis & aqua profluxit, non probat, in calice Dominico necessario debere aquam uino misceri. Quæ enim ad substantiam cœnæ Dominicæ pertinent, quæq; in eius celebratione facienda sunt, ex ijs quæ Christus in institutione, in ea nocte qua tradebatur, fecit, sumenda & ostendenda sunt. Et uetusti patres omnes, quando interpretantur & tractant historiam illam, de sanguine & aqua profluentibus ex latere crucifixi Christi, accommodant eam ad gemina Ecclesiæ Sacramenta: & per aquam, Baptismum: per sanguinem, Eucharistiam intelligunt. quæ interpretatio, non malè conuenit ad illud quod primo Iohannis quinto, scriptum est, de Christo ueniente ad nos per aquam & sanguinem.

nem. Manifestum igitur est, necessitatem mixtionis aquæ cum uino, in Dominico calice, ex illa historia non demonstrari. Romani enim quidam Pontifices, & posteriores quidam Scriptores, ut Emissenus, coeperunt illam historiam torquere ad mixtionem aquæ cum uino, in calice Domini. Possem uerò multa absurda, Pontificiæ transubstantiationi non ferenda ostendere, quæ ex illa interpretatione sequantur. Sed contentus ero, fundamenta rerum monstrasse.

Illam uerò allegoriam, quod aquæ in Apocalypsi populos significam, oppidò quàm infirma probatio est. Certum est, Christum in usu cœnæ se coniungere membris suis: sed ut illud fiat, non opus est mixtione aquæ & uini. Facit enim hoc Christus, exhibitione corporis & sanguinis sui: ad quam exhibitionem, pane & uino, iuxta institutionem suam utitur. Nec uerò humanæ constitutioni, de mixtura calicis cum aqua, hoc tribuendum est, quod proprium est coniunctionis corporis & sanguinis Christi. Et si allegoria illa urgeatur, quia aquæ multe sunt populi multi, plus sumendum esse de aqua quàm de uino. Vnum enim est caput, membra uerò multa sunt: & parum aquæ, ualde parum de populo adunaret Christo: imò si allegorijs liberet ludere, mixtio aquæ cum uino, de adulteratione cœnæ Dominicæ exponi posset. Notum enim est, quid Isaias intelligat, quan-  
do

## 88: EXAMEN DECRETORVM

do inquit: uinum tuum mixtum est aqua. Simpli-  
cissimum igitur & tutissimum est, inherere mani-  
festis uerbis institutionis cœnæ: & ea quæ neces-  
saria & substantialia sunt in Sacramentis, di-  
stinguere ab alijs uel accidentibus, uel cir-  
cumstantijs.

### DE SACRIS LINGVA PERE- grina peragendis.

#### Caput 3.

*Etsi Missa magnam contineat  
populi fidelis eruditionem, non tamen  
expedire uisum est Patribus, ut uul-  
gari lingua passim celebraretur. Quã-  
obrem retento ubique cuiusque Ec-  
clesiæ antiquo, & à sancta Roma-  
na ecclesia, omnium Ecclesiarum ma-  
tre & magistra, probato ritu, ne o-  
ues Christi esuriant, nèue paruuli pa-  
nem petant, & non sit qui frangat  
eis: mandat sancta Synodus Pastori-  
bus, & singulis curam animarum ge-  
rentibus,*

rentibus, ut frequenter inter Missarum celebrationem, uel per se, uel per alios, ex ijs quæ in Missa legunt, aliquid exponant: atq; inter cætera, sanctissimi huius sacrificij mysterium aliquod declarent, diebus præsertim Dominicis & festis.

Canon 9.

Si quis dixerit, ecclesiæ Romanæ ritum, quo submissa uoce pars Canonis, & uerba consecrationis proferuntur, damnandum esse: aut lingua tantum uulgari Missam celebrari debere: aut aquam non miscendam uino in calice offerendo, quod sit contra Christi institutionem, anathema sit.

EXAMEN.

Si quæ spes reformationis de Tridentino concilio esse potuisset, ipsa rei æquitas & euidentia hoc impetrare debuisset: ut qd' in Ecclesiasticis cõueni-

uementibus,



uenibus, lingua, fideli populo, peregrina & ignota agitur, in lectionibus Scripturæ, in precationibus, gratiarum actionibus, benedictionibus, & præcipue in administratione Sacramentorum corrigeretur. Lectiones enim ideo recitantur, ut populus erudiatur: Psalmi & hymni canuntur, ut per uerbum deuotio populi excitetur. Publicæ preces & Eucharistiæ, debent sacerdoti communes esse non tantum cum clericis, sed cum omni fideli populo: sicut ostendit Chrysostomus homilia decima octaua in secundum, ad Corinth. ita ut sacerdote uerba præcunte, uerè respondere possint, Amen. Et celebrationem cœnæ, Christus expressè fieri mandauit in sui commemorationem, ita ut mortem Domini simul annuncient, qui de pane Domini edunt, & de poculo bibunt: iuxta Pauli interpretationem. Iam uerò Christus ea lingua usus est, quæ tunc erat popularis, & ab omnibus intelligi poterat. Et quidem in Pentecoste, ideo Apostolis datum est donum linguarum, ut omnibus sub cælo populis, doctrinam Euangelij proponere, & Sacramenta administrare possent, ea lingua quæ singulis populis nota esset, & ab omnibus intelligeretur. Et locus extat manifestissimus apud Paulum, prima Corinthiorum decimo quarto. ubi exprofecto, & multis quæstionē illā in utrāq; partē tractat: quæ scilicet lingua Ecclesiæ proponenda sint Scripturæ lectiones

lectiones & explanationes, publicæ preces, gratiarum actiones, hymni seu Psalmi, & benedictiones seu Sacramentorum administrationes. Vbi enim Paulus *ὁ λόγιον* nominat, et *ὁ χερσίων*, ueteres rectè intelligunt administrationē cœnæ Domini: illam enim ueteres Eucharistiam uocarunt. & 1. Cor. 10. Paulus inquit: Poculum benedictionis quod benedicimus. Ostendit autem Paulus, fuisse suo tempore, qui donum linguarum coram Ecclesia ostentare uoluerunt, ita ut lectiones Scripturæ, publicas preces, Psalmos, gratiarum actiones, & Sacramentorum administrationem, lingua idiotis peregrina & ignota tractarent. Et memorabile est quod Ambrosius annotauit, illos quos Paulus perstringit, fuisse præcipuè ex Hebræis: qui apud homines Græcos, & alios, in tractatibus aut oblationibus, aliquando Syra lingua, plerumq; Hebraica usi sint, ad commendationem: quia scilicet lingua sancta sit, qua primitus ipse Deus, patriarchæ & prophætæ usi sint. Et certè magnificus hic fuit prætextus, de lingua sancta. Sed Paulus simpliciter pronunciat: Quia in cōuentibus Ecclesiasticis, omnia debēt fieri ad ædificationem Ecclesiæ: ideo utendum esse ea lingua quæ intelligi possit, ab illis etiam qui locum idiotarum implent. populum enim non posse ædificari, nec rectè Amen dicere, nisi intelligat quid dicatur. Et illam sententiā multis argumentis probat: diuersum uerò sentientes

& facientes taxat, reprehendit: utq; inutilia illa  
 quæ Ecclesiam non ædificant, sed in aerem fundun-  
 tur, emendentur flagitat. Et hoc modo confirmat,  
 omnia in Ecclesia fieri ordine, cum decore, & ad  
 ædificationē. Nihil igitur est quod Pontificij præ-  
 tendunt, ex usu Latine lingue, apud eos quibus  
 ignota illa est, conciliari & addi sacris ornatum,  
 decorum & maiestatem. Illud enim de lingua san-  
 cta, plausibiliore specie Apostolorum tempore di-  
 ci potuit. Sed Paulus affirmat, ideo in sacris con-  
 uentibus utendum esse lingua idiotis nota: ut om-  
 nia in Ecclesia fiant cum decore, ordine, & ad æ-  
 dificationem. Et in conclusione Paulus de illa sua  
 disputatione, duo ponit: 1. Ita in omnibus Ec-  
 clesijs sanctorum doceo. 2. Si quis spiritualis  
 est, cognoscat quæ scribo uobis, qui Domini man-  
 data sunt. Habemus igitur, quæ sit de hac quæ-  
 sitione Domini sententia, quæ Apostolorum do-  
 ctrina, & quæ fuerit Apostolica ecclesiæ obser-  
 uatio. Et de diuersum sentientibus, Paulus magna  
 uehementia addit: Si quis ignorat, ignoret.

Hanc Pauli doctrinam, tota antiquitas magno  
 consensu diligenter obseruauit, utens in sacris ea  
 lingua, quæ singulis in locis, si non popularis erat,  
 tamen ab Ecclesia intelligebatur. qualis ratio fuit  
 Latine lingue in Aphrica, Augustini tempore. Et  
 si qui diuersum tentabant, seriò reprehendeban-  
 tur. Sicut Ambrosius in 14. caput 1. ad Corinth.

repre-

reprehendit, quòd quidam Latini homines soliti fuerint suo tempore Græcè cantare, oblectati sono uerborum, cum quæ dicerent, nec ipsi, nec alij intelligerent. Ita usus peregrinæ linguæ in sacris, iuxta Ambrosium, primum tentatus fuit apud Græcos in Hebræa lingua: postea apud Latinos, in Græca lingua. Sed fuerunt tunc, qui illud institutum, ex uerbo Dei reprehenderunt & represserunt. Postea uerò cum nemo esset qui ex uerbo Dei resisteret, usus Latinæ linguæ in sacris, apud illos quibus lingua illa non est nota, paulatim inualuit. quod tamen non est uetustissimū In Pontificali enim, lectoribus in ordinatione dicitur: Studete, lectiones sacras distinctè & apertè, ad intelligentiam & ædificationem fidelium proferre. Et circa annum Domini 1200. Innocentius III. in Concilio generali ita decreuit: Quoniā in plerisque partibus permixti sunt populi diuersarū linguarū, habentes sub una fide uarios ritus & mores: districtè præcipimus, ut Pōtiffices huiusmodi ciuitatū siue diœcesum, provideant uiros idoneos, qui secundum diuersitatem rituum & linguarū, diuina illis officia celebrent, & Ecclesiastica Sacramenta ministrent, instruēdo eos uerbo pariter, et exēplo.

Et de Cyrillo, Morauorum præfule, qui fuit circa annū Domini 900. Aeneas Syluius in historia Bohemica cap. 13. scribit: Ferunt Cyrillū cū Romæ ageret, Pontifici supplicasse, ut Sclauorum lingua



eius gentis hominibus quā baptizauerat, rem diuinam faciens uti posset. De qua re dum in sacro senatu disputaretur, essentq; non pauci contradictores, auditam uocem tanquam de cœlo in hæc uerba missam: Omnis spiritus laudet Dominū, & omnis lingua confiteatur ei. Inde q; datum Cyrillo indultum, &c. Hodie etiam idem seruant populi, qui Romani Pontificis tyrānidi non sunt subiecti: ut Syri, Aethiopes, Armenij, Moscouitæ, &c.

Quid uerò Tridentinum conciliū de hac questione decernit? Concedit, Missam continere magnam fidelis populi eruditionem: nō tamen uisum fuisse Concilio, expedire ut uulgari lingua passim celebraretur. Atqui, iuxta Ambrosij dictum, docere & erudire nemo potest, nisi intelligatur: intelligi autem lingua non potest, nisi nota sit. Contraria igitur sunt, Missa debet seruire populi eruditioni: & tamen celebranda est lingua, populo peregrina & ignota. nisi hoc forsā uelint, Missam quidem continere eruditionem, sed eam non esse populo communicandam, sed per ignotam linguā occultandam. Sed quas rationes afferunt? Ritus, inquiūt, antiquus est. Atqui antiquior & antiquissimus est diuersus ritus, de lingua uulgari & nota, sicut ostēdimus. Sed trecentorū annorum præscriptio, Pontificijs (ut uideo) tota antiquitas est: ita ut ad antiquitatem non pertineat, quod à Domino mādatum, ab Apostolis traditum, & in Ecclesia

eclesia à mille quingentis annis obseruatum fuit. Quid uerò opponunt manifestissimis Pauli sententijs, 1. Cor. 14. Hoc sanè operæ precium est audire. Romana, inquit, ecclesia, omnium Ecclesiarum mater & magistra, ritum peregrinæ & populo ignotæ linguae probauit. Hoc igitur magisterium Romana ecclesia sibi sumit, ut contra ea quæ Dominus mandauit, quæ Apostoli tradiderunt, quæ Apostolicæ & primitiuæ Ecclesiæ seruauerunt, possit diuersum statuere, & cōtrarium approbare: ut scilicet impleat quod scriptū est 2. Thess. 2. In templo Dei, tanquam Deus sedet, extollens se super omne quod dicitur Deus.

Aliquam tamen libertatem synodus ostendit: ut scilicet aliquādo aliquid ex ijs quæ in Missa leguntur, exponatur. Quod si ita intelligerent, ut lectionibus & precibus, Latine primum pro ijs qui intelligunt, recitatis, statim subiungeretur interpretatio in uulgari lingua, ut etiam populus posset Amen dicere: aliqua esset species reformationis, et aliqua congruentia ad illud quod 1. Cor. 14. Paulus dicit: Si lingua quis loquitur, fiat hoc *ἀνὰ μέγας*, hoc est, per uicissitudinem, ut sit unus qui interpretetur: ut ita tota Ecclesia, quæ & ex doctis & ex idiotis constat ædificetur. Et hanc consuetudinem, Iohannes Billet dicit fuisse in quibusdam Ecclesijs, ut pronunciato Latine Euangelio, statim in uulgari populo exponeretur.

Hæc certè uicissitudo Latinæ & uulgaris linguæ, in nostris Ecclesijs ubi scholæ frequentiores sunt, seruatur, ut & docti & idiote ædificentur. Sed hæc non est Tridentina mens, ut ipsæ lectiones, conciones & orationes, uulgari lingua recitentur: sed illis simpliciter deputant Latinam linguam. Alias uerò non prorsus prohibent, quin aliquando aliquid quantum libuerit declaretur: quid scilicet fiat & agatur in Latinis illis lectionibus, concionibus & orationibus, exceptis tamen mysterijs Canonis. Paulus uerò dicit: Qui lingua loquitur, si non sit qui interpretetur, taceat in Ecclesia: sibi ipsi uerò priuatim loquatur, & Deo. Et Ambrosius inquit: Si utiq; ad ædificandam Ecclesiam conuenitis, ea debent dici, quæ intelligant audientes. Nam quid prodest, ut quis lingua loquatur quam solus scit? ut qui audit, nihil proficiat: ideo tacere debet in Ecclesia, ut ij loquatur qui prosint audientibus. Huc etiam pertinent illud, cuius mentionem faciunt in 5. capitulo, & quod in 9. Canone, anathematis fulmine defendunt, rectè fieri, quod scilicet pars Canonis, & uerba cōsecrationis, summissa uoce proferuntur, ut illi etiam qui intelligere possent, non exaudiant. Christus certè in celebratione cœnæ suæ, mandauit fieri sui commemorationem: non per silentium, aut tacito modo: sed, sicut Paulus explicat, per annunciationem. Neq; enim Christus ita instituit Sacramēta, ut actio qui-

dem

dem esset uisibilis & publica, uerbum uerò, quæ est præcipua pars Sacramentorum, occultetur, & silentio sepeliatur. Et Paulus 1. Cor. 14. disertè distinguit hæc duo : in Ecclesia loqui, de ijs scilicet, quæ ad publicū ministeriū pertinent: & priuatim sibi ipsi, & Deo loqui. Ideo tota antiquitas, exclusis illis qui nō poterāt interesse mysterijs, uoce quæ à circumstantibus & exaudiri & intelligi poterat, preces, gratiarū actiones, præcipuè uerò uerba cœnæ pronūciavit : ad quæ populus respōdit, Amen.

Ita Dionysius apud Eusebiū lib. 7. cap. 9. scribit de quodā ab hæreticis baptizato, cum & gratiarum actionē in Ecclesia audiisset, & ad illam unā cum alijs Amen acciuiisset, τοῦ συχαριστίας ἐνανθῶντα, συνεκίρθευξαν μένους τὸ αὐτὸν.

Bessarion de Sacramēto Eucharistiæ dicit, sacerdotē in Oriē tali ecclesia. alta uoce uerba illa pronūciare. Hōc est corpus meū, Hic est sanguis meus.

Augustinus ad Orosium quæst. 49. Qualem clamorem faciat uniuersa Ecclesia, dum potatur sanguine Christi, & dicit Amen; tu ipse si potes cōsidera. Et breuiter, omnes descriptiones liturgiæ, quæ extant apud ueteres, idem testantur. In Liturgia quidem, quæ Chrysostomi titulū præfert, aliquoties occurrit : Sacerdos erat ὑψιμῶς, secretò : & concludit ἐν φόβῳ, alta seu sublata uoce. Sed mystica illa recitatio precum non facta fuit sub silentio, ut nemo exaudire posset:



sed quia opponitur τῷ ἱερῶς, significat quòd quedam preces, non tam alta & sublata uoce decantatae fuerint. Nam homilia 18. in 2. ad Corinthios dicit, & preces & gratiarum actiones in celebratione Eucharistiae, populo cū sacerdote communes fuisse. Expressè igitur & aperte, ita ut audiri & intelligi possent, etiam quae non alta uoce cantabantur, pronunciata fuerunt tempore Chrysostomi. Non enim sibi & Deo, sed Ecclesiae, iuxta Pauli dictum, in precibus illis sacerdos loquitur. Extat hac de re constitutio Iustiniani, quae in Nouellis est 123, in haec uerba: iubemus ut omnes, Episcopi pariter & presbyteri, μὴ κατὰ τὸ σιωπῆμενον, ἀλλὰ μετὰ φωνῆς τῷ πιστοτέρῳ λαῷ ἑξακροαμένους. hoc est: non sub silentio, uel tacito modo, sed clara uoce, quae à populo exaudiri possit, sacram oblationē & preces in sancto Baptismate adhibitas celebrent: quo maiore exinde deuotione, in depromendis Domini Dei laudibus, audientium animi efferrantur. Ita enim Apostolus docet 1. Cor. 14. &c. His igitur de causis conuenit, ut inter ceteras preces, & ea quae in sancta oblatione dicuntur, clara uoce Deo proferantur: scituris sacerdotibus, quòd si quid horum neglexerint, & in horrendo iudicio magni Dei, de his rationē reddent. Neq; nos haec cognoscemus, conquiescimus, relinquemusq; inulta. Hæc Iustinianus.

Tridentini uerò patres cap. 5. contra totius antiquitatis

• tiquitatis sententiam decernunt, mentes fidelium, ad rerum diuinarum meditationem & cōtemplationē excitari & sustolli, si tacita uoce uerba consecrationis proferatur: cum Paulus fidem pronunciet esse, non ex silentio, sed ex auditu uerbi Dei. Et operæ precium est obseruare, quòd ipsi Pontificij scriptores fatentur, non uetus esse illud secreta institutum: cuius rationem hanc fuisse recitant. Dicunt, olim publicè & alta uoce precem Canonicam recitatam. Sed cum uerba illa per usum etiā à laicis scirētur, pastores quosdam in agro super panem & uinum illa recitasse, & repentē carnē & sanguinem ante se inuenisse: atq; ita diuinitus percussos, interiisse. Inde uerò sub anathemate præceptum est, de cæterò sub silentio dicendum Canonem, Ita Honoratus & Billet: quasi uerò magica esset illorum uerborum ratio. Innocentius causam hanc assignat: Ne sacrosancta uerba uilesce-  
rent, si omnibus etiam laicis nota essent. Hoc certè periculum Spiritus sanctus non præuidit, cum Paulus commemorationem Christi interpretaretur annunciationem. Sed & hoc Pontificiorū institutū, Deus electis in bonū uertit: ne scilicet aures ipsorū, abominatione Canonis contaminarentur.

Quia uerò Iustinianus damnat eos qui uerba consecrationis, & preces Eucharistiæ tacita uoce, quæ à populo non exaudiatur, proferunt: Tridentina igitur synodus illam Iustiniani cōstitutionem

## 894 EXAMEN DECRETORVM

anathemate iugulat, in 9. Canone: Si quis dixerit, ritum quo submissa uoce pars Canonis, & uerba consecrationis proferuntur, damnandum esse, anathema sit. Ita scilicet compendio se expediunt, ubi uident sibi & Scripturæ & antiquitatis sententiam obstare.

DE POENITENTIA, EX  
Sessione 4. sub Iulio Tertio.

## Caput I.

## De necessitate &amp; institutione Sacramenti poenitentiae.

*Si ea in regeneratis omnibus gratitudo erga Deum esset, ut iusticiam in Baptismo, ipsius beneficio & gratia susceptam, constanter tuerentur: non fuisset opus, aliud ab ipso Baptismo Sacramentum, ad peccatorum remissionem esse institutum. Quoniam autem Deus diues in misericordia, cognouit figmentum nostrum: illis etiam uita remedium contulit, qui sese postea in*  
peccati

peccati seruitutem, & dæmonis potestatem tradidissent: Sacramentum uidelicet pœnitentiæ, quo lapsis post Baptismum, beneficium mortis Christi applicatur. Fuit quidē pœnitētia uni-  
 uersis hominibus, qui se mortali aliquo peccato inquinassent, quouis tempore ad gratiā & iusticiam assequendam necessaria, illis etiam qui Baptismi Sacramento ablui petuissent: ut peruersitate abiecta et eliminata, tantam Dei offensionē cum peccati odio, & pio animi dolore detestaretur. Unde propheta ait: Conuertimini, & agite pœnitentiam ab omnibus iniquitatibus uestris, & non erit uobis in ruinam iniquitas. Dominus etiam dixit: Nisi pœnitētiā egeritis, omnes similiter peribitis. Et princeps Apostolorum Petrus, peccatoribus Baptisma  
 inician-



initiandis pœnitentiã commendans,  
 dicebat: Pœnitentiã agite, & bapti-  
 zetur unusquisq; uestrũ. Porro nec  
 ante aduentũ Christi pœnitentia erat  
 Sacramentum, nec est post aduentum  
 illius cuiquam ante Baptismum. Do-  
 minus autem Sacramentũ tunc præ-  
 cipue instituit, cum à mortuis excita-  
 tus, in sufflauit discipulos suos, dicens:  
 Accipite Spiritum sanctum, quorũ  
 remiseritis peccata, remittuntur eis:  
 & quorum retinueritis, retenta sunt.  
 Quo tam insigni facto, & uerbis tam  
 perspicuis, potestatem remittendi &  
 retinendi peccata, reconciliandos fide-  
 les post Baptismum lapsos, Apostolis  
 & eorum legitimis successoribus fuisse  
 comunicatam, uniuersorum Patrum  
 consensus semper intellexit: & Noua-  
 tianos, remittendi potestatem olim per-  
 tinaciter

tinaciter negantes, magna ratione Ecclesia catholica, tanquam hæreticos explosit atque condemnauit. Quare uerissimum hunc illorum uerborum Domini sensum, sancta hæc synodus probans & recipiens, damnat eorum cōmenticias interpretationes, qui uerba illa ad potestatem prædicandi uerbum Dei, & Christi Euangelium annuntiandi, contra huiusmodi Sacramenti institutionem falsò detorquent.

## Canon i.

Si quis dixerit, in catholica Ecclesia pœnitentiam, non esse uerè & propriè Sacramentum, pro fidelibus, quoties post Baptismū in peccata labuntur, ipsi Deo reconciliandis, à Christo Domino nostro institutū, anathema sit.

## Canon 3.

Si quis dixerit, uerba illa Domini  
Salua-

Saluatoris: Accipite Spiritum sanctum, quorum remiseritis peccata, remittuntur eis: & quorum retinueritis, retenta sunt: non esse intelligenda de potestate remittendi, & retinenda in Sacramento pœnitentia, sicut Ecclesia catholica ab initio semper intellexit: detorserit autem contra institutionem huius Sacramenti, ad auctoritatem prædicandi Euangelium anathema sit.

## EXAMEN.

Doctrina de pœnitentia, præbet illustre testimonium bonitatis & misericordiae Dei, erga miseram & corruptam hanc nostram naturam. Quia enim propter naturæ corruptionem, in hac uita, in multis sæpe labimur omnes: imò septies in die cadit etiam iustus. Propter diaboli enim insidias, & mundi scandala, etiam qui renati fuerant, aliquando ex carnis infirmitate lapsibus præoccupantur: sæpe etiã ex malitia carnis, in atrocia scelera se præcipitant. Deus igitur usque adeò ostendit se nolle mortem peccatoris, sed ut conuertatur & uiuat, ut etiam lapsis post Baptismum, si conuertantur, noluerit

uoluerit reditum patere in gratiam. Et quidem ipse instituit, ordinauit & præscripsit certum modum & rationem, quomodo post lapsus conuersio ita fieri, & pœnitentia ita agi debeat, ut certi simus, ex diuina promissione nos rursus reconciliari Deo, & consequi remissionem peccatorum: imò ipse spiritu suo per uerbum inchoat, efficit & operatur in nobis ea quæ ad pœnitentiam seu conuersionem pertinent. Omnino igitur in Ecclesia, necessaria est explicatio ueræ & sanæ doctrinæ, ex uerbo Dei, de salutari pœnitentia. Illa uerò à nostris, Dei beneficio, ex fontibus Prophetiarum & Apostolicis, à confusionibus & corruptelis Scholasticæ doctrinæ, feliciter repurgata, & iustis tractationibus explicata est. Et quia instituti nostri non est. iusta methodo & integra tractatione, totum locum de pœnitentia repetere & retexere: cum quidem uideam, præter opinionem scriptionem hanc excreescere: ea tantum annotabimus, quæ ratio examinis Tridentinorum decretorum, requirere uidebitur.

In primò igitur capitulo ostendendum est, quid propriè illud sit, quod hoc loco in cōtrouersia positū est, quādo disputatur, an pœnitentia sit uerè & propriè Sacramentum. Et quia Pontificij uerum statum huius cōtrouersie, solent turbare mixtione & cōfusione aliarū questionū, quæ ab Anabaptistis et alijs phanaticis disputantur: principiò igitur  
 questio.



questiones illas, monstrata Ecclesiarum nostrarū sententia, remouebimus & seiungemus: ut eo commodius ad illud quod propriè in controuersia positum est, perueniamus.

Primò igitur nostri expressè docent, baptizatos in hac uita, si admittant actiones cōtra conscientiam, non reimere, sed excutere fidem & Spiritum sanctum, amittere gratiam iustificationis, & uitam eternam: ac reos fieri iræ Dei, & eternæ damnationis, nisi rursus conuertantur, & agant pœnitentiā. Et quæ illa peccata sint, ex Scriptura declarāt: ut Rom. 8. 1. Cor. 6. Gal. 1. & 5. Ephes. 5. Coloss. 3. et ex alijs locis. Duodecimus itaq; articulus Augustinæ confessionis, damnat illos, qui uel fingunt, quibusdam tantam perfectionem in hac uita contingere, ut peccare nō possint: uel qui blasphemant, semel iustificatos non posse amittere Spiritū sanctū, in quantiscunq; celeribus se uolulent.

Secundò. Nequaquam sumus Nouatiani, qui semel iustificatis, si post Baptismum lapsi essent, omnem spem ueniæ & reconciliationis cum Deo, uel prorsus negabant, uel in dubium reuocabant, etiamsi rursus conuerterentur, & pœnitentiā agerent. Summa enim gratitudine celebrāmus immensum illud beneficium misericordiæ Dei, quod promisit, lapsos post Baptismum, se rursus in gratiam uelle recipere, quocunq; tempore, & quotiescunq; conuertuntur.

Tertiò.

Tertiò. Est & hoc extra controuersiam apud hos, neminem posse Deo recõciliari, & remissionem peccatorum consequi, nisi agat pœnitentiam, Nam cor impœnitens, cumulat sibi iram Dei, Roman. 2. & Lucæ. 13. Nisi pœnitentiam egeritis, omnes peribitis.

Quartò. Nec quisq; sibi fingere debet peculiarem modum agendæ pœnitentiæ, ut Deo reconcilietur: sed illa est unica & uera ratio salutaris pœnitentiæ, quæ in uerbo Dei traditur & præscribitur.

Quintò. Hoc etiam apud nos extra dubitationem est, Deum in Scriptura instituisse & ordinasse certa media, per quæ lapsis post Baptismum si conuertantur, beneficium mortis Christi uult applicare & obsignare, ad reconciliationem & remissionem peccatorum. Damnantur itaq; Enthusiastæ & Epicurei, qui fingunt Deum *ἀνεύχως*, sine usu ministerij, sine pœnitentia & fide, donare lapsis reconciliationem & remissionem peccatorum. Et illud ordinariū medium seu organon, per quod Deus in hac uita nobiscum agit, in ijs quæ ad salutem nostram pertinent, nostri docent esse ministerium uerbi & Sacramentorum. Ministerio enim legis peccata arguuntur, & consciëntiæ timore iræ & iudicij diuini terrentur. Deinde sic territis & contritis, Deus gratiam & remissionem peccatorum, per ministerium Euangelij offert & proponit:

nit: ac uult, ut apud Deum, per & propter Christum, fide in uerbo & Sacramentis, reconciliationem queramus, apprehendamus & accipiamus.

Merito itaque improbatur Acesij Nouatianum dictum, qui in Tripart. lib. 1. cap. 13. ad Constantinum Imperatorem inquit: Inuitandos quidem lapsos ad poenitentiam: spem uero remissionis, non à sacerdotibus, sed à Deo solummodo expectandam, qui solus potestatem habeat remittendi peccata. Prudenter enim, & pie respondit Constantinus: Scalam igitur admoue Aresi, & in cœlos ascende, quia ministerij usum tollis. Ambrosius Nouatianorum opinionem ita describit: Poenitentibus post lapsum, non simpliciter sanè præcidendâ esse omnē spē ueniae: sed sacerdotes nec posse nec debere illis, ministerio Euangelij remissionē peccatorū annuntiare, uel absolutionē impertiri: ne Dei, sicut simulabant, partes, audaci temeritate sibi usurparēt. Illos igitur qui extra & præter ministeriū uerbi & Sacramentorū, uel quærunt, uel quærendâ docent reconciliationem cum Deo, & remissionem peccatorum, seriò improbat Augustana confessio.

Hæc principio recitanda fuerunt, ut status controuersie quæ de poenitentia est, inter pontificios & inter Augustanam confessionem, clarè & distinctè, remotis & sepositis alijs quæstionibus, cōstitui & monstrari posset: ne quis uel existimet uel cauilletur, nos phanaticas illos opiniones, quæ

iam ostēdi à nostris dānari, fouere & tueri, quādo cum Pontificij disputamus, an pœnitētia sit uerè & propriè Sacramentum. Nam in eo quidem controuersia posita est, quòd Pontificij asseuerāt, pœnitentiam qua lapsi Deo reconciliantur, esse peculiare Sacramētum, quo lapsis post Baptismum, beneficium mortis Christi applicatur. Sed addenda est declaratio, quis sit sensus, & quæ sit causa huius certaminis. Apologia igitur Augustanæ confessionis, ne uideatur præter necessitatem, de uerbis potius quàm de rebus ipsis contendere, aliquoties diserte declarat: Cum uoce & ministerio absolutionis, id quod proprium est Sacramentorum, singulis credentibus applicetur generalis promissio Euangelij, de reconciliatione cum Deo, & remissione peccatorum, propter meritum Christi: se non pugnare, quo minus hac ratione, hoc respectu, propter hanc causam & in hunc sensum, pœnitentia appelletur Sacramentum.

Et licet ex diuina institutione, non habeat tale externum & materiale elementum, quale est in Baptismo & in Eucharistia, quod ad integrā definitionem, & genuinam proprietatem Sacramenti requiritur: tamen quia appellatio Sacramenti est ἑργαπός, & ualdè latè patet, si res ipsæ saluæ essent, de uocabulis facile posse consensionem constitui, inter illos qui non amant λόγους.



Sed hac declaratione, Pōtificij in hac disputatio-  
 ne non patiuntur sibi satisfieri. Aliud igitur est,  
 propter quod tam pertinaciter dimicant, pœniten-  
 tiam esse uerè & propriè Sacramentum. Et hæc  
 obseruatio monstrabit uerum statum huius cōtro-  
 uersie: & simul etiā ostendet, non esse conten-  
 tionem de uocabulis, sed certamen de re longè gra-  
 uissimā, quando Pontificij disputant, pœnitentiam  
 esse uerè & propriè Sacramentum. Quia enim  
 Sacramentum, iuxta ipsorū definitionem, est inui-  
 sibilis gratiæ uisibilis forma, ita ut eius & simili-  
 tudinem gerat, & causa existat: querunt igitur,  
 quodnam sit materiale elementum in pœnitentia,  
 quod accedente uerbo absolutionis, fiat Sacramen-  
 tum, non tantum significans sed caussans (sicut ipsi  
 loquuntur) gratiam pœnitentiæ, hoc est, reconcili-  
 ationem cum Deo & remissionem peccatorum.  
 Respondet autem compendium Theologiæ, mate-  
 riam seu elementū, hoc loco large accipiendū esse,  
 pro omni re, siue sit substantia externa, siue actio  
 humana. Atq; ita in pœnitentiæ Sacramento, dicit  
 elementum esse, exteriores actiones seu operatio-  
 nes hominis pœnitentis: cordis scilicet contritio-  
 nem, oris confessionem, & operis satisfactionem.  
 Et si uerbum absolutionis, à sacerdote prolatum,  
 ad illud elementum, hoc est, ad operationes huma-  
 nas accedat, tunc fieri inde Sacramentum, quod sit  
 causa efficiens & conferens gratiā, hoc est, recon-  
 ciliationem

conciliationem cum Deo, & remissionem peccatorum. Peccatorem igitur post Baptismum lapsum, quādo querit & ambit reconciliationē cum Deo, & remissionem peccatorum Pontificij per Sacramentum suū poenitentiae, deducunt ad humana seu propria opera: ut illa, accedente uerbo absolutionis, fiant & sint Sacramentum, hoc est, causa efficiens & conferens gratiam reconciliationis cum Deo, & remissionis peccatorum. Ideo in compendio Theologiae, talis traditur differētia: Baptismus & Eucharistia, consistunt in passione eius qui sanctificatur, & non in actione, nisi per accidens: hoc est, sunt Dei actiones, offerentis & exhibentis beneficia Mediatoris. Et nos tantum ea ad nos recipimus, quae Deus sua actione in illis Sacramētis exhibet. Poenitentiae uerò Sacramentum, consistit essentialiter in actu eius qui sanctificatur, Atque ideo ipse actus noster, est materia Sacramenti. In alijs, ut Baptismo et Eucharistia, quae sine actu nostro operantur, requiritur exterior materia. Hac ibi.

Vt autem manifestius euadat, de re necessaria, & longē grauiſſima certamen esse, quando disputatur, an poenitentia tale sit Sacramentum, sicut Pontificij contendūt: opponamus recitatae iam Pontificiorum sententiae, de Sacramento poenitentiae, anthitesin: quam uiam & rationem reconciliationis cum Deo, Scriptura, & doctrina & exem-

plis peccatori post lapsum monstret & proponat. Scriptura igitur duo genera doctrine proponit, legem scilicet, & Euangelium. Et lex quidem arguens peccata, & proponens grauissimas comminationes Dei, est malleus ille Ieremie 23. per quem Deus conterit petras : hoc est, spiritum contribulat, cor conterit & humiliat, ut uera & seria agnitione multitudinis & magnitudinis peccati, & irae Dei aduersus peccatum, animus incipiat peccatum odisse & detestari, iram & iudicium Dei timere, ita ut nollet in aeternum sub illis perire, sed gemitu suspirat & luctatur, ut ab illis liberetur. Ibi lex habet quidem, & proponit promissiones uitae : sed sub conditione perfectae impletionis : sed Scriptura addit declarationem : Quia lex spiritalis est, & de eius impletionem, haec est Dei sententia : Qui non in omnibus permanserit, maledictus esto, ideo coram Deo, ex operibus legis, nullo cara iustificatur. Roman. tertio. Sed qui ex operibus legis sunt, sub maledicto sunt Galat. 3. Ita per legem agnitione peccati, Romanorum 3. & lex iram operatur, Romanor. 4. Scriptura igitur omnia concludit sub peccatum, Gal. 3. Euangelium uero docet, id quod legi propter carnem nostram impossibile erat, Deum prestitisse, misso filio, Roman. 8. Monstrat igitur Christum agnum Dei, factum pro nobis sub lege, ut obedientia & passionem sua pro nobis, iudicio Dei in lege patefacto  
satisfa-

satisfaceret. Et illum mediatorem pater in Euangelio proponit propitiationum, fide in sanguine ipsius, per remissionem peccatorum. Roman. 3. Hæc enim est uoluntas patris, ut omnis qui credit in filium, non pereat, sed habeat uitam æternam. Ioan. sexto. Atque ita Euangelium, contritis & territissimis conscientijs annunciat, offert & proponit gratiam Dei, reconciliationem, & remissionem peccatorum, gratis, propter meritum Christi: & uult, ut illud beneficium Mediatoris, fide quisque apprehendat, & sibi applicet. Ministerium uero priuæ absolutionis, generalem illam Euangelij promissionem, ad singulos petentes applicat: Ut fides eo firmitus statuere possit, sibi certò à Deo donari & applicari beneficia passionis Christi. Et in usu cænæ Dominicæ, nouum Testamentum, quod scilicet Deus propitius uult esse peccatis nostris, & iniquitatum nostrarum obliuisci singulis fide summentibus, Christus exhibet, applicat & obsignat precioso pignore corporis & sanguinis sui. Et tunc rectè dicitur: Confide filij, remittuntur tibi peccata tua. Omnes enim Prophete testimonium perhibent, per Christum remissionem peccatorum accipere, omnes qui credunt in nomen eius. Et hæc est illa ratio reconciliationis cum Deo: cui obscurande, labefactande & euertende, opposita est Pontificiorum disputatio de Sacramento pœnitentiæ, eo



modo sicut dictum est: ut scilicet peccatorē, post lapsum querentem reconciliationem cum Deo, & remissionem, abducant à fide obedientiæ, passionis, & satisfactionis Christi, ad fiduciam actionis, propriæ contritionis, confessionis, & satisfactionis: ut si ad illa nostra opera accedat uerbum absolutionis, tunc habeamus causam efficientem & conferentem reconciliationem, & remissionē peccatorum. Et hic est uerus status cōtrouersie, quando disputatur, an pœnitentia tale sit Sacramentū, sicut Pontificij uolunt.

Operæ precium autē est obseruare, quomodo & unde probent & confirment suam illam pœnitentiam esse tale Sacramentum. Et primò antè aduentum Christi in carnem, hoc est, tempore ueteris Testamenti, fuit pœnitentia, per quā lapsi post circumcisionem, Deo rursus reconciliati fuerunt. Sed illam pœnitentiam, Tridentinum capitulum negat fuisse Sacramentum; tale scilicet, sicut ipsi de sua pœnitentia loquuntur. Atqui ualde hoc mirabile est. In pœnitentia enim ueteris Testamenti, fuerunt illustria externa signa contritionis, leguntur exempla publicæ confessionis peccatorum, Sorori Moysi, & Dauidi, post reconciliationem impositæ fuerunt à Deo castigationes.

Et ex illis exemplis, Pontificij suam satisfactionem probare conantur. Potestas etiam remittendi peccata, fuit in ueteri Testamento: eius enim  
illustre

illustre exemplum, extat in historia Davidis. Et hæc est tota definitio Sacramenti poenitentiae: contritio scilicet, confessio, satisfactio & absolutio. Et tamen negant, poenitentiam tempore ueteris Testamenti fuisse Sacramentum: ideo forsan, quia ibi confessio, etiam quæ coram Ecclesia fiebat, non sacerdoti in aurem, sed Deo facta fuit. Et castigationes post reconciliationem, non à sacerdote, sed ab ipso Deo imposite fuerunt. Nathan etiam Dauidem absoluit, non sua iudiciaria aliqua potestate sed ministerio, ita quod Deus per Prophetæ ministerium, remitteret Dauidi peccata. Et sicut Petrus inquit Acto. 10. Prophetæ docuerunt, remissionem peccatorum in conuersione accipi, nec propter nec per poenitentium opera, sed propter promissum benedictum semen, per fidem in ipsam. Quia igitur Patriarcharum & Prophetarum poenitentia, in multis cum Pontificia non conuenit: ideo merito negant, poenitentiam tempore ueteris Testamenti, fuisse tale Sacramentum, sicut ipsi de sua poenitentia disputant.

Nos uerò illam aduersariorum confessionem libenter accipimus quod scilicet per annos quater mille à condito mundo, poenitentia non fuerit tale Sacramentum, sicut Pontificij disputant: & quod toto tempore ueteris Testamenti, non fuerit talis ratio, & talis modus reconciliationis cū Deo post lapsum, qualem Pontificij in Sacramento suæ po-

## 910 EXAMEN DECRETORVM

nitentiaē praeſcribunt. Apoſtoli uerò, et Petrus Actorum decimo: & Paulus Actorum 26. affirmat ſe de poenitentia in Deum, & de accipienda remiſſione peccatorum non aliter docuiſſe quàm Prophetas. Hæc obſervatio poſtea habebit uſum. Quando enim Pontificij ad Sacramentum ſue poenitentiaē comprobandum, afferunt teſtimonia & exempla ex ueteri Teſtamento: rectè poſſumus reſpondere, nihil inde probari, quia Tridentinum capitulum pronunciat, poenitentiam in ueteri Teſtamento non fuiſſe Sacramentum.

Secundò. Baptiſta prædicauit poenitentiam in remiſſionem peccatorum. Summa etiam prædicationis Chriſti, ita deſcribitur: Poenitentiam agite, & credite Euangelio: appropinquauit enim regnum cœlorum. Sed Tridentinum capitulum pronunciat, ante reſurrectionem Chriſti, poenitentiam non fuiſſe Sacramentum: nec poenitentiam ante Baptiſmum eſſe Sacramentum. Docuit autem & Baptiſta & Chriſtus, de contritione. Baptiſtae auditores confeſſi ſunt peccata ſua, Matthæi 3. ubi etiam de faciendis fructibus dignis poenitentia, grauiter concionatur. Chriſtus etiam priuatam abſolutionem impertijt Matthæi ca. 9. & Lucæ cap. 7.

Quare igitur iuxta definitionem, poenitentia illa Pontificijs non eſt Sacramentum? Reſpondeo:

Quia

## CONCILII TRIDENTINI. 91

Quia contritio fuit interior, & confessio non habuit enumerationem singulorum delictorum. Christus etiam absolutionem impertijt, non præmissa processu iudiciali, & imposita multa: sed gratis, ijs qui peccata agnoscebant, iram Dei timebant, & fide propter ipsum petebant & querebant reconciliationem. Et summa, quia in illa poenitentia, gratis, sine operibus, fide propter Christum remittebantur peccata: quia etiam tam Baptista quam Christus, fidem in filium mediatorem, partem conuersionis, necessariam ad consequendam remissionem prædicarunt. Propter has causas, talis poenitentia Pontificijs non est Sacramentum. id quod diligenter expèdatur. Concedit itaq; & fatetur Tridentinum concilium, sacramentum suæ poenitentiae non habere fundamentum, testimonium uel exemplum, sicut non in ueteri Testamento, ita nec in concionibus Baptistæ & Christi, ante resurrectionem.

Tertiò. Vnicum monstrant in Scriptura fundamentum. Tridentinū enim capitulum dicit, Sacramētū poenitentiæ, sicut illud Pōtificij describūt, à Christo institutum post resurrectionem, cum insufflans in discipulos, diceret: Accipite Spiritum sanctum: quorū remiseritis peccata, &c Expèdendum igitur est, an illa Christi sententia, hoc quod Pontificij uolunt efficiat: ad remissionē scilicet peccatorum, necessariam esse contritionē, oris confessionem,



feſſionem, & operis ſatisfactionem: ita ut externe illæ operationes pœnitentium, ſint materia: ad quas, ſi uerbum abſolutionis accedat, fiat inde Sacramentum, quod ſit cauſa efficiens & conferens reconciliationem & remiſſionē peccatorum. hic enim eſt ſtatus controuerſiæ. Nouatianos igitur, qui extra miniſterium Euangelij, docebant querendam & expectandam eſſe recōciliationem & remiſſionem peccatorum, iure damnatos eſſe fate-mur. Et miniſtris Eccleſiæ, datam eſſe à Chriſto po-teſtatem, remittendi & retinendi peccata, ſi dex-tre intelligatur, nemo noſtrū negat. Nam Matth. 10. Marci 3. & 6. & Lucæ 10. Chriſtus eligens & emittens Apoſtolos ad prædicandum, dat ipsis ἐξουσίαν καὶ δυνάμειν, poteſtatem & uirtutem. Et Paulus 2. Corinth. 10. & 13. dicit, ſibi à Domi-no datam poteſtatem, non ad deſtructionem, ſed ad ædificationem.

Illā uerò poteſtas remittendi peccata, nō ita in-telligenda eſt data ſacerdotibus, quaſi Deus ea ſe abdicarit, & eam prorsus tranſtulerit in ſacerdo-tes, ita ut in abſolutione non Deus ipſe, ſed ſacer-dos remittat peccata. Paulus enim diſerte diſtin-guit, inter poteſtatem et efficaciā reconciliationis quæ Dei propria eſt, & inter miniſterium quod Apoſtolis datum eſt: ita quod Deus eſt qui mun-dum ſibi reconciliat, 2. Cor. 5. & peccata remittit, Iſa 43. non autem ſine medio, ſed in miniſterio,  
& per

& per ministerium uerbi & Sacramentorum. Mi-  
 nistri uerò dicuntur soluere & remittere peccata,  
 propter clauēs: hoc est, quia habent ministerium,  
 per quod Deus mundum sibi reconciliat, & pec-  
 cata remittit. Ita 2. Corint. 1. Paulus dicit, sē qui po-  
 testatem habeat, non tamē dominari fidei, sed esse  
 tantum ministrum & oeconomum mysteriorum  
 Christi. 1. Cor. 4. ita ut qui plantat, & qui rigat,  
 non sit aliquid, sed qui incrementum dat, Deus. 1.  
 Cor. 3. Et tamen ministerij usum utilem & necessa-  
 rium ostendit: Dei, enim inquit, sumus οὐκ ὄντες,  
 hoc est, administri, quorum opera Deus utitur in  
 eo, ubi tamen omnis efficacia ipsius est. Ministri,  
 inquit, sumus, per quos credidistis. Item, ego per  
 Euangelium uos genui Christo. 1. ad Corinth. 4.  
 Omnium uerò clarissimē distinctionem hanc Pau-  
 lus tradit, 2. Corinth. 5. Deus est, qui reconcili-  
 at nos sibi per Christum, non imputans nobis pec-  
 cata. Apostolis uerò dedit διακονία, ministeriū  
 reconciliationis. Quomodo uerò hoc? Posuit, in-  
 quit, in nobis uerbum reconciliationis. Nos igitur  
 pro Christo legatione fungimur, tanquā Deo ex-  
 hortante per nos, obsecramus pro Christo: Recon-  
 ciliamini Deo. Ita hęc distinctio Deo seruat &  
 tribuit illam gloriam, quæ ipsius propria est: mi-  
 nisterio etiam asserit eam, quam secundum uerbum  
 Dei habet, dignitatem & auctoritatem. Sicut enim  
 Christus est, qui per ministeriū baptizat, corpus  
 etiam

## 94 EXAMEN DECRETORVM

etiam & sanguinem suum exhibet: ita Christus est, qui per ministeriū absoluit, & peccata remittit. Et huc pertinet Augustini sententia, De consecrat. distinct. 4. Aliud est baptizare per ministerium, aliud baptizare per potestatem. item: Per hanc potestatem, quam Christus solus tenuit sibi, & in neminem ministrorum transfudit, quāquam per ministros baptizare dignatus sit, per hanc inquam potestatem, stat unitas Ecclesie. Si enim à Domino transferretur ad ministros, tot Baptismi essent, quot ministri. Hæc Augustin. Per Christum igitur, & propter Christum, apud Deum querimus, et à Deo accipimus remissionem peccatorum: sed in ministerio, & per ministerium. Hæc necessaria distinctio, quare in Tridentino capitulo prætereatur, mox ostendemus. prius enim pertexamus reliqua: quomodo scilicet ministerium Euangelij, remittat peccata: seu potius, quomodo Deus per ministerium remittat peccata. In eo enim caput controversie consistit. Non aliunde autem, sed ex ipso contextu, sumenda est declaratio. Christus enim declaraturus remissionem & retentionem peccatorum, hæc uerba præmittit: Sicut misit me pater, & ego mitto uos. Et hoc dicens, insufflauit, &c. Quomodo uero Christus missus fuerit, ut esset minister circumcisionis, ipse explicat. I uca 4. ex Propheta Isa. capite 61: Misit me euangelizara pauperibus, sanare contritos corde, prædicare capti-

re captiuis remissionem, & clausis apertionem, consolari lugentes, prædicare annum placationis, & diem ultionis Deo nostro. Clarius autem, & adhuc certior est hæc declaratio, quod Lucas describens eandem historiam pro eo quod Ioannes habet, Quorum remisistis, &c.

Lucas narrat, Christum locutū de prædicanda poenitentia, & remissione peccatorum, in nomine suo. Remissio igitur & retentio peccatorū, per ministerium, Ioan. 20. fit annunciatione uerbi, Luca 24. Et alterum declaratur per alterum. Non enim historicè tantum recitanda est doctrina legis de peccato, & doctrina Euangelij de remissione peccatorum propter Christum: sed facienda est accommodatio seu applicatio, & legis & Euangelij, ad auditores: ut scilicet ex lege, monstratis peccatis & ira Dei aduersus peccatum, denunciatur peccatoribus in iudicium damnationis, nisi cum Deo reconcilientur. Ex Euangelio uerò formetur. Paulina illa exhortatio: Reconciliemini Deo. & quod Ezechiel habet: Quare moriemini domus Israel. Et ostendatur, uoluntatem Dei esse, ut beneficia passionis Christi, quæ uoce Euangelij proponuntur & offeruntur, quisq; fide accipiat, & sibi applicet. Et qui ita, credunt eos Euangelij pronūciat Deo recōciliari & accipere remissionē peccatorū. Ut uerò hæc annuntiatio sit efficax ad remissionē peccatorū, ideo Christus ministerio



sterio per insufflationē, Ioan. 20. addit Spiritū sanctum. Euangelium enim est potentia Dei, ad salutem credenti, Rom. 1. hoc est: arma ministerij, per efficaciam spiritus, sunt ualida & potentia. 2. Cor. 10. Qui uerò non credunt, hoc est, qui applicationem reconciliationis, quæ fide fit propter Christum, apprehensa uoce Euangelij, uel Epicurea securitate, uel Pharisaica persuasionē contemnunt: illis denunciatur ira Dei, & æterna dānatio. Atq; hoc modo publica & generali annunciatione poenitentiae, & remissionis peccatorum, ministeriū, imò Deus ipse per ministerium & in ministerio soluit & ligat, remittit & retinet peccata.

Porro sicut doctrina arguens peccata, & denunciāns iram Dei impoenitentibus, non tantum in genere proponenda est, sed sicut exigit cura pastoralis, Ezech. 34. singulis priuatim, ubi necessitas flagitarit, retinēda & ligāda sunt peccata, denūciatione iudicij Dei, ex uerbo: ita etiā promissio Euangelij, non tantū efficax est, quādo in genere annūciatur, & quādo in generali prædicatione fide apprehēditur: sed pastoris est, si quā ouē cognouerit egrotā seu confractā, ut illā alliget et sanet, applicato priuatim ministerio uerbi & Sacramentorum. Priuata igitur absolutio contritis, & fide petentibus consolationem, remittit peccata, non aliter quā quod priuatim seu singulis, uoce Euangelij, annunciat remissionem peccatorum:

id quod

id quod ipse Christus suo exemplo ostendit, Matt. 9. Lu. 7. Illa uerò annuntiatio, siue peculiaris, singularis, specialis, siue priuata nominetur, efficax est ad remissionem peccatorum quia est ministerium spiritus, per quod Deus fidem confirmat, & peccata remittit. Idem enim Euangelium, & eiusdem efficaciae est, siue in genere multis, siue priuatim, uel uni uel paucis annuncietur. Et propter fidei infirmitatem, ad pleniorē & firmiorem consolationem, Deus uult promissionem gratiae nō tantum in genere proponi, sed priuatim etiam ad singulos petentes applicari: non Sacramentis tantū, uerumetiam annunciationem Euāgelij, sicut Christus ostendit Matt. 9. Lu. 7. Vt fides mea eo firmitus statuere possit, promissionem Euāgelij generalē, priuatim ad me etiam pertinere: Deum me etiam in illa comprehendere, & mihi in specie donare & applicare beneficia passionis Christi. Ita sententia Christi, Ioh. 20. de remittendis peccatis, siue intelligatur de publica seu generali annunciatione Euāgelij, siue de priuata absolutione, nihil aliud habet quā, ministerium remittere & retinere peccata, uoce seu annunciatione uerbi Dei.

Errant autē illi, qui simpliciter tollunt & damnant usum priuatae absolutionis. Errant uerò & illi qui contendunt, generali annunciatione Euāgelij, nulli credentium remitti peccata, sed remissionem tantum in priuata absolutione fieri.

Posita igitur uera declaratione *semen*ie Christi, Ioh. 20. uideamus iam, quàm feliciter Pontificij inde Sacramentum suæ pœnitentiæ extruunt.

Principiò autem hoc consideretur, quod Tridentinum capitulum dicit, *semen*iam illam Christi, non esse intelligendam de potestate seu auctoritate annunciandi Euangelium Christi. Et quidem si eos taxarent, qui uel historicè tantum, sine accommodatione & applicatione (sicut dictum est) Euangelium prædicant, uel qui prorsus ex Ecclesia tollunt usum priuatiæ absolutionis: rectè dicerent. Sed ipsi intelligunt in dicto Christi, talem potestatem remittendi peccata, quæ non consistat in annunciatione Euangelij Christi, siue fiat in genere, siue priuatim. Andræ enim in concilio Tridentino scribens, dicit ualde distincta & diuersa esse in ministerio Apostolorum, annunciare Euangelium, & remittere peccata. Sed iam ex uerbis Christi ostendimus, potestatem remittendi peccata, quam Christus discipulis dedit, consistere in ipso ministerio annunciandi Euangelium.

Forſan igitur talem potestatem remittendi peccata fingunt, sicut Simon magus Acto. 8. petit sibi uendi hanc potestatem, ut cuiusq; manus imponat, ei statim detur Spiritus sanctus. Nam & Pontificij docent, potestatem illam remittendi peccata, non in annunciatione uocis Euangelij sed in charactere sacerdotali fundatam esse. Qualem  
uero

uerò potestatem Tridentinum concilium intelligat, Colonienſes Ieſuitæ ita explicant: Chriſtum illa ſententia, Ioh. 20. ſacerdotes conſtituiſſe Chriſtianorum iudices, ut cauſis explicatis & diſcuſſis, uel remittant peccata, uel retineant. atq; ideo idem requiri in Sacramento poenitentiae, quod forum politicum requirit in reo: ut ſcilicet primò externis ſignis oſtendat, ſe duci peccatorum poenitudine: ſecundò, ut peccata illa quæ uult remitti, per enumerationem confiteatur: tertio, ut iniunctam ſibi à ſacerdote, tanquàm à iudice mulctam, æquo animo ſuſtineat. Quòd ſi ad has operationes peccatoris & ſacerdotis, accedat uerbum abſolutionis: tunc confici inde Sacramentum, quo lapſi Deo reconciliantur, & remiſſionem accipiunt. Et in hoc ſacerdotum iudicium, Ieſuitæ dicunt Chriſtum compromiſſiſſe, Iohannis uigeſimo. ubi dixit: Quorum remiſeritis peccata. Idem dicit ſecundum Tridentinum capitulum: Sacramentum poenitentiae in eo conſiſtere, ut lapſi poenitentes, ad ſacerdotum tribunal ſiſtamus, & per ipſorum ſententiam, ab admiſſis peccatis liberemur. Ita illi.

Sed Chriſtus certè horum nihil dicit in ſententia illa, Ioan. 20. de tali enim iudiciario proceſſu, nulla ſyllaba ibi extat. Extat aut in illa hiſtoria, Lu. 24. expreſſa declaratio de prædicanda remiſſione peccatorum. Nulla ſit Io. 20. mētio enumerationis



peccatorum, nec iniungenda multa: imò iubentur Apostoli prædicare, non per solutionem peccatorum, quæ per nostra opera fiat, sed remissionem peccatorum, propter Christi satisfactionem. Nō igitur ex illa Christi sententia, Ioh. 20. deducitur & sumitur Sacramentum Pontificiæ poenitentiae: sed contra simplicitatem uerborum, & contra manifestam Christi interpretationem, peregrinum commentum in illam Christi sententiam ingeritur & intruditur. quod uel inde intelligi potest. Generalis enim est sententia illa, Ioh. 20. de ministerio Apostolorum: quæ complectitur, etiā poenitentiam, & remissionem ante Baptismum. sicut Lucæ 24. in eadem historia, Christus de prædicanda inter omnes gentes non baptizatas poenitentia: & expressè de remissionem peccatorum loquitur.

Sed iuxta Concilium, ante Baptismum, poenitentia non est Sacramentum, nec requirit processum iudiciarium. Quia igitur certitudine, ex sententia Ioh. 20. Sacramentum Pontificiæ poenitentiae probari poterit? Quod si potestas remittendi peccata, necessario faceret Sacramentum poenitentiae: sequeretur etiam, quod Pontificij negant, in ueteri Testamento poenitentiam fuisse Sacramentum. fuit enim ibi potestas remittendi peccata, qua usus est Nathan, in absolutione Dauidis. Sacramentum igitur poenitentiae, sicut à Pontificijs traditur, non habet fundamentum certum, firmum & solidum.

in sententia Christi, Ioh. 20. Quarto. Nec ex Apostolorum doctrina & exemplis, Sacramentum Pontificiæ poenitentiae probari potest. Paulus enim, Acto. 26. recitans summam doctrinae suae de poenitentia, affirmat se nihil docuisse extra ea quae prophetae loquuti sunt. Petrus etiam Acto. 10. affirmat se illam rationem consequendae remissionis peccatorum tradere, quae à prophetis testimoniū habet. Sed Tridentinum capitulum negat, poenitentiam ueteris Testamenti, fuisse Sacramentū. Et in tota Scriptura, Apostoli nusquam leguntur exegisse enumerationem peccatorum, ad remissionem necessariam: nec leguntur imposuisse multa, quibus peccata remittebant: sed reconciliatos hortabantur, ut post acceptam remissionem, facerent fructus dignos poenitentiae. Vanum etiam & falsum est, Apostolos aliam docuisse poenitentiam, quod ad substantialia attinet, qua impij ante Baptismum ad Deum conuertuntur: & aliam diuersam, qua lapsi post Baptismum, cum Deo in gratiam redeant. Non enim aliam legem, non aliud Euangelium, non alium Christum, nec aliam fidem, lapsis post Baptismum proposuerunt. Sed contritio quam Apostoli docent, siue ante Baptismum, siue in lapsis post Baptismum, est agnitio, odium & detestatio peccati, timor irae & iudicij Dei, terrores conscientiae, cum desiderio effugiendi iram Dei. Reconciliationem cum Deo, & remissionem

peccatorum, docuerunt Apostoli non in nostris operibus, sed in obedientia, satisfactione & merito Christi mediatoris, fide quærendam & apprehendendam esse, siue ante Baptismum, siue in peccatis post Baptismum.

Et in his quæ substantialia sunt poenitentiae, Apostoli nullam faciunt differentiam, siue ante Baptismum, siue in peccatis post Baptismum, agenda sit poenitentia sed quando tradunt doctrinam de poenitentia: in genere loquuntur de poenitentia. Extant uerò in scriptis Apostolorum exempla conuersionis eorum qui post Baptismū lapsi fuerant: ut Galatarū, illos uerò Paulus non ad aliam nouam & diuersam rationem reconciliationis cum Deo, deducit: sed uehememissimè, contra persuasionē de iustificatione operū conuincitur, cōcludens omnia sub peccato: & propter solius Christi meritū, fide apprehensum, docet ipsos corā Deo iustificari, quæ poenitētia seu cōuersio, in substātialibus eadē est cū illa, qua primū ab idolis ad Deū cōuersi fuerāt. In incestuoso Corinthiaco quem Paulus excommunicat, est exemplum publicæ poenitentiae, in qua requiruntur publica externa signa tristitiae & poenitētiæ. Sed illas operationes, Paulus nō docet causā esse remissionis peccatorum, sed utitur uerbo *ἐξ ἡμῶν* 2. Cor. 2. Et perpetua est Pauli sententia: Si ex operibus, iam non ex gratia: sed ex inanita

est fides, & abolita promissio. Quintò. Dicunt quidem Tridentini, uniuersorum Patrum consensus, & Ecclesiam catholicam ab initio, intellexisse tale Sacramentum poenitentiae, quale ipsi docent. Sed toti antiquitati ignota est illa disputatio: Sicut in Baptismo & Eucharistia, est externum elementum, quod accedente uerbo fit Sacramentum: ita etiam in poenitentia, requiri externam materiam siue elementum, unde accedente uerbo ab solutionis, fiat Sacramentum poenitentiae. Ignotum est et hoc ueteribus, actiones esse elementum seu materiam. Illud uerò utile est in antiquitatis historia obseruare, unde, & ex qua origine, facta paulatim inclinatione, tandem deuentum sit ad Pontificias disputationes, & opiniones de Sacramento poenitentiae. Extra omnem autem dubitationem, prima origo fuit ex spectaculis publicae poenitentiae, quam magna seueritate uetus Ecclesia, in manifestis & atrocibus criminibus seruabat. In illa enim requirebantur externa signa contritionis, requirebatur exomologesis, seu confessio criminum: & priusquam rursus reciperentur in communionem Ecclesiae, imponebantur certa quaedam externae castigationes, cum exempli causa propter alios, tū uerò explorationis gratia, an serua esset poenitentia. Duæ uerò commonefactiones additæ leguntur à ueterib. 1. illos ritus nō esse uniuersaliter necessarios, omnib. qui post Baptismū,



## 924. EXAMEN DECRETORVM

agnoscentes peccata & lapsus suos, per pœnitentiam cuperent cum Deo reconciliari, gratiam & remissionem peccatorum obtinere. Fuit enim distinctio inter publicam pœnitentiam, & inter priuatam. 2. Monuerunt & hoc ueteres, externos illos pœnitentie ritus non mereri remissionem peccatorum, sed tantum esse externa signa & testimonia: sicut multæ sententiæ ueterum, de pœnitentia dist. 1. hoc testantur. Paulatim uerò à quibusdam assui coeperunt superstitiosæ opiniones, ritus illos promereri & impetrare ueniam. Coeperunt etiam ex Patribus quidam, ut Origenes & alij, populum hortari, ut etiam alia peccata, etiam quæ non essent notoria crimina, seu excommunicationi subiecta, sacerdoti per confessionem aperire, consilij & medicinæ gratia, quomodo scilicet curanda essent peccata. Quidam etiam pro occultis peccatis, patiebantur publicas sibi irrogari Ecclesiasticas castigationes, seu mulctas, quas satisfactiones uocabant. Inde uerò cœpit regula & doctrina generalis fieri: Ad pœnitentiam, qua lapsi in qualiacunq; peccata, post Baptismum Deo reconciliemur, pertinere præter cordis contritionem, & fidem amplectentem Christum, etiam oris confessionem, sacerdoti faciendam, & operis satisfactionem. Dissimiles uerò exiuerunt disputationes, quibusdam asserentibus, confessionem & satisfactionem pertinere, non ad impetrationem ueniam,

nie, sed ad ostensionem poenitentiae: alijs contra disputantibus, ad impetrandam remissionem peccatorum, haec facere. Dissimiles illas ueterum sententias, Gratianus collegit in Decreto de poenitentia. Postea tempore Gratiani, circa annum Domini 1150. fortiter disputatum fuit de necessitate confessionis et satisfactionis. Sed tamen Gratianus dist. 1. de poeniten. c. Quamuis plenitudo, expositis diuersis sententijs, ita concludit: Cui autem harum potius adherendum sit, lectoris iudicio reseruatur. Viraq; enim fautores habet sapientes et religiosos uiros. Et glossa de Poenitentia dist. 5. recitat, uaria quaesita fuisse argumenta, quibus probaretur, confessionem Sacramentalem esse iuris diuini: ut cum Deus ad Adamum dicit, Adam ubi es? item ad Cain: Vbi est Abel, frater tuus? uel Iosue 7, ubi Achan confitetur delictum suum: uel Iacobi 5. Confitemini alterutrū. Sed quia glossa infirmitatem illorum argumentorum agnoscit, tandē, concludit: Melius dicitur, confessionem institutam fuisse à quadam uniuersalis Ecclesiae traditione, potius quam ex noui uel ueteris Testamenti auctoritate. Et addit: Apud Græcos confessio non est necessaria, quia non emanauit ad illos traditio talis.

Bona uentura etiam dicit, per interiorē poenitentiam, quae consistat in agnitione culpae et obligationis ad poenam, deinde in cognitione misericordiae diuinæ, remitti culpam: illam uerò poeni-

tentiam, quæ consistit in cōfessione & satisfactione, esse institutionem Ecclesiæ. Tandem uerò ex dissimilibus & incertis illis disputationibus & opinionibus, fabricatus est articulus fidei: confessio nem scilicet, & satisfactionem, tanquàm de iure diuino, ad consequendam remissionem peccatorum necessariam esse. Quod dogma, Tridentinum concilium sola anathematis interminatione cōfirmat. Tale igitur nunc est Sacramentum pœnitentiæ, de quo Põnificij dimicant. Vnde uerò, et ex quàm dissimilibus & incertis disputationibus, ante Gratiani tempora inchoatum, & post Gratiani tempora conflatum sit, utile est considerare. Ita enim rectissimè refutatur, quod gloriantur de uniuersorum Patrum consensu.

## DE DISCRIMINE SACRAMENTI pœnitentiæ & Baptismi.

### Caput 2.

Ceterum hoc Sacramentum, multis rationibus à Baptismo differre dinoscitur. Nam præterquam quòd materia et forma, quibus Sacramenti essentia perficitur, longissimè dissident; constat certè, Baptismi ministrum, iudicem

dicem esse non oportere: cum Ecclesia in neminem iudiciū exerceat, qui non prius in ipsam per Baptismi annūā fuerit ingressus. Quid enim mihi, inquit Apostolus, de his qui foris sunt, iudicare? Secus est de domesticis, quos Christus Dominus, lauacro Baptismi, sui corporis membra semel effecit. Nā hos, si se postea crimine aliquo contaminauerint, nō iam repetito Baptismo ablui, cū id in Ecclesia catholica, nulla ratio liceat: sed ante hoc tribunal, tanquam reos sisti uoluit, ut per sacerdotis sententiā nō semel, sed quoties ab admissis peccatis ad ipsum pœnitētes confugerint, posset liberari. Alius est præterea Baptismi, & alius pœnitentiæ fructus. Per Baptismum enim Christum induentes, noua prorsus in illo efficiamur creatura, plenam & integram



gram peccatorum omnium remissionem consequentes: ad quam tamen nouitatem & integritatem, per Sacramentum pœnitentiæ, sine nostris magnis fletibus & laboribus, diuina id exigente iusticia, peruenire nequaquam possumus. ut meritò pœnitentiæ, laboriosus quidam Baptismus à sanctis Patribus dictus fuerit. Est autem hoc Sacramentum pœnitentiæ, lapsis post Baptismum ad salutem necessarium: ut nondum regeneratis, ipse Baptismus.

Canon 2.

Si quis Sacramenta confundens, ipsum Baptismum, Pœnitentiæ Sacramentum esse dixerit: quasi hæc duo Sacramenta, distincta non sint, atq; ideo pœnitentiā nō recte secundā post naufragiū tabulā appellari, anathema sit.

EXA-

## E X A M E N.

Si hoc tantum dicere uoluissent Tridentini patres, poenitentiam aliquid aliud esse, quàm Baptismum, & eos qui post Baptismum lapsi sunt, si conuertantur, nō repetito Baptismo abluendos, sed per poenitentiam Deo reconciliandos esse: non sanè opus fuisset tam prolixo capitulo, nec tã operoso anathemate. Sed longè aliud est, quod ipsis prolixum hoc capitulum expressit. Sentiant enim, ac doceant, per peccata quæ post Baptismum committuntur, ipsam uirtutem, efficaciam ac gratiam fœderis illius quod in Baptismo Deus nobiscum init, prorsus amitti & irritum fieri, ita ut in uera poenitentia, fides ad gratiam Baptismi reuerti nullo modo, & nullo unquam tempore possit: sed iam circumspicienda sit alia tabula, nostræ scilicet operationis, in contritione, confessione & satisfactione, cuius uirtute, ex peccatorum undis enatemus, & ad portum salutis uehamur. Quia igitur hoc modo, efficacia & usus Baptismi, tantum ad unicū illud momentum quando baptizamur, restringitur: & alia ratio recōciliationis cum Deo, & remissionis peccatorum proponitur, diuersa ab ea quæ fidei, in gratuita promissione Euangelij, propter meritum Christi offertur, & in Baptismo obsignatur: nostri falsam hanc opinionem reprehenderunt, & ex uerbo Dei ostenderunt, nos per Baptismum, in participationem promissionis

Euangelij.

Euangelij, & in cōmunionem meritorum Christi, fœdere perpetuo ita assumi, ut in eo uel perseueremus, uel si per peccata inde exciderimus, ut per pœnitentiam, fide ad fœdus illud, in Baptismo nobis obsignatum redeamus: ut ita pœnitentia, non sit noua ratio promerendæ remissionis peccatorū, per nostra opera, sed tantum sit reductus ad gratuitam promissionem remissionis peccatorum, propter satisfactionem Christi mediatoris, quæ in Baptismo nobis donata & obsignata est, ita ut ad eā reductum habeamus, post quemcunq; lapsum, non septies, sed septuagies septies. Promissio enim Baptismi, saluos nos facit per Iesum Christum: ut ipsius gratia iustificati, hæredes simus uitæ æternæ. Tit. 3. facit stipulationē bonæ conscientie erga Deum, per resurrectionē Christi. 1. Pet. 3. iam uerò in uera pœnitentia, post quemcunq; lapsum, fides hoc quærit, ut conscientia Deo reconcilietur, per mortem & resurrectionem Christi: ut ipsius gratia iustificati, hæredes simus uitæ æternæ. Ita pœnitentia nihil aliud est, quàm reductus ad promissionem gratiæ Baptismi: non ut iterum baptizemur, sed ut ad illam gratiam ex qua per peccata excideramus, per fidē in pœnitentiā redeamus.

Hæc uerò est sententia illa, quā hoc loco Tridentini damnare uoluerunt. Et obseruetur quæ sit antithesis, de qua Pontificij dimicāt. In Baptismo donatur gratuita reconciliatio, & remissio peccatorum,

catorum, sine nostris operibus, propter meritum  
 & satisfactionem Christi, ijs qui pœnitentiam a-  
 gunt, & credunt Euangelio. Qui uerò post Bap-  
 tismum lapsi sunt, ijs (sicut Osius inquit) non tam fa-  
 cilis, tam liberalis & gratuita uia patet ad remis-  
 sionem peccatorum: sed, sicut Tridentinum capi-  
 tulum inquit, per Sacramentum pœnitentiæ, ad  
 reconciliationem cum Deo, sine magnis nostris fle-  
 tibus & laboribus, diuina id exigente iusticia, per-  
 uenire nequaquam possumus. Et quidem grauius  
 peccatum est, post Baptismum Spiritum sanctum  
 contristare, & templum eius prophanare: poste-  
 riora enim redduntur peiora prioribus: 2. Pet. 2.  
 Maiorem itaque dolorem habet contritio, & gra-  
 uior lucta est conscientie. querentis reconcilia-  
 tionem in lapsibus post Baptismum: Sed aliud est  
 quod Tridentinum capitulum querit: in Ba-  
 ptismo scilicet, remissionem peccatorum gratis si-  
 ne nostris operibus, propter meritum Christi do-  
 nari, & fide accipi: in lapsibus uerò post Baptis-  
 mum, pœnitentiam impetrare ueniam, non fide  
 gratis, & sine operibus, sed per & propter o-  
 pera pœnitentiæ. Atque ideo absolutionem in  
 pœnitentia, non esse administrationem et exhibitio-  
 nem gratuiti beneficii reconciliationis, propter  
 meritum Christi, sicut in Baptismo: sed esse iudici-  
 um, in quo facta collatione peccatorum, & labo-  
 ris pœnitentiæ, imposita etiã in super certa multa



ad recompensationem, hoc respectu pœnitenti, promittatur reconciliatio cum Deo. Hæc est summa sententiæ secundi huius Capituli. Et idem est quod alibi dicunt, duplicem esse iustificationem: quarum prior sit gratis fide, sine operibus, propter Christum: altera non gratis, sed per & propter opera fiat. Sed hæc & explicata & refutata sunt in prima parte examinis, in loco de iustificatione: & in secunda parte, in 6. & 9. Canone, de Baptismo. De tribunali uerò iudicij pœnitentialis, tunc commodius dicemus, ubi ad cōfessionem uentum fuerit. Sufficit igitur hoc loco ostendisse, quid Tridentinum concilium uelit, quòd de differentia Sacramenti pœnitentiæ & Baptismi, tam operose disputat. Pertinet autem hoc ad pleniorē declarationem, qualis sit pœnitentia illa, ex qua Pontificij Sacramentum faciunt: quæ scilicet quærat & impetret reconciliationem & remissionem peccatorum, non fide gratis, sine meritis nostrorum operum, propter Christi merita, sicut in Baptismo fit, sed per & propter labores & opera nostræ pœnitentiæ. Qui uerò sint illi labores, & quæ opera, mox sequens capitulum explicat.

DE

CONCILII TRIDENTINI 933  
DE PARTIBVS ET FRV-  
ctu Sacramenti pœni-  
tentia.

Caput 3.

Docet præterea sancta Synodus, Sa-  
cramenti pœnitentia formam, in qua  
præcipue ipsius ius sita est, in illis mini-  
stri uerbis positam esse: Ego te absoluo,  
&c. Quibus quidem de Ecclesiæ san-  
ctæ more, preces quædam laudabiliter  
adiunguntur: ad ipsius tamen formæ  
essentiam nequaquam spectant, neq;  
ad ipsius Sacramenti administratio-  
nem sunt necessaria. Sunt autē quasi  
materia huius Sacramenti, ipsius pœ-  
nitentis actus: nempe contritio, confes-  
sio, & satisfactio: qui, quatenus in pœ-  
nitente ad integritatem Sacramenti,  
ad plenamq; & perfectā peccatorū re-  
missionem, ex Dei institutione requi-  
runtur, hac ratione partes pœnitentia  
Nn dicuntur.

dicuntur. Sanè uerò res & effectus huius Sacramēti, quantum ad eius uim & efficaciam pertinet, recōciliatio est cum Deo: quā interdum in uitis pijs, & cū deuotione hoc Sacramentū percipientibus, cōscientiæ pax ac serenitas, cū uehemēti spiritus consolatione consequi solet. Hæc de partibus & effectus huius Sacramēti, sancta Synodus iradens, simul eorū sentētias damnat, qui pœnitentiæ partes, incussos conscientia terrores, & fidem esse cōtendunt.

Canon 4.

Si quis negauerit, ad integram & perfectā peccatorū remissionē, requiri tres actus in pœnitente, quasi materiā Sacramēti pœnitētiæ: uidelicet contritionē, confessionē, & satisfactionē, quæ tres pœnitētiæ partes dicuntur: aut dixerit, duas tantū esse pœnitentiæ partes,

tes, terrores scilicet incusos cōscientiæ, agnito peccato, et fidem conceptam ex Euangelio, uel absolutione, qua credit quis sibi per Christum remissa peccata, anathema sit.

## EXAMEN.

Duo in hoc capitulo tractātur, quæ examināda sunt. Primum, quæ sit materia, & quæ forma in pœnitentia: unde fiat Sacramentū, cuius effectus, uis & efficacia, sit reconciliatio cum Deo, & perfecta peccatorū remissio. Secundò, quæ sint partes pœnitentiæ, quæ in pœnitente, ad plenā perfectāq; peccatorū remissionē requirūtur. De re autē grauiſſima agitur: quomodo scilicet, et unde in uera pœnitentia, illi qui lapsi sunt, cū Deo rursus reconcilientur, & remissionem peccatorum accipiant: unde pœnitētia uim & efficaciam illā habeat, remissionis scilicet peccatorum: quid illud sit, quo cōscientia in pœnitētia nūi debeat, ut non dubitet se rursus à Deo in gratiā recipi. Quia igitur Lōgobardus primū, ex pœnitentia Sacramentū fecerat: cœperunt postea Scholastici quærere, quæ sit materia, & quæ forma, unde pœnitētia rationem Sacramēti habere, et definitionē tueri posset. Vt enim aliquid sit Sacramentū, requiritur, ut habeat ex diuina institutione, elementū externū, tanquam



signum, & uerbum diuina ordinatione elemento annexum, cum promissione de ui & efficacia. Ireneus uocat rem terrenā & cœlestem: Augustinus uocat elementum, seu uisibilem speciem, uerbum uel uisibilem gratiam. Prorsus autem, sicut antea etiam dixi, antiquitati ignota est hæc disputatio, an in poenitentia sit materia & forma Sacramentalis. Augustinus de fide ad Petrum, Baptismum appellat Sacramentum fidei & poenitentiae. Impositionem etiam manuum, qua publicè poenitētes Ecclesiae reconciliabantur, alicubi inter Sacramenta numerat. Ipsam uerò poenitentiā, qua homini peccata remittuntur, in uera antiquitate Sacramentū appellatam fuisse, ostendi non potest. Ideo etiam ut in re noua, cum nullæ apud Patres sententiæ extarent, de hac questione uariè disputatum fuit à Scholasticis, quæ in poenitentia esset talis materia, quæ accedente uerbo, poenitentiam faceret Sacramentum. Quidam ut proprietatem materiae retinerent, ipsa peccata sinxerunt esse materiam huius Sacramenti. Alij dixerunt, ipsum peccatorem confitentem esse materiam. Postea facta metamorphosi, elementum seu materiam, ex prædicamento substantiæ transtulerunt in prædicamentū actionis, disputantes, actus poenitentiae posse materiam Sacramenti esse. Et ad speciem seu formam uisibilem, quam Augustinus in Sacramentis requiri dicit, sinxerūt sufficere, modò sit aliquid sensibile,

sive

siue uisu siue auditu, forsan etiā siue gustu siue odoratu percipiatur. Nec tamen consentiunt, quæ actio in poenitentia sit materia Sacramenti poenitentiae: an actio sacerdotis, proferentis certis, ritibus absolutionem: an uerò actiones poenitentis, & quænam. Quidam contritionem, confessionem & satisfactionem, ponunt partes materiales Sacramenti poenitentiae. Sed quia contritio non est uisibilis, & satisfactio in opere sequitur susceptionem ipsius Sacramenti: ideo solam confessionē quidam ponunt pro materia. Formam uerò Sacramenti poenitentiae, quidam ponunt uerba absolutionis. Sed quia non est in uerbo Dei, determinata forma uerborum absolutionis, ut in Baptismo & Eucharistia: ideo alij, ne certitudo efficaciae Sacramenti fluctuet, si forma esset incerta, dixerunt ipsos actus sacerdotis absoluentis esse pro forma, & sufficere si actus ille exprimat, etiam si non fiat per limitata & determinata uerba: sicut iudex politicus, in sententia siue absolutoria siue damnatoria, non est alligatus ad certam formam uerborum. Ita actus in poenitēte, est materia: in sacerdote uerò, est forma. Quid uerò est, unde non Sacramentum fabricari poterit, si hoc modo de materia & forma ludere libeat? In oratione, adhibetur saepe externi gestus: prædicatio Euangelij, est actio quædam: quoniam igitur & inde fiant Sacramenta.

Sed de re ipsa dicamus. Magnum & arduum

quiddam est, aliquid proponere & habere pro Sacramento. Sunt enim sacramenta, quasi diuina quædam uascula, in quæ merita Christi, gratia Dei, remissio peccatorum, etc. diuina ordinatione, quasi deposita sunt: ut per hæc quasi organa, Deus beneficia illa distribuat credentibus, applicet & obsignet. Ideo necesse est, ut materia Sacramentorum, ab ipso Deo, in uerbo sit instituta, ordinata et præscripta. Requiritur certum uerbum, ab ipso Deo traditum: quod ad materiam illam seu elementum accedente, fiat Sacramentum, quod habeat promissionem diuinam, de spiritali gratia et efficacia. In disputatione autem de poenitentia, de re magna agitur: de reconciliatione scilicet cum Deo, & remissione peccatorum. Illa gratia, uis & efficacia, tribuitur humanis operibus, seu actibus, in poenitentia. Sed ubi in uerbo Dei traditum & institutum est, actus illos poenitentis, esse materiam, ex qua, accedente uerbo fiat Sacramentum, cuius effectus sit reconciliatio & remissio peccatorum? ubi præscriptum est certum uerbum? ubi tradita extat promissio, si materia illa & forma coniungantur, adesse uim & efficaciam remissionis peccatorum? Et profecto audax impietas, & impia audacia est, fingere Sacramentum, cuius nec materia, nec forma, nec promissio in uerbo Dei extet. Consideretur autem mysterium iniquitatis, quod sub commenticia illa materia Sacramenti poenitentiae occultatur, & absconditum est.

est. Antiquissimum est sathanae artificium, homines quando querunt reconciliationem cum Deo, et remissionem peccatorum, deducere ad propria opera, ut illa opponant iudicio Dei, ad consequendam remissionem peccatorum. Illa uero Pharisaica persuasio, Paulino fulmine grauissimè repressa, & ex Ecclesia Dei proturbata est. Varijs uero modis, ille qui mille artifex est, postea tentauit, si duciā operum, ad iusticiā coram Deo, Ecclesiae obtrudere. Et aliquando hoc ipsi successit, saepe uero gladio spiritus repressus fuit. Tandem uero, ulciscente Deo ueritatis contemptum, & immundi, ingratiitudinem, 2. Thessalon. 2. humana opera in poenitentia, non tantum ut merita, sed quod maius est, ut Sacramentum, proposita fuerunt, ad consequendam conciliationem cum Deo, & remissionem peccatorum. Sacramenta autem, sunt diuina actiones. Ergo quando ex humanis operibus contritionis, confessionis & satisfactionis, Sacramentum fabricatur, iam humanis operibus diuinitas quaedam arrogatur: ut scilicet solium ipsorum, iuxta astra Dei exaltetur, sicut de rege Babylonico Isaias inquit. Thomas enim disputat in 4. dist. 16. art. 2. ideo in Sacramēto poenitentiae, loco materiae esse actum humanum, quia per quandam recompensationem, tollat offensam culpae praecedentis.

Animaduertit hoc Gropperus. ideo institutione Colonienſi, querit talem mitigationē: poeniten-



tiam uocari Sacramentum, ratione absolutionis, quia illa applicet promissionem generalem, ad singulos petentes: & materiam uocari posse, externam illam actionem sacerdotis, qua impertit absolutionem: quia sit signum externum, quomodo Deus interius animam à peccati nexibus absoluat. Sed de externis ritibus & gestibus in absolutione, nullum in uerbo Dei extat mandatum, nullum institutum, nulla promissio. Nec statim diuinum Sacramentum est, quicquid spirituale aliquid significare potest. Quod ad ipsam autem absolutionem attinet, notæ sunt declarationes Augustanæ cōfessionis & Apologie.

Tridentinum uerò concilium, ne hanc quidem mitigationem, nec illam quæ in Augustana formula interreligionis proposita fuit, admittit & recipit; sed simpliciter decernit, ex humanis poenitentium operibus, & ex uerbo absolutionis, constari Sacramentum poenitentiae; cuius effectus, uis & efficacia, sit reconciliatio cum Deo, & remissio peccatorum. Addit autem, ex Dei institutione hoc fieri. Sed falsum est, de enumeratione singulorum peccatorum, & de Pontificia satisfactione, ullum in uerbo Dei extare mandatum. Antiquitati etiā prorsus ignotum est, illas poenitentium actiones, esse materiam Sacramentalem. Et tempore Scholasticorum doctorum, imò tempore Gabrielis Bielii, ante centum adhuc annos, dubium & incertum fuit,

fuit, quæ esset uera materia Sacramenti poenitentiae. Quæ igitur potest certitudo esse de effectu Sacramenti, cū materia & forma sit incerta, & promissio sit nullæ? Atq; ideo forsā Tridentinum capitulum dicit, actus poenitentiæ esse materiam Sacramenti poenitentiae, uel quasi. Erit igitur etiā Sacramentum, uel quasi: erit etiam eius effectus, remissio peccatorū, uel quasi. Et hæc ipsa causa est, quare de Sacramento poenitentiae dimicent, ut reconciliationem & remissionem peccatorum, dubiam & incertam reddant. Non quidem dubium est, priuatam absolutionem efficacem esse: quia est uox Euangelij, quod est potentia Dei, ad salutem omni credenti. Atq; ideo probatur mihi Gersonis sententia, absolutionem non in optatiuo modo, forma imprecationis impertiendam, sed ita ut qui absoluitur, audiat & intelligat, Deum per illud ministerium annunciationis Euāgelij, sibi priuatim applicare meritum ac beneficia Christi, ad remissionem peccatorum. Sed & ipsa absolutio, in Pontificio hoc Sacramento peruertitur: nō enim permittitur Euāgelica esse, sed redditur merè legalis. Nō enim gratis, fide, sine nostris operibus, propter Christi meritum impertitur: sed sub conditione actuum, cōtritionis, confessionis, & satisfactionis: quæ Tridentinum concilium, tanquam materiam Sacramēti, ad perfectam peccatorum remissionē, in poenitēte requirit. Quia uerò nemo certus esse

potest, an actiones illas in debito gradu habeatis  
semper cōscientia dubia & incerta manet, de reco-  
ciliatione. Imò si ex operib<sup>9</sup> est iustificatio, hoc est,  
remissio peccatorū: exinanita est fides, & abolita  
promissio. Ro. 4. Et qui ex operibus legis sunt, sub  
maledicto sunt. Gal. 3. Verè igitur carnificina con-  
scientiarū est, Sacramentū Pontificiæ pœnitentiæ.

Altera quæstio tertij huius Capituli, est de par-  
tibus pœnitentiæ. Utq; planior sit disquisitio, Tri-  
dentinum capitulum inquit, partes pœnitentiæ  
intelligi, quæ in pœnitente ad plenam, perfectam=  
quæ remissionem peccatorum consequendam re-  
quiruntur. Iterum de re magna, complectente sa-  
lutem omnium nostrū, disputatio est. Certum  
enim est, Deum uelle lapsos recipere: sed si pœ-  
nitentiam agant. Ardua igitur quæstio est, quomo-  
do pœnitentia ita agi possit, ut certi simus, nos con-  
sequi reconciliationem & remissionem peccato-  
rum. Si enim pœnitentia non rectè agitur, pecca-  
tor licet quærat, non tamē assequitur remissionem  
peccatorum. Hic uerò Scriptura, & testimonijs et  
exemplis uiam nobis monstrat, propositis duobus  
generibus doctrinæ, legis scilicet, & Euangelij. Et  
lex quidem arguit peccata, & proponit commina-  
tiones Dei: atq; ita agnito peccato, incutit cōscien-  
tiæ terrores, ut incipiat iram Dei timere, atque ita  
peccatum detestari. Atq; hic est primus gradus pœ-  
nitentiæ: non quidē promerens remissionē pecca-  
torum,

torū, sed quia hic ordo à Deo est institutus, ut iuxta Bernhardi dictum, oleum misericordiae, nō infundat, nisi in uas contritum, & contribulatum. Lex uerò est pedagogus ad Christum. Quia enim uera poenitētia, habet desiderium effugiendi iram Dei, & damnationem: lex uerò pronunciat, ex operibus nullam carnem coram Deo iustificari: eo ipso igitur peccatorem territum, & quærentē reconciliationem cum Deo, lex à se ablegat. Ibi uerò Euangelium monstrat nobis, obedientiā & satisfactionē Christi mediatoris, pro nobis præstitam: & propter hoc meritū Christi, offert nobis gratiā & remissionē peccatorū. A nobis uerò hoc requirit, ut illud beneficium Christi, fide accipiamus, & nobis applicemus: & pronunciat, eos qui credunt in Christum, remissionem accipere per nomen eius. Recōciliatos uerò, qui beneficium remissionis acceperūt, hortatur ut postea faciant fructus dignos poenitentia. Ita iuxta Scripturam, ut in poenitentia cōsequamur reconciliationē, requiritur in poenitente contritio, & fides apprehendens meritum Christi: fructus uerò post reconciliationem sequuntur. Hæc ratio agendæ poenitentia, plana & certa est, in Scriptura enim tradita est, et habet promissionem remissionis peccatorum.

Sed Tridētinum concilium, sine dissimulatione ostendēs, qualem hæctenus promiserit emendationē, sonora uoce profitetur: se dānare illorū sententiam,



tiam, qui poenitentiae partes, incussos conscientiae terrores, & fidem esse cõtendunt. Et terrores quidem à Deo, uoce legis cõscientiae incussos, ideo nolunt esse partem poenitentiae: quia contritionem uolunt esse dolorem uoluntarie pro peccatis, tanquam uindictam assumptum, qui hoc opere, promereatur misericordiam Dei: sicut proximum capitulum explicabit. Fidem uerò opere precium, & obseruare, quare & quo sensu ex poenitentia, quarente remissionem peccatorum, excludat & proscribant: cum tamen Scholastici doceant, fidem esse radicem & fundamentum, unde oriatur poenitentia. Et in 4. capitulo, Tridentinum concilium dicit, contritionem debere cum fiducia diuinæ misericordiae coniunctam esse. Num igitur in eo tantum controuersia consistit, quod Pontifici ij dicunt, fidem esse fundamentum poenitentiae: nostri uerò docent, esse partem? Certè si utrinque consensio esset, fidem in poenitentia esse necessariam, ad consequendam remissionem peccatorum: non esset ideo turbanda Ecclesia, si aliud fidem fundamentum, aliud partem poenitentiae appellaret: cum quidem maius sit, aliquid esse fundamentum, quam partem. Animũ uerò quaeso bone lector aduerte. Tertium Capitulum simpli. iter nominat fidem, quam à partibus poenitentiae excludit. Quartus uerò Canon explicat & declarat, qualem fidem Pontifici ij in sua poenitentia nolunt ferre: quae scilicet ex uoce Euangelij seu  
absoluta

absolutionis concipitur, & qua poenitens credit, sibi per & propter Christum remitti, & remissa esse peccata. Quando igitur dicunt, fidem fundamentum esse poenitentiae, intelligunt talem persuasionem: si actiones illas poenitentiae, à Pontificijs praescriptas, quis susceperit & praestiterit, quòd illis actionibus impetret ueniam peccatorum, & reconcilietur Deo. Hac enim persuasionem dicunt suscipiendas esse actiones poenitentiae. et hoc est quòd dicunt, fidem esse fundamentum poenitentiae. Quando igitur 4. Canon anathemate damnat eos qui dicunt, fidem conceptam ex Euangelio uel absolutione, qua credit quis sibi per Christum remissa esse peccata necessariam partem esse poenitentiae, ad consequendam remissionem peccatorum: quid aliud facit, quàm quòd totum Euangelium ex poenitentia tollit, & ipsam uocem Euangelij propriam, sicut à prophetis, Christo & Apostolis tradita est, damnat? De prophetarum enim doctrina inquit Petrus, Acto. 10. Christo omnes prophetae testimonium perhibent, quòd remissionem peccatorum per nomen eius accipiant, quotquot credunt in ipsum. Summā doctrinae ministerij Christi, Marcus cap. 1. ita explicat: Poenitentiam agite, & credite Euangelio. Et post resurrectionē, iubet Apostolos praedicare poenitentiam, et remissionem peccatorum, in suo nomine. Luc. 24. Post ascensionem Paulo legationem Euangelicam ita iniungit, ut conuer-

tantur

tantur à tenebris ad lucem, & accipiant remissionem peccatorum per fidem, quæ est in me. Actorum 26. Ipse etiam Paulus, Acto. 20. cum sciret captivitatē sibi imminere, summam prædicationis suæ inter Iudæos & Gentes, in hæc capita colligit, testificans poenitentiam in Deum, & fidem in Christum. Reconciliatis uerò proponit doctrinam, ut digna poenitentiae opera faciant. Actorum 26. Audis ubique fidem: & illam fidem, quæ per nomen Christi remissionem peccatorum accipit, coniungi poenitentiae. Et ne plura testimonia coaceruemus, quid reliquum erit Euangelio, si tollas inde Christum, fidem in Christum, & remissionē peccatorum, quæ fide per Christum accipitur? Et tamen Tridentinum concilium non ueretur anathemate damnare, si quis dixerit, partem poenitentiae esse fidem, ex Euangelio conceptam, qua quis credit sibi per Christum peccata remissa. Hoc quidem antè cogitare potui, Tridentinum concilium in doctrina de poenitentia, non rectè aut explicatè traditurum fidem, quærentem & accipientem in uoce Euangelij, per & propter Christum, remissionem peccatorum. Nunquam uerò persuaderi mihi passus fuissē, fore ut in tanta uerbi Dei luce, publico anathemate damarent, si quis dixerit, partem salutaris poenitentiae esse fidem, conceptam ex Euangelio, qua quis credit sibi per Christum remissa peccata. Sed his notis

& iudicijs Dei iudicio, coram toto mundo reue-  
 latur, qualis Ecclesia sit coetus Pontificius. Ad per-  
 petuam igitur rei memoriã, notum sit ueræ Eccle-  
 siæ Dei, cõcilium Tridentinum promittere pœni-  
 tentiæ reconciliationem cum Deo, et remissionem  
 peccatorum, sine fide: quæ quidem ex Euangelio  
 concepta sit, & qua quis credat, per Christum si-  
 bi peccata remissa. ita enim sonora uoce decernit  
 4. Canon. Audiamus uerò, quas ipsi partes pœ-  
 nitentiæ assignent, quæ ad remissionem peccato-  
 rum, sine fide illa, necessariæ & sufficientes sint.  
 Contritionem numerant, confessionem, & sa-  
 tisfactionem. Et quia illas pœnitentiæ partes, etiam  
 materiam Sacramenti faciunt, quam oportet exter-  
 nam & uisibilem, seu sensibilem esse: non igitur  
 de contritione interiori, nec de confessione quæ  
 Deo fit, nec de proposito interiori emendatio-  
 nis, partes illæ intelligi debent: sed de externis  
 actibus contritionis, de externa confessione, quæ  
 per enumerationem omnium delictorum proprio  
 sacerdoti fit, & de externis operibus satisfactio-  
 nis, iunctæ à Confessionaria. Atqui externa signa  
 contritionis, Scriptura nullibi docet, ad remissio-  
 nem peccatorum esse necessaria. Enumeratio spe-  
 cialis omnium delictorum, sacerdoti faciendâ, in uer-  
 bo Dei nec mandatum, nec exemplum habet. Satisfa-  
 ctionis uerò opera, ipsi Pontificij definiunt esse in-  
 debita, hoc est, uerbo Dei non mandata. Habent  
 igitur



igitur partes pœnitentiæ, sine Scriptura: & quidē tales, quas hypocritæ etiam simulare & præstare possunt. Et tamen illis tribuunt remissionem peccatorum, cum interea fidem ex Euāgelio conceptā, qua quis credit sibi per Christum peccata remissa, sub anathemate in pœnitentia damnent. Iudas uerò fide illa destitutus, cum partes Pontificis pœnitentiæ haberet, contritionem scilicet, cōfessionem & satisfactionem, laqueo tamen se suspendit. Tanta scilicet in illis partibus pœnitentiæ, est consolatio, exclusa fide in Christum.

Trina uerò illa enumeratio partium pœnitentiæ, ex publicæ pœnitentiæ ritibus sumpta, postea ritibus illis partim abrogatis, partim mutatis, indoctè ad generalem pœnitentiæ doctrinā accommodata est.

Accessit, quòd ueteres in multis sententijs loquuntur de pœnitentia: non quatenus querit & accipit remissionem peccatorum, sed quatenus est uite mutatio & emēdatio. Et tunc Augustinus & Chrysostomus solent ita loqui: Sicut tres sunt peccatorum differentie, & tribus modis Deum offendimus, corde scilicet, ore, & opere: ita uerā emendationem, per cōtrarium instituendam esse, in animo, in uerbo, & opere. Hæc non attendentes monachi, fecerūt inde tres partes pœnitentiæ, quibus acquiratur remissio peccatorum: & quidem exclusa fide, quæ ex Euāgelio concepta credit, per Christum

Christum peccata remitti. Et ubi Chrysostomus ponit operis humilitatē, Augustinus operis sanctificationem, substituerunt postea operis satisfactionē. Et tamen anathema sit oportet, nisi quis omnia illa, undecunque orta, tanquam oracula Spiritus sancti, adoret.

DE CONTRITIONE.

Cap. IIII.

*Contritio, quæ primum locum inter dictos pœnitentis actus habet, animi dolor, ac detestatio est de peccato commisso, cum proposito non peccandi de cetero. Fuit autem quovis tempore, ad impetrandam veniam peccatorum, hic contritionis motus necessarius: & in homine post baptismum lapsō, ita demum præparat ad remissionem peccatorum, si cum fiducia diuinæ misericordiæ, & uoto præstandi reliqua coniunctus sit, quæ ad ritè suscipiendum hoc Sacramentum requiruntur. Declarat igitur sancta Synodus,*

O o      dus,

dus, hanc contritionem non solum ces-  
 sationem à peccato, & uita noua pro-  
 posium & inchoationem, sed ueteris  
 etiam odiū cōtinere, iuxta illud: Proij-  
 cite à uobis omnes iniquitates uestras,  
 in quibus prauaricati estis: & facite  
 nobis cor nouum, & spiritum nouum.  
 Et ceriè, qui illos sanctorum clamo-  
 res considerauerit: tibi solum peccauī,  
 & malum coram te feci. Laboraui in  
 gemitu meo, lauabo per singulas no-  
 ctes lectum meum. Recogitabo tibi o-  
 mnes annos meos, in amaritudine ani-  
 mæ meæ: & alios huiusmodi generis:  
 facile intelliget, eos ex uehementi quor-  
 dam anteactæ uitæ odio, & ingēti pec-  
 catorum detestatione manasse. Docet  
 præterea, etsi contritionem hanc ali-  
 quando charitate perfectam esse con-  
 tingat, hominemq; Deo reconciliare;  
 priusquam

priusquam hoc Sacramentum actu suscipiatur: ipsam nihilominus reconciliationem ipsi contritioni, sine Sacramenti uoto quod in illa includitur, non esse ascribendam. Illam uero contritionem imperfectam, quæ attritio dicitur, quoniam uel ex turpitudinis peccati consideratione, uel ex gehenna & pœnarum metu communiter concipitur, si uoluntatem peccandi excludat cum spe uenia, declarat non solum non facere hominem hypocritam, uerumetiam donum Dei esse, & Spiritus sancti impulsus, non adhuc quidem inhabitantis, sed tantum mouentis: quo pœnitens adiutus, uiam sibi ad iusticiam parat. & quamuis sine Sacramento pœnitentiæ, per se ad iustificationem perducere peccatorẽ nequeat:



tamen eum ad Dei gratiam: in Sacramento pœnitentiæ impetrãdam disponit. Hoc enim timore utiliter concussit Niniuitæ, ad lonæ prædicationem, plenam terroribus, pœnitentiam egerunt: & misericordiam à Domino impetrauerunt. Quamobrem falsò quidam calumniatur Catholicos scriptores, quasi tradiderint, Sacramentum pœnitentiæ absque bono motu suscipientium gratiam conferre: quòd nunquam Ecclesia Dei docuit, nec sensit. sed & falsò docent, contritionem esse exortam & coactam, non liberam & uoluntariam.

Canon 5.

Si quis dixerit, eam contritionem quæ paratur per discussione, collectionem & detestationem peccatorum, qua quis recogitat annos suos, in amaritudi-

ritudine animæ suæ, ponderando peccatorum suorum gravitatē, multitudinem, fœditatem, amissionem æternæ beatitudinis, et æternæ damnationis incursum, cum proposito melioris vitæ: non esse verum & utilem dolorem, nec præparare ad gratiam, sed facere hominem hypocritam, & magis peccatorem: demū illam esse dolorem coactum, & non liberum ac voluntarium, anathema sit.

## EXAMEN.

Omnino in ijs qui veram & seriam agunt pœnitentiam, necessaria est contritio. Neq; enim vera pœnitentia esse potest, in ijs qui persuasionē sanctitatis, somniant se esse sine peccato: vel qui peccata contemnunt, extenuant, excusant, palliant & defendunt; item qui comminationes diuinas vel contemnunt, vel irrident, iram Dei non curāt, iudicio & indignatione eius non mouentur: atq; ideo in peccatis contra conscientiam perseuerant & pergunt, peccatis delectantur, querunt & arripiunt occasiones peccatorum, atq; ea quæ sine ti

more Dei, ex proposito cumulant : in ijs inquam, nulla uera potest esse pœnitentia : nec seriò aut rectè quæret remissionem peccatorum, qui iram & iudicium Dei aduersus peccata uel non intelligit, uel non considerat, uel non curat. Nequaquam igitur docemus pœnitentiam sine contritione. Pertinet autem ad contritionem, 1. ut mens peccatoris, ex iudicio legis intelligat, agnoscat, & seriò consideret multiplicem immunidicem, magnitudinem & abominationem peccati coram Deo. 2. Ex doctrina de ira, indignatione & iudicio Dei aduersus peccata, conscientia intelligens quàm seriò & horribiliter Deus peccatis irascatur, & ea punire uelit, agnoscit se propter peccata irretitam teneri nexib. ire & iudiciij Dei, ad æternam condemnationem. 3. Inde oritur in conscientia timor, terror & pavor iræ & iudiciij Dei, aduersus peccata. 4. Hinc sequitur dolor conscientie, grauiter dolentis se peccasse, et peccatis offendisse Deum; incipit igitur peccatum odisse, & detestari, atque eius propositum abijcere. 5. Hæc uerò agnitio, hic pavor & dolor, excitat & urget consciētiam, ut cogitet & quærat, an & quomodo effugere possit iram Dei, & iudicium damnationis, sicut Baptista inquit: Quis submonstrauit uobis fugere à uentura ira? 6. Ad hos terrores necesse est accedere consolationem, fidem scilicet, quæ statuat nobis remitti peccata propter

propter filium Dei: & tãtæ misericordiæ agnitio-  
ne, rursus erigat nos, ne oppressi desperatione, ru-  
amus in æternum exitium. Nisi enim hæc fides ac-  
cedat, contritio est fuga Dei, et fremitus aduersus  
Deum, quibus tãdem ruitur in æternum exitium.  
Et hic gradus discrimen facit inter contritionem  
Petri & Iudæ.

Est autem uera contritio, non opus liberi arbi-  
trij, seu uirium humanarum: sed Spiritus sanctus  
per uerbum prædicatum, auditum & cogitatum,  
illam in nobis excitat, inchoat, operatur et efficit.  
Atque ideo pœnitentiam acturi, proponant sibi  
legem Dei, monstrantem agnitionem peccato-  
rum, iram Dei, pœnas præsentis & futuras, spi-  
rituales & corporales, temporales & æternas:  
publicas & priuatas, & exempla pœnarũ: & qui  
post Baptismum lapsi sunt, immensa beneficia Dei  
considerent, ut agnoscant, quàm fœda & hor-  
renda ingratitude, Deum offenderint. Sunt au-  
tem multiplicia testimonia bonitatis Dei er-  
ga nos, in creatione & sustentatione mundi, in  
nutritione & defensione corporis & animæ, in  
gubernatione politica, æconomica & priuata:  
precipue uero in spiritualibus beneficijs, conside-  
retur patefactio uerbi, donatio Euangelij, missio  
filij, donatio Spiritus sancti, depulsio Diaboli,  
promissio uitæ æternæ, &c.

Inter hæc tanta Dei beneficia, Spiritũ sanctum



lapsibus contristare, & Deum offendere, horrendum profectò scelus est. Per uerbum igitur Dei prædicatum, auditum & cogitatum, Spiritus sanctus efficax est, excitans, inchoans & efficiens ueram contritionem: quæ in serijs pœnitentiæ exercitijs crescere quidem debet, nunquã tamen in hac uita sufficiens & perfecta esse potest. Delicta enim quis intelligit. Psalm. 19. Quis nouit potestatem iræ Dei? quis metuit furorem eius? Psalm 90. Ad dolorem igitur contritionis, pertinet etiam hoc dolere, quòd non possumus de peccatis satis dolere. Remissio uerò peccatorũ, nõ pèdet ex magnitudine, sufficientia & meritò cōtritionis, sed ex obedientia & satisfactione Christi fide apprehensa.

Necessaria igitur est cōtritio: non autem meritum est, impetrans remissionem peccatorum. Illa enim propter solum Christum datur, & fide accipitur. Acto. 10. Contritio uerò nihil aliud est, quàm quòd agnoscimus, sentimus & fatemur, nos propter peccata irretitos teneri nexibus iudicij diuini, ad æternam damnationem. Et nisi ex illis paucioribus & doloribus, animus agnitione & fiducia misericordiæ, propter Christum mediatorem eluctetur, ruit in desperationem, & in æternũ exitium. Vsque adeò contritio non est meritũ remissionis peccatorum. Quare igitur necessaria est. Respòdeo. Sicut illi qui morbum nec agnoscunt, nec sentiunt, medicinam nec curant, nec querunt, nec applicant;

applicant: ita gratiam & misericordiam Dei, quæ in Christo proponitur, nemo satis curat, nemo serio et recte querit et amplectitur, nisi qui agnitione, sensu & dolore peccatorum, & ira Dei adversus peccata, contritus & perterrefactus est. Lex enim pedagogus est,urgens & impellens ad querendam gratiã Dei, in Christo. Et ordo diuinus est, quod uult quidã euangelizare, sed pauperibus: uult sanare, sed cõtritos, uult prædicare dimissionẽ, sed captiuis: uult educere & liberare, sed uinctos, hoc est sub peccatis cõclusos: uult consolari, sed contristatos & lugentes: uult respicere, sed ad cõtritum spiritu: beneplacitũ est Domino, sed super timẽtes eum, & in eis qui sperant super misericordia eius: uult reficere, sed laborantes & oneratos: uult coronare misericordia & miserationibus, sed caput humiliatum, non turgidum: uult infundere oleum misericordiæ, sed uulneratis: &c.

Hanc de contritione sententiam, quæ à nostris ex Scripturæ fundamētis extructa, & iustis tractatibus explicata est, ideo breuiter hoc loco repetere uolui; ne quis existimet, nos contritionem prorsus uel negare, uel ex pœnitentia tollere: utq; antithesis seu collatio clarius ostendat, quæ sint potissima capita controuersię de contritione, in hoc Tridentino capitulo: quæ ordine nunc, & breuiter examinabimus.

Et primò, quòd ad descriptionẽ cõtritionis atti

net, nemo pugnat, quin contritio continere doceatur, non tantum cessationem à peccato, & nouæ uitæ propositum & inchoationem, sed ueteris etiam odium, & peccatorum detestationem. Nec de definitione certamen esset, nisi insidiæ laterent sub uocabulis. Contritio, inquit, animi dolor, ac detestatio est de peccato commissio, cum proposito non peccandi de cætero. Hæc uerba ego simpliciter & candidè acciperem in eam sententiam, sicut iam de contritione dixi: sed insidiæ, ut monui, latent in uocabulis. Scholastici enim docent, contritionem, ut habeat uigorem & ualorem ad deletionem & remissionem peccati, debere esse talem detestationem peccati, quæ ad punitionem commissi peccati, uoluntariè suscipiatur aut assumatur. Voluntariam enim poenam remittere & delere peccatum, sicut in humanis poena uoluntariè assumpta, magis placat offensum. Ita Gabriel. Thomas uerò dicit: Sicut peccatum per consensum uoluntatis consummatur, ita per dissensum deletur & remittitur. Et addit, Baptismum in uirtute meriti Christi, habere uirtutem ad delenda peccata. In contritione uerò, ad remissionem peccatorum, cum Christi merito requiri etiam nostrum actum displicentiæ peccati, qui sit meritorius; quia cadat sub libero arbitrio. Et sicut offensa committitur in Deum uel externis membris, uel concupiscentia, uel uoluntate:

luntate: ita contritionem inferre dolorem corpori, parvi sensitiuæ, & uoluntati, ad reconciliandam offensam quæ in Deum commissæ est, membris, concupiscentia & uoluntate. Hæc Thomas.

Et ex hac consideratione intelligi potest, quæ sit causa, quòd tertium Tridentinum capitulum nolit, contritionem esse terrores, à Deo conscientie, uoce legis incussos. ita enim contritio non posset esse meritoria reconciliationis, & remissionis peccatorum. Scholastici uerò, ut contritionem meritoriam faciant, ita eam definiunt, quod sit dolor assumptus, & uoluntariè assumptus, & quidem pro peccatis assumptus. Et quia ad illas Scholasticarum disputationes, Tridentinum concilium sua definitione respexit, breuem hanc commonefactionem addere uolui.

Secundò. In hoc capitulo principaliter obseruandum est, quid & quantum contritioni tribuant. Hic motus, inquiunt, preparat ad remissionem peccatorum; si cum fiducia misericordie diuinæ coniunctus sit. Possent hæc uerba commodè intelligi, contritionē scilicet ita præparare ad remissionem peccatorum, quia agnitione & sensu iræ Dei aduersus peccatum, hominem excitet & impellat, ut de suis operibus & meritis desperans; in Euangelio, fide gratis propter meritum Christi, querat & accipiat remissionem



remissionem peccatorum : sed hoc Tridentina congregatio nullo modo uult. Et ne uideamur uerbis ipsorum peregrinum sensum affingere, audiamus quomodo hoc ipsum capitulum, præparationem illam per contritionem ad remissionem peccatorum, interpretetur & declaret. Motus inquit, contritionis necessarius est, ad impetrandam ueniam peccatorum. Et postea dicunt, contritionem caritate perfectam, hominem Deo reconciliare, etiam ante absolutionem, modo adsit uotum confessionis & satisfactionis. Impetrationem igitur uenie, & reconciliationem cum Deo, manifestè tribuunt actui seu operi contritionis nostræ : & quidem ante absolutionem, quæ est uox Euangelij, gratis propter meritum Christi annuncians, & impertiens fidei reconciliationem cum Deo, & remissionem peccatorum. Quid uerò aliud hoc est, quam reconciliationem cum Deo, & remissionem peccatorum, adimere Euangelio & fidei : imò gratuite misericordie Dei, & merito Christi : & transferre illam in merita nostrorum operum. Sed inquis : Tamen Tridentinum capitulum, contritioni coniungit fiduciam diuinæ misericordie, & uotum absolutionis : & Scholastici addunt meritum Christi. Verba sanè audio : sed uideo, quomodo illa Pontificij intelligant : Poenitentiam scilicet debere de diuina misericordia concipere talem fiduciam, si uoluntarie ex dilectione

lectione Dei, assumat dolorē pro peccatis, et habeat propositū, se uelle sacerdoti enumerare omnia peccata, & obedienter exequi satisfactiones, quas sacerdos iniuncturus sit, fore ut his motibus & actibus, impetret ueniam peccatorum, & reconcilietur Deo. Et illa poenitentium opera, dicunt ex merito Christi habere talem uirtutem, remissionis scilicet peccatorum.

Talis fides est Pontificiæ poenitentiae, in nostra scilicet opera, non in Christum: talem misericordia Dei uolunt, nō quæ sit gratuita, & gratis propter Christi meritum peccata remittat, sed quæ operibus nostris tribuat mercedem, reconciliationem scilicet cum Deo, & remissionem peccatorū. Hæc quia simpliciter evertunt doctrinam Euangelij, miris tergiuersationibus inuoluta, & uarijs pigmētis fucata hætenus sunt, à multis nostri temporis Pontificijs scriptoribus. Sed Tridentinum concilium, sine tergiuersatione & dissimulatione, manifestè quid uelit & sentiat, declarat. Simpliciter enim repetit & confirmat, quæ à Scholasticis doctoribus de contritione tradita sunt: quòd scilicet uirtute contritionis, iuxta distributionē Thomæ, remittatur & deleatur culpa, auferatur poena & conferatur gloria. Utq; ea quæ in hoc capitulo de contritione decernuntur, rectius examinari & planius intelligi possint: paucis notabo dogma Scholasticorum, quod Concilium hoc decreto repetere

petere & confirmare uoluit. Scotus igitur dicit peccatorem ex suis naturalibus cum communi seu generali influentia Dei, posse considerare peccatum à se commissum, ut contra legem Dei, ut offensa Dei, ut iræ inductiuū, et æterni supplicij: et uoluntatem sub his rationibus, posse detestari peccatum. Et hunc motum uocant attritionem, quæ sit insufficiens et remota dispositio ad remissionem peccatorum. Si uerò peccator consideret summam & infinitam Dei dignitatem, bonitatem, & misericordiam & quod dictante ratione, super omnia bona finita & creata diligendus sit: posse uoluntatem huic dictamini rationis se conformare, & ex naturalibus elicere actum dilectionis Dei super omnia: atq; ita posse peccatum detestari, quatenus est offensiuum summi boni, sic à se super omnia dilecti. Et hanc dispositionem ex naturalibus, esse sufficientem immediatam & ultimam, ad infusionem & susceptionem gratiæ, quæ sit charitas Dei. Deum enim nemini sufficenter disposito, subtrahere suam gratiā. Et quando hoc modo, charitate diligente Deū super omnia, contritio perfecta fuerit: quia charitas sit gratia illa, qua peccata remittuntur: ita & hac ratione, contritionem delere peccata, impetrare ueniam peccatorum & reconciliationem cum Deo quia uel ex charitate diligente Deum super omnia, oriatur uel charitas motui illi contritionis coexistat

stat, consistat, & cōcomitetur. Et hoc est dogma illud Scholasticorum, ad quod stabiliendum, factum est hoc decretum : quod ex hac collatione Scholastici dogmatis, rectius intelligitur: ut scilicet doceamur, in pœnitentia, propter nostram dilectionem, non fide propter meritum Christi, impetrare ueniam peccatorum, & reconciliationē cum Deo. Impietas autem huius dogmatis, & per se, & ex ijs quæ in prima parte Examinis annotata sunt, adeo manifesta est, ut ad refutationem satis sit monstrasse, quale mysterium iniquitatis, in hoc capitulo contineatur.

Tertio, est & hoc obseruandum, quod quartū hoc capitulū dicit, contritionem tunc impetrare delictorū ueniā, & reconciliationē cū Deo, si charitate perfecta fuerit. Scholastici uocāt sufficientē contritionē. Et Scotus dicit, ad hanc sufficientiam & perfectionē, requiri certā intensiōē detestationis peccati, quæ per certū tempus, à Deo determinatum, cōtinuetur: in cuius temporis termino, & non antē, deleatur peccatum. Alij disputant, ad sufficientiam & perfectionem contritionis, requiri tantum, ut formata sit charitate: sicut in precedentibus dictum est. Sed illa charitas debet diligere Deum super omnia: ad quā perfectionem, nullus sanctorū in hac uita peruenire potest. Et de ipsa contritione, Scriptura testatur: Delicta quis intelligit? item: Quis nouit potentiam iræ



tue? Impossibilis igitur est sufficientia & perfectio contritionis. Et eius persuasio uel facit Pharisaeos, uel desperabundos. Conscientia enim, quia nunquā potest certa esse de sufficiētia et perfectione contritionis, semper dubia & incerta manebit de remissione peccatorū, & reconciliatione cum Deo. Et hoc ipsum propositum est Tridentinae synodi, ut dogma dubitationis de remissione peccatorum, cōfirmet & stabiliat. Eius uerō refutatio, in prima parte huius examinis explicata est.

Quartò. Lutheri propositionem, à Leone X. damnatam, repetito anathemate damnant: attritionem scilicet facere hominem hypocritam, & magis peccatorem: nec esse dolorem uolūtarium, sed coactum. Facilis uerò, & breuis est explicatio. Lutherus nequaquam sensit, uerbū Dei quod arguit peccata, & monstrat grauitatem, multitudinē & foeditatem peccatorum, non pertinere uel requiri ad pœnitentiam: nec docuit, prædicationem, auditum, cogitationem & meditationem illius uerbi, non esse utilem ad pœnitentiam. Est enim (sicut supra dixi) organon, per quod Spiritus sanctus, cor lapideum aufert, & dat cor carneum. Neq; unquā Lutherus dixit, agnitionem & detestationem peccatorum, quam Spiritus sanctus per auditum & meditationē uerbi illius operatur in homine, non esse uerum contricionis dolorem. Sed Scholasticas disputationes de attritione, iure & merito,

ex uer-

ex uerbo Dei taxauit. Docent enim liberum arbitrium naturalibus suis uiribus, ex solo dictamine legis naturæ, sine operatione Spiritus sancti, posse inchoare, concipere & assumere uerum dolorem & detestationem peccatorum, hoc est attritionem, & illam esse dispositionē ad gratiam: quā dispositionem uocant facere quod in se est, quod sit meritum congrui. Hoc est dogma illud de attritione, quod Lutherus impugnauit: quia pœnitentiam, quam Scriptura affirmat Dei donum esse, Acto. 5. & 11. 2. Timoth. 2. tribuit naturalibus corruptæ naturæ uiribus: cum Christus affirmet, malam arborem non posse bonos fructus facere. Quia uerò experientia testatur, animale hominē sepe metu pœnarum, dolorem aliquem & detestationem peccatorum suscipere & assumere: respōdet Lutherus, idem quod Augustinus disputat, de Spiritu & litera: Quando liberum arbitrium, sine Spiritu sancto, metu pœnæ, seu spe commodi, aliquid uel facit uel omitit, esse tantum externam hypocrisin: interius uerò, ipsum peccatum magis auge-ri. Et ad Bonifacium lib. 3. cap. 4. Qui carnali metu pœnæ, aliquid facit, proculdubio inuitus facit, ac per hoc in animo non facit: mauult enim omnino nō facere, si permittatur impune, atq; per hoc in ipsa uoluntate intus reus est ubi ipse qui præcipit, inspicit Deus.

De attritione igitur, sicut Scholastici eam tra-

Pp dunt,

dunt, Lutherus recte dixit, quod sit coactum quid  
dam, quod non præparet ad gratiam, sed faciat  
hominem hypocritam, & magis peccatorem: pec-  
cator enim addens ad peccata, Pharisaicam persua-  
sionem de naturalibus suis uiribus, operibus &  
meritis, magis redditur peccator. Vide autem ar-  
tificium Tridentinum. Scholasticam illam opinionem  
de attritione, palam Pelagianizantem, defendere non  
audent. ut tamen Bullæ Leonis, specie aliqua pa-  
trocinentur: dicunt, contritionem quæ ex agniti-  
one peccati, & ex gehennæ metu, ex impulsu Spi-  
ritus sancti concipitur, & donum Dei est, si con-  
iunctam habeat spem ueniæ, & excludat propo-  
situm peccandi, uiam & gradum esse ad conuer-  
sionem. Sed ita pugnant sine aduersario. quis enim  
hoc negat. nisi quod contritionem illam causam  
facere uidentur impetrationis gratiæ.

Scio autem, magnas & longas disputationes  
apud Scholasticos extare, de contritione & attri-  
tione: hoc est, quando dolor in pœnitentia oriatur  
ex metu gehennæ, & quando ex dilectione Dei  
oriatur. Et utrumque sane fieri in ijs qui post Bapti-  
smum lapsi sunt, non est dubium. Nam & expaue-  
scunt metu iræ & iudicii Dei: et dolent, se tam beni-  
gnum patrem offendisse, mediatori tam optime de  
nobis merito, adeo ingratos fuisse: & spiritum  
sanctum, pignus hereditatis nostræ contristasse.  
Sed illæ Pontificiæ disputationes periculosæ sunt,  
& uerè

¶ Uerè laquei conscientiarum: quod contritio  
expauescens consideratione iræ & iudicij Dei,  
si non oriatur ex dilectione Dei, etiam si accedat  
fides, petēs & statuens remitti nobis peccata pro-  
pter Christum, tamē sit non salutaris sed ludæ pœ-  
nitentia. in magnis enim, serijs & ueris terrori-  
bus qui in Psalmis & apud prophetas describun-  
tur, resonāt querelæ de grauitate & de multitudi-  
ne peccatorum de irâ & furore Dei. Et tamen ac-  
cedente fide in Christum, quæ erigat conscientiam  
uera & salutaris est pœnitentia. Vtilius igitur  
est, questionēs illas præcidere: & contritionem  
definire ex uerbo Dei, arguente peccata, & reue-  
lante iram Dei super peccata, per quod uerbum  
spiritus sanctus excitat contritionem in pœniten-  
tibus: utq; fides apprehendens consolationem, uo-  
ce Euangelij in Christo propositam, discrimen fa-  
ciat inter timorem seruilem & filialem, inter do-  
lorem ludæ, & inter salutarem tristitiam Petri.

Hec sunt præcipua capita controuersie, de cō-  
tritione, quæ quidem in hoc quarto Tridentino cā-  
pitulo tractantur: quæ notare magis quàm  
explicare uolui. fundamenta enim  
in præcedentibus mon-  
strata sunt.



968 EXAMEN DECRETORVM  
DE CONFESSIONE.  
Cap. V.

*Ex institutione Sacramenti pœnitentie iam explicata, uniuerſa Eccleſia ſemper intellexit, inſtitutã etiã eſſe à Domino integram peccatorũ confeſſionem: & omnibus poſt Baptiſmũ lapſis, iure diuino neceſſariam exiſtere. Quia Dominus noſter Ieſus Chriſtus, è terris aſcenſurus ad cœlos, ſacerdotes ſui ipſius uicarios reliquit, tãquã præſides & iudices, ad quos omnia mortalia crimina deferantur, in qua Chriſti fideles ceciderint: quo, pro poteſtate clauũ, remiſſionis aut retẽtionis peccatorũ ſententiã pronũtiẽt. Conſtat .n. ſacerdotes iudicium hoc incognita cauſa, exercere nõ potuiſſe: neq; æquitatem quidẽ illos in pœnis iniungẽdis ſeruare potuiſſe, ſi in genere dũtaxat, &*  
*non*

non potius in specie ac sigillatim sua ipsi peccata declarassent. Ex his colligitur oportere à pœnitētib. omnia peccata mortalia, quorū post diligentiē sui discussionē, conscientiā habent, in cōfessione recēseri: etiam si occultissima illa sint, & tantum aduersus duo ultima Decalogi praecepta cōmissa: quae nonnunquam animū grauius sauciāt: & periculosiora sunt his quae in manifesto admittuntur. Nā uenialia, quibus à gratia Dei non excludimur, & in qua frequētius labimur, quanquā recte & utiliter, citraq; omnē praeumptionē, in cōfessione dicantur, quod piorum hominū usus demonstrat: taceri tamen citra culpā, multisq; alijs remedijs expiari possunt. Verū cū uniuersa mortalia peccata, etiā cogitationes, homines irae filios, & Dei inimicos red-

reddant: necessum est, omnium etiam ueniam, cum aperta & uerecunda confessione à Deo querere. Itaq<sup>3</sup> dum omnia quæ memoria occurrunt peccata, Christi fideles confiteri audent, proculdubio omnia diuinæ misericordiae ignoscenda exponunt. Qui uerò secus faciunt & scienter aliqua retinent, nihil diuinæ bonitati per sacerdotem remittendum proponunt. Si enim erupescat agrotus, uulnus medico detegere quod ignorat, medicina non curat. Colligitur præterea etiam eas circumstantias in confessione explicandas esse, quæ speciem peccati mutant: quod sine illis peccata ipsa, neq<sup>3</sup> à pœnitentib. integrè exponantur, nec iudicib. innotescant: & fieri nequeat, ut de grauitate criminū rectè censere possint & pœnā quā oportet, pro illis pœni-

pœnitētibus imponere. Unde alienum  
 à ratione est, docere circūstantias has,  
 ab hominib. ociosis excogitatas fuisse:  
 aut unā tantum circūstantiā confi-  
 tendā esse, nempe peccasse in fratrem.  
 Sed & impiū est, confessionē quæ hac  
 ratione fieri præcipitur, impossibilē di-  
 cere, aut carnificinā illam cōscientia-  
 rū appellare. Constat enim, nihil aliud  
 in Ecclesia à pœnitentib. exigī, quàm  
 ut postquā quisq. diligētius se excusse-  
 rit, & cōscientiæ suæ sinus omnes &  
 latebras explorauerit, ea peccata con-  
 fiteamur, quibus se Dominum et De-  
 um suum mortaliter offendisse memi-  
 nerit. Reliqua aut peccata, quæ dilige-  
 ter cogitāti nō occurrūt, in uniuersum  
 eadē cōfessione inclusa esse intelligun-  
 tur, p quib. fideliter cū Propheta dici-  
 mus: Ab occultis meis munda me Do-



mine. Ipsa uerò huiusmodi cōfessionis  
 difficultas, ac peccata detegendi uere-  
 cundia, grauis quidē uideri posset, nisi  
 tot, tantisq<sup>3</sup> cōmodis & cōsolationibus  
 releuaretur, quæ omnib. dignè ad hoc  
 Sacramentū accedentibus, per absolu-  
 tionem certissimè conferuntur. Cate-  
 rùm quo ad modū confitendi secretò  
 apud solum sacerdotem, & si Christus  
 non uetuerit, quin aliquis in uindictā  
 suorum scelerū, & sui humiliationē,  
 cum ob aliorum exemplū, tum ob Ec-  
 clesie offensæ adificationē, delicta sua  
 publicè confiteri possit: non est tamen  
 hoc diuino præcepto mandatū, nec sa-  
 tis consultè humana aliqua lege præci-  
 peretur, ut delicta, præsertim secreta,  
 publica essent confessione aperienda.  
 Unde cum à sanctissimis et antiquis-  
 simis Patribus, magno unanimiq<sup>3</sup> con-  
 sensu

*sensu secreta confessio Sacramentalis, qua ab initio Ecclesia sancta usa est, & modo etiam utitur, fuerit semper cōmēdata: manifestè refellitur inanis eorum calumnia, qui eam à diuino mandato alienā, & inuentū humanū esse, atq; à patribus in concilio Lateranensi cōgregatis, initū habuisse, docere nō uerentur. Nec. n. per Lateranēse conciliū Ecclesia statuit, ut Christi fideles cōfiterētur, quod iure diuino necessarium esse intellexerat: sed ut præceptū confessionis, saltē semel in anno, ab omnibus & singulis, cum ad annos discretionis peruenissent, impleretur. Unde itā in uniuersa Ecclesia, cū ingēti animarum fructu fideiū, obseruatur mos ille salutaris confitendi, sacro illo, & maximè acceptabili tempore Quadragesima. quem morē hac san-*

*Et a Synodus maximè pbat & ample  
 titur, tanquā piè et meritò retinēdū*

Canon 6.

*Si quis negauerit, cōfessionē Sacra-  
 mentale uel institutā, uel ad salutem  
 necessariā esse iure diuino: aut dixe-  
 rit, modū secrete cōfitēdi soli sacerdoti,  
 quē Ecclesia catholica ab initio semper  
 obseruauit & obseruat, alienū esse ab  
 institutione & mādato Christi, & in-  
 uentū esse humanum, anathema sit.*

Canon 7.

*Si quis dixerit, in Sacramēto pœni-  
 tentiæ, ad remissionē peccatorum ne-  
 cessarium nō esse iure diuino, cōfiteri  
 omnia & singula peccata mortalia,  
 quorū memoria, cum debita & dilige-  
 ti præmeditatōe habeatur, etiā occul-  
 ta, et quæ sunt cōtra duo ultima Deca-  
 logi præcepta, & circūstātiæ quæ pec-  
 cati*

cati speciem mutāt: sed eam cōfessionē  
tātum esse utile ad erudiendū & con-  
solandum pœnitentē, & olim observa-  
tam fuisse tātū ad satisfactionē Cano-  
nicam imponēdā: aut dixerit, eos qui  
omnia peccata cōfiteri studēt, nihil re-  
linquere uelle diuinæ misericordiæ ig-  
nosendum: aut demum nō licere cōfi-  
teri peccata uenialia, anathema sit.

Canon 8.

Si quis dixerit, cōfessionē omnium  
peccatorum, qualem Ecclesia seruat,  
esse impossibile, & traditionem huma-  
nam, à pijs abolendā: aut ad eam non  
teneri omnes & singulos utriusq; se-  
xus Christi fideles, iuxta magni concilii  
Lateranensis cōstitutionem, semel  
in anno: & ob id suadendum esse Chri-  
sti fidelibus, ut non cōfiteantur tempore  
Quadragesimæ, anathema sit.

EXAMEN.



## EXAMEN.

Longa est disputatio de confessione, quæ magna cõtentione agitur, cumulatim multis Scripturæ sententijs, & coaceruatis uarijs antiquitatis testimonijs & exemplis. Id quod eo artificio fit, ut imperitiorum mentes turbentur, & existiment illam, & prorsus talem confessionem, & quidem tali opinione, sicut Pontificijs nunc in usu est. semper fuisse in ueteri Ecclesia, tanquam iure diuino mandatam & necessariam. Simplicissima igitur & commodissima ratio explicationis erit, si per distributionem ostendatur, quàm uaria sint genera, & quàm multe rationes confessionis, cuius & in Scriptura, & in ueterum scriptis mentio fit: deinde ad singula hæc genera, instituatur antithesis, quæ & qualis sit confessio, de qua Pontificij dimicant: quæ scilicet, ut ad remissionem peccatorum necessarium exigit, ut omnia & singula delicta, quæ à Deo nobis remitti uolumus, in specie & sigillatim, secundum omnes circumstantias sacerdoti patefaciamus & enumeremus, ita ut quicquid sacerdoti non enumeretur, illud non remittatur à Deo.

Hoc modo enim perspicuè ostendi poterit, Pontificiam confessionem nec Scripturæ, nec antiquitatis uera & consentientia habere testimonia. Loquimur autem hoc loco, non de confessione laudis: in qua significatione, aliquoties uocabulum

cabulum confessionis, in Scriptura usurpatur: sed de confessione fraudis. sicut Augustinus uocabuli equiuocationem eleganter distinguit, de uerbis Euangelij homilia 8. hoc est, de agnitione & confessione peccati loquimur.

Primò igitur est confessio quædam, quæ soli Deo fit: qua peccata nostra agnoscetes, coram Deo cor nostrum effundimus, confitentes & deplorantes, cum uero cordis dolore, quàm multiplicetur Deum offenderimus: nòsque reos fateamur iræ & damnationis æternæ, petimusque misericordiam. Hæc confessio pertinet ad ueram contritionem, ne uel fingamus nos esse sine peccato, uel ne peccata contemnamus, extenuemus, excusemus, palliemus, seu defendamus: sed ingenue coram Deo agnoscamus, & fateamur tum culpam, tum reatum. Hæc confessio coniuncta est cum spe & fiducia ueniæ, sicut Chrysostomus inquit ad Theodo. lapsum: Quid proderunt lachrymæ & confessio, si nulla adsit abolitionis fiducia? Coniuncta etiam est cum proposito emendationis, sicut Hilarius inquit in Psalmo centesimo trigesimo quinto. Quid aliud est confessio erroris, quàm confessio desinendi ab errore? De huius confessionis necessitate & utilitate, populus diligenter erat commonefaciendus: ut iuxta cautionem debiti nostri, hoc est, iuxta doctrinam Decalogi, inquiramus  
in totam

in totam naturam & uitam nostram, excutientes & examinantes eam iuxta singula præcepta: ut aliquo modo agnoscamus. (semper enim manet illud Psalmi: delicta quis intelligit?) multitudinem, grauitatem & foeditatem peccati, & quam multipliciter rei simus coram Deo. Hac enim ratione, uera generatur contritio, fides excitatur & acuitur, ut seriò querat, cum gratitudine accipiat, & in filiali timore Domini retineat misericordiam Dei, & remissionem peccatorum.

Frangitur etiam ita superbia humani ingenij, ne Pharisaicam persuasionem induat iusticiæ, sanctitatis & innocentie. Cautiores etiam in posterum reddit nos illa confessio, ut maiori diligentia mores gubernemus, & lapsus caueamus.

Hæc populo ex uerbo Dei erant proponenda, & diligenter inculcanda. Sed Pontificij de sua tantum confessione dimicant: ad quam etiam ea quæ de hac confessione, siue in Scriptura siue in ueterum scriptis dicta sunt, detorquent: & quæ propria sunt huius confessionis, ea transferunt & tribuunt auriculari sue enumerationi. Loquuntur autem de hac confessione, dicta Scripturæ. Psalm. trigessimus secundus: Quoniam tacui, inueterauerunt ossa mea. Delictum meum cognitum tibi feci. Dixi, confitebor aduersus me in iustitiam meam Domino: & tu remisisti impietatem peccati mei. Prima epistola Ioannis cap. 1.

Si con-

confiteamur peccata nostra, fidelis & iustus est, ut remittat. Si dixerimus, quod non peccauimus, uerbum eius non est in nobis. Prouerb. 28. Qui abscondit scelera sua, non dirigitur: qui autem confessus fuerit, & reliquerit ea, misericordiam consequetur.

Hæc confessio uel interius in corde, uel publica uoce, Deo peccata confitetur. ut Leuit. 16. Daniel. 9. Item uel in genere peccatorem reum sistit Deo, ut publicanus inquit: Deus, propitius esto mihi peccatori. uel inquirit in totam uitam, atq; adeo in totam hanc corruptam naturam. ut Psal. 19. 25. 51. &c. De hac confessione Patres etiam loquuntur. ut Origenes lib. 3. *in el ægchōp*, cap. 1. Si quis nō prius animæ suæ uitia cognouerit, ac proprij oris cōfessione prodiderit purgari ijs, absoluiq; non poterit. Hoc dictū Pōtificij ad suā cōfessionem detorquēt. Sed in præcedentib. prolixè se explicat Origenes, et sunt hæc eius uerba: Quid à Deo cōsequantur ignorāt, nisi prius ad beneficia consequenda, per desiderii uenerint: quod ita demū fiet, si quis antè semetipsum cognoscat, et senti at quid sibi desit: et quod sibi deest, à quo querere uel debeat uel possit, intelligat, qui. n. non intellexerit prius ægritudine suā, medicum querere nescit, uel sanatus nō aget gratias. Ne igitur ignoret sibi per gratiam cōcessum, agnoscēda et cōfitēda sunt peccata. Idem in Psal. 37. Hom, 1, dicit: Conuenit post pec-



post peccatum, confiteri peccatum. Id uerò declarat exēplo publicani, Luca 18. & Davidis. Quæ, inquit, deliqui, quæ concupiui, quæ cōmisi, omnia ante te profero, & in orationibus meis ante conspectum tuum pono: & gemitus meus non est abs te absconditus.

Chrysostomus in Psal. quinquagesimū. Quanti sunt peccatores, securè degentes, qui nolunt intelligere quòd iniquè agunt, nec agnoscere uolunt superuenturam sibi calamitatem: insuper fiducialiter, quæ mala sunt agunt, & sic nec ingemiscunt, nec lachrymam proferunt, nec confitentur. quos saluari est impossibile: quòd nec agnoscant facinora sua, nec Dei iudicium præ oculis habeant.

Et Homilia 3. in Matth. Confessio peccatorū, testimonium est conscientie, timentis Deum. qui enim timet iudicium Dei, peccata sua non erubescit confiteri: qui autem erubescit, non timet. Illic enim turpitudine confessionis aspicitur, ubi futuræ iudicii pœna non creditur. Nunquid nescimus, quia confessio peccatorum, habet pudorem: & quòd hoc ipsum erubescere, pœna grauis est? Sed ideo magis iubet Deus confiteri peccata, ut uerecundiam patiamur pro pœna.

Idem in Genes. homil. 4. Quando in præsentia uita, per confessionē peccata abluere, et remissionē à Domino assequi poterimus: tūc abibimus hinc, à peccatis

peccatis puri, & magnam fiduciam habebimus. Et homilia 20. Qui hæc fecit, si uoluerit ad confessionem facinorum festinare, & medico ostendere ulcus, qui curet, & non exprobet: atq; ab illo remedia accipere, & soli ei loqui, nullo alio conscio, & omnia dicere cum diligentia: facile sua peccata emundabit. Confessio enim peccatorum, abolitio est delictorum. De hoc loco Lindanius exultat, quod ad uerbum tradat secretam Pontificiorum confessionem. Sed quam ueteratorie agat, Lector consideret. In illa ipsa enim homilia dicit: Si Lamech non refugit, mulieribus suis peccatum confiteri: quali erimus nos uenia digni, si ei qui omnia nostra nouit delicta, confiteri non uolumus peccata? Et subinde ingemurat, medicum illum, esse Dominum nostrum.

Tales igitur ueterum sententias, Pontificij ad suam enumerationem detorqueant. Sed ipse Chrysostomus se clarissime explicat, in epistolam ad Hebr. ca. 12. homilia 31. inquit: Non dico tibi, ut te prodas in publicum, neque ut te apud alios accuses: sed obedire te uolo prophetæ dicenti: Reuelamini domino uia tuam. Ante Deum ergo confitere peccata tua. In Ps. 59. Peccata tua dicito, ut deleas illa. Si confunderis alicui dicere, quia peccasti: dicito ea quotidie in anima tua. non dico, ut confitearis conseruo tuo, ut exprobet: dicito Deo, qui curat ea. Nec enim si non dixeris, ignorat ea Deus.

## 58. EXAMEN DECRETORVM

Dicito in hac uita, ut in illa requiem habeas.

Idem sermone de pœnitentia & confessione:  
Nunc autem neq; necessarium est, præsentibus testibus confiteri: solus te Deus confitentem uideat. De incomprehensibili Dei natura homilia 5. Rogo & oro, ut crebrius Deo immortalis confiteamini, & enumeratis uestris delictis, ueniam petatis. Non te in theatrum conseruorum duco, non hominibus peccata tua detegere cogo. Repete coram Deo conscientiam tuam, te explica: ostende medio præstantissimo uulnera tua, & pete ab eo medicamentum.

De Lazaro, concione quarta. Caue homini dixeris peccata; ne tibi opprobre. Neque enim conseruo confiteris, ut in publicum proferat: sed ei qui Dominus est. De hac interiori confessione, Deo facienda, multa alia egregia sunt ueterum dicta. Sed has Chrysostomi sententias ideo hoc loco adscripsi: inde enim colligi potest, quomodo & ex quibus ueterum sententijs, non rectè intellectis, posteritas fabricarit Pomificiam enumerationem & necessitatem eius. Dicunt ueteres; peccata confessione reuelanda, in specie expendenda, curiosius discutienda, explicanda, detegenda, enumeranda, &c. dicunt, peccata solui per confessionem, impossibile esse saluari citra confessionem. Sed Chrysostomus addit interpretationem, hæc intelligenda esse non de exter-

na confessione homini facienda, sed de interiori  
que Deo fit.

Secundò, est confessio fraterna que proximo  
fit: quando scilicet is qui off'ndit proximum, pœ-  
nitentia ductus fatetur se peccasse, & petit sibi i-  
gnosc'. Luc. 17. Si septies in die peccauerit in te, et  
conuersus fuerit ad te, dicens, Pœnitet me: dimit-  
te illi. De hac confessione Augustinus, tractatu in  
Iohannem 56. quod etiam Beda allegat in Pau-  
lum ad Coloss. interpretatur illud Iacobi 5. Con-  
fitemini inuicem delicta uestra, & orate pro in-  
uicem. Ad hanc confessionem, sermò exhor-  
tandi sunt homines. Christus enim dicit, Matth. 5.  
illum non posse munus ad altare offerre, qui non  
prius reconciliatus fuerit fratri suo. Et alteri par-  
ti Christus etiam grauitè concionatur, Matthæi  
sexto. Si non dimiseritis hominibus, nec pater ue-  
ster dimittet uobis peccata.

Et illam fraternam recôciliationem, Deus pro-  
mittit se in cœlo ratam habiturum. Matth. 18 In  
quem locum Theophilactus inquit: Si tu offensus,  
habes eum qui te iniuria affecit, post trinam admo-  
nitionem sicut publicanum, erit ille & in cœlo ta-  
lis: si autem solueris eum, hoc est, cōfitemi & de-  
precanti ignoueris erit ei & in cœlo condonatiū.  
Non solum enim que sacerdotes soluunt, sunt so-  
luta: sed quæcunq; & nos iniuria affecti, uel liga-  
mus uel solui<sup>mus</sup>, & ipsa erūt ligata uel soluta.



## 284 EXAMEN DECRETORVM

Sub hac confessione comprehenditur et hoc, quando fraterna correptione, ad agnitionem & confessionem alicuius peccati, etiam si in nos non sit commissum, frater comouetur & adducitur. Ita enim lucratus es fratrem tuum, inquit Christus. Et propter mutuam interpellationem, Iacobus dicit utilem esse hanc confessionem: Orate pro inuicem, ut saluemini.

Tertiò, est in Scriptura confessio quædam peccatorum generalis, qua peccator non tantum interius coram Deo, sed & coram ministris uerbi & Sacramentorum, non quidem in specie omnia & singula peccata, secundum omnes circumstantias enumerat: sed uel in genere, siue uoce, siue re ipsa profitetur, se agnoscere peccata, & iram Dei aduersus peccata: uel certa aliqua delicta, grauamina conscientiam, confitetur, & petit impertiri sibi remissionem. Talis confessio in ueteri Testamento erat, quando aliquis ad sacerdotem adducebat hostiam offerendam pro peccato, pro delicto, pro ignorantia, pro contumacia, &c. nec exigebatur, ut peccatum illud in specie & sigillatim cum omnibus circumstantiis sacerdoti exponeretur. Talis confessio erat Dauidis, coram propheta Nathan, qua confitetur peccatum adulterij & homicidij, sine enumeratione circumstantiarum. 2. Regum 12. Et addit generalem confessionem: Ecce in iniquitatibus conceptus sum, &c. Omnes iniquitates meas

meas dele. Psalm. 51. Vbi obseruetur, quòd Dauid quidem confessionem illam coram propheta facit, iuxta titulum Psalmi: sed tamen ad Deum confessionem dirigit. Et illi generali confessioni, quæ non est integra singulorum peccatorum, secundum omnes circumstantias enumeratio, Nathan impertit absolutionem: Dominus abstulit peccatum tuum. Et ratio talis generalis confessionis, pulchrè describitur in historia Nehemæ. Nam ca. 8. Esdras cum Leuitis, prælegunt populo in uolumine legis, et interpretantur. Inde populus agnoscens peccata quibus Deum offenderat, incipit dolere & flere, capite nono. separant à se semen alienigenum, & confitemur coram Leuitis & tota Ecclesia, peccata sua, & patrum suorum. Et Leuitæ, repetita populi confessione, implorant Dei misericordiam: quod fit loco absolutionis. & obligant se ad emendationem, inito & quasi conscripto publicè fœdere: id quod pertinet ad fructus poenitentiae. Hoc exemplum ideo adscripsi, quia monstrat totum processum (ut sic loquar) confessionis. I. a peccatrix, Luc. 7. externis signis & gestibus, in genere sine specifica enumeratione, profitetur se multorum peccatorum ream esse præcipuè uerò eius quod notorium erat: & petit absolutionem.

Et Christus huic generali confessioni impertit absolutionem: Remittuntur tibi peccata tua. fides

tua te saluam fecit: uade in pace. Eodem modo fili-  
 lius hominis potestatem remittendi peccata in  
 terra exercet. Matth. 9. Intelligens enim, paraly-  
 ticum consideratione peccatorum territum, & ui-  
 dens fidem eius, inquit: Confide fili, remittuntur  
 tibi peccata tua. Ibi est uerbum remittendi, quod  
 extat Ioh. 20. describitur ibi expresse potestas re-  
 mittendi peccata. Et tamen ad absolutionem, non  
 requiritur integra singulorum peccatorum enu-  
 meratio. Non aliter autem Christus Apostolos mi-  
 sit, quam ipse missus fuerat, Ioh. 20. Non igitur de-  
 bent ministri, ab ijs qui absolutionem petunt, exi-  
 gere quod Christus non exegit. Ita Matth. 3. qui à  
 Iohanne baptizantur, confitemur peccata sua. eo  
 ipso enim quod Baptismum poenitentiae suscipi-  
 unt, profitentur se esse peccatores. Et ex historia  
 Baptiste colligi potest processus, quo usus fuit Io-  
 hannes: prædicauit poenitentiam, ita sicut scriptum  
 est Isa. 40. arguens ualles, montes & colles, quod  
 sint praua & aspera. Omnis caro, foenum: & om-  
 nis gloria eius, quasi flos agri. foenum exiccatur,  
 flos cadit, spiritu Domini sufflante in eo. Quando  
 uerò accedebam turbae, Pharisei & Sadducei, ut  
 baptizarentur, concionabatur ipsis de ira Dei,  
 & de effugienda ira Dei. Matth. 3. Luca tertio.  
 dicebat ipsis, ut crederent in uenturum, hoc est, in  
 Christum. Actorum. 19. Illi uerò ad hanc doctrin-  
 am confitebantur peccata sua: hoc est, in genere  
 fateban-

fatebamur. & significabant, se agnoscere peccata, timere iram Dei, & dolere quòd Deum offendifsem: petebantq; Baptisma, in remissionem peccatorum. Et Iohannes quidem grauitè ipsos monet, ne simulatam, sed ueram & seriam agant poenitentiam: idq; dignis fructibus ostendant. Non tamen exigit specificam enumerationem singulorum delictorum: sed iudicat sufficere, quòd ea exponunt, quibus præcipuè conscientiam grauata sentium, petentes instructionem. Ita publicani & milites dicunt: Quid faciemus. Actorum decimonono. Confitentur, & annunciant acta sua. Sed Lucas dicit, fecisse hoc illos qui iam crediderant: sicut Paulus post conuersionem, fatetur peccatum persecutionis: & sicut Augustinus, suas confessiones edidit. Et non fit ibi, uel exigitur specifica enumeratio singulorum delictorum: sed agnoscunt & fatemur, actiones suas ad normam uerbi Dei non congruere: præcipuè uerò magicos libros exurunt, ita ipso facto promittentes emendationem. Ita Zachæus, Luc. 19. fatetur se multos fraudasse, & pollicetur emendationem. Christus uerò non exigit in specie & sigillatim enumerationem, per singulas circumstantias: sed contentus est generali confessione, cum Zachæus inquit: Si quem fraudauit. Et ad hanc confessionem, Christus absolutionē pronūciat: Hodie salus facta est huic domui, quoniā & ipse est filius Abraham.



Venit enim filius hominis, querere & saluare quod perierat. Filius etiam perditus, Lu. 15. generali confessione peccati, & promissione emendationis, recipitur.

Hæc ideo annotaui, ut ostenderem, morem confessionis quæ in nostris Ecclesiis seruatur, consensaneum esse Scripturæ: quos generali confessione contenta, non exigit specificam enumerationem. Ea tamen quæ conscientiam præcipuè grauans, exponere consulit, instructionis & consolationis gratia. De hac confessione loquitur Basilii in questionibus compendio explicatis, 288. cum inquit: Necessarium uidetur, ijs quibus dispensatio mysteriorum Dei commissæ est, confitenda esse peccata. addit enim: Sic & hi qui antiquitus pœnitebant, inueniuntur apud sanctos confessi esse peccata sua, scriptum est enim in Euangelio: quia Baptiste confitebantur populi peccata sua. & in Actibus confitebantur ipsis Apostolis, à quib. postea baptizabantur. Has uerò & similes sententias, quàm rectè & dextrè Pontificij ad integram suam enumerationem detorqueant, hæc observatio planè ostendit.

Quartò, ueteri Ecclesiæ in multo & frequentius fuit publica confessio, quam ἐξομολόγησις uocarunt. Illis enim qui deprehensi essent in publicis criminibus, quæ excommunicatione (sicut Augustinus loquitur) plectenda erant, publicè errare confitendum: hoc est, rei manifestorum, criminum,

num, coram Ecclesia, quasi in publico iudicio accusabantur. ibi crimen erat apud pastorem & Ecclesiam agnoscendum: & externis signis ostendendum erat, ipsos uerè dolere, quòd Deum offendissem, & Ecclesiā polluissem: ibi usitata erat quædam recitatio criminum. Tales enim non recipiebantur, nisi coram ministris & Ecclesia professi essent, se delicta agnoscere, de ijs dolere, petere ueniam, & promittere emendationem. Et illis interposito iudicio Ecclesiæ, imponebatur publica satisfactio: ut innotesceret omnibus, eos uerè & serio pœnitere: sicut inquit Hieronymus in 16. Matib. Erat autem hæc publica confessio, uel uoluntaria: ut cum criminosi seipsos spontè apud Ecclesiæ præsides prodebant, deferebant & publicabant: utq; illud facerent, Patres diligenter exhortationibus instabant. Si uerò peccatum totam Ecclesiam offendisset, & tamen rei nollent illud publicè agnoscere & confiteri, Ecclesia illos compellebat ad publicā exomologesin, 1. publica correptione: 2. quando correptus recusabat, crimen agnoscere & fateri, excommunicabatur, & non recipiebatur, nisi prius publica confessione crimine agnouisset. 3. quando priuatam fraternam correptionem, frater recusabat audire, tunc per denunciationem deferrebantur crimina ad Ecclesiam: quæ reos uel publica correptione, uel excommunicatione compellebat ad exomologesin. Et hæc seueritas in publicis criminibus ideo adhibebatur:

nus exomologesi vocat actum pœnitentiæ: quando scilicet pœnitentia non sola conscientia profertur, sed actu aliquo administratur. Et omnes ferme illos actus, quos publica pœnitentia complectitur, Tertullianus tribuit exomologesi: et manifestè dicit, illam exomologesi fieri non tantum presbyteris, verum etiam omnibus fratribus. Atque ideo talem exomologesi, publicam scilicet, unam tantum concedit.

Ita apud Eusebium lib. 6. cap. 25. cum Philippus Gordiani filius, uellet in Ecclesia populo precibus communicare, ab Episcopo loci non est permissus, ἢ ἐξομολογῆσαι, hoc est, nisi confiteretur. Non autem flagitauit ab ipso Episcopo, ut secretò in aurem omnia occulta peccata sibi recenseret: sed iubet, ut inter publicè pœnitentes se sistat, quos uocat ἐξιτασμένους: quod uocabulum forense est, quando scilicet causa criminis, instituta inquisitione in iudicio agitur. Atque ideo etiam dicit, διὰ πολλὰς καὶ αὐτὸν αἰτίας, propter multas aduersus ipsum accusationes: erant enim publica crimina.

Ita libro quinto capite uigesimo octauo. Natalis lapsus in hæresin, cilicio se induit, cinere conspergit, ad pedes Episcopi se prosternit, uestigijs clericorū et laicorū prouolutus, multis lachrymis errorem suum deflet. Talis publica confessio, non pro quibusvis peccatis, sed pro illis quæ  
uel

uel publica erant, uel excommunicationē merebatur, sicut Augustinus inquit, imponebatur & suscipiebatur. Et si quando de alijs etiā peccatis fiebat, publica tamen professione, & uoce, & gestibus seu signis fiebat, non tantum coram sacerdotibus, sed & coram laicis, & omnibus fratribus: sicut Tertullianus & Eusebius de confessione illa scribunt. Ex illa publica confessione, postea fieri coepit secreta, de illis peccatis quæ ad publicam pœnitentiā pertinebant. Tandem uerò secreta illa confessio, ad quæuis occulta peccata, in interiori pœnitentiā detorta est. Id quomodo sensim & paulatim factum fuerit, ostendemus, utilis enim erit hæc observatio.

Disciplina igitur illa publicæ confessionis & pœnitentiæ, eousq; processit; ut si quis in animo prop ositum habuisset, patrandi publici criminis etiamsi non subsecutum fuisset ipsum facinus, multi tamen uoluntariè sacerdotibus primū hoc indicabant, & postea publicæ cōfessionis ac pœnitentiæ se subiiciebant. Ita Cyprianus serm. s. de lapsis: Qui & fide maiore, & timore meliore sunt, quāuis nullo sacrificij aut libelli facinore constricti, quoniam tamen de hoc uel cogitauerunt, hoc ipsum apud sacerdotes Dei doluer & simpliciter confitentur, exomolog sin conscientie faciunt, animi sui pondus exponunt, salutarem medelam, paruis licet & modicis uulneribus exquirunt. Audis,



dis, non fuisse uel præceptum necessarium, uel consuetudinem uniuersalem. dicit enim, fuisse exempla quorundã, qui fide maiore, & timore meliore erant. Non igitur omnes hoc fecerunt: nec damnati fuerunt illi, qui soli Deo talia confessi sunt. Sed tamen talia exempla cœperunt alijs commendari, & ad imitationem proponi. Obseruet autem lector, Cyprianum ibi non loqui de omnibus, singulis & quibusuis peccatis cogitationum & uoluntatis, sacerdoti confitendis: sed disertè explicat, illa se intelligere, quæ de publicis criminibus perpetrandis, uoluntate concepta fuerant: ut de proposito abnegationis, in persecutione. Pertinent igitur & hæc sententiæ ad publicam pœnitentiam, & ad publica crimina: nec sunt generalia dogmata de quibusuis occultis peccatis, sacerdoti confitendis, quorum renati se reos esse agnoscunt coram Deo.

Quintò, quando admissa erant enormia crimina, ita tamen, ut non essent publicè Ecclesiæ nota & manifesta, rei non poterant compelli ad publicam confessionem & pœnitentiam: tanta tamen erat seueritas disciplinæ, ut multi se ipsos publicarent publica confessione. Maledicæ uerò lingue, arripiebant inde occasionem obtrectandi pœnitentibus: sicut inquit Origenes homilia secunda in Psalmũ trigesimumseptimũ. Qui lapsus est, prædicit in medium, & exomologesin facit. Multi uerò audiemes

dicentes uel exprobrant, uel irrident, uel malè loquuntur. Vt igitur talis publica confessio fieret ad edificationem, consuluerunt Patres, prius hoc sacerdoti, ut eruditio medico, exponendum esse: & eius consilium exquirendam, an publica confessione sit Ecclesie manifestandum. Ita Origenes in Psalm. 37. Circumspice cui debeat confiteri peccatum tuum, proba prius medicum Si intellexerit et praeiuderit talem esse languorem tuum, qui in conuentu totius Ecclesie exponi debeat, & curari, ex quo fortassis & ceteri edificari poterunt, & tu ipse facillè sanari: periti illius medici cōsilio hoc procurandum est. Hoc modo peccata, pertinentia ad publicam poenitentiam, quando non erant manifestaria, primùm sacerdoti priuatim indicabamur, postea sequebatur publica confessio & poenitentia. Quòd enim Origenes in illo loco, non in genere de omnibus & singulis peccatis sacerdoti confitendis loquatur, inde manifestum. In prima enim homilia loquitur de delictis, concupiscentijs, & commissis quæ ante Deum proferuntur, & in conspectu ipsius per gemitum exponuntur. Deinde in secunda homilia loquitur in principio, de lapsibus qui olim ad publicam confessionem pertinuerunt. Quia uerò inde sequebantur obrectationes, suadet Origenes, ut tales lapsus primùm sacerdoti exponantur, ut de eius consilio uel suscipiatur publica confessio, uel

omit.

omittatur. Sextò, cum ardor ille remissior factus esset, & non inuenirentur qui uel sponte per se ipsos, delicta sua enormia quidem, non tamen manifestaria & notoria, coram Ecclesia, publica confessione manifestare, uel consilio sacerdotis ea in publico Ecclesie conueniu exponi uellet: imò in notorijs etiam criminibus, propter confusionem publicæ confessionis, multi omnem potius poenitentiam spernabant: remissa igitur tandem, & prorsus fermè abrogata fuit seueritas publicæ confessionis, & commutari cœpit in priuatam, ita ut talia crimina priuatim & secretò confiterentur sacerdoti: qui licet crimen illud in specie Ecclesie non proderet, iniungebat tamen delinquenti publicam poenitentiam: ut ipso facto, in genere coram Ecclesia confiteretur & declararet, se graue aliquod commississe. Testatur hoc Leo, epistola sexagesimanona. Et Zozomenus in Tripartita historia, libro nono capite trigesimo quinto. Iam Augustinus inquit, de symbolo ad catechumenos libro primo capite sexto. Illi quos uidetis agere poenitentiam, scelera sua commiserunt, aut adulteria, aut alia immania facta. Et utile est obseruare, quando, quomodo, & qua de caussa facta sit mutatio illa publicæ confessionis, in priuatam seu secretam. Extat autem descriptio in epistola Leonis 78. ubi constituit, submouendâ esse cōsuetudinē, qua de singulorum

rum peccatorum genere, libellis scripta confessio, publicè recitabatur: cum sufficiat reatus conscientiarum solis sacerdotibus indicare, confessione secreta. Quamuis enim plenitudo fidei uideatur esse laudabilis, quæ propter Dei timorem, apud homines erubescere non ueretur: tamen quia non omnium huiusmodi sunt peccata, ut ea qui pœnitentiam possunt, non timeant publicare, remouenda erat improbabilis consuetudo, ne multi à pœnitentia remedijs arcerentur, dum aut erubescunt, aut metuunt inimicis suis facta sua referare, quibus possunt legum constitutionibus percelli. Sufficit ergo illa confessio, quæ primum Deo offertur, tunc etiam sacerdoti, qui pro delictis pœnitentium precator accedit: quod tum demum plures ad pœnitentiam poterunt prouocari, si populi auribus non publicetur conscientia confitemis. Hanc Leonis sententiam ideo adscripsi: quia manifestè ostendit, ea quæ de confessione hominibus facienda, apud ueteres leguntur, non esse necessaria præcepta, nec iuris diuini, sed disciplinam esse externam, quæ pro ratione ædificationis Ecclesiæ mutari possit. Illam enim consuetudinem, quòd crimina enormia quidem, sed uel proposito tantum, uel facto non toti Ecclesiæ notorio commissæ, publica confessione Ecclesiæ manifestabantur: quam Tertullianus, Cyprianus, et Origenes laudant,



laudant, & imitandam proponunt: Leo pronun-  
ciat esse improbabilem, & remouendam. Illis ipsis  
enim ferè uerbis utitur, quibus genus illud confes-  
sionis Cyprianus & Tertullianus commendant:  
ob fidem scilicet maiorem, & timorem meliorem,  
non fugiendam esse publicationem sui.

Est & illud obseruandum in Leonis sententiâ,  
quòd non loquitur de generali omnium occulto-  
rum delictorum enumeratione, quâdo inquit: rea-  
tus conscientiarum, sacerdotibus secreta confes-  
sione indicari. sed ostendit, se loqui de huiusmodi cri-  
minibus, quæ si publicarentur, possent legum con-  
stitutionibus percelli: hoc est, quæ olim publicæ  
confessioni & pœnitentiæ subiecta fuerunt.

Septimò, in Græca ecclesia, longè ante Leonē,  
facta fuerat mutatio illa publicæ confessionis, in  
secretâ. In historia enim Tripartita lib. 9. cap. 35.  
dicit. Zozomenus, ab initio Ecclesiæ uisum fuisse  
sacerdotibus, ut peccata tanquam in theatro, sub  
testimonio cœtus Ecclesiastici panderentur, quod  
de publica confessione dictū est. Socrates uerò ad-  
dit: Cū post persecutionem sub Decio factam,  
Nouatiani ab Ecclesia, propterea quòd pœniten-  
tes, in persecutione lapsos recipiebat, discessionem  
fecissent: quod factum est circa annū Domini 260.  
Episcopos antiquo canoni Ecclesiastico, de publi-  
ca scilicet confessione & pœnitentia adieciisse hanc  
additionem (uocat enim *ἡ ἑκκλησία* Canonis) ut

Rr presbyter

presbyter bonæ conuersationis, prudens & ἐχέυθε-  
 ses, hoc est, seruans secreti, sicut Zozomenus in-  
 quit, ad hoc ordinaretur: ut lapsi ad illum accede-  
 rent, ipsi confiterentur peccata. Ille uerò secundum  
 uniuscuiusq; culpā, multā indicabat. Et Zozome-  
 nus illud de iniuncta multā, expressè dicit idem  
 fuisse, quod tūc Rom. ecclesia, in publica & solēni  
 pœnitentia seruabat. Ita enim fermè morem illum  
 recitat, sicut describitur distinct. 50. in cap. Qua-  
 dragesimæ. Fuit igitur noua hæc ἡγεμονία, ad  
 antiquum de publica confessione canonem, ut lap-  
 sus suos peccatores, non amplius tanquam in thea-  
 tro coram toto Ecclesiæ coetu publicarent, sed se-  
 creta & priuata confessione, presbytero pœniten-  
 tiario indicarent. Et quia erat ἐχέυθε-  
 ses, confessio-  
 nem non prodebat in publicum, nisi forsan in cer-  
 tis casibus: ut de stupro diaconi. Sed tamen iniun-  
 gebat multā, seu satisfactionem publicā.

Obseruet autē lector, id quod Origenis tempo-  
 re seruatum fuit, ut scilicet lapsus priuatim sacer-  
 dotibus indicati, postea in cōuentu totius Ecclesiæ  
 exponerentur: mox post annos 30. in Græca eccle-  
 sia mutatū esse, ut confessio scilicet esset & seruare-  
 tur secreta, satisfactio uerò iniungeretur publicā.

Occidentalis uerò, seu Latina ecclesia, seueritatē  
 publicæ confessionis, per ducētos fermè annos diu-  
 tius retinuit, usq; ad Leonē scilicet, circa annū Do-  
 mini 450. sicut in præcedētibus diximus. Indi-  
 cat

# CONCILII TRIDENTINI. 1009

Et aut Socrates, solitos fuisse quosdā, apud pœnitē  
 tiariū illum presbyterū confiteri nō tantū publica  
 & notoria crimina, sed & alia delicta post Bapti  
 smū perpetrata. Zozenus inquit: τὰ ἐβωμια  
 να cōfitebantur. Nō tamē fuisse mandatū, obligās  
 omnes ad enumerationē omniū & singulorū deli  
 ctorū, inde colligitur. Vnus enim tantū presbyter,  
 ad has cōfessiones audien das cōstitutus fuit, in am  
 plissima Constantinopolitana ecclesia, in qua 60.  
 presbyteri, tēpore Iustiniani fuerūt. Et Socrates di  
 cit, nobilem quandā mulierem, presbytero illi con  
 fessam peccata κατὰ μέρος, hoc est, ex parte. Et  
 ad hanc confessionē nec integr.ī, nec specialē, pres  
 byterum eam absoluisse, inuēta hac satisfactione,  
 ut unā cum cōfessione, ostenderet ieiunio et oratio  
 nibus opus dignū pœnitentia: illam uerō progres  
 sam cœpisse & aliū suum lapsum accusare, diaco  
 num scilicet Ecclesiæ, secum concubuisse. Nō igitur  
 omnibus necēssitas confessionis illius imposita fuit:  
 aliās enim non suffecisset unus presbyter: nec inte  
 gra omnium & singulorum peccatorū enuenera  
 tio, tanquam iure diuino ad remissionē necessaria  
 exacta fuit, sicut confessio mulieris κατὰ μέρος fa  
 cta ostendit. Sed præcipuē instituta fuerat, pro pu  
 blicis & notorijs lapsib. usurpari uerō cœpit etiā  
 ad confessionē aliorū peccatorū, sicut iā diximus.  
 Nostra uerō quæstio est, an confessio illa, siue publi  
 ca siue priuata, tanquā iure diuino ad remissionē

peccatorum necessaria, tunc in Ecclesia habita fuerit. Et publicam quidem confessionem, non iudicatam fuisse iure diuino ad remissionem peccatorum necessariam, mutatio & abrogatio eius ostendit. Iam uero illam etiam constitutionem, priuatim & secreto audiendi lapsorum confessiones, historia hac dicit, in Constantinopolitana ecclesia à Nectario abrogatam & sublatam esse, propter facinus illud diaconi, in confessione publicatū, in magnum Ecclesiæ scandalum. Sed quomodo abrogatio illa per Nectarium facta est? Gropperus dicit, non ipsam secretam confessionem abrogatam, sed illum tantum morem sublatū, quo secreto confessis, publica imponebatur poenitentia peragenda. Sed historia simpliciter dicit, desuisse tunc morem illum, quod scilicet certus quidam presbyter ad hoc ordinatus erat, ut audiret confessiones poenitentium.

Lindanus fingit, Nectarium hoc tantum abrogasse, quod unus certus presbyter ad audiendas confessiones constitutus erat: mansisse autem omnino necessariam, priuatam seu secretam confessionem, sed liberū permissum esse, cui quis uellet ex presbyteris confiteri. Sed historia manifestè ostendit, figmentum hoc esse. Zozomenus enim dicit, post Nectarii illam abrogationem, quemque iudicio propriae conscientiae relictum. Num uero ita, ut confiteretur cui uellet? Hoc certè non dicit: sed inquit, permissum fuisse quæq; *μετέχοντων μυστηρίων*.



ὡς αὐτῷ συνελθόντι καὶ ἀρρῶν διώκτο. hoc  
 est: post illam abrogationem, ad cōmunionem my-  
 steriorum quisq; admissus est, prout sibi conscius  
 erat, & iudicare poterat, se bona conscientia, non  
 ad iudicium communicare posse mysterijs. Antea  
 igitur ad communionem non adnitebantur, nisi  
 prius confessi fuissent peccata. Sed per Nectarij  
 abrogationem, quisq; permissus est, τῷ ἰδιῷ συνελ-  
 θόντι. quod manifestè opponitur iudicio, quod fie-  
 bat in confessione. Et multo manifestius argumen-  
 tum est, ipsam secretam confessionem per Nectar-  
 rium abrogatam: quòd Socrates conqueritur, ab-  
 rogatione illius disciplinæ, sublatā mutuam illam  
 correptionem de qua Paulus inquit: Nolite com-  
 municare operibus illorum infructuosis: sed ma-  
 gis arguite. Et quod Zozomenus clarius dicit, per  
 illam Nectarij abrogationem, cœpisse antiquam  
 gravitatem & seueritatem, in morē arbitrarium  
 & negligentiorē degenerasse. Et addit, prius, hoc  
 est, ante illam abrogationem, minora & pauciora  
 peccata fuisse, præ uerecundia & pudore confi-  
 tendi propria peccata: & propter seueritatem il-  
 lorum qui ad hanc rem, ut iudices ordinati erant.  
 Quid igitur Nectarius abrogarit, uel ex hac que-  
 rela manifestum est. Sed inquis, abrogationem il-  
 lam nec Socrates nec Zozomenus laudāt. Respon-  
 deo: Disciplinam illam & utilitatem eius commen-  
 dant, quæ nec nobis improbatur. Sed tamē neuter

illorum affirmat, confessionem iure diuino, ad remissionem peccatorum necessariam esse: nec asseuerant, eius abrogationem iuri diuino contrariam esse. Sed Zozomenus commedans antiquam illam disciplinam, inquit: οἷς οἱ μακάρι, ut arbitror. Et Socrates dicit: Quid consilium illius abrogationis Ecclesie contulerit, Deus uiderit.

Nobis uero illud ueteris Ecclesie iudiciū sufficit, confessionem, ut ut utilitas disciplinae eius laudetur & comendetur, non esse iuris diuini, nec ad remissionem peccatorum necessariam. Alias enim propter nullas turbas abrogari uel potuisset, uel debuisset.

Colligamus igitur in summam, quae ex hac Nestarii historia conficiuntur. Omnino uerum est quod Zozomenus inquit, Deum mandasse peccatoribus ueniam *ἐμμεν*: sed illis qui poenitentiam agunt, peccata agnoscunt & confitentur. Qui uero recusant peccata confiteri, illos maius onus quasi auctae peccati usurae, sibi acquirere. Sed quaestio est, cui necessario confitenda sint peccata. Et primum quidem in usu fuit publica confessio. Sed eam non esse necessariam, eius abrogatione ostensum est. Deinde usurpata aliquandiu fuit confessio, quae priuatim seu secretò sacerdoti fiebat. Sed nec illam iure diuino ad remissionem esse necessariam, licet disciplina sit utilis, Ecclesia Nestarii tempore, eius abrogatione ostendit. Sola igitur illa peccatorum confessio quae Deo fit, iure di-

re diuino ad remissionem peccatorum necessaria est: sicut Chrysostomus, Nectarij successor, multis & sepius hoc ostendit. Sed contra hæc omnia Pighius obijcit, quod in una Constantinopolitana ecclesia, ab uno Nectario, paucorum consilio, ut furori tumultuantis populi succurreretur, factum est, non statim pertinere ad iudicium & consensum catholice Ecclesie. Sed tamen abrogationem illam nemo, etiam ex illis qui eam non satis probabant, uel ausus fuit uel potuit, ut Scripturæ seu uerbo Dei repugnantem, reprehendere aut damnare. Imò Zozomenus expressè dicit: Nectarius primus abrogauit presbyterum, super poenitentes ordinatum. ἐπιηκολόγησαν δὲ ἑξ ὧν ἐὶ πάντων ἐπισήνωται. hoc est: exemplum illius abrogationis, secuti sunt omnes ferme episcopi. Socrates dicit, in alijs hæresibus, mansisse Canonem illum de audiendis confessionibus: in Ecclesia uero τῶν ὁμοούσιων, antiquatum fuisse.

Et ex Chrysostomo, qui proximè post abrogationem illam, Constantinopolitane ecclesie administrationem suscepit, manifestè colligitur, quod Ecclesia illius temporis senserit, confessionem peccatorum quæ sacerdoti fit, non esse iure diuino, ad remissionem peccatorum necessariam.

Et ex hac Nectarij historia intelligi potest, qua occasione, qua de causa, & in quem sensum,

Chrysostomus sententias illas quas suprà annotauimus (quòd scilicet nō necessarium sit homini, confiteri peccata, sed sufficiat Deo ea confiteri) sæpissime repetiuerit. In recēti enim memoria, tunc adhuc erat Nectarij abrogatio.

Lindanius cōtendit, Chrysostomum tantum hoc disputare, quòd publica peccatorum confessio non sit necessaria, quia dicit: Non in theatrum te duco: non dico, ut prodas te in publicum. Nō necesse est presentibus testibus cōfiteri, &c. Sed idem etiam dicit: Non dico ut confitearis conseruo tuo, Solus Deus te cōfitentem audiat. item: Soli Domino, nullo alio conscio, confitearis. Nec publicam igitur, nec priuatam confessionem, Chrysostomus uult in re diuino, ad salutem necessariam esse.

Octauò, ut ad ordinem historicæ obseruationis redeamus. Haftenus ostendimus, in ueteri Ecclesia morem fuisse publicæ confessionis, in grauioribus seu manifestis criminibus. Quæ cōsuetudo postea, ut improbabilis iudicata, remota fuit, & mutata in secretam confessionem: quæ publicā tamen multatam, seu satisfactionem iniungebat. Sed & priuata illa, in Græca ecclesia sub Nectario abrogata fuit. Latina uerò ecclesia, secretam illam confessionem retinuit: sed sicut antea publica confessio, in secretam erat mutata. Ita postea etiam antiquata fuit seueritas iniungendæ publicæ pœnitentiæ, pro grauioribus criminibus, secreto confessis: atq; ita etiam



## CONCILII TRIDENTINI. 1015

etiam multa seu satisfactio publica, in priuatam seu secretam commutari cœpit. Inde uerò posterioribus temporibus, auricularis Pontificiorum confessio generata est: quæ omnium & singulorum delictorum enumerationem, ad salutem necessariam exigit.

Nonò. Et illa quidē quæ hæctenus ex Patribus, annotauimus, ad ea potissimum crimina spectant, propter quæ excommunicari aliquis merebatur, sicut Augustinus inquit: siue illa essent palam, siue clam, siue tantum uoluntatis proposito commissa. Non dissimulandum tamen est, extare præterea rea apud ueteres, multas sententias, quibus exhortantur populum, ut alia etiam peccata sacerdoti per confessionem exponant. Ita Cyprianus lib. 5. epistola 14. & 16. dicit, in minoribus etiam peccatis, quæ quidē nō in Deum cōmittantur, ueniendum esse ad exomologesin. Sed cōsiderandum est, qua ratione, quo sensu, & in quem finem, priuatā illam confessionem commendarint. Nullo modo enim senserunt, iure diuino ad remissionem peccatorum necessarium esse, omnia peccata, in specie & sigillatim, sacerdoti iuxta omnes circumstantias enumerare, ita ut ea quæ sacerdoti in specie non exponuntur, remitti non possint, etiamsi uerè poenitens, Deo ea confiteatur. Alias uerò habuerunt rationes, propter quas & seruauerunt & commendauerunt priuatam confessionem: quia scilicet

utilis sit disciplina, primò ad rudiorum informa-  
 tionem, de uera agnitione, de gradibus, de graui-  
 tate peccatorum, item de uera & salutari ratione  
 agenda pœnitentiæ. 2. Ad medicinam: quomo-  
 do scilicet quælibet peccata curanda & mortifi-  
 canda sint, ut in posterum caueantur & utentur,  
 quæ uitæ emendatio, quibus peccatis opponenda  
 sit. 3. Consilij gratia: ut in casibus dubijs, pa-  
 storis consilio ouiculæ ex uerbo Dei instruantur.  
 4. Propter consolationem, quando scilicet pec-  
 catum aliquod præcipuè conscientiam grauabat &  
 perturbabat, ut ex generali prædicatione cōscien-  
 tia non posset consolationem concipere, tunc con-  
 sulebant pastori hoc esse exponendum, propter pri-  
 uatam absolutionem. 5. Quia absolutio non est  
 impertienda, nisi qui pœnitentiam agit, impœnitens  
 uerò ligandus est: ideo sacerdotem ex aliqua pœni-  
 tētis professione oportet intelligere, an ille qui ab-  
 solutionem petit, sit absoluendus, an uerò ligandus. Ad  
 illam uerò discretionem non opus esse integra seu spe-  
 ciali enumeratione omnium delictorum, postea osten-  
 demus. Ita Chrysostomus, qui præ cæteris acri-  
 ter cōtendit, non necessarium esse ad remissionem pec-  
 catorum, sacerdoti peccata exponere & manifestare:  
 tamen lib. 2. de Sacerdotio inquit: Multa arte  
 opus est, ut qui laborant Christiani, ultrò sibi per-  
 suadeant, sacerdotum curationibus se submittere o-  
 portere: imò, ut curationis & medicinæ nomine,  
 gratiam

gratiā illis habeant. Et hoc est quod Zozomenus dicit, post Nestariū, confessionem sacerdotalem factam fuisse ἀδικήσεων. Ita Origenes in Psal. 37. dicit: Proba prius medicū, cui debeas lāguoris causas exponere: ut si quid ille dixerit, si quid consilij dederit, facias & sequaris. Idē in 2. cap. Leuitici dicit, sacerdoti indicari peccatū, & queri medicinā, secundū eum qui ait: Pronūciabo aduersus me iniusticiam meam Domino, & tu remisisti. Ita homilia 1. in Psal. 37. Deus sicut corpori medicamenta preparauit, ita & animæ, in his sermonibus quos per diuinas Scripturas seminauit, ut quæramus medicinam. Archiatros Christus est: medici, sunt ministri uerbi, quibus curandorū uulnerū disciplina cōmissa est. Et huc refert publicas Episcoporum correptiones. Ibidem: Si in corpore ma. u. l. a uel uulnus oriatur, sollicitus es, & perquiris, quid cure debeas adhibere, quomodo corpori sanitas antiqua restituatur. In eandē sententiā Cyprianus sermone 5. de lapsis dicit, peccatores per confessionem animi sui pondus sacerdotibus exponere, salutarem medelam, paruis scilicet & modicis uulneribus, exquirere. Basilius in quæstionibus cōpendio explicatis, 288. Quia modus cōuersionis debet esse οἰκῆσις τῆς ἀμαρτανίας, accommodatus ad rationē peccati: et debet fructus ostendere, dignos poenitētia: ad hoc aptus est modus cōfessionis, quæ sit illis quibus dispensatio mysteriorū Dei cōmissa est.

est. Et cap. 98. dicit, confessionem peccatorū hanc habere rationem, quam uulnus habet aliquod corporis, uel passio quæ medico monstranda est, qui testimonium habet curæ & medelæ. Ita Hieronymus in 16. caput Matthæi: Sicut in ueteri Testamento, sacerdotes noticiam habebant leprosi & nō leprosi, ut possent discernere, qui mundus, qui ue immundus esset: ita in nouo Testamento, sacerdotem nō debere temerè sibi arrogare clauem potestatis, absq; clauē scientiæ et discretionis: sed pro uarietate peccatorum, debere nosse qui ligandus sit, quiue soluendus. In Ecclesiasten cap. 10. Si quem serpens diabolus occultè momorderit, & nullo conscio eum peccati ueneno infecerit: si tacerit qui percussus est, & non egerit pœnitentiā, nec uulnus suum fratri & magistro uoluerit confiteri: magister qui habet linguam ad curandum, facile ei prodesse non poterit. Si enim erubescat ægrotus uulnus suum medico confiteri, quod ignorat medicina, non curat.

Idem uult aliud Hieronymi dictum: Vulnus nō intellectum, tardius sanatur.

Augustinus elegāter hoc describit, epistola III. ad Iulianū Comitem: Si transgredimur in aliquo peccato post Baptismum, ordinauit nobis pœnitentiam propter fragilitatem nostram. Ideo debemus confessiones nostras ueraciter confiteri, & fructus dignos facere: id est, præterita ne iteremus, secundum



secundum iussuionem Deum timētis sacerdotis: qui sacerdos, ut sapiens medicus, primum sciat curare peccata sua, & postea aliena uulnera detergeres & sanare, non publicare. Nos sequamur, perquiramus, & cum talibus consilium salutis nostræ ineamus. Ita Ambrosius in historia Tripartita libro 9. cap. 30. Ambrosius ad Theodosium pœnitentem inquit: Quibus pharmacis curasti uulnera illa? Respondet Imperator: Tuum opus est, & ostendere et miscere pharmaca: meū uerò, suscipere.

Hanc tamen disciplinam non fecerunt simpliciter iure diuino necessariam, ad remissionem peccatorum.

Apud Cassianum enim de fine pœnitentiæ, Prynusius abbas dicit: Si uerecundia retrahente, reuelare peccata coram hominibus erubescis: illi quem latere non possunt, confiteri ea iugi supplicatione non desinas, ac dicere: Tibi soli peccaui, &c. qui absq; ulla uerecundiæ publicatione curare, & sine improprio peccata donare consueuit.

Origenes etiam homilia 2. in Leuit. ubi dicit, medicinæ gratia sacerdoti peccata indicanda, enumerat præterea alios modos, quibus ad remissionem perueniatur.

Ad hæc nouem capita, omnes ueterum sententiæ commodè referri possunt. Longè aliud uerò est, de quo præcipuè Pontificia confessio dimicat: confessionem scilicet quæ sacerdoti fit, iure diuino

ad remissionem peccatorum esse necessariam: & quidem ita, ut nullum peccatum dimittatur, quod per confessionem sacerdoti non fuerit expositum: itē, ad remissionē peccatorū necessariā, esse omnium & singularū peccatorū secundum omnes circumstantias enumerationē, quæ sacerdoti fiat: in specie, & figillatim: & si unum reticeatur, etiamsi Deo quis illud cōfiteatur, tamē non ualere absolutionē.

Et hæc sunt, quæ nec ex Scriptura, nec ex ueterebus liquidò ostendi & probari possunt. Licet enim inueniantur alicubi apud ueteres sententiæ duriores, inclinantes ad necessitatē confessionis: possunt tamen opponi aliæ dissimiles ueterum sententiæ, sicut Gratianus in utranq; partem sententias collegit. Et quæ fuerit ueteris Ecclesiæ de confessione sententia, Nestarij historia, & conciones Chrysostomi liquidò ostendunt.

Et hæc cum ita se habeant, intelligit lector, quale sit Pontificiorum artificium: quòd ubicunq; in ueterum scriptis, uocabulum confessionis inueniunt, statim exclamant, auricularē suam confessionē, totius antiquitatis testimonio probari & stabiliri. Hanc uerò simplicē distributionē, de uarijs generib. cōfessionis ueteris Ecclesiæ, ideo institui, ut ueterū sententiæ rectius et cōmodius intelligi et explicari possint: utq; ostēdatur, cōfessionē de qua ueteres loquuntur, nō patrocinari auriculari illi, pro qua Pontificij dimicāt. Quæ uerò ex suppositiis  
qui

quibusdā scriptis, quæ Augustino tribuuntur allegant, nihil nos mouet: ut de uera, & falsa pœnitentia, itē de uisitatione infirmorū: ubi dicitur, nō sufficere, si soli Deo cōfiteamur peccata, sed sacerdotē faciendū esse penitēs participē conscientiarū nostrarū, illi aperienda penetraliū nostrorū abditissima latibula, & conscientiarū penitiora reuelāda repagula, &c. Talia enim à posterioribus, sub ueterum nominibus conficta sunt: ut prætectu antiquitatis, rudioribus facilius imponere possent. Prodest etiam ad hęc distributio illa, ut bonis uiris ostendi possit, nostras Ecclesias, ea quæ in ueterū scriptis de cōfessione, uera, utilia, et Scripturæ cōsentanea extāt, non reijcere uel damnare, quādo Pōtificias superstitiones taxamus. Publicæ enim pœnitentiæ exēpla quædā apud nos seruantur. Et quidē optamus, posse in hoc genere plura quædā ex ueteris Ecclesiæ disciplina, in usum reuocari, quæ in Pōtificia ecclesia uel prorsus collapsa, uel in superstitiones et ludibria cōuersa sunt. Priuatæ cōfessionis usus apud nos seruatur, ut generali p̄fessione peccati, et significatione pœnitentiæ, petatur absolutio. Cūq; nō sine iudicio, usurpāda sit clauis uel solues uel ligās, in priuato illo colloquio pastores explorāt auditorū iudiciā, an rectē intelligant doct̄ inā de peccatis exteriorib; & interiorib; de gradibus peccatorū, de stipēdio peccati, de fide in Christū. deducūtur ad cōsiderationē peccatorū: explorātur, an serio

an serio doleant de peccatis, an iram Dei timeant, & cupiāt illam effugere, an habeant propositum emendationis: interrogātur etiam, si in certis quibusdam peccatis herere existimātur. Traditur ibi doctrina, & exhortatio de emēdatione: queritur uel consilium uel consolatio, in grauaminibus conscientiae. Et tali confessioni, impertitur absolutio. Hæc certè sunt substantialia cōfessionis, de qua ueteres loquuntur. quæ cum, à nobis, sine conscientiarum laqueis, Christiana libertate ad ædificationem retineantur & usurpētur: iniuste accusamur, quasi totam antiquitatem conuellamus, conculeamus & damnemus.

His ita explicatis, facilius iam & breuius expediri poterit examen Tridentini decreti, de Confessione. Principiò autem ex ipsis uerbis Decreti ostendemus, qualem cōfessionem intelligant, de qua diuincant. Et hæc obseruatio utilis est, ad uerā controuersie explicationem. Conati autem hætenus fuerunt multi Pontificij scriptores, in Germania præsertim, acerbiter legem Pontificie de confessione, uarijs pharmacis mitigare. Sed Concilium sine misericordia, durissimas conditiones Pontificie confessionis renouat, confirmat & stabilit.

Vocatur autem hæc confessio, secreta, arcana, elancularia, priuata & auricularis: quam Concilium ita describit, ut peccator post Baptismum lapsus, omnia & singula peccata mortalia, etiamsi

occul-



occultissima sint, non in genere duntaxat, sed in specie ac sigillatim, sacerdoti integra, aperta & uerecunda confessione, explicatis singulorum circumstantijs quæ speciem peccati mutare possunt, declaret, recenseat, exponat, explicet, & detegat, excusis & exploratis omnibus conscientie finibus & latebris. Hæc omnia sunt uerba Tridentini decreti. Et talem confessionem uolunt sub pœna anathematis credi, à Christo esse institutam.

Declarant etiam in VII. Canone, se non uelle confessionem, quæ ad erudiendum & consolandum pœnitentem utilis sit, sed enumerationem, quæ iure diuino necessaria sit ad remissionem peccatorum: ita ut qui non omnia hoc modo confessus fuerit, illi diuinam bonitatem, per ministerium seu absolutionem, nihil remittere. Absolutionis enim cōmoda, consolationes, efficaciam & certitudinem, ex integra & specifica illa enumeratione suspendunt sicut in speculo exemplorum, multas fabellas recitant, de ijs qui Deo peccata sua reuelarāt, sacerdoti uerò in genere confessi fuerunt peccata, multis etiam in specie enumeratis: sed quia unicum aliquod reticuerant, de quo tamen uerè pœnitentiam agebant, nullam ipsis remissionem per absolutionem collatam fuisse.

Hæc uerò est uetus illa carnificina conscientiarum, quam gladio spiritus, Ecclesie nostræ excusserunt,

cusserunt, propter multas grauissimas causas:  
 1. quia imponitur consciencijs, cum nec Christi,  
 nec Apostolorum uel præceptum, uel exemplum  
 habeat. 2. nullam in uerbo Dei habet promissio-  
 nem. 3. Euangelium transformat in legem: sta-  
 tuit enim, remissionem pendere ex enumeratione.  
 4. gratuita condonationi substituit meritum e-  
 numerationis & satisfactionis. Cōfessionem enim  
 meritoriam esse, ad culpæ remissionem, poenæ di-  
 minutionem, paradisi apertionem, & salutis fidu-  
 ciam, Scholastici expressè tradunt. 5. conscienci-  
 am adducit in dubitationem & desperationem,  
 scrupulosa illa enumeratione. uidens enim se non  
 posse omnia delicta colligere; nunquam acquie-  
 scit. dubitatio uerò extinguit fidem. 6. exigit rem-  
 impossibilem. constat enim, plurima peccata, nos  
 nec intelligere, nec meminisse, iuxta illud: Delicta  
 quis intelligit? ab occultis meis munda me. Dicunt  
 quidem, illa tantum enumeranda esse, quorū post  
 diligentem discussionem, memoriam & conscien-  
 tiam habemus. Sed si semel admissum fuerit, remis-  
 sionem pendere ex enumeratione, cōscientia sensu  
 per dubia erit de occultis: & semper hæsitabit, an  
 iustam adhibuerit diligentiam discussionis. Licet  
 igitur disciplinam priuatæ explorationis retinea-  
 mus, nolumus tamen consciencijs laqueos iniici,  
 quasi iure diuino necessaria sit enumeratio coram  
 sacerdote

sacerdote, omnium & singulorum delictorum, quæ à Deo nobis remitti uolumus: ut quæ sacerdos non enumerentur, à Deo non remittantur.

Operæ precium uerò est cōsiderare, quibus argumentis talem confessionem, sicut eam describūt, probent & confirment. Duo autem præcipua uideo argumenta esse, quibus Tridentinum capitulum confessionem illam superstruit.

Primum est ab antiquitate, & à testimonio uniuersæ Ecclesiæ. Dicunt enim, uniuersam Ecclesiam semper intellexisse, talem, sicut eam describunt, confessionem à Christo institutam, & iure diuino ad remissionem peccatorum necessariam esse. Sed profectò nimis impudens hoc est mendacium. In Scriptura enim nullum extat mandatum, nullum testimonium, nullum exemplum de tali integra & specifica enumeratione. Nec ueteribus talis enumeratio nota est: imò & Nestarii exemplum, & Chrysostomi conciones ostendunt, ne illam quidem confessionem, quæ in ueteri Ecclesia usitata fuit, necessariam aut iuris diuini iudicatam fuisse, sicut ostendimus. Et quidam Gratiani adhuc tempore, cum acriter quidem disputaretur de confessionis necessitate, nondum tamen fuit articulus fidei. prolixam enim recitationem diuersarum sententiarum, quarum quædam affirmant confessionem esse necessariam, quædam negant, ita concludit:

Quibus autoribus, uel quibus rationum firmamē  
 tis, utraq; sententia nitatur, in medium exposui-  
 mus: cui autem harum potius adhærendum sit,  
 Lectoris iudicio reseruatur. utraq; enim harum  
 astipulatores habet sapientes & religiosos uiros.  
 Non itaq; uerum est quod Tridentinum capitulū  
 affirmat, uniuersam Ecclesiam semper intellexis-  
 se, confessionem illam iure diuino necessariam es-  
 se, ad remissionem peccatorum. Ante annos qua-  
 dringentos, Gratiani tempore, pij & religiosi ui-  
 ri habiti fuerunt, qui censuerunt confessionem nō  
 esse necessariam. Nunc uerō anathema est, qui di-  
 xerit, ad remissionem peccatorum necessariam nō  
 esse iure diuino, Pontificiam confessionē. Et tamē  
 non ueremur, de uniuersæ antiquitatis testimonio  
 gloriari. Similis impudentiæ est quòd dicunt, uni-  
 uersam Ecclesiam semper intellexisse, talem con-  
 fessionem à Christo institutam esse, ita ut ideo iu-  
 re diuino ad remissionem peccatorum necessaria  
 sit. Præterquam enim quod ex Scriptura illud o-  
 stendi non potest, Glossa de pœnit. dist. 5. cū reci-  
 tasset, multos uarijs modis & argumentis conatos  
 fuisse, ut ostenderent confessionem illam habere  
 fundamentum in Scriptura, tandem concludit. Sed  
 melius dicitur, eam institutam fuisse à quadam uni-  
 uersalis Ecclesiæ traditione, potius quàm ex no-  
 ui uel ueteris Testamenti autoritate. Et traditio  
 Ecclesiæ obligatoria est, sicut præceptū. Ergo ne-  
 cessaria



cessaria est confessio in mortalibus, apud nos: apud Græcos, non quia non emanauit ad illos traditio talis. Hæc Glossa.

Notæ sunt etiam Scholasticorum disputationes. Bonauentura sentit, confessionem à Christo insinuatam, ab Apostolis institutam, à Iacobo promulgatam. Sed Sacramenta non possunt institui, nisi à solo Christo. Ideo Scotus dicit: Maxime conueniens esset, si præceptum confessionis posset euidenter haberi ex Euangelio. Et si aliquid in Euangelio ad hoc ualeret, uideretur esse illud. Iohannis uigesimo. Sed animaduertit hoc non satis firmum esse, ideo sumit dictum Iacobi: Confitemini alterutrum, &c.

Sed inquit: Nec per hoc uidetur mihi, quòd Iacobus præceptum hoc uel dederit, uel à Christo præceptum promulgarit. Videns igitur, hanc disputationem destitui ueris & firmis Scripturæ testimonijs, tandem concludit, præceptum confessionis à Christo promulgatum esse Apostolis, Ecclesiæ uerò per Apostolos, absq; omni Scriptura. Sed Hieronymus dicit: Quod de Scriptura. canonica auctoritatem non habet, eadem facilitate contemnitur, qua probatur.

Panormitanus etiam disputat, Pontificiam confessionem nõ esse iuris diuini, sed humani. Falsum igitur est quod Tridentinum decretum affirmat, uniuersam Ecclesiam semper intellexisse, confes-

sionem sicut Pontificijs usitata est, à Christo institutam, & iure diuino necessariam esse. Nam libere fuerunt opiniones de hac disputatione, etiam Panormitani tempore. Nunc uerò factus est inde articulus fidei, ita ut anathema sit, si quis dixerit, confessionem illam non esse institutam iure diuino.

Alterum argumentum pro stabilienda sua confessione, ex ipsa Scriptura deducunt. Et obseruetur, quàm uarijs modis tentatae fuerint probationes Pontificiae confessionis, ex Scriptura. Quidam ex ipso paradiso usq; petierunt probationes, ut cum Deus inquit: Adam, ubi es? uel cum ad Cain dicit: Vbi est Abel frater tuus?

Ex nouo Testamento proferunt, quod Matt. 3. scriptum est: Veniebant, & confitebamur peccata sua. Matt. 16. Tibi dabo clauēs, &c. Matth. 8. Vade, ostende te sacerdoti. 1. Ioh. 1. Si confiteamur peccata nostra, &c. Iacobi: Confitemini alterutrum peccata. Sed Tridentinum concilium agnoscit, iniuriam fieri illis, Scripturae dictis, si ad Pontificiam confessionem intorqueatur. Ideo sumit tantū sententiam Christi, Ioh. 20. Scotus enim monuit, si aliquid in Euangelio ad hanc probationem ualeret, esset illa Christi sententia.

Suprà autem in primo capitulo, de explicatione & uera sententia illius dicti Ioh. 20. quedam annotauimus: ideo nunc tantum examinabimus, quomodo

quomodo hoc capitulum quintum ex illis uerbis, demonstret, auricularem confessionem ibi esse institutam, ut iure diuino ad remissionem peccatorum necessaria sit. Christus, inquiunt, his uerbis sacerdotes iudices constituit, ut pro potestate clauium, pronuncient sententiam uel remissionis, uel retentionis peccatorum.

Sed nullum iudicium recte exerceri potest, in cognita causa. Ideo omnia peccata sacerdoti, ut iudici, in confessione quando petitur absolutio, singulatim enumeranda, exponenda & detegenda sunt. Dupliciter autem actus ille iudicialis, in absolute à Pontificijs intelligitur. Primo, sicut in politico iudicio: audita causa, fit examen & exploratio, quid & quantum uoluntariae poenae reus affert: & deliberatur, quanta praeterea multa imponenda sit, ut ita facta recompensatione delicti, reus absoluator. Ita quidam uolunt, sacerdotem in confessione, audita explicatione omnium peccatorum, & singularum circumstantiarum, debere explorare, qualis & quanta adsit in poenitente contritio: debere praeterea deliberare, qualis poena pro grauitate delictorum, poenitenti iniungenda & imponenda sit: ut facta recompensatione peccatorum contritionis & satisfactionis, peccator iuste & merito, tanquam in iudicio absoluator. Ad hanc sententiam non obscure alludit Tridentinum capitulum. bis enim repetit, ppter

in iungendas pœnas pro peccatis, necessariam esse illam enumerationem. Sed hæc sententia manifestè, & quasi exprofeßo pugnat cū sententia Christi. Non enim iussit annunciare per solutionem peccati: ut scilicet tunc, & hoc respectu, pronuncient sententiam remissionis, si uiderint in pœnitente recompensationem pro peccatis: sed iussit prædicari remissionem peccatorum, in suo nomine, Lu. 24. hoc est, non ex nostris operibus, sed gratis, propter meritum & satisfactionem Christi, ijs qui credunt in ipsum, Rom. 3. & 5. Acto. 10. Alij uerò argumentum illud subtilius & speciosius ita formant. Potestas remissionis & retentionis peccatorum, non rectè potest administrari sine cognitione & iudicio, an remittenda, an uerò retinenda sine alicui peccata. Illud uerò non potest fieri sine enumeratione peccatorum. Ergo absolutionis processus instituendus est, ad formam iudicij forensis. Sed rectè respondetur, discrimen esse inter iudicium, & functionem ministerij Euangelici. In iudicio enim, iuxta causæ cognitionem pronunciat, prout uel bona uel mala est, uel prout reus affert compensationem pro delicto. Ministerium uerò Euangelij, mandatum habet annūciandi & impertiendi alienum beneficium, Christi scilicet, ad remissionem peccatorum, illis qui laborant & onerati sunt, & petunt refocillari. Et qui petit absolutionem, duo sibi proponit. Primò, ipsum Deū,

utpote



utpote à quo petit & querit remissionem peccatorum: atque ideo coram ipso, totum cor suum effundit. deinde proponit sibi ministrum, cuius uoce seu ministerio, tanquam legati, nuncij seu interpretis, Deus utitur, ad impertiendam & obsignandam absolutionem. Quando igitur Deo delictum meum cognitum feci, non necessaria est scrupulosa enumeratio coram ministro, qui tantum dispensator est alieni beneficij.

Sed inquis: Omnino tamen ministro necessaria est clavis discretionis, quæ sine cognitione & iudicio esse non potest: ne scilicet ei peccata remittat cui retinenda sunt, aut ei retineat cui soluenda sunt. non enim pro arbitrio, sed certo mandato ministris commissa est administratio clauium. Respondeo. Hoc concedimus: sed questio est, quomodo iudicium illud in ministerio instituendum & exercendum sit. In generali prædicatione enim pœnitentiæ & remissionis peccatorum, multis qui pœnitentiam agunt, & fide promissionem accipiunt, uirtute Dei peccata remittuntur, etiamsi de illorum siue peccatis siue pœnitentiæ, siue fide, ministro nihil constet. Sed de impertienda priuata absolutione, alia ratio est. Si enim aliquem absoluerem, de quo planè ignorarem, an ex uerbo Dei esset prius institutus, de peccato pœnitentiæ, fide in Christum, gratis Dei, & remissione peccato-

rum: non rectè administrarem potestatem remittendi peccata. Item si ignorarem, an quis uel pœniteret, uel crederet: uel si scirem, esse quem impœnitentem & incredulum, & tamen ipsi pronunciarem sententiam remissionis: non rectè facerem. Tale igitur iudicium, & talis cognitio requiritur, ut minister intelligat, cum qui absolutionem petit, doctrinam intelligere peccata agnoscere, pœnitentiam agere, & in Christum credere. Iam queritur, an ad hanc cognitionem opus sit specifica illa enumeratione omnium peccatorum, & circumstantiarum eius. Certissima autem est questionis huius explicatio & solutio, ex Baptiste, Christi & Apostolorum exemplo. Nam & in Baptismo, priuatim singulis, qui baptizantur, remittuntur peccata: & requiritur iudicium & cognitio in ministris, quos ex adultis ad Baptismum admittere & recipere debeant: qui scilicet pœnitentiam agunt, & credunt Euangelio. Iam uerò Baptista, Christus & Apostoli, non flagitarunt integram enumerationem singulorum peccatorum, sed comenti fuerunt generali professione pœnitentiae & fidei. Et quidem Christus, quando priuatam absolutionem, Matthæi nono, & Lucæ septimo impertit, non requirit enumerationem in specie & sigillatim, omnium peccatorum. Apostoli etiam, quando potestate remittendi peccata, quam à Christo acceperant, utimur,

non

non leguntur exegisse talem enumerationem. Ergo ad iudicium illud, & ad illam cognitionem quæ in absolutione requiritur, non necessaria est enumeratio illa, quam Pontificij flagitam. Extra omnem enim controuersiam, ita rectissime administratur potestas clauum, si fiat iuxta exemplum Baptiste Christi & Apostolorum. Illos enim in ministerio remississe peccata, certum est: & tamen non flagitarunt integram enumerationem omnium peccatorum, sed contenti fuerunt generali professione & significatione poenitentiae & fidei.]

Sed inquirunt: Generali confessione peccator potest ministerium fallere. Respondeo: Idem fieri potest, & sæpe factum fuit in petitione Baptismi: imò ut maximè flaguetur integra enumeratio, manet tamen id quod Augustinus inquit libro decimo, Confess. capite quinquagesimo tertio. Vnde sciunt cum à meipso, de meipso audiunt, an uerum dicam: quandoquidem nemo scit hominum, quid agatur in homine, nisi spiritus hominis, qui est in homine. Monendi igitur sunt illi qui absolutionem petunt, non cum homine, sed cum ipso Deo sibi negocium esse, in cuius respectu illa agantur. Et Deus qui corda scrutatur, & cogitationes intelligit, non irridetur. Ministri uerò tantum legatione funguntur, et sunt dispensatores alieni beneficii: quibus nō mādātū est, ut corda scrutētur, sed ut ijs  
qui

qui significant se pœnitentiam agere, & Euangelio credere, annuncient remissionem peccatorum. Ita Leo ad Theodorum Foroiuliensem episcopum scribit: decumbentibus in agone, impertientiam esse absolutionem, etiam si non uerbis, sed signis tantum petant absolutionem, aut si amici testentur, ipsos antea hoc petiisse. Quantum igitur iudicii & cognitionis ministro in absolutione opus est, ad illud non est necessaria Pontificia illa enumeratio. Quomodo uerò utiliter, in priuato illo confessionis colloquio, explorari & examinari possint illi qui absolutionem petunt, supra dictum est. Atque ita præcipuum argumentum, quod aliquam speciem habet pro enumeratione, simpliciter & clarè explicatum & solutum est.

Et quidem Chrysostomus expressè disputat, ad remissionem peccatorum non esse opus tali forma iudicii, sicut Pontificij contendunt, ut de confessione & pœnitentia inquit: Non necessariū est, præsentibus testibus confiteri, cogitatione fiat delictorum exquisitio, absque teste sit hoc iudicium. Solus te Deus confitentem audiat: qui non exprobrat, sed saluet peccata propter confessionem.

Homilia 9. de pœnitentia: Medicina locus hic est, non iudicii: non pœnas, sed remissionem peccatorum tribuens, &c.

Est præterea hoc in præsentī Capitulo obseruandum,



uandum, quòd tantum mortalia peccata confitenda esse docent: eo quòd ad remissionem uenialium, non opus sit absolutione, sed alijs remedijs possint expiari. Vbi obseruabit lector, Pontificios qui enumerationem omnium peccatorum flagitant, maximam partem eorum quæ coram Deo uerè sunt peccata, à confessione & absolutione excludere. Primò enim interiorem immundiciem, & malum habitans in carne, nisi consensu & opere impleantur, non uolunt comprehendi in confessione: quia malam concupiscentiam quæ in renatis reliqua est, docent non habere rationem peccati. Deinde, multa delicta actualia adeò iudicant esse leuia, ut ad eorum remissionem, non opus sit absolutione.

Nihil uerò aliud est absolutio, quàm uox Euangelij, annuncians remissionem peccatorum, propter meritum Christi. Docet igitur Concilium, uenialia peccata, non absolutione, hoc est, non propter Christum remitti, sed alijs remedijs posse expiari: tunc scilicet pectoris, & asperzione aquæ benedictæ, sicut Thomas docet.

Quod uerò dicunt, publicam confessionem nō esse iuris & præcepti diuini, suprà etiam ostendimus. Sed quòd addunt, confessionem quæ secretò apud solum sacerdotem fit, esse antiquiorem, non potest consistere, siue Scripturæ, siue antiquitatis exempla consideremur. imò suprà ostendimus, ex  
publica

publica confessione ortam fuisse priuatam seu secretam. Nec filia matre prior, seu amiquior esse potest.

Quod ad decretum Lateranense, circa annum Domini 1200. editum attinet, certum est, ante illud tempus non extitisse præceptum in Ecclesia, de enumerandis sacerdoti omnibus delictis, quorum quis remissionem à Deo quæreret. Nam & Gratiani tempore, hoc est, annis quinquaginta ante Lateranense decretum, nihil adhuc statutum fuit de necessitate confessionis: sed fuerunt tunc multi pii & religiosi uiri, qui iudicarunt non necessariam esse talem confessionem, sicut Gratianus fatetur distinct. 1. de poenitentia, cap. quamuis.

Et utile est obseruare, quomodo sensim facta sit progressio, ad Pontificiam confessionem stabilendam. Apud Patres extant exhortationes ad confessionem, disciplinæ illius gratia, de qua in præcedemibus dictum est. Gratiani & Lombardi tempore, coeptum fuit disputari, an necessaria sit confessio. Et Gratianus quidem lectori liberum permittit iudicium, utram sententiam amplecti uelit: Longobardus uerò, disputatione sua magis inclinat ad necessitatem. Et tamen tunc nondum disputatum fuit de specifica enumeratione singulorum delictorum, cum omnibus circumstantiis, ad remissionem necessaria. Annis uerò quinquaginta

ginta post, Innocentius decreto mandauit, omnia peccata sacerdoti esse confitenda, sub poena excommunicationis. Secuti uero Scholastici & Summistæ, duriores adhuc super addiderunt conditiones. Innocentij decretum dicit, sacerdotem debere inquirere circumstantias peccati: hæc inquisitio postea confitentiū consciencijs imposita est. Et quod Lateranense decretum dicit, omnia peccata fideliter esse confitenda: huic postea additum est, non in genere sed in specie, sigillatim, secundum omnes circumstantias, nudè, integrè & disertè, omnia peccata esse sacerdoti enumeranda. Additum etiam est, si quid in hac enumeratione omittatur, non tantum illa peccata, quæ in specie & sigillatim sacerdoti non enumerantur, non remitti, sed ne illorum quidem quæ enumerata sunt, remissionem accipi, nisi integræ sit confessio, secundum omnes circumstantias. Atque inde tandem complicati sunt laquei confessionales, qui extant in Summistis.

De tempore, quando per confessionem petenda sit absolutio, nostri docent, non præscribendū esse certum tempus, quia non omnes pariter eodē tempore idonei sunt: nec ordine possunt audiri & institui confitentes, si eodem tempore omnes accurrant. Sed ita tradenda est doctrina ex uerbo Dei, de dignitate et utilitate absolutionis et coenæ

Dominicæ

*Dominica, ut homines ad crebriorem usum inui-  
tencur: non autem mandatis cogendi sunt, ut quan-  
do non sunt idonei, Sacramentis utantur.*

*Apud ueteres disciplina confessionis & abso-  
lutionis publicè poenitentium, tempore Quadra-  
gesimæ potissimum usurpata fuit. dist. 50. in cap.  
Quadragesimæ. Et Chrysostomus in Genesin  
sepe hortatur, ieiunij tempore peccata Deo con-  
fitenda. Et quia frequentiores tempore ieiunij ad  
communione accedebant, præmissa fuit etiam  
ante communionem confessio illa apud sacerdo-  
tem, de qua ueteres loquuntur: ut inquit Origenes  
in Ps. 37. & Augustinus epistola 111. Inde uerò po-  
stea facta est Lex, de confessione in Quadagesi-  
ma, sub poena excommunicationis sacerdoti faci-  
enda. Et Tridentinum concilium decernit, mo-  
rem illum ideo esse retinendum, quia tempus illud  
maximè sit acceptabile: hoc est, quia ratione tem-  
poris plus ualeat, & magis accepta sit co-  
ram Deo, confessio & absolutio: con-  
tra expressam doctrinam Pau-  
li, Rom. 14. Colos. 2.  
Galat. 4.*



CONCILII TRIDENTINI. 1039  
DE ABSOLVTIONE.

Caput. VI.

*Circa ministrum autem huius Sacramēti, declarat sancta Synodus, falsas esse, & à ueritate Euangelij penitus alienas doctrinas omnes, quæ ad alios quosuis homines, præter Episcopos & sacerdotes, clauium ministerium perniciosè exiēdunt, putantes uerbailia Domini: Quaecunq; alligaueritis super terram, erunt alligata & in cælo: & quaecunq; solueritis super terram, erunt soluta & in cælo. &: Quorum remiseritis peccata, remittuntur eis: & quorum retinueritis, retenta sunt: ad omnes Christi fideles indifferenter & promiscuè, contra institutionem huius Sacramenti, ita fuisse dicta, ut quuius potestatem habeāt remittendi peccata: publica quidem per correptionem, si correptus acquiuerit:*

*Ti      secreta*

secreta uero per spontaneam confessionem, cuicunque factam.

Docet quoque etiam sacerdotes, qui peccato mortali tenentur, per uirtutē Spiritus sancti in ordinatione collatā, tanquam Christi ministros, functionem remittēdi peccata exercere: eosq<sup>3</sup> prauē sentire, qui in malis sacerdotib. hāc potestātē nō esse cōtendūt. Quamuis aut absolutio sacerdotis, alieni beneficij sit dispēsatio: tamen non est solū nudū ministeriū, uel annūciandi Euāgelium, uel declarandi remissa esse peccata, sed ad instar actus iudicialis, quo ab ipso uelut à iudice sententia pronunciatur. Atq<sup>3</sup> ideo non debet pœnitens, adeò sibi de sua ipsius fide blandiri, ut etiam si multa illi adsit cōtritio, aut sacerdoti animus seriò agēdi, & uerè absoluēdi desit, putet tamē se propter

pter suā solam fidem, ferè et corā Deo  
esse absolutū. Nec. n. fides sine pœni-  
tentia, remissionē illam peccatorū præ-  
staret: nec is esset, nisi salutis suæ negli-  
gentissimus, qui sacerdotem, loco se ab-  
soluentem cognosceret, & non aliū se-  
riò agentem, sedulò requireret.

## Canon 9.

Si quis dixerit, absolutionē Sacra-  
mentale sacerdotis, non esse actū iudi-  
cialē, sed nudum ministerium pro-  
nunciandi & declarandi, remissa esse  
peccata cōfidenti, modo tātum credat  
esse absolutum: aut sacerdos non seriò,  
sed ioco absoluat: aut dixerit, non re-  
quiri confessionem pœnitētis, ut sacer-  
dos eū absolvere possit, anathema sit.

## Canon 10.

Si quis dixerit, sacerdotes q̄ in pecca-  
to mortali sunt, potestātē ligandi et sol-

Tit 2 uendi

uendi non habere: aut non solos sacerdotes esse ministros absolutionis, sed omnibus & singulis Christi fidelibus esse dictum: Quaecunq; ligaueritis super terram, erunt ligata & in cælo: & quaecunq; solueritis super terram, erunt soluta & in cælo. & : quorum remiseritis peccata remittuntur eis, & quorum retinueritis, retenta sunt. quorum uerborum uirtute, quilibet absolvere possit peccata: publica quidē per correctionem duntaxat, si correptus acquieuerit: secreta uerò, per spontaneā confessionem, anathema sit.

## EXAMEN.

Duas partes habet hoc Capitulum. Prior disputat de ministro absolutionis, ad quē pertineat ordinarium ministerium clauium: altera uerò pars tractat quid sit absolutio. Quod ad priorem partem attinet, res paucis potest expediri. In Examine enim 10. Canonis, de Sacramentis in genere, ea quæ huc pertinet, explicata sunt. Licet enim  
 clauces



claves tradite sint ipsi Ecclesie, sicut ueteres recte tradunt: nullo modo tamen sentimus, quēuis Christianum promiscue, sine legitima uocatione, debere, uel posse usurpare aut exercere ministeriū uerbi & Sacramentorum. Sicut uerò in casu necessitatis, ueteres dicunt, quemuis Christianū laicū posse Sacramentum Baptismi administrare: idem etiam de absolutione dixit Lutherus, in casu necessitatis, ubi non adest sacerdos: & nihil aliud dixit, quā quod ex ueterum sententia, de casu necessitatis dicunt, Longobardus libro 4. dist. 17. & Gratianus de pœnitentia dist. 5.

Antea etiam Theophylacti sententiam annotauimus, quòd ea quæ in correptione & reconciliatione fraterna soluuntur uel ligantur, sint soluta & ligata in ipso cœlo. Nec dubium est per uocem Euangelij annunciatam, Deum efficacem esse, à quocunque annuncietur. Quare igitur Tridentinum capitulum, tam multis de hac questione tumultuatur? Respondeo: Quia integritatem, ueritatem & efficaciam Sacramentorum, non simpliciter & in solidum in uerbis Christi constituent, sed ex parte etiam in caractere, quem fungunt in ordinatione sacerdotibus imprimi. Ita ergo etiam consolationem absolutionis, non tam ex uerbo Euangelij, quā ex persona absoluētis pendere uolunt. Et hoc lector intelligat, quando legit primam partem huius Capituli. Qui uerò

#### 444 EXAMEN DECRETORVM

usum priuatæ absolutionis, quæ uoce Euangelij per ministrũ uerbi annũciatur, ex Ecclesia prorsus tollunt, cum ijs nostræ Ecclesiæ nihil commune habet. Quæ igitur cõtra illos dicuntur, ad nos nõ pertinent. Verbi etiam & Sacramentorum efficacia non pendere ex dignitate aut sanctitate ministrorum, modo uerbo & Sacramentis sua constet & maneat puritas, in. XII. Canone, de Sacramentis in genere explicatum est.

Accedemus igitur ad alteram huius capituli partem in qua disputatur de re longè grauissima: quid scilicet sit absolutio, quæ sit eius efficacia: quæ inde consolatio, & quomodo accipiat: in quo consistat, & quo quasi fundamento nitatur efficacia & consolatio absolutionis. De his grauissimis questionibus, traditæ sunt à nostris ex uerbo Dei, dilucidæ explicationes: cum prius res necessarie, Scholasticorum disputationibus obtrusæ, sepultæ & deprauatæ essent: absolutionem scilicet nihil esse aliud quam ipsam uocẽ Euangelij, annunciãtem remissionem peccatorum gratis propter Christum, in genere omnibus qui pœnitentiam agunt, & credunt Euangelio. quæ uox Euangelij, propter firmiorem & certiorẽ consolationem per priuatam absolutionem applicatur singulis, eam petentibus: & fide accipienda est, ut singuli uoci Euangelij in absolutione credant, & certò statuunt, sibi gratis propter Christum, à Deo per ministerium,

ministerium donari, applicari & obfignari remissionem peccatorum, et hac fide uere se Deo reconciliari. Ita pauidæ & perterritæ conscientie, ex absolutione consolationē accipiunt, ut non dubitent, ad se priuatim quoq; pertinere, sibi priuatim à Deo donari & applicari beneficia mediatoris, quæ in genere omnibus credentibus in Euangelio promittuntur. Euangelium enim est potentia Dei, ad salutem omni credenti: siue in genere multis, siue priuatim paucis aut uni annuncietur. fidem igitur usu absolutionis confirmari, non est dubium. Et licet necesse sit, in illis qui petunt absolutionem, adesse contritionem, & bonum propositum: efficacia tamē, & consolatio absolutionis, non nititur nostra uel cōtritione uel obedientia: offert enim, & annūciat remissionem peccatorum, non ex operibus, nec secūdum opera nostra, sed gratis propter Christum. Nec fides in absolutione eò deducenda est, ut pro quātitate & qualitate contritionis suæ, de remissione peccatorum statuatur: sed ut apprehendat uocem promissionis, quæ gratis propter Christū offert & exhibet remissionē peccatorū. Si enim ex operib. hereditas, euacuata est fides, et abolita promissio: Ideo uerò ex fide, ut secundum gratiam, u. sit firma promissio, Roman. 4. Nec sollicita debet esse conscientia, de ministri intentione: sed si uox Euangelij annuncietur, fides eam apprehendens, statuatur se

coram Deo absolutum, quicquid sit de sacerdotis animo.

Hec ideo recitui, ut clarius intelligi possit, quæ sit illa sententia, quam in altera parte Tridentinũ capitulum damnat, Absolutionem enim non uoluit esse ministerium annunciandi Euangelij: quo scilicet priuatim, uoce Euangelij, peccata pronuncientur & declarẽtur gratis propter Christum remitti, ei qui uoci Euangelij in absolutione credit. Sed fidem querentem in absolutione remissionem peccatorum, uolunt niti nostra contritione & poenitentia, ita ut sententia absolutionis pronuncietur, non ex uoce Euangelij gratis propter Christum, sed tanquam à iudice: scilicet pro ratione contritionis, & satisfactionis nostræ. Et hoc est illud quod dicere uolunt. Sed more suo calumnias miscent, quasi nos doceamus, propter solam fidẽ peccatorem coram Deo absolui, etiam si nulla adsit contritio, etiam si peccator sit sine poenitentia, etiam si tota actio ludo & ioco suscipiatur: cum non ignorent, quid Augustana confessio de poenitentia, de cõtritione, de fidẽ et absolutione doceat.

Quia uerò 9. Canon damnat illos, qui dicunt absolutionem esse nudum ministerium, declarandi remissa esse peccata; iudico addendam esse aliquam declarationem. Inter Sacramentarios enim quidam disputant, per absolutionem non remitti peccata: cum homines non possint peccata remittere,



tere, id quod solius Dei est. Ideo disputant, in absolutione credentes nihil accipere, sed tantū esse eternam declarationē, quid iam antè habeant. Sed Deus qui solus peccata remittit, nō facit hoc sine medio, sed per ministerium uerbi & Sacramentorum. Priuata uerò absolutio annunciat uocem Euangelij, per quam non dubium est, Deum efficacem esse, & peccata remittere illis qui uocē Euangelij in absolutione fide apprehendunt. In absolutione igitur Deus ipse per ministerium Euangelij remittit peccata, singulis credentibus: atq; hoc modo absolutio ministri, testimoniū est diuinæ absolutionis, unde conscientia testimoniū habet, sibi uerè à Deo remissa esse peccata.

Annotandum uerò & hoc est, quid sibi uelit, quòd sine pleniori explicatione nudam ponunt antithesin; absolutionem scilicet non esse ministerium annūciandi priuatim uocem Euangelij, illis qui petunt absolutionem: sed esse actum iudiciale, quo uelut à iudice sententia pronunciatur. Sine dubio autem hac generalitate, uoluerunt complecti Scholasticorum disputationes de absolutione. Ut igitur plenius hæc antithesis intelligatur, paucis notabo sententiariorum apophthegmata, quæ Tridentinum capitulū in sinu actus iudicialis cōprehendere uoluit. Scholastici igitur qui ante Scotum fuerunt, sentiunt, per ipsam cōtritionem, propter dilectionem ex qua oriatur, deleri & remitti pec-

catum. Atq; ideo dicunt potestatem clauium, seu absolutionem, non extendere se ad remissionē culpæ, aut reatus pœnæ æternæ, nec ut causam principalem, nec ut causam sine qua non, nec ut causam instrumentalem. Ne tamen nullus sit absolutionis usus, dicunt, sacerdotem cognitis rei delictis, et per cōfessionem exanimata eius contritione, summo noto satisfactionis: instituta deinde collatione peccati & contritionis, cum iniuncta satisfactione, suo iudicio per absolutionem ostendere, decernere, & pronunciare, peccatorem esse solutū: propter suam scilicet contritionem, & susceptam satisfactionem. Atq; ideo quidam dicunt, remissionem illam in absolutione, fieri non coram Deo, sed in facie Ecclesiæ.

Thomas, & post illum alij disputant: quando contritio sufficiens est, tunc remitti peccatum per contritionem, ante absolutionem: quando uerò est attritio, quæ est dispositio insufficiens, tūc per absolutionem infundi gratiā, hoc est charitatem, per quam attritio formetur, ut fiat contritio, quæ uirtute charitatis delere possit peccatum. Quidam sentiunt, pœnam æternam, uirtute absolutionis mutari in temporalem. Alij disputant, quia post remissionem culpæ, quod per contritionē fieri sentiunt, remanet obligatio ad pœnam temporalem quæ ob rigorem diuinæ iusticiæ, uiribus nostris sit improporcionabilis, & nostræ cognitioni ignota

ignota, pro qua tamen satisfaciendum sit Deo: data tam igitur esse sacerdoti potestatem, arbitrandi poenam illam, & partem eius uirtute clauium in absolutionem remitti, reliquam partem per satisfactiones expiari: ut ita ligare, sit satisfactionem imponere: & soluere uero, sit de poena temporalis aliquid remittere. Et hic est actus ille iudicialis in absolutione, quem Tridentinum capitulum intelligit. Hæc igitur observatio clarissime ostendit, quid quærant & agant Pontificij, quando contendunt, absolutionem suam, non esse ministerium annunciandi uocem Euangelij poenitentibus, sed esse actum iudiciale. Et ne lector illa generalitate, quam Tridentinum capitulum de industria sectatur, turbetur: uolui hanc declarationem ipsis Scholasticorum uerbis, huic capitulo addere: ut uideant, quibus oculis uidendi Deus dedit, quomodo ipsum absolutionis beneficium, a

Pontificijs fermetur, adulteretur & deprauetur.

DE CA-

*Quoniam igitur natura & ratio iudicij illud exposcit, ut sententia in subditos duntaxat feratur: persuasum semper in Ecclesia Dei fuit, uerissimum esse, synodus hac confirmat, nullius momenti absolutionem eam esse debere, quam sacerdos in eum proferat, in quem ordinariā aut subdelegatam nō habet iurisdictionem. Magnopere uerò ad Christiani populi disciplinam pertinere, sanctissimis patribus nostris uisum est, ut atrociora quaedam & grauiora crimina, nō à quibusuis, sed à summis duntaxat sacerdotib. absoluerentur. Unde merito Pontifices maximi, pro suprema potestate sibi in Ecclesia uniuersa tradita, causas aliquas criminum grauior-  
res suo*



res suo potuerunt peculiari iudicio reseruare. Neq<sup>2</sup> dubitandum est, quādo omnia quæ à Deo sunt, ordinata sunt, quin hoc idem episcopis omnibus in sua cuiq<sup>2</sup> diœcesi, in ædificationem tamen, non in destructionem liceat, pro illis in subditos tradita, supra reliquos inferiores sacerdotes autoritate, præsertim quo ad illa, quibus excommunicationis censura annexa est. Hanc autem delictorum reseruationem, consonum est diuinæ autoritati, non tātum in externa politia, sed etiam coram Deo uim habere. ueruntamen piè admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reseruatō in articulo mortis: atq<sup>2</sup> ideo omnes sacerdotes, quoslibet pœnitētes, à quibusuis peccatis & censuris absoluerē possint.

possint. extra quem articulum sacerdotes, cum nihil possint in casibus reseruat<sup>is</sup> ad unum, pœnitentibus persuadere nitantur, ut ad superiores, & legitimos iudices, pro beneficio absolutionis accedant.

Canon 11.

*Si quis dixerit, Episcopos non habere ius reseruandi sibi casus, nisi quo ad externam politiam: atq; ideo casuum reseruati<sup>onem</sup> non prohibere, quominus sacerdos à reseruatis uerè absoluat, anathema sit.*

EXAMEN.

Quam impotens dominandi consciētij<sup>s</sup> libido sit, in Romanis pontificibus, uel hoc solum Capitulum ostendere potest. Ordinis & discipline gratia, olim constitutum fuit, ut quisque à suo pastore absolutionem peteret & acciperet: propterea quòd pastori notior sit uita auditorum suorum, quàm alteri. Vultum enim sui pecoris pastor debet nosse. Ne igitur scelerati, ab alijs ministris quibus uita ipsorum nota non est, sine uera pœnitentia

## CONCILII TRIDENTINI 1553

tentia absolutionem suffragarentur, non in utilis, etiam ordinis gratia, fuit constitutio de proprio pastore. Accedit, quod nemo in aliqua Ecclesia ministerium uerbi & Sacramentorum exercere debet nisi legitime ad eam uocatus sit. Sed Pontifices Romani ulterius progressi sunt, et sinxerunt, ad hoc ut absolutio ualeat, & sit efficax, non sufficere uerbum absolutionis, nec potestatem ordinis: hoc est, ut minister legitimam habeat uocationem: sed præterea requiri potestatem iurisdictionis, super aliquam plebem uel personam. Et illam ita describunt, quod in Papa, ut summo hierarcha & principe Ecclesie, plene resideat tota potestas iurisdictionis, à quo ad inferiores presidentes, uel mediatè uel immediatè, omnis Ecclesiastica iurisdictio, iuxta summi illius principis arbitrium, sine tamen sue potestatis detrimento deriuetur. Atque ideo qui à Papa non habet potestatem iurisdictionis in aliquem, eum nec soluere nec ligare posse. Ita Gabriel libro 4. distinct. 17. quest. 1. Et hoc est, quod præsens capitulum decernit, nullius momenti esse absolutionem, quam sacerdos in eum profert in quem ordinariam aut sub delegatam non habet iurisdictionem. hoc est: licet absolutio habeat uerbum Dei, & fiat à ministro legitime uocato: hoc tamen non obstante, nullius momenti esse absolutionem, nisi sacerdos habeat potestatem iurisdictionis super illum quem absoluit à

Papa

Papa in se deriuatam. Quid uerò est, si hoc non est in templo Dei sedere, & extollere se super omne quod dicitur Deus? 2. Thessal. 2. Ambrosij præclarum dictum est: Verbum Dei dimittit peccata: sacerdos minister est, exhibens quidem officium suum, nullius uerò potestatis iura exercens. Romanus uerò Papa inquit: Etiam si absolutio aliqua habeat uerum Dei uerbum, & minister absoluens sit à filio Dei, sedente ad dextram patris, per legitimam uocationem missus: nullius tamen momenti absolutio illa esse debet, si non ex plenitudine potestatis, residentis in scrinio pectoris Palis, deriuata sit. Et hanc manifestam Antichristi notam, Tridentinum concilium confirmare non ueretur.

Eadem ratio etiam est de casibus reseruatis. in ueteri enim Ecclesia, enormia crimina quibus censura excommunicationis annexa est, referebantur ad Episcopos, ut de ipsorum consilio, certa ratio publicæ poenitentiae reis ad ipsorum emendationem, & Ecclesiæ ædificationem imponeretur. Innocentij constitutio, cap. omnis utriusque. dicit: Si Confessionarius opus habuerit, ut in enormi aliquo crimine se maiores & doctores cōsulat, ut illud absq; ulla expressione personæ cautè requirat. Inde postea facti sunt casus reseruati, in quibus uerbum Dei, peccatorem poenitentiam agentem, per nullum ministrum, quantumuis



# CONCILIÏ TRIDENTINI. 1055

quantumvis legitimè uo.atum, absoluerè possit: nisi id faciat uel Episcopus, uel Romanus pōtiffex: idq; non disciplinae uel ordinis gratia, sed ideo, quòd plenitudo potestatis remittendi peccata, resideat in Papa: iuxta cuius arbitrium, illa deriuetur in inferiores ministros. Quasi uerbum Dei non possit remittere peccata, nisi ubi, in quantum, & in quibus casibus ipsi assistat potestas ex scrinio pectoris Pontificij deriuata. Verbi igitur Dei uis & potentia, pro differentia eorum à quibus administratur, uariabitur, ita ut per quosdam tantum parua peccata remittere possit, per Papam uerò possit quæuis & maxima. Cyprianus uerò inquit, & citatur 24. quæst. 1. Hoc utiq; erant ceteri Apostoli, quod Petrus fuit, pari cōsortio præditi, & honoris & potestatis. item: Episcopatus unus est, cuius à singulis in solidum pars tenetur. Et Christus ex æquo omnibus Apostolis dixit: Quorum remiseritis peccata, &c. Ipsum etiam Tridentinū capitulum fatetur, in articulo mortis, quemuis sacerdotē in casibus reseruatis, posse absoluerè. Falsum igitur est, reseruaciones illas non tantum in politica Ecclesiastica, sed & coram Deo, talem uim habere, ut in illis nullus sacerdos, per uerbum Dei, uerè absoluerè possit, nisi solus Papa. Sed ad stabiliendum Antichristi tyrannidem, illa conficta sunt.

1058 EXAMEN DECRETORVM  
DE SATISFACTIONIS NE-  
cessitate & fructu.

Caput 8.

Demū quod ad satisfactionē (quæ  
ex omnibus pœnitentiæ partibus, quæ  
admodum à patribus nostris Christia-  
no populo fuit perpetuo tempore com-  
mendata, ita una maximè nō a æ-  
tate, summo pietatis prætextu impu-  
gnatur, ab his qui speciem pietatis ha-  
bent, uirtutē autem eius abnegarunt)  
sancta Synodus declarat, falsum o-  
mnino esse, & à uerbo Dei alienum,  
culpam à Domino nunquam remit-  
ti, quin uniuerſa etiam pœna condo-  
netur. Perspicua enim & illustra in  
sacris literis exempla reperiūtur, qui-  
bus præter diuinam traditionem, hic  
error quàm manifestissimè reuinci-  
tur. Sanè & diuinæ iusticiæ ratio  
exigere uidetur, ut aliter ab eo in gra-  
tiam

tiam recipiantur, qui ante Baptismū  
 per ignorantiam deliquerint : aliter  
 uerò, qui semel à peccati & demonis  
 seruitute liberati, & accepto Spiritus  
 sancti dono, scientes templum Dei uiol-  
 lare, & Spiritum sanctum contrista-  
 re nō formidauerint. Et diuinam cle-  
 mentiam decet, ne ita nobis absq̃ ulla  
 satisfactione peccata dimittantur, ut  
 occasione accepta, peccata leuiora pu-  
 tantes, uelut iniury, et cōtumeliosi Spi-  
 ritui sancto, in grauiora labamur, the-  
 saurizantes nobis irā in die iræ. Pro-  
 culdubio enim magnopere à peccato  
 reuocant, & quasi freno quodam co-  
 ercent hæ satisfactoriæ pœnæ, cau-  
 tioresq̃ & uigilantiores in futurum  
 pœnitentes efficiunt : medentur quoq̃  
 peccatorū reliquijs, et uiriosos habitus,  
 malè uiuendo comparatos contrarijs

virtutum actionibus tollunt. Neq<sup>ue</sup> ue-  
 rò securior ulla uia in Ecclesia Dei,  
 unquam existimata fuit ad amouen-  
 dum imminētē à Domino pœnam,  
 quàm ut hæc pœnitentiæ opera homi-  
 nes, cū uero animi dolore frequentēt.  
 Accedit ad hæc, quòd dum satisfaci-  
 endo patimur pro peccatis, Christo Ies-  
 ſu qui pro peccatis nostris satisfecit, ex  
 quo omnis nostra sufficientia est, con-  
 formes efficimur: certissimamq<sup>ue</sup> inde  
 arram habētes, quòd si compatimur,  
 & conglorificabimur. Neq<sup>ue</sup> uerò ita  
 nostra est satisfactio hæc, quā pro pec-  
 catis nostris exoluimus, ut non sit per  
 Christum Iesum. Nam quod ex nobis,  
 tanquam ex nobis, nihil possumus: eo  
 cooperante qui nos confortat, omnia  
 possumus. Ita non habet homo unde  
 gloriatur, sed omnis gloriatio nostra in  
 Christo



Christo est: in quo uiuimus, in quo meremur, in quo satisfacimus, facientes fructus dignos pœnitentiæ: qui ex illorum uim habent, ab illo offeruntur patri, & per illum acceptatur à patre. Debent ergo sacerdotes Domini, quantum spiritus & prudentia suggesserit, pro qualitate criminum, & pœnitentium facultate, salutare & conuenientes satisfactiones iniungere: ne si forte peccatis cōiueant, & indulgentius cum pœnitentibus agant, leuissima quædā opera pro grauissimis delictis iniungendo, alienorum peccatorum participes efficiantur. Habeant autem præ oculis, ut satisfactio quam imponunt, non sit tantum ad nouæ uitæ custodiā, & infirmitatis medicamentū, sed etiam ad præteritorum peccatorum uindictam & castigationem. Nam clauis

sacerdotum non ad soluendum dun-  
taxat, sed & ad ligandum concessas,  
etiam antiqui patres & credunt, &  
docent. Nec propterea existimarunt,  
sacramentum pœnitentia esse forum  
ira uel pœnarum: sicut nemo unquã  
catholicus sensit, ex huiusmodi nostris  
satisfactionibus, uim meriti & satisfa-  
ctionis Domini nostri Iesu Christi uel  
obscurari, uel aliqua ex parte immi-  
nui. quod dum nouatores intelligere  
nolunt, ita aptissimam pœnitentiam,  
nouam uitam esse docent, ut omnem  
satisfactionis uim & usum tollant.

DE OPERIBVS SATIS-  
factionis.

Caput 10.

Docet præterea, tantam esse diui-  
nae munificentiae largitatem, ut non  
solum pœnis, sponte à nobis pro uin-  
dicando

dicando peccato susceptis, aut sacerdotis arbitrio, pro mensura delicti impositis: sed etiam ( quod maximum amoris argumentum est ) temporalibus flagellis à Deo inflictis, & à nobis patienter toleratis, apud Deum patrem, per Christum Iesum satisfacere ualeamus.

Canon 12.

Si quis dixerit, totam pœnā simul cū culpa remitti semper à Deo: satisfactionemq; pœnitentiū non esse aliā, quā fidem qua apprehendunt Christum pro eis satisfecisse, anathema sit.

Canon 13.

Si quis dixerit, pro peccatis quo ad pœnam temporalem, minimè Deo per Christi merita satisfieri pœnis ab eo inflictis, & patienter toleratis, uel à sacerdote iniunctis: se à neq; sponte susce-

ptis, ut ieiunijs, orationibus, eleemosynis, uel alijs etiã pietatis operibus: atq; ideo optimam pœnitentiam esse tantum nouam uitam, anathema sit.

## Canon 14.

Si quis dixerit, satisfactiones quibus pœnitentes per Christũ Iesum peccata redimunt, nõ esse cultus Dei: sed traditiones hominum, doctrinam de gratia, & uerum Dei cultum, atque ipsum beneficium mortis Christi obscurantes, anathema sit:

## Canon 15.

Si quis dixerit, clauēs Ecclesiæ esse datas tantum ad soluendum, non etiam ad ligandum: & propterea sacerdotes, dum imponunt pœnas confitentibus, agere contra firmitatem clauium, & contra institutionem Christi: & fictio nem esse, quòd uirtute clauium sublata



*lata pœna æterna, pœna temporalis  
plerunque exoluenda remaneat, ana  
thema sit.*

## EXAMEN.

Copiosa sanè & ampla est doctrina, quæ ad  
hunc locum pertinet: sed dabo operam, ut in pau-  
ca ea contraham. idq; , ut eo facilius fieri possit,  
prius ueram sententiam in aliquot capita distribu-  
tam, breuiter explicabo.

Primò igitur certissimū est, Deum peccata re-  
mittere, non ex aliqua leuitate, quasi sublata le-  
ge, non curet iam amplius peccata, nec irascatur il-  
lis. Ipse enim proprijs digitis legem cōscripsit, ipse  
sua uoce promulgauit comminationes de ira sua,  
aduersus peccata, de reatu & supplicijs peccato-  
rum. Et illa legis sententia, usq; adeo firma & in-  
mota est, ut facilius sit coelum & terram ruere,  
quàm unum legis uel minimū apicem cadere, quin  
impleatur uel obediētia, uel pœna. Matth. 5. Deus  
igitur peccata in legem suam commissa, non remit-  
tit sine intercedente satisfactione, qua legi suæ &  
obadientia & pœna, plenissimè & perfectissimè  
ita satisfiat, ut per eam & ira eius propitiatur, &  
supplicium peccatis debitum tollatur. Talem uerò  
satisfactionem propitiatoriam & reconciliatoriā  
pro peccatis, meritoriā remissionis peccatorum,  
& abolitoriam mortis æternæ, nullus homo pec-

cator pro se, nec ulla creatura præstare potuit. Ne igitur totū genus humanum in æternum periret, factum est mirabile illud diuini consilij decretum, de incarnatione filij Dei: ut is mediator noster, in assumpta sine peccato nostra natura, pro nobis legi subderetur, peccatū, reatum peccati, irā Dei, & supplicia peccatorum totius mundi, in se deriuata portaret, & pro illis perfectissima sua obedientia, & sanctissima passione, Deo patri satisfaceret: atque ita impetraret redemptionem, propitiationem, reconciliationem, remissionem peccatorum liberationem ab ira Dei, à condemnatione, & morte æterna.

Hanc uerò redemptionē per Christum, gratia Dei proponit pœnitentiā agentibus, ut sit nostrū propitiatorū, per applicationē seu apprehensionem fidei, ad remissionē peccatorū. Rom. 3. Et hæc sola, nulla uerò alia est satisfactio pro peccatis propitiatoria, reconciliatoria, meritoria remissionis peccatorū, et abolitoria mortis æternæ 1. Io. 2. ipse est propitiatio pro peccatis, nō nostris tantū, sed totius mundi. 1. Tim. 2. Vnus est mediator Dei et hominū, qui dedit semetipsum *αὐτίλντορ* pro omnibus. Gal. 3. factus est sub lege, ut eos qui sub lege erant, à maledicto legis redimeret. Heb. 7. 9. & 10. Vna pro peccatis uictima, semel oblata, æternā redemptionem inuenit, & consummauit in æternum eos qui sanctificantur. prima Corinth. 15. per Christum

Christum dedit nobis uictoriam, contra mortem  
 & infernum. ad Romanos quinto, per unius obe-  
 dientiam, iusti constituuntur multi. Actorum 4.  
 Non est in alio salus, nec aliud nomen datum est  
 hominibus, in quo oporteat ipsos saluari, &c.  
 Hæc in pœnitentia, proponenda sunt hominibus,  
 ne uel Epicurea lenitate, de reconciliatione cum  
 Deo, & remissione peccatorum, ludant: uel Pha-  
 risaica persuasione, proprias suas satisfactiones  
 iræ Dei, ad propitiationem & expiationem pec-  
 catorum, opponant. In reconciliatione igitur pec-  
 catoris cum Deo, omnino necessariū est, Deo offer-  
 re, et iræ eius opponere satisfactionē pro peccatis:  
 sed illa nō cōsistit in nostris uel actionibus uel pas-  
 sionibus, uel ex toto, uel ex parte: sed in solidū est  
 unica satisfactio obedientie & passionis filij Dei  
 mediatoris, pro nobis præstita. illā fides apprehen-  
 dit, & ponit inter iram Dei, & inter peccata no-  
 stra, sicut Anselmus inquit: petēs, credens & sta-  
 tuens, propter illam satisfactionē peccata sibi re-  
 mitti, Deum reconciliari, se in gratiam recipi, &  
 ab æterna damnatione liberari. Ad hanc satisfactio-  
 nem pœnitentiū animi, quærentes reconciliationē  
 cum Deo, deducendi erant. Sed regnantibus mona-  
 chis, in actu pœnitentiario, cum multa de satisfac-  
 tione disputarentur, planē sepulta erat unica hæc  
 Christi pro peccatis satisfactio, opponēda iræ Dei,  
 ad propitiationem & reconciliationem.

Triden,

Tridentinum uerò Capitulum, cum titulum posuisset de satisfactionis necessitate & fructu, non prorsus potuit in hac uerbi Dei luce, Christi satisfactionem silentio præterire. facit igitur eius mentionem: sed ita tamen, ut ei adiungat nostras satisfactiones, quas ipsi pro peccatis exoluamus, ut & nos pro peccatis patiamur, sicut Christus pro peccatis passus est. Et 12. Canon, disputans de remissione peccatorum, anathemate damnat illos, qui dicunt non esse aliam poenitentium satisfactionem pro peccatis, quàm fidem, qua apprehendunt Christum pro ipsis satis fecisse. De rebus igitur magnis & necessarijs agitur, in hac de satisfactione controuersia: quam scilicet satisfactionem, fides poenitentium, ad Deum asferre, & iræ ipsius opponere debeat, ne damnentur, sed à peccatis absoluti, & à damnatione liberati, Deo reconcilientur, & acceptentur ad uitam eternam.

Secundò. In ueteri Ecclesia, usitata fuit satisfactio canonica seu disciplinaria. Eos enim qui uel fidem in persecutione abnegarant, uel in manifesta & atrocia crimina prolapsi fuerant, uetus Ecclesia non leuiter recepit ad primam significationem poenitentiae: sed prius certis Ecclesiasticis multis castigatos explorabat. Stabant in certo loco, separato à communione seu coetu fidelium, cum certis externis signis reatus: cibo, potu, uestitu, gestibus, gemitu, lamētis, & supplicationibus fatentes reatum.



tum, & publicè petentes absolutionem: sicut ritus illi publicæ pœnitentiæ describuntur apud Tertulianum de pœnitentia, apud Eusebium libro quinto, cap. 28. libro 6. cap. 25. apud Zozomenum in Tripartita, libro 9. cap. 35. apud Nicephorum libro sexto, capite secundo, & distinct. 50. in cap. Quadragesimæ. Illas publicas pœnitentium castigationes, Zozomenus uocat ἐπιτίμια καὶ τιμωρίας, multas & pœnas: Latini suo quodam modo, uocarunt satisfactiones. Et quia uocabulum satisfactionis, propter monachorum dissertationes, aliud uidetur iam auribus ingerere, quàm ueteribus significauit: utile est considerare, quibus Græcis uocibus respōdeat. Hæc uerò publicas castigationes, uetus Ecclesia lapsis imposuit, non hac opinione, quòd essent compensationes coram Deo pro peccatis, aut satisfactiones propitiatorie, & meritorie remissionis peccatorum, & abolitorie stipendij peccati: sed alios habuerunt fines, ut scilicet his ritibus pœnitentium animi explorarentur, an pœnitentiam simularent, an uerò seriò agerent. 2. Vt Ecclesiæ, scandalis criminũ offensa, tali externa pœnitentiæ declaratione rursus satisficeret. 3. Vt huiusmodi spectaculis reliqui admoniti, & à leuitate peccandi absterriti, maior cura lapsus uitarent. 4. Vt ipsis lapsis hæc disciplina esset incitamentũ, ad uerã peccati considerationem, ad serium & nõ simulatũ de peccatis do-

lorem,

lorem, ad timorem iræ Dei, ad fidem seriò ambi-  
tem misericordiam Dei propter Christum, ad fir-  
mum & constans emendationis propositum. 5. Vt  
hæc spectacula publicum præberent testimonium,  
Ecclesiam non docere libertatem seu impunitatem  
peccandi: ne propter lapsos uerbum Dei, malè au-  
diret inter gentes. Roman. 2. Ita 2. Corinth. 5. Pau-  
lus dicit, Corinthiacū ecclesiam publica increpan-  
tione incestuosi, ostendisse sollicitudinem, apolo-  
giam, indignationem, timorem, desiderium, emula-  
tionem, uindictam. Ita Augustinus inquit in Enchi-  
ridio, cap. 65. Plerunq; dolor alterius occultus est  
alteri, cum sit corā illo cui dicitur: Gemitus meus à  
te non est absconditus. rectè igitur cōstituuntur ab  
his qui præsunt Ecclesiæ, tēpora pœnitentiæ, ut fiat  
etiam satis Ecclesiæ, in qua remittuntur ipsa pecca-  
ta. Hieronymus in 16. cap. Matth. Alia est ratio de  
criminum pœnitentia & satisfactione: de qua Ec-  
clesia quando læsionem accepit & offensa est pu-  
blicè suum iudiciū interponit, indicens satisfactio-  
nem publicam & grauiorem: ut innotescat omni-  
bus, uerè pœnitere, qui prompto animo suscipi-  
ant, quicquid Ecclesia decreuerit. Tertullianus in  
lib. de Pœnitentia inquit: Confessio satisfactionis,  
consiliū est. item: Satisfactio cōfessione disponitur:  
inde nascitur pœnitentia, qua Deus mitigatur.

Et quia experientia ostendebat, multos sæpe fr-  
gidè & leuiter, ea quæ ad ueram de peccatis pœni-  
tium,

tentiam pertinent, curare & agere, multos etiā simulatione poenitētiæ receptos, postea turbare Ecclesiā: magna igitur seueritate usi fuerunt ueteres, in iniungendis canonicis illis satisfactionibus. Certe enim Ecclesiæ multæ, certo tēpore exoluendæ, & pro grauioribus peccatis duriores & diuturniores imponebātur. Ita Eusebius lib. 6. cap. 34. dicit, Dionysiū Corinthiacū ad Aegyptios scripsisse de lapsis, τὰς ἐκ παραπτώματων διαγραφάς. Per certos etiā gradus sensim recipiebātur. Primum constituebantur inter audientes, quibus eruditioni uerbi licebat interesse. Deinde expleto certo tempore, in ordinē poenitentium recipiebātur, quibus orationib. Ecclesiæ licebat interesse. Tertio, ad cōmunionē admittebantur, sed sine oblatione. Postremo, per impositionem manus, quasi in integrū restituebātur. Sicut hæc in Canonibus Antyranis & Nicenis describuntur. Cumulati uerò, & nimium exacerbatī postea fuerunt poenitentiales illi canones, et quod ad multas, et quod ad diuturnitatem temporis attinet: ita ut Episcopi, de impositis illis satisfactionibus, per indulgentiam non pauca remittere cogerētur. Inuentū etiam fuit artificium redimendi impositas satisfactiones, per cōmutationem: ut scilicet ieiunium redimi posset elemosyna, aut oratione. Postea pecunia redimi cœperūt indulgentiæ satisfactionum: donec tandem exoletis prorsus, & antiquatis canonicis satisfactionibus,

nibus, pecuniarie redemptiones infulgentiarum, ad aliud genus nundinationis transferrentur.

Hec ideo recitavi: monstrandum enim est in hac disputatione, discrimen inter satisfactiones, de quibus ueterum sententia loquuntur, & de quibus nunc Pontificij dimicant. Non igitur ubicunque in ueterum scriptis uocabulum satisfactionis occurrit, statim probantur & stabiliuntur Pontificie satisfactiones. Differentia autem est, & in ipsa satisfactionum substantia, & in fine: sicut collatio ostendet, ubi ad Pontificias satisfactiones peruenerimus. Et utilis est observatio, quod Pontificij, qui ueterum sententijs pro satisfactionibus pugnant, antiquas satisfactiones nec habent, nec habere curant, tantum prestigias obijciunt hominibus, citandis ueterum de satisfactione testimonijs. Optandum sane esset, ex ritibus illis ueteris Ecclesie, aliquid posse in usum reduci, sine superstitione & falsis opinionibus, disciplina & exempli gratia. Sed tamen certum est, ritus illos, conscientie gratia, ad remissionem peccatorum coram Deo non esse necessarios: quod satis ostendit & coprobat ipsa mutatio, & antiquatio: item, quod in articulo mortis, pax per absolutionem & communionem Eucharistie, dari precepta fuit, uel nondum impletis illis satisfactionibus: ut testatur exemplum apud Eusebium lib. 6. cap. 34.

Tertio. A publico illo satisfactionum ritu, uocabulum



bulum, etiā ad emendationē uitæ pœnitentium, & ad fructus pœnitentiæ traslatū est. Nam de dogmatibus Ecclesiasticis cap. 33. mentio fit secretæ satisfactionis, per uitæ correctionem, iugi & perpetuo luctu, ut cōtraria pro his quæ pœnitet agat. Ad ipsos uerò fructus pœnitentiæ, ideo translatum uidetur uocabulum satisfactionis: quia post remissionem peccatorum, remanēt in carne lubrica quædam peccati uestigia, sicut Chrysostomus inquit in 50. Psal. siue languor quidam tanquam fomes nouorum lapsuum, præsertim quādo peccatum per diuturnam consuetudinem, quasi radices egit. Illæ reliquæ contrarijs remedijs in pœnitentia purgandæ, curandæ & ex tirpandæ sunt, ne pullulēt ex illa radice, noua peccatorum germina. Itā Augustini sententia habet de pœnitentia dist. 3. Satisfactio pœnitentiæ est, causas peccatorū excidere, nec eorum suggestionibus aditum indulgere. Et Chrysostomus in cap. 3 Math: Quomodo poterimus fructus dignos pœnitentiæ facere: utiq; si peccatis aduersa faciamus. Aliena rapuisti incipē iam donare propria: iniuriam cuipiam fecisti, refer iam benedictionis uerba conuitijs &c.

Neq; enim uulnerato sufficit ad salutem, tantummodo spicula de corpore euellere, sed etiam remedia adhibere uulneribus. In hanc sententiā Leo reſtē dicit sermone Quadragesimali: Christiana anima cordis sui interna diligenter discutiāt, uideat

ne quid ibi discordiæ hæserit, ne quid cupiditatis infederit. incontinentiam castitas pellat, mendacij tenebras lux abigat ueritatis : detumescat superbia, humilitas assumatur: omnis denique plantatio quam non plantauit pater cœlestis, radicitus auferatur. Tunc enim uirtutū semina in nobis bene nutriuntur, quando ab agro cordis nostri omne germen externum euellitur.

Augustinus in Psalm. 37. Non securus sis, cum confessus fueris peccatum, tanquam semper paratus ad confitendum, & committendum peccatum: sic pronuncia iniquitatem tuam, ut curam geras pro peccato tuo. Quid est, curam gerere pro peccato? Semper niti, semper intendere, semper studiosè & sedulò agere, ut sanes peccatum: Hec quia uera, utilia & necessaria sunt, ex manifestis Scripturæ fundamentis extructa, nullo modo uel negamus, uel reijcimus: sed fatemur, illa pertinere ad opera seu fructus ueræ pœnitentiæ. & ad illud præceptum Pauli Rom. 6. Sicut exhibuistis membra uestra seruire immundiciæ ad iniquitatem: ita nunc exhibete membra uestra, seruus iusticiæ, in sanctificationem. Talia uerò opera non docentur in Scriptura suscipi, opinione meriti remissionis peccatorum, sed sequuntur reconciliationem, iuxta dictum Christi: Ecce iam sanus factus es, noli amplius peccare. Et Roman. 6. Liberati à peccato, serui facti estis iusticiæ. Nec sunt  
opera

opera indebita seu supererogationis : extant enim de mortificatione mandata in Scriptura. Quomodo uerò illis etiam operibus, titulo satisfactionis, assui coeperit opinio expiationis peccatorum, postea exponemus. Nunc uolui peculiari loco, illas ueterum sententias recitare, quia Pontificij illas insidiosè miscent suis satisfactionibus : quasi illi qui Pontificias satisfactiones impugnant, reijciant etiam ea quæ in Scriptura tradita & mandata sunt, ut conuersos quasi freno quodam à peccato reuocent & coerceant, reddant poenitentes in futurum cautiore & uigilantiores, medeantur peccatorum reliquijs, & uitiosos habitus male uiuendo comparatos, contrarijs uirtutum actionibus tollant. Et hoc artificium lector etiam in Tridentino decreto reperiet. Illa igitur quæ uera sunt, & Scripturæ testimoniū habent, separandi sunt: ut eo explicatius ostendi possit, quid in controuersia positum sit, in hac disputatione de satisfactionibus.

Quartò. His ita distinctis & explicatis, poteramus iam ad examē decreti de satisfactionibus progredi: sed ut planior sit ratio explicationis, paucis prius expediemus disputationē de poenis temporarijs, quæ post remissionē aliquādo quibusdā in hac uita à Deo imponuntur. Mors igitur Christi, satisfactio est, et pro culpa et pro poena aeterna: & fide propter Christū, accipiamus simul remissionē culpæ & poenæ aeternæ. Osee 13. Ero mors tua, o mors.

2. Cor. 15. Dedit nobis uictoriam contra mortem propter Christum, Ioan. 13. Qui credit in eum, non pereat, sed habeat uitam eternam. Sed quo ad pœnas temporales in hac uita attinet, post acceptam remissionem peccatorum subiiciuntur in hac uita uel cõmunibus calamitatibus, uel peculiaribus pœnis, propter certa seu priuata quædam peccata. Ut Adam, Gen. 3. Dauid 2. Reg. 12. & 24. item Populus Israel, Exo. 32. Num. 14. Miriam, Num. 12. Testantur idem calamitates baptizatorum post Baptismum. De hoc igitur non est controuersia, an post reconciliationem, credentes in hac uita subiecti sint communibus calamitatibus. id enim & Scriptura & experientia testatur. Ostendunt etiam Scripturæ exempla, Deum aliquãdo de post reconciliationem seu remissionem, quibusdam singulares pœnas ob peccata in hac uita imponere: quanquã hoc non sit uniuersale, nec. n. semper, nec omnibus Deus singulares pœnas quibus peccata remittit, in hac uita imponit: testantur exempla paralytici, Magdalena, publicani, Zachæi, Petri: de quo Ambrosius inquit: Lachrymas eius lego, satisfactionem non lego. Sed hæc est quæstio, quare, propter quas causas, & in quem finem tales pœnæ, reconciliatis post remissionem culpæ, in hac uita à Deo imponantur. Et licet de uocabulis nolim pugnare, an afflictiones illæ reconciliatorum uocandæ sint pœnæ peccatorum, an uerò pœnæ

eternæ



terne coreptiones & castigationes. Scriptura. n. etiā dicit, de reconciliatis: Corpus mortuum est propter peccatum, Roman. 8. & 2. Reg 12. Quia fecisti hoc, &c. omnino tamen statuendum est discrimen, inter pœnas seu afflictiones quæ infliguntur impijs, & quæ imponuntur reconciliatis. In impijs enim sunt signa offense Dei, & personā illam esse sub ira Dei, & sunt testimonia secuturæ æternæ pœnæ. Hanc causam & rationem non habent in reconciliatis, quasi Deus illis nondum satis sit reconciliatus, sed aliquid offense retinuerit, etiam post datam remissionem peccatorum. Sed illis imponuntur ad castigationem sui, & ad exemplum aliorum. Ne enim accepta reconciliationem, obliuiscantur quanta sit abominatio peccati, & quæ magnitudo iræ Dei aduersus peccatū, atq; ita lapsus extenuent, negligāt aut defendant, gratiā uel securitate amittāt, uel noua petulantia excutiant, & tandem ad uomitum reuertantur: ideo subiiciuntur post reconciliationem uel communibus calamitatibus uel peculiaribus pœnis; ut hac commonefactione subinde magis accendatur & crescat in ipsis odium & detestatio peccati, timor Dei, fides sollicitē curans ut gratiam retineat & in bonitate Dei permaneat, diligentia cauendi peccata, ut reprimantur & mortificentur prauæ inclinationes. Et in summa, ut his exercitijs conseruetur & cōfirmetur pœnitentia quæ

perpetua esse debet, fides, obediētia in cruce, spes, petitio & expectatio auxiliij, liberationis seu mitigationis: utq; semper circumferamus testimonium, nobis propter peccatum pereundum esse, nisi propter filium reciperemur: item, ne arrogemus nobis laudem propriæ iusticiæ, nec effēramus nos super ceteros peccatores, sed Deo uera & humili infirmitatis confessione nos subiiciamus. Denique quādo reconciliati uel communibus miserijs subiiciuntur, uel propter certa peccata, insignibus calamitatibus onerantur, Deus uult in illis, tanquam in publico spectaculo, cōspici exempla, admonentia, & nos & alios de iudicio suo aduersus peccata, ut cogitent id, quod Petrus monet: Si à domo Dei iudicium incipit, quis finis eorum erit qui non credunt Euangelio? 1. Pet. 4. Ita Numeri 12. Moses orans pro sorore sua, cum ob peccatum lepra fuisset percussa, & agnosceret peccatū suum, audit à Domino: Si pater eius spūisset in faciem eius, nonne debuerat saltem septem diebus rubore suffundi?

Tales igitur temporariæ pœnæ, quas Deus reconciliatis in hac uita imponit, nequaquam ita sunt interpretandæ, quasi sint uel merita remissionis peccatorum, uel compensationes pœnæ æternæ: sed alias habent longè grauissimas causas.

Porro de pœnis illis temporarijs, ex Scriptura & hoc constat, Deum pro bona sua erga reconciliatos

liatos uoluntate, quapropter filium mediatorcm  
omnia ita dispensat, ut ipsis in bonum cedat Rom.  
8. nec semper, nec omnibus reconciliatis singula  
res pœnas pro peccatis in hac uita imponere, nec  
equaliter illas omnib. imponere: impositas etiam  
à Deo sepe mitigari, aut tolli: aliquando uerò eas  
manere, & in hac uita non tolli. Et inde recon  
ciliati sumunt occasionum pulcherrimorū exer  
citorum, pœnitentiæ, fidei inuocationis, humilita  
tis, patientiæ, obedientiæ, spei, &c. Petunt sanè mi  
tigationem & liberationem: sed tamen ita, ut hu  
militer & patienter, ex agnitione peccatorum, se  
subijciant flagellis Dei, iuxta bonā ipsius uolunta  
tem. Petūt ut sint paternæ castigatiōes: agnoscūt,  
Deum in illis pœnis nō accēdere totā iram suam:  
& nobis in bonum cedere castigatiōes illas, quia  
recōciliati sumus. Et summa, in tēporarijs illis pœ  
nis petunt, ut Deus, uel ab illis custodiat, uel miti  
get: uel liberet: uel si pœnas manere uelit, ut det pa  
tientiā, & tandem saluet. Ita Micheas inquit: iram  
Domini portabo, quia peccaui. Et Thren 3 Bonū  
est uiro, cū portauerit iugū ab adolescētia: sedebit  
solitarius, et tacebit: ponet in puluere os suū, si for  
te sit spes. Item: Misericordiæ Domini, quod non  
consumpti sumus. Non accendit totam iram su  
am. In ira misericordiæ recordabitur. Ne in furo  
re tuo arguas me. Corripe me Domine, inquit Iere  
mias: ueruntamē in iudicio, & nō in furore tuo, ne

forte ad nihilum redigas me. David inquit: Libera me de sanguinib. quia tu es Deus salutis meae, &c.

Illas etiam temporales poenas, Scriptura tradit reconciliatis propter filium mediatorem, saepe uel mitigari, uel prorsus tolli, quando uera humilitate peccata agnoscunt, fide Deum inuocant, ueterem hominem mortificant, & serio nouam uitam meditantur. hoc est, non in debitis humanarum traditionum operibus sed tota poenitentia, quae habet mandatum Dei, poenae illae propter Christum mitigantur. 2. Paralip. 7. Si pluuia non fluxerit, si uenerit locusta, pestis, &c. conuersus autem populus meus deprecatus me fuerit, & exquisierit faciem meam, & egerit poenitentiam à uis suis pessimis: ego exaudiam de caelo, & propitius ero peccatis ipsorum, & sanabo terram. Ierem. 18. Repente loquar, ut destruam. Si uero poenitentiam egerit gens illa à malo suo, agam & ego poenitentiam super malo quod cogitavi ut facerem. Psal. 91. Inuoca me in die tribulationis, & eripiam. Iob. 2. Convertimini ad me in toto corde uestro, in ieiunio, in fletu, et in planctu. Scindite, non uestimenta, sed corda uestra, &c. Obseruandum uero est, poenas temporarias mitigari tota poenitentia: non quod opera eius sint uel compensationes, uel merita remissionis peccatorum: sed quia castigationibus illis, Deus in reconciliatis aliud nihil querit quam ut conseruetur, magis accedatur, crescat & augeatur uera humilitas,



militas, agnitio, odium, & detestatio peccati, exercitiū fidei, mortificatio ueteris hominis, patientia, spes, &c. Quando igitur in ipsis pœnis, Deus talia pœnitentiæ exercitia in reconciliatis uidet: tunc habet id, quod castigationibus istis querere solet. Atque ita pœnæ illæ uel mitigantur, uel tolluntur, propter filiū mediatorē. Et hoc est quod Paul. docet, 1. Corint. 11. Si nos ipsos iudicaremus non utiq; iudicaremur. Quādo uerò iudicamur à Domino castigamur, ne cum mūdo damnemur. Delectatus fuit in illa sententia Paulus paranomasia uerborum forensium, *καὶ ἐν αὐτῷ. ὡς καὶ ἐν αὐτῷ, & ὡς καὶ ἐν αὐτῷ. Διὰ τὸ καὶ ἐν αὐτῷ. Nam per uerbum *καὶ ἐν αὐτῷ*, intelligit eo loco pœnas temporarias, quia mox per *ὡς καὶ ἐν αὐτῷ* illud interpretatur, quæ à Deo propter peccata immittuntur: quibus tanquam pædagogus flagellis admonet nos de peccato, & ira sua aduersus peccata, ut ita flectat, excitet & impellat nos ad pœnitentiam & emendationem. *καὶ τὰ καὶ ἐν αὐτῷ* complectitur ultimas & æternas pœnas damnatorum, in futura uita. Quando uerò inquit: Si nos ipsos iudicaremus: non utitur uerbo *καὶ ἐν αὐτῷ* sicut Pōtificij interpretantur de electiis pœnis, quæ tanquā satisfactiones aut compensationes pro peccatis uel uoluntariē suscipiūtur, uel à confessionario iniunguntur: sed utitur uerbo *ὡς καὶ ἐν αὐτῷ*, quod sæpe in forensi significatione usurpatur. ut 1. Corint. 16. & in Grecis interpre-*

tibus *ſepiſſimæ*, Exod. 18. Leuit. 24. 3. Reg. 3. *Pſal.*  
 21. quando ſcilicet inſtituitur inquiſitio cauſæ.  
 Hoc igitur Paulus uult dicere: Si nos ipſos dijudi-  
 caremus: hoc eſt, ſi excuſſa ſecuritate, perpetua  
 pœnitentia inquiremus, in naturã & uitã noſtrã,  
 mortificantes radicẽ peccati, reprimentes prauas  
 cupiditates, &c. tunc non opus eſſet Deũ per fla-  
 gella nos horum admonere. Quando uerò ſecuri,  
 peccatũ inhabitans negligemus, & ſenſim ipſi in-  
 dulgemus: tũc Deus per caſtigaciones nos reuocat  
 ad pœnitentiã, ne cũ mundo in peccatis dãnemur.

Nec tamen ipſa pœnitentia cum fructibus ſuis,  
 Deo præſcribere uel poteſt uel debet terminũ aut  
 modũ, ſeu mitigatiõis ſeu liberationis, in pœnis il-  
 lis caſtigatorijs: ſed totum hoc humilis fidei obe-  
 dientia reſignat, & commendat paternæ Dei er-  
 ga nos uoluntati: cum quidem certi ſimus, diligen-  
 tibus Deum omnia in bonum cooperari, Romã 8.  
 ita Iohel, 2. cum in uera pœnitentia petunt à Deo  
 mitigationem & liberationem in pœnis tempo-  
 rarijs addunt: Quis ſcit, ſi conuertatur & relin-  
 quat benediſſionem. Et primo Reg. 12. Cum Na-  
 than dixiſſet, Paruulus morietur: Dauid ieiunãs,  
 & pernoctans in terra, deprecatur Dominum:  
 ſed tamen moritur infans, ſeptem diebus percuſ-  
 ſione Domini afflictus, Dauid uerò non ob hoc  
 irafcitur Deo, ſed ſurgens, depoſita lugubri ueſte,  
 ingreditur domum Domini, licet pœna illa non  
 fuiſſet

fuiſſet ſublata, quia, inquit, ita orauī: Quis ſcit, ſi forte miſereatur mei Dominus, ut infans uiuat?

Hæc utiliſſima doctrina, continens pulcherri-  
ma pietatis exercitia, Pontificijs ſatisfactionibus  
miſerè & ſœdè obſcurata & deprauata eſt: ſicut  
mox oſtendemus. Volui autem hoc loco, priuſquā  
ad examen Tridentini Decreti de ſatisfactionibus  
accederemus, ueram Scripturæ ſententiam, de ca-  
ſtigationibus temporarijs, quæ uel communibus  
calamitatibus, uel aliquādo ſingularibus flagellis,  
poſt reconciliationē in hac uita credētibus à Deo  
imponuntur, explicare, ut expeditior, & minus  
intricata eſſet ratio examinis. Video enim à Pōtifi-  
cijs, in hac de ſatisfactionib. diſputatiōe, quædam  
miſceri, quæ per ſe, rectè intellecta uera ſunt: ut de  
reliquijs peccatorum mortificandis, & de pœnis  
temporarijs: ut ita ſpeciē aliquā ueritatis, cōmen-  
tis ſuis, circumdant: utq; nos prægrauent, quaſi illa  
etiā quæ uera & utilia ſunt, negemus & abiſcia-  
mus. Iudicaui igitur prius ueram ſententiam de  
his quæſtionibus exponendā eſſe. Ita enim ex col-  
latione, rectius conſiderari & intelligi poterit,  
quomodo uera & utilis doctrina, cōmentis Ponti-  
ficiarum ſatisfactionū obſcurata et deprauata ſit,

Sed explicata uera ſententia, oſtendendum eſt,  
quomodo paulatim ritibus & operibus illis ſatis-  
factionū, quas ueteres ita uocarūt, coeperint adijci  
peregrinæ et ſuperſtitioſæ opiniōes, quæ ſubinda  
magis

magis cumulata sunt. Veteres enim, ut ritus illos satisfactionum hominibus magis commendarent, sæpe cohortatorie magis quam uerè iuxta Chrysostomi dictum, de ritibus illis per hyperbolè locuti sunt: peccata scilicet, & poenas peccatis debitas, purgari, compensari, tegi, iudicem placari & reconciliari operibus illis satisfactionum. Ita Origenes opera illa uocat precium, quo peccata redimuntur homilia 15. in Leuit. Cyprianus libro 1. epistola 3. dicit, satisfactionibus delicta redimi. epistola 8. Dominum placari. Libro 3 epist. 14. dicit poenitentes operibus suis Deo satisfacere ad misericordiam. Ambrosius ad uirginem lapsam dicit, peccata satisfactione expiari. Augustinus in enchiridio, cap. 70. dicit Deum propitiandum esse per eleemosinas. Gregorius dicit: Qui se illicita meminit commisisse, à quibusdam studeat licitis abstinere, quatenus per hoc conditori suo satisfaciat. Et Cyprianus, in illis hyperbolicis satisfactionum commendationibus, eousq; progreditur, ut affirmet peccatum non dimitti, nisi absolutis et completis prius Canonicis illis satisfactionibus. Et in sermone de eleemosyna excidit ipsi hoc inconsideratè dictum: Delicta quæ ante Baptismum contracta fuerunt, Christi sanguine & satisfactione purgari: sordes uerò postmodum contractas eleemosynis ablui. Et addit, remedia propitiando Deo, in lapsibus post Baptismum, hæc esse: operationibus



tionibus iustis Deo satisfacere, misericordiae meritis delicta purgare, &c. Hæc profectò nimium transcendens ueritatem est oratio. Ioannes enim illis qui post Baptismum peccant, dicit: Hæc scribo uobis, ut non peccetis. Sed & si quis peccauerit, aduocatum habemus apud patrē, Iesum Christum, & ipse est propitiatio pro peccatis nostris: nec pro nostris tantum, sed pro totius mundi.

Postea collapsis uetustis illis satisfactionum ritibus, quorum impletio ante absolutionem flagitabatur, ortum fuit aliud genus satisfactionum, operum indebitorum, seu supererogationis. Illæ uerò nouæ & secretæ satisfactiones, post perceptam demum absolutionem, implendæ iniungebantur. Et ad illa opera indebita, coeperūt Scholastici accommodare magnificas ueterum de satisfactionibus declamationes, quas nouis etiam hyperbolis auxerunt. Ita Scotus definit satisfactionem, quæ sit redditio æquiualentis, esse operationem exteriorem, laboriosam seu pœnalem, uoluntariè assumptam ad puniendum peccatum commissum à se, & ad placandam diuinam offensam: uel esse passionem, aut pœnam uoluntariè toleratā in ordine ad peccatum, uel peccati remissionem.

Thomas disputat, satisfactionem esse actum iustitiæ: quia peccator satisfactione, ipsemet uindictat offensam diuinam commissam, ut hoc modo restituitur sibi amicitia diuina. Et format tale argumen-

argumentum, probaturus hominem posse Deo pro peccato satisfacere: Quia homo potest homini satisfacere, & ei reconciliari; Deus uerò incomparabiliter magis est misericors, quàm aliquis homo: ergo multò magis homini possibile est, satisfacere Deo. Quia uerò in satisfactione requiritur æquiualentia ad peccatū, dicit Thomas esse æquiualentia, non quātitatis, sed proportionis: et hominē ita posse satisfacere Deo, si homo faciat quicquid potest, ex sua parte, & Deus illud acceptet ex sua parte, tanquam si esset æquale item, satisfactionem nostram habere quandam infinitatem ex charitate, qua informetur: & ex bonitate Dei qua acceptetur: atque ita fieri correspondentiam nostræ satisfactionis ad peccatum, quod infinitum est.

Idem dicit, satisfactionem ideo debere fieri per opera afflictiua: quia scilicet sit recōpensatio diuine offēse.

Bonauentura dicit, nullum opus peccatoris, uel passionem esse satisfactionem æqui ualentem peccato nisi per fidem coniungatur passioni satisfactorie mediatoris. Thomas uerò contrā disputat, etiamsi non interuenisset meritum Christi tamen hominem habentem gratiam seu charitatem, posse Deo pro peccatis satisfacere. Porro posito hoc, quod homo possit & debeat Deo pro peccatis satisfacere, uariè disputatum fuit, quid sit in

fit in peccato, pro quo homo satisfaciat.

Thomas simpliciter dicit, satisfactionem poenitentis esse recompensationem diuinæ offensæ. Bona uentura distinguit, in peccato duo esse, auersionem seu offensam, deinde conuersionem seu libidinem deordinatam.

Pro primo nullum hominem posse satisfacere, pro secundo posse hominem satisfacere. Gabriel dicit, reatum culpæ, & offensam Dei, remitti uel sola contritione, uel contritione simul & absolutione: opera uero satisfactionis, ordinari ad remissionem poenæ. Ibi uero quidam disputant, remissa culpa, poenam æternam uirtute clauium mutari intemporalem, in pro ea in hac uita satisfacere possumus.

Alij sentiunt, & culpam & poenam æternam remitti per contritionem, remanere uero obligationem ad aliquantulam poenam temporalem: & Deum compromisisse in rectores Ecclesiæ, ut partem eius remittant uirtute clauium, pro altera parte imponant satisfactiones: opera uero per quæ fiat satisfactio, definiunt esse indebita, seu non mandata, quæ sunt supererogationis. Richardus enim dicit, Deum constituisse certam mensuram eorum, ad quæ homo de necessitate tenetur: Observantiam scilicet præceptorum, ut de reliquo, hoc est, de operibus supererogationis posset satisfacere de commisso peccato.

Hoc est

Hoc est totum cōmentum Pontificiæ doctrinæ de satisfactionibus, quod breuiter hoc loco, ipsorum uerbis recitare uolui, primū ut ex ipsa antithesi consideretur, quā scdē à Scholasticis adulterata & deprauata sit doctrina illa, quam paulo ante ex Scripturæ sententia exposuimus: scdō, ut uerba Tridentini decreti rectius intelligi possint, quid uelint, & quō respiciant. Paucis igitur iam absolui potest examen huius capituli.

Quod enim dicunt de peccatorum reliquijs sanandis, de malis habitibus tollendis, ut cautiōres & diligentiores reddantur poenitētes, ne in similia uel grauiora labantur: quomodo doctrina illa recte et utiliter iuxta uerbi Dei præscriptū, tradi & usurpari possit, suprà explicauimus. Hoc uerō merito reprehenditur, quōd Pōtificij doctrinam illam transferunt ad opera indebita, seu super erogationis, quæ non sunt mandata à Deo: & tales intelligunt fructus poenitentiae, quos non tantum ad nouæ uitæ custodiā, & ad reliquæ infirmitatis medicamentum pertinere uolunt, sed ad præteritorum peccatorum uindictam, quod quale sit, ex Scholasticis ostensum est: ut scilicet sint recompensatio diuinæ offensæ. Item, quod attinet ad poenas temporarias, quibus credentes in hac uita, etiam post hanc uitam subiecti sunt, quæ sit uera sententia in præcedentibus explicauimus.

Hoc uerō obseruet lector, quā timido & suspensō



suspensio gradu, Tridentinum capitulum incedat, inter illas Scholasticorum disputationes, an per nostras satisfactiones redimatur culpa peccati, an pœna æterna, an uerò tantum temporaria pœna: item, an temporalis pœna intelligenda sit ea, in quam commutata sit æterna pœna: an uerò à remissione culpa & pœna æternæ, distinguant pœnam temporariam? Multi nostri temporis Pontificij scriptores, disertè dicunt, culpam & pœnam æternam solius Christi satisfactione tolli, nostras uerò satisfactiones pertinere tantum ad temporarias pœnas. Sed Tridentinum concilium singulari artificio uerba ita moderari uoluit, ne quid uideretur in Scholasticorum disputationibus reprehendere uel damnare.

Ita uerò concilium sententiam suam explicat. Eos qui ante Baptismum deliquerunt, dicit in gratiam à Deo recipi, sine proprijs satisfactionibus, propter meritum & satisfactionem Christi: qui uerò post Baptismum lapsi sunt, illis ait diuinam clementiam non dimittere peccata, absq; ulla propria ipsorum satisfactione, quam pro peccatis ipsi exoluant. Hoc lector bene notet, Tridentinum concilium ideo de satisfactionibus dimittere, ne lapsis post Baptismum, si conuertantur, credantur peccata dimitti, propter solius Christi meritum & satisfactionem: sed hoc contendunt, nostras etiã satisfactiones ad hoc necessarias esse, ut peccata post

Baptismum commissa nobis remittatur, atq; ideo debere nos pro peccatis nostris satisfactiones exoluere. Haecenus inter Pontificios multi, quia animaduenterunt quàm blasphemum sit, nostras satisfactiones referre ad remissionem peccatorum, ideo clamitarum falso sibi hoc tribui, quasi doceant, ad ipsam remissionem peccatorum satisfactiones nostras pertinere: cum tantum de poenis quibusdam temporarijs illas intelligi uelint. Sed Tridentinum concilium loquitur quidem etiam de poena temporalis: apertis tamen uerbis dicit, peccata post Baptismum, poenitentibus à Deo non dimitti, absque aliqua ipsorum satisfactione. Et max addunt, nobis pro peccatis nostris exoluendam esse satisfactionem. Illud uerò lector ita intelligat: Scholastici dicunt, ad perfectam remissionem peccatorum, pertinere remissionem culpæ, & uniuersæ poenæ, siue sit æterna, siue temporaria. Quando igitur culpa & poena æterna dimissa sunt, nondum perfecta est remissio peccatorum: restat enim adhuc poena temporalis, & quia ad eius remissionem necessaria sint opera satisfactoria, cum quidem poena æterna tradatur, commutaturi in temporalem. Hoc modo nostras satisfactiones dicunt pertinere ad remissionem peccatorum, & ad eam necessarias esse. Intelligunt igitur, Deum non totam offensam remittere in remissione culpæ, sed aliquid  
de

de offensione retinere, quod effundat in poena temporaria, quam post condonationem culpæ imponit: & pro remissione illius offensæ, nostris operibus satisfaciendum esse. Sed quæ sit ratio poenarum temporalium, quæ post reconciliationem à Deo immittuntur, supra diximus. Neque enim Deus credentibus peccata ita remittit, sicut homines solem: qui sæpe condonationem simulant, & interim tamen offensam retinent, & data occasione eam effundunt.

Illud uerò emblemata dignum est peculiari observatione, imò perpetua memoria, quod Tridentinum capitulum de nostris satisfactionibus ita loquitur: Sicut Christus passione sua, pro peccatis nostris satisfecit: ita & nos satisfaciendo patimur pro peccatis.

Nos miseri, hætenus Paulo credidimus, solum Christum Iesum pro peccatis passum esse. Unus, enim inquit, pro omnibus mortuus est. Una uictima consummavit omnes qui sanctificantur. Unus est mediator, qui animam suam dedit in redemptionem pro omnibus. Iam uerò ex Tridentino concilio discimus, sicut Christus satisfecit pro peccatis, ita & nos debere satisfaciendo pati pro peccatis. Non fideliter itaque Iohannes baptizatos instituit, cum inquit: Si peccauerimus, Christus est propitiatio nostra. 1. Ioan. 2.

debuisset enim iuxta Tridentinum capitulum dicere: Si post Baptismum peccaueritis, non solus Christus est propitiatio pro peccatis nostris: sed sicut Christus satisfecit pro peccatis, ita & uos debetis satisfaciendo pati pro peccatis uestris. Et uehementer miror, cum singulari calliditate, multa in his decretis tecta & inuoluta sint, quod tam crassa impudentia in hoc capitulo ipsis exciderit. Sed non dubito, singulari iudicio Dei hoc factum esse, ut extaret manifestissima nota Antichristi: non solum scilicet Christum, passum esse pro peccatis nostris, non solum satisfecisse pro peccatis nostris: sed & nos satisfaciendo pati pro peccatis nostris. Eant nunc, & protestentur, se nulla ex parte suis satisfactionibus obscurare aut imminuere uim meriti & satisfactionis Christi. Operae precium uerò est audire, quibus argumentis hoc probent: quia scilicet Paulus Rom. 8. dicit, nos passionibus conformes effici Christo. Sed nullo modo Paulus affirmat, illam conformitatem in eo consistere, ut sicut ipse passus est pro peccatis nostris, ita & nos satisfaciendo patiamur pro peccatis. Ita Petrus inquit: Christus passus est pro nobis, relinquens nobis exemplum. sed in quo exemplum illud consistat, diserit ibi explicat. Et ne uideatur satisfactoriam passionem pro peccatis, diuidere inter nostras & inter Christi passiones: addit, Christum tulisse peccata nostra, ut nos luore



eius sanati, & peccatis mortui, iusticiæ uiuere-  
mus. Alterum Tridentini capituli argumentū,  
est: Omnia, inquit Paulus, possum in eo qui confor-  
tat me: ergo possum etiam, satis faciendo pro pec-  
catis, pati. Num igitur Paulus potest mundum re-  
dimere, mortem destruere, uitam reducere? Si om-  
nia potest, ut nullum iam amplius discrimen sit in-  
ter caput et membra: nec uerum amplius sit, quod  
Col. 1. scriptū est, Christum in omnibus *πρωτὸν εἶναι*:  
quare igitur 1. Cor. 1. dicit: Num Paulus pro uobis  
crucifixus est? Vides, ut arbitror, quomodo Scri-  
pturæ sententijs ludat Tridentinum conciliabu-  
lum. Eiusdem generis est quod dicunt: In Chri-  
sto uiuimus: ergo in Christo meremur & satisfac-  
imus pro peccatis: quin igitur in Christo etiam  
creamus, & gubernamus cælum & terram? Ea  
certè quæ ad officium redemptoris, mediatoris et  
saluatoris pertinent, solius Christi ita sunt pro-  
pria, ut nemini communicetur. Vnus enim est  
mediator, unica uictima pro peccatis, consumma-  
ti sumus. Non est aliud nomen hominibus ad salu-  
tem datum.

Illæ uerò plus quàm magistralis, & uere Pon-  
tificia est demonstratio: Olim in publica pœniten-  
tia, non dabatur absolutio, nisi completa prius sa-  
tisfactione imposita: nunc uerò Pontificij iniun-  
gunt satisfactiones, post acceptam absolutionem  
demum conficiendas. Audi uerò, ubi in Scriptura

hoc mandatum sit. Claves, inquiunt, sacerdotum non tantum ad soluendum, sed & ad ligandum concessæ sunt. item: Apostoli iubentur non tantum remittere, sed & retinere peccata;

Scio hoc: sed uerba illa simpliciter sicut sonāt, intelligo. Christus iubet, Apostolos peccata soluere, & remittere illis qui pœnitentiam agunt, & credunt Euangelio: qui uerò uel nolunt agere pœnitentiam, uel reconciliationem quæ in Euangelio offertur, nolunt quærere & accipere, illorum peccata iubet ligari & retineri, hoc est, iubet illis denunciari: Tu iuxta cor tuum impœnitens, thesaurizas tibi iram in die iræ: Rom. 2. Qui non credit in filium, ira Dei manet super eum: Iohan. 3. Qui non crediderit, condemnabitur, Matthæi 16. Et hanc denunciationem Christus pronunciat ratam fore in cœlo. Hanc uerò Christi sententiam, Tridentini satisfactores ita ludificam: Quia potestas clauum, debet peccata & soluere & ligare, remittere & retinere: ergo in absolutione, non est propter Christum perfecta peccatorum remissio annuncianda: sed iniungendum est illis qui absoluuntur: ut & ipsi satisfaciendo pro peccatis patiantur: ut ita in absolutione peccata simul & soluantur & ligentur, remittantur & retineantur: & quidem ligare & retinere peccata, significet ijs, qui absoluuntur, imponere satisfactiones, quibus & ipsi pro peccatis suis aliqua

aliqua ex parte satisfaciant, hoc est: peccata hac ratione nobis remittuntur, si & ipsi satisfaciendo pro peccatis patiamur. Iusserit igitur Christus ita annunciare remissionem peccatorum in suo nomine, ut uoluerit illis ipsis quibus peccata suo nomine remittuntur, ligari etiam & retineri peccata hoc modo, ut pro illis satisfaciendo & ipsi patiantur, sicut Christus pro peccatis passus est. Remittet igitur minister credentibus peccata propter Christum, ita ut ex illis aliquid retineat pro quo ipsi satisfaciendo patiamur. Et tales non tam deprauationes quam ludificationes Scripturæ in ipso Tridentino concilio, & quidem cum anathemate proponuntur.

Quod dictum est, optimam & aptissimam poenitentiam esse nouam uitam: hanc habet sententiam. Post acceptam fidem propter Christum remissionem peccatorum, non requiri præterea aliam satisfactionem, aut expiationem pro peccatis, cum in Christo simus consummati: sed requiri illud quod Scriptura præscribit: Desine à malo, & fac bonum. Expoliate ueterem hominem, mortificate concupiscentias & actiones eius, & induite nouum, ut in nouitate uitæ ambuletis, mortui peccatis: uiuite iusticiæ: deponite opera tenebrarum, et induite arma lucis, &c. Iam uero ad talē nouitatē uitæ, pertinet ieiunium, eleemosyna, oratio, tolerantia afflictionum, & alia pietatis exercitia, uerbo Dei præscripta.

Sed Pontificij hæc non requirunt, quatenus ad nouitatem uitæ pertinent, & quatenus habent mandatum Dei, sed quatenus sunt opera indebita seu supererogationis, ut hac ratione sint satisfactiones pro peccatis. Intelligunt autem certas leges iuniorum, præscriptam formam eleemosynarum, numeratam precum recitationem: non sicut uerbo Dei mandantur, sed sicut uel sponte suscipiuntur, uel à sacerdote iniunguntur. Quatenus enim à Deo mandata sunt, pertinent ad nouitatem uitæ: quatenus uerò uel sponte suscipiuntur, uel à sacerdote iniunguntur, fiunt satisfactiones pro peccatis. Atq; ita non tantum amplius aliquid facere poterimus quàm lex Dei requirit, sed opera indebita: hoc est, quæ non sunt mandati diuini, sed traditionum humanarum, præstantiora, digniora, maioris efficacie & meriti erunt, quàm quæ diuinitus mādata sunt. Et hoc est quod inter se tanquàm diuersa opponunt, satisfactionem & nouitatem uitæ, cū antea ex Hieronymo & Augustino ostenderimus, eandem esse.



DE EXTREMA VN-  
ctione.

## Caput 1.

Visum est autem sanctæ Synodo,  
 præcedenti doctrinæ de pœnitentia,  
 adiungere ea quæ sequuntur de Sacra-  
 mento extremæ unctionis: quod non  
 modo pœnitentia, sed etiam totius  
 Christianæ uitæ, quæ perpetua pœni-  
 tentia esse debet, consummativum  
 existimatum est à Patribus. Primum  
 itaque circa illius institutionem decla-  
 rat & docet, quòd clementissimus re-  
 demptor noster, qui servis suis quouis  
 tempore uoluit de salutaribus reme-  
 dijs, aduersus omnia omnium hostium  
 tela esse prospectum, quemadmodum  
 auxilia maxima in Sacramentis a-  
 lijs præparauit, quibus Christiani con-  
 seruare se integros, dum uiuerent, ab

omni grauiore spiritus incōmodo pos-  
 sint: ita extremae unctionis Sacramēto  
 finē uitae tāquā firmissimo quodā pra-  
 sidio muniuit. Nā etsi aduersarius no-  
 ster occasiones per omnē uitā quærat  
 & captet, ut deuorare animas nostras  
 quoquo mō possit: nullū tamē tēpus est,  
 quo uehementius ille oēs suae uersutiae  
 neruos intēdat, ad perdendos nos peni-  
 tus, et à fiducia etiā si possit, diuinæ mi-  
 sericordiae deturbādos, quā cū impe-  
 dere nobis exitum uitae prospicit. Insti-  
 tuta est autem sacra hæc unctio infir-  
 morum, tanquam uerè & propriè Sa-  
 cramentum noui Testamenti, à Chri-  
 sto Domino nostro: apud Marcum  
 quidem insinuaturn, per Iacobum au-  
 tem apostolum, ac Domini fratrem,  
 fidelibus commendatum ac promulga-  
 tum. Infirmatur, inquit, quis in uobis,  
 indu-

inducat presbyteros Ecclesie, & orent  
 supra eum, ungentes eum oleo in nomi-  
 ne Domini: & oratio fidei saluabit in-  
 firmū, & alleuiabit eū Dominus: & si  
 in peccatis sit, dimittentur ei. Quibus  
 uerbis, ut ex Apostolica traditione per-  
 manus accepta, Ecclesia didicit, docet  
 materiā, formā, propriū ministrū, &  
 effectū huius salutaris Sacramēti. In-  
 tellexit. n. Ecclesia, materiā esse oleū  
 ab Episcopo benedictū. Nā unctio ap-  
 tissimè Spiritus sancti gratiā, qua in-  
 uisibiliter anima egrotātis inungitur,  
 repræsentat. Formā deinde esse illa uer-  
 ba, Per istā unctionē, &c. Res porro, et  
 effectus huius Sacramēti, illis uerbis ex-  
 plicatur: Et oratio fidei, saluabit infir-  
 mū: et alleuiabit eū Dominus: & si in  
 peccatis sit, dimittentur ei. Res etenim,  
 gratia est Spiritus sancti: cuius unctio  
 delicta,

delicta, si quæ sint adhuc expianda, ac peccati reliquias abstergit, et egroti animam alleviat & confirmat, magnâ in eo diuinæ misericordiæ fiduciam excitando. quæ infirmus subleuatus, & morbi incommoda ac labores leuius fert, & tentationibus demonis calcaneo insidiantis facilius resistit, & sanitatem corporis interdum, ubi salutis animæ expedierit, consequitur. Iam uerò quod attinet ad præscriptionem eorum, qui & suscipere & ministrare hoc Sacramentum debet, haud obscure fuit illud etiam in uerbis prædictis traditum. Nam & ostenditur illic, proprios huius Sacramenti ministros, esse Ecclesiæ presbyteros. quo nomine, eo loco non ætate seniores, aut primores in populo intelligendi ueniunt: sed aut episcopi, aut sacerdotes ab ipsis ri-  
 ie



tè ordinati, per impositionem manu-  
 um presbyterij. Declaratur etiam,  
 esse hanc unctionem infirmis adhiben-  
 dam: illis uerò praesertim, qui tam peri-  
 culosè decumbunt, ut in exitu uitae cō-  
 stituti uideantur: unde & Sacramen-  
 tum exeuntium nuncupatur. Quod  
 si infirmi post susceptam hanc unctio-  
 nem conualuerint, iterum huius Sa-  
 cramenti subsidio iuuari poterunt,  
 cum in aliud simile uitae discrimen in-  
 ciderint. Quare nulla ratione audien-  
 di sunt, qui contra tam apertam &  
 dilucidam apostoli Iacobi sententiam,  
 docent hanc unctionem uel figmentū  
 esse humanum, uel ritum à Patribus  
 acceptum, nec mandatum Dei, nec  
 promissionem gratiae habentem: &  
 qui illam iam cessasse asserunt, quasi  
 ad gratiam curationum duntaxat in-  
 primi-

primitiua Ecclesia, referenda esset:  
 & qui dicunt, ritum & usum quem  
 sancta Romana ecclesia in huius Sa-  
 cramenti administratione obseruat,  
 Iacobi apostoli sententia repugnare, atq;  
 ideo in alium commutandum esse: &  
 denique, qui hanc externam unctio-  
 nem à fidelibus sine peccato contem-  
 ni posse affirmant. Hac enim om-  
 nia manifestissimè pugnant cum per-  
 spicuis tanti Apostoli uerbis. Nec  
 profectò ecclesia Romana, aliarum  
 omnium mater & magistra, aliud  
 in hac administranda unctione, quan-  
 tum ad ea quæ huius Sacramenti  
 substantiam perficiunt, obseruat, quàm  
 quod beatus Iacobus perscripsit. Nec  
 uerò tanti Sacramenti contemptus,  
 absque ingenti scelere, & ipsius Spi-  
 ritus sancti iniuria esse posset.

Canon

## Canon 1.

*Si quis dixerit, extremam unctionem non esse uerè & propriè Sacramentum, à Christo Domino nostro institutum, & à beato Iacobo Apostolo promulgatum: sed ritum, tantum acceptum à Patribus, aut figmentum humanum, anathema sit,*

## Canon 2.

*Si quis dixerit, sacrā infirmorū unctionē non conferre gratiā, nec remittere peccata, nec alleviare infirmos: sed iam cessasse, quasi olim tantum fuerit grātia curationum, anathema sit.*

## Canon 3.

*Si quis dixerit, extremæ unctionis ritum & usum, quem obseruat sancta Romana ecclesia, repugnare sententiæ beati Iacobi apostoli: ideoq̃ eum mutandum, posseq̃ à Christianis absq̃ peccato contemni, anathema sit.*

Canon

## Canon 4.

*Si quis dixerit, presbytereos Ecclesia, quos beatus Iacobus adducendos esse ad infirmum ungendum hortatur non esse sacerdotes, ab Episcopo ordinatos, sed etate seniores in quavis communitate: ob idq; proprium extremae unctionis ministrum, non esse solum sacerdotem, anathema sit.*

## EXAMEN.

Non dubium est, id quod decretum Tridentinum affirmat, aduersarium nostrum diabolum, qui per omnem uitam, occasionem deuorandi animas nostras, querit & captat, illo potissimum tempore, cum impendere nobis exitum uitae prospicit, omnes uersutiae suae neruos intendere, ad perdendos nos penitus, & à fiducia, si possit, diuinæ misericordiae deturbandos. Accedunt in hac infirmitate carnis, terriculamenta & trepidationes instantis mortis ex conspectu peccatorum. Vnde oritur extrema & grauissima lucta fidei, aduersus peccata, carnis & sathanae temptationes, catervatim & solito grauiores tunc ingruentes, aduersus ipsam deniq; mortem. Et si tunc succumbente fide, aduersarius noster praeualuerit, actum est de salute



salute nostra. Neq; enim post hanc uitam restat locus uel pœnitentiæ, uel reconciliationi. Certum igitur & hoc est, clementissimum redemptorem nostrum, qui seruis suis quouis tempore, de salutaribus remedijs aduersus omnia salutis discrimina, prospectum esse uoluit, non tantum præparasse auxilia, quibus Christiani dum uiuunt & incolumes sunt, in gratia conseruentur: sed præcipue, ut in extremo actu uitæ, ubi discrimen maximum & periculosissimum est, firmo præsidio, & efficaci titubantis fiduciæ fulcimento muniantur & corroborentur, ut possint resistere in die malo, & omnibus perfectis stare, Ephes. 6. Deoq; gratias agere, qui dat nobis uictoriam cōtra mortem, & stimulum eius. 1. Cor. 15.

De his duobus capitibus nulla est cōtrouersia: utrumq; enim pleno ore fatemur. Sed quæstio est, quæ sint illa remedia & auxilia, seu potius antidota. Illa enim ut sint efficacia, aduersus mortem & stimulum eius, oportet esse non ab hominibus excogitata, uel præsumpta, sed ab ipso filio Dei, qui est uerus medicus noster, instituta & præparata: & quidem addita promissione, de uirtute & efficacia. In ipsius igitur medica animarum officina, sicut sacram Scripturam eleganter & uere uocat Basilius, inquirenda sunt remedia & antidota illa, in media morte ad uitam ualitura. Falsa autem est illa distributio, quam Tridentinum

#### 1104 EXAMEN DECRETORVM

decretum uidetur quasi pro fundamento ponere: Alia scilicet salutis remedia & auxilia, Christum preparasse pro uiuentibus, alia pro morituris: quasi ea per quæ, dum in hoc seculo incolumes, uiuimus, Deus gratiam nobis confert, & in ea nos conseruat, non amplius uel ualeant uel sufficiant, quando ad terminum huius uitæ peruentū, & iam per mortem ad aliam uitam transeundum est: sed tunc circumspicienda sint alia remedia & præsidia. Christus certè, qui est resurrectio & uita, imò mors mortis, & antidotum contra mortem sicut Irenæus inquit de uerbo Euangelij, per quod uita illa nobis offertur & communicatur: & de fide, qua in uerbo Christus uita nostra apprehenditur & accipitur, ita loquitur, ut non tantum hic uiuimus, uis & efficacia Euangelij & fidei, ad salutem ualeat: sed disertè cōplectitur & ipsum articulum mortis, resurrectionem mortuorum, & uitam uenturi seculi.

Ioannis 5. Amen dico uobis, qui uerbum meum audit, & credit ei qui misit me, habet uitam æternam: & in iudicium non uenit, sed transiet de morte ad uitam. item: Mortui audient uocem filij Dei: & qui audierint, uiuent. Iohannis 6. Hic est panis de cœlo descendens: ut si quis ex ipso manducauerit, non moriatur, sed uiuat in æternū. Iohan. 8. Amē dico uobis, si quis sermonem meum seruauerit, mortē non uidebit in æternum. Iohan.

# CONCILIUM TRIDENTINUM. IIOS

nis II. Qui credit in me, etiam si mortuus fuerit, ui-  
uet: & omnis qui uiuit, & credit in me, non mo-  
rietur in eternum. Audis ubiq; nō aliud uerbum,  
nec aliam fidem proponi morientibus quā ui-  
uentibus: sed illud uerbum quod fide apprehen-  
dimus, dum uiuimus, affirmat efficaciam habere  
& exerere in ipsa morte ad uitam: imō ideo dum  
uiuimus, uerbum illud fide apprehendimus, ut in  
hora mortis, efficacia eius, per mortem transeā-  
mus ad uitam. Si enim tantum in hac uita in Chri-  
sto spem haberemus, miserabiliores essemus om-  
nibus hominibus. prima Corinth. 15. Ideo Paulus  
in epistolis suis orare solet, ut credētes in eo quod  
in hac uita apprehenderunt, conseruentur & con-  
firmentur usque ad diem Christi. 1. Corinth. 1. &  
Phil. 1. Confido, quod qui incepit in uobis cōmu-  
nicationem in Euangelio Christi, perficiet usq; ad  
diem Christi. Ephes. 4. Spiritu sancto signati  
estis in diem redemptionis. Heb. 3. participes facti  
estis Christi, si tamē initium fiduciæ, usq; ad finem  
firmum retinueritis.

Apocalypseos 2. Esto fidelis usque ad mortem.  
item: Tantum quod habetis tenete, donec ueniam.  
1. Corinth. 3. Si Christi estis, omnia uestra sunt, si-  
ue uita, siue mors. Roman. 8. Deus iustificat, Chri-  
stus mortuus & resuscitatus intercedit pro nobis:  
ergo nec mors nec uita separabit nos, &c. Non  
igitur alia uel remedia uel præsidia salutis que-

renda sunt in morte, quàm quæ dum uiuimus, fidei in uerbo accipienda offeruntur. Vnicum enim uerum & sufficiens antidotum contra mortem, est Christus, uita nostra. Ille uerò in uerbo Euangelij nobis se offert & communicat, cum omnibus suis bonis: & per fidem non tantum accipitur, sed habitat in cordibus nostris. ad Ephesios 3. Est autem uerbum Euangelij, non tantum in simplici seu nuda promissione, uerumetiam in Sacramentis illis, quibus uoce & institutione diuina, annexa est promissio gratiæ. Et in terroribus mortis, maxime opus est ad corroborationem fidei, illa applicatione & obfignatione promissionis gratiæ, quæ in usu Sacramentorum, singulis fidelibus exhibetur. Ita Baptismus semel susceptus, consolationem præbet in ipsa morte. Ideo enim olim quidam super mortuos baptizabantur. prima Corinth. 15. Et prima Petri 1. Regenerauit nos in spem uiuam, in hereditatē incorruptibilem, conseruatam nobis in cœlis: qui in uirtute Dei, per fidem custodimur ad salutem. Paulus ad Ephes. sexto, describit generalem armaturam Dei, qua aduersus omnes insidias diaboli, in quouis die malo stare posimus: ueritatem scilicet, iusticiam, Euangelium, fidem, salutem, uerbum Dei, orationem & obsecrationem. Et 1. Thess. 5. dicit, illius armaturæ usum esse, ut siue uigilemus siue dormiamus, cum ipso uiuamus.



Phil. 1. adiungit communes Ecclesiæ preces:  
 Per uestram orationem, & subministrationem spiritus Christi, proueniet mihi hoc ad salutem: ut sicut semper, ita & nunc magnificetur Christus in corpore meo: siue per uitam, siue per mortem. Mihi enim uiuere, Christus: & mori, lucrum.

His accedit ueteris etiam Ecclesiæ consuetudo, qui egros de peccato & ira Dei admonitos, uerbo Euangelij consolabatur, & pro eorum salute precabatur. Proponebat etiam & adhibebat illis absolutionem, uoce Euangelij, & communionem corporis & sanguinis Christi. his eundem modis iuxta Scripturæ traditionem, promissio gratiæ remissionis peccatorum, salutis & uitæ æternæ, applicatur & obsignatur, per efficaciam filij Dei, singulis credentibus, ad fidei contra omnes tentationes sustentationem & corroborationem. Ita Dionysius Corinthiacus, apud Eusebium libro sexto, capite 34. dicit, se præcepisse, ut etiam lapsis in exitu uitæ, si peterent, ea adhiberentur remedia & præsidia, quibus bonum cum spe, ex hac uita migrare possent. Nominat autem remissionem seu absolutionem, & communionem corporis & sanguinis Christi.

Canon Nicenus, inquit: De his qui recedunt ex corpore, antiquæ legis regula obseruabitur, ut si fortè quis recedat ex corpore, necessario uitæ suæ non defraudetur uiatico. Illud uerò explicat

## 1108 EXAMEN DECRETORVM

Carthaginense concilium 4. inquit : Si continuo creditur moriturus, reconcilietur per manus impositionem, & infundatur ori eius Eucharistia. Arausicanus canon dicit, communionem congruè nominatam fuisse viaticum, in illis qui de seculo recedunt. Vide plures huius generis sententias, 26. quæst. 6. Ignatius epistola ad Ephesios, coenam Dominicam dulcissimis uerbis appellat *φάρμακον ἀθανασίας*, ἀντίδοτον τοῦ μὴ ἀποθανεῖν, ἀλλὰ ζῆν ἐν θεῷ, διὰ Ἰησοῦ χριστοῦ, μαθητῶν γιού ἀλεξίανου. hoc est: pharmacum immortalitatis, antidotum cōtra mortem ad uitam in Deo, per Iesum Christum, medicamentum purgatoriū, auertens & depellens mala.

Hæc remedia & subsidia in articulo mortis, habent mandatum & promissionem Dei. & non est dubium, filium Dei illis sua efficacia adesse, ut sint uirtus & potentia Dei, ad salutem omni credenti. Et quia per illa media, filius Dei mediator se totum cum omnibus suis beneficijs, fidei offert & communicat, & quidem applicationem singulis credentibus obsignat : habet igitur fides, in usu illorum satis praesidij & fulcimenti, in ipsa hora mortis : habet etiam armaturam ipsius Dei, qua possit in die malo, in colluctatione contra spiritualia nequitie, & aduersus insidias diaboli resistere, & in omnibus perfectis stare. ad Ephesios sexto. Atq; ita clementissimus redemptor  
 noster,

noster, Ecclesie suæ quouis tempore, maxime uero ubi grauissimū ingruit periculum, circa finem uite, de salutaribus remedijs, aduersus omnia omnium hostilium tela prospectū esse uoluit, & finem uite satis firmo muniuit præsidio.

Sed aiunt: Quid si Christus, melius quàm nos expēdens extrema animarum nostrarum in agone mortis pericula, uoluisset præter remedia illa hætenus commemorata, peculiare institueret Sacramentum: quo tanquam firmissimo præsidio, finem uite aduersus sathanæ impetus, tum solito grauiore, & aduersus horrorem mortis, firmiter & efficaciter muniret. Respondeo: Si filius Dei, medicus noster, iudicasset hoc utile & necessarium esse, sine dubio instituisset peculiare Sacramentum pro morituris. Quos enim diligit, eos in finem usque diligit. Iohannis decimotertio. Ac si ex uerbo Dei constaret, Christum tale Sacramentum, præscripta certa forma, dato expresso mandato, & addita peculiari promissione, generaliter omnibus fidelibus, usque ad finem seculi, in articulo mortis administrandum instituisse: omnino fidei obedientia requireret, illud fidei reuerentia, & deuota gratitudine recipere & usurpare.

Et Pontificij quidem asseuerant, extremam unctionem esse tale Sacramētum. Sed hæc ipsa questio est, de qua in hac disputatione controuertitur:

### III<sup>IO</sup> EXAMEN DECRETORVM

an Christus instituerit illam unctionem, ut esset tale Sacramentum.

Vt autem simplicius, manifestius & certius hæc quæstio ex uerbo Dei determinari & dijudicari possit, breuiter repetendum est, quomodo Pontificij Sacramentum extremæ suæ unctionis describant. Ita enim planior erit inquisitio, an tale Sacramentum à Christo sit institutum, & ab Apostolis Ecclesiæ traditum.

Primò igitur dicunt, materiam huius unctionis debere esse oleum; non commune seu uulgare, sed quod prius sit consecratum: non à quouis sacerdote, sed à solo Episcopo: idque certo anni die, feria scilicet quinta cœnæ Dominicæ, & certis exorcismis: ut scilicet ampullam olei infirmorum, ita exorcizet: Exorcizo te immundissime spiritus, omnisq; incursum sathane, & omne phantasma, in nomine Patris & Filij & Spiritus sancti, ut recedas ab hoc oleo, ut possit effici unctio spiritualis, ad corroborandum templum Dei uiui: ut in eo possit Spiritus sanctus habitare, per nomen Dei patris omnipotentis, & filij eius, &c. Deinde benedicat ipsum oleum his uerbis: Emitte quæsumus Domine Spiritum sanctum, paracletum de coelis, in hanc pinguedinem oliuæ, quam de uiridi ligno producere dignatus es, ad refectionem mentis & corporis: ut tua sancta benedictione sit omni, hoc unguento cœlestis medi-

cina



## CONCILII TRIDENTINI. IIII

cine peruncto, tutamen mentis & corporis, ad euacuandos omnes dolores, omnes infirmitates, omnemq; ægritudinem mentis & corporis, &c. Et nisi oleum hoc modo ab Episcopo, sit exorcizatum & consecratum, tunc dicunt non posse materiam esse huius Sacramenti.

Secundò, illo oleo tradunt linienda & inungenda esse illa membra, quæ sunt organa quinque sensuum: ut sunt oculi, aures, nares, labia, manus, pedes & renes.

Tertiò, de forma huius Sacramenti non inter omnes conuenit. Quidam enim tradunt, formam esse hæc uerba: Per istam sanctam unctionem & suam piissimam misericordiam, indulgeat tibi Dominus, quicquid oculorum uitio deliquisti, in nomine Patris, &c. Et sic de cæteris sensibus. Alij utuntur hac forma uerborum: In nomine Patris, Filij & Spiritus sancti, ungo te oleo sacrato: ut per hanc unctionem accipias plenam remissionem peccatorum.

Quartò, effectum huius unctionis Tridentinum decretum dicit esse gratiam spiritus, cuius unctio delicta, si quæ sint adhuc expianda, ac peccati reliquias abstergat, ægroti animam alleuiet et confirmet, &c. Canon 2. dicit, illam unctionem conferre gratiam, & remittere peccata.

Innocentius de sacra unctione dicit, unctionem illam exteriorem, si dignè suscipiatur, uel agere,

## 3112 EXAMEN DECRETORVM

uel augere gratiā spiritus sancti; quæ est inuisibilis unctio. Aureolus ponit 7. fructus huius unctionis: quorum primus, sit deletio peccatorum venialium. 2. diminutio pœnæ peccato mortali debite. 3. gratiæ augmentatio, quæ ui huius unctionis augetur, non tantum deuotione ministrantis & suscipientis, sed etiam ex uirtute operis operati. Aucta uerò gratia, augetur et gloria. 4. robur contra demonis insidias. 5. arctatio diabolice potestatis, quæ non est ita potens, sumpto isto Sacramento. 6. sanatio corporis, si expedit. 7. protestatio morientis, quod permanserit in fide Ecclesiæ. Thomas addit. 8. effectum, deletionem scilicet peccati mortalis, quantum ad culpam.

Quintò, tradunt hanc unctionem illis esse adhibendam qui tam periculose decumbunt, ut in exitu uitæ cõstituti uideantur: quia nuncupetur Sacramentum exeuntium. Ita Tridentinũ capitulum, hoc est, sicut alij dicunt: Nō omnibus infirmis danda est illa unctio, sed illis tantum, qui existunt in periculo & articulo mortis, de quibus probabiliter dubitatur de morte. Imò Florentinũ concilium decernit, extremam illam unctionem non debere dari, nisi infirmo, de cuius morte timetur.

Hæ sunt præcipuæ Pontificiorum traditiones, de extrema sua unctione, in decreto Tridentino repetitæ, de quibus controuersia est. Iam uidendum est, an talis unctio à filio Dei instituta sit, ut  
effect

esset tale Sacramentum. Scholastici disputant, quia nullus Euangelistarum dicit, Christum instituisse extremam illam unctionem: ideo probabilius esse, ab Apostolis illā esse institutā. Et quia Apostoli materiam non potuerunt sanctificare, ideo non debere simplex elementum esse, sed oleum exorcizatum & consecratum. Et Ecceius quidem censet, non esse absurdum, Iacobum apostolum, autoritate Christi, & iussu Spiritus sancti, instituisse illud Sacramentum. Sed ipsi Scholastici agnoscunt & fatentur, eius esse Sacramenta instituire, qui potest Sacramentis dare efficaciam. Accedit, quod epistola Iacobi non est tantę autoritatis, ut possit Ecclesię, sine alijs Scripturę canonicę testimonijs, nouum Sacramentum instituire. Notum enim est, quod Hieronymus annotauit, ueteres iudicasse, epistolam illam non esse à Iacobo apostolo scriptam, sed ab aliquo alio sub ipsius nomine editam. Eusebius etiam de illa dicit: Sciendum, *ὡς πρὸς τὸν* . ideo alij dixerunt, extremam illam unctionem à Iacobo tantum esse Ecclesię promulgatam, institutam uerò esse ab ipso Christo. Eorum uerò qui ita sentiunt, quidam dicunt, in Scriptura non extare, ubi, quādo, et quomodo Christus extremā illam unctionē instituerit, sed esse unam ex tacitis traditionibus. Tridentinę uerò synodo, neutra illarum opinionū probatur. Veteres enim affirmant, unā & eandē esse unctionem,

#### III4 EXAMEN DECRETORVM

nem, apud Marcum & apud Iacobum. Dicit igitur Tridentinum capitulum, unctionem infirmorum, tanquam uerè & propriè Sacramentum noui Testamenti, à Christo Domino nostro apud Marcum esse insinuat. Habemus igitur sedem huius disputationis in Scriptura: nec difficile iam erit statuere, an extrema illa unctio, sicut à Pontificijs describitur & usurpatur, sit à Christo, tanquam Sacramentum noui Testamenti, institutum. Ad institutionem enim Sacramenti, requiritur ut uerbo Dei, per modum mandati & promissionis, præscripta sit materia, forma, actio et efficacia Sacramenti: idq; ita, ut non sit aliquid uel personale, uel temporale, sed ut mandatum idem faciendi, & promissio efficaciæ, pertineat ad uniuersam Ecclesiam noui Testamenti omnium temporum, usq; ad consummationem seculi, donec Christus ad iudiciũ ueniat: talis enim est ratio Baptismi & cœnæ Dominicæ. Ita circumcissio habet quidem mandatum & promissionem diuinam, sed ad nos illa nõ pertinet. Apostoli habuerunt mandatum, de imponendis super ægrotos manibus, & promissionem restituendæ sanitatis. Christus lutum imposuit super oculos cæcorum. Paulus incubuit super mortuum. Sudaria eius imposita fuerunt ægrotis, &c. sed illa sunt personalia & temporalia: nec sine peculiari uerbo ad nos pertinente, sunt in exēplum, & ad imitationem trahenda.

Locus



## CONCILII TRIDENTINI. III

Locus igitur in quo fundatū debet esse Sacramentum extremæ unctionis, extat Marci 6. & sic habet: Apostoli exeuntes prædicabāt, ut pœnitentiam agerent: & dæmonia multa eiiciebant, & ungebant oleo multos ægros, & sanabant. Ad hunc locum ordine accommodabimus descriptionē Pontificiæ unctionis: ita enim id quod quærimus, manifestum euadet. Nam ualde magnū quiddam est, aliquid pro Sacramento noui Testamēti proponere et habere, præsertim in summo discrimine imminentis iam mortis, ita ut tunc à uerbo, et à reliquis Sacramētis discedatur, & ultimum præsidium in exitu uitæ, constituatur in extrema unctione. Primò igitur uidebimus, an Apostoli unctionem illam contulerint morituris, in hunc finem et usum, ut hoc tanquā firmissimo præsidio, finis uitæ contra peccata, diabolū & mortem munitus esset. Sed qualis fuerit illa unctio Apostolorum, de qua Marcus scribit, certò constat ex descriptionibus Euangelistarum. Matthæus inquit: Dedit ipsis potestatem sanandi omnem morbum, & infirmitatē. Lucas dicit: Dedit ipsis uirtutem & potestatem, languores curare. Ipse etiam Marcus capite 3. inquit: Dedit ipsis potestatem curandi infirmitates, & eiiciendi dæmonia. Et Marci 6. nihil aliud describitur, quàm quomodo Apostoli, in prima legatione illud perfecerint, sanasse scilicet infirmos, adhibito externo symbolo unctionis olei. Marcus

igitur

igitur in illo loco prorsus non dicit, Apostolos, eos qui in agone mortis erant, unxisse, hac opinione, ut in illa unctione haberent ultimum & firmissimum presidium contra peccata, diabolum & mortem: multo minus prescribit, quod talis inunctio olei, in uniuersa Ecclesia noui Testamēti, omnibus temporibus usq; ad consummationē seculi, fieri & seruari debeat: sed describit donū sanationis: quod sicut alia etiam miraculorum dona, temporale fuisse, & post propagatum per totum orbem Euangelium, desisse manifestum est.

Secundo. Nec de illo ipso dono sanationis Marcus dicit, Christum Apostolis mandato suo prescripsisse materiam olei, in omnibus sanationibus infirmorum, necessario adhibendam: sed hoc tantum dicit, Christum dedisse ipsis uirtutem & potestatem sanādi egros: ipsos uerò adhibuisse externum symbolum unctionis olei. Testatur autem historia Apostolica, ipsos non eadē semper externa symbola in curationibus adhibuisse: aliquando enim solo uerbo, aliquādo impositione manuum, aliquando contactu, umbra, sudarijs, semicinctijs, ad sanandos infirmos usi leguntur. Nec arbitror, Marci sententiam esse, Apostolos in prima illa legatione, neminem sanasse, nisi quem oleo unxissent dicit enim: Multos infirmos oleo ungebant. Ac ut maxime in prima legatione, externum illud symbolum doni sanationis, fuerit generale: certē post resurrectionem,

## CONCILII TRIDENTINI. III 7

ctione, Christus Marci 16. non dicit: Infirmos oleo ungent, & sanabuntur: sed, Super infirmos manus imponent, & melius habebunt. Non igitur generale & necessarium symbolum sanationis fuit tempore Apostolorum: unctio olei. Sed Marcus cap. 6. in prima emissionem Apostolorum, cum in solam Iudæam emittebantur, in qua legatione multa fuerunt temporalia & personalia, ponit narrationem facti, de solis duodecim Apostolis: quo scilicet externo symbolo, donum sanationis administrarint. Sed cap 16. cum iubentur ire in uniuersum mundum, & predicare Euangelium omni creature, Christus non tantum de Apostolis, sed et de ijs qui crediderint, loquitur, cum inquit: Super infirmos manus imponent, &c. Quare igitur non potius ex impositione manuum, quæ habet uerbum Christi, pertinens non tantum ad Apostolos, sed etiam ad credentes, facimus generale Sacramentum pro infirmis? Responsio in promptu est: Quia loquitur de signis, hoc est, de donis miraculorum, quæ temporalia fuerunt. Et tamen ne tunc quidem, cum maxime uigebat donum miraculorum, Apostoli generaliter, semper & necessario impositionem manuum adhibuerunt in dono sanationis. Multo magis igitur hæc responsio ualebit in unctione olei, quæ in prima & particulari legatione Apostolorum, non tam expresse à Christo madata, quam ab Apostolis facta legitur.

Tertiò.

Tertiò. Nihil dicit Euangelista uel de mandato Christi, uel de facto Apostolorum, quòd oleum illius unctionis, debeat prius esse conceptis uerbis exorcizatum & consecratum.

Quartò. Apostoli non leguntur eos unxisse, de quibus probabiliter præsimebant, quòd mox essent morituri: sed unctione sua sanabant egrotos, ne tunc illa infirmitate morerentur.

Quintò. De adhibita illa forma uerborum, quam Pontificij præscribunt, nulla uel litera uel syllaba, in Euangelica historia legitur.

Sextò. Nec quicquam uel de Christi mandato, uel de Apostolorum facto legitur, quòd organa quinque sensuum inunxerint.

Septimò. Finem & effectum illius unctionis, Marcus non dicit fuisse, ut per eam peccata delectarentur, insidiæ diaboli in morituris reprimerentur, &c. sed ut hoc externo symbolo, donum corporalis sanationis administrarent. Manifestissimum igitur est ex sola antithesi, Christum Marci 6. nec instituisse, nec insinuasse (sicut Tridentinum capitulum loquitur) talem unctionem, ut esset tale Sacramentum, pro illis qui in exitu uitæ constituti sunt: sicut Pontificiorum descriptio & praxis habet. Et quia ipsum decretum Tridentinum, refert se ad sextum caput Marci, ostensum iam est, Pontificiam unctionem, in illo loco nec institutionem, nec mandatum, nec promissionem, nec



nec exemplū habere, ut possit esse noui Testamen-  
ti Sacramentum, sicut ipsorum descriptio habet.  
Sed cum obscurior sit descriptio apud Marcū (fa-  
ctum enim Apostolorum tantum narrat, mandatū  
uero Christi, ex quo illud fecerunt, non recitat) di-  
cunt pleniorē eius explicationem, sumendā esse  
ex Iacobo: quem nō dubium est, ut Apostolum &  
quidem fratrem Domini, optime sciuisse, quid Chri-  
stus de unctione instituerit, quid, quomodo, & in  
quem finem Apostoli fecerint. Audiamus igitur,  
an Iacobus affirmet, Christum instituisse talem un-  
ctionem, ut esset tale uniuersale Sacramentum pro  
morituris, sicut Pontificiorum descriptio habet.  
Et conati quidē hoc sunt Pōtificij ostendere, inde  
quod uerbum alleuare, quo uetus interpret usus  
fuerat, à monachis mutatū fuit in alleuiare: quod  
postea exposuerunt de terriculamentis diaboli &  
mortis, in extremo actu uitæ. Item, quia Iacobus  
dicit: Vt saluemini, sicut interpret reddidit: Ergo  
nō de corporali sanatione, sed de saluatione in ho-  
ra mortis, contendunt Iacobum suam unctionem  
intellexisse. Sed ueteres interpretes dicunt, &  
quidem etiam Tridentinum decretum illud conce-  
dit, Iacobum non de alia, sed de illa eadem unctio-  
ne loqui, quæ Marci 6. descripta est. Illam autem  
pertinere ad donum sanationis, Euangelistæ mani-  
feste ostendunt. Et Grammatica ostendit, falsam  
esse Pōtificiorum interpretationem. Iacobus enim

utitur duobus uerbis, quæ extra controuersiam, ad corporalem sanitatem referuntur. Primum est, ἰσχύς: quod Christus usurpat quando decubentes, & lecto affixi ita restituuntur, ut surgere & incedere possint. Matthæi 9. Marc. 1. & 9. Ioan. 5. Hoc uetus interpretes dixit alleuare: unde postea fecerunt alleuiare. Alterum uerbum est, ἰσχύς: quod de sanationibus frequentissimè usurpatur: & quidem donum sanationis. quod fuit in primitiua Ecclesia, hoc ipso uocabulo describitur, 1. Cor. 12. Vnde etiam intelligi potest, quod tertium uerbum σῶσις, intelligendum sit, sicut sepius usurpatur, de corporalibus sanationibus, Matth. 9. Mar. 5. & 6. Luc. 8. Loquitur itaque Iacobus, sicut & Marcus, de dono sanationis, quod etiam 1. Corinth. 12. describitur, & quidem eodem uocabulo, quo Iacobus utitur.

Nec Iacobo ut Apostolo licuit, unctionem illam ad aliam actionem, ad alium finem, usum & effectum transferre, quàm à Christo, Mar. 6. insinuat, & ab Apostolis usurpata fuerat. Sed inquis: Iacobus ibi non præscribit aliquid Apostolis, qui donum sanationis habebant, sed alijs Ecclesiæ presbyteris. Et quidem expressè ibi mentionem fecit remissionis peccatorum. Respondeo: Christus loquens Marci 16. de signis seu miraculis, cōsecuturis prædicationem Euangelij, dona illa non tantum ad Apostolos refert, sed ad alios etiam credentes. Tunc igitur

## CŌNCILII TRIDENTINI. 121

igitur quando adhuc donum sanationis in Ecclesia non tantum penes Apostolos, sed & penes alios presbyteros erat: Iacobus illis prescripsit, quomodo dono illo pie, salutariter, & ad ædificationem uti deberent tam administrantes, quàm recipientes, quamdiu mansurum esset in Ecclesia illud donum. Non igitur inde extruendū est præceptū universale et perpetuum, de adhibenda unctione, etiā postquam donum sanationis, cuius symbolum fuit unctio, desijt: si ut inde hoc intelligi potest, 1. Cor. 14. Quidam donis linguarum & prophetie abutebantur Paulus igitur prescribit modum & formam, quomodo donis illis, quamdiu erāt in primitiua Ecclesia salutariter & ad ædificationem uti deberent. Atqui desierunt iam illa. Ita cum in primitiua Ecclesia, dono sanationis quod tunc extabat, multi uel abuterentur, uel nō recte uterentur: Iacobus prescribit modum & formam, quomodo pie, salutariter, & ad ædificationem, dono illo utendum sit: ne scilicet usurpetur tanquam chirurgicum aut medicum aliquod artificium, sed ut mentem subleuet ad considerationem peccati & miserie nostræ: hoc est, ad poenitentiam, & ad agnitionem beneficiorum spiritualium filij Dei. Hic enim usus fuit omnium miraculorum. Docet igitur Iacobus, infirmum, quādo unctione sanandus erat, commonefaciendum esse de causa morbi, ut agnosceret peccata.

De fide etiam uult doceri, ut per remissionem peccatorum, causa morbi, hoc est peccatū tolleretur. Adiungi etiam uult cōmunes preces, utq; ipse infirmus etiam ex fide simul oret: neque enim incredulo aut maledicenti, alijs pro se orantibus peccata dimittuntur. Hoc modo significat donum sanationis, in quo externum symbolum unctionis adhibebatur, salutariter usurpari posse. Remissionem uerò peccatorum, non externo symbolo unctionis, sed disertè orationi fidei tribuit: id quod etiā Lyranus intellexit. Et mox exēplo Eliæ ostendit, per orationes iustorū solita miracula fieri, quale tunc etiam erat donum sanationis.

Hæc est summa sententiæ Iacobi. Et si hodie adhuc in Ecclesia extaret donū sanationis, doctrina hæc & regula Iacobi, esset utilis, & omnino seruatu necessaria. Sed quia donum illud iam in Ecclesia cessasse, manifestum & notoriū est, questio est, an externum eius symbolum, cui res ipsa, restitutio scilicet sanitatis per miraculum, non amplius subest, in ecclesiæ usu retinendum & usurpandum sit: & quidem ita, ut ad aliud genus actionis, ad alium finem, usum & effectum transferatur: scilicet ut per istam unctionē, morituri consequantur remissionem peccatorum, custodiantur ab insidijs sathanæ, et à terroribus mortis, ut in Domino moriantur. Iacobus certè non dicit, unctionem illam uel institutam esse pro morituris, uel usurpandam esse



dam esse in articulo mortis : ut finis uite, peculia-  
 ri aliquo presidio munitus sit : & quæ præterea  
 causas & effectus, unctioni suæ Pontificij tribuunt.  
 Sed dicit eam adhiberi, ad restituendam per donum  
 sanationis, incolumitatem. Quo igitur mandato,  
 qua promissione, unctio illa cui iam non amplius  
 annexum est donum sanationis, trāsferitur ad aliū  
 finem, ad alium usum & effectum? Mandatum  
 enim, et promissio quā unctio illa habuit, pertinet  
 & iuxta Marcum, & iuxta Iacobum, ad donū sa-  
 nationis. Et idem est, ac si iam uellem unctionem  
 sacerdotum ac regalem, quæ in ueteri Testamēto  
 mandatum & promissionem habuit, morituris ap-  
 plicare. Pontificiorum igitur extrema unctio,  
 quia postquā donum sanationis cessauit, ad alium  
 iam usum transfertur : nec mādatum, nec promif-  
 sionem diuinam, imò nec exemplum habet uel in  
 Marco, uel in Iacobo. Nec ipsa rel materia, uel for-  
 ma, uel actio Pontificia unctionis, uel Marci uel  
 uel Iacobi descriptiones, autores habet. De oleo. n.  
 per exorcismos ex cantato, et cōceptis uerbis con-  
 secrato, nihil habet Iacobus : nihil habet de inu-  
 gendis organis sensuum exteriorum. Formā etiam  
 illam uerborum Iacobus non præscribit, quæ Pon-  
 tificia unctio utitur. Iacobus unctionem adhibet,  
 ut infirmus per donum sanationis, restituatur bo-  
 næ ualeitudini. Pontificij uerò eum de quo aliqua  
 spes uite est, prohibent inungere : sed cum præsu-

miur iam esse in exitu uite, & mox moriturus, tunc inungitur, non ut conualeſcat, niſi per acci- dens, ſed ut bene moriatur. Extrema igitur Pontifi- ciorum unctio, non eſt illa de qua Marcus loquitur: nec eſt illa quàm Iacobus deſcribit, ſiue mate- riam, ſiue formam, ſiue actionem, ſiue uſum, ſine & effectum ſpectes. Nec fidei oratio, de qua Ia- cobus loquitur, eſt in Pontificiorum unctione. Pe- tunt enim, per iſtam unctionē dari plenam remiſ- ſionem peccatorum, cum nulla talis extet diuina promiſſio. Et quia fides, non eſt ſine promiſſio- ne: ergo non poteſt eſſe oratio fidei. Adhibet etiā inuocationem mortuorum: que quia mandato & promiſſione Dei caret, non poteſt eſſe fidei ora- tio. Recte itaque dicitur extremam illam un- ctionem, humanum ſigmentum eſſe, nec mādatum Dei, nec promiſſionem gratie habens. Quæ enim ad donum ſanationis pertinent, non ſunt ſine pecu- liari uerbo, ad alios uſus transferenda. Et falſum eſt quod Andradius dicit, in ægrotis fidem & ora- tionem nihil ualere, ſine unctione olei. Nam illud ne tunc quidem, cum donū ſanationis adhuc eſſet in Eccleſia, uerum fuit. Multos enim Apoſtoli oratione ſanaſſe leguntur, ſine unctione olei. Et Ia- cobus unctioni olei, etiam tunc quando ut exter- num doni ſanationis ſymbolum adhibebatur, non uult tribui uel ſanitatem uel remiſſionem peccato- rum: ſed fidei & orationi illa tribuit.

Et iam

Et iam in promptu erit responsio, ad argumentum illud quod aliquam speciem habet. Ceremonia unctionis infirmorum, habet uerbum Dei, & promissionem gratiae. Marci 6. Iacobi 5. Ergo ex loco definitionis, est uerè & propriè Sacramentum noui Testamenti. Respondeo: Quatenus unctio est externum symbolum doni sanationis, eatenus habet uerbum Dei, & promissionem. Non autem habemus mandatum uerbi Dei, ut post cessationem doni sanationum, externum symbolum unctionis in Ecclesia uel ociose retineatur & usurpetur, uel in alium finem & usum transferatur. Nec habemus promissionem de effectu gratiae, si unctio illa in aliam actionem, & in alium usum transformetur: sicut ostendimus apud Pontificios fieri. Non igitur uerè & propriè est Sacramentum noui Testamenti, extrema Pontificiorum unctio. Cessante enim re ipsa. hoc est, dono sanationis, meritò etiam externum eius symbolum cessat, unctio scilicet olei. Interim tamen in morbis Christianorum, ea quae uerbi sunt, manent: agnitio peccatorum, fides, oratio, & remissio peccatorum: quae nullo Dei mandato, nunc postquam donum sanationis cessauit, ad unctionem alligata sunt: imò ne ipsum quidem donum sanationis, tunc etià temporis, ad unctionem alligatum fuit: sicut testantur omnia exēpla sanationum, in actis Apostolicis, in quorum nullo legitur unctio olei adhibita.

Quod uerò obijcitur ministerium Apostolorum, non fuisse uel medicinale uel corporale, sed spirituale: ideo unctionem illam non pertinuisse tantum ad donum sanationis, Respondeo. Ideo uerò adhibita fuerunt externa seu corporalia miracula, ut illis doctrina de spiritualibus beneficijs Christi confirmaretur: utq; essent *αἰάματα* ad agnoscenda, desideranda, querenda & amplectenda spiritualia & eterna bona, quæ in Euangelio offeruntur. Interea uerò multis exhibita fuerunt externa miracula, qui spiritualia beneficia Christi non acceperunt: sicut econtrā, multi in quorum corporibus nullum signum exhibitum fuit, gratiam Dei fide in uerbo Euangelij acceperunt. Neq; enim externa miracula fuerunt organon illud, per quod offeruntur & applicantur spiritualia bona: sed tantum uia preparant Euangelio, quod est ministerium spiritus, in quo fides querit & accipit gratiam, remissionem, &c.

Adhibuerunt ergo Apostoli, in dono sanationis, externum symbolum, unctionem olei: nō quod uel ipsum oleum, uel actio unctionis, aliquam haberet uel adferret uim et efficaciam ad sanationem, erat enim miraculosa: multo minus ad remissionem peccatorum, quam Iacobus orationi fidei tribuit. Sed quia usitatum & notum tunc erat ex ueteri Testamento, oleum habere significationem donorum supernorum & coelestium: adhibuerunt igitur in dono



dono sanationum, unctionem olei: ut ipsum exter-  
 num symbolum homines moneret, sanationes illas  
 non cōferri, uel humana uel magica aliqua ratio-  
 ne, sed esse dona cōlestia, ex diuina uirtute & ope-  
 ratione. Secundo, quia oleum in scriptura signi-  
 ficat sp̄itualia beneficia Dei: adhibuerunt igitur  
 in dono sanationis, unctionem olei, ut externo illo  
 symbolo monerent, non debere sanatos in corpo-  
 ralibus illis beneficijs subsistere, sed mentem sub-  
 leuare ad agnoscenda, quærenda & accipienda  
 sp̄itualia beneficia mediatoris Christi, ad quæ  
 per corporalia illa miracula inuitabantur, & ma-  
 nu ducebantur. Tertio, oleum in illis regionib.  
 fuit præstantissimum, & in quotidiano usu: nō tan-  
 tum ad cibum & ad hilaritatē, 4. Reg. 4. & Psal.  
 103. uerumetiam ad curationes, Isa. 1. Ezech. 16.  
 Luc. 10. Sicut igitur Isaias sumpsit ficus ad curan-  
 dam pestē Ezechie: ita Apostoli, ne uiderētur ma-  
 gicam exercere, oleum adhiberunt ad sanationes,  
 quæ tamen longe excedebant naturalē uim & ef-  
 ficaciam olei: erant enim miracula. Atq; ita post-  
 quam desijt donum illud sanationum, posset locus  
 Iacobi pie & utiliter accommodari ad usum medi-  
 camentorum in morbis Christianorum: ut scilicet  
 prius admonerētur de causa morbi, hoc est, ut pec-  
 cata discerent agnoscere, fide Deo reconciliari,  
 & oratione Deo ualeitudinem commendare. De-  
 inde pie possent medicamentis uti, inuocato nomi-

ne Domini, adiunctis etiam precibus communi-  
bus. Hæc utiliter considerari possunt, de causis  
adhibita unctionis olei, in miraculosis Apostolo-  
rum sanationibus.

Non igitur, quia Marcus & Iacobus dicunt,  
Apostolos unxisse infirmos oleo, ideo extrema Pon-  
tificiorum unctio, ibi uel instituta uel promulgata  
est. Nam nec materia nec forma, nec actio Pon-  
tificiæ unctionis ex Apostolica unctione probari  
potest. Vsus uerò, finis & effectus, quem Pontifi-  
cij extremæ suæ unctioni tribuunt, planè diuersus  
& alius est ab Apostolica unctione, sicut ipsa an-  
titheſis ostendit.

Accedit, quòd in uera & puriori antiquitate,  
de hoc Sacramento, exeuntium nihil legitur. Ex-  
tant apud ueteres, descriptiones uisitationis egro-  
torum: extant historiae, quomodo multi pij in  
Domino feliciter obdormierint: extant canones  
antiqui, quibus præſidijs muniendi, & quo uia-  
co instruendi sint exeuntes de hoc seculo *ἡνὰ ἐν ἐλ-  
πίδι ἐκπαίδευται τὸν λαόν*, sicut inquit Dionysius Co-  
rinthiacus: ut bona cum spe feliciter hinc mi-  
grèt. Et recensentur consolatio uerbi, fides, oratio,  
absolutio, communio corporis & sanguinis Domi-  
ni. Nulla uerò mentio fit peculiare Sacramentum  
unctionis esse in Ecclesia, pro ijs qui in exitu uitæ  
cōstituti, per mortē hinc migrare debent: & illam  
unctionem esse firmissimum præsidium in articulo  
& discri-

Et discrimine mortis, contra peccata, contra infirmitatē carnis contra horrorem mortis, contra insidias Et potentiam diaboli, ut unctione illa nuti, per mortem transire possimus ad uitam: hoc inquam in tota historia ueræ Et purioris antiquitatis, ostendi non potest. De Romanis enim Pontificibus iam non loquimur.

Sed obijciunt: Certē Hieronymus in 6. cap. Marci huic unctioni testimonium præbet. Quis uerò est ille Hieronymus? Ipsi enim sciunt, Commentaria in Marcum non esse à Stridonensi illo, sed longè post ipsius ætatem conscripta.

Ita iactitant etiam: Nonne Augustinus disertē unctionem numerat, inter necessarias consolationes decedentium à seculo? Vbi uerò hoc facit? in libro 2. inquit, de uisitatione infirmorum: item, de reſtitutione catholice conuerſationis. Atqui ipsi non ignorant, hos libros non esse Augustini, sed post ipsius tempora, ab alijs conscriptos, qui postea falso Augustino inscribi cœperūt. Et uel hinc lector æstimare potest, qualis sit causa extremæ istius unctionis, ad cuius comprobationem, ex supposititijs scriptis emendicanda sunt suffragia. Et tamen illo tempore, quando libri isti scripti sunt, unctio infirmorum nondum habuit tales appendices, quæ iam sunt substantia, Et quasi anima Pontificie unctionis.

Nō iubetur iungi organa quinque sensuum, nō traduntur.

duntur per illam unctionē dimitti peccata, non docetur unctionem illam esse firmissimū præsidium morientī, contra mortem & diabolu: nondum visitata tūc fuit in unctione inuocatio, angelorum, patriarcharum, Prophetarum, Apostolorum, martyrum, uirginum, uiduarum, &c. quæ nūc præcipua pars actionis est in extrema unctione. Sed deducebantur tunc adhuc infirmi, ad mediatorem Christum. Et lib. 2. cap. 2. extant hæc dulcissima uerba: Tutius & iocundius loquor ad meum Iesum, quàm ad aliquem sanctorum spirituum Dei: plus debet mihi Christus, quàm alicui cœlestium spirituum. Quod ego sum, fieri dignatus est Deus: non factus est, quod est angelus. Ad curiam Dei sui, Dei tui, præcessit Deus tuus, homo tuus, tunica tua polymita indutus: illa assiduus interpellat pro nobis. Quem igitur habes intercessorem, habes mediatorem: constitue tibi propitiū adiutorem. Et si Deus pro te, quis cōtra te? Et li. 1. cap. 6. describitur hæc morituri oratio: Deus meus, misericordia mea, refugium meum, te desidero, ad te cōfugio, ad te uenire festino: ne despicias me, sub tremēdo discrimine positum: adesto mihi propitius in his meis magnis necessitatib. nō possum me redimere meis operationibus, sed tu redime me, et miserere mei: diffido de meis meritis, sed cōfido de miserationib. tuis: & plus confido de tuis miserationibus, quàm diffidam de malis actibus meis. Tu es spes mea, Deus



meus: tibi soli peccaui, mea culpa. Qui fui tibi carus ad redimendum, non sum uilis ad perdendum. Et nunc ad te uenio, qui nulli dees: cupio dissolui, & esse tecum. In manus tuas commendo spiritum meum Domine: respice in me, Domine Deus ueritatis, ut in pace dormiam, ac requiescam. Hæc adscripsi, ut lector consideret, quàm recens sit drama Pontificiorum, in extrema unctione.

Sed Theophylactum etiam proferunt, qui ex ueterib. Græcis, interpretationes suas sumpsit. Quid uerò ille? Num dicit, in Græca Ecclesia unctionem fuisse peculiare Sacramentum exeuntium, ut constitui in exitu uitæ, si oleo ungerentur in organis quinq; sensuum, haberent firmissimum præsidium contra peccata, contra mortem & diabolum. Nihil certè horum dicit. Sed explicans 6. cap. Marci, dicit Apostolos oleo unxisse illos, quos per donum sanationis curabant. Et addit, idem etiam Iacobum in sua epistola dicere. Mox uerò subiungit, propter quam significationem oleum adhibitum fuerit, pro externo symbolo doni sanationis: quia scilicet significet misericordiam Dei, & gratiam spiritus, per quam à labore liberamur, lucem & hilaritatem spirituales accipimus.

Ita Oecumenius, explicans locum Iacobi 5. nihil aliud dicit, quàm hoc etiam Apostolos fecisse, quādo Dominus adhuc inter homines uersabatur, dum ungerent oleo egrotantes & sanarent.

Non ergo fuit Sacramentū executiū in Græca ecclesia. Sed Chrysost. lib. 3. de sacerdotio, locū Iacobi, ad illud extreme unctionis Sacramentū pertinere interpretatur: inquit Lindanus. Quomodo uerò? Num dicit, suo tempore in Ecclesia fuisse peculiare Sacramentum unctionis, pro morituris, illa materia, forma, & actione, ad illum finem. usum & effectum administratum, sicut Pontificiæ unctionis descriptio habet: ut discedentibus ex hac uita, sit munimentum & præsidium contra peccata, mortem & diabolum? Nihil certè horum dicit Chrysostomus: sed recensens prærogatiuas Christiani sacerdotis, enumerat prædicationem Euangelij, administrationē Baptismi & cœnæ Dominicæ, & potestatem remittendi peccata, per absolutionem. Addit uerò etiam, in morbis sacerdotes plus prodesse quàm naturales parentes. Et illud per distributionem explicat. 1. sepe laborantem iam, & morti uicinam animam, saluti restituerunt. 2. τοῖς μὲν πρῶτοις τὴν λύσιν ἐργασάμενοι: hoc est, efficientes, ut flagellum morbi mitigaretur. 3. τοὺς δὲ ὅτε παρὰ τὸν αἰχλὺν ἄγοντες ἐμπέειν: hoc est, quosdē à principio præseruarunt, ne in morborum flagella, quæ sunt peccatorum poenæ, inciderent. Ita enim reddendus est locus ille Chrysostomi, ubi interpres prorsus peregrinam reddidit sententiam.

Quomodo uerò sacerdotes hoc in morbis efficiunt?

eiunt? Respondet Chrysostomus: Quia non tantum quando nos regenerant, sed & postea potestatem habent remittendi peccata: quæ uerò, et qualis sit illa potestas, in præcedentibus explicat: quæ scilicet Ioannis 20. descripta est. Addit etiam sacerdotes hoc quod de morbis dicit, efficere docendo, monendo, καὶ τῷ Αἰ ἰυχῶν βοηθεῖν, auxilio orationum. Et post illa omnia subiicit locum Iacobi cap. 5. Non autem disertè dicit, solitam tunc adhiberi externam unctionem: sed doctrinæ, admonitionis, orationum, & absolutio- nis expresse meminit. Et etiamsi exerte diceret, adhibitam externam unctionem: nihil tamen locus ille patrocina-retur Pontificiorū extreme un- ctioni. Non enim de morientibus disputat, quo præsidio muniendi sint, ut in Domino obdormire pos- sint, sed expresse agit de præseruatione, mitigatio- ne, & liberatione à morbis corporalibus: sicut ex Græco textu manifestum est. Nec materia igitur nec forma, nec actio, nec finis, nec usus, nec effe- ctus extreme unctionis Pontificiorū, ex illo loco Chrysost. probari potest. Non. n. satis est ad proba- tionem Pōtificiæ unctionis, ostēdisse quòd ueteres mentionē faciāt unctionis, quæ in Marco & Iaco- bo describitur: sed hoc monstrandū est, ueterē Ec- clesiā unctionē agnouisse et usurpasse, pro peculia- ri Sacramēto illorū q in exitu uitæ cōstituti erāt, tali materia, forma, actione, tali opinione, in eum  
finem

finem & usum, sicut Pōtificij de sua extrema unctiōe tradunt. Hoc uerò ex nullis fide dignis uerā antiquitatis scriptis, docere possunt.

Hoc uerò ostendi potest, non diu post Apostolorum tempora, Apostolicam infirmorum unctiōem, extra donum sanationis in alium usum transformatam & deprauatam fuisse ab hæreticis. Irenæus enim li. 1. ca. 18. dicit, ex Valentinianis quosdam moriētes suos ad finē defunctionis inungere, mittentes capitib. eorū oleum & aquā, cum inuocationibus: idq; ea opinione, quod illa unctiōe redimantur. Notabilis est historia, quod actio Apostolicæ unctiōis, extra donum sanationis, ad morientes transferri cœpit ab hæreticis ea opinione, quod morientes in fine defunctionis, per illam unctiōem redimerentur. Illud uerè Irenæi tempore, inter hæreses computatum fuit. Consideret autem lector, quantum illa Irenæi descriptio absit ab extrema Pontificiorum unctiōe. Dionysius cap. 7. suæ hierarchie, super mortuum iam sepeliendum, fundit oleum: id quod simpliciter ex Ethnicorum consuetudine sumptum fuit, sicut Vergilius inquit:

Corpusq; lauant frigentis, & ugunt.

Et notus est Ennij uersiculus:

Tarquini corpus bona foemina lauit, & unxit.  
Apuleius illud uocat ultimum lauacrum, De asino aureo lib. 9. Hæc historica ideo obseruanda sunt, ut consideretur maturè irrepsisse in Ecclesiā  
super-



superstitiones, circa unctiones morientium & mortuorum. Sed Irenæi tempore, tales unctiones inter hæreses reiectæ fuerunt. Dionysii uerò mortuorum unctionem, ex reliquijs ethnica, superstitionis seruata, Ecclesia non recepit.

Vtilis est & hæc obseruatio, quomodo tandem deueni sit ad extremam Pontificiorum unctionem, pro exeuntibus. Quamdiu in Ecclesia extitit donum sanationis, mansit etiam usus unctionis, simplici oleo. Postea oleo sanctificato, quidam miraculosas ediderunt sanationes: ut de discipulis Antonij, Rufinus in Ecclesiastica historia lib. 11. cap. 4. scribit: Cum illis oblatus fuisset homo, iam pridem membris omnibus, & præcipue pedibus aridus, unxerunt eum oleo, in nomine Domini: statimq; confirmatæ sunt plantæ eius. Sulpicius Seuerus cap. 21. scribit, sanctum Martinum puellam quandam, paralysis aegritudine ita correptam, ut nullo iam ad humanos usus, corporis officio fungeretur, oleo sanctificato sanitati restituisse. In Tripart. lib. 8. cap. 1. Socrates scribit, monachum Beniamin habuisse gratiam, solo tactu manus, aut oleo sanare morbos. Cum uerò ad oleum sanctificatum, nulla amplius miracula sanationis sequeretur: ne tamen nullus eius esset usus, Felix IIII. circa annum Domini 528. instituit, infirmos ante obitum oleo esse inungendos. Postea progressu temporis, subinde alia atq; alia addita sunt: donec tan-

dem Sacramentum illud Pontificium, cum omni  
sua paratura, inde extructum est: quod nunc tan-  
quam à Christo insinuatū, à Iacobo Apostolo pro  
mulgatum, tamē uenditatur, ut absq; ingemi scele-  
re, & ipsius Spiritus sancti iniuria, contemni non  
posse affirmetur.

## DE SACRAMENTO ORDINIS, ETC.

## Caput 1.

Sacrificium & sacerdotiū ita Dei  
ordinatione coniuncta sunt, ut utrum-  
que in omni lege extiterit. Cum igitur  
in nouo Testamento, sanctum Eucha-  
ristia sacrificium uisibile, ex Domini  
institutione catholica Ecclesia accepe-  
rit: fateri etiā oportet, in ea nouū esse,  
uisibile & externū sacerdotiū, in qd  
uetus trāslatū est. Hoc autē ab eodē Do-  
mino Salvatore nostro institutū esse,  
atq; Apostolis, eorūq; successorib. in sa-  
cerdotio potestatē traditā cōsecrādi, of-  
ferēdi & ministrandi corpus et sangui-  
nē, nec nō et peccata dimittēdi et retinē-  
di, sacra litera ostendunt, et catholica  
Ecclesie

*Ecclesia traditio semper docuit.*

Canon I.

*Si quis dixerit, nō esse in nouo Testamēto sacerdotiū uisibile et externū, uel nō esse potestātē aliquā cōsecrandi & offerēdi uerū corpus & sanguinem Domini, & peccata remittēdi et retinēdi: sed officiū tantū, & nudū ministerium prädicandi Euangeliū: uel eos qui non prädicant, prorsus non esse sacerdotes, anathema sit.*

EXAMEN.

Breuis & facilis est explicatio, si ostēdatur, quā de re cōtrouersa sit. Clamitāt. n. eos q Pontificiū sacerdotiū nō. pbant, omnē ordinē ex Ecclesia tollere, infinita cōfusione cuius ex plebe ministeriū prostituere: ac (qđ Tertullianus hereticis tribuit) ex sacerdotib. laicos facere, & sacerdotalia munera laicis inuigere, ut nulla sit ministerij uel autoritas, uel dignitas, &c. Principiō igitur hęc calumnia remouēda est. Et meritō improbātur Anabaptistę & Enthusiastę, qui usum externi ministerij, uerbi & Sacramentorū, uel prorsus ex Ecclesia tollūt, uel fingunt inutile & nō necessariū esse: docene

enim potius sine usu externi ministerij, uerbi & Sacramentorum, nouas & peculiare reuelationes & illuminationes à Deo petendas & expectandas esse: & hanc rationem uocationis, illuminationis & conuersionis, multo præstantiorem et augustiorem esse, quàm si uoce ministerij utamur. Et Deus quidem est, cuius uirtute, operatione, efficacia, instinctu & afflatu, ea quæ ad uocationem, illuminationem, conuersionem, poenitentiam, fidem, nouitatē, & breuiter, quæ ad negotium salutis nostræ pertinet, in hominibus inchoamur, efficiuntur, augemur & conseruamur. Sed certo suo consilio Deus constituit, se uelle illa dispensare, non infusis in hominum animos, nouis & peculiaribus reuelationibus, illuminationibus & tractibus, sine aliquo medio, sed per externum ministerium uerbi. Illud uerò ministerium non angelis commendauit, ut illorum apparitiones petendæ & expectandæ sint: sed in hominibus posuit uerbum reconciliationis, & per illos uult sonare uocem Euangelij, diuinitus patefacti.

Sunt quidem omnes Christiani sacerdotes, 1. Pet. 2. Apoc. 1. eo quòd Spirituales hostias Deo offerant: quisq; etiam domi suæ, uerbum Dei docere potest, & debet. Deut. 6. 1. Cor. 14. Non tamen quiuis Christianus, publicum uerbi & Sacramentorum ministerium sibi sumere & arrogare debet. Non enim omnes sunt Apostoli, non omnes doctores,



doctores, 1. Cor. 12. sed qui peculiari & legitima uocatione, à Deo ad hoc ministerium segregati sunt, Acto. 13. Hieremie 23. Ro. 10. idq; sit uel immediate, uel mediate. Et quæ sit legitima ratio uocationis, quæ sit uoce Ecclesiæ, Paulus 1. Tim. 3. & Tit. 1. præscripsit. Et quidem ipse Christus, immediate quosdam ad hoc ministerium uocauit: ut ostenderet, se probare eorum ministerium, qui uoce Ecclesiæ, iuxta regulam ab Apostolis præscriptam, eliguntur & uocantur: quod postea latius explicabitur. Addita uerò est etiam promissio, Deum uerè efficacem esse per hoc ipsum ministerium docentium Euangelium: quod ipse filius Dei, perpetua uocatione uult in Ecclesia conseruare, sicut Paulus inquit Ephes. 4. Ascendit, dedit dona hominibus: & ipse dedit quosdam Apostolos, quosdam prophetas, alios Euangelistas, alios autem pastores & doctores, ad consummationem sanctorum, in opus ministerij, in ædificationem corporis Christi. Ad huius igitur ministerij usum, quod Deus & instituit, & in Ecclesia conseruat, deducendi sunt homines: & docendi, per hoc ministerium exhiberi nobis æterna bona: & quidem quòd hoc modo Deus nos recipiat, ac à peccato & potestate diaboli, & æterna morte nos eripiat, ac iusticiam & uitam æternam nobis restituat. Hoc uerò ministerium, potestatem habet diuinitus concessam: 2. Cor. 10. & 13. sed illam certis officijs &

limitibus circumscriptam: predicare scilicet uerbum Dei, errantes docere, peccantes corripere, segnes hortari, anxios consolari, infirmos erigere, contradicentibus resistere, falsam doctrinam taxare & damnare, uitia morum arguere, Sacramenta diuinitus instituta dispensare, peccata remittere & retinere, esse exemplar gregis, orare pro Ecclesia & priuatim & publicas preces Ecclesie præire, pauperum curam agere, conuincas publicè excommunicare, & uicissim resipiscētes recipere, & Ecclesia reconciliare: constituere ministros Ecclesie, iuxta Pauli præscriptum: instituere cū consensu Ecclesie, ritus seruientes ministerio, qui non pugnent cum uerbo Dei, nec onerent conscientias, sed faciant ad ordinem, grauitatem, decorum, tranquillitatem, ædificationem, &c. Hæc enim sunt, quæ ad duo illa capita pertinent, ad potestatem scilicet ordinis, & ad potestatem iurisdictionis.

Nec uerò de uocabulis dimicamus. Paulus generali appellatiōe uocat ministros, doctores, pastores. In Scriptura noui Testamēti, appellatio sacerdotum & sacerdotij, nusquam tribuitur ministerio noui Testamenti. Sed Ecclesiasticorum scriptorum usu inualuit, ministerium uocare sacerdotium, & ministros sacerdotes. Ita Chrysostomus *in epistolam* uocat, quicquid ad ministerium noui Testamenti pertinet. Augustinus de Ciuit. Dei, lib.

20 inquit: episcopi & presbyteri, propriè iam in Ecclesia sacerdotes uocantur. Si igitur hoc tantũ uellent Pontificij, in nouo Testamento esse externum sacerdotiũ, hoc est, externum ministerium uerbi & Sacramentorũ, sicut iam explicauimus: nulla esset controuersia, nec propter appellationem sacerdotij, mouerentur turbæ, modò res quæ ueræ & necessariae sunt, saluæ essent. Sed quid uelint & quærant, non obscurum est. Nam in primo hoc Canone expressè dicunt, se per sacerdotium, de quo dimicant, non intelligere officium & ministerium prædicandi Euangelium: sed in primo capitulo declarant, se propter sacrificium Missæ, de externo & uisibili suo sacerdotio pugnare: quod definiunt, principaliter esse potestatem sacrificandi Christum in Missa. Et tale sacerdotium ideo fingunt necessarium esse, ut Ecclesia habeat mediatore, qui causam eius coram summo iudice Christo agant: & actione illa sacrificij, offensum patris placent, & impetrent Ecclesiæ propitiationem, & alia cum spiritualia dona ad salutem necessaria, tum etiam corporalia ad hanc uitam pertinentia: imò liberationem animarum ex purgatorio. Sed hoc sacrificium non tantum commentum, sed contumeliosum & blasphemum esse in Christum, suprâ in loco de Missa ostendimus. Non igitur opus est, peculiarem hoc loco instituire refutationem. Quale enim sacrificium

est, tale etiam est sacerdotium. Hanc tantum com-  
 monefactionem addam, quòd primus Canon sacer-  
 dotium ipsorum ita sacrificio deuouet, ut à mini-  
 sterio uerbi liberet: id quod aliàs multo apertius  
 profitemur: ministerium scilicet docendi, dispen-  
 sationem Baptismi, et distributionem Eucharistiae  
 quae per diaconos fieri potest, non esse de substan-  
 tia sacerdotij Pontificij. Instituaturs itaq; collatio.  
 Christus dicit: *Ite, docete, praedicate, baptizate:*  
*Matt. 28. Marci 16. Paulus dicit: Episcopus tenax*  
*sit fidelis sermonis, ac potens exhortari per sanā*  
*doctrinam, & contradicentes conuincere: Tit. 1.*  
*sit aptus ad docendum, 1 Tim. 3. attendat lectioni*  
*& doctrinae, cap. 4. peccantes coram omnibus ar*  
*guat, cap. 5. & c. Apostoli ideo alijs officijs se exo*  
*nerant, ut possent instare doctrinae & orationi.*  
*Acto. 6. Paulus dicit. Non misit me Christus bap*  
*tizare, sed Euangelizare, 1. Cor. 1. Hec uerò quae ad*  
*ministerium uerbi, hoc est ad sacerdotium pertine*  
*re, Christus & Apostoli affirmant. Pontificij à*  
*substantia sui sacerdotij remouent. Dispensationē*  
*etiam Baptismi, & distributionem Eucharistiae,*  
*non uolunt propriè ad suum sacerdotium pertine*  
*re. Omnia igitur & singula, in quibus Scriptura*  
*ministerium noui Testamenti consistere tradit,*  
*Pontificij à suo sacerdotio remouent & separāt.*  
*Ex sacrificio uerò corporis & sanguinis Christi*  
*in Missa, quod praeter, imò contra Scripturam in*  
 Ecclesi-



Ecclesiam inuectum est, sicut in loco de Missa ostensum est, constitutum substantiam sui sacerdotij. Addunt etiam remissionem & retentionem peccatorum. Sed illam nolunt fieri uoce & annunciatione Euangelij, sicut Christus eam instituit, sed actu illo iudiciali, de quo in precedenti loco dictum est. Pontificium igitur sacerdotium, non est ministerium noui Testamenti, sed uerè abominatio Antichristi: stans in loco sancto. Veteres quidem aliquando dicunt, sacerdotum esse, offerre corpus & sanguinem Christi: sed quòd illud intelligant de administratione coenae Dominicae, iuxta Christi institutionem, supra in loco de Missa ostensum est. Nam & Paulus praedicationem Euangelij, uocat sacrificium. Multi qui haecenus inter Pontificios aliquid moderationis praese tulerunt, significarunt se optare talem sacerdotij reformationem, ut ministerium docendi, quòd iuxta Scripturae traditionem, ad ministerium noui Testamenti pertinet, sacerdotibus rursus curandum iniungeretur. Sed Tridentinum concilium simpliciter definit sacerdotium, actione sacrificij: & Canon 1. anathema denunciat illi qui dixerit, eos qui non exercent ministerium uerbi & Sacramentorum, non esse sacerdotes. Vnicum uerò fundamentum habent, quia scilicet in ueteri Testamento, fuit sacerdotium ad offerendas uictimas: & in nouo Testamento, est impletio umbrarum ueteris.

Sed inde non conficitur Pontificiorũ sacerdotiũ. Sacrificia enim ueteris Testamẽti, impleta & consummata esse in nouo, unica uictima ueri Pontificis nostri Christi, epistola ad Hebræos prolixè docet. Sed inquirunt. Paulus tamẽ disputat, 2. Cor. 3. si ministeriũ ueteris Testamenti, fuit in gloria, multa amplior erit gloria ministerij noui Testamenti. Respondeo: Quid sit ministeriũ illud noui Testamenti, & quæ officia ad illud pertineant, non est constituendum ex uano & aliæ ceremoniarum ueteris Testamenti: sed discendum est ex descriptionibus Christi & Apostolorũ, in nouo Testamẽto.

Caput 2.

Cum aut diuina res sit sancti sacerdotij ministerium, consentaneum fuit, quo dignius & maiori cum ueneratione exerceri posset, ut in Ecclesia ordinatissima dispositione, plures & diuersi essent ministrorum ordines, qui sacerdotio ex officio deseruirent: & ita distributi, ut qui iam clericali tonsura insigniti essent, per minores ad maiores ascenderent. Nam non solum de sacerdotibus, sed & de diaconis sacra li-

tera

teræ apertam mentionem faciunt: & quæ maximè in illorum ordinatione attendenda sunt, grauissimis uerbis docet: & ab ipso Ecclesiae initio, sequentiū ordinū nomina atq; uniuscuiusq; eorū propria ministeria, sub diaconi s. acolythi, exorcista, lectoris & ostiarij, in usu fuisse cognoscuntur, quāuis nō pari gradu. Nā subdiaconatus ad maiores ordines, à Patribus & sacris Concilijs refertur: in quibus & de alys inferioribus frequentissimè legimus.

Canon 2.

Si quis dixerit, præter sacerdotium non esse in Ecclesia catholica alios ordines, & maiores, et minores, per quos uelut per gradus quosdam in sacerdotium tendatur, anathema sit.

EXAMEN.

Hoc loco de septem suis ordinibus, hoc est, de umbra potius de larua inanium titulorum, quibus res ipse in ipsorum Ecclesia nec subsunt amplius nec adsunt, demicant Pontificij. Illud tamen

non gratis faciunt, sed propter pingues illas præbendas: quæ titulis illis, tunc cum uera adhuc ministerij officia, ipsis coniuncta erant, annexæ sunt. Illa præbendarum beneficia, ut collapsis & reiectis officijs, specie aliqua retinere possent, ex ocio suis titulis fecerunt totidem Sacramenta: atq; ideo de hac sua Helena pugnant.

Res autem ita se habet. Quia ad ministerium Ecclesiæ, multa pertinent officia, quæ in magna credentis populi frequentia non possunt commodè, omnia & singula ab uno uel à paucis expediri: ut igitur ordine, decenter, & ad ædificationem omnia fierent, coeperunt multiplicato Ecclesiæ cœtu officia illa ministerij, in gradus quosdam ministrorum distribui, quos τάξας seu τάγματα postea appellarunt: ut quisq; haberet designatam, certam quasi stationem, in qua certis ministerij officijs, Ecclesiæ in seruiret. Ita Apostoli principio curarunt ministerium uerbi & Sacramentorum, & simul etiam eleemosynarum contributionem & dispensationem. Postea uerò, crescente numero discipulorum, partem illam ministerij quæ ad eleemosynas pertinet, alijs quos diaconos nominabant, commendarunt. Et rationem quæ illud faciunt, assignant: ut scilicet ipsi, ministerio uerbi & orationi diligentius, sine auocamentis, instare possent. Actorum sexto. Et hæc prima origo graduum seu ordinum ministerij,



sterij, in Ecclesia Apostolica, ostendit quæ causa, quæ ratio, quis finis & usus debeat esse huiusmodi seu graduum seu ordinum: ut scilicet pro ratione coetus Ecclesiastici, singula officia quæ ad ministerium pertinent, commodius, rectius, diligentius, & ordine, cum aliqua gravitate, ad ædificationem obeantur. Et quia Apostoli, ex diaconis postea qui probati erant, assumpserunt ad ministerium docendi, ut Stephanũ & Philippum: colligitur hunc etiam, usum esse horum seu graduum seu ordinum, ut in minoribus prius præparentur & probentur, ut postea grauiora ministerij officia, tutius & cum utilitate ipsis cõmendari possint. Et hoc est quod Paulus dicit, 1. Tim. 3. Probenetur primum, & sic ministrent. item: Qui in diaconatu bene ministrauerint, gradum bonum sibi acquirent. Ita in Liturgia Amiochenæ ecclesiæ, Acto. 13. fuerunt prophete & doctores: quorum illi uel de futuris uaticinabamur, uel difficiliora Scripturæ loca interpretabantur: 1. Cor. 14. hi elementa doctrinæ Christianæ populo proponebant, Heb. 5. Paulus & Barnabas assumunt Marcum in ministrũ, Acto. 13. non ut corporalia tantum ipsis ministeria exhiberet, sed ut partes quasdam ministerij uerbi, ipsi commendare possent: sicut expressè dicit Paulus Acto. 15. In Corinthiaca ecclesia, fuerunt Apostoli, Prophete, doctores: quidam linguis loquebantur, quidam interpretabantur, quidam habebant

bebant Psalmos, quidam orationes, benedictiones,  
 & gratiarum actiones, non in priuatis exercitijs,  
 sed in publicis Ecclesie conuentibus. 1. Cor. 12. &  
 14. Ad Ephes. 4. recensentur hi ministerij gradus:  
 1. Apostoli, qui non erant ad certam aliquam Ec-  
 clesiam, nec per homines, sed immediate à Christo  
 uocati: & habebant mandatum ubiq; docendi, &  
 ornati erant testimonio spiritus et miraculorum,  
 quòd in doctrina non errarent, sed quòd diuina et  
 coelestis esset ipsorum doctrina, ad quam reliqui  
 doctores omnes alligati essent. 2. Prophetæ, qui  
 uel reuelationes habebant de futuris, uel qui lin-  
 guas & Scripturas interpretabantur pro proue-  
 ctioribus: hæc enim 1. Cor. 14. tribuuntur prophe-  
 tis noui Testamenti. 3. Euangelistæ, qui non erant  
 Apostoli, & tamen non erant ad unam certam ali-  
 quam Ecclesiam destinati, sed mittebantur ad di-  
 uersas Ecclesias, ut ibi Euangelium docerent, præ-  
 cipue uerò, ut prima fundamenta iacerent. Talis  
 Euangelista fuit Philippus, Acto. 21. Timotheus,  
 2. Tim. 4. Tychicus, Syluanus, &c. Tales etiam E-  
 uangelistas post Apostolorum tempora fuisse te-  
 statur Eusebius lib. 3. ca. 37. &c. 4. Pastores,  
 qui certo gregi Ecclesie præfecti erant: sicut ostē-  
 dit Petrus, 1. Pet. 5. & non tantum docebant, sed et  
 Sacramenta administrabant, & habebant inspe-  
 ctionem auditorum: sicut Ezechiel cap. 34. offici-  
 um pastatus describit. 5. Doctores, quibus non  
 erat

erat commendata præcipua Ecclesiæ gubernatio  
 uel inspectio, sed tantū doctrinā simpliciter popu-  
 lo proponebāt: quales postea fuerūt *λεγέμενοι*.  
 Ita Rom. 2. Paulus uocat *διδάσκαλον ὑπὸ νόμῳ*. Et  
 ita in hac significatione expressè usurpatur uerbū  
*διδάσκων*, Heb. 5. Hos uerò gradus oēs, Apostoli  
 cōplectūtur appellatione Presbyterij & Episco-  
 patus: aliquādo etiā generali appellatione uocāt  
 diaconos, quib. ministeriū uerbi & Sacramētōrū  
 cōmissum est. Col. 1. 1. Thes. 3. 2. Cor. 3. et 11. Eph. 3.  
 Ipse etiā Paulus aliquādo ministeriū uerbi ita cura-  
 uit, ut Sacramētōrū administrationē alijs cōmen-  
 daret. I. Cor. 1. Nō misit me Christus baptizare, sed  
 Euāgelizare. & 1. Tim. 5. meminit dupliciū pre-  
 byterorū: quorū alij laborabāt in uerbo & doctri-  
 na, alij cēsuris Ecclesiasticis præpositi erāt: cuius  
 presbyterij etiā Tertul. meminit, in Apologet. cō. c.  
 39. Hi ferme gradus sūt, in quos distributa legūtur  
 officia ministerij Ecclesiastici, tpe Apostolorū. Et  
 habet illa distributio, exēpla ueteris etiā Testamē-  
 ti. David. n. 1. Par. 23. & sequētibus, ministeriū tē-  
 pli, in certos gradus seu ordines distribuit. Fuerūt  
 etiā in synagoga lectores, qui tantum textū Scri-  
 pturæ legebant. Fuerūt uerò præterea doctores,  
 qui interpretabamur Scripturā, & accōmodabāt  
 textum ad exhortationes. Luc. 2. Acto. 15. Et  
 hac fuit differentia inter scribas & phariseos.  
 Addenda uerò est propter præsentē disputationē,

hæc commonesactio. 1. Non esse uerbo Dei mandatum, qui uel quot, tales seu ordines esse debeant. 2. Nō fuisse tēpore Apostolorū, in omnibus Ecclesiis, & semper, eosdē & totidē gradus seu ordines id quod ex epistolis Pauli, ad diuersas Ecclesias scriptis manifestē colligitur. 3. Non fuit tempore Apostolorum, talis distributio graduū illorū, quin sepius unus & idem, omnia illa officia que ad ministeriū pertinent, sustineret & exequeretur: id quod ex Apostolica historia manifestum est. Libera igitur fuerunt tempore Apostolorum, tales ordinationes, habita ratione ordinis, decori & edificationis: nisi quòd tunc peculiaria quedā dona, ut linguarū, Prophetiæ, Apostolatus, & miraculorū, certis quibusdam personis à Deo collata fuerunt. Illi uerò gradus, de quibus hætenus diximus, nō fuerunt aliquid præter & extra ministerium uerbi & Sacramentorum: sed ipsa & uera officia ministerij, in gradibus illis distributa fuerunt, propter causas iam expositas.

Illud Apostolorum exemplum, primitiua Ecclesia eādē ratione, & simili libertate imitata est. Gradus enim officiorū ministerij distributi fuerunt: non autem eādē planē ratione, sicut in Corinthiaca, uel in Ephesina Ecclesia, sed pro ratione circumstantiarum cuiusq; Ecclesiæ. Vnde colligitur, quæ fuerit in distributione illorum graduum libertas.

Dionysius



# CONCILII TRIDENTINI. 115

Dionysius cap. 5. suæ hierarchiæ, expressè tres tantum ordines numerat: 1. ἱερεὺς, cui tribuit summum & perfectissimum docendi officium, in declaratione omnium mysteriorum Christi, & administrationem Sacramentorū. 2. τὸν ἱερωὴν sacerdotum, qui in catechesi institutum, plenius erudiunt, & ad Pontificem ducunt, adiuvant in ijs quæ ad Sacramentorum administrationem pertinent. 3. τὸν λειτουργῶν ministrorum, quibus tribuit officium purgandi & præparandi initiandos, hoc est, catechizandi. Et cap. 3. Ministrorum, inquit, officio, sacrarum Scripturarum lectio suo ordine recitatur. Item: Ministrorum alij pro claudendis templi foribus astant, quando eijciuntur catechumeni pœnitentes energumeni: alij aliud officium habent, exuunt baptizandum. &c. Vides, numerat multa ministerij officia: nec tamen singulis peculiares ordines attribuit, sed tres tantum ordines numerat. Canones Apostolorum nominant Episcopum, presbyterum, diaconum, lectorem, & canorem: non autem ibi mentio fit hostiarij, exorcistæ, acoluthi. Ambrosius in 4. caput ad Ephesios, describens gradus officiorum ministerij sui temporis, recenset Episcopos, presbyteros, diaconos, lectores exorcistas. In libello qui Hieronymo inscribitur, de septem gradibus Ecclesiæ, non recensentur exorcistæ & acoluthi. Non igitur catholicū dogma est, de septem illis ordinibus.

Quidam uerò ueterum plures, ultra septem illos numerant ordines. Ignatij epistola annumerat *ἐκκλησιαστικὰς*, quos Epiphanius uocat *ἐκκλησιαστικούς*. Hieronymi libellus uocat fossores, qui scilicet mortuorum funera curabant, & sepe liebant. Græcis est peculiare officium *συντελεστών*. Ignatius ordinibus annumerat, confessores: Clemēs, catechistas Canonistæ numerant 9. ordines: psalmistas enim et Episcopos annumerant. Multiplicatio uerò Ecclesiasticorum ordinū, inde postea orta est. Cyprianus enim libro 3. epist. 22. ostendit, talem fuisse disciplinam, ut nihil quod in Ecclesia & rebus Ecclesiæ etiam si non propriè ad ministerium uerbi pertineret, agendū esset per alios exequerentur quàm per clericos. Atq; ita pedissequos, seu famulos Episcoporum & presbyterorū, oportebat esse clericos. Inde postea ex clericis sumpti sunt *οἰκονομοί*, defensores, uicedomini, maiores domus. Erant igitur clerici, qui peculiari et arctiori disciplina formabantur & preparabantur ad ministerium Ecclesiæ. Atq; illi primū ad minora quedam officia adhibebantur, ut in illis studium, diligentia, fides & grauitas ipsorum probaretur, an idonei futuri essent ad maiora & grauiora ministerij officia. Et in frequentioribus Ecclesijs, cum presertim undiq; ex agris, uicis & oppidulis ad metropolitānam Ecclesiam, presertim in solennioribus festis, conueniendum esset, sicut multi ueteres

CANONES

Canones hoc præcipiunt, unus uel pauci, nõ potuerunt omnia & singula ministerij officia obire. Distincti igitur fuerunt gradus seu ordines non ociosis titulis, sed certis officijs, ad ministerium Ecclesie pertinentibus. Erat episcopus tractans uerbum Dei, & curans disciplinam Ecclesie. Erant presbyteri, docentes & administrantes Sacramenta. Erant diaconi, præfati thesauris Ecclesie, ut inde pauperum, & præcipue ministrorum Ecclesie, sustentationem curaret. Postea diaconi etiam ad subleuandam partem aliquam ministerij episcopi & presbyterorum, adhiberi cœperunt: sicut testatur etiã Hieron. ad Rusticũ: ut ad prælegendũ aliquid ex Scriptura, ad docendũ, exhortandũ, &c. monere populum, ut intenti, essent, corda haberent ad Dominũ, pacẽ annũciare, parare ea quæ pertinet ad administrationẽ Sacramentorum, distribuere populo Sacramenta, ordinãdos deferre ad Episcopũ, de ijs quæ ad disciplinam pertinet, monere Episcopos, &c. Cõqueritur aut̃ Hieron. ad Rusticũ Narbonẽsem, talia multa diaconis, in Romana præsertim ecclesia imposita fuisse, præter Apostolicã disciplinã, & præter morẽ aliarũ Ecclesiarũ: ita ut primũ et uerũ diaconorũ officiũ, in diaconis ferme obliteratũ fuerit. Quia. n. nouis illis officijs diaconi occupabantur, substituti fuerunt illis subdiaconi, qui oblationes fidelium, quæ pro sustentatione pauperum & ministrorum cõtribuebantur, colligebant.

Erant præterea lectores, qui ex Scriptura præsertim ex ueteri Testamento, publicè populo prælegebant. noui enim Testamenti lectio postea diaconis attributa est. Erant Psalmistæ seu cantores, qui præcinebant, quæ totus populus canere solebat. Erant ostiarij, seu ianitores, qui tempore mysteriorum, post denunciationem diaconi, templo eiciebant gentiles, catechumenos, pœnitentes, energumenos, hæreticos, & excommunicatos. ita enim Dionysius hoc officium describit. Episcopi, presbyteri, & diaconi, habebant suos famulos, ministros, comites seu affectatores, quorum opera, si necessitas exigebat, utebantur: sicut Paulus Onesimi opera usus fuit. Illos nominarunt ἀνοδῶτες: unde postea in scitia fecit caroserarios. Erant præterea exorcistæ qui donum habebant eiiciendi aut compescendi dæmonia.

Hæc distributio graduum, in frequentioribus Ecclesijs, ratione officiorum quæ ad ministerium pertinent, utilis fuit, ordinis gratia, ad decorum et ad ædificationem. In minoribus uerò, seu rarioribus Ecclesijs, non necessaria iudicata fuit talis graduum distributio: & in frequentioribus etiam, non ubique similis & eadem fuit graduum illorum distributio. Hæc uerò ratione, in hunc usum, & ea libertate, pleriq; illi ueteris Ecclesiæ gradus, apud nos etiam seruantur.

Hæc recensui, ut eo commodius ostendi possit,  
quid



quid in hoc capitulo, de gradibus seu ordinibus Ecclesiasticis, in controuersia positum sit. Neque enim distributionem illorum graduum, qualis fuit in Apostolica & in ueteri Ecclesia, simpliciter reijcimus aut damnamus: sed pro ratione necessitatis & edificationis, in nostris Ecclesijs illa utimur, eo modo, sicut dictum est. Hoc uerò iuste & merito in Pontificijs ordinibus reprehendimus: 1. quòd titulos sine re, & beneficia titulorum sine officijs, retineant & usurpent. Cum enim Canonici, officia ministrij uerbi & Sacramentorum, ex suis amplissimis templis, ad angustas & humiles parrochiarum aedículas, ubi unus uel duo omnia ministerij officia obire cogeantur, reiecissent, retinuerunt ipsi ociosos quidem titulos, quia si ministerij officijs: nō tamen inanes titulos, propter pingues enim præbendas titulos ordinum retinuerunt. Episcopi non amplius docebant, presbyteri non administrabant populo Sacramenta, non contribuebantur amplius oblationes, cum Ecclesie satis dotatae essent. Ad quid igitur opus fuit uel diaconis uel subdiaconis? disciplina eiijcēdi catechumenos, poenitentes & energumēnos, iam dudum collapsa est. Quis igitur usus est ostiariorū? ut enim fores tēpli occludantur, ut canes expellantur, ut pāuimentū purgetur, ad illud non est opus peculiari ordinis Sacramento. Lectores non legunt, ut populus intelligat: Cantores non præci-

nunt, ut populus simul canat. Nō igitur habēt uel  
lectores uel Cantores quales in ueteri Ecclesia fue-  
runt: nō habēt donū expellēdi demonia. qualis igi-  
tur apud ipsos ordo est exorcistarū? Ministri Epi-  
scoporū & presbyterorū, equites et milites sunt:  
et tamē de Sacramento ordinis acoluthorū multa  
spūtat. Prorsus nullus igitur ueri ministerij Eccle-  
siastici gradus seu ordo in eo officio, sicut in Apo-  
stolica et ueteri Ecclesia fuit, apud Pōtificios repe-  
ritur, sed uacuos tātū titulos habēt. Hoc etiā in lu-  
dibriū uerterūt, q. iuxta ueteres canones, nemo ad  
superiores ordines assumi debet, nisi prius in mi-  
norib. probatus fuerit. Vel. n. simul, uel exiguo in-  
teruallo, conferūt omnes minores ordines: et in il-  
lis ipsis tamē, nullas ueras ministerij functiōes exer-  
cēt, quib. ad uerbi et Sacramētorū ministeriū prae-  
parari possent. 2. Titulis illis adulterina suppo-  
suerūt officia, reiecto uerō et legitimo ministerio  
uerbi & Sacramentorū. Ex episcopatu enim fecerunt  
politicā dominationē, ex presbyteris fecerūt  
sacrificulos, ex acoluthis fecerunt ceroferarios.  
quia. n. ueteres alicubi dicūt, fuisse ministros lumi-  
nariū, in nocturnis cōuentibus, Pōtificij finxerunt  
acolytum Græcis significare Latinis ceroferariū,  
solē in media luce facib. illuminantem: interpreta-  
tionē prorsus falsa, inepta et barbara. Ex ostiarijs  
fecerunt thesaurarios. Lectores & cantores quan-  
tum à forma ueteris Ecclesie degenerarint, sola

collatio ostendit. Et postremo, omnes ordines, maiores & minores, tandem transformati sunt in lectores & catores: quid. n. aliud quotidie agūt? idq; cōtra ipsos Canones, dist. 92. In sancta Romana. Exorcistas transformati in magicos incātatores. Olim enim fuit peculiare donū, uoce humana, & potestate diuina flagellare, urere, torquere, et de corporibus exigere diabolū: uel certe compefcere. Fuisse donum illud suo adhuc tempore in Ecclesia. Tertullian. testatur in Apologetico. Et Cyprian. lib. 4. epist. 77. Quod hodie, inquit, etiam geritur per exorcistas. Ambrosius etiam lib. 1. ca. 4. 4. Alius exorcizādis qui malo laborant spiritu, sollicitior. Augustini etiam tēpore donū illud adhuc fuisse, colligitur li. 10. de Ciuit. cap. 22. Chrysost. uerō & Prosperi etate, obsessi in templū adducebantur, & sepe cōmunibus Ecclesie precibus liberabantur. Postea cum donū illud desisset, ut tamen exorcistarum ordo retineretur aliud excogitatum fuit: quod ipsis tribueretur officiū: ut scilicet catechumenos baptizādos, exorcismi & exufflationibus prepararēt ad Baptismum: sicut testatur liber de Ecclesiasticis dogmatibus, cap. 51. Et Nazianzenus inquit: Ne agra feras exorcismi culturam longiorem, neque ob illius prolixitatem defatigeris. Sed non fuit talis peculiaris exorcizandi actio, in Apostolica Ecclesia, nec exorcistarum iusteris Ecclesie hoc fuit officiū: & nunc illud

ne apud Pontificios quidem seruatur. Ostendit autem hoc exemplum, quid faciat *νανοζήλεια*. Cum donum eiijciendi demonia desisset, & tamen uellent ordinem exorcistarum retinere: aliud & nouum quod ipsis tribueretur, excogitatum est officium. Quidam uerò recitationem exorcismorum retinuerunt, cum tamen donum eiijciendi demonia non haberēt. Inde tandem ad supersticiosos exorcismos, & ad magicas uerius incantationes, *νανοζήλεια* illa transijt. Cumq; ipsi demones, exorcismis illis iam illudāt, nihil reliqui nūc est apud Pontificios, de exorcistarū officio, præter nudū titulū: qui enim exorcismis apud ipsos utuntur, non sunt illi qui peculiariter ad hoc ordinati sunt. Quomodo igitur functionē exorcistarū, qualis fuit in ueteri Ecclesia, restituere pollicentur Tridentini patres? cū donū illud eiijciendi demonia, nec habeant, nec conferre possint. In ueteri Ecclesia fuerūt Prophetæ seu uates, fuerunt etiā Euāgelistæ, sicut testatur Euseb. li. 3. cap. 37. Quā inceptū uerò esset, cū dona illa desierint, uelle iā inde peculiare ordines in Ecclesia facere? Et idē est de Exorcistis etiam.

Tertium quod in Pontificiorū doctrina de Ordinib. improbamus, illud est. quod fingunt ex institutione & mādato Christi, & ex Apostolorū traditione, necessariū esse ut tot ordines sint in singulis Ecclesijs. Antea enim diuersum ostendimus, ex Apostolica historia. Et patres, quorū etate fuit talis gradus.



lis graduū ministerij Ecclesiastici distributio, expresse fatentur, illam non esse uel mandati diuini, uel traditionis Apostolicae. Ambrosius enim in 4. cap. ad Ephes. cum ordines suae Ecclesiae recensuisset, subiicit: olim Episcopum omnia officia Ecclesiae, in ministerio fidelium impleuisse: sed postquam omnibus locis Ecclesiae, sunt constituta, & officia ordinata, aliter compositam rem fuisse, quam coeperat. Et mox addit: Ideo non per omnia conueniunt scripta Apostoli, ordinationi quae nunc est in Ecclesia: quia haec inter ipsa primordia sunt scripta. Et Hugo dicit. Ordines istos diuersis locis disponi, non solum uoluntaria ordinatione spiritualium patrum, sed ex ipso quoque gentilitatis usu, conuenienti ratione assumpta. Quam bellum igitur figmentum est, Christum ipsum per omnes illos ordines transisse fuisse: ostiarium, quando euentes & uedentes templo expulit: Lectorem, cum in Isaia legeret ex libro: exorcistam, quando daemones expulit: acolythum, quando dixit, Ego sum lux mundi: subdiaconum, quando discipulorum pedes lauit: diaconum, quando distribuit Eucharistiam: presbyterum, quando in ara crucis se obtulit, & Eucharistiam consecrauit.

Postremo, ideo de ordinibus illis dimicant Pontificij, ut ex singulis peculiaria faciant Sacramenta, etiam si ociosi tantum pretendantur tituli. Atqui augustum est Sacramenti nomen in Ecclesia: nec ita prostituendum est, ut ad caeroferos deijciatur,

160 EXAMEN DECRETORVM  
uel ad illos qui canes ex templis nunc abigunt.

CAPVT III.

Cum Scriptura testimonio, Apostolica traditione, & Patrum unanimi consensu perspicuū sit, per sacram ordinationē (qua uerbis & signis exterioribus perficitur) gratiā conferri: dubitare nemo debet ordinem esse uerē & propriē unum ex septem sanctæ Ecclesiæ Sacramentis. inquit enim Apostolus: Admoneo te, ut resuscites gratiā Dei quæ est in te, per impositionē manuum mearum. Nō enim dedit nobis Deus spiritum timoris, sed uirtutis, & dilectionis, & sobrietatis.

Canon 3.

Si quis dixerit, ordinem siue sacrā ordinationem non esse uerē et propriē Sacramentum, à Christo Domino institutum: uel esse figmentum quoddā  
huma-

humanum, excogitatū à uiris rerum  
Ecclesiasticarum imperitis: aut esse  
tantū ritum quendam eligendi mi-  
nistros uerbi Dei & Sacramētorum,  
anathema sit:

Canon 4.

Si quis dixerit, per sacram ordina-  
tionem nō dari Spiritum sanctum, ac  
proinde frustra Episcopos dicere: Ac-  
cipite Spiritum sanctum: aut per eam  
non imprimi characterē, uel eum qui  
sacerdos semel fuit, laicum rursus fieri  
posse, anathema sit.

Canon 5.

Si quis dixerit, sacram unctionem,  
qua Ecclesia in sancta ordinatione u-  
titur, non tantū nō requiri, sed con-  
temnendam & perniciosam esse, simi-  
liter & alias ordinis ceremonias, a-  
nathema sit.

## EXAMEN.

Hoc loco questio illa disputatur, An ordinatio sit uerè & propriè Sacramentum noui Testamenti? Et de re ipsa prius dicendum est, ut postea de appellatione Sacramenti facilius & rectius constitui possit. Ministerium igitur uerbi & Sacramentorum, sicut supra illud descripsimus, institutum esse à filio Dei in nouo etiam Testamento, nullum est dubium. Habet etiam Ecclesia mandatum, de uocandis & constituendis ministris. Et addita est promissio, 1. Deum approbare ministerium illorum, qui uoce Ecclesie uocati, & ad ministerium segregati sunt. Ita Act. 20. Paulus dicit, eos qui mediatè uocati erant, à Spiritu sancto cōstitutos esse, ad pascēdam Ecclesiā Dei. Et Ephes. 4. scribitur, filium Dei dare dona non tantum Apostolos, uerum etiam pastores & doctores qui mediatè uocantur. 2. addita est promissio, Deum daturum gratiam & dona, quibus ea quæ ad ministerium pertinent, rectè fideliter & utiliter præstare & exequi possint qui legitimè uocati sunt. Iohan. 20. Accipite Spiritum sanctum. item; Tunc aperuit illis mentem, ut intelligerent Scripturas. Matt. 28. Ecce ego sum uobiscū &c. 1. Tim. 4. Noli negligere donum quod in te est, per prophetiā, cum impositione manuum presbyterij. 2. Tim. 1. Resuscita donum quod est in te, per impositionem manuum mearum. Luc. 21. Dabo uobis os & sapientiam.

Matt.



## CONCILII TRIDENTINI ue,

Matt. 10. Dabitur uobis in illa hora, quid loquimini. Non enim uos estis qui loquimini, sed spiritus patris uestri qui loquitur in uobis. 3. addita est & hæc promissio, Deum adesse ministerio, dare sua benedictione, plantationi & rigationi incrementum, & uerè efficacem esse per ministerium: uocare, illuminare, conuertere, dare poenitentiam, fidem, regenerationem, renouationem: & breuiter, totum negotium salutis dispensare per ministerium. Matt. 28. Ecce ego uobiscum sum. Ioan. 20. Accipite Spiritum sanctum, quorum remiseritis peccata, &c. Matt. 16. Tibi dabo claues regni cœlorum, quæ solueris in terra, soluta erunt in cœlo. 2. Corint. 3. Est ministerium non literæ, sed Spiritus qui uiuificat, tollit uelamen à cordibus, conuertantur & liberantur, ut reuelata facie gloriam Domini cōtemplantes, in imaginē eius transformemur. 2. Corinth. 5. Posuit in nobis uerbum reconciliationis: legatione igitur pro Christo fungimur, Deo exhortante per nos. 2. Cor. 13, An experimētum quæritis eius qui in me loquitur Christus? Ephes. 4. Dedit dona hominibus, Apostolos, pastores, doctores, ad coagmentationem sanctorum, in opus ministerij, ad edificationem corporis Christi: ut omnes occurramus in unitatem fidei & agnitionis Christi, ne fluctuemus & circumferamur omni uento doctrine, &c. 1. Cor. 3. Deus incrementum dedit. 1. Cor. 15. Non erit labor

bor uester inanis in Domino Rom. 1. Dedit mihi gratiam & Apostolatam, ad obedientiam fidei. Impartiar uobis aliquid gratiae spiritualis. Euangelium est potentia Dei, ad salutem omni credenti. 1. Tim. 4. Attende doctrinae: hoc enim faciens, tu ipsum saluum facies, & eos qui te audiunt. 1. Cor. 4. In Christo per Euangelium ego uos genui.

Haec amplissima & dulcissima promissiones de ministerio, quasi in illustri loco posita extare debent in Ecclesia, ut dignitas ministerij ornetur contra phanaticos: utq; illi quibus ministerium comendatum est, maiori alacritate labores obeant, & difficultates tolerant: & homines reuerenter discant ministerio uti. Sine praedicatione enim & auditu uerbi, non est fides, inuocatio & salus. Rom. 10. Nemo autem potest praedicare, ut ex auditu fides sequatur, nisi missus sit. Roman. 10. Deinde constat & hoc, uocationem ad ministerium Euangelij, debere publicum testimonium, & publicam testificationem Ecclesiae habere, propter illos qui currunt, & non sunt missi. Ierem. 23. Ideo Apostoli eorum uocationem, qui legitime ad ministerium uerbi & Sacramentorum electi erant, publico aliquo testimonio, & publica testificatione Ecclesiae declarabant, & quasi designabant. Nam & Paulum immediate uocatum Spiritus sanctus publica Ecclesiae testificatione, renuciari et designari uoluit, quod esset gentium Apostolus. In illa uero uocatione

nis publica approbatione, testificatione, seu renū-  
 ciatione, cum esset publica actio Apostoli externū  
 ritū impositionis manuum, qui illo tempore, in illo  
 populo usitatus erat, adhibuerunt, cū propter pu-  
 blicā uocati designationē, tum uerò propter pre-  
 ces & orationes, quæ ab uniuerſa Ecclesia, super  
 personā uocatam fiebant. Ad hanc actionem ual-  
 de accommodatus fuit ritus impositionis manu-  
 um: ut persona illa Ecclesiæ publicè designare-  
 tur & renunciaretur, legitimè esse electa & uo-  
 cata. Hoc enim ritu Moses Deuteronom. 34.  
 populo designat & renunciat uocationem Iosue,  
 successoris sui. 2. Vt hoc ritu ille qui uocatus  
 erat, de legitima & diuina sua uocatione con-  
 firmaretur: & simul admoneretur, se destina-  
 ri, addici, & quasi deuoueri ad ministerium &  
 cultum Dei. Ita uictimis imponebantur ma-  
 nus. Et ita Iosue confirmatur in sua uocatio-  
 ne. 3. Vt esset quasi publica & solennis Eccle-  
 siæ coram Deo protestatio, in electione & uoca-  
 tione seruata esse formam & regulam, à Spi-  
 ritu sancto præscriptam.

Ideo Paulus inquit 1. Timoth. 5. Manus citò  
 nemini imposueris, nec communices peccatis alie-  
 nis. 4. Vt illo uisibili ritu significetur, Deum ap-  
 probare uocationem, quæ sit uoce Ecclesiæ. sicut  
 enim uoce Ecclesiæ Deus ministros eligit, ita etiā  
 testificatione Ecclesiæ, uocationem approbat.

Ita diaconorum uocatio, approbatur. Actor. 6. Et inde fit, quòd Deus largitur gratiā per impositionem manuum, 5. In orationibus, quando super personam aliquam peculiariter inuocabatur nomen Domini, adhiberi solebat impositio manuum: qua persona illa, quasi offerretur Deo, & sifteretur in conspectum ipsius, additis supplicationibus, ut Deus gratiam & benedictionem suam, illi largiri dignaretur. Ita iacob imponit manum pueris quibus benedicit, Gen. 48. ita presbyteri orant super ægrotos, iacobi 5. ita Christus imponens manus, benedicit paruulis, Marc. 10. Et quia multum ualet deprecatio iusti, si fuerit *ὁσιώδης*, hoc est, actiua seu operosa: ut igitur in ordinatione ministrorum, considerata muneris illius utilitate & difficultate, propositis etiam impedimentis sathane, mundi & carnis, significaretur quā necessaria sit peculiaris gratia & benedictio diuina, atque ita oratio Ecclesie accenderetur, et iuxta iacobū redderetur actiua seu operosa: ideo exhibitus fuit externus ritus impositionis manuum. Additum etiam fuit ieiunium orationi: Actorum. 13. Et hæc seria oratio in ordinatione ministrorum, quia nititur mādato & promissione diuina, non est irrita. Hoc uerò est quod Paulus dicit: Bonum quod est in te, per impositionem manuum.

Si hoc modo intelligatur ordinatio, de ministerio uer-



rio uerbi & Sacramentorum, iamdudum Apologia Augustanæ confessionis, nostrarum Ecclesiarum sententiam declarauit: nos non grauatum ordinem upcaturus Sacramentum. Et additur ibi: Neque impositionem manuum, uocare Sacramentum grauabimur. Latè enim uocabulum Sacramenti patère, supra ostendimus. Ita Augustinus lib. 2. contra Parmenianum dicit, ordinationē Sacramentum esse, quia consecratione quadam homini conferatur.

Addenda uerò est hæc commonefactio, ritum ordinationis, discernendum esse à cerimonia Baptismi & cœnæ Dominicæ: non enim eadem ratione ordinatio est Sacramentum, sicut Baptismus & cœna Domini. Et discrimen manifestum est. Baptismus & cœna Domini, sunt media seu organa, per quæ Deus promissionem reconciliationis seu remissionis, applicat & obsignat singulis credentibus, qui Baptismo & cœna Dominica utuntur. Tale uerò medium seu organon, non est ritus ordinationis: neque enim omnes ordinandi sunt, qui cupiunt & petunt sibi applicari & obsignari remissionem peccatorum. Multi etiam, ut Iudas, accipiunt quidem & habent gratiam ordinationis, non autem habent gratiam reconciliationis, seu remissionis peccatorum. Est igitur discrimen inter promissiones quæ additæ sunt ordinationi, & quæ Baptismo & cœnæ Do-

*minicae additæ sunt. Deinde etiam in ipsa ce-*  
*remonia, seu ritu externo discrimen est. In Ba-*  
*ptismo enim & coena Dominica, ipse filius Dei*  
*instituit, præscripsit & mandauit certum exter-*  
*num elementum, certam ceremoniam seu ritum.*  
*In ordinatione uerò, sicut eam nunc intelligimus,*  
*Christus semel adhibuit externū symbolum, cum*  
*die resurrectionis insufflaret in discipulos, Iohan-*  
*nis uigesimo. Non autem addidit mandatum, ut*  
*Ecclesia ritum illum insufflationis, in ordinatio-*  
*ne ministrorum imitaretur. Et Marci tertio, Mat-*  
*thæi decimo. Lucae 9. & 10. dedit uirtutem &*  
*potestatem Apostolis, & septuaginta discipulis,*  
*cum ministerium ipsis commendaret: sed ad illam*  
*collationem, nullo externo uel simbolo uel ritu*  
*usus legitur. Ante ascensionem, in Galilea, Mat-*  
*thæi 28. Marci 16. cum dicit: Ite in orbem uni-*  
*uersum, prædicate, baptizate, &c. ibi addit qui-*  
*dem promissionem: Ego uobiscum sum. sed nul-*  
*lum uisibile signum, seu ritum externum adhi-*  
*bet. Ita in ultima coena, cum dicit, Hoc facite:*  
*nullum externum ritum ordinationis adhibuis-*  
*se legitur. Et dignum est consideratione, quòd A-*  
*postoli cum uellent adhibere externum aliquem*  
*ritum in ordinatione, non sumpserunt symbolum*  
*insufflationis, quo tamen Christus usus fuit: ne*  
*scilicet existimaretur, Christum dedisse manda-*  
*tum, de usurpando ritu illo insufflationis. Sum-*  
*pserunt*

pserunt igitur alium ritum indifferentem & liberum, impositionis scilicet manuum, neque enim necessitatem uoluerunt Ecclesijs imponere, de qua ipsi nullum habebant Christi mandatum. Habet igitur ministerium uerbi et Sacramentorum, promissiones diuinas, & illis nititur oratio in ordinatione: sed illæ promissiones non sunt alligandæ ritui impositionis manuum, de quo nec mandatum Christi, nec talis promissio extat, sicut de ritu Baptismi & cœnæ Dominicæ. Hæc commonefactio propterea addenda est: Pontificij enim contendunt, ordinationem uerè & propriè esse Sacramentum noui Testamenti, sicut est Baptismus & cœna Domini.

Hanc sententiam ideo explicare uolui, ut constet quid Augustana confessio, de ordinatione ministrorum uerbi & Sacramentorum sentiat. Tridentina uerò congregatio in 3. Canone expressè dicit, se ordinationem de qua dimicat, non intelligere ritum eligendi ministros uerbi Dei & Sacramentorum. hoc est: Pontificij Sacramentum ordinis, non intelligunt de ministerio uerbi & Sacramentorum, ita sicut iam Scripturæ sententiam exposuimus: sed intelligunt de sacrificio pro uiuis & mortuis, per quod sacerdotes impetrent uiuis gratiam Dei, & omnia necessaria dona, mortuis uerò liberationem ex purgatorio. Et hoc uolunt quando disputant, in ordinatione

DD 2<sup>o</sup> conferri

conferri gratiam, & dari Spiritum sanctum. Secundo, exterioribus signis & ritibus, de quibus nullum extat uel mandatum uel promissio Dei, ita alligant gratiam Dei, ut fingant eum cui omnes ritus Pontificie ordinationis adhibiti non sunt, non posse habere gratiam quæ ad ministerium necessaria est, non posse peccata remittere, non consecrare Sacramentum corporis & sanguinis Christi: eum uerò qui ipsorum ritibus ordinatus est, etiam si nunquam exerceat, uel exercere cogitet ministerium uerbi et Sacramentorum, habere tamen propter ritus illos, perpetuò impressam ordinis gratiam, & Spiritum sanctum. Tertiò, in ipsis exterioribus ritibus ordinationis, ab exemplo Apostolorum procul recesserunt. Diximus de Apostolorum modestia, quòd noluerint symbolum in sufflationis, in ordinationibus usurpare, quo tamè Christus usus fuit cum non haberent mandatum Christi: nec sine promissione diuina, uoluerunt sibi hoc sumere, quasi afflatu suo possent conferre Spiritum sanctum. Sed suffraganeus apud Pontificios, sine pudore sibi hoc arrogat. Insufflans enim in ordinatorum, inquit: accipite Spiritum sanctum. Sed ubi mandatum? ubi promissio? Et blasphemia est fingere, in fetido suffraganei anhelitu, inclusum esse Spiritum sanctum, ut in sufflando dicere possit: Accipe Spiritum sanctum. In concilio Aphricano 4. describuntur ritus, quomodo  
externa



externa traditione certorum instrumentorum, additis uerborum admonitionibus, soliti tunc fuerint uocatis commendari gradus ministerij Ecclesiastici. Et utilis fuit disciplina, ut de officio suo admonerentur uocati. Sed hæc ita interpretari, ut accedentibus uerbis illis ad ritus istos, fiat inde sine mandato & promissione Dei, tale Sacramentum, sicut quando in Baptismo & cœna Domini, uerbum accedit ad elementum, & fit Sacramentum: hoc profectò est prophanare & nomen, & actiones Sacramentorum noui Testamenti: quorum fundamentum, est mandatum & promissio Dei. Ioas 2. Paral. 23. ritu pulcherrimo, additis imprecationibus, ordinatur in regem. In scholis in promotionibus adhibentur externi ritus, & certa quædã uerba. Num uerò ideo hæc Sacramenta erunt?

Sed unctio est, de qua præcipuè Pontificij pugnant, quando de Sacramento ordinis disputant. id quod non dissimulat 5. Canon. Manifestissimū uerò est, nec Christum, nec Apostolos externam unctionē adhibuisse in ordinatione ministrorum uerbi & Sacramentorum. Dionysius in sua hierarchia dicit quidem, episcopum uti unguento ad omnem fermè sacerdotalis officij functionem. sed in ordinatione, nullam facit mentionem unctionis: adhibet autem tantū ritum impositionis manuum: sicut manifestum est ex 5. capite. Ambrosius de dignitate sacerdotali, non unctionis, sed tantum im-

positionis manuum meminit, cap. 5. Homo imponit manus, Deus largitur gratiam: sacerdos imponit supplicem dexteram, & Deus benedicit potenti dextera. Augustini etiam tempore, in Africano cōcilio, ubi ritus ordinationis describuntur, non unctionis, sed tantum impositionis manuum, & aliorum rituum mentio fit.

Et in tota Ecclesiastica historia, itē in Tripartita, ubi multa exempla ordinationis describuntur, nusquam mentio fit adhibitæ unctionis in ordinationibus, sed tantum impositionis manuum.

Sed Cyprianum opponunt, qui in sermone de Chrismate, dicit: reliquis ritibus ueteris Testamēti antiquatis, unctionis honorem māsisse in regibus, in sacerdotibus, & in omni populo. Inde uerò lector colligat, quo candore ueterum testimonia allegent Pontificij. sciunt enim, sermonē illum de Chrismate, non esse Cypriani: & tamen titulo Cypriani, conantur simplices fallere, cum ueræ antiquitatis testimonijs destituantur. quæ enim exsuppositi-  
cijs Romanorum pontificum epistolis afferuntur, mendaciorum autoribus relinquimus. Ipse uerò Cyprianus, in ueris suis scriptis, cum sæpius de ordinatione scribat, unctionem fuisse adhibitam non meminit. Imò innocentius De sacra unctione fate-  
tur, circa annum Domini 1200. in Græca ecclesia nondum fuisse morem unctionis, in ordinandis presbyteris, & consecrandis Episcopis. Et qui-  
dene

dem addit, fuisse antiquos quosdam, qui dixerunt Ecclesiam iudaizare, cū unctionis celebrat Sacramentum. De hac igitur unctione in ordinatione, quæ & Scripturæ et ueræ antiquitatis testimonijs destituitur, Tridentinus canon solam anathematis affert probationem: Si quis dixerit, sacram unctionem in ordinatione non requiri, anathema sit. Longobardus dicit, inde sumptam esse, quia in ueteri Testamēto, in ordinationibus sacerdotum adhibita legatur unctio. Quare igitur non restitui-  
mus totum cultum Leuiticum? Scriptura certè manifestè tradit, de abrogatione ceremoniarum Leuiticarū. Non igitur ex Leuiticis ceremonijs, aliquid in Ecclesiam noui Testamenti inuehendum est, de quo nullum extat uel Christi mandatum, uel Apostolorū exemplum et traditio. Operæ precii uerò est audire, quid Pighius respondeat ad illam objectionē, q̃ in Apostolicis literis non legitur unctio chris-matis, sed tantū impositio manuum, in ordinatione ministrorū adhibita. Ita autem inquit: In rudibus illo Christianitatis initio, nondum uidelicet ordinata constitutaq; hierarchia, & disciplina Ecclesiastica, plurima perfunctoriè, ex quadam spiritus dispensatione peracta fuisse ab Apostolis, quæ postea præscriptam certam quæ formam receperunt. De hac uerò unctione, figmentum Anacleto attributum, inquit. ideo inungendus esse qui ordinantur, quia inuisibilis uirtus Spiritus sancti,

chrismati permixta sit. Et que præterea unctio-  
ni huic tribuant, cōsecratio, seu potius excantatio  
chrismatis ostendit. Rectè itaq; dicitur, unctionem  
illam non tantum contemnendam, sed & perni-  
ciosam esse. Nec sufficit, si solus anathematis strepi-  
tus, sine ulla probatione opponatur: sicut Triden-  
tinus canon facit.

#### Caput 4.

Quoniam uerò in Sacramento or-  
dinis, sicut & in Baptismo & confir-  
matione, character imprimitur, qui  
nec deleri nec auferri potest: merito  
sancta synodus damnat eorum senten-  
tiam, qui asserunt noui Testamenti sa-  
cerdotes, temporariam tantummodo  
potestatem habere: ac semel ritè ordi-  
natos, iterum laicos effici posse, si uer-  
bi Dei ministerium non exerceant.

Quòd si quis omnes Christianos promi-  
scuè noui Testamenti sacerdotes esse,  
aut omnes pari inter se potestate spiri-  
tuali præditos affirmet: nihil aliud fa-  
cere



cere uidetur, quàm Ecclesiasticā hierarchiam (quæ est ut castrorum acies ordinata) cōfundere: perinde ac si contra beati Pauli doctrinā, omnes Apostoli, omnes Prophetæ, omnes Euangelistæ, omnes pastores, omnes sint doctores. Proinde sacrosancta synodus declarat, præter ceteros Ecclesiasticos gradus, Episcopos (qui in Apostolorū locum successerunt) ad hunc Hierarchicum ordinem præcipuè pertinere: & positos (sicut idem Apostolus ait) à Spiritu sancto regere Ecclesiā Dei: eosq<sub>3</sub> presbyteris superiores esse, ac Sacramentum confirmationis conferre, ministros Ecclesiæ ordinare, atq<sub>2</sub> alia pleraq<sub>2</sub> peragere ipsos posse, quarū functionum potestate reliqui inferioris ordinis nullam habent. Docet insuper sacrosancta synodus, in ordinatione

*Episcoporum, sacerdotum & ceterorum ordinum, nec populi, nec cuiusvis secularis potestatis & magistratus consensum, siue uocationem, siue auctoritatem ita requiri, ut sine ea irrita sit ordinatio: quin potius decernit, eos qui tantūmodo à populo aut seculari potestate ac magistratu uocati & instituti, ad hæc ministeria exercenda ascendunt, & qui ea propria temeritate sibi sumunt, omnes non Ecclesiæ ministros, sed fures & latrones, per ostium nō ingressos, habendos esse. Hæc sunt quæ generatim sacræ synodo uisum est Christi fideles, de Sacramento ordinis docere.*

Canon 6.

*Si quis dixerit, in Ecclesia catholica non esse Hierarchiam, diuina ordinatione institutam, quæ constat ex*  
*Episco-*

*Episcopis, presbyteris & ministris, anathema sit.*

Canon 7.

*Si quis dixerit, Episcopos non esse presbyteris superiores, uel non habere potestatem confirmandi & ordinandi: uel eam quam habent, illis esse cum presbyteris communem: uel ordines ab ipsis collatos, sine populi uel potestatis secularis consensu aut uocatione, irritos esse: aut eos qui nec ab Ecclesiastica & canonica potestate rite ordinati, nec missi sunt, sed aliunde ueniunt, legitimos esse uerbi & Sacramentorum ministros, anathema sit.*

Canon 8.

*Si quis dixerit, Episcopos qui autoritate Romani pontificis assumuntur, non esse legitimos ac ueros Episcopos, sed figmentum humanum, anathema sit.*

EXAMEN.

## EXAMEN.

Quæ in prima parte huius Capituli, de charactere qui in Sacramento ordinis imprimatur, & de sacerdotio quod omnibus Christianis commune est, tractantur: de ijs nihil hoc loco annotabo. De charactere enim Sacramentorum, diximus in 9. Canone, de Sacramentis in genere. Quod uerò non quiuus Christianus, propria temeritate, sine legitima uocatione, ministerium uerbi & Sacramentorum sibi sumere debet, licet omnes sint spirituales sacerdotes: in 10. Canone de Sacramentis in genere, & in 1. Capitulo huius Sessionis explicauimus. Restant igitur due quæstiones: de Episcopis scilicet, & quæ sit legitima uocatio. De illis quædam dicenda sunt.

Vt autem ea quæ de Episcopis hoc loco decernuntur, rectius intelligantur: prius quædam ex Scriptura, et ex ueris antiquitatis testimonijs, paucis repetenda sunt. Vocabula igitur τῆς ἐπισκοπῆς καὶ τῆς ἐπισκοπῆς, in literis, Apostolicis de ministerio Ecclesiastico usurpata leguntur: Acto. 1. & 20. Phil. 1. Tit. 1. 1. Tim. 5. 1. Pet. 5. Sumpta autem sunt illa uocabula, ex usu lingue uulgaris: & propter curam administrationis & inspectionis, ad ministerium Ecclesiæ accommodata. Suidas dicit, in Atheniensi republica uocatos fuisse episcopos & φύλακας, qui ad subditas ciuitates mittebantur, non ut mero cum imperio præsiderent, si-

cut



cut Lindanus interpretatur: sed ἐπίσκοπος ἡ δαὲ τὰ  
 πᾶσι ἐν ἁγίοις, hoc est (sicut Budæus ex Liuiio red-  
 didit) ad res sociorum inspiciendas. Plutarchus in  
 Pericle: Phidias erat omnium operum ἐπίσκοπος,  
 hoc est, inspector. Apud Homerum Iliados 1. & ω.  
 Hector uocatur episcopus urbis. Apud Demosthe-  
 nē in uersibus Solonis, Pallas uocatur ἐπίσκοπος  
 Athenarum. Apud Plutarchum in Numa, nomina-  
 tur Vestalium ἐπίσκοπος.

Ibidem Venius est ἐπίσκοπος super mortuos.  
 Cicero ad Atticum lib. 7. Vult me Pompeius esse,  
 quem tota Campania, & maritima ora habeat epi-  
 scopum, ad quem delectus & negocij summa refe-  
 ratur. In Pandectis sunt episcopi, præfecti rebus  
 uenalibus. Et Apostoli illa uocabula eo libentius  
 accommodarunt ad ministerium Ecclesiasticum,  
 quia ex Græca ueteris Testamenti uersione, nota  
 tunc & uulgata erāt. Vocabula enim פקדן פקדן  
 & פקדן quæ significant uisitationē, inspectio-  
 nem, munus, curam, administrationem cōmissam,  
 officium demandatum. Græci reddiderunt ἐπίσκο-  
 πον, ἐπίσκοπον, & ἐπισκοπὸς. Num. 31. Episcopi  
 exercitus. Iud. 9. Abimelech habet episcopum Ze-  
 bul. 4. Reg. 11. episcopi qui sunt super exercitum.  
 Ibidem custodie posite super domum Domini, ita  
 à Græcis exponuntur: Constituit Episcopos super  
 domum Domini 2. Paral. 34. inspectores operan-  
 tium uocantur Episcopi. Num. 4. Munus seu offi-  
 cium

cū Eleazar in tabernaculo Domini, uocatur ἐπι-  
 σκοπὴν. Ita Psal. 109. functio Iude uocatur ἐπισκο-  
 πὴν. Hæc exempla quæ obseruaui, ideo recensui,  
 ut consideretur, unde Apostoli uocabulum illud  
 sumpserint: cuius etiam emphasis, ex illis locis col-  
 ligi & intelligi potest. Hieronymus reddit super-  
 attendentem: Ambrosius, superinspectorem. Sed  
 quæstio est, qualis gradus in ministerio Ecclesiasti-  
 co sit Episcopat⁹, quæ sint officia Episcopi. Et ex-  
 plicatio huius quæstionis, ideo breuius potest ab-  
 solui: est enim à Hieronymo exprofecto pertracta-  
 ta. Ostendit autē & probat, tempore Apostolorum  
 eosdem fuisse Episcopos & presbyteros, seu eun-  
 dem fuisse presbyterum, qui & Episcopus: quorū  
 aliud sit officij et dignitatis nomē, aliud ætatis. Pau-  
 lus enim Phil. 1. dicit, in una illa Ecclesia fuisse epi-  
 scopos & diaconos. Acto. 20. Lucas dicit, euoca-  
 tos fuisse presbyteros Ephesinæ ecclesiæ. Illos uerò  
 Paulus compellans, uocat Episcopos. Tit. 1. Paulus  
 loquitur de constituēdis per ciuitates presbyteris.  
 Et explicans, qualis debeat presbyter ordinari, im-  
 fert: Oportet enim Episcopum irreprehensibilem  
 esse. prima Petri 5. Petrus alloquens presbyteros,  
 uocat se compresbyterum: & presbyterorum offi-  
 cio tribuit τὸ ἐπισκοπεῖν. Ipsam etiam ordinatio-  
 nem, communem fuisse presbyteris, Hieronymus  
 ostēdit ex loco Pauli, 1. Tim. 4. de impositione ma-  
 nuum presbyteri. Et illa sententia Hieronymo non  
 obiter,

obiter, aut aliud agenti excidit, sed exprofeſſo eam diſputat, & in aliquot locis repetit: ut in epiſto-  
lam ad Titum, in epiſtola ad Euagrium, item ad  
Oceanum. Sequuntur hanc ſententiam Ambroſius,  
Beda etiam in cap. ad Phil. item Iſidorus diſtinct.  
21. cap. Cleros. Idem uerò Hieronymus & hoc ex-  
plicat, quæ ſit cauſa & origo differentię quæ po-  
ſtea facta eſt, inter Epiſcopum et preſb, teros: quo  
fine & uſu, differentia illa ab Eccleſia recepta fue-  
rit. ita autem inquit in primum caput ad Titum:  
Antequam diaboli inſtinctu, ſtudia in religione  
fierent, & diceretur in populis: Ego ſum Pauli,  
ego Apollo, ego Cepha: communi preſbyterorum  
conſilio, Eccleſię gubernabantur. Poſtquam uerò  
unusquiſque eos quos baptizauerat, ſuos putabat  
eſſe, non Chriſti: in toto orbe decretum eſt, ut unus  
de preſbyteris electus, ſuperponeret ur cæteris: ad  
quem omnis Eccleſię cura pertineret, & ſchiſma-  
tum ſemina tollerentur. Item: Apud ueteres ijde  
fuerunt preſbyteri, qui & epiſcopi: paulatim uerò  
ut diſſenſionum plantaria euellerentur, ad unum  
omnis ſollicitudo eſt delata. Idem in epiſtola ad  
Euagrium, & citatur diſtinct. 93. cap. legimus, in-  
quit: Quòd aut poſtea unus electus eſt, qui cæteris  
preponeretur, in ſchiſmatis remedium factum eſt:  
ne unusquiſq; ad ſe trahēs Eccleſiā Chriſti, rumpe-  
ret. Nā & Alexandriæ, à Marco euāgelista uſq; ad  
Dionyſiū, preſbyteri ſemper unum ex ſe eligebāt,

Et in excelsiori gradu collocabant, quem Episcopum uocabant: quomodo si exercitus sibi Imperatorem faciat, &c.

Porro paulo antè Hieronymi ætatem, Aerijs æqualitatem illam presbyterorum & episcoporum, quæ tempore Apostolorum fuerat, ita cœpit urgere, ut Ecclesiæ consuetudinem, quæ in remedium dissensionum, ordinis & concordie gratia, episcopum presbyteris & inspectioni totius Ecclesiæ præponebat et præficiebat, simpliciter damnet. Cū igitur illa Aerij opinio, uideretur ad cōfusiones et dissensiones occasionē dare, reiecta et improbata fuit. Ibi uerò Episcopi, erigentes superciliū, presbyteros præ se cōtemnebant, & prærogatiuā illā iure diuino sibi deberi existimabāt. Hieronymus igitur, seruētibus adhuc suo tēpore illis certaminibus, sententiā suam ex Scriptura, sicut proficitur, interponit: & ostendit, tempore Apostolorum, & apud ueteres, nullum fuisse discrimen, sed eosdem fuisse presbyteros & Episcopos, quorum communi cōsilio Ecclesiæ gubernatæ fuerint. Deinde exponit, propter quam causam, in quem finē & usum, unus Episcopus cæteris ministris præpositus & præfectus fuerit: ad tollenda scilicet seminaria dissensionū et schismatū. Et hætenus Hieronymus probat illam ordinationē. Superciliū uerò Episcoporū, his uerbis reprimat: Sicut ergo presbyteri sciūt, se ex Ecclesiæ cōsuetudine, ei qui sibi præpon-



præpositus fuerit, esse subiectos: ita Episcopi non uerint, se magis consuetudine quàm dispositionis Dominicæ ueritate, presbyteris esse maiores, & in commune debere Ecclesiam regere. De officio uerò Episcoporum, Hieronymus ad Euagrium dicit, idem facere Episcopum quod presbyter facit. Ministerium igitur uerbi & Sacramentorum, & cura disciplina Ecclesiastica, commune tunc officium fuit episcopi & presbyterorum. Atque adeo episcopi non abhorrerunt à ministerio presbyterorum, ut Hieronymus ad Rusticum Narbonensem dist. 93. cap. Diaconi, conqueratur: Solus Episcopus utitur ministerio, solus uindicat sibi omnia, solus partes inuadit alienas. Ordinatio uerò peculiariter attributa tunc fuit episcopis, sicut inquit Hieronymus: Quid enim facit, excepta ordinatione episcopus, quod presbyter non facit? Et Chrysostomus in priorem ad Timotheum dicit, Episcopum sola ordinatione presbytero esse maiorem. Postea plura coeperunt episcopis peculiaria officia attribui, sicut Dist. 98. Leo recitat: clericorum ordinationem, constitutionem altaris, benedictionem, & unctionem Ecclesiæ consecrationem: hæreticos et poenitentes per impositionem manuum, reconciliare, chrisma conficere, frontem chrismate signare, formatas epistolas mittere, &c. Illis igitur actionibus, remisso paulatim ministerio uerbi & Sacramentorum, coeperunt totos dedere Episcopi.

Tandem uerò, post abiectum uerbi & Sacramen-  
torum ministerium, illa etiam officia, ad suffra-  
ganeos reiecta sunt: & cōuersi sunt Episcopatus,  
in dominationes. Et tales nunc sunt episcopi qui à  
Romano Pontifice creantur: de quibus rectè dicitur,  
q. nō sint ueri & legitimi episcopi, sed figmen-  
tum humanū: quia prorsus à se reiecerūt episcopa-  
le officiū, quod fuit tempore Apostolorū, tēpore  
Hieronymi, & Leonis etiam tempore: factiq. sunt  
principes genitū, qui dominantur. quia Christus  
Apostolis quidem dixit, Vos autē non sic: successo-  
ribus uerò Apostolorū, hoc est nostris episcopis,  
forsan dixit: Vos autem sic. Cumq. in Concilio hæc  
essent reformanda, Tridentinum canon hoc tan-  
tum statuit: Si quis dixerit Episcopos qui autori-  
tate Romani Pontificis assumuntur, non esse legi-  
timos & ueros Episcopos, sed figmentum huma-  
num, anathema sit. Et ita episcoporum ordo, bene  
scilicet reformatus est.

His explicatis, plana erunt quæ Tridentinum  
concilium de Episcopis statuit. Quod enim præ-  
ter ceteros Ecclesiasticos gradus, Episcopos nu-  
merant, uidentur definire uelle conuersionem il-  
lam, quæ de ordinibus seu gradibus Ecclesiasticis,  
est inter Schismaticos & Canonistas: his pro Epi-  
scopis peculiarem ordinē sibi canibus: illi, an-  
numerantibus Episcopos presbyterorum ordini.  
Quod dicunt, Episcopos presbyteris superiores  
esse

esse, si de ueris loquerentur Episcopis, & ita intel-  
ligerent, sicut Hieronymus explicat, tolerari pos-  
set. Sed VI. Canon affirmat, hierarchiā que con-  
stat ex Episcopis, presbyteris & ministris, esse di-  
uina ordinatione institutā: & qui secus sentiat, ei  
anathema dicunt. Sed iam recitauimus, quid Hie-  
ronymus ex Scriptura, de hac questione statuatur:  
quem rel. qui ueteres sequuntur illis igitur anathe-  
ma dicit Tridentinum concilium.

Hoc uerò peculiare est artificium, quòd cum  
de Episcoporum, potestate dicendum sit, nullam  
prorsus mentionem faciunt ministerij uerbi & Sa-  
cramentorum: sed nominata chrismatione, & or-  
dinatione, generali clausula addūt Episcopos ple-  
raq; etiam alia posse peragere, equos scilicet &  
canes, si non etiā scorta alere, regiam dominatio-  
nem exercere, & similia Episcopalia officia. Ana-  
thema etiam dicunt, si quis sensiat, potestatem or-  
dmandi esse episcopis cū presbyteris cōmunē: cū  
Hieronymus ad Euagriū ex Paulo hoc probet,  
qui 1. Tim. 4. dicit Timotheum ordinatum, per im-  
positionem manuum presbyterij. Tanta est Tri-  
denti anathematum profusio.

Postrema uerò huius Capituli questio est: Quæ  
sit legitima uocatio, ministrorū uerbi & Sacramē-  
torū. Et hac appendice, nostras exproressō Eccle-  
sias nō tā suggillare, quàm semel iugulare, & fun-  
ditus euertere conamur. Illorū enim clamores hac

appendice stabilire uoluerunt, qui contendunt, in nostris Ecclesiis nullum esse uerum & legitimum uerbi & Sacramentorum ministerium, Deum per nostrum ministerium non esse efficacem: nullam esse ueram absolutionem, aut remissionem peccatorum, in nostro ministerio: non posse nostras Ecclesias habere uerum Sacramentum corporis & sanguinis Christi: sed omnes esse fures & latrones, non per uerum ostium ingressos, qui in nostris Ecclesiis, ministerio uerbi & Sacramentorum funguntur. Atrox sanè cōminatio. Sed eius nullā aliam addunt rationem, quā quodstrarum Ecclesiarum ministri, non sunt à Pontificijs episcopis uocati, missi, ordinati, rasi, & uncti.

Quia uerò ministerium uerbi & Sacramentorum, ordinarium illud medium seu organon est, per quod Deus negotium salutis dispensat: omnino necessarium est, Ecclesie ex Scriptura monstrare certa, uera & firma quæstionis huius fundamenta: quæ scilicet sit uera, legitima & ordinaria, atq; adeò diuina uocatio ministrorum uerbi & Sacramentorum. Paucis igitur, pro ratione instituti nostri, illa perstringemus.

Et principio certum est, neminem esse legitimum uerbi & Sacramentorum ministrum, nec posse ministerio rectè & uiuenter, ad Dei gloriam, & Ecclesie ædificationem fungi, nisi iussus sit: hoc est, nisi legitimam habeat uocationem. Ieremie 23.

Rom.



Rom. 10. Nec uerò uocationis huius ratio talis est, sicut quando politica & œconomica ministeria constituuntur, uel à patrefamiliàs, uel ab illis penes quos Reipub. summa est: ut eodem modo etià illi qui dominationem in Ecclesia sibi sumunt, suo arbitratu & autoritate, Ecclesiastica ministeria possint constituere. Sed Deus autor, conseruator, gubernator & ἀντὶςτος (ut ita loquar) ministerij Ecclesiastici, ius & auctoritatem uocationis & missionis, eorum quos συνέστis in hoc ministerio uult adsciscere, sibi refutauit, & ad se, tanquàm ad dominum messis, uoluit pertinere. Ideo Christus inquit, Matth. 9. Orate dominum messis, ut ipse emittat operarios in messem suam. Ieremie 23. Currebant, & ego non mittebam eos. Ephes. 4. Christus det Apostolos, Euangelistas, pastores, doctores. Acto. 20. Spiritus sanctus posuit uos Episcopos, pascere Ecclesiam Dei. Acto. 13. Emissi erant à Spiritu sancto. Ad legitimam igitur ministerij Ecclesiastici uocationem requiritur, ut à Deo sit uocatus & missus, qui legitimus debet esse uerbi & Sacramentorum minister: ut & minister & Ecclesia, uerè possit statuere, sicut scriptum est, Isa. 59. Verba mea, quæ posui in ore tuo. 2. Cor. 5. Posuit is nobis uerbum reconciliat[i]onis. Loco Christi, legatione fungimur, Deo exhortante per nos. Luc. 10. Qui uos audit, me audit. Ioh. 20. Sicut misit me pater, ita ego mitto uos.

Hæc necessario consideranda sunt, in uocatione Ecclesiastica: ut certò statuere possint & ministri, & ipsa etiam Ecclesia, Deum huic ministerio adesse, & per illud efficacem esse: sicut inquit Matt. 28. Ego uobiscum sum. Ioh. 20. Accipite Spiritum sanctum 2. Cor. 3. Idoneos nos fecit, ut simus ministri non literæ, sed spiritus. 1. Cor. 3. Ecclesia est Dei agricultura, & edificatio: nos sumus Dei administri. Paulus plantat, Apollo rigat: Deus dat incrementum. Iohan. 20. Quorum remiseritis peccata, remissa erunt: quorum retinueritis, retenta erunt. Matthæi decimosexto. Tibi dabo clauces regni cœlorum: quicquid solueris in terra, solutum erit in cœlo: & quicquid alligaueris in terra, alligatum erit in cœlo. Ideo Rom. 10. Paulus inquit, illos qui non sum à Deo missi, non posse prædicare, ita ut ex illa prædicatione fides concipiatur, quæ inuocet nomen Domini, ut iustificemur & saluemur. Hæc ex Scriptura certa sunt. Iam uerò quando Deus ipse immediate hominibus locutus est, & propria uoce uoluntatem suam patefecit: sicut sæpe fecit in ueteri Testamento, & postremis temporibus in nouo Testamento, per filium locutus est, Heb. 1. Tunc nullum dubium est de efficacia uerbi. Non autem uoluit Deus, semper Ecclesia sine medio, propria uoce, uerbum suum proponere: sed certo consilio constituit, uoce ministerij, tanquam ordinario medio seu organo uti. Et tamē  
in illo

in illo etiam medio manet, quod propheta familia  
re est: Hæc dicit Dominus: Quia posui uerba  
mea in ore tuo. Deo exhortante per nos. 2. Cor. 13.  
An experimentum queris eius qui in me loqui-  
tur Christus? Et hæc quidem in illis uera et ra-  
ta esse, qui immediatè uoce diuina, non per homi-  
nes, sed ab ipso Deo; ut propheta in ueteri Testa-  
mento, Baptista et Apostoli uocati sum: nemo sa-  
nus dubitare potest. Sed paucos Deus tali im-  
mediato modo uocauit. Qui enim tempore Apo-  
stolorum fuerunt propheta, Euangelista, pasto-  
res, doctores, episcopi, presbyteri, diaconi: non im-  
mediatè, sed uoce Ecclesiæ ad ministerium uoca-  
ti fuerunt. Num uerò in mediata uocatione, dubia,  
incerta aut falsa sunt illa, quæ de præsentia et effi-  
cacia Dei per ministeriū, Scriptura tradit. Hæc  
certè maxima et dulcissima est promissio quod e-  
tiam illā uocationē quæ uoce Ecclesiæ fit, Scriptu-  
ra affirmat esse diuinā, siue à Deo, Eph. 4. Filius  
Dei dat pastores, doctores: qui certè non erant ut  
Apostoli, immediatè uocati. Et Act. 20. presby-  
teros qui Ephesi, uel à Paulo uel à Timotheo erāt  
cōstituti, Paulus ita alloquitur. Spiritus sanctus po-  
suit uos episcopos. Atq; ideo Paulus in subscriptio-  
ne, cōiungit sibi Sosthenē, in 1. ad Corint. Timothe-  
m, in 2. ad Corinth. Syluanum, 1. Theff. Ad illos er-  
go etiam qui mediatè uocati erant, Paulus accom-  
modat hæc dicta: Sumus opégyoi Dei: Posuit

in nobis uerbum reconciliationis: Deo exhortante per nos. Item affirmat, Deum efficacem esse, etiam per illorum ministerium, qui uoce Ecclesie uocati sunt: Apollo rigat, Deus dat incrementum. Et 1. Tim. 4. ad Timotheum inquit: Saluum facies te, & alios, Eph. 4. Dat pastores, doctores, in edificationem corporis Christi: ut occurramus in unitatem fidei, & ueritatem facientes, crescamus in Christo. Hæ promissiones suauissimæ, & maxime necessariae sunt: quod scilicet illorum etiam uocatio diuina sit, q uoce Ecclesie uocati sunt: quod illorum ministerio Deus adsit, & per illud efficax sit. Ideo Paulus dicit, in Timotheo inesse gratiam & donum, per impositionem manuum. Nec tantum dicit, Mearum manuum: sed addit, Etiam presbyterij. 1. Tim. 4. ne existimetur discrimen esse, siue ab Apostolis, siue à presbyteris quis ordinetur. Ut autem mediata illa uocatio, hisce priuilegijs gaudere possit, oportet eam esse legitimam: hoc est, ut fiat eo modo, & ab illis, sicut Scriptura tradit. Et de modo quidem, hoc est, quales debeant esse qui ad ministerium uocandi sunt, præscripta est certa regula, Acto. 6. Tit. 1. 1. Tim. 3. Hoc uero loco, queritur, quorum uoce & suffragijs electio & uocatio illa fieri debeat, ut statui possit esse diuinam: hoc est, Deum ipsum per illa media eligere, uocare, & mittere operarios in messem suam. Et sunt huius rei exempla in Scriptura, certa & manifesta.



sta. Acto. 1. cum in locum Iudæ substituendus esset alius, Petrus negotium illud proponit, in medio non Apostolorum tantum, sed & reliquorum discipulorum. ita enim tunc uocabantur credentes. quorum numerus, qui simul cōgregati erant, quasi 120. erat. Et ibi Petrus ex Scriptura proponit, qualem & quomodo eligere debeant: & adiunguntur orationes. Sortes uerò mittuntur: quia non debebat esse simpliciter mediata, sed Apostolica uocatio, ideo postea in uocationibus nō sunt sortibus usi. Acto. 6. cum eligendi et uocandi essent diaconi, nolunt Apostoli soli, ius uocationis sibi arrogare: sed conuocant Ecclesiam. Non autem prorsus se abdicant cura uocationis, & uulgi aut multitudinis cecæ & confusæ libidini eam permittunt: sed sunt quasi gubernatores & moderatores electionis & uocationis: proponunt enim doctrinam & regulam, quales & quomodo eligere debeant. Et electi sistuntur coram Apostolis, ut illorum iudicio electio probetur, an ritè facta sit: illi uerò orantes, impositione manuum electionem approbant. Acto. 14. Paulus & Barnabas in singulis Ecclesiis quibus euangelizauerant, constituunt presbyteros. Non autem sibi solis, ius & auctoritatem electionis & uocationis sumpserunt: sed Lucas utitur uocabulo *ἡγετονὶσιν*. quod 2. Cor. 8. de electione, quæ fit uoce seu suffragijs Ecclesie, usurpatur. sumptum enim est à Græca consuetudine,

suetudine, qua suffragia porrectis manibus ferebantur: & significat, suffragijs aliquem creare, designare, aut consensum ostendere. Non igitur sine consensu Ecclesie, Paulus et Barnabas multis obtruserunt presbyteros. Et Actorum decimoquinto. cum eligendi essent, qui cum mandatis ad Antiochenam ecclesiam mitterentur, inquit Lucas: uisum est Apostolis & presbyteris, cum uniuersa Ecclesia, eligere Barsabam & Silam. Illud uerò in historia Apostolica utile est obseruare, quòd aliquando simul & ministri & reliqua Ecclesia coniunctim proponebant & eligebant, quos iudicabant idoneos: ut Actorum primo. Aliquando Ecclesia proponebat & eligebat, Apostolorum uerò iudicio subiiciebatur electio approbanda: Actorum sexto. Sæpe uerò Apostoli, qui de his rebus melius iudicare poterant, Ecclesiis proponebant, quos iudicabant ad ministerium idoneos esse: & cum accederent suffragia & consensus Ecclesie, rata erat uocatio. Ita Paulus ad Ecclesias mittit Timotheum, Titum, Siluanum, &c. Ita Actorum decimoquarto, proponuntur presbyteri, in quos Ecclesia per *ἡγορεύειν* consensit. Interdum etiam quidam operam suam Ecclesie offerebant: prima Timotheum tertio. Qui episcopatum desiderat, bonum opus desiderat. Semper tamen in legitima uocatione, tempore Apostolorum, ade-

rat

rat & requirebatur consensus Ecclesie, iudicium & approbatio presbyterij. Ita Titus in Creta praefectus fuit gubernandae & moderandae electioni presbyterorum, ut ritè illa fieret, utq; ordinatione approbaret & confirmaret electionem ritè factam. Vultur enim Paulus Tit. 1. de constituendis presbyteris, eodem uerbo quod extat Actorum decimoquarto, ubi simul mentio fit & *καρτογραφίας*, & constitutionis presbyterorum. Et Tito praecipit, ut eos qui in doctrina non sunt sani, nec docent quae oportet, seuerè arguat, hoc est, sicut clarius inquit prima ad Timotheum quinto. Ne citò manus alicui imponas, nec communices peccatis alienis: approbando scilicet electionem aut uocationem, non ritè factam.

Haec exempla Apostolica historiae clarè ostendunt, electionem seu uocationem pertinere ad uniuersam Ecclesiam, certo quodam modo, ut suae in electione seu uocatione, sine partes & presbyterij & populi. Et haec Apostolica forma electionis & uocationis, retenta & usurpata est, etiam postea in Ecclesia Dist. 24. extat Canon III. concilij Carthaginensis: Nullos ordinetur clericus, nisi probatus uel examine Episcoporum, uel populari testimonio. Dist. 62. Leo dicit: nulla ratio finit, ut inter Episcopos habeamur, qui nec à clericis sumus electi, nec à plebibus sumus expetiti,

nec à comprouincialibus Episcopis, cum metropolitani iudicio consecrati, Dist. 67. Reliqui sacerdotes à proprio ordinemur Episcopo, ita ut ciues & alij sacerdotes assensum præbeant. Dist. 24. ex Carthaginensi concilio IIII. Episcopus sine consilio clericorum suorum, clericos non ordinet, ita ut ciuium conuiuentiam & testimonium querat. Dist. 23. ex eodem concilio, cap. Qui Episcopus: Cum in his omnibus examinatus, inuentus fuerit plenè instructus, tunc cum omni consensu clericorum & laicorum, & conuentu totius prouincie Episcoporum, maximeq; metropolitani uel autoritatis uel præsentia, ordinetur Episcopus.

8. quæst. 1. citatur ex Hieronymo, sed est Origenis, cap. licet. Requiritur ergo in ordinando sacerdote, etiam populi præsentia: ut sciant omnes, & certi sint, quòd qui præstantior est in omni populo, ille eligitur ad sacerdotiũ, & hoc attestare populo: ne qua postea retractatio cuiquã neq; scrupulus resideret. Dist. 65. ca. Plebs: Presbyteros, diaconos, & uniuersam turbam, uos episcopos oportet sæpius conuocare, quatenus non prout cuilibet libuerit, sed concordantibus animis, uobis admonentibus, talem quærant personam, quam nulla contrarietas à constitutis possit reuocare rescriptis. Item: Episcopos per Emilion non consecres, nisi post electionem uel consensum cleri & populi. Ca. Metropolitano: Omnium clericorum atq; ciuium



uium uoluntate discussa, optimum ordinetur. Cap. Si in Plebibus: Archidiaconus ciam clericis & populis ipsius plebis, electionē faciat: Cap. Sacrorum canonū: Carolus & Ludouicus Imperatores statuunt, ut episcopi per electionem cleri & populi, secundum statuta Canonū eligantur. Hieronymus ad Rusticum monachum: Ita uiue in monasterio, ut clericus esse merearis. Cum ad perfectam etatē perueneris, & te uel populus uel Pontifex ciuitatis, in clerum elegerit, age quæ clerici sant.

Ambrosius lib. 10. epist. 82. Meritò uir tantus euasit, quem omnis elegit Ecclesia: & meritò creditum, quòd diuino esset electus iudicio, quem omnes populi postulauissent.

Postea cum Imperatores & Reges, Christianā religionem amplexi essent: illorum etiam uoluntas, iudiciū & autoritas, ad electionē & uocationem adhiberi & requiri cœpit: quia debent esse nutricij Ecclesiæ, & exemplo Iosaphat, Ezech. & Iosie, inspectio ipsis mandata est, ut ministeria Ecclesiæ rectē constituantur & administrentur. Hac de re extant multi Canones dist. 63. Apud Zozomenum lib. 7. cap. 7. Imperator in synodo dat primum Nazianzeno & suffragantur ei omnes Episcopi. Et pulcherrimū modestiæ exemplū in cap. Valentinianus, describitur: ubi synodus petit, ut Imperator sapiens & pius existens, eligat seu proponat aliquē. Imperator uerò respōdet: Super

uos est talis electio. Vos enim gratia diuina potiti  
 & illo splendore fulgentes, melius poteritis elige  
 re. Et electioni postea præbuit assensum.

Quod uerò quedam exempla ueteris Eccle  
 siæ, uidentur ab hac forma aliquantulū discede  
 re, inde factum fuit. Pulcherrima enim hæc sym  
 phonia Episcoporum, clericorum Christiani magis  
 tratus, & populi, in electione & uocationi mini  
 strorum Ecclesiæ, sæpius turbata fuit. Clerici uel  
 hæretici uel schismatici, uel alijs affectibus deprauati,  
 iure electionis sæpe abutebantur, uel illud sibi  
 solis arrogabāt. Ibi & Magistratus & populus  
 Christianus, coacti fuerūt se interponere. Ita cum  
 post mortē Aeluri, clerus sua auctoritate Episcopū  
 elegisset Petrū Mongum: Imperator Zenon adeo  
 offensus est, ut quosdā etiā supplicio afficeret. Eua  
 grius lib. 3. cap. 11. Cū Antiochiæ in absentia popu  
 li, Porphyrius à paucis Episcopis ordinatus fuisset  
 Episcopus, secutus fuit atrox tumultus. Niceph. li.  
 13. cap. 30. Aulici etiam illo quasi iure suo, sæpius  
 abutebantur. Et ibi clerici se opposuerunt, cuius ge  
 neris aliquot statuta extant, dist. 63. Omnium ue  
 rò modestissima est Caroli & Ludouici constitu  
 tio, quæ sic habet: Sacrorum canonum non igna  
 ri, ut Dei nomine sancta Ecclesia suo liberius po  
 tiatur honore, assensum ordini Ecclesiastico præ  
 beamus, ut Episcopi per electionem cleri & popu  
 li, secundum iura Canonum eligantur.

Populus

Populus etiam sepiſſimè aure ſuo ad tumultus ſeditiones, & varias conſuſiones abuſu fuit. Ibi Ep ſcopi & Chriſtianus magiſtratus ſe oppoſuerunt: ut in electione Ambroſii. Et inde canon Lao-  
 dicens dicit: Non eſt permittendum turbis, electionem eorum facere. qui ſunt ad ſacerdotiũ promouendi. Apud Zoſomenum lib. 7. cap. 8. cum cõtraria eſſent epiſcoporum & plebis ſuffragia, Imperator Nectarium elegit. Et poſtea electio illa, à ſynodo eſt rata habita. Non autem ideo uel populus, uel magiſtratus Chriſtianus, ſimpliciter ab electione & uocatione excluſi fuerunt: ſed addita fuit hæc moderatio, d. ſt. 62. Docendus eſt populus, non ſequendus. Nos quoq; ſi neſciamus quid liceat, quidue nō liceat, commonere eos, non his cõſenſum præbere debemus. Decretum Leonis inquit: Vota cuius, teſtimonia populorum, arbitrium honoratorum, electio clericorum, in ordinationibus ſacerdotum conſtituantur. Item: Per pacem & quietem, ſacerdotes qui ſaturi ſunt, poſtulantur: teneatur ſubſcriptio clericorum, honoratorum teſtimonium, ordinis conſenſus, & plebis. Item: Cleri plebisq; conſenſus & deſiderium requiratur. Et ca. Noſſe: Cõuocato clero & populo, talis ibi eligatur, cui ſacri non obuieni Canones. Sacerdotum quippe eſt electio, & fidelis populi conſenſus adhibendus eſt: quia docendus eſt populus, non ſequendus. In hiſtoria Tripart.  
 plebs

plebs potuit eligere, & sua petitione aliquem offerre. Cyprianus ut episcopus, li. 3. epist. & li. 4. Saturam. Optatum & Celerinum proponit Ecclesie. Valerius Augustinum optans sibi coadiutorē & successorem, proponit illud populo. Et Augustinus ipse epistola 110. Eradium se cupere successorē, proponit populo, oratione suauissima, Quia scio, inquit, post obitus Episcoporum per ambitiosos aut contentiosos solere Ecclesias perturbari: debeo quantū ad me attinet, ne cōtingat, huic profpicere ciuitati. Et Augustini illa electio, à populo cōfirmatur: & illud insinuatur Theodosio & Valentiniano Augustis. Narrat etiā ibi Augustinus, exemplū de Seuero Mileuitano: qui putārat sufficere, ut successorem suum apud clericos designaret, & apud populū exinde non locutus erat. Inde uerò orta fuit postea perturbatio. Et Augustinus de hoc facto inquit: Minus tamen aliquid factum erat. Cyprianus formam electionis quæ suo tempore fuit, ita describit lib. 1. epistola. 4. Propter quod plebs obsequens præceptis Dominicis, & Deum metuens, à peccatore præposito separare se debet, nec se ad sacrilegi sacerdotis sacrificia miscere: cum ipsa maximè habeat potestatem uel eligēdi dignos sacerdotes, uel indignos recusandi. Quod et ipsum uidemus de diuina autorite descendere, ut sacerdos plebe præsentē, sub omnium oculis deligatur, & dignus atq; idoneus publico iudicio



iudicio ac testimonio comprobetur. Et paulo post:  
 Coram omni synagoga iubet Deus constitui sacer-  
 dotem. id est: instruit & ostendit, non nisi sub  
 populi assistentis conscientia, fieri oportere: ut  
 plebe presente, uel detegantur malorum crimina,  
 uel bonorum merita predicentur: & sit ordina-  
 tio iusta & legitima, quæ omnium suffragio &  
 iudicio fuerit examinata: quod postea secundum  
 diuina magisteria obseruatur in actis. ibidem: Or-  
 dinari nonnunquam uidemus indignos nõ secundũ  
 Dei uoluntatem, sed humanam præsumptionem.  
 & hæc Deo displicere, quæ non ueniant ex legiti-  
 ma & iusta ordinatione, Deus ipse manifestat per  
 Oseam prophetam, dicens: Sibimet ipsi regẽ con-  
 stituerunt, & non per me. Propter quod diligẽter  
 de traditione diuina & Apostolica obseruatione,  
 seruandũ est & tenuendũ, quod apud nos quoq; et  
 ferẽ per prouincias uniuersas tenetur: ut ad ordina-  
 tiones ritẽ celebrandas, ad eã plebem cui præposi-  
 tus ordinatur, Episcopi eiusdẽ prouinciæ, proximi  
 quiq; conueniant: & Episcopus deligatur plebe  
 presente, quæ singulorum uitam plenissimẽ nouit,  
 & uniuscuiusque actum de eius conuersatione  
 perspexit, &c. Idem lib. i. epistola 3. dicit: populi  
 suffragium, & coepiscoporum consensum, esse  
 diuinum iudicium.

Quia uerò non commodẽ poterat uniuersa po-  
 puli turba semper conuocari, & singulorũ suffra-

gia exquiri: obseruatus fuit mos ille apud Christianos, annotante Lāpridio in uita Alexandri: quod eorum nomina, qui eligendi & uocandi propositi erant, ante ordinationē publicē proponebantur: & monebatur populus, ut si quis quid haberet contra ordinandum, id proferret & proponeret. Et breuiter, iuxta Gregorij sententiam, sepe grauis abusus iudicatus fuit, si quis inuitis & non petētibus detur. Hæc est Apostolica primitiue & ueteris Ecclesiæ sententia, de legitima electione & uocatione ministrorum uerbi & Sacramentorū. quæ sententia locū habet in illis Ecclesijs, quæ iā uerbo Dei constitutæ sunt: ubi presbyterium est, amplectens eum qui secundum doctrinam est, fidelem sermonem: Magistratus pius, populus intelligens doctrinam & amans pietatis. Vbi uerò tempore Apostolorum sacerdotes erant idololatæ, Magistratus impius populus ambulans in tenebris: ibi primò per talem electionem, non potuit constitui ministerium: sed eò proficiscebantur uel Apostoli, uel mittebant alios, alibi ritè electos, ut primum fundamenta ponerent. Ita Acto. 13. Paulus & Barnabas mittuntur ad gentes. Et Acto. 11. usq; ad Phœnicen & Cyprum ita propagatur Euangelium. & quidem Antiochiæ gentibus ita primum proponitur. Ita Paulus plures circa se habuit, quos huc illuc mittebat ad Ecclesias. Vbi uerò aliquātulum fundatæ erant Ecclesiæ, mox eo quem iam di-

imus modo ministeria in Ecclesijs cōstituebātur.  
 Act. 14. Et cū ibi Magistratus & sacerdotes mane-  
 rent in idololatria, nihilominus legitima erat uoca-  
 tio, quæ fiebat à sinceris doctoribus, unā cū fideli  
 populo. Ita Iosaphat Pontificib. & sacerdotib. par-  
 tim cessantib. partim lucos, excelsa etc. colētibus,  
 populo ambulāte in tenebris, ipse ministeria cōsti-  
 tuit. 2. Par. 17. & 19. Hanc recitationē ideo insti-  
 tuti, ut ostenderē, nostras Ecclesias restituisse uerā  
 & legitimā formā electionis & uocationis, quæ  
 usitata fuit in Apostolica, primitiua & ueteri Ec-  
 clesia: utq; ex antithesi eo clarius perspiceretur,  
 qualis sit Pontificiæ Ecclesiæ ordinatio. Ex his. n.  
 quæ iam diximus, planū erit examen Tridētini de-  
 creti, de legitima uocatione et missione ministro-  
 rum uerbi & Sacramentorū. Statuit igitur 4. ca-  
 pitulum & 7. Canon, eos legitimos esse uerbi &  
 Sacramentorū ministros, qui uocati, ordinati &  
 missi sunt à solis Pōtificijs episcopis, et ipsorū suf-  
 fraganeis: nec requiri uel fidelis populi, uel pij ma-  
 gistratus consensum, siue uocationem siue autori-  
 tatem. Imò anathema denūciant, si quis dixerit, ad  
 legitimā uocationē requiri, fidelis uel populi uel  
 magistratus consensum. Atqui iam clarē ostendi-  
 mus, illam ipsam legitimæ electionis seu uocatio-  
 nis formam, quæ Tridēti anathemate damnatur,  
 esse Apostolicæ, primitiue, & ueteris Ecclesiæ.  
 Sed meminerimus Tridentinis patribus à Roma-

no Pontifice commissam esse hanc curam, non ut Apostolicæ & ueteris Ecclesiæ disciplinā restituant, sed ut præsentem statum regni Põtificij, quoquo modo conseruent & stabiliant. Hoc igitur quod hætenus factitarūt, uolunt in posterum impunè sibi licere: ut scilicet homines qualescunq; si uore, prece uel precio habiles redditos, sine petitione, consensu et uocatione, uel fidelis populi, uel pij magistratus, Ecclesijs præficere, & populo in cognitos obtrudere possint. Suffraganei uerò, ne quidem quærere dignantur de uocatione: modò quis præbendam sibi compararit, & suffraganeo pecuniam offerat pro ordinatione. Et non pudet bonos scilicet illos patres, ea quæ manifestissimè, et aduersa fronte pugnant cum ipsa scriptura, & cum uera antiquitate, uerbo saltem cõfirmare, & mox anathema subijcere. In nostris uerò Ecclesijs ministri uerbi & Sacramentorum, non tãtum modo à populo & seculari magistratu uocantur & instituuntur, sicut Tridentinum capitulum fingit: sed accedit grauißimum iudicium, examen & comprobatio ueri presbyterij. Et hanc esse legitimam uocationē, multis iam ostēdimus. Sed quare, inquirunt, non petitis ordinationē à nostris Episcopis? Respondeo. Si ueri essent Episcopi, & profiterentur sanam doctrinam, rectè hoc sibi arrogarent. Iam uerò sunt hostes & persecutores ueræ doctrinæ. Num igitur à lupo pastor petet sibi com



mitti curam gregis? Et neminem ordinare uolunt, qui sit sanæ doctrine, nisi prius eam abijciat & abiuret. Nec eos qui legitime, iuxta formam Apostolicam uocati sunt, ad ordinationem admittunt, ne inde regno ipsorum præiudicium generetur. Nec ad ministerium uerbi & sacramentorum, sed ad impium Missæ sacrificium suos ordinant. Impij; etiam obligationib. ordinatos suos illaqueant, & blasphemum suum Chrisma adhibent. Grauißimas igitur et iustißimas habemus causas, quòd ab hostibus sanæ doctrine non petimus ordinationem. Sed inquiunt: Fures & latrones sunt, qui non sunt ab ordinaria Ecclesiastica potestate uocati, ordinati & missi. Erunt ergo fures & latrones, Apostoli, Euangelistæ, pastores, doctores, presbyteri, diaconi, Apostolicæ ecclesiæ: qui non à Pontificibus, penes quos tunc erat ordinaria Ecclesiastica potestas, ordinati sunt. Et eadem illa questio est, qua Pontificij olim excogitarunt ministerium Baptiste. Ioan. 1. & ipsius Christi.

sti, Matthæi 21. Quis tibi  
dedit hanc potestatem?

1204 EXAMEN DECRETORVM  
DE MATRIMONIO. SESSIO 8.  
Sub Pio IIII. 1563.

Matrimonij perpetuū indissolubilemque nexum primus humani generis pares, diuini spiritus instinctu pronunciauit, cum dixit: Hoc nūc os ex ossib, meis, & caro de carne mea. Quāobrem relinquet homo patrē suum et matrē, & adhærebit uxori suæ: & erunt duo in carne una. Hoc autē uinculo, duos tantūmodo copulari et cōiūgi Christus Dominus apertius docuit, cum postrema illa uerba, tāquā à Deo plata referens, dixit: Itaque iā non sunt duo, sed una caro. statimque eiusdē nexus firmitatē, ab Adamo tāto antē pnunciatam, his uerbis cōfirmauit: Quod ergo Deus coniunxit, homo non separet.

Gratiam uerò quæ naturalem illū amorem perficeret, & indissolubile unitatem cōfirmaret, coniugesque sanctificaret,

ficaret, ipse Christus, uenerabilium Sacramentorum institutor atq; perfector, sua nobis passione promeruit. Quod Paulus Apostolus innuit, dicens: Viri diligite uxores uestras, sicut Christus dilexit Ecclesiam, & seipsum tradidit pro ea. mox subiungens: Sacramentum hoc magnum est. Ego autem dico in Christo, & in Ecclesia.

Cum igitur matrimonium in lege Euāgelica, ueteribus cōnubijs per Christum gratiā praestet: merito inter nouae legis Sacramētū annumerādū, sancti Patres nostri, concilia, & uniuersalis Ecclesiae traditio semper docuerunt. Aduersus quā impij homines huius seculi insaniētes, non solū perperā de hoc uenerabili Sacramento senserūt: sed de more suo, praetextu Euāgelij, libertatē carnis introducētes, multa ab

*Ecclesia catholica sensu, et ab Apostolorū temporibus probata cōsuetudine aliena, scripto & uerbo asseruerunt, non sine magna Christi fidelium iactura. Quorum temeritati sancta & universalis synodus cupiens occurrere, insigniores præfatorum schismaticorum hæreses & errores, ne plures ad se trahat perniciosa eorū contagio, exterminādos duxit, hos in ipsos hæreticos, eorūq<sub>3</sub> errores decernēs, anathematismos*

Canon 1.

*Si quis dixerit, matrimonium non esse uerè & propriè unū ex septem legis Euangelicæ Sacramentis, à Christo Domino institutum: sed ab hominib. in Ecclesiam inuectum, neq<sub>3</sub> gratiam conferre, anathema sit.*

EXAMEN.

*Principalis huius decreti quæstio est, an matrimonium sit Sacramentū noui Testamenti. Omnium autem*



autem & simplicissima & rectissima est ratio explanationis, si prius de re ipsa dicatur. Postea enim de appellatione, facilis erit ratio. Mirum autē est, quod Pontificij propter appellationē Sacramēti, quam contendūt matrimonio tribuendā esse, sicut Baptismo & cœnæ Dominicæ, uideri uolūt dignitatem status cōiugalis magis ornare quā nos: cū extent publicæ ipsorū quærelæ & criminationes, quod nimium magnificis encomijs matrimonium à nostris ornetur. Ipsi uerò ad coniugiū accommodare non uerētur has sentētias: Qui in carne sunt, Deo placere nō possunt. Atq; ideo fingunt, Spiritū sanctum in ministris uerbi & Sacramentorum, ferre non posse honestum matrimonium, quia scilicet scriptum sit: Sancti estote, quoniā ego sanctus sum. item: Mundamini, qui fertis uasa Domini. Et tamen fortiter disputant, matrimonium esse unū ex septem Sacramentis. Tales scilicet matrimonium, dignitatis suæ patronos sortitum est, qui sacerdotibus suis centum potius prostibula, successiue tamen, sicut Coloniensis ille inquit, quā unicam legitimam coniugem concedunt.

Quia igitur prætendunt, se Matrimonium inter Sacramenta Ecclesiæ numerare, propter asserendam & illustrandā eius dignitatē: breuiter recitabo præcipua capita, de eius dignitate & sanctitate, quæ ex uerbo Dei, Ecclesiæ nostræ et discunt & docent. Fuit igitur coniugium etiam inter gen

tes, sicut & hodie inter infideles uerum constat matrimonium: sed illi politicam tantum constitutionem esse existimant. licet lex naturæ, monstrans uagos concubitus, stupra & adulteria esse contra naturam, ostendat, quanquam ualde obscurè, esse aliquid maius quàm humanum inuentum. Ecclesia uerò ex uerbo Dei discit & intelligit, ipsum Deum esse autorem coniugij: quod in ipsa Paradiso, quando natura humana ante lapsum, sine peccato & miserijs, integra & beata adhuc erat, instituit. Quam institutionem, & eius benedictionem, statim post lapsum, & postea post diluuium repetiuit, & naturæ etiam lapsæ confirmauit: Gen. 4. & 9. Filius etiam Dei in nouo Testamento, primam illam institutionem nec abrogat, nec mutat, sed repetit & confirmat: nec uerbis tantum, Matt. 19. sed & præsentia sua, & primo miraculo in nuptijs edito, Ioh. 2. Postea Apostoli, doctrinam illam multis sententijs & concionibus illustrarunt.

2. Deus non tantum instituit matrimonium, ut homines ipsi, coniugali illa coniunctione se consocient: sed sicut Deus primus paranymphus fuit, qui Euam adduxit ad Adamum, & primos coniuges ipse copulauit, Gen. 2. ita Christus affirmat, Deum adhuc hodie esse, qui coniuges legitimo matrimonio coniungit & copulat, quando iuxta uerbum ipsius conueniunt. Quod Deus, inquit, coniunxit,

iunxit, homo non separet. Et utitur uerbo, quod  
 propriè de coniugali coniunctione dicitur. Ita To-  
 bie 7. Raguel tradens Tobie filiam suam, inquit :  
 Deus Abraham, Deus Isaac & Iacob, uobiscū sit : &  
 ipse coniungat uos, impleatq; benedictionē suā in  
 uobis. Et Gen. 24. Abraham mittens seruū, ut Isaac  
 uxorem adducat, uerbis dulcissimis inquit: Domi-  
 nus cœli & terræ, qui locutus est mihi, &c. ipse  
 mittet angelū suum ante te, & accipies inde uxo-  
 rē filio meo. Et seruus postea orat : Domine Deus  
 Domini mei Abraham, occurre obsecro mihi ho-  
 die, fac misericordiā et ostēde, quā preparasti ser-  
 uo tuo Isaac, etc. Hæc proponēda sunt in Ecclesia,  
 ut in timore Domini, eius fide & inuocatione, ma-  
 trimonia cōtrahantur: quia Deus nō tantū autor,  
 sed et cōciliator est matrimonij. Ita Prouer. 19. Do-  
 mus & diuitie à parētibus : à Domino uerò uxor  
 prudens datur. Et Syrach. 26. Pars bona, mulier bo-  
 na: quasi pro hæreditate timentiuū Dominū, dabi-  
 tur. Donū Dei, est mulier bona, &c. Eccl. 7. Inueni  
 amariorem morte mulierem. qui placet Deo, effu-  
 giet illā: qui aut peccator est, capietur ab illa. Ma-  
 lachias cap. 2. ex hoc fundamētō coniuges grauif-  
 simè admonet debite beneuolētie : Non accipiam  
 placabile quid de manu tua. Quā ob causam? quia  
 Dominus testificatus est inter te et uxore tuā: &  
 hæc jocia tua, & uxor foederis tui. Significat aut  
 testificando aliquid confirmare et stabilire.

Ideo

Ideo non quævis coniunctio, sed quæ uerbo Dei non repugnat, legitima est, & Deo probatur. Ita Leuit. 18. Gen. 6. Esdr. 10. Nehemie 13. Luc. 17. Marc. 6. improbantur coniunctiones etiam conu- gales, quæ non sunt legitime.

3. Ex illa diuina coniunctione, confugium non est ut reliquæ politice societates: quæ sicut mutuo consensu contrahuntur, ita mutuo dissensu rursus dissoluuntur: sed est coniunctio indiuidua, & nexus indissolubilis. Quod enim Deus coniunxit, homo non separet. Et quidem Scriptura affirmat, esse coniunctionem multo arctiorem, quam sit parentum & liberorum: dicit enim: Relinquet homo patrem & matrem, & adherabit uxori suæ: ut qui duo sunt, fiant una caro. Significat autem  $\nabla \nabla$  ad hæsiōem, seu coniunctionem, quæ sit per complexum, amoris affectu ardentissimo: ut Gen. 34. de Sichem amante Dinam. 3. Reg. 11. de amore Solomonis. Psalm. 63. Adhæsit anima mea post te. Dicitur autem propriè uerbum illud de coniunctione cutis, carnis ossium. Iob. 19. Cuti meæ & carni meæ adhæsit os meum. 29. Lingua adheret palato. Psalm. 102. Adheret os meum cuti meæ. Atq; ex illa uerbi significatione intelligi potest, quod Deus affirmat esse talem adhæsiōem: Ut qui sunt duo fiant un acaro. Et Paulus dicit: Nemo carnem suam odio habet. Ieremie 13. inquit Dominus: Sicut adheret cingulum ad lumbos uiri,



bos uiri, ita faciam adherere ad me omnem domum Israel. Sed Deus non ex cingulo Adæ, sed ex costa formauit uxorem. ut ostendatur coniunctio ætiffima. Solomon Pro. 16. dicit, amicum sepe ætius adherere quam fratrem. Sed in coniugio ætior est copulatio, quàm parentum & liberorum. Relinquet enim patrem & matrem, &c. Græci reddiderunt per uerbum *ὑποσπονδαῖον*: quod usurpatur, quando duo quedam glutino ita committuntur, ut quasi unum fiant. Ita usurpatur Isa. 41. Hinc Paulus docet, neutrum coniugum habere potestatem sui corporis. 1. Cor. 7. item Qui uxorem diligit, seipsum diligit.

4. Scriptura etiam explicat causas, quare Deus societatem illam coniugalem instituerit, Angelorum enim agmina simul condidit: sed certò consilio uoluit conseruationem & multiplicationem humani generis, fieri per propagationem generationis: ut in ea præsentiam, sapientiam & bonitatem ipsius cõspiceremus. Et in pia educatio neliberorum uoluit esse prima Ecclesiæ plantaria: unde domesticæ Ecclesiæ apud Paulum nominantur. Exercitia etiam fidei inuocationis, charitatis, patientiæ, & totius deniq; pietatis, quasi in rudimentis exerceri uoluit, in domestica societate ut inde latius propagaretur. Qui enim domui sue non bene præest, quomodo is Ecclesiam Dei gubernaret? 1. Tim. 3. Item: Qui domesticorũ curã non

habet, infideli deterior est. Et ipsa coniugij institutione ostendit, se esse mentem castam, & uargas libidines odisse. Ideo enim illis qui donum continentie non habent, certas leges coniugij tradidit & præscripsit. Deinde aliam causam instituti coniugij, Deus ipse dulcissimis uerbis exponit, Genes. 2. Non est bonum, hominem esse solum: faciamus ei adiutorium, quod sit quasi coram ipso, & circa ipsum. Erant quident omnia animalia, creata ad ministerium hominis: sed non inueniebatur adiutorium, quod esset coram ipso. Propter mutuum igitur obsequium, & mutuam subleuationem, Deus instituit coniugium, ut communia essent, siue læta siue tristia.

Ephes. quarto: Melius est esse duos quàm unum: habent enim emolumentum societatis suæ. Væ soli: quia cum ceciderit, non habet subleuantem se. Ecclesiast. 9. Perfructu uita cum uxore quam diligis, cunctis diebus uanitatis tuæ. hæc enim est pars in uita, & in labore tuo, quo laboras sub sole. Syrach. 26. Gratia mulieris delectabit uirum suum, & ossa illius impinguabit. Gen. 3. Desiderium uxoris ad uirum. Ephes. 5. Maritus uxorem diligit & fouet, uxor uirum reueretur.

Postremo usum coniugij in natura lapsa, Deus uoluit etiam remedium esse contra incontinentiam. 1. Cor. 7. Propter fornicationem, unusquisq; uxorem suam habeat, & unaquæq; suum uirum. item: Ne

tentet

tentet uos sathanas, propter incōtinentiā uestram. Si non continent se, nubant : melius enim est nubere quā uri. Et hoc est, quod ueteres dicunt, matrimonium ante lapsum institutū fuisse in officium : post lapsum, datum esse in remedium. Augustinus inquit : Quod sanis est ad officium, egrotis est ad remedium.

5. Certum & notum est & hoc ex Scriptura, Deum sua benedictione, & uarijs donis gratiæ, sicut Paulus Rom. 12. de gratia loquitur, adesse casto & pio coniugio. Quos enim Deus cōiungit, illis benedicit : Gen. 1. Nec tantū in natura integra benedictio promissa est cōiugio, uerum etiā naturæ lapsæ repetita & cōfirmata est : Gen. 9. Complectitur aut illa benedictio, 1. fœcunditatē & generationē iuxta dictū : Crescite et multiplicamini. 2. felicē statū uxoris & liberorū. Psal. 128. Vxor tua sicut uitis fructifera, filij sicut nouellæ oliuarū. Ecce sic benedicetur homo qui timet Dominū : ut uideas filios filiorum tuorū & Psal. 127. Ecce hæc hereditas Domini, filij. beatus uir qui impleuit desiderium suum ex ipsis : non confundetur, cum loquetur inimicis suis in porta. 3. complectitur successum in œconomia & politia. Psal. 128. Labores manūū tuarū manducabis : beatus es, & bene tibi erit. Ecce sic benedicetur homo, qui timet Dominum, ut uideas bona Ierusalem, omnibus diebus uitæ tuæ, pacem super Israel, Psalm. 127. Non cōfundetur

detur, cum loquetur inimicis suis in porta. Et hoc est quod prima benedictio inquit, Gen. 1. Subijci te terram, & dominamini super omnia que in terris mouentur. 4. Huic uerò benedictioni, propter lapsum, admixta est quedam crucis difficultas & acerbitas: Gen. 3. sicut in remedijs, quale cōiugium post lapsum factum est, solent austera & acerbata quedam misceri. Sed illa acerbitas, timen- tibus Deum mitigatur patientia, cōsolatione, auxi- lio, & liberatione diuina. Sicut præsentia Christi in nuptijs: Ioan. 2. utrumq; ostēdit, & crucem & consolationem. Habet præterea coniugium ex diuina institutione & hoc priuilegium, siue hanc gratiam, quod est genus uitæ sanctum, & Deo pla- cens. Cumq; concubitus extra coniugiū, sit abomi- natio coram Deo: scortatores enim & adulteros iudicabit Dominus: In coniugio honorabiles sunt nuptiæ in omnibus, & νοίτη ἀμύωτος. Heb. 13. Si acceperis uxorem, non peccasti: si nupserit uir- go, non peccat. 1. Cor. 7. Imò in piorum cōiugijs uo- catur sanctificatio & honor. 1. Thess. 4. Ita 1. Tim. 2. tribuitur mulieribus parientibus, sanctificatio & castitas. Et Tit. 2. uxores amantes liberorum, uocantur castæ. 1. Pet. 2. mulieres subiectæ uiris, uocantur sanctæ, & sperantes in Deum. 1. Cor. 7. cohabitatio mulieris fidelis cum uiro in fidei. pro- nunciatur sancta esse. Et ibi dicit, ipsam genera- tionem quæ aliàs immunda esset in coniugio, & præser-



præsertim fidelium, sanctâ esse. 1. Tim. 3. affirmat  
 mulierem saluari per generationem, si manserit  
 in fide. Est & hæc gratia Dei in coniugio, quod  
 Deus coniugum animos coniungit, ut & uelint et  
 possint indiuiduam illam uitæ societatem colere,  
 fidem coniugalem seruare, in nexu illo indissolubi  
 li manere: utq; complexus affectuum inter coniu-  
 ges arctior & ardentior sit, quàm inter parentes  
 & liberos, iuxta dicta: Relinquet patrem & ma-  
 trem, & adhærebit uxori suæ, ut sint quasi una ca-  
 ro. Quod ergo Deus coniunxit, homo non sepa-  
 ret. Illam etiam gratiam Deus coniugibus, Deum  
 timentibus, & in uia eius ambulanti-  
 bus largitur, ut uir uxorem diligat, curet, foueat, & honorem  
 ei tanquam uasi infirmiori tribuat: Ephes. 5. & 1.  
 Cor. 3. utq; mulieris desiderium sit ad uirum: Gen.  
 3. reuerenter se uiro subijciat: Ephes. 5. & sit uiri  
 adiutorium: Gen. 2. exhilaret cor mariti: Syrach  
 26. & Prouerb. 31. & breuiter, gubernatione spi-  
 ritus Dei opus est pijs coniugibus, ut in uera con-  
 cordia suum quisq; officium faciat, mutuas infir-  
 mitates tolerant, communes difficultates subleuent,  
 liberos piè educent, domum gubernent, operas œ-  
 conomicas faciant, & crucem patienter tolerant:  
 utq; cohabitatio sit secundum scientiam, 1. Petri 3.  
 & in Domino, 1. Cor. 7. Hæc pij coniuges petunt  
 à Deo: & Deum hanc gratiam largiri petentibus,  
 non est dubium.

## 2216 EXAMEN DECRETORVM

Postremo, coniugiū dulcissima imago est Christi & Ecclesiae: sicut explicationē illam, tradit Paulus Eph. 5. Viri diligite uxores, sicut Christus dilexit Ecclesiam. Vxores subditae sitis uiris, sicut Ecclesia Christo subiecta est. Quod enim ex latere dormientis Adae, formatur Eua, ut sit os ex ossibus eius, caro de carne eius: hoc ueteres pie interpretantur, fuisse significationē & prænunciationem, fore ut filius Dei, quasi relictō patre descendens de cœlis, nostram naturam assumeret, fieret caro de carne nostra, accepta serui forma, fieret in similitudine hominum, ut ita peccatum in carne damnalet. Et rursus ex dormitione, hoc est, ex passione & morte Christi, nascatur Ecclesia, eductis ex latere eius Sacramentis: quibus generetur, ædificetur, & Christo fide ita uniatur, ut simus membra corporis eius, & ex ossibus eius. Quod igitur Adam dixit: Hoc nunc os ex ossibus meis, propter hoc relinquet homo patrem & matrem, & adhærebit uxori suæ, & erunt duo in carnem unam. hoc Paulus pronūciat magnum mysterium esse, in Christo & in Ecclesia. Dulcissima igitur imago redemptionis et sanctificationis, est in ipso coniugio proposita. Et quæ suauior posset pictura esse, quàm sancta & grata Deo sint mutua coniugum officia, quàm quod Paulus affirmat, uirum diligentem uxorem, assimilari Christo diligenti, redimenti & sanctificati Ecclesiam: & uxore subijcientem

clentem se uiro, imitari & exprimere exemplum  
Ecclesie, subiicientis se Christo?

Hec amplissima doctrina, de dignitate & san-  
ctitate coniugij, in nostris Ecclesijs, ex uerbo Dei  
diligenter proponitur & inculcatur, quam ideo  
paucis hoc loco repetere uolui, ne quis existimet,  
nos uel minus honorificè de coniugio sentire, uel  
de eius dignitate cupere aliquid detractum, quan-  
do contendimus, non esse ita uerè & propriè Sa-  
cramētum noui Testamenti, sicut est Baptismus &  
coena Domini. Si igitur disputatio in hoc tantū car-  
dine uerteretur, matrimonio tribuendā esse appel-  
lationē Sacramenti, propter hanc causam, ut esset  
commonefactio de tota illa doctrina, de dignitate  
matrimonij, de qua hactenus diximus: utq; cōtra  
omnes doctrinas dæmoniorū, appellatio Sacramē-  
ti quasi in illustri loco collocaret cōiugiū, & mo-  
neret, præclarius & augustius in Ecclesia de cōiur-  
gio sentiendū & loquendū esse, q̄ apud ethnicos,  
quibus doctrina uerbi Dei ignota fuit: utq; ipsos  
cōiugatos, officij sui admoneret, & in cruce cōsola-  
tionem monstraret. Si hoc, inquā, tantum à Ponti-  
ficijs quæreretur, et ageretur in hac disputatione,  
facile posset de appellatione cōueniri. Est enim Sa-  
cramenti appellatio æxpress, & latè patēs: sicut  
suo loco ostendimus. Ideo Apologia confessionis  
Vuirtenbergensis inquit: Quia coniugium est san-  
ctū uitæ genus diuinitus institutū & cōmendatū,

libenter ei tribuimus nomen Sacramenti. Sed hoc modo multo plura numeranda erunt Sacramenta, quàm septem. Habent enim reliqua etiam pia genera uitæ, mandatum Dei, & promissionē. Ali- ter etiā in illis uitæ generibus pij uersantur, quàm ethnici. Quis uerò ideo contenderet, agriculturā, pecuariam, etiam numeranda esse inter Ecclesie Sacramenta? Nec uerò in nouo primum Testamen- to institutum est matrimonium: imò Christus tra- ditionem suam de matrimonio, disertis uerbis re- fert ad primam illam institutionem: Non legistis, inquit, quia qui fecit hominem ab initio, &c. Et in questione de polygamia, & de iudaicis diuortijs, non noui aliquid Christus instituit: sed restituit do- ctinam, ad primæuam institutionē: Ab initio, in- quit, non fuit ita, sicut postea in polygamijs & te- merarijs deuortijs factum est. Certum etiam est, pijs ueterum coniugijs defuisse illam matrimonij gratiam, de qua diximus Scripturam loqui. Nec dubium est, cōiugium in Ecclesia semper fuisse my- sterium coniunctionis Christi & Ecclesie, etiam tempore ueteris Testamenti. Nam Osee 2. Domi- nus dicit: Sponsabo te mihi in sempiternum, in ius- ticia, iudicio, misericordia et fide. Et Solomon ex- professò epithalamion scripsit, harum nuptiarum in Christo & Ecclesia. Paulus etiam Eph. 5. illud quod Adam de suo matrimonio in principio crea- tionis, Gen. 2. dicit, pronūciat esse mysterium illud  
magnum



magnum in Christo & Ecclesia. Vanum igitur est, matrimonium esse peculiare Sacramentum noui Testamenti. Omnia enim quæ existimantur esse de ratione Sacramenti, conueniunt piorum coniugijs, etiam in ueteri Testamento, Nam quæ in polygamia & in diuortijs, à quibusdā factitata sunt, Christus pronunciat præter primam institutio nem facta esse, inquit enim: Ab initio non fuit sic. Nec omnes sancti ueteris Testamenti fuerunt polygami. Et tamen in ipsa etiam ueterum polygamia, Augustinus quærit mysterium Christi & Ecclesie, De bono coniugali cap. 18. Quicquid igitur sit de generali usu appellationis Sacramenti, ut quicquid sacrū aliquid significat, & habet mandatum & promissionem Dei, Sacramentum appelletur: hoc certum & manifestum est, matrimonium non esse uerè & propriè Sacramentum, eâ ratione, sicut est Baptismus & cœna Domini. Et hæc distinctio omnino necessaria est in Ecclesia: ne Sacramēta quæ diuinitus instituta sunt, ut sint media seu organa applicatiōis & ob signationis, promissionis de remissione & uita æterna, confundantur cum alijs ritibus.

Baptismus enim & cœna Domini, adiunctam habent promissionem de applicatione & ob signatione gratuite reconciliationis & remissionis peccatorum, singulis qui fide Sacramentis illis utuntur. Talem certè promissionem, coniugium nō ha-

habet. Nec opus est, ut uxorem ducat, qui cupit sibi Sacramentum applicari & obfignari gratuitam reconciliationem cum Deo. Multi etiam uxores ducunt, qui Deo non sunt reconciliati. Et breuiter, coniugium non est organon à Deo in hoc institutum, ut per illud offeratur, applicetur, & obfignetur promissio gratuita reconciliationis cum Deo. Hoc discrimen illustre est, & necessario retinendum.

Ipsa etiam Sacramenti definitio, quæ requirit externum, materiale & uisibile symbolum seu elementum, non potest matrimonio conuenire. Scholastici enim uix fingendo excogitare possunt, quam uelint ponere materiam in Sacramento matrimonij. Richardus dicit, uerbum primò prolatum (ut, Accipio te in meam) esse materiam: & uerbum secundò prolatum (ut, Accipio te in meum) esse formam. uel è contrà: ut scilicet uerbum uiri, aliquando sit materia, aliquando forma. Quid uerò ineptius fingi potest, quādo de Sacramentorum materia disputatur? Canonistæ disputāt, consensum esse materiam, uerba uerò exprimētia consensum, esse formam. Quidam uolunt, sicut in poenitētia actus poenitentis sunt materia, ita etiam actus utentium matrimonio, esse materiam, & consensum, esse formā. Quæ ita uerò hæc mōstra sunt opinionū, quæ inde oriūtur: quòd propter præsumptā opinionē (matrimonium esse Sacramentum) conātur definitionem

Sacramenti accommodare ad matrimoniū? Animadu-  
uertit hoc Gropperus: ideo disputat, formā in Sa-  
cramēto matrimoni, esse uerbū illud: Quos Deus  
coniunxit, &c. Elementū uerò esse exteriores ge-  
stus & actus, quibus coniuges in nomine Domini  
copulātur: & quibus ipsi inter copulandū proficē-  
tur, se posthac in una carne futuros. Minus hæc  
absurda sunt, q̃ uel Scholasticorū uel Canonistarū  
disputationes. Sed ut sit aliquid Sacramentū, non  
sufficit ut adsint & adhibeantur externi aliqui ge-  
stus & actus. Talia enim externa symbola adhi-  
bentur, etiam quando reges coronantur, quando  
princeps feuda accipiunt, quādo in scholis gradus  
conferuntur: imò quando sutores aliquem in col-  
legium suum recipiūt. Num uerò ex singulis, pecu-  
liaria Sacramenta fabricanda erunt? Requiritur  
igitur ad Sacramentum, ut materia elementū seu  
externū symbolū, sit à Deo institutū, præscriptū et  
mādatū: utq; usui eius addita sit promissio. Quod  
Gropperus de externis copulationis ritibus osten-  
dere non poterit. Et hæc cum ita se habeant, ideo  
Tridentina synodus fortiter quidem usq; ad ana-  
thematis denunciationem asseuerat, matrimoniū  
esse uerè & propriè unū ex septem legis Euange-  
licæ Sacramentis: quæ uerò sit Sacramenti huius  
uel materia uel forma, ne uerbulo quidē meminit:  
quod tamen in alijs Sacramentis fecerunt. Vel igi-  
tur incerti sunt de materia & forma huius Sacra-

menti, uel liberum uoluerunt cuius relinquere, ut fingat qualem uelit, siue materiam siue formā: modo credat, matrimonium esse nouæ legis Sacramentum. Et hoc artificium lector bene consideret.

Sed Tridentinum capitulum dicit, Paulum numerare matrimonium inter Sacramenta Ecclesiæ: Paulus enim dicit: Sacramentum hoc magnum est in Christo & in Ecclesia, Eph. 5. Ego uerò putassem satis esse, quod Scholastici propter linguarum ignorantiam, in illo loco Pauli hallucinati essent. Sed ut uideo, Tridentinos patres nihil pudet, quod ad conseruandum statum regni Pontificij facit. Ideo quia uetus interpres in illo loco habet uocabulum Sacramenti, & sequitur, In Ecclesia: mox concludunt, matrimonium esse Sacramentum Ecclesiæ, seu noui Testamēti. Atqui Paulus habet *μυστήριον*: quam uocem interpres sepe reliquit, aliquādo uerò Sacramentum reddidit. Significat autem *μυστήριον* uel rem ipsam spiritualem & arcanam, uel externum symbolum, significans aliquid arcani. Num uerò tot Sacramēta numerabimus, quot rebus appellatio mysterij in Scriptura tribuitur? Decretum de redemptione, uocatur mysterium, Eph. 2. de uocatione gentium, Ephes. 3. de resurrectione mortuorum, 1. Cor. 15. de conuersione Iudeorum, Rom. 11. mysterium septem stellarum & candellabrorum, Apoc. 1. imò est mysterium iniquitatis, sedens in templo Dei: 2. Thessalon. secundo, Sacramentum



mentum meretricis Babylonicae, Apocalypsis 18.

Paulus itaq; nihil aliud dicit, quàm coniunctio nem cōiugalem, quam Adam uerbis describit, esse mysterium magnum, non in se, sed quia significationem habeat, et imaginem gerat arcanae coniunctionis Christi & Ecclesiae: hoc scilicet, quod Adā dicit de coniugali cōiunctione, est mysterium illud magnum. Ego uerò dico, in Christo & in Ecclesia. Duo enim dicta ibi cōferuntur, & quod Adam dixit de coniugali coniunctione, & quod Paulus dicit de arcana coniunctione Christi & Ecclesiae.

Ita Augustinus in 2. cap. Iohannis, tracta. 9. inquit: Ne quis istam magnitudinem Sacramenti in singulis quibusq; hominibus, uxores habentibus intelligeret: Ego autem dico, inquit, in Christo & Ecclesia. Quod est hoc Sacramentum magnum? Erunt duo in carne una. Sic ergo Christus adhesit Ecclesiae, ut essent duo in carne una.

Si uerò coniugium propter hanc causam, quia mysterium est, numerandum est inter Sacramenta Ecclesiae: eādē opera in numerum Sacramentorum referēda erunt omnia, in quibus Spiritus sanctus similitudinem aliquam & imaginem proponit & celebrat, Christi et Ecclesiae. Quàm frequēs in Scriptura est imago pastoris & ouis: & quàm dulcis est eius accommodatio ad Christum & Ecclesiam? Num igitur propterea pecuaria, sanctum quidem & innocens uitae genus, Sacramētum erit

noui Testamenti, sicut Baptismus & cœna Domini: Regnum Davidis, imago fuit spiritualis regni Christi: nec tamen propterea numeratur inter sacramenta. Neq; enim quicquid uel mysterium uel mysticam significationem continet, statim Sacramentum est noui Testamenti, sicut Baptismus & cœna Domini. Et ueteri Ecclesiæ prorsus ignota est hæc disputatio, matrimonium esse Sacramentum noui Testamenti, sicut est Baptismus & cœna Domini. Augustinus defensurus coniugiū aduersus Hieronymi criminationes, disputat tria esse coniugij bona: prole scilicet, fidem coniugale & Sacramentū. Intelligit autē Sacramentū, mysticā significationē coniunctionis Christi & Ecclesiæ. Et propter illud Sacramētum, dicit in nouo Testamento polygamiam nō esse licitam, sed legitimas nuptias esse coniunctionē indissolubile unius uiri & unius foeminae. Ita de fide & operibus, cap. 7. inquit: In Ecclesia, nuptiarū non solū uinculū, uerumetiā Sacramentū ita cōmendatur, ut non liceat uxori uirū alteri tradere. Et de bono cōiugali, cap. 18. inquit: In nostrarū nuptijs plus ualet sanctitas Sacramēti, quā fecūditas ueri. Et q̄ modestē loquitur, cum inquit. Quod in Christo & Ecclesia est magnū, in hoc singulis quibusq; uiris & uxoribus est minimum: sed tamē coniunctionis inseparabilis Sacramētum. Hoc uerō modo et hoc sensu, Augustinus pronuntiat etiam polygamia ueterū, fuisse Sacramentum,

tum, de bono coniugali cap. 18. Sicut Sacramentū pluralium nuptiarū illius temporis, significauit futurā multitudinē Deo subiectam in terrenis omnibus gentibus: sic Sacramentū singulariū nuptiarū nostri temporis, significat unitatem omnium nostrarum subiectā Deo futurā, in una cœlesti ciuitate. Longè aliud igitur Augustinus intelligit, quādo loquitur de Sacramento matrimonij, quā quando Pontificij disputant, matrimoniu esse unum ex septem Sacramentis nœui Testamenti, uerè & propriè, sicut est Baptismus & cœna Domini. Fumos igitur Pontificij uendunt, quando disputationes suas de Sacramento matrimonij, ex Augustino confirmant, eo quòd ipse matrimonio tribuerit appellationem Sacramenti. Maior uerò adhuc impudentia est. Tridentini capituli, quod fingit omnes Patres semper ita docuisse: cū ante Augustini etatē, non facile ostendi possit, uel generalem appellationem Sacramenti tributam matrimonio.

Et inter Scholasticos Durandus disputat, matrimonium non esse uniuocè Sacramentum, sicut alia Sacramenta nouæ legis: & concludit, non esse Sacramentum strictè & propriè dictum.

Eiusdem generis est quod Tridentinum capitulum dicit, Concilia semper ita docuisse. Quæ uerò sunt illa Concilia?

Num apostolicum, num Nicenum, num Ephesinum, &c? Nullū certè ex uetustioribus Concilijs nomi-

nominare possunt. Sed recentia producant, Constantiense scilicet, & Florentinum. Vincentius  
 Lirinensis tradit, illud esse catholicum, quod semper,  
 quod ubiq;, & ab omnibus seruatum fuit. Sed Tridentinis patribus, ut uideo, catholicum est, si  
 centum saltem annorum præscriptionem habeat. Quid uerò cause esse putas, quod tantopere contendunt Pontificij, matrimonium numerandum  
 esse inter Sacramenta nouæ legis? Num tam æqui sunt coniugio? num dignitati eius tantopere fauent?  
 Nequaquam. Suis enim sanctulis coniugium prohibent: & quidem propter hanc causam, ut mundi  
 esse possint. De coniugio enim interpretari non uerentur, quod Paulus dixit: Qui in carne  
 sunt, Deo placere non possunt. Num uerò sine causa ex matrimonio Sacramentum faciunt? Imò  
 multas habent causas: ut scilicet cause matrimoniales Ecclesiasticis tantū iudicibus subiectæ sint:  
 ut prohibitiones suæ, & implementa sua, ipsis hominum conscientijs, tanquā laqueos iniicere possint:  
 ut dispensationes eo carius uendere possint: ut parti innocenti, post diuortium, iure diuino  
 permissum, ratione Sacramenti non liceat rursus aliud contrahere matrimonium: ut docere  
 possint, secundis nuptijs non esse dandam benedictionem, eo quòd careant Sacramento: hoc est,  
 quòd secundæ nuptiæ sint in ueritate fornicatio quedam & prostitutio. Ita enim Decretum loquitur,



tur, 31. quæst. 1. cap. hac ratione, & quomodo.

He ueræ causæ illæ sunt, quæ apud Pontificios ex matrimonio Sacramentum faciunt.

Canon 2.

*Si quis dixerit, licere Christianis plures simul habere uxores, et hoc nulla lege diuina esse prohibitum, anathema sit.*

EXAMEN.

Quicquid sit, siue de dispensatione & permissione, siue de tolerantia Dei, in polygamia ueterum: hoc certum est, coniugium ex prima sui institutione, esse unius maris & unius foeminae coniunctionem, Christus enim non nouam aliquam legem condidit, sed causas matrimoniales, quæ à primæuæ norma apud Iudæos discesserant, reuocat ad primam institutionem: Ab initio, inquit, creationis non fuit sic. Et ex prima illa institutione eruditè ostendit, coniugium esse duorum, unius scilicet maris & unius foeminae diuinam coniunctionem. Deus enim in principio creauit non unum masculum & plures foeminas, sed unum marem et unam foeminam. Et inter duos illos instituit coniugium. Nec dixit, Adhærebit uxoribus suis: unica enim tunc tantum erat mulier. sed, τὸ ἄνδρὶ ἑαυτοῦ ἑσθίει καὶ πίβει, ὡς ἡ ἐκκλησία.

τὸ ἑαυτοῦ

τς: illi scilicet uxori suæ, diuinitus sibi adductæ  
 & copulatæ. Et notabile est, cum Genesis secun-  
 do, tantum scriptū sit, Et erunt in carne una: Chri-  
 stus addit explicationem, Et erunt duo in carnem  
 unam. illam uerò explicationem, sumit ex ipsis cir-  
 cumstantijs textus. Neque enim plures tunc erant  
 quàm duo, unus scilicet mas et una foemina. Quod  
 igitur Genesis 2. sequitur, Erant autem duo illi, scilicet  
 ambo illi nudi: hoc Christus refert etiam ad præce-  
 dentem sententiam, Et erunt duo in carnem unam.  
 Et maioris emphasis gratia, addidit articulum οὗ-  
 δὲ, duo illi. Et repetit: Itaque non amplius sunt  
 duo, sed una caro. Quod itaque sequitur, Quod  
 Deus coniunxit: τὸ δὲ refert duos illos, unum scilicet  
 marem & unam foeminam. Quicquid uerò di-  
 uersum à ueteribus factum est, ad hoc Christus re-  
 spondet: Ab initio non fuit sic. Et propterea Mo-  
 ses exponit, quòd Lamech sua polygamia, primus  
 fuerit autor discessionis, à norma illa primæ in-  
 stitutionis coniugij. Quòd uerò de Patribus qui-  
 busdam ueteris Testamenti leguntur exempla po-  
 lygamie, tribuatur sanè illud uel dissipatiōi Dei,  
 sicut Augustinus disputat De bono coniugali: pro-  
 pter semen benedictum quod ex illa gente nasci  
 debebat: uel propter significatiōem futuræ coniu-  
 nationis iudeorum & gentium, in Ecclesia Christi.  
 Vel tribuatur tolerantie Dei. neque enim omni-  
 bus uitij liberī fuerūt patres: & multa in sanctis  
 suis

suis Deus tolerat. Quicquid uerò horum sit, Christi  
 pronunciat, exempla non debere præscribere  
 diuinæ institutioni. Et aperte ostendit, quæ Deus  
 in politia iudaica, dissentientia à prima institutio-  
 ne ad tempus tolerauit, ea tempore noui Testa-  
 menti abrogari: ut causæ matrimoniales, iam res-  
 tituantur ad primam institutionem. Ita Paulus  
 etiam. prima Corinth. 7. dicit: Vnusquisque ha-  
 beat suam uxorem, et unaquæque suum uirum.  
 Mulier non habet potestatem sui corporis, sed uir;  
 similiter nec uir sui corporis potestatem habet, sed  
 mulier. Non igitur licet Christianis, plures simul  
 habere uxores: idq; non ideo, quasi Christus in no-  
 uo Testamento, nouum et peculiare instituerit Sa-  
 cramentum matrimonij: sed quia ab initio crea-  
 tionis, in prima coniugij institutione, Deus ita con-  
 stituit. Et ad illam normam primæ institutionis,  
 abrogatis Mosaicis permissionibus, Christus re-  
 uocat et restituit causas matrimoniales in nouo  
 Testamento. Rectè igitur et meritò damnantur  
 Anabaptistæ, et quicunque sunt, qui contra nor-  
 mam illius institutionis, in principio creationis à  
 Deo tradite, et postea à Christo repetitæ et con-  
 firmatæ, polygamiam in nouo Testamento  
 nel introducere, uel defendere  
 conantur.

## Canon 3.

*Si quis dixerit, eos tantum consanguinitatis & affinitatis gradus qui in Leuitico exprimuntur, posse impedire matrimonium contrahendum, & dirimere contractum: nec posse Ecclesiam in nonnullis illorum dispensare, aut constituere, ut plures impediant & dirimant, anathema sit.*

## EXAMEN.

Prior pars huius Canonis, loquitur de gradibus diuinitus prohibitis. Vt enim coniugiū sit coniunctio legitima, seu potius diuina, Deus sanxit certū ordinem personarū seu graduum, in quibus post multiplicatum genus humanum, prohibitam uoluit esse coniunctionem. In principio quidem, commixtio cum parētibus tantum prohibita fuit, iuxta dictum: Relinquet homo patrem & matrem, & adhærebit uxori suæ. Tunc enim compellente necessitate, per diuinam dispensationem, fratres copulabantur sororibus. Augustinus uerò rectè dicit, de Ciuit. libro decimoquinto, capite 16. Quanta illud compellente necessitate antiquius est, tanta postea factum est religione prohibente damnabilius: ut cum nulla necessitas esset



esset, ut fieret, nefas esset si fieret. Et prohibitionē coniunctionis inter fratres & sorores, esse iuris naturæ, Augustinus inde probat: quod humano genere multiplicato, etiā inter idololatrias seruetur. & addit: Etiam si alicubi peruersis legibus permittantur fraterna cōiugia, melior tamen cōsuetudo ipsam malit exhorrere licentiam. Et quidem ante Moysen, ex lege naturæ, alij quidam gradus, præter patrem & matrem, illiciti habiti fuerunt: ut cum Abraham dicit Saram esse sororem suam, & Isaac Rebeccam: etiam gentes existimant, propterea non posse coniugem esse. Iacob maledicit Ruben, propter commixtionem cum nouerca. Iuda non uult amplius cognoscere Thamar, nurū suā. Iudicauit ergo, commixtionem illam illicitā esse.

Postea multiplicato genere humano, cum ius naturæ partim obscuraretur, partim peruerteretur, Deus Leuitici 18. & 20. Deut. 27. ipse sua uoce patefecit & confirmauit, quo prohibitiones essent iuris diuini & naturalis. Et leges illas de gradibus prohibitis, Leuit. 18 nō esse tantum ceremoniales, quæ solū ad politiam Israeliticam, & ad illum tantum populum pertineant: sed esse mandata naturalia, quæ ad omnes homines, & ad omnia tempora pertineant, tanquam normæ iustitiæ in mente & uoluntate diuina immutabiles: Deus in ipsa promulgatione illarum legum, manifestè ostendit. primò enim pronunciat, se gentes quæ

sunt extra politiam Israeliticam, propter incestas illas cōiunctiones punire. 2. dicit, cōmixtiones illas fuisse abominationem coram Deo, etiam in gēnibus, ante promulgatam legem Mosaicam, Leuit. 18. & 20. Et apparet, apud Corinthios inter ceteras disputationes de libertate, quòd Christianis in nouo Testamento, quia liberi sint à lege, omnia liceant, fuisse etiam hanc: quòd unà cum ceteris Leuiticis legibus, abrogata sit etiam illa lex de gradibus in Leuitico prohibitis: prætèxtu enim illius libertatis, quidam nouercam suam duxit. Paulus uerò 1. Cor. 5. cum dicit talem commixtionem, ne inter gentes quidem nominari, ostēdit leges illas de prohibitis gradibus, non esse ceremoniales, sed esse mādàta legis naturæ, quæ ad omnes homines, & ad omnia tempora pertineāt. Est enim maximum argumentum, leges illas in Leuitico esse iuris naturæ, quòd ethnici legislatores quibus ignota fuit lex diuina, eodem fermè modo numerant gradus prohibitos. Baptista etiam, cuius ministerium finem imposuit legi, confirmat illas prohibitiones. dicit enim Herodi: Non licet tibi uxore fratri habere. Vt autē intelligeretur, Deū seriò cōmixtiones in prohibitis illis gradib. prohibuisse, addidit cōnationes de uarijs pœnis: ut, Eradicabitur de populo. Quod de pœnis diuinitus inflctis intelligitur, sicut terra euomuit habitatores suos. i. e. Absq; liberis orbi erūt. 2. Iubemur à magistratibus

tu publico supplicio coram populo affici: ut lapidari, comburi, occidi. 3. Manser, hoc est, qui ex prohibitis illis cōmixtionibus nascitur, non ingreditur in Ecclesiam, usq; in decimā generationē. Deut. 33. hoc est: non iungamur cum illis cōnubiis, nō ineamur pacta, non admittamur ad successiones, officia publica, &c. Ita enim cum Ammonitis & Moabitis, qui simul cum incestuosus, Deut. 23. iunguntur, agebatur: ut ex Esdra & Nehemia patet. Et inde colligitur, quid sit non ingredi in Ecclesiam. Et forsan Paulus hunc respexit, cū 1. Cor. 7. inquit: Aliās liberi uestri immundi essent. 4. eradicatio non tamē externas corporales pœnas cōplectitur, uerum etiā spirituales & æternas: ut in circumcissione. Atq; ideo Paulus incestuosum excommunicat, & diabolo tradit. Cor. 5. Hoc modo igitur de diuinis prohibitionibus semimus & docemus. Et quomodo personæ in Levitico ita numerentur, ut inde certi gradus prohibitionū colligi et constitui possint, alibi explicatur. Quæ igitur de hac questione cōtrouersia est, inter Pōtificios & nostros? Respondeo: Hæc est, q̄ in hisce diuinis & naturalib. prohibitionib. Pōtificia ecclesia sumit sibi ius, autoritatē & potestatē dispensandi: hoc est, q̄ sua autoritate & potestate, possit laxare & soluere diuinas prohibitiones. Atq; ideo Tridentinus canon, anathema denunciatur, si quis dixerit, Ecclesiam non posse in nonnullis illorum graduū

qui diuinitus prohibiti sunt, dispensare. Canonistæ disputant, in matrimonio iam contracto, posse talem aliquem casum euenire, ut propter conscientias agendum sit de dispensatione: in contrahendo uerò, nullam dispensationem ualere. Sed hanc distinctionem Tridentinus canon nō addit. utrumque enim pari potestate uolum sibi licere.

Alter a huius Canonis quæstio est, de humanis prohibitionibus: quæ additæ sunt diuinis, in proximis gradibus hoc consilio, ut maiore reuerentia diuinæ prohibitiones obseruemur. Hoc cōsiliū, ut non inhonestum nec impium, ita non est prorsus improbandum & damnandum. Origo autem humanarum prohibitionum, uidetur hæc fuisse, quam describit Augustinus de Ciui. Dei, lib. 15. ca. 16. Experti, inquit, sumus, in connubijs consobrinarum, etiam nostris temporibus, propter gradū propinquitatis fraterno gradui proximum, quā raro per mōres fiebat, quod fieri per leges licebat: quia id nec diuina prohibuit, & nondum prohibuerat lex humana. Verumtamen factum etiam licitum, propter uicinitatem horrebat, &c. Illiciti, & quod fiebat cum consobrina, penè cum sorore fieri uidebatur. Ex illa uerò spontanea abstinentia à connubijs consobrinarum, postea propter honestas causas seculi est prohibitio. Ita enim Augustinus inquit: Antiqui patres de sub genere amabant ducere uxores, uerumtamen quis dubitet honestius,



nestius, hoc tempore etiam consobrinarum prohibita esse coniugia: non solum propter multiplicandas affinitates, sed etiam quia nescio quomodo inest humane uerecundie, quiddam naturale, a quo laudabile, ut cui debet causa propinquitatis, uerecundum honorem, ab ea contineat quamuis generatricem, tamen libidinem: de qua erubescere uidemus et ipsam pudicitiam coniugalem.

Et hoc est quod Ambrosius scribit i. pist. 66. Theodosium consobrinarum coniugia prohibuisse. Et tamen quod memorabile est, prohibitio illa uel non fuit uniuersalis, uel mox postea correctae est. id quod ex lege Arcadij et Honorij, C. de nuptijs, colligitur: ubi consobrinarum coniugia permittuntur. sicut postea etiam Iustinianus, Instit. de nuptijs, idem concedit. Humanas igitur prohibitiones, ueteres non habuerunt tam fixas, certas et immotas, sicut eas quae sunt iuris diuini et naturalis. Apud Ambrosium lib. 8. epist. 66, Paternus uolebat filio neptem ex filia copulare. Illud Ambrosius pronunciat non esse legitimam. Est enim gradus ille lege diuina prohibitus. In Turonensi synodo, circa annum Domini 560. recitantur et Scripturae et Synodorum praecedentium sententiae, de gradibus prohibitis. Et ex illa recitatione colligitur, usque ad illa tempora, diuinis prohibitionibus ualde paucas humanas additas fuisse: ut, ne qua mulier sororis suae maritum, post mortem ipsius

accipiat: uel, ne quis uxoris suæ sororē, post mortem eius ducat: item, ne superstes frater, thorum defuncti fratris ascendat. Prohibitum etiam tunc fuit, consobrinæ sobrinæq; connubium: item, ne quis relictam patrui uel auunculi ducat, &c. Planè eadem repetuntur in Parrhisensi synodo, circa idem tempus: nisi quod additur de amita priuignæ, & de filia priuignæ.

Quales igitur per annos quingentos post natum Christum, gradus fuerint prohibitionis in patria, ex Iustiniano manifestum est. Eius enim prohibitiones extenduntur usque ad nepotem seu neptem, siue ex fratre siue ex sorore: hoc est, usque ad tertium gradum, in linea in æquali: ita tamen, ut in secundo gradu, in linea æquali, coniugium permittatur. Summa uerò Ecclesiasticarum prohibitionum, sicut ex Turonensi concilio colligitur, progressatunc fuit, non ulterius quàm usque ad secundum gradum in linea æquali, & ad tertium gradum in linea inæquali. ita enim illud de sobrinis intelligo: uel certè non ultra tertium gradum, in linea æquali.

Romani uerò pontifices, prohibitiones illas ualde latè extenderunt: alij usque ad quartum, alij ad quintum, alij ad sextum, plerique ad septimum gradum: sicut illa in Decretis recitatur, caussa 35. Toletanum 2. cap. 5. statuit, ne quis propinquæ sanguinis sui, usque quò affinitatis lineamenta gene

ris successiōe cognoscit, in matrimonio sibi desideret copulari. Canō Quarmaciensis, causa 35. dicit, donec generatio aut recordatione cognoscitur, aut memoria retinetur. Tandem post longas intolerabiles uarietates, in Lateronensi concilio, circa annum Domini 1200. prohibitiones redactæ sunt ad 4. gradum, inclusiue.

Hæc ideo recitaui, ut consideretur, humanas prohibitiones additas diuinis, non fuisse semper & ubiq; similes seu æquales, sed uariasse, secundum loca & tempora: & quidem prohibitiones illas, pro ratione circumstantiarum, ad ædificationem fuisse uel extensas uel restrictas, sæpe etiam abrogatas. Imperatores etiam Christiani, ut Theodosius, Honorius, Arcadius, Iustinianus, iudicarunt hanc rem ad suam etiam curam pertinere. leges enim de gradibus illis ediderunt.

Huiusmodi igitur humanas prohibitiones, additas diuinis, si fiant honesto & pio consilio, ut scilicet diuinæ prohibitiones maiori reuerentia seruentur: etsi fiant in proximis gradibus post diuinas prohibitiones, ab illis ad quos cura illa pertinet, pro ratione circumstantiarum loci, temporis, personarum, sine laqueis & seruitute conscientiarum: iudico illas non esse temerè uel simpliciter improbandas & damnandas.

Habent autem Ecclesiæ in singulis nationibus, cum pio magistratu, illam libertatē seu potestatem,

quæ fuit in ueteri Ecclesia: ut pro circumstantiis hominum, locorum & temporum, de gradibus aliquid constituant, quod uerbo Dei non aduersetur, & utile sit ad ædificationem. Hoc enim uetus Ecclesia facitauit.

Romanus uerò pontifex, solus sibi uniuersalẽ illam potestatem, super omnes Ecclesias arrogat: & quidem ita, ut propter plenitudinem potestatis, uelit conscientias Pontificijs prohibitionibus non minus teneri, quàm diuinis. Sæpe etiam matrimonia quæ Deus ipse coniunxit, utpote quæ non pugnant contra diuinas prohibitiones, Pontifex propter suas prohibitiones dirimit & separat: cum tamen fortissimum sit illud uinculum: Quod Deus coniunxit, homo non separet. Graues uerò sunt rationes Pontificiæ prohibitionis, qua ipsis conscientijs laqueos inijcere conantur: quia scilicet quatuor humores sunt in corpore, qui ex 4. constant elementis. Rectè igitur exemplis libertatem ostendunt, qui Pontificiam illam Antichristi, in Ecclesiam & in piorum conscientias tyrannidem, nolunt agnoscere: cum quidem in ipsa Romana curia, nullæ obstant prohibitiones, ne diuinæ quidem, modò regina pecunia intercedat.

#### Canon 4.

*Si quis dixerit, Ecclesiam non potuisse*



tuisse constituere impedimenta matrimonii dirimentia, uel in ijs constituendis errasse, anathema sit.

Canon 6.

Si quis dixerit, matrimonium ratum non consummatum, per solemnem religionis professionem alterius coniugium non dirimi, anathema sit.

EXAMEN.

Prolixa est disputatio, de impedimentis quae dirimunt matrimonium uel contrahendum, uel iam contractum: quam integram explicare, non est nostri instituti. Quod uero ad examen IIII. huius Canonis attinet, fundamenta quae certa et firma sunt, paucis possunt monstrari. Omnino necesse est, ut firmum, fixum et immotum maneat decretum filij Dei, ubi inquit: Quod Deus coniunxit, homo non separet. sed ut sit talis indissolubilis nexus, et inseparabilis coniunctio, requiritur ut sit diuina coniunctio: hoc est, ut non pugnet cum doctrina uerbi Dei, de substantia coniugij. Cohærene

enim illa duo, homo non separet, quod scilicet Deus coniunxit. Possunt igitur incidere talia impedimenta, quæ aduersa fronte repugnant institutioni coniugij. Et in talibus impedimentis, homo non separat id quod Deus coniunxit. Sed Ecclesia ostendit, talem coniunctionem, quia pugnet cum norma matrimonij diuinitus tradita, non esse legitimam seu diuinam coniunctionem: ut, si sit impedimentum graduum, siue consanguinitatis, siue affinitatis, quos Deus sua uoce seuerè prohibuit: si quis antea habeat aliam legitimam uxorem: si consensus non sit liber & expressus: si accedat talis error persone, sicut Iacobo cum Lia accidit: si natura prorsus non sit idonea ad matrimonium, &c. Talia impedimenta non sunt ab Ecclesia, priuata aut peculiari ipsius autoritate constituta, sed notata sunt ab ipso Deo, in institutione matrimonij: & non separant coniugium diuinitus coniunctum, sed ostendunt, non esse legitimam seu diuinam coniunctionem. De his igitur, quia fundamentum habent in uerbo Dei, non est controuersia. Præter hæc uerò alia sunt impedimenta, ab hominibus constituta, quæ non pugnant cum uerbo Dei de matrimonio: ut commentum de cognatione spiritali. Quod enim talis cognatio dirimat matrimonium, uel contrahendum uel iam contractum, & Scripturæ & ueræ antiquitati prorsus igno-  
tum

tum est. aliàs enim inter Christianos, nullum posset constare matrimonium. omnes enim sumus fratres & sorores. Ignorat & hoc Scriptura, quòd uotum castitatis, dirimat matrimonium iam contractum. Et rectè quidem monentur homines, ne cum illis qui diuersæ & prauæ religionis sunt, contrahant matrimonium. Diuersitas tamen religionis, non dirimit matrimonium. prima. Corinth. septimo. Quæ igitur talia impedimenta ab hominibus constituta sunt, quæ non pugnant cum diuina coniunctione, quæ est in matrimonio iuxta eius institutionem: illa iustè & meritò taxantur. Tunc enim homo separat quod Deus coniunxit, quando humana autoritate constituuntur impedimenta dirimentia matrimonium, licet non pugnent cum uerbo Dei, de matrimonij coniunctione. Idem enim est, ac si dicerem: Licet legitima & diuina sit coniunctio, homines tamen posse constituere aliqua impedimenta, quibus separetur & dirimatur. Ex hac distinctione impedimentorum, quæ uera & manifesta est, rectè explicari possunt ea quæ prolixè de impedimenti matrimonij disputamur: quæq; in hoc Canone, omnia sine distinctione in genere approbantur & confirmantur.

## Canon 5.

*Si quis dixerit, propter haresim, aut molestam cohabitationem, aut affectatam absentiam à coniuge, dissolui posse matrimonij uinculum, anathema sit.*

## EXAMEN.

Questio de diuortijs, omnibus temporibus magna quidem contentione, non tamen eodem semper modo disputata fuit. Magnum enim & arduum quiddam est matrimonij uinculum, per repudium soluere, cum uideatur obstare decretum diuinitatis: Quod Deus coniunxit, homo non separet. Vicissim uerò, si separatis secūda nuptiæ prohibeantur; obstrepit hoc quod Paulus dicit, 1. Cor. 7, constitutiones de causis matrimonialibus ita moderandas esse, ne consciencijs laquei iniiciantur; & ne ille qui donum continentie non habet, obijciatur temptationibus sathane, & uisionibus. melius enim est nubere quàm uri. Et propter uitandas fornicationes, quisq; habeat suam uxore, Et ex harum regularum diuersa consideratione factum est, quod quidam in hanc, alij magis in alteram partem inclinarunt. Sed nos ea tantū quæ ad explicationem horum Canonum necessaria uidebuntur, annotabimus.

Explica-



Explicationis autem gratia, pono discrimen inter uera impedimenta, dirimentia matrimonii uel contrahendum uel contractum, & inter diuortium. Impedimenta enim uocantur, quando coniunctio quæ non est legitima, dirimitur: & præcipue, quando matrimonium non est consummatum.

Diuortium uero accidit in coniugio, quod legitime contractum, & præcipue quando iam consummatum est. Ita Moses Deut. 24. descripturus repudium, inquit: Si homo acceperit uxorem, & maritaluerit eam. Sed Esdr. 10. separatio alienigenarum, quia contra mandatum diuinam cõiunctæ erant, fit sine libello repudij. quanquam illa differentia non ubiq; ab omnibus seruetur. Quidam enim inter causas diuortij numerant etiam gradus prohibitos, qui tamen proprie ad impedimenta matrimonij pertinent. Prima igitur questio est, propter quas causas licitum & permissum sit in nouo Testamento, legitimum diuortium. Non dubium autem est, Mosén propter duritiem cordis Iudæorum, plures diuortij causas concessisse. dicit enim Deut. 24. Si non inuenerit gratiam in oculis eius, eo quòd deprehenderit in ea rem fœdam. Malach. 2. Si odio habes, dimitte. Postea uero actio diuortij apud Iudæos, in eam licentiam & leuitatem degenerauit, ut ex quacunque causa uxores dimitterent. Mathæus dicit, *ἡ ἀρχὴ οὕτως ἦν*: hoc est, quicquid esset, cuius poterant

rant uxores in simulare, statim petebant diuortium. Quia uerò uiris cordatis & grauib, leuitas illa repudiij ex quauis caussa displicebat: proponunt igitur Christo quæstionem, an ex quauis caussa fieri possit diuortium? Et simul comprehenditur quæstio, quæ sint ueræ causæ legitiimi diuortij. Christus uerò unam solam causam fornicationis excipit: de reliquis uerò quibusuis causis inquit: Qui dimissa una duxerit aliam, & qui ducit dimissam, adulterium committunt.

Non autem committi potest adulterium, nisi uel utraque, uel altera persona sit uinculo matrimonij alligata. Pronunciat ergo Christus, præter fornicationem nullam aliam esse causam, quæ possit facere tale diuortium, quo uinculum matrimonij soluatur, ut coniuges uerè & legitime separari possint. Sed in omnibus alijs causis, excepta fornicatione, pronunciat manere decretum diuinum: Quod Deus coniunxit, homo non separet. Scio fuisse qui disputarunt, non solam causam fornicationis, in Christi sententia intelligendam esse, licet sola disertè exprimatur: sed sub illa comprehendendi etiam alias causas, quæ sine uel æquè graues, uel etiam grauiores quàm fornicatio: quia moris sit Scripturæ, exempli loco unum aliquid proponere, & disertè exprimere, sub quo reliquis

reliqua quæ sunt eiusdem generis , comprehendantur : ut exemplum de subleuando asino inimici , complectitur omnia caritatis officia, quibus damnum aliquod ab inimicis auerti potest.

Ita exemplum de obuertenda altera maxilla , omnis generis contumeliis complectitur : & exemplum securis è manubrio exiliensis , complectitur omnia homicidia inuoluntaria. Sed talem explicationem , existimo sententiam Christi non admittere : propterea quia status responsionis , ex proposita questione dijudicandus est. Ita autem proponitur questio : An ex omni causa liceat dimittere uxorem ? Ad questionem hanc Christus respondens , non dicit , ex quauis causa licere : nec etiam dicit , ex nulla causa licere : sed explicaturus ex quibus causis liceat , ex quibus non liceat , solam fornicationis causam excipit : ex reliquis uerò quibusuis causis , pronunciat uinculum matrimonij non solui , sed committi adulterium , si fiat commixtio cum alia persona. Hæc sententia conscientijs tutissima est : ex uerbis enim Christi , manifesta & certa est. Cui tamen illud quod dignum est observatione , addi potest : sicut uulgò dicitur , aliud esse ius fori , aliud ius poli : aliud esse forum politicum , aliud forum conscientie. Ita enim Theodosius & Valentinianus , Christiani imperatores , sub doctissimis & uigilan-

vigilantissimis episcopis , qualis fuit Ambrosius ,  
 ediderunt constitutionem de diuortijs : in qua plu-  
 res causas diuortij concedunt , ut scelitiam , uene-  
 ficia , insidias uitæ structas , &c. Politicæ enim  
 constitutiones ita moderandæ sunt , ut non tan-  
 tum boni & sanabiles ad regulam bonæ conscien-  
 tiæ gubernentur , uerumetiam ut impij præfra-  
 cti & contumaces , qui iustis admonitionibus  
 regi nolunt , reprimantur & coerceantur , ne  
 reliquorum tranquillitate turbent. Cumq; po-  
 liticis , legibus omnia quæ ad exactam iustiti-  
 æ normam non conueniunt , caueri non pos-  
 sine : quando igitur duo imminere incommoda ,  
 ut id quod leuius est eligatur , constituuntur  
 metæ , quantum sine Reipub. perturbatione  
 concedi possit , & ubi gladius ciuilibus repres-  
 surus sit impiorum contumaciam : Ita Deus  
 ipse in constitutione politicæ Israeliticæ , pro-  
 posuit quidem normam institutionis coniugij :  
 sed quia plerique propter cordis duritiem , il-  
 la norma nolebant regi : Moses igitur Politi-  
 cus legislator , ne oeconomicæ tranquillitas pror-  
 sus turbaretur & uastaretur , politicam fecit  
 constitutionem , de modo & metis diuortiorum.  
 Semper tamen conscientijs insonuit uox doctri-  
 næ : Ab initio non fuit sic. Quod Deus coniun-  
 xit , homo non separet. Eodem modo Ambrosius ,  
 qui conscientias de diuortijs , secundum Christi  
 doctrinam



doctrinam erudiebat, non ignorabat politicam illam imperatoris sui Theodosij constitutionē: sed illam hoc politico fine editam non damnauit: nec tamen docuit, in foro conscientie pios hoc facere posse, & debere. sicut hoc pulchrē colligitur ex illis quę scripsit, in 16. caput Lucę: Omnis qui dimiserit uxorem suam, & alterā duxerit, mœchatur. Audi, inquit, legem Domini: cui obsequuntur, etiā qui leges ferunt. Item: Dimittis ergo uxorē quasi iure, sine crimine: & putas id tibi licere, quia lex humana non prohibet, sed prohibet diuina.

Non igitur omnem & quamuis causam diuortij, Christus approbat: nec tamen etiam nullam concedit diuortij causam: sed causam fornicationis excipit ab alijs omnibus illegitimis, illicitis & insufficientibus diuortij causis. Propter adulterium igitur, fieri potest uerum & legitimū diuortium. Et illud diuortiū non pugnat cum diuino decreto: Quod Deus coniunxit, homo non separet. Ibi enim non homo, sed Deus ipse separat. quod enim uerbum Dei facit, hoc Deus ipse facere iudicandus est.

Aliud uerō est, loqui de casu desertiōis, quę Paulus ponit 1. Corint. 7. Si infidelis discedit, discedat. Quęstio. n. de diuortio, ita proponitur: Propter quas causas uir siue mulier possit à se repudiare et abijcere, siue uxorem siue maritum legitime coniunctum. Ad hanc quęstionem rectē respondetur

uerbis Christi, quòd propter solum adulterium. Neque enim Paulus, præter unicam illam Christi, exceptionem, fideli concedit, ut propter disparitatem religionis, infideli repudium mittat: sicut Anabaptistæ fingunt alterum coniugum statim posse repudiari, si nolit sectam illarum amplecti. Paulus enim expressè dicit: Si infidelis consentit cohabitare, fidelis non dimittat illam. Sed si infidelis discedit, discedat: non enim seruituti subiectus est frater uel soror, in huiusmodi.

Audis Paulum distinctè loqui. 1. Non cõcedit fideli, ut propter diuersitatē religionis, uel periat uel faciat diuortium. inquit enim: Fidelis non dimittat infidelem. 2. Si uerò fidelis ab infideli iniuste deseratur & abijciatur, in hoc casu desertionis, si infidelis non potest adduci ut cohabitaret, & fidelis non potest continere: pronūciat Paulus, fidelem non esse seruiliter alligatam desertori sed esse liberam. Seruitus enim & libertas opposita sunt. Et phrasis Pauli, *ἡ ἀδελφὴ* rectissimè intelligi potest ex illis quæ scribit Rō. 7. Mulier lege alligata est uiro. Item: libera est à lege uiri, ne sit adultera, si alteri uiro copuletur. Atq; ita Ambrosius sententiā illā interpretatur, quod non sit peccatum ei qui propter Deum dimittitur, si alij se iunxerit, nec accusatur, si deserta alij copuletur. Infidelis uerò discedens, & in Deum & in matrimonium peccare dinoscitur. Et mox postea: Si  
Esdra

Esdra dimitti fecit uxores aut uiros infideles, ut propitius fieret Deus, nec iratus, si alias ex genere suo acciperent (non enim ita præceptum his est, ut dimissis istis alias minimè ducerent :) quanto magis si infidelis disceſſerit liberū habebit arbitrium, si uoluerit nubere legis suæ uiro. Hæc Ambrosius. Phoetius ita scribit: Si infidelis, diuortium fecerit, nō est seruituti subiectus fidelis, quin & ipse diuortium faciat. Interpretatur autem uerbum *χωρίσει* = *Dei* non simpliciter prodiscedere, sed pro separare, seu diuortium facere: sicut usurpatur in illo dicto, Homo non separet.

Duos igitur casus in Scriptura habemus, quibus uinculum matrimonij dissoluitur, ut coniuges separentur, non tanquam ab hominibus, sed ab ipso Deo: 1. propter adulterium, uir licite, rectè, & sine peccato potest uxorem suam repudiare. 2. Si infidelis nolit cohabitare cum fidele, sed deserat, dimittat & repudiet eam, sine culpa adulterij, tantum propter fidem: peccat quidem infidelis, & in Deum & in ius matrimonij: sed persona innocens deserta, non est seruituti subiecta, sed libera à lege uiri, ut nō sit adultera, si legitime iungatur alteri uiro. Et hos duos casus etiam

Chrysostomus annotauit, 1. Cor. 7.

Infidelis, inquit, causam  
præbuit, & fornicatio.

## Canon 7.

*Si quis dixerit Ecclesiam errare, cum docuit & docet (iuxta Euangelicam & Apostolicā doctrinam) propter adulterium alterius coniugum, matrimonij uinculum non posse dissolui: & utrumq, uel etiam innocētem, qui causam adulterio non dedit, non posse altero coniuge uiuente aliud matrimonium contrahere: mœchariq, eum qui dimissa adultera aliam duxerit, & eam qua dimisso adultero alij nupserit, anathema sit.*

## EXAMEN.

Repetitur hoc loco, et stabilitur lex illa Pōtificia, quōd parti innocēti, quæ à cōiuge uel adultero uel adultera, legitimo diuortio separata est, nulla ratione liceat, parte rea adhuc uiuēte, aliud matrimonium contrahere. Et multi sanē sperarūt mitigationē aliquā durissimæ istius legis, eo qđ inhumana scius asperitas, nō tantum partē innocentē, sine sua culpa, iure suo priuat, quod cōtra regulas iuris est:



est: uerum etiam periculosissimos laqueos conscientijs iniicit. Innocens enim post legitimum diuortium, legitimè factum, si donum continentiae non habeat, & tamen non possit secundum matrimonium contrahere, cogetur uel in perpetua uisione, qua inuocatio turbatur & extinguitur: uel in fornicatione, quæ à regno Dei excludit, uiuere: idq; non sua, sed aliena culpa. Atq; ita diuortium à filio Dei propter causam adulterij indultum, parti innocenti nihil aliud erit, quàm laqueus, quo coniiciatur in uisiones, in fornicatiões, in irā deniq; et iudiciū Dei. Melius igitur Christus Ecclesiae suæ consulisset, si simpliciter nullum diuortiū, etiam propter adulterij causā concessisset. Ita enim pars innocens retinuiſſet facultatem utendi remedijs, diuinitus contra fornicationem concessis. Sed Tridentinum concilium non est sollicitum, quomodo conscientijs consulatur. sicut enim sacrificulis, ita forsan etiam separatis, centum potius concubinas, quàm unam legitimā uxorem concedēt. Septimus igitur Canon sub anathemate prohibet, innocentem qui causam adulterio non dedit, aliud matrimonium, altero coniuge uiuente, contrahere: & pronunciat, eum qui post legitimum diuortium legitimè factum, dimissa adultera aliā duxerit, mœchari. Contendit enim, per diuortiū non posse uinculum matrimonij dissolui, etiam si propter causam adulterij legitimè fiat. Non ignoro autem, Au-

gustinum, & qui illum sequuntur, quæstionē hanc horridē & duriter disputare & definire. Sed si sepositis hominum præiudicijs & præconceptis præsumptionibus, ex ipsis Christi uerbis quæstio hæc dijudicetur, res profectò plana & manifesta est. Quæstio à phariseis proponitur Christo, de diuortio seu repudio: hoc est, de dimissione seu separatione uxoris. Iam ante omnia constituendum est, quæ sit definitio diuortij, de quo pharisei quæ-  
runt. Illud uerò certum & manifestum est, ex loco Deut. 24. quē pharisei allegant. Ibi. n. Moses dicit, per repudium uxorē dimitti, ē domo mariti, & ita emitti, ut possit alteri marito nubere. Et Leuit. 21. Ezech. 44. sacerdos sicut uiduā, ita etiā repudia-  
tam uetatur ducere. Iere 3. tanquā uulgatū et noto-  
riū allegatur, post repudiū libertatē esse trāseundi  
ad aliud coniugiū. Repudium igitur seu diuortiū,  
de quo phariseorum quæstio loquitur, non tātum  
est seiunctio à cōiūctu domestico seu separatio quo  
ad cohabitationem: sed est solutio uinculi matri-  
monialis, ita ut post legitimū diuortium legitimē  
factum, possit contrahi aliud matrimonium: non  
tantum post mortem prioris coniugis, sed uiuente  
eo. Illud enim expresse ponitur Deut. 24. Et uer-  
bum כָּרַךְ unde repudium seu diuortium Hebrais  
dicitur, significat abscindere seu præscindere:  
quod ad solutionem uinculi coniugal- aptē conue-  
nit. Atq; adeo uinculum coniugal- non manet post

diuortium, inter priores coniuges, ut Deut 24 & Hierem. 3. pronuncietur abominatio esse, si maritus repudiatam suam, post mortem alterius uiri, ducere uoluerit. Dietenbergius obijcit: Iudæis licuisse post diuortium ducere aliam uxore, non ratione diuortij, sed quia licebat plures tunc simul uxores habere. Hanc uerò rationem uanam & falsam esse, inde constat. Nam & uxor repudiata, poterat alteri nubere, Deut. 24. Leuit. 21. Ezech. 44. Jerem. 3. Quid igitur phariseorum questio, nomine diuortij intelligat, certū et manifestum est. Et ipsa formula libelli repudij, quæ adhuc hodie Iudæis usitata est, idem confirmat. In ea enim ponitur hæc clausula: Concedo ei licentiam & potestatem, ut pro libito suo uadat quò uoluerit: duciq; possit ab omni uiro: nec eam quisquam prohibere præsumat.

Videamus porro quid ipse Christus in responsione sua intelligat per diuortiū seu repudiū. Cōiungit autē Matthæi 19. Marci 10. Luc. 16. duo hæc: uxorem dimittere, & post diuortiū aliam ducere. Eadē ergo est definitio diuortij, in questione Phariseorum, & in responsione Christi. Hæc uerò notationem diuortij, accommodabimus ad ipsam questionē et responsionē. Querūt. n. Pharisei, propter quas causas tale diuortiū licitū sit. Hic uerò liberē fateor, si Christus tantum hoc respondisset, quod Marcus et Lucas describūt, sensus simpliciter hic

esset: propter nullam prorsus causam, licitum esse tale diuortium: sed quæcunq; intercedat causa, nō posse uinculum matrimonij dissolui, nisi per mortem. Ita enim habēt uerba: Quicūq; dimiserit uxorem suam, & duxerit aliam, adulterium committit. Sed quia in Euāgelistis, uniuersalis & necessaria regula est, ueram interpretationem & sententiam, quærendam & sumendam esse ex collatione descriptionum, quæ extant apud reliquos Euangelistas: ita enim mutuas operas tradiderūt, ut quod unus breuius et obscurius posuit, illud alter suppleat, & clarius explicet. Conferēda igitur est etiam Matthæi descriptio, quæ testatur non semel, sed in duobus locis, Christum diuersis temporibus, quando materiam diuortij tractauit, disertè addidisse exceptionem de casu fornicationis: Matth. 5. & 19. Non itaq; simpliciter uniuersales sunt sententiae illæ Christi, in Marco & Luca: sed cum illa exceptione, quā Matthæus apostolus, qui illis cōcionibus Christi interfuit, duob. in locis addit. Quia igitur uerissima est regula, quòd generi derogetur per speciem: sensus igitur responsionis Christi, ex collatione Euangelistarum hic erit: tantum in causa fornicationis, licitum esse tale diuortium, sicut supra descripsimus: in reliquis uerò omnibus causis, non esse licitū, ut uir uxorem dimittat, & alia ducat. Et quid pronunciat adulteriū cōmitti, si alia ducatur: ostēdit, in omnib. diuortijs propter quas-

cunq;



cunq; causas fiant, manere uinculum matrimonij, excepto illo diuortio, quod fit propter causam fornicationis. Argumenta enim à cōtrario sensu, sunt omnium & manifestissima & firmissima. Quia igitur Christus dicit: Qui dimiserit uxore suam, excepta causa fornicationis, & duxerit aliā, mœchatur. Ergo à contrario sensu, qui propter causam fornicationis dimittit uxorem, & aliam ducit, nō mœchatur. Hoc certè luce meridiana clarius est. Et hæc clarissima simplicitas, uel inde cōfirmatur, quod Augustinus diuersam suam sententiam aliter tueri non potest, nisi uerba Christi, de exceptione fornicationis, misere, & contrā quā simplicitas contextus patitur torqueat. Dicit enim hunc esse sensum exceptionis, quod illi grauius quidem peccent, qui sine causa fornicationis diuortiū faciunt: sed tamen & illos adulterij reos esse, qui propter causam fornicationis uxorem dimittūt, & aliam ducunt. Sed inspiciatur tantum textus, & manifestum erit, Christum hoc non dicere. Neque enim proposita erat quæstio, utrum ex illegitimis diuortijs grauius peccatum sit: sed quæstio erat, de causis legitimis diuortij. Et Pharisei quidem existimabant, quamuis causam sufficere. Christus uerò respondet: Excepta causa fornicationis, nullam aliam esse causam, quæ possit matrimonij uinculum soluere. Semper autem in memoriam reuocetur definitio diuortij. Pharisei enim in quæ-

stione ponunt definitum: quærunť enim de causis diuortij. Christus uerò in responsione ponit ipsam definitionem diuortij: uxore scilicet dimittere, & aliam ducere. Et hanc definitionem nulli cause tribuit, nisi tantum cause fornicationis. Particulæ etiam *ωαρεντος*, & *ἐμὴν*, illam Augustini conťorsionem nō admittūt. Græci interpretes, 1. Reg. 20. reddiderunt *ωαρεξ*: puer hoc non sciebat, nisi tantum David & Ionathas: cap. 21. Non est hic alius gladius, præter hunc: 3. Reg. 3. Nemo adfuit, nisi nos due: Actor. 26. Optarim omnes fieri tales, qualis ego sum, exceptis his uinculis. In his sententijs, certè ineptissima esset interpretatio de magis & minus, cum simpliciter sint exclusiue exceptiones: sicut & particula nisi, quæ Matth. 19. usurpatur. cuius exempla ubiq; sunt obuia.

Ita ergo sententia Christi plana est. Sed duo dicta ex Paulo opponuntur: de quo non dubium est, quin omnium rectissimè Christi sententiam intellexerit. Illas igitur paucis ostendemus, non tollere exceptionem Christi de causa fornicationis. Roman. 7. dicit, mulierem lege alligatam esse uiro, donec uiuit: ita ut si uiuente uiro, alteri coniuncta fuerit, adultera pronunciatur. Hoc Pontificij ita interpretantur, quasi Paulus uoluerit docere: ne post legitimum quidem diuortium, propter causam fornicationis legitimè factum, concedi posse aliud matrimonium, altero coniuge uiuente. Sed

Paulus

Paulus in illo loco non tractat exprofeſſò doctrinam de diuortijs : ſed ex inſtitutione cōiugij, quòd ſit indiuidua coniunctio, ſimilitudinem quatenus propoſito ſuo congruit, aſſumit. Et nullum dubium eſt, matrimoniũ per ſe, iuxta inſtitutionem, eſſe talem coniunctionem, ſicut Chriſtus inquit : Non iam ſunt duo, ſed una caro. Item : Quod Deus coniunxit, homo non ſeparet. Et hoc modo iuxta inſtitutionẽ, nexus matrimonij non niſi morte diſſoluitur. Et haſtenus ſimilitudo illa ſeruiabat Pauli propoſito. Alia uerò quæſtio eſt de diuortio : cuius ſimilitudinem Paulus nõ attexit, quia ad id quod illo in loco agebat, ea non erat opus. Chriſtus uerò Matthæi 19. ſimul & legem inſeparabilitatis cōiugij, ex inſtitutione tradit : & adiungit exceptionem de diuortio, propter cauſam fornicationis. Non igitur exiſtimãdus eſt Paulus ſuſtuliffe ſeu abrogaffe exceptionem illam Chriſti, quando legem inſtitutionis, de indiuidua coniugij ſocietate recitat. Et ne coniecturis opus ſit, ipſe paulus certiſſimus ſui interpres ſit. Dicit enim, ſe loqui ſcientibus legem. Atqui legem concedere ſecundas nuptias, poſt legitimũ diuortium, certiſſimum eſt. Deuteronom. uigeſimo quarto. Leuitic. 21. Ieremiæ 3. Ezech. 44. Loquitur itaque in illo loco Paulus, de uinculo coniugali, quale eſt per ſe, extra caſum diuortij. Nam & ipſe 1. ad Corinth. 7. ubi ſententiam illam quæ extat

## 258 EXAMEN DECRETORVM

extat Rom. 7. repetit, fidelem in casu desertionis eximit seruitute, & uindicat in libertatem à lege coniugis infidelis, dum adhuc uiuit. Altera sententia Pauli, 1. Cor. 17. uidetur fortius urgere. præfatur enim, se repetere præceptum Domini de diuortijs. Dicit autem simpliciter, sine exceptione, præceptum Domini esse, mulierem à uiro non separari: si uerò separaretur, ut maneat innupta, aut uiro reconcilietur. Et uirum non dimittere uxorem. Inspicimus igitur aliquanto propius, illam Pauli sententiam, maxime quia profitetur se repetere præceptum Domini, de diuortio. Christus autem in illo suo præcepto, duo complectitur. 1. propter quas causas non sit licitum diuortium, ita ut legitime possit aliud matrimonium contrahi. 2. addit exceptionem de causa fornicationis. Videamus iā, an Paulus utramq; partem præcepti Christi complectatur, an uerò de altera tantum parte loquatur. Et non diuinationibus agemus, sed ex ipsis Pauli uerbis, hac de re statuemus. Primò autem sumemus illud, quod etiam aduersariorum confessione certum est. Licet enim post diuortium, non permittant alterum matrimonium: hoc tamen fatentur, concessum esse, ut propter causam fornicationis, uir possit uxorem dimittere, & uxor uirum deserre. In alijs uerò casibus, extra fornicationem, Christus pronunciat ipsam dimissionem non licere. Non Matt. 5. non de repetitis à uiro post dimissionem facun-



nem secundis nuptijs, sed de ipsa dimissione loquitur: Quisquis uxorem dimiserit, excepta causa fornicationis facit eam mœchari. Iam uerò Paulus 1. Cor. 7. inquit: Præcipio non ego, sed Dominus, mulierẽ à uiro non discedere, & uirum non dimittere uxorem. Audis Paulum loqui de illa parte præcepti Dominici, quæ in alijs casibus, extra causam fornicationis, ipsam dimissionem prohibet. Et in his casibus rectè dicit, non posse contrahi alterum matrimonium: quia nondum soluto uinculo matrimonij, est adulterium. Non autem præceptum Domini est, uirum propter causam fornicationis, nec debere nec posse uxorem dimittere. Exceptio igitur causæ fornicationis, in illa Pauli sententia non comprehenditur: quia expressè declarat, se loqui de illis casibus, in quibus ipsa dimissio non est licita.

Quod autem addit: Si uerò discedit, &c. ostendit multa fieri de facto, quæ de iure non licent.

Secundò, ipsum uerbum reconciliationis, ostendit Paulum non loqui de causa fornicationis. Quando enim in Scriptura alter dicitur alteri reconciliari, intelligitur hoc propriè non de parte innocente, sed quòd pars offendens reconciliatur alteri. ut ad Romanos capite quinto: Cum inimici essemus, reconciliati sumus Deo. Matthæi capite quinto: Si frater tuus habet aliquid aduersum te, uade reconciliare fratri tuo.

Si igitur

Si igitur Paulus discessionem mulieris, de causa fornicationis uiri intelligeret: non mulieri, ut parti innocenti, sed uiro, ut parti offendenti iniungeret reconciliationem. Quia uero dicit, Mulier reconciliet se uiro: ergo intelligit separationem, quae propter alias causas fit, excepto casu fornicationis. Salua igitur manet exceptio Christi.

Tertio. Ipse Paulus mox fidei parti desertæ, non proponit præceptum, Maneat innupta: sed liberam eam pronunciat. Ergo Paulus ipse ostendit, priorem illam sententiam non esse intelligendam sine exceptione.

Quartò. Græci interpretes exceptionem causæ fornicationis, expressè addunt in explicatione huius Paulinæ sententiæ. Chrysostomus dicit, uxorem à uiro non discedere sine fornicatione: & addit, Pauli sententiam esse: quia propter alias causas, excepta fornicatione, contingit fieri diuortia: melius esse ut à principio non fiât, quod si fiât, uel maneât sine coniugio, uel recõcilientur.

Eandem explicationem repetit Theophilactus. Oecumenius ita inquit: Lex Domini est, ne excepta fornicatione fiat diuortium. item: uir uxore non dimittat, nisi ratione fornicationis duntaxat. hæc enim lex Christi est.

Ambrosius etiam inquit: Si discesserit propter malam conuersationem uiri, iam innupta maneat.

Corinthiorum igitur quæstio non fuit de legiti-

mo diuortio, quod propter causam fornicationis fit: sed de illis diuortijs, quæ Græcorum leuitate, ex quibusuis causis in illis locis usitata erant. Atq; ita dijudicatio huius questionis, quantum ad Scripturæ sententiam attinet, plana est. Et bonæ mentes acquiescere debent, quando habent ipsius diuinæ uoluntatis simplicem & genuinam sententiā, in Scriptura patefactam.

Apud Ecclesiasticos uerò scriptores, questio illa non eodem modo definita fuit. Omnino enim quantum salua conscientia fieri potest, operanda est, ut diuortia etiam legitima caueantur, & nexus coniugalis uel indissolubiliter seruetur, uel si interruptus fuerit, redintegretur. Serio igitur uiros monebāt & hortabātur ueteres, ut adulteras, si pœnitentiam agerent, & spem emendationis præberent, paterentur sibi reconciliari: cū præsertim nobis Christianis cogitandum sit, fœdus spiritus coniuġij inter Christum & Ecclesiā, sæpe à nobis spiritali fornicatione uiolari. Nollemus autem Deum tam duriter nobiscum agere, ut propterea sine spe reconciliationis, in æternū nos à se repudiet. Sed celebramus, sicut æquum est, illā Dei misericordiam quæ pulcherrime descripta est Ierem. 3. Eandem igitur humanitatem & misericordiam, lapsæ etiam parti nos præstare æquum est, ne incidamus in illud iudicium: Qua mensura mensi fueritis, &c. cum præsertim Christus adultor

tam resi-

ram resipiscentem clementer receperit, Ioan. 8. Quod caput, Augustinus narrat acerbos uiros tanto odio psecutos, ut ex suo loco illud expunxerint.

Accedit, quòd secunda matrimonia, sua habent incommoda, propter liberos ex priori coniugio susceptos. Et pars lapsa, quando sine omni spe receptionis repudiatur, difficilius ad poenitentiam redibit, sed ex desperatione, alijs atrocioribus flagitijs se prostituet. Hieronymus citat quidem sententiam Solomonis ex cap. 18. Prouerbiorum, quæ tamẽ in Hebraico textu Solomonis nõ extat: Qui tenet adulteram, stultus est & impius. 32. quæst. 1. citatur ex Chrysost. Fatuus est, & iniustus, qui retinet meretricem. Patronus enim turpitudinis est, qui celat crimen uxoris.

Non tamen pugnat aduersus pietatem, adulteram resipiscentem recipere. Ita Dauid coniugem suam Michol, quæ alteri copulata fuerat, rursus ad se recepit.

Hæc & alia argumenta, quibus persuaderi & molliiri possit uiri animus, extant apud Augustinũ. Et pijs omnibus probatur, ut non statim ad diuortia profiliatur, sed prius tententur omnia, quæ reconciliationi & redintegrationi seruire possunt. Omnia enim mihi licent, sed non omnia expediunt & edificant: inquit Paulus.

Veteres igitur, ut animos maritorum efficacius mouerent, docuerunt, rectius, præstantius & perfectius



fectius esse, si etiam ille qui ab adultera separatus est, uel maneat sine coniugio, uel reconciliatam uxorem rursus recipiat, Et secundas nuptias post diuortium, aliqua etiam publica reprehensione notarunt: ut eo facilius animos ad reconciliationem flecterent. Non autem adeo fuerunt asperi, duri, horridi & immanes, ut maluerint conscientias separatarum, huiusmodi traditionibus, laqueis uisionis & fornicationis, in æternum exitum precipitare, quàm alterum matrimonium concedere. Ita Origenes in 18. cap. Matth. dicit quidem talia matrimonia esse extra Scripturam, & aduersus ea quæ scripta sunt Roman. 7. & Matth. 18. addit tamen: Scio quosdam qui præsumunt Ecclesijs, extra Scripturam permisisse aliquam nubere uiro priori uiuenti. Et contra Scripturam quidem fecerunt, Rom. 7. non tamẽ omnino sine causa hoc permiserunt. forsân enim propter huiusmodi infirmitatem incontinentium hominum, peiorum comparatione quæ mala sunt, permiserunt. Et illam permissionem dicit non esse iuxta exactam iusticiam, sed secundum duritiem hominum carnalium. Comparat autem, quod diligenter notandum est, hanc permissionem illi quæ extat 1. Cor. 7. Bonum est mulierem non tangere, sed propter fornicationem, &c. item: Rursus conueniant, ne tentet uos sathanas: hoc uerò dico secundum indulgentiam, non secundum imperium. Non igitur intelligit permissionem criminis

mortalis, uastantis conscientiam, et effundentis gratiam. Et si nihil aliud, talem certè permissiōe seu indulgentiam, aliquando in Concilio futuram sperarunt Caietanus, Erasmus & Catharinus: sed frustra, sicut iam apparet.

Ita docti 7. Canonē Neocæsariensem, de huiusmodi secundis nuptiis intelligūt: & meo quidē iudicio, rectè. Statuit enim, presbyterū nō debere interesse cōiuijs secundarū nuptiarū, ne cōiuiuo illis nuptiis consentire uideatur. Et ratio additur: quia preceptū sit, secundis nuptiis pœnitentiā imponere. Notatæ igitur fuerūt secundæ illæ post diuortium nuptiæ, publicæ aliqua Ecclesiastica reprehensione: non tamen prorsus uel damnatæ, uel prohibitæ, uel rescissæ fuerunt.

Ita Hieronymus Fabiolā, quæ post legitimū diuortiū, uiuente priori marito, alteri nupserat: narrat quidē publicā egisse pœnitentiā, de qua scilicet loquitur Canon 7. Neocæsariēsis, eo quod esset contra rigorē Euāgelij, qui uniuersam causationē nubendi, uiuētibus uiris, fœminis amputat. tamē addit, illam hoc nō ut peccatū mortale cōmississe: nec tantū Papiniani leges secutā, sed fecisse hoc iuxta dicta Pauli: Melius est nubere quā uir. itē: Volo iuniores uiduas nubere, ne cōuertantur post sathanā. Nec publica Fabiole pœnitētia efficit, peccatū esse simpliciter mortale & damnabile. nam & illis qui adulterā sine diuortio retinebant, duorum

atq;

atq; trium etiā annorū poenitētia tunc imponebatur. cap. 32. quæst. 1. Et duriores omnino fuerūt ueteres foeminis, ne illis post diuortiū, alterū cōcederetur coniugiū: sicut Ambrosius 1. Cor. 7. inquit: Nō permittitur uxori ut nubat, si uirū suum causa fornicationis dimiserit. De uiro aut existimat, Paulū ideo nō addere, Maneat ἀγαπῶς: Quia, inquit, uiro licet ducere aliā, si dimiserit uxore peccantē. Et reliqua quidē diuortia Ambrosius et arguit, et damnat, in 16. cap. Lucæ. Sed post diuortiū ex causa fornicationis, expressè dicit licere, ut uir aliam ducat uxorem: idq; non ex legū civilium, sicut Lindanus fingit, sed ex Pauli sententiā pronunciat. Et ex illo Ambrosij loco colligitur, publicas illas reprehensiones, quæ extant apud Origenem et Hieronymum, potissimū contra foeminarum secundā matrimonia constitutas fuisse. Viris enim illud licuisse, Ambrosius apertè affirmat.

Circa Augustini uerò tempora, questio hæc horridius coepit disputari: simpliciter scilicet adulterina esse coniugia, quæ post legitimū etiam diuortium, propter causam fornicationis legitimè factū, siue à uiris siue à foeminis contraherentur. Non tamē catholicum fuisse hoc dogma, inde apparet, quòd fuerunt tunc qui Augustini sententiæ contradixerunt: ut Pollentius. Sed Augustini auctoritate effectum est, quòd in concilio Meleuitano 17. Canon, hac de re ita positus est: Placuit

ut secundum Euangelicam & Apostolicam disciplinam, neq; dimissus ab uxore, neq; dimissa à marito, alteri cōiugatur: sed ita maneat, aut sibimet reconcilientur. Quòd si contempserint, ad poenitentiam redigātur. Sed nec ille Canon dicit de parte innocente, quæ propter causam fornicationis, partem peccantem dimittit: sed loquitur de dimissis, hoc est, de parte rea. Illud uerò notabile est, quod addit Canon iste, petendam esse legem Imperialem in illa causa. Ergo usq; ad illa tempora, etiam sub Christianis Imperatoribus, non fuit lex seu constitutio, prohibens talia matrimonia. Neq; uerò postea etiam à Christianis Imperatoribus talem legem impetrarunt, sicut ex Codice Iustiniani manifestum est. In Ecclesia etiam post illud tempus, talia matrimonia non simpliciter ut damnabilia rescissa fuerunt. Leo enim epist. 85. loquitur de sacerdote quodam, qui post diuortium uxoris, aliā duxerat. Illam uerò tantum à ministerio remouet, non autem rescindit alterum illud coniugium: nec ex communione Ecclesiæ illum eijcit.

Et licet post illa tempora, duriores semper hæc de re factæ fuerunt constitutiones: tamen & constitutiones & exempla quædam, retinuerunt ueteris Ecclesiæ humanitatem. Vt cap. 32. quæst. 7. citatur canon cuiusdam Concilij. Quædam cum fratre uiri sui dormiuit: decretum est, ut adulteri nunquā coniugio copulentur: illi uerò cuius uxor stuprata



prata est, licita coniugia non negentur. Item ex decreto Zachariæ: Coneubuiſti cum ſerore uxoris tuæ: ſi feciſti, neutram habeas: & ſi illa quæ uxor tua fuerit, conſcia ſcleris non fuit, ſi ſe continere non uult, nubat in Domino: tu autem & adultera, ſine ſpe coniugij permaneat. Ex concilio Tribuſienſi: Si quis cum nouerca ſua dormierit, neuter ad cōiugium peruenire poteſt: ſed uir eius poteſt, ſi uult aliam accipere, ſi ſe continere non poteſt. Et Gregorius ſcribit Bonifacio: Quod propoſuiſti, ſi mulier infirmitate correpta, non ualuerit uiro debitum reddere, quid eius faciat cōiugalis? Bonum eſſet, ſi ſic permaneret, ut abſtinentiæ uacaret: ſed quia hoc magnorum eſt, ille qui non poterit ſe continere, nubat magis.

Hæc ideo recitaui, ut rectius expendi poſſit, quale ſit Tridentinum anathema in 7. hoc Canone. Præcipue uerò ut conſideretur, ex quibus cauſis & rationibus, ueteris Eccleſiæ humanitas, poſt diuortium aliquando conceſſerit coniugia. Si Maſtratus exequeretur iudicium adulteri & adultera, Deuter. 22. Ezech. 16. & 23. non opus eſſet quæſtione illa turbatrice conſcientiarum. Sed quia Maſtratus ceſſat, conſulendum igitur eſt conſcientijs, ex uerbo Dei: ſicut Paulus perſonæ deſertæ conſulit ex illa regula: In pace nos uocauit

Deus. item: Ne laquei conſcientijs iniſciantur.

## Canon 8.

*Si quis dixerit Ecclesiam errare, cum ob multas causas separationē inter cōiuges, quo ad thoru seu quo ad cohabitationē, ad certū incertūue tempus fieri posse decernit, anathema sit.*

## EXAMEN.

Hæc est noua illa definitio diuortij, quod scilicet sit tantum separatio inter coniuges, quo ad thorum & quoad cohabitationem, manente interim etiam inter separatos uinculo matrimonij. Et talis quidem separatio sumpta fuit primum ex dicto Pauli, 1. Cor. 7. Si discedit, maneat innupta, aut uiro reconcilietur. quando scilicet non aderat uera causa legitimi diuortij. Incidebant uerò quedam aliæ grauiores dissensiones. Ibi cum diuortium fieri non posset, fiebat quadam secessio, postquam per reconciliationē cohabitatio redintegrabatur. Ex illa secessione postea facta est definitio diuortij: cū Paulus expressè cōtestetur, se non loqui de uero diuortio, hoc est, de dimissione et separatione, quæ præcepto Domini conceditur. inquit enim: Coniugatis præcipio, non ego, sed Dominus, uxore à uiro nō separari, nec uirum dimittere uxore. Quod igitur Paulus attexit: Si discedit, aut maneat innupta, aut uiro reconcilietur: non pertinet ad uerum

Et legitimum diuortiū, de quo Christus loquitur. Et tamen ex illo loco, Pontificij fabricant definitio-  
nem ueri et legitimi diuortij.

Secūdo. Christus ipsam dimissionē coniugis, nisi fiat propter causam fornicationis, pronunciat esse illicitā et illegitimā. Matth. 5. Dictū est antiquiss: Si quis dimiserit uxore suam, det ei libellum repu-  
dij. Ego uerò dico uobis, quia omnis qui dimiserit uxorem suam, excepta fornicationis causa, facit eam mœchari. Contra hanc uerò Christi sententiā, Pontificij decernunt, præter fornicationem, mul-  
tas alias esse causas, propter quas licita et legiti-  
ma separatio coniugum fieri possit.

Tertiò. Separationem seu dimissionem, quæ 1. Corin. 7. extra causam fornicationis describitur, Paulus nec suadet nec decernit, sed docet eam pug-  
nare cū præcepto Domini, qui præcipit non dis-  
cedere. Quando uerò coniuges contra illam Apo-  
stoli doctrinam et admonitionem, priuata contu-  
macia se separant, tunc Paulus suadet reconcilia-  
tionem: aut si hoc nolint, pronunciat ipsos debere  
sine coniugio manere. Sed 8. hic Canon dicit, ip-  
sam Ecclesiam ob multas causas, præter fornicatio-  
nem, decernere posse separationem.

Quartò. Christus Matthæi 5. dimissionem seu  
separationem coniugum, quæ fit præter causam  
fornicationis, ideo improbat, quia obijcit periculis  
uisionis, fornicationis et adulterij. Facit, inquit,

illam mœchari. Sed de his periculis, Pontificij non sunt solliciti. liberè enim decernunt separationem, ad certum incertum'ue tempus.

Quintò. Contendunt tale debere esse diuortiũ, in quo uinculum matrimonij nihilominus saluum maneat. Atqui in Pontificia illa separatione, uinculum coniugij, multis & uarijs modis soluitur & dirumpitur.

Nam ad uinculum matrimonij, pertinent hæ sententiæ: Et adhærebit uxori suæ. Faciamus ei adiutorium, quod sit coram ipso: Mulier non habet potestatem sui corporis, sed uir: Iterum conueniente, ne tentet uos sathan, propter incōtinentiam uestram: Non sunt duo, sed una caro, Et ipsum matrimonium, definitur indiuidua uitæ consuetudine. Hæc uerò uincula cōiugij, in Pontificia separatione, quo ad thorum & cohabitationem, soluuntur et dirumpuntur. Homines igitur contra decretum diuinitatis separant, quod Deus coniunxit.

#### Canon II.

*Si quis dixerit, prohibitionem solennitatis nuptiarum, certis anni temporibus, superstitionem esse tyrannicam, ab ethnicorum superstitione profectam: aut benedictiones, & alias ceremonias*



*remonas quibus Ecclesia in illis utitur, damnauerit, anathema sit.*

EXAMEN.

Olim in festo Natiuitatis, Paschatis & Pentecostes, celebrabatur frequens & sollemnis totius populi communio. Ne igitur nuptiarum cōuiujs, & reliquis pompis, turbaretur aut impediretur preparatio ad dignam communionem, bono consilio statutum fuit, ne in illis festis, & proximis diebus ante illa festa, pompæ nuptiarum celebrarentur. Postea cum collapsa esset consuetudo solennis communicationis in illis festis: hoc est, cum causa, finis & usus statuti illius desisset: ipsum tamen statutū retentū fuit. Et assui cœpit noua opinio, quasi sanctitas illorum temporum non posset ferre commixtionem carnis in copula coniugali, sicut quondam in sacris Bonæ Deæ matrone cogebantur se cubare. Hæc opinio taxatur & reprehēditur. Scriptura enim pronunciat, thorum esse immaculatū: item, esse castitatem & sanctificationem.

Canon 12.

*Si quis dixerit, causas matrimoniales non spectare ad iudices Ecclesiasticos, anathema sit.*

EXAMEN.

Quia matrimonium in Ecclesia normam ha-

bet ipsum uerbum Dei, et in causis matrimonialibus multi accidunt casus conscientiarum. Ecclesia igitur nō potest prorsus & simpliciter, causas matrimoniales à se, ad politicum Magistratum reijcere: sicut fit in causis hæreditatum, successionum, & similibus. Christus enim qui causam diuidende hæreditatis prorsus à se reijcit, Lucæ 12. quæstionem de diuortijs non similiter reijcit: sed ex uerbo Dei ostendit, quid cum norma institutionis consentiat, quid uerò pugnet. Ita Paulus 1. Corinth. 7. de causis matrimonialibus consultus, non reijcit totum negocium ad politicum Magistratum, sed conscientias ex uerbo Dei erudit. Ita Ambrosius respondet in quæstione matrimoniali, de gradibus prohibitis, lib. 8. epist. 66. Et in uetustis etiam Concilijs, quædam de causis matrimonialibus statuta leguntur. Nunquam uerò uetus Ecclesia causas matrimoniales ita ad suum forum transtulit, ut prorsus excluderet politicum Magistratum, maxime si Christianus esset. ferre enim leges, ad Magistratus officiū pertinet. Ita nō Episcopi, sed Theodosius imperator legem tulit, de consobrinorum coniugio. Augustinus de Ciuitate Dei lib. 15. cap. 16. Ambrosius epist. 66. Ita cōcilium Mileuitanū iudicat lege imperiali sibi opus esse, ad statutum de diuortijs. Talis tunc fuit coniunctio ministerij Ecclesiastici, & Magistratus politici, in causis matrimonialibus: quas postea pontifex et Episcopi prorsus ad

sus ad se rapuerunt, excluso simpliciter politico etiam Christiano magistratu.

DE CLANDESTINIS

matrimonijs.

*Tametsi dubitandum non est, clandestina matrimonia libero cōtrahentium consensu facta, rata & uera esse matrimonia, quādiu Ecclesia ea irrita non fecit: & proinde iure damnandi sunt illi, ut eos sancta synodus anathemate damnat, qui ea uera ac rata esse negant: quiq; falso affirmant, matrimonia à filiis familiās, sine consensu parentum contracta, irrita esse, & parentes ea rata uel irrita facere posse: nihilominus sancta Dei Ecclesia, ex iustissimis causis illa semper detestata est, atq; prohibuit, &c.*

EXAMEN.

Inter ipsos Pōtificios, si qui sunt saniores, agnoscunt & fatentur, matrimonia inscijs et inuitis parentibus cōtracta, nō esse legitimā aut diuinā cōiunctionē. Gropperus enim in institutione Coloniēsi, grauiſſi-

## 174 EXAMEN DECRETORVM

grauissimè inquit: Euaristi Canonè planè sanctissimum, cuperemus in Ecclesiam Concilio generali reuocari, ob clādestina illa matrimonia tollēda: quæ nūc passim nō palām, sed furtim inter pueros & puellas, citra parentū cōsensum, per lenones & lenas copulantur: uel inter stultos et temulētos, sola causa libidinis, non Dei respectu, sed diaboli instinctu cōiunguntur: idq; sæpenuerò præter destinatum consensum. Quis enim consensum rectè uocat, cuius non consilium, sed uel pueritia, uel temulentia, uel insidia, uel libido causa sint? Quis uerò nescit, quot stupris, quot periurijs, & id genus alijs criminibus, ac innumeris malis, clandestina illa matrimonia ansam præbeant? Et postea: Scimus Ecclesiam hæc matrimonia multo ex tempore sustinuisse, nec faciliè rescidisse: ne uitiatis puellis sua simplicitas fraudi, & adolescentibus impune foret, quòd puellis stuprum intulissent. Verum cū experientia doceat, hanc Ecclesiæ indulgentiam, innumeris malis abutentium uitio, ansam præbere: quis non uidet longè satius esse, ut clandestina illa matrimonia, quæ omnino Sacramenti rationē non habent, ab Ecclesia tollantur: seu decernatur saltem, ipsa matrimonij firmitatē apud Ecclesiam non prius habitura, nisi noui consensus robur accefferit, &c. Hæc ibi.

Et profectò grauissima habet hæc sententia documenta & firmanenta, ex iure diuino, iure naturali,



rali, iure civili, & ex ueteris Ecclesiæ constitutionibus.

Primum enim Ecclesia sentit & fatetur, coniugium esse talem coniunctionem, cuius autor, coniunctor & conciliator sit ipse Deus. Vt igitur coniuges statuere possint, se ab ipso Deo cōiungi: utq; ipsum benedictione sua, cœpto coniugio ad futurum sperare & petere possint: docēdi sunt, ne contra uerbū & mandata Dei, coniugia ineant. Neq; enim eius coniunctionis Deus cōciliator erit, quæ contra ipsius uerbum instituitur. Iam uerò patria potestas, non tantum iuris ciuilis est: sed mandatū diuinum liberos subijcit parentum potestati, ut illis in Domino obediant, in omnibus. Quomodo igitur legitima & diuina potest esse coniunctio, quæ instituitur uiolatione obedientiæ & reuerentiæ, quā ex mādato diuino liberi parētib; debēt?

Canonistæ quidam clāmitāt, nos affingere hoc 4. præcepto, quòd in contrahendis matrimonijs, patria potestas ex iure diuino habeat autoritatē super liberos: cum causæ matrimoniales uideantur exemptæ esse à 4. præcepto, per hoc dictum: Relinquet homo patrem & matrem, & adhærebit uxori suæ. Sed hoc dictum loquitur nō de sponsa, sed de uxore: hoc est, de matrimonio legitime iam contracto. Ipsa uerò Scriptura, & præceptis & exemplis, libero rum matrimonia contrahenda includit in 4. præceptum. Parentibus enim man-

dat,

dat, ut ipsi uel filias elocent, uel filijs uxores acci-  
 piant. Deut. 7. Iere. 29. Et Abraham, pro iure pa-  
 triæ potestatis, quasi testamento cauet, quam uelit  
 uxorem filio accipere, & qualem nolit à filio dus-  
 ci. Et in nouo Testamento, Paulus I. Cor. 7. ubi di-  
 sputat de uirginibus uel seruandis, uel elocandis,  
 consilium illud præscribit parentibus. Ius igitur di-  
 uinum tribuit patriæ potestati, auctoritatem super  
 liberos, non tantum in ciuilibus contractibus, sed  
 expressè etiam in cōtrahendis matrimonijs. Quar-  
 tum igitur præceptum, de reuerentia & obedien-  
 tia liberorum erga parentes, expressè & in specie  
 complectitur etiam contractum matrimonij. Et  
 quidem patriam potestatem posse matrimonia sine  
 consensu parentum contracta, uel rata uel irri-  
 ta facere, Deus expressè in lege sua ostendit. Extat  
 enim lex diuina, Deut. 22. Si quis uirginem stupra-  
 uerit, dabit patri tot siclos, & habebit eam uxo-  
 rem: nec poterit eam dimittere, cunctis diebus ui-  
 tæ suæ. Audis illum de iure debere eam uxorem  
 habere, si pater consenserit. Sed Exod. 22. Inter-  
 cessione patriæ potestatis, illud potest uel ratum  
 uel irritum fieri. Si enim pater uirginis, eam stu-  
 pratori dare noluerit, non potest eam habere u-  
 xorem. Imò si uirgo, quæ adhuc est in patria po-  
 testate, ipsi Deo aliquid uouerit, uotum illud irri-  
 tum potest reddi, contradicente patre: Num. 30.  
 Multo magis ergo patria potestas auctoritatem ha-  
 bebitorum

bebit in promissione matrimoniali, facta citra parentum consensum.

Quia igitur res ardua est, contractum matrimonij ita instituere, ut Deus ipse matrimonium coniungat, copulet & conciliet: queritur, quomodo Deus illud faciat? Non autem sine medio illud facit, sicut Adamo Euam adduxit: sed per certa & legitima media. Illa autem quae sint, in explicatione 4. praecepti ipse ostendit. Quando igitur hisce medijs spretis & conculcatis, instituitur contractus matrimonij: num homo pronunciabit esse legitimam & diuinam coniunctionem? Haec certe ratio grauiissima est, ex iure diuino sumpta.

Secundò. Quòd haec sententia sit non tantum iuris ciuilibis, sed & naturalis, leges ciuiles ostendunt. ut in Digestis de ritu nuptiarum. Nuptiae consistere non possunt, nisi consentiant omnes: hoc est, qui coeunt, quocunque in potestate sint. Et Codice de nuptijs: Obseruatis iuris praeceptis, sociare coniugio tuo quam uolueris, non impedieris: ita tamen, ut contrahendis nuptijs patris tui consensus accedat. Et Instituti, de Nuptijs: Iustas nuptias inter se ciues Romani contrahunt, qui secundum praecepta legum coeunt: masculi quidem puberes, & foeminae uiripotentes: & consensum habeant parentum, quorum in potestate sunt. Nam hoc fieri debere, & ciuilibis & naturalis ratio suadet, in tantum ut iussus parentis praecedere debeat.

Tertiò.

Tertiò. Veteris Ecclesiæ constitutiones eandem sententiam, & quidem magna grauitate tuentur. Extat Euaristi constitutio, edita circa annum Domini centesimum, quæ inquit: Aliter legitimum nõ sit coniugium, nisi ab his qui super ipsam foeminã dominationem habere uidentur, & à quibus custoditur, uxor petatur, & à parentibus & propinquis sponsetur, &c. Ita peracta legitima scitote esse connubia: aliter uerò præsumpta, non coniugia, sed adulteria, uel contubernia, uel stupra, aut fornicationes potius quàm legitima coniugia esse non dubitatur: nisi uoluntas propria suffragauerit, & uota succurrerint legitima. Addit autem Euaristus: ita à patribus accepimus, & à sanctis Apostolis, eorumq; successoribus traditum inuenimus. Et circa annum Domini 390. quæ fuerit Ecclesiæ de hac questione sententia, ex Ambrosio colligitur, qui de historia Rebeckæ, in libro de patriarchis inquit: Consulitur Rebecca non de sponsalibus. Illa enim iudicium expectant parentum. nõ est enim uirginalis pudoris, eligere maritum. sed de die profectiois cõsulitur. Et addit Ambrosius, hanc sententiam esse legis naturæ: Pleriq; inquit, Euripidion illud miratur, ubi mulier cum ad alias nuptias petebatur, inquit: Sponsaliorum meorum pater meus curam sibi subiit: hoc enim non est meum. Ergo quod & ipsi philosophi mirati sunt, seruare uirgines: & non solum uirgines, sed & si  
qua



qua uidua uult nubere, nubat in Domino, ita ut electionem mariti, parentibus deferat, &c.

Et circa annum 436. Carthaginēsis 4. synodus ostendit usitatum fuisse, ut ad testificandum parentum consensum, sponsus & sponsa à parentibus in Ecclesia sacerdoti benedicendi offerrentur.

Circa annum Domini 450. Leo pontifex statuit, ita secundum legem & Euangelium, publicis nuptijs in coniugium liquidè aliam sumi, si sponsa à parentibus tradatur sponso. Idem dicit: Paterno arbitrio foeminae uiris iunctæ, carent culpa.

In concilio Toletano 4. circa annum Domini 630. decretum est, ne uirgines extra uoluntatem parentum, uel suam, cogantur maritos accipere.

Et circa annum Domini 865. Bulgaris recens ad fidem conuersis, ita scribit Nicolaus de consuetudine Romanæ Ecclesiæ: Apud nostrates sponsalia foedera, quæ futurarum sunt nuptiarum promissio, consensu eorum qui hæc contrahunt, & horum quorum in potestate sunt, celebrantur. Hæc extant in decretis, causa 30. & 32. quæ iuxta seriem temporum distribui: ut eo clarius perspiciatur, recentem esse Pontificiam constitutionem, de ratis habendis clandestinis matrimonijs, dissentientem à sententia ueteris Ecclesiæ.

Conuenit etiam huc quod 36. quæst. 1. & 2. scribitur de raptoribus, qui puellam uiolenter à domo patris abducunt, ut corruptam in uxorem habeant

beant. Ibi enim sancitur, ex Aureliēsi synodo, etiā si puella raptori consenserit, tamen reddendam esse potestati patris. Et Gregorius dicit: Cum rapta patrie potestati restituta fuerit, & raptor rapinae suae poenitentiam egerit, cum uoluntas parentum utriusq; in unum conuenerit, non prohibentur ad inuicem copulari.

Et haec praecipue intelligenda sunt, quando res adhuc est integra. Quando enim matrimonio consummato, secuta est commixtio: tunc ad uitanda maiora scandala, & ne iniuria fiat uitatae & desertae mulieri, seruari potest dispensatio, quae extat Deut. 22. Habeat eam in uxore. Atque ita Ambrosius Sisyphio patri consulit, simul tamē etiam culpam filij fatetur, libro 6. epist. 43. Imò tolerauit hoc Isaac in Esau.

Si uerò parentum uel negligentia uel duricies, illa sua potestate abuteretur, & non uellit liberis prospicere de coniugio, uel conaretur impedire honesta matrimonia, aut cogere inuitos ad incommodas coniunctiones: certa iuris remedia huic abusi & opposita sunt, & alia opponi possunt.

Audi uerò, qualia ἀνέγκει Tridentina synodus de hac questione statuatur. Fatetur, Ecclesiam talia clandestina matrimonia semper detestata esse, atq; prohibuisse: & tamē simul anathemate damnat eos, qui ea uera ac rata esse negant. Potest ne igitur detestanda & prohibita coniunctio, facere

uerum matrimonium? hoc est: detestanda & prohibita coniunctio, iuxta Tridentinum concilium, est legitima & diuina coniunctio. Atqui Euaristus pontifex Romanus, ante annos 1450. Pronunciavit, non esse uera matrimonia: idq; ex Apostolorum traditione. Ipsos ergo Apostolos Tridentina synodus anathemata damnat. Addit autē Ecclesiam, hoc est Pōtificem cum suis praelatis, posse facere ut irrita sint talia matrimonia: quādiu uerò hoc non fecerit, anathemate damnandos esse, quicumq; ex uerbo Dei, ex iure naturæ, & ex ueteris Ecclesiæ constitutionibus, negāt ea esse uera & rata. Et uel hinc iudica, qualia sint Tridentina anathemata. Manifestè enim ostendunt, quare pro clandestinis matrimonijs dimicent: non quòd sint uel uerbo Dei, uel ueteris Ecclesiæ constitutionibus consentanea: sed tantum propter retinendam & stabiliendam Pontificiorum tyrannidem. Fatentur enim se posse, si modo uellent, facere ut irrita sint talia matrimonia: sed quamdiu hoc facere nolint, omnes diuersum sentientes debere anathema esse. Et satis quidem hæc, pro imperio Pontificio.

## Canon 9.

*Si quis dixerit, clericos in Sacris ordinibus constitutos, uel regulares castitatem solenniter professos, posse matrimonium contrahere, contractumq; ualidum esse, non obstante lege Ecclesiastica uel uoto: & oppositum nil aliud esse, quàm damnare matrimonium: posseq; omnes contrahere matrimonium, qui non sentiunt se castitatis (etiã si eam nouerint) habere donum, anathema sit: Cum Deus id rectè petentibus nō deneget, nec patiatur nos supra id quod possumus, tentari.*

## Canon 10.

*Si quis dixerit, statum cōiugalem anteponendum esse statui uirginitatis uel cœlibatus: & nō esse melius ac beatius, manere in uirginitate aut cœlibatu, quàm iungi matrimonio, anathema sit.*

Dispu.





CONCILII DETRIDENTINI. 1283

Disputatio de uirginitate, & coelibatu clericorum, nō potest breuibus absolui. Restant etiam loci nonæ Sessionis, de purgatorio, de reliquijs, imaginibus & in uocatione sanctorum, de indulgentijs, de delectu ciborum, de ieiunijs, de festis. Sed quia secunda hæc pars examinis, præter opinionem excreuit, & alijs causis quo minus nunc progrediar, impedior: illa igitur quæ restant, peculiari aliquando tractatu, si Deo uisum fuerit, & Ecclesie utilitas flagitare uidebitur, explicabimus.

SECUNDÆ PARTIS EXAMINIS  
decretorum Tridentini Concilij,  
F I N I S.

VA 1

1527887









